



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GP 83.42c



A E

INITIA
PHILOS.
PLATONICAE.

Pars I.

ms

IDE.

PARS PRIOR.

TRAJECTI AD RHENUM,
APUD JOANNEM ALTHEER.

1827.

Gp 83.429

Harvard College Library
Bowie Collection
Gift of
Mrs. E. D. Brandegee
Nov. 9, 1908
(3 vol. in 4)

117.12

EXCELLENTIS INGENII DOCTRINAEQUE VIRO

FRIDERICO CREÜZERO

S. P. D.

PHIL. GUIL. VAN HEUSDE.

Cum saepenumero te cogitavi, praestantissime Creuzere, ex quo Heidelbergae a te discessi ante hoc triennium; tum numquam crebrius lubentiusque, quam per omne tempus, quo haec conscripsi *philosophiae Platonicae initia*. Nam Platoni adhibens scripta tua praeclara, cui lucis asserunt quam plurimum, ipsorum sponte auctorem mentē mihi et cogitatione repraesentabam. Et instaurabatur mihi simul sermonum recordatio suavissimorum, quos de Platone et antea habueramus et tum renovavimus. Quorum haec fere vis apud me fuit, ut doctrinam suspicerem tuam, infinitam illam et reconditam, colerem autem animum tuum probum, integrum, apertum, tum vero amarem te propter

A

com-

communem nostrum Platonis amorem. Nam si quis alius ex antiquitate scriptor, Plato sane jungit animos, quippe studium excitans virtutis, quo copulamur facillime: imo incendit nos vehementi quodam pulcri bonique amore, ut una cum virtute ipsum diligamus philosophum et quicumque et illum et virtutem diligunt. Quo factum, ut carus nobis in primis esset Wyttenbachius ὁ φιλοπλάτων: quem tu coluisti, ut amicum conjunctissimum, ego vero ut doctorem et alterum quasi parentem et colui et veneratus sum. Nam quidni hoc nomine illum vocem, cui novam veluti vitam debui? Et apud me quidem ejus memoria proxime est cum Platonis amore conjuncta, quippe quem excitavit, certe aluit mirifice et confirmavit. Quamobrem quod de Socrate Phaedo, idem ego de hoc meo Socrate lubens profiteor, de eo vel ipsum loqui, vel alios audire loquentes, longe mihi jucundissimum esse. Nec tibi, spero, injucundum erit, vir amicissime, de communi amico me audire narrantem. Non celebrabo viri doctrinam, quam tu sane unus omnium maxime aestimare potes; nec vitam ejus scribam, quod egit eruditissimus Mahniius, pie, debite, accurate, docte, ut germanum decebat viri discipulum; sed exponam simpliciter, quis meus fuerit sensus, cum eum primum convenire: qualis esse mihi deinceps visus sit in literis tractandis et instituendis: praesertim quae ejus fuerint in me merita et illis temporibus et deinceps perpetuo, quoad mihi frui ejus consuetudine et

et suavitare licuit. Quod te non latere oportet ad has judicandas disquisitiones Platonicas, me vero exponere jubet cum pietas, tum grati animi sensus.

Numquam sane ille dies animo excidet meo, quo recens Amstelodamum delatus, ut studiis operam navarem, primum et vidi virum et cognoscere coepi et exarsi simul incredibili optimarum artium studio. Nam tametsi jurisprudentiae destinatus, legeram tamen unum alterumque Platonis dialogum, excitatus cum dicto Ciceronis: *Quis enim uberior in dicendo Platone? Jovem ajunt philosophi, si Graece loquatur, sic loqui*: tum Nodellii adhortatione, hunc locum mecum legentis et celebrantis, viri in paucis cultissimi mihiq̃ue desideratissimi, quo nemo facile animos juvenum poetarum amore incendit efficacius. Is autem narrare subinde de Wyttenbachio solebat et efferre ejus laudes: hunc principem jam esse literarum: edere Plutarchum, palmarium opus: se ipsum apparatus vidisse aliquando et obstupuisse: haud quidem eum poetas amare, certe recentiores Latinos; sed antiquos in succum et sanguinem vertisse: Platonem vero admirari, sublimem philosophum, sublimem pariter poetam, intelligere autem illum neminem mortalium magis. In quibus dictis erant, quae non continuo assequeretur: nam equidem devoraveram poetas; sed quod de Platone acceperam, hoc memori pectore recondebam. Placebat enim hic mihi vehementer, nec quidquam optabam magis, quam ut talis mihi obtingeret divini philosophi interpres,

A 2 .

pres,

pres, qualis adhuc obtigisset poëtarum veterum et recentiorum. Itaque gratum mihi accidebat dilectissimi patris consilium, ut Amstelodami uterer celebratissimâ Crassii institutione, quippe conjunctâ, uti acceperam, cum Ciceronis et antiquae philosophiae studio: sed idem mihi erat longe gratissimum, ut aditum mihi sponte praebiturum ad principem illum Platonis interpretem, quem jam dies noctesque cogitabam, Wyttenbachium. Hunc igitur ut adii (vespera erat: tempus et locum memini) quaerere ille continuo de studiis meis et progressibus: ego de Nodellio narrare et de scriptoribus a me tractatis, maxime poëtis: ille librum mihi in manus dare qui praesto erat, et locum monstrare quem legerem et interpretarer: erant ipsius Selecta Historicorum modo edita, locus autem Thucydidis de peste Athenarum: ego subtimide legere, nec probe interpretari. Tum nescio qua opportunitate, sed fiebat Platonis mentio. Hic ille, tu, inquit, Platonem legisti? Non legi, inquam, sed percurri Apologiam et Phaedonem: cuperem autem legere et intelligere, et hac spe Amstelodamum veni, ut tuis uterer lectionibus, et, si liceret, monitis item tuis et sermonibus. Placebat responsum viro summo: certe extemplo mutari videbatur totus. Nam explicabatur frons contracta, aberat severitas illa in tironem scilicet suscepta male legentem et male interpretantem: aderat in vultu mira comitas et benivolentiae significatio. Macte, sodes, inquit, virtute tua: nam de
eo

eo non desperandum, cui semel Plato placere coepit, ut de Cicerone ait Quintilianus. Nostine hos auctores? Tum ille continuo vinum postulare et pocula: nos autem mensae assidere, et inter Socratica pocula, sic vocabat, confabulari iucundissime.

Quoties ego, dilectissime Creuzere, in vesperae illius memoriam redeo, redeo autem saepissime, toties admiror ingenium viri plane Socraticum. *Sermones erant de Quintiliano et Cicerone primum, mox de Platone*, apti illi mirifice ad proliciendum, si quid menti meae inesset: quod intellexi postea. Tum enim suspicabar nihil: satis habebam, si satisfacere quaestionibus possem. Nec vero hoc multum habebat difficultatis. Imo mirum in modum (fatebor enim) mihi ipse placebam, qui tanto cum viro colloquerer eadem facilitate, majore etiam, quam cum aequalibus multis. Nam quae animo senseram de Homero, de Xenophonte, in primis de Platone, obscura adhuc et confusa, nunc clara erant et videbantur mihi egregia. Discessi tandem a viro optimo triumphans, et nescio quid magni et excelsi animo volvens et spe praecipiens. Sed domum redux et animo repraesentans, quae videram, quae audiveram, quae dixeram omnia, stupore paulatim defixus sum. Dolor successit exultanti gaudio. Nam cogitans, qualis quantusque ille esset, quem adspexeram et adspicere etiam nunc mihi videbar, et in me respiciens, qui vix quidquam scirem, in te

gendo adeo et interpretando haesissimam: haec animo volvens, prorsus mihimetipsi displicebam. Sed dolor ille, quamvis gravis illa nocte et molestus, idem ille deinceps profuit mihi, imo vero salutem attulit. Ab illo inde die coepi me cognoscere, intelligere quid mihi deesset, inquirere quo illud pacto possem assequi. Quid quaeris? Vivere ab hoc inde tempore coepi, si quidem vivere non est spiritum ducere, sed animum explicare ad percipienda praeclara omnia, in iisque felicitatem quaerere. Hac arte Socratica, ut ipse sum usu expertus, excelluit Wyttenbachius. Nec mirum iccirco, tantum profuisse ejus disciplinam juventuti, quantum paucissimorum. Media haec erat inter duas rationes extremas, quae aegre evitantur. Haud erat difficilis, dura, aspera, restringendis ingeniis, quam excitandis, aptior: nec erat tamen tota ad delectandum composita. Ex hac leves, vani, futiles solent procedere, ex illa tristes et morosi homines. Habebat hoc proprium et singulare, ut ad rem tenderet ipsam, non deflecteret in ambages tortuosas et inanes, in quibus frustra fere omnia consumitur diligentia. Grammaticam v. c. scriptorum interpretationem nemo illo umquam vel commendavit magis vel propugnavit: nec tamen erat *Grammaticus*, qui vulgo dicitur, i. e. homo, qui in voculis et syllabis haerens, leges semper loqueretur sive *regulas* artis earumque varietates et exceptiones. Adhibebat illa omnia continuo ad ipsa scripta Veterum cum explicanda rite, tum, ad
opus

opus esset, emendanda. Sic minutissimae animadversiones Grammaticae instar videbantur gravissimarum. Nam pertinebant non ad lites et controversias Grammaticorum de levissimis rebus gravissimas, ut novimus, et pertinacissimas; sed valebant ad Homeri, ad Platonis, ad immortalia excellentissimorum ingeniorum monumenta illustranda atque integritati restituenda, in quibus vel tenuissimam labem quam aegerrime toleramus. Quod cognovi deinceps, quum legeret ille mecum Platonem. Nam afferre ei identidem solebam loca difficiliora, quae non intellexissem: ille autem vespertinis potissimum horis inter Socratica, si non pocula, certe monita et colloquia, quae longe mihi accidebant dulciora, una mecum erat in Bibliotheca et totum se mihi dabat. Legens igitur mecum loca illa, singulis diligentiam adhibebam summam, ut exquireret primum verborum structuram, tum singularum vocum dictionumque usum et significationem, ne minimis etiam particulis omissis. Quibus singulatim patefactis, haud desiderabam ego universae sententiae interpretationem. Nam, eo duce, sponte mihi videbar eam totam esse assecutus. Tum vero, explicito loco, ego fere ad alium progredi et festinare, quem pariter intelligere averem: ille vero non sinere. Lente, o bone, inquit, festinandum est nobis: nondum enim Atticam formam attendimus, nondum Platoniam, nondum exquisitum verborum usum, exquisitam nondum totius sententiae elegantiam. Fie-

bat ita non raro, ut una sententia, unum etiam vocabulum per integram nos horam retineret. Cujus tamen me morae neque tum taedebat, neque vero postea poenituit. Nam oculis ille explicandis, explicabat mihi simul et commendabat sponte Graecae linguae dotes admirabiles, Atticae dialecti venustatem, ipsam urbanitatem Atticam: eloquentiae in primis vim nativam, quae non in tropis, figuris, imaginibus ornamentisque oratoriis cernitur, sed proprio exprimitur et exquisito verborum usu: apud Platonem praesertim, cujus verbis et dictionibus tota antiquitas quam plurimum tribuit auctoritatis. Itaque frequentia erant ejus monita: mitterem novitios philosophos, qui de Platone ejusque philosophia scripsissent: mitterem compendia philosophiae Platonicae: ducerem hanc ex ipso Platone: nam fontem esse petendum, non rivulos, fontem autem esse maxime ipsam Platonis linguam, quippe quae mentis philosophiaeque Platonicae quasi expressam contineret imaginem. Haec ille crebro et tum et postea. Quodsi nunc ego hac interpretanda philosophia quodammodo videbor operae pretium fecisse, totum hoc debueram vespere illis Amstelodamensibus, quas in Bibliotheca transegi Wyttenbachiana. Nam e sermonibus, quos illic mihi habere licuit cum humanissimo viro, fructum cepi sane multiplicem, ut diligentiam adhibere tam minimis rebus, quam maximis, discerem: perspicere plane, neglectis illis minimis, majores amplioresque cognosci nul-

la

lo pacto posse: grammaticae interpretationis vim persentirem et necessitatem: cognoscerem Grammaticorum libros eorumque interpretes, et sic mihi ipse quasi instrumentum pararem, quo Platonicos mihi dialogos aperirem: tum vero hunc fructum inde percepi longe uberrimum, ut facillime inducerer, quod sine duce perquam est difficile, in Platonis singularem plane scribendi philosophandique rationem: quae ut tota diversa est a recentiorum consuetudine, ita a paucis omni aevorite intellecta est. De regulis autem sive Grammatices sive alius cujuslibet artis sic eum postea saepe audiui disserentem. Frigent, inquit, istae sine artium operibus palmariis, e quibus ductae sunt: his vero cognitis, insignem habent ad diligentius eas explorandas utilitatem. Magni equidem facio Grammaticorum libros, nec artis compendia sperno, nec vero regulas, quae utrisque continentur; sed hae juvenibus maxime cognoscendae sunt ex ipsorum veterum lectione. Jungere eos oportet Grammatices studium cum studio poetarum, historicorum, oratorum, ipsarum artium ingenuarum, quas didicisse fideliter

emollit mores nec sinit esse feros.

Et hoc itinere sane quam jucundissimo facile et firme progredientur ad interiorem Grammatices scientiam. Ita enim judico: nullus umquam in hac arte magnus exstitit vir, nisi qui in ipsis scriptis veterum vitae tabernaculum posuit. Haec ille. Scholasticae omnino rationi repugnabat tota

viri disciplina: quod e scriptis ejus omnibus patet, maxime e Selectorum praefatione et vita Ruhnkenii. Habebat quidem illa nonnihil severitatis, incipientibus maxime et progredi nolentibus; neque vero ipse vir statim placebat omnibus. Sed ut ipse, ita ejus institutio quo cognoscebatur interius, eo magis unumquemque capiebat ac tenebat. Nam referebat Horatianum illud idemque Socraticum, scholasticae consuetudini contrarium:

Doctrina sed vim promovet insitam.

Sed facta, Creuzere, Vitae Ruhnkenianae mentione, ultro recordor loci in Vita tua, a temetipso nuper miro candore descripta, ubi fateris, hoc Wytttenbachii scriptum vim in te habuisse maximam ad studia haec regia via persequenda. Quod ut legi, dici non potest, quantopere delectarer. Nam videbam, Creuzero meo idem illo tempore, quod mihi, accidisse. Quae similia in amicorum rebus maxime valent ad animorum conjunctionem. Et sane mirari sic desii, eandem te in his literis colendis rationem ingressum esse, quam tenuerunt Wytttenbachius, Ruhnkenius, Valckenarius, Hemsterhusius, eadem te, atque heroes illos, secutum esse et assecutum. Ego vero librum legi cum ipso Wytttenbachio. Nam paucae erant paginae typis expressae, quum Leidae ejus hospitio utebar. Huc enim migraverat pietatis causa erga Ruhnkenium suum, ad rem provehendam calamitosae domus Ruhnkenianae. Alto igitur mane legebam solus, quae jam prelo exierant: tum proxi-

ma

na persequabar. cum ipso auctore, qui e scriptis suo praelegebat. Jucundiores horas me per totam vitam transigere non memini. Quod enim dicunt fere qui Vitam illam legerunt, rediisse se plane in illa tempora, quibus vixit Ruhnkenius, hoc mihi jam contingebat omnium maxime. Nam abrum-pens ille subinde lectionem, narrabat suavissime de Ruhnkenio, de Valckenario, de sua juven-tute, quum adiret primum hos literarum prin-cipes. De quibus *ambulantes identidem* et rusti-cantes perpetuos miscebamus sermones. Ino intra-bamus subinde ipsas Ruhnkenii aedes, ubi comi-ter blandeque nos excipiebat elegans elegantissimi viri filia, lubens de patre narrans et de viris ce-leberrimis, qui in ipso illo conclavi, ubi aderam, cum Ruhnkenio fuissent. Vivere mihi videbar au-reo quodam saeculo. Sed quod mirum videatur, et tamen est verum: memoriam sic recolenti sum-morum virorum, et recolenti cum Wytttenbachio, eorum successore, vix mihi in mentem veniebat, cum tanto me viro loqui. Absens postea in bestis-simi temporis memoriam rediens, cogitavi mecum saepe numero, cum illo me tum de literarum prin-cipibus egisse, qui nulli eorum cederet ipse, quem amavisset Valckenarius, dilexisset Ruhnkenius, ve-nerarentur quotquot in Europae regionibus litera-rum laude florent. Sed praesens illo tempore, mirabile dictu! quamvis haec quotidie legens in Vita Ruhnkenii, vix animadverteram: colloqui mihi vias factam non cum aetate eorum omnium, sed

sed cum discipulo. Est hoc scilicet, Creuzere, magnis ingeniis proprium, quod ne suspicantur quidem homines leves et vani, ut lateant maxime tum, quando hi maxime splendent, id est, quando sermo est de magnis viris. Quod tu autem scripsisti, lecto Wyttenbachii libro, absteritum te magis fuisse continuo, quam allectum, perfectâ illâ Critici imagine: et hoc pariter, imo multo magis etiam et merito, evenit mihi. Leidam reliqui, ut ante biennium illâ vespërâ domum Wyttenbachii, primum hilaris sensu et recordatione perceptae voluptatis; sed moestus deinde et mihi displicens. Verum enim haud temere et hunc mihi dolorem injecerat Socrates ille meus.

Annum deinceps mansi Amstelodami, quippe jurisprudentiae, ut dixi, a patre destinatus. Et habebam illic amicos conjunctissimos, quibuscum adhuc conjunctissime vixi. Habebam Hieronymum Boschium, elegantissimum virum, quo terra non tulit candidiorem, quique me ut filium diligebat: et vero claros habebam praeceptores Crassium, Swindenium, Lennepium item, qui modo Wyttenbachio successerat: quamquam hic, pro singulari viri humanitate, amico me malebat, quam discipulo, uti. Verumtamen Wyttenbachium meum semper cogitans et in oculis ferens, impatiens morae, Lugdunum deinde discessi.

Ab hoc autem tempore magis deinceps sive animadvertere sive suspicari coepi, quae tandem esset Wyttenbachii praestantia. Nam antea, ut fert ju-

VC-

venilis aetas, admiratus fueram virum, sed haec item fueram admiratione contentus. Quodsi quaeris, Creuzere, qualis mihi et tum et postea apparuerit vir summus: narraui de adolescentia mea, quo tibi evidentius pateret disciplina ejus admirabilis, simplex illa, sed efficax ad studium antiquitatis in discentium animis excitandum. Congruabat autem haec disciplina cum indole ipsius et naturalibus studiis. Nam, ut paucis complectar, et natus videbatur ad literas tractandas antiquas, et his tractandis quasi antiquus esse factus. Sic iis a puero fuit imbutus, ut quicquid diceret, quicquid scriberet, quicquid adeo cogitaret, antiquum haberet colorem, ex ipsa videretur antiquitate profectum. Latine loquebatur in lectionibus publicis, ut sua quisque lingua loqui solet: imo vero ut pauci loquuntur. Nam oratio fluebat pura, limpidi, numerosa, luminibus distincta, nullis inquinata recentioris aevi sordibus: et fluebat quasi sponte sua, ut quid esset dicturus vel qua ratione, haud cogitare videretur. Et tamen nil desiderabatur ad verborum proprietatem, elegantiam, disputationis ordinem. Nec haesitabat umquam, si res declarandae aut significandae essent novae, antiquis ignotae, nec habentes ideo nomen Latinum. Nil occurrebat quin significaretur apte et perspicue declararetur, ut veluti oculis pateret. Nam in docendo haec singularis quaedam ejus dos erat, perspicuitas summa, cui tribuebat etiam plurimum. Solebam identidem domi reputare, quae
in

in scholis explicuerat, et recolligere voces et verba, quibus singula illustrasset. Vix quicquam mihi occurrebat nisi barbarum, quo res nostri aevi appellarerem. Scilicet non vocem ille usurpaverat propriam quamdam et peculiarem, sed toto orationis habitu, qui antiquus erat, sic rem novam declaraverat, ut ipsi verosimiliter antiqui fecissent, si notionem habuissent, verbo caruissent. Itaque nemo erat audientium, exceptis, quos ipse vocabat, ἀμουσίοις καὶ ἀπειροκάλοις ἀνθρώποις, quin fructum caperet ex ejus institutione, nemo autem plane, quin audiret eum perlubenter. Lugduni habuit orationem *de adolescentia Ruhnkenii, in exemplum proposita adolescentibus Batavis bonarum literarum studiosis*, unicam, cui equidem interesse potui. Qua ad finem perducta, domum redibam cum amicis et aliis item juvenibus. Erat autem in iis nescio quis, sed nec doctus nec doctrinae studiosus, quamquam bonus homo, saltem apertus. Hic mirari se dicebat quod hac ipsa hora ipsi accidisset. Nam forte et casu se in auditorium venisse: haud satis enim Latine scire, ut doctos illos viros intelligeret: mansisse tamen per duas horas continuas immotum fere: intellexisse enim verbotenus omnia, quae orator ille dixisset. *Mirum*, inquit, *negotium! nam omnium iste doctissimus dicebatur, imo monstrum eruditionis*. Quod hominis dictum nos omnes continuo advertebat, mihi autem saepe in mentem redit, quando vel de Wyttenbachio loquor, vel de vera et eruditione et eloquentia.

Sed

Sed ut oratio viri referebat plane Latinorum suavitatem scriptorum, ita tamen non tota ex hisce erat ducta et expressa. Id non ferebat studiorum ratio, quam ab initio instituerat. Nam anteaquam ad scriptores hosce accessit, adierat degustaveratque fontes, e quibus hi ipsi ora rigaverant, Atticos maxime et Socraticos, Demosthenem, Xenophontem, Platonem. Sunt qui Latine sic scribant et loquantur, ut occurrant subinde vestigia sive *Nepotis*, sive *Ciceronis*, sive *Taciti*, quorum alii alium maxime secuti sint. Sed ille Graece cogitabat: sponte sic ejus sermo Xenophonteus fiebat, ut fuit *Nepotis*, et *Platonicus*, ut nonnumquam fuit *Ciceronis*. Hinc color ille, ut ita dicam, Graecus, qui ut dominatur in Latinis scriptoribus antiquis, ita placet in Wyttenbachii oratione. Id omnes animadvertere possunt in viri scriptis, ego autem saepe deprehendi, quando in lectionibus exponebat aliquid vel narrabat, confabulans fere nobiscum suavissime. Atticus plane sermo erat, non ductus ex Latino quodam auctore, sed spirans Socraticam suavitatem, leporem, facetias, ut in Xenophontis occurrit *Memorabilibus*. Graece scribebat eadem, si non facilitate, certe elegantiam et puritatem, qua Latine. Quod vidi in epistolis Graecis, quas animi causa subinde ad amicos scripsit: dolebatque vehementer, a renatis inde literis Latinam linguam, non Graecam, in literata civitate receptam fuisse. Difficillimam enim rem esse, sic scribere Latine, ut tibi metipso

et

et aliis satisfacias. Haud quidem deesse huic linguae dotes plane singulares, gratiam, concinnitatem, gravitatem. Quid enim Ciceronis epistolis elegantius? Quid ejus orationibus gravius et magnificentius? Epistolis illis nil simile protulerunt umquam Literae Graecae. Sed deesse, in formae commendatione, vim interiorem, copiam, ubertatem. Haud inest linguae, dicebat, philosophia: quod omnes sunt experti, qui Latine studuerunt philosophari, quod reapse probat ipsa lingua, nomen quippe philosophiae aliunde nacta, proprio carens. Eo vero magis id omnibus agendum, qui in literis velint excellere, ut a Graecis ordiantur, in quibus φιλοσοφία et nomine et re exstat, et praeparat animos ad Latinarum studium literarum, imo ad nullas non artes et doctrinas et facile percipiendas et strenue provehendas. Hacc Wyttenbachius: qui sane quod aliis praecipiebat, ipse et secutus fuerat et sequebatur constanter. Nam captus a puero hac linguae Graecae et Graecarum literarum ubertate et elegantia, diu in hisce versatus est et habitavit plane, antequam ad Latinas progrediretur. Tum vero in Nepote, in Cicerone Atticam deprehendens gratiam et vim philosopham, pari utrasque amore amplexus est. Nec quidquam habuit per totam vitam antiquius, quam ut cole-ret illas, aliosque ad eas colendas excitaret et adduceret. Sed ut ea quae nobis placent, diligentius solemus attendere, et si quid adsit, quod vel displiceat, vel non plane continuo pateat, id pate-

fa-

facere nobis vel tollere studemus: ita ille incredibili ductus antiquitatis admiratione, non satis habebat legere scriptores antiquos et admirari: processit sponte ad expediendum et illustrandum, quod in iis esset impeditum aut obscurum: ad emendandum, si quid corruptelae tractu temporis contraxis-
sent: tum vero ad tollendum et ejiciendum, quidquid in iis deprehenderet alienum et suppositum. Quo ipse se fateri solebat accessisse non laudis studio, sed maxime ipsarum caussa literarum, quas nempe amaret, quibusque prodesse studeret. Nec vero exantlare quis possit tot illos et tantos labores, quot quantique suscipiendi sunt Critico, nisi amore ducatur literarum, ut prouti amantes pro amatis, sic ipse pro hisce deliciis suis nil non sustineat et perpeti et perficere. Criticorum fere misera fuit vita, si sermones accipimus vulgi et hominum vulgarium. Et sane magnam vitae partem transigunt libris legendis parum venustis Grammaticorum, Rhetorum, Scholiastarum, Lexicographorum: codicibus excutiendis, comparandis, censendis MSS: inquirendo, meditando, et, quod pessimum est, frustra saepenumero molestissimis perferendis laboribus. Haud dulcia haec videntur mulierculis, nec elegantulis etiam hominibus, qui istarum instar, leviora tractant et suaviora. Nec nobis profecto, Creuzere, haec omnia per se videantur magnopere expetenda. Imo mirer equidem, si laudis gloriaeque studium unum sufficeret, ut vitae se quis privaret voluptatibus, aerumnas has-

B

ce

ce sponte perduraret. At vero amor, qui vincit omnia, amor literarum et artium, qui molestissima etiam suavia reddit, hic, inquam, et criticos et nullos non magnos viros in omni artium et doctrinarum genere, sic incendit ardore vehemente, ut pro literis, pro artibus, pro doctrinis, tamquam pro amoribus suis et deliciis, nil non susciperent lubenter et facile perficerent, imo ultro exquirerent novas difficultates, quo de iis melius etiam praeclariusque mererentur.

Sed non est quod Tibi haec dicam, Creuzere, quo nemo facile hac nostra aetate et difficiliora suscepit et peragit ea facilius. Mihi de Wyttenbachio narrandum, qualis fuerit, certe mihi sis visus fere, in literis tractandis: necdum hac in re mihi ipse satisfeci. Nam quae adhuc dixi, communia illa magnam partem habuit cum Scaligero, Casaubono, Bentlejo, Hamsterhusio, Ernestio, Heynio. Hi omnes et critici fuerunt primarii et habitaverunt in his literis, earumque ducti amore nil non pro iis pertulerunt. Fuisse autem videtur Wyttenbachio proprium quid et singulare, non quo excelleret viris illis omnibus et singulis et universis: sic loquuntur homines Rhetorici et Scholastici, quos nolim imitari; sed quo distingueretur ab illis. Erat hoc, si quid video, studium Socraticae philosophiae et Platonicae, quod dominatur in omnibus, quae scripsit et commentatus est, ac patet e scriptorum delectu, quos maxime tractandos sibi suscepit, e studio Iuliani, Eusepii,

pit, Aristaceti, quos juvenis in epistola critica ex Platonis fonte emendavit et illustravit, ex consilio edendi Plutarchi, edendi ipsius Platonis, quod fecisset, ut ipse scripsit, nisi idem molitus fuisset Ruhkenius. Natus erat ad literas tractandas antiquas, sed naturâ item duce accedebat ad philosophos, Socraticos in primis et Platonicos. Perlustrans igitur vastum literarum campum, illud attendebat maxime, quod cum Socrate, cum Platone, cum utriusque elegantia et philosophia maxime esset conjunctum; et vero ad hos interius cognoscendos, accurate diligentissimeque singula antiquitatis monumenta explorabat. Ingressus est ita historiam philosophiæ, in qua regnavit plane, ipsam ingressus est philosophiam, sine qua ejus historia explicari nequit: et factum ita est, ut biennio post editam epistolam criticam, Amstelodami doceret publice una cum historiâ philosophiæ, logicam etiam et metaphysicam.

Quodsi cum Wyttenbachio Ruhkenium comparamus, haec indoles viri magis etiam patebit nobis. Illius, in magna similitudine, dispar fuit quodammodo ingenium, dispar studiorum via et ratio. E Bergeri Ritterique profectus institutione, ut suo ipse ingenio obsequi coepit, ita continuo in poëtas incidit, Homerum, Hesiodum, Homeridas, Apollonium Rhodium, Callimachum, in quibus interpretandis, emendandis, purgandis Bentlejanam usurpabat rationem et audaciam: prout ipse Rittero aliquando ingenue animum ape-

B 2

riens,

tiens, in epistola scripsit: *nisi mihi Hemsterhusius, Valckenarius aliique summi homines verba dent, videor in hoc literarum genere aliquid praestare, quod prope Bentlejanum sit.* Mox ei placuit candor et elegantia Xenophontis, et in Latinis scriptoribus Xenophontae venustatis aemulus, Cornelius Nepos: quem forte utrumque edidisset, nisi antevertissent ipsum alii. Nam erat in viro acerrimus pulcri venustique sensus: totus erat ad humanitatem et exquisitam quamdam elegantiam compositus: videbatur plane alter Xenophon, certe sic naturam amabat Atticam illam Musam, ut ejus suavitatem in omnibus scriptis exprimeret. Itaque in legendis scriptoribus antiquis illud admirabatur maxime, quod naturae incorruptaeque venustatis veluti *τύπον* referret. Quod secutus in primis tractavit poetas, historicos, Socraticos philosophos, oratores; et sic regnavit in *literarum et eloquentiae*, ut Wyttenbachius in *philosophiae historia*. Accessit deinceps ad Platonem, sed in philosophi scriptis sic est versatus, ut ipsius indoles ferebat: exquirebat voces dictionesque poeticas et elegantiores, quarum tanto studio ductus est, ut lubens etiam legeret sequioris aevi scriptores et patres adeo ecclesiae, quos ipsos non vehementer amabat, sed legeret hos lubenter, quia Platonis venustatem omni opportunitate imitando exprimerent. Edidit ita Timaei commentarium, qui ediscendus est omnibus, qui legere cum ingenii animique fructu Platonem velint. Nam viam
hic

hic aperit ad criticum Platonis studium, quo neglecto, nemo putet, se ad interiora Platonicae philosophiae sacra pervenire posse. Sed aditu recludendo contentus fuisse videtur Ruhnkenius. Philosophandum paucis ducebat: nam omnino non placebat. Et quod Nepos ait de Attico, *attigit quoque poëticen, credimus, ne eius expertus esset suavitatis*, idem ille, teste Wyttenbachio, de studio a se philosophiae impertito dicere solebat. *Suavitatem enim, elegantiam, venustatem in omni* scriptionum genere, philosopho etiam, exquirebat studiosissime et felicissime deprehendebat atque in lucem proferebat. Hoc procedens itinere Ruhnkenius in Criticis excelluit, in iisque adeo principatum obtinuit: nam accedebat his dotibus et studiis immensa doctrina et rara quaedam solertia critica, quam acuebat mirifice acerrimus ille pulcri sensus: et edere Platonem sic potuisset, ut elegantio rem, adde et doctiorem accuratior emque scriptoris interpretationem nulla umquam aetas visura fuisset; sed philosophiam tradere, Logicam conscribere, placita explicare philosophorum abdita etiam et recondita: Wyttenbachii hoc munus fuit: haud fuisse videtur Ruhnkenii.

Wyttenbachius juvenili aetate quid sibi vellet, quid appeteret, cui studiorum generi se addiceret, non reperiēbat: sed errantem diu et ex aliis in alia incerto vagantem, ecce! extemplo ipsum capit in Xenophonte legendo nescio quid suavitatis: quod ipse mihi saepe narravit coram, et publice etiam scrip-

scripsit. Atque idem illud *nescio quid suavitatis*, quod in Xenophonte eum tenebat, ut antea Ruhnkenium, ita nunc ipsum excitavit, ut legeret deinceps Platonem et omnes, in quibus Xenophontem inesset suavitas. Sed nec orsus est, ut ille, a poëtis, et Xenophonte legendo interius, quam ille, in philosophiam penetravit.

Haud aversatus est poëtas Wyttenbachius, ut fuerunt qui dicerent. Legit antiquos omnes, ut fecerat Ruhnkenius: legit? imo intimo sensu percepit optimos quosque, ut in scriptis, in lectionibus publicis, in familiari vitae consuetudine puccerrima quaeque et sublimia item loca sponte adduceret. In lectione aliquando, cui intererem, sic recitabat et interpretabatur Horatii illud: *Pindarum quisquis studet aemulari* — ut qui natus esset poëta, haud sublimius Pindari sublimitatem exprimere potuisset. Et legentibus nobis viri scripta, in primis, quam saepe jam laudavi; Vitam Ruhnkenii, ipse auctor, quamvis prosam scribens, subinde Pindaricam non aemulari, sed ultro sequi sublimitatem videtur. Sed quod juvenis egerat Ruhnkenius, hoc numquam instituit Wyttenbachius, ut poëtas sibi potissimum interpretandos sumeret et emendandos, minus etiam ut Bentlejum imitaretur. Nam ad philosophiam eum ducebat natura, non ad poësin. Inerat ei, quam Plato vocat, *φύσις φιλοσοφίας*, *indoles ad philosophiam*, cui obtemperans, degustata Xenophontis suavitate, mox Platonem amplexus est et una cum Pla-

Platone philosophiam omnem: idemque eadem facilitate Logicam scripsit ex antiquis fontibus ductam, qui tiberini commentabatur Plutarchi *de sera numinis vindicta*. Et vero ut versus contemnebat, saltem non magnopere admirabatur poëtam, qui praeter sonorum suavitatem nihil haberent, quo se commendarent, ita poëtas omnes, in quibus vera inesset sublimitas et vis omnino philosophiae quaedam, hos sic admirabatur, sic interpretabatur, ut pauci, *quemvis ipsi poëtae*. Itaque in *Odis Hominiis*, ut ipse me coram faciebatur ingenue, satisfecerat sibi subinde locis illustrandis ex Graecorum lyricorum carminibus et fragmentis, quorum vis latuisset adhuc interpretes. Quae ut aliquando e vñi MSS. in lucem edantur, et poëtas et bonarum literarum causa vehementer optamus.

Ruhnkenius Xenophontem ingenio referebat; sed Wytttenbachius Platonem. Est scilicet ingeniorum etiam cognatio quaedam, quae sensuum studiorumque similitudine continetur: res sane mirabilis, qua fit saepenumero, ut alii in aliorum vestigia incurrant sponte, quamvis et regionum et temporum intervallo quam longissime sint disjuncti. Sic sponte Xenophontem sequebatur Ruhnkenius et quotquot ingenio cum Xenophonte essent cognati. Philosophabatur item eleganter et tum maxime, quando minime videbatur, in scribendo v. c. Hemsterhusii Elogio, plane ut Xenophon in scribenda *Cyropaedia*. Sed Wytttenbachii ingenium,

in pari vel simili simplicitatis venustatisque studio, contendebat altius. Amabat ille suavitatem Xenophonteam; sed sequebatur Platonem: μετ' ἰχθὺν βατὺν θεοῖο. Quam nativam viri indolem omnes agnoscunt, qui et scripta ejus legant et ipsum audiverunt. Spirant illa Platonium quid, quod non in verbis et dictionibus cernitur, nec in imaginibus, comparationibus, neque etiam in forma dialogi, quam usurpavit aliquoties: haec imitando quis assequitur; sed in toto orationis habitu, qui tum maxime Ciceronem refert, quando maxime Cicero Platonem expressit. Nec vero se data opera conformasse videtur ad Platonis exemplum. Nam quotquot audiivi homines de Wyttenbachii scriptis judicantes: et multos audiivi, aetate, ingenio, studiis dissimillimos, hac in re maxime consentire universos vidi, Wyttenbachii orationem non esse Ciceronianam, vel si velis Platoniam, sed Wyttenbachianam, i. e. ipsum referre auctorem, ut hunc ex dicendi, sentiendi, judicandi ratione sic agnoscamus, prouti ex vultu et lineamentis amicos. Nempe non alienum erat Platonium illud, quod studio adscivissit, sed erat ipsi natura proprium. Quod patebat maxime in vitae consuetudine, in amicorum congressibus, in rusticationibus, ambulationibus, in quibus deponere solent homines, si quid habeant alienum, quaesitum, affectatum, et, si quando alias, prodeunt ut sunt, non ut videri volunt. In his eum cognovi hominem jucundum, facetum, acutum, referentem

no-

nobis plane Atticam urbanitatem, sed acerrimum in explorando vero et justo, sed plenum sensuum sublimium, et his lubentur sensibus indulgentem et obsequentem, quid quaeris? Platicum prorsus. Quam insitam indolem mature, a puero inde, legendo Platone elicuit et excoluit. Legisti, Creuzere, epistolam illam, quam ad me scripsit, qua omnes dicunt nil se vidisse elegantius: ego fateor, nil mihi in vita gratius jucundiusque accidisse. Nam *peramanter scripta est, ut doctoris amique in me animum voluntatemque aperiret plane. In hac igitur juventutem suam descripsit, quum otia captans, per anni tempestatem in sylvas montesque excurreret, et nunc viridi membra sub arbuto stratus, nunc ad aquae lene caput sacrae, promeret, non, ut ille, veteris pocula Massici, sed librum Platonis, in ejusque se lectionem conjiceret ac penitus demitteret. Ibi tum, inquit, fieri solebat, ut, quemadmodum ipse in alto editoque positus in circumjacentia infra me loca veluti parva et humilia prospiciebam, sic Platonis genio repletus purior leviorque in coelestes regiones sublimis evolare viderer. — Ego una cum ipso saepe deinceps et excurri per montes sylvasque, et recubavi subinde in pratis et amnium ripis: ubi nec Ilissum nec platanum illam desiderabam, quo minus esse mihi viderer Phaedrus aliquis, qui Socratem meum loqui audirem de pulcro et sublimi, de amore, de amoris enthusiasmo, de animorum immortalitate: nec loqui se-*

date, compositae, leniter, ut solebat, sed *ἐξουσιώτερα* prorsus, quippe abreptum plane sensuum sublimitate, quam natura excitaverat et alebat memoria Platonis. Locos illos, mi Creuzere, repeto subinde, ubi amais adest etiamnunc et adsunt arbores: canunt etiam cicadae, quae jucundissimis saepe numero sermonibus ansam prae buerunt: desidero vero virum, cujus praesentia et sermo haec omnia mihi lacta, jucunda, imo sancta et veneranda faciebant. Et tamen repetere placet locos illos: nam est profecto, ut ille ait, *dolendi etiam voluptas* quaedam.

Cum Ruhnenio comparare studui desideratissimum virum: potuissem cum Valckenario, cum Heynio, cum aliis. Nam feci non hoc proposito, ut viros illos quasi ponderarem, tamquam lance positos. Aliorum haec facultas est, non mea, non amici, non discipuli. Sed prouti in familiari sermone, amicorum solemus varietatem exquirere, in aliis alia animadvertere et laudare, aliis alios conferre: sic apponendus videbatur vir magnus nec impar Wyttenbachio, imo similis, quo hujus appareret evidentius virtus propria et quasi imago. Et respondit huic virtuti, huic indoli et ingenio tota viri vita et studiorum ratio. Platonis admiratus est non tantum orationem divinam, sed ipsam philosophiam: quamque Ruhnenius tam praeclare significaverat intelligendi interpretandique Platonis rationem, hanc ipse ingressus est. Qua in re difficile est statuere, uter utri

utri praestiterit. Nam dubium videri possit, cui major sit honos habendus, qui invenerit viam, an qui intrare sit ausus et naviter fortiterque sit persecutus. Illud extra omnem dubitationem est positum, Wytttenbachium eo facilius efficaciusque Platonis et scripta et philosophiam tractasse et explicuisse, quo magis esset ipse cum divino philosopho sensibus ingenioque cognatus. Nec mirum igitur, processisse eum deinceps ad edendum *Plutarchum*. Etenim non eo spectabat vini consilium, ut auctorem ederet et variae et reconditae doctrinae, qui unus omnium minime explicari posset, nisi quis totam teneret adhiberetque ad interpretationem antiquitatem. Quae ratio fuit Casuboni in edendo *Athenaeo*. Sed quod Tu, *Crenzere*, vir *πατριωτικῆς*, spectasse mihi visus es in suscipienda Plotini editione, idem protulit, ut ipse publice est fassus, Wytttenbachius, ut auctorem haberet, in quem interpretandum omnem conferret adhiberetque Socraticae philosophiae et Platonicae elegantiam et ubertatem. Dissuasit hoc ei consilium Valckenarius, ut majus pro vitae humanae brevitate. Quo minus aegre ferendum est, quae nonnullorum est consuetudo, opus non ad finem esse perductum. Grato animo accipiendum, quod dedit, non ingrato vituperandum, plus esse promissum, quam datum. Non cogitant vituperatores isti, quale sit quod suscepit opus, vel, si cogitant, non animadvertunt, quae fuerit Wytttenbachii diligentia et religio. In minimis pa-

pariter ac maximis explorandis: quippe qui sibi opus proposuerit, quod sic perficeret, ut quoad ejus in hac hominis imbecillitate fieri liceret, desideraretur nihil:

Nil actum reputans, dum quid superesset agendum.

Quod autem non secutus est prudens sane Valckenarii consilium, erat hic illo tempore senescens, Wytttenbachius vero in ipso juventutis flore et vigore, ut susciperet facile, quod aetas dissuaderet maturior. Ego vero admiror in hoc ipso negotio viri studium et ardorem vehementissimum, qui non, ut levia ingenia, levia susciperet, sed natum se sentiens ad magna omnia et praeclarissima, difficultatibus non absterretur, hisce vero magis etiam excitaretur ad insitam vim omnem vasto operi adhibendam. Quodsi legimus in operis praefatione, quot quantosque in his, quae perfecit, exantlaverit labores, miremur sane constantiam viri et pertinaciam, nisi cogitemus simul, amore illum ductum sublevatumque fuisse literarum, imo Platonis amore, qui nil non et profligat et vincit.

Late patebat Wytttenbachii doctrina, haud arcrioribus contenta finibus, quam ingens Plutarchi πολυμαθεια, quam ex universa antiquitate illustrandam sumserat. Et prouti Plutarchus, sic ipse etiam mirabiliter quasi foecundabat commendabatque judicandi subtilitate, disserendi diligentia, scribendi ordine et elegantia. Criticam autem sic instruit, ut quid magis admiremur dubitemus fere, interiorem Graecae Latinaeque linguae scientiam,

an

an rerum peritiam et eruditionem, an vero iudicium vel sensum potius veri acerrimum. Nam sponte proferre et quasi parere solebat emendationes, nec probabiles putabat, quae multis essent rationibus probandae et commendandae. Symbolum usurpabat, ut fecerat item Ruhnkenius :

ἄπλους γὰρ μῦθος τῆς ἀληθείας ἔφυ·

nec verum existimabat, nisi quod simplex esset et ipsius veri se commendaret lumine. Sed quae viri fuerint in Plutarchum et totam antiquitatem merita, nec te latet, Creuzere, nec hujus est loci diligentius explicare. Quod vero ab initio dixi, ingenio illum doctrinaque antiquum plane retulisse aevum, paucis etiam persequi juvat. Nam per omne tempus, quo una fuimus et virum ego cognoscere interius studui, haud deprehendisse me memini, quod admirarer magis.

Reperiuntur multi literarum amantes, qui per totam vitam antiquos tractarunt auctores, et verò unum alterumque ediderunt, nec tamen imbuti videntur antiquitatis colore, et sic de ea et sermocerantur et scribunt etiam, ut solent fere de aetate suâ: homines haud inutiles quidem his literis, sed iidem nec idonei vetustatis interpretes nec critici dicendi: si quidem hoc nomine eos intelligimus, qui tum demum de rebus judicant et κρίσει utuntur, quando eas penitus et perspexerunt et persenserunt. Non enim sufficit, lectitasse haec omnia et tractasse: accedat oportet, quod haud scio an omnium sit difficillimum, studium,
an-

antiquitatis interius, ut insinues te prorsus in ipsam antiqui aevi cogitandi, sentiendi, dicendi, philosophandi rationem: quod qui non fecit, explicabit verborum dictionumque usum et significationem, ipsam auctoris sententiam et mentem non explicabit. Wyttenbachius ita se penitus insinuavit in antiquitatem, ut vivere videretur plane in mediis illis Graecis et Romanis. Adolescens jam legendo Demosthene, in huius et Philippi tempora se totum transtulerat. Quod ipse descripsit in praefatione Selectorum, imo rem proposuit oculis nostris. Video, inquit, Oratorem ardere, dolere, impetu ferri: Incendor et ipse, eodemque motu auferor: altior fio, nec sum qui fueram: videor mihi Demosthenes ipse esse, stans in tribunali hanc orationem habere, Atheniensium concionem ad majorum virtutem et gloriam hortari. — Sed in oratoribus legendis pariter versantur alii, quamquam non multi: paucissimi vero reperiuntur, qui sic legant philosophos antiquos. Quae res sane magnas habet difficultates, eoque majores istas, quo magis propensus est natura homo ad sua tempora in pristina veluti transferenda. Sic ipsi Graeci in gentes Orientales suos mores, suas religiones transtulerunt, ut ubivis terrarum jam nobis occurrant eorum Jupiter, Bacchus, Apollo, Minerva, quamvis Orientales Dii perquam fuerint ab hisce diversi. Sic item medio aevo qui canebant poëtae, equestrem sui temporis rationem in antiquos Graecos et Romanos traduxerunt, ut indu-

dicerent carminibus Alexandrum Magnum et C. Julium Caesarem, tamquam equites errantes, qui pro Deo et Domina suscipere peragerentque omnia. Quae re profecto nil est perversius, nil ridiculum magis. Minus ridicule, sed non minus perverse nostro aevo haud pauci recentioris philosophiae placita obtruserunt Socrati et Platoni, ut cogere hosce disceptare de spatio et tempore, de legibus ingenii humani, de ratione theoretica et practica. *Quod non ita dico, quasi contemnens haec placita: multa continere videntur, quae antiquos latuerint plane et sint verissima: et esset sane perquam dolendum, si generis nostri in vero inquirendo nulla appareret progressio. Sed ut placita haecce ex nostrâ, ita antiqua illa ex antiquâ philosophandi ratione unice illustranda sunt. Quod ni faciamus, obscurabimus omnia, non illustrabimus, et apparebunt nobis antiqua illa absurda prorsus. Proavi nostri Homericos heroes in scena solebant spectare, non quales apud Homerum occurrunt, sed quales ipsi erant, indutos similibus vestimentis, simili pileo. Haud dispar negotium spectandum nobis praebent multi libri, qui hodieque feruntur. Cernimus in illis antiquitatem totam, philosophos in primis antiquos, eâ specie, ut nobis videantur similes. Veruntamen quod scenici homines dudum mutarunt in arte sua, hoc nos in studiis nostris immutatum relinquemus? Nisi audire in scena, certe adspicere nobis videtur ipsam Achillem, ipsum Hectorem, ipsam Helenam,*

nam; antiquo habitu: interpretes vero philosophiae sic loquentes pergunt inducere Socratem, Platonem, Aristotelem, ut audire videamur non hosce, sed Cartesium, Leibnitium, Baconem? Est vero hoc summâ ope nitendum Criticis, ut repudiato hoc habitu nostro, sua prodeant et simplicitate nativa et vero sublimitate philosophi antiqui: criticis, inquam, hoc agendum, quippe qui praestare caeteris iudicio videntur, et omnium maxime verum a falso, rem a specie distinguere debent. Hoc autem ut dudum instituerunt maximi quique in his studiis viri, ita eo contendit per totam vitam Wytttenbachius: idemque has Critices partes in primis censebat graves et necessarias. Refertur illa, aiebat, ad scripta veterum; sed pertinet item ad eorum res et opiniones i. e. mores, leges, instituta, artes, placita, politicam omnem et philosophiam, quae iudicari explicarique ex antiquitatis ratione non minus debent, quam ipsa scripta. In utrisque autem illustrandis eadem viâ progreditur Critica. Ut scripta interpretetur, ex ipsâ linguarum indole voces et dictiones earumque varias significationes explicat. Qua in re excelluit Tib. Hemsterhusius et quotquot fuerunt divino viro similes, qui adhibito analogiae lumine, mirabiliter illustrarunt abditos quosque et linguae Graecae et Graecarum literarum recessus. Similiter versatur Critica in rebus veterum et opinionibus interpretandis. Ex ipsa antiquitatis indole et repetit illas et declarat. Quod eloquenter commendavit Ernestius

tus in celebratissima ad Stiglizium *Epistola*, quam Ciceronis operibus praeposuit, digna sane, si quid aliud, tam illustri loco. Nec vero dispar est utriusque muneris cum propositum, tum propositi perficiendi ratio. Nam utrumque valet ad aevum antiquum, obscuratum nobis saeculi medii barbarie, quae nondum plane pulsa est, aperiendum et illustrandum: perficitur autem una eademque mentis facultate, quae in iudicando cernitur, unde ipsa *Critica nomen habet.*” Sic Wytttenbachium aliquoties audiavi de *Critica* disserentem, tum maxime postremo vitae tempore, quum praelegerem ei memorabilem Brandis ad Heynium epistolam, quam huius vitae inseruit Heerenus. Fatetur Brandes, Hemsterhusio se debuisse sensum studiumque Graecae venustatis: in aliis Academiis alios se ante audivisse literarum doctores, in quorum scholis frigeret plane: sed ut Leidam venit et Hemsterhusium cognovit, eumque de Graecis audivit literis et publice disserentem et privatis sermonibus cum ipso agentem: tum igitur incaluisse derepente antiquarum literarum amore, et primum percepisse *es divinum*, quod etiamnunc agnosceret in Homero et Plutarcho, quamvis legens nunc eorum versiones. Quae postquam praelegeram seni, scilicet, mi Heusdi, inquit, haud erat ille, *οἷος νῦν βροτῶν εἶσι*, neque etiam ut tunc erant multi. Integer ille et sincerus e prisci sanitate aevi prodierat, immunis a sui saeculi contagione: quod rarum semper fuit et singulare naturarum genus. Sic item

C

Ruhn-

Ruhnkenius, ut in ejus Vita scripsi. Haud percipiunt *sonum divinum* in Homero, in Platone, in Plutarcho, quibus id maxime placet, quod novum sit et praesentis temporis. Surdis sunt similes, qui judicare de musica audent. Festive hos comparare solebat cum specus Platonici incolis, qui umbras rerum spectarent, res ignorarent, et inquirerent tamen in illas sedulo et diligenter. Et profecto qui praesentis aevi angustiis inclusus, hinc existimare de antiquis sustinet, umbram is cernit antiquitatis, antiquitatem ignorabit. Quamobrem nec critici dicendi sunt, qui neglectis Veterum scriptis, rivulos adeunt novitiorum, ut hinc cognoscere antiquitatem studeant: nec vero illi etiam, quamvis vulgo hoc nomine dicantur, qui studiose tractant Veterum scripta, nec cessant tamen tempora eorum ad sui saeculi conditionem exigere. Ipse vero vir summus Criticam sic adhibuit et literis universe et historiae in primis philosophicae, ut non solum ex fontibus hauriret, ipsosque diligenter fontes grammatica ratione exploraret; sed indolem praesertim investigaret et linguarum et gentium antiquarum: hanc vere principium esse ratus, unde iudicium omne de scriptis veterum et institutis et opinionibus unice esset instituendum. Sic ad interiorum pervenit antiquitatis scientiam, sic optimus exstitit antiquorum scriptorum interpres, quippe ipse plane antiquus factus: sic omnino, ut ipse pariter Platonice loquar, relictis in speluncae angustiis et tenebris, qui sequi

qui vel nollent vel non possent, ipse escendit et in lucem prodiiit antiquitatis.

Video epistolae me fines jam longe superasse; sed age, vir amicissime, semel hos transgresso, concedas mihi velim, ut pergam libere. Nam quod tandem argumentum nos magis jucundiusque teneat, quam magni viri et amici memoria, quem ambo coluimus, desideramus ambo?

Homo plane videbatur Wytttenbachius non sui saeculi, sed antiqui: quo fiebat, ut saepe cum eo colloquens de Platone, de Cicerone, de Homero, non esse mihi viderer, quo eram, loco, sed sive Athenis versari, sive in Piraeo, sive in Tusculano, sive in beatis etiam Joniae tractibus et insulis. Loca haec ejus menti sic erant veluti impressa et praesentia, ut adspiceret plane illa: et referebat ejus sermo temporum illorum urbanitatem, referebat, pellucidi amnis instar, coeli illius nitorem ac puritatem, quoties de pulcro et sublimi, de Homero et Platone loquebatur. Natum cum dixisses illo sub coelo et illic habitare. Sed quamvis hoc admirarentur praeae venustatis amantes, hac ipsa virtute accidit, ut in plurimorum reprehensionem incurreret, nec injustam illam prorsus. Nam nolunt homines, aequales suos alieno vivere tempore: dicunt, suo quemque aevo vivere oportere: hoc fecisse antiquos, Socratem, Periclem, Caesarem, Ciceronem: quorum nobis, et literatis maxime viris, exemplum sit imitandum. Nec nego, Wytttenbachium hoc studio antiquita-

tis ductum, crebrius fere ac diutius in. museum se suum et antiquum orbem recepisse, quam acceptum esset omnibus, qui ejus frui consuetudine et sermonibus cuperent. Fateor item, factum sic videri, ut hodiernos et mores et homines cum antiquis fere comparans, aegre illos subinde tulerit et severius nonnumquam judicaverit. Homo erat, quem amicum coluimus, Creuzere, non perfecta natura. Quod autem antiquos loquuntur, quos imitari debuisset Wyttenbachius, imitatus est Ciceronem suum, qui nulla non opportunitate in Graeciam excurrebat et vivere sibi maxime tum videbatur, quando maxime se transtulisset in Socratis et Platonis tempora. Sed quamvis Wyttenbachius non is esset sive naturâ sive vitae consuetudine, ut lubens in circulis et conviviiis horas suas transigeret, sed mallet vel domi vel ruri degustare antiqui suavitatem aevi; haud tamen sibi vivebat soli. Hospites, confiteor, non omnes ei grati erant et accepti: vanos homines et ventosos quique hac unâ de caussa venirent, ut ipsi demonstrarent, quanti scilicet essent viri, hos ita non poterat ferre, ut eos, si licuisset, aedibus suis exclusisset in perpetuum. Sed quotquot cum judicio et rerum scientia modestiam afferrent et humanitatem, hos ipse et perhumaniter excipiebat et juvare omni officiorum genere studebat. Amicos habuit paucos: nisi quis hoc nomine dicat fautores, admiratores, cultores, vel etiam quibus ipse bene vellet et prodesse studeret: hos habebat per
to-

totam Europam numero ferme infinitos: sed quos *amicos* vocabat suos, praesertim quibuscum juvenilis aetas, una illa maxime ad contrahendam amicitiam apta, ipsum conjunxerat, horum amicitiam et sancte coluit et constanter ad extremum vitae finem. In quibus censebat et alios et Boschium suum et Parisienses amicos Villoisonum, Sancto crucium, Larcherum: qui quanti eum facerent, quam eum vicissim diligerent, ipse sum expertus, quum juvenis venirem Lutetiam eosque salutarem. Amplectebantur me continuo, quamvis ignotum ipsis, et *suum* vocabant sponte, ut discipulum me esse cognoverant Wytttenbachii sui. Sed tibi quid narro, Creuzere, quo ille fuerit in amicos animo, quem in paucis, quos diligebat, amicis insigni habuit loco? Mihi autem cum alias patuit haec ejus caritas in te et amicitia, tum illo praesertim tempore, quum tu ipsi collega datus dicam? an ostensus? mox valetudinis coactus necessitate, reditum parares Heidelbergam. Sed nolim renovare dolorem acerbum, quem optimis quibusque maxime attulit discessus ille tuus. Ille quidem ἐκὼν ἀέκοντι γὰρ θυμῷ te dimisit, quippe id optans maxime, quod tibi esset salutare: et nos omnes dolentes, sed simul εὐφρομεύοντες, tibi bene cupientes, revertentem prosecuti sumus: nec vero me decet aegre ferre quod tibi et literis profuisse, ipse modo Heidelbergae cognovi. Nam sic te florere vidi favore omnium et fama, ut, quamvis mei patriaeque caussa dolerem, tibi hanc ex animo gratularetur

singularem vitae felicitatem. Sed pergo narrare de Wyttenbachio nostro, qualis in alios fuerit, imprimis in discipulos suos. Tantum ille aberat, ut sibi viveret soli, ut magis etiam et his et amicis vivere videretur. Cujus rei et ego sum testis et omnes sunt, qui mecum ex optimi viri prodierunt disciplina: testis discipulorum veterimus, Weselius Scholterus, Jureconsultorum literatissimus, qui adolescens cum eo in Helvetiam iter fecit et etiam nunc narrare orsus de viri in ipsum meritis cum in itinere illo, tum in lectionibus omnibus literariis et philosophicis, nec ipse reperit narrandi finem et nos tenet perpetuo quodam suavissimae orationis flumine.

Rusticari apud illum identidem solebat unus alterve discipulorum, quem magni faceret: nam rus amabat, ut Xenophon, ut Cicero, ut Horatius, ut multi antiquorum. Crebro hujus usurpabat illud et in se villamque suam accommodabat:

*Hoc erat in votis: modus agri non ita magnus,
Hortus ubi, et tecto vicinus jugis aquae fons,
Et paullum sylvae super his foret —*

quod jucundis sermonibus subinde ansam praebebat. Ruri, inquit, legere oportet Horatium, non solum in urbis et Bibliothecae angustiis et tenebris: maxime autem oportet in ipsa Italia et in ipsius villa. Et hoc fuit in votis; nec tamen expletum, et alia fuerunt. Villoisonum meum beatum praedicare solebam, qui in Attica legisset Demosthenem et Platonem; sed illi hoc contigit, non mi-

mihi: et me nunc beatum praedico, cui feriae contingant et otia gratissima, quibus huc me recipiam, in hunc agri modum, non ita magnum, non Tusculanum aliquod aut Cumanum, sed tamen ὀλιγόν τε φιλόν τε,

auctius atque

Di melius fecere: bene est: nil amplius oro

ubi naturae fruar integritate et serenitate. Quis enim antiquos illos cum voluptate legat, qui semper continetur urbis et auditorii claustris? Quis intus animo naturae percipiat descriptiones, quales apud Horatium, Virgilium, apud Homerum occurrunt, nisi prodeat subinde et excurrat in mediam rerum naturam? Orientis solis descriptionem Homericam quis potest intelligere, qui intra moenia perpetuo et parietes latuit, et expers est magnificentissimi spectaculi?

Ἡὼς δ' ἐκ λεχέων παρ' ἀγαυοῦ Τιθωνοῖο

ᾠρῶν, ἣν ἀθανάτοισι Φῶς φέροι ἥδε βροτοῖσιν.

et alia similia inter ambulandum recitabat, voce quidem non canora, sed illo et sensu et affectu, ut penitus moveret audientes atque in admirationem raperet Homeri, Horatii, antiquorum. Sic rusticabatur nobiscum. Nam prodesse discipulis in scholis non tantum studebat, sed in familiari etiam vitae consuetudine, ut quavis opportunitate animos eorum imbueret sensibus sublimibus: quod iis vehementer placebat. Itaque erant, postrema quidem viri aetate, qui in ejus vicinia sive villulam seu aliud quodlibet receptaculum quaererent,

C 4

ubi

ubi ferias transigerent, ut nempe quoad possent ac liceret, a senis latere non discederent. Etenim diligebat discipulos suos et sic ab iis diligebatur vicissim. Nam verissime antiqui: *si vis amari, ama.*

Ergo recesserit fere Wytttenbachius ab hominum usu et transtulerit se in tempora vetusta, praesentibus tamen temporibus consulebat: hac item in re Ciceronem imitatus. Haud frustra ille Athenis morabatur et repetebat Academiam, *ubi hortuli illi vicini ipsum videbantur Platonem in ejus conspectu ponere.* Id effecerunt excursus illi in Graeciam et in Academiae *non sine causa nobilitata spatia*, ut unus omnium Romanorum maxime populum erudiret Romanum, imbueretque generosissimos quosque juvenes Graecis literis, philosophia, studio Platonis. Haud quidem primus fuit Wytttenbachius, qui id institueret in regionibus hisce. Nam ut ante Scaliger, ita postea Hemsterhusius, quique horum erant simillimi, Graecis literis excolere Batavos studuerunt. Sed horum nemo fuisse videtur, qui id studeret perficeretque efficacius. Lucebant praeclare excellentia haec ingenia, sed ita fere, ut eorum lumen adverteret paucos, caeteri pergerent in tenebris suis et barbarie versari. Exortum vero est Wytttenbachii aetate novum quoddam Jureconsultorum et vero Theologorum genus, humanum, cultum, literis perpolitum, quibuscum lubentius quis hodie de Cicerone, de Virgilio, de Horatio, de
Xe-

Xenophonte et Platone colloquatur, quam illis temporibus cum doctis literatis plerisque. Nolim hoc item tribuere soli Wytttenbachio. Fuerunt alii, quorum institutio eo valeret quam plurimum: et ipsa profecto commutata sunt tempora: quaeque in Batavia cernitur humanitatis progressio, eandem et alibi et in tua, Creuzere, quam illustras, Germania animadvertimus. Sed hanc apud nos progressionem unus omnium maxime provexit acceleravitque Wytttenbachius. Quum ego ante hos duodetriginta annos Amstelodamum venire, mirabatur vir summus, adire ipsum adolescentem Platonis legendi cupidum. Nunc in Academiis nostris et Athenaeis non tantum lectiones habentur Platonicae, frequentes discentium numero, sed jungunt etiam sua sponte juvenes sodalicia, in quibus Platonem legant secum invicem et interpretentur. Eduntur identidem specimina literaria, cum alia de antiquis scriptoribus et historiae philosophicae argumentis, tum Platonica, quae conscripta a tironibus, veteranis haud videantur indigna. Auctores autem habent discipulos fere eorum, qui ipsi fuerunt Wytttenbachii discipuli, ut quae novissime prodiit eximia illa Groenii Prosopographia Platonica. Fuerunt omnino ante Wytttenbachium et orti sunt ejus aetate, qui humanitati in hisce terris eximie prodesent; sed studium philosophiae Socraticae, studium Platonis et Ciceronis, studium in primis historiae philosophicae, qui hoc excitaret, unus repertus

est Wytttenbachius. Idem autem illud quantum valeat ad nulla non doctorum hominum genera erudienda et excolenda, cum philosophiae ubertas docet, tum comprobat exemplum Ciceronis.

Haec habui, praestantissime Creuzere, quae de Wytttenbachio meo, imo nostro, ad te perscriberem. In quibus desiderabis cum alia multa, tum illam orationis vim et copiam, quae tanto celebrando viro par sit et accommodata. Ego autem non elogium scribere Wytttenbachii aggressus sum; sed narraui simpliciter, quae te putabam de communi amico nostro, meo autem doctore et duce in his literis, lubenter esse accepturum. Neque suscepi etiam in me, ut quibus moribus fuerit vir eximius, quibus animi sensibus excelsis de rebus divinis et humanis, adumbrare tentarem. Una id potuit peragere et peregit praeclare Wytttenbachia, aetatis illa nostrae Diotime, juncta olim viro arcissima necessitudine, et digna quae coleretur ab aetatis suae Socrate. Mihi unice explendum erat pietatis officium, quo nullum habeo sanctius, ut recolerem cum viro amicissimo desideratissimi praeceptoris memoriam, tum vero grati sensum animi cum scribendo effunderem, tum palam declararem. Quamobrem da mihi hanc veniam, Creuzere, ut epistolam hanc et edam publice et initiis hisce philosophiae Platonicae, dedicationis loco, praemittam. Etenim ut voluntatem erga me tuam declarasti, inscribenda meo item nomini Procli tua editione, ita cupio

ve.

vehementer, ut meae pariter ét observantiae in Te et amicitiae monumentum exster. Tu vero, vir praestantissime mihique carissime, sic perge et literis operam navare et me amare, ut adhuc fecisti, tibi que de me persuadeas, in omnibus, qui tecum junguntur communi Platonis amore, neminem esse qui te et Platonem amet magis et admiretur. Vale. Scripsi Trajecti Batavorum m. Jan. a. 1825.



*Ex hoc igitur Platonis quasi quodam
sancto augustoque fonte, nostra omnis
manabit oratio.*

CICERO.

DE PHILOSOPHIA.

Philosophia tametsi a cultissimo quoque populo maxime et culta sit et celebrata, tamen omni aevo vituperatores habuit et adversarios gravissimos. Vocarunt eam multi argutiarum et inanium contentionum matrem. Fuerunt alii, qui moribus eam et humanae felicitati perniciosam dicerent, utpote religionis omnis et germanae virtutis fundamenta labefactantem. Exorti sunt item, qui accuratas, quae vocantur, doctrinas unice admirantes, vix dignam eam haberent, quam serio impugnarent, contemnerent vero et riderent, ut doctrinarum omnium levissimam, quippe quae singulis fere aetatibus aliâ prodiret et novâ specie. Quarum reprehensionum si causas quaerimus, haud profecto positas illas reperiemus in ipsa philosophia, sed in hominum unice errore, qui confunderent philosophiam cum phi-

philosophorum sive argutiis sive impiis cavillationibus, nec vero quid ipsa esset quamque late pateret, apte perspicerent. Vulgo enim dici haberique solet doctrina sive *scientia*, e principiis quibusdam accurate definitis ducta et explicita. Qualis si habenda sit philosophia, idem sane ei evenire debeat, quod nullis non doctrinis, quamvis etiam accuratis, evenire solet, ut labefactatis principiis, ipsa corruat. At vero si antiquos, si Platonem audimus, non *scientia* illa habenda est, sed studium *scientiae*, non doctrina, sed doctrinarum omnium et maximarum artium procreatrix: tantumque abest, ut vana sit et incerta, ut fluctuantibus et corrudentibus per saeculorum decursum philosophorum opinionibus et doctrinis, ipsa tamen integra maneat et immutabilis. Operae pretium est, Platonice hancce philosophiae notionem, in hoc ipso disquisitionis nostrae introitu, diligentius explicare. ⁽¹⁾

Quae

(1) Loca de h. argumento classica sunt Phaed. 64 A. sqq. de Rep. VI. VII. Gorg. 482 A. sqq. Theaet. 172 C. sqq. Amat. 133 C. sqq. Phaedr. 276 A. sqq. Epist. VII. 340 B. Doctrinam Platonis *universe* exposuerunt Cicero, Acad. I. 4-10. Diog. Laert. III. 1. 67-109. *Alcinous eis to toû Plátou diýmata isagorêi*. *Apulejus* de habitudine doctrinarum et nativ. Platonis: *partim* alii, deinceps nobis citandi. De Recentionibus V. *Buhle* Lehrbuch der Geschichte der Philos. Vol. II. init. et *Tennemann* System der Plat. Phil. Vorr. p. 28. Principes sunt cum hi ipsi Platon. ph. Interpretes, tum *Wytttenb.* Opusc. I. 392. 571 sqq., in primis ad Phaedonem. *Creuzer.* praep. et comm. ad Plotin. de pulcr. *Schleiermach.* Introd. ad Pl.
ver-

Quae hodieque est vulgaris de philosophia opinio, eadem apud Graecos et pristino tempore fuit et rediit deteriore saeculo. *Sapientes* primum appellari solebant, quicumque rebus cognoscendis sublimioribus studebant. Quo nomine doctrinarum significabatur peritia, quae vel naturae spectabant indagationem vel hominum vitam. His tractandis qui famam apud aequales consecuti erant, earum videbantur *scientiâ* excellere et *sapientum* nomine celebrabantur. Nec vero postea defuerunt, aevo in primis Alexandrino et Romano, qui quamvis meliora edocti, antiquum tamen morem usurparent ac philosophiam vocarent rerum divinarum et humanarum scientiam. Quod magni etiam viri admitterunt, ipse adeo geographorum princeps, idemque philosophus, Strabo: ⁽¹⁾ nec dubitavit subinde Seneca, quae Stoicorum erat temeritas, philosophis appellare *sapientes*. ⁽²⁾

Quodsi ea respicimus tempora, quibus floruit apud Graecos philosophia et viguit maxime, his
eam

versionem Germ. *Morgenstern* Comm. de Rep. Pl. *Meiners* Geschichte der Wissensch. in Gr. u. Rom. II. 683 sqq. *Tiedem.* argum. dialogorum Plat. et Geist der spec. Phil. *Schulze* de summo secundum Platonem philosophiae fine. *Eberhard* Abb. über den zweck der Phil. des Plato. *Herbart* de fundam. system. Plat. Tum commentatores Plat., maxime *Wolf*. *Böck.* *Buttm.* *Ast.* *Stallbaum.* alii, quos deinceps memorabimus.

(1) ὅτι πολυμάθεια — οὐκ ἄλλου τινός ἐστιν, ἢ τοῦ τὰ θῆνα καὶ τὰ ἀνθρώπων ἐπιβλέποντος, ὡς περ τῆς φιλοσοφίας ἐπιστήμης φασί.

(2) v. c. De const. sapientis init.

eam reperiemus accurate a rerum scientia et doctrinae ratione distinctam. Primus veluti signum sustulit Pythagoras, reconditae vir doctrinae, nec ulli sapientum, qui sic appellabantur, sapientiā cedens: qui aliis concedens et nomen σοφοῦ et honorem, sibi ipse modestam expetiit φιλοσόφου appellationem. Cujus exemplum cum ultro sequerentur quotquot ex ejus schola prodibant et per universam Graeciam distribuebantur praeclarissimi viri, horum factum est auctoritate, ut sapientibus qui celebrabantur, ubivis succederent philosophi. Esse autem cum nominis novitate novam conjunctam philosophandi rationem, ut significaverat Pythagoras, ita suo deinceps exemplo probavit Socrates. Is incredibili ductus discendi amore, tantum se abesse a sapientia et rerum scientia profitebatur, ut nihil se scire profiteretur, nisi hoc unum, nihil se scire. Qua sane sententiā haud esse videtur, quae verum philosophum deceat magis: modo recte accipiatur. In rebus enim gravioribus tractandis, cavendum id maxime est, ne quid tanquam verum sic statuamus, nullus ut relinquitur dubitationi et perquisitioni locus. Hoc enim sapientiae est munus, cujus haud capax est natura humana. Sed inquirere in res omnes, ut earum ignarum prorsus, neque inquirendo cessare umquam, quippe numquam explentem penitus acerrimum discendi perquirendique studium: hoc demum philosophi est, idemque humanae menti unice congruum.

Sim-

Simplicem illam et veram philosophandi rationem ut primum percepit, ita continuo amplexatus est Pythagoreorum amicus et princeps Socraticorum, Plato. Hic autem, quod unice probabat, id scriptis item suis expressit et declaravit. Ubivis in iis occurrunt φιλόσοφοι, ut φιλομαθεῖς, *discendi cupidī*, *sapientiae amantes*, et ipsa haec nomina permutantur saepenumero. ⁽¹⁾ Amorem contendit in Symposio Diotime φιλόσοφον esse, quippe nec σοφόν, nec ἀμαθῆ, sed sapientiae studiosum. ⁽²⁾ Sapientiam in Phaedro Socrates Deo tribuendam censet, sed homini sapientiae scientiaeque studium. Τὸ μὲν σοφόν, ὃ Φαίδρε, καλεῖν (αὐτὸν) ἔμοιγε μέγα εἶναι δίκαι, καὶ θερμόνως πρέπει· τὸ δὲ ἢ φιλόσοφον ἢ τι τοιοῦτον, μᾶλλον γ' ἂν αὐτῷ καὶ ἀρμόττοι καὶ ἐμμελεστέως ἔχουσι. ⁽³⁾ Is autem maxime philosophus dicendus est, qui maxime flagrat discendi ardore. Τὸν δὲ δὴ εὐχερῆς ἐθέλοντα παντὸς μαθήματος γεύεσθαι, καὶ ἀσμένως ἐπὶ τὸ μανθάνειν ἰόντα, καὶ ἀπλήτως ἔχοντα. τοῦτον δ' ἐν δίκῃ φήσομεν φιλόσοφον. ⁽⁴⁾ Nec vero temere dicamus, post Socratem et Platonem, hanc universe invaluisse opinionem, ut a *sapientia* distingueretur *philosophia*.
Phil.

(1) Φιλόσοφοι ἐν φέρον — τόγι φιλόσοφον καὶ φιλομαθεῖς ταυτέν. Rep. II. 375 E. 376 C. V. Wytténb. ad Phaedon. p. 217. (2) Φροσύνης ἐπιθυμητὸς καὶ πόμος, φιλοσοφῶν διὰ παντὸς τοῦ βίου. Symp. 203 D. (3) Phaedr. 278. D. Apol. S. 23 A. (4) Rep. V. 475 C. Cf. 485 E.

Philosophiam dicit Cicero nil aliud esse, quam studium sapientiae. *Sapientia*, inquit, a cujus amore Graeco verbo philosophia nomen invenit. ⁽¹⁾ Confuderunt fere Stoici cum sapiente philosophum, ut paullo ante attigimus: sed hoc a Pythagora et Socrate retinuerunt, ut philosophiam definirent: τὴν μὲν σοφίαν εἶναι θείων τε καὶ ἀνθρώπων ἐπιστήμην· τὴν δὲ φιλοσοφίαν ἀσκήσιν τέχνης ἐπιτηδεύου. ⁽²⁾ Itaque Seneca: sapientia perfectum bonum est mentis humanae: philosophia sapientiae amor est et affectatio. ⁽³⁾ Rite igitur Alcinous in explicanda Platonis doctrina, quamvis in ceteris plerisque a mente Platonis discedens, φιλοσοφία ἐστὶν ὁρεξὶς σοφίας. ⁽⁴⁾ Quae nativa philosophiae notio haud latuit doctissimum Patrum Clementem Alex.: φιλοσοφία δὲ, ἣ φασὶν οἱ πρεσβύτεροι, πολυχρόνιος ἐστὶ συμβουλὴ σοφίας, αἰδίων μνηστευμένη ἔρωτα. ⁽⁵⁾ Ad quem locum apponunt Interpretes Philonis sententiam, ubi de contemplatione dicit: ἀφ' ἧς πληχθεὶς ὁ νοῦς, ἔρωτα καὶ πόθον ἔσχε τῆς τούτων ἐπιστήμης· θέν τὸ τῆς φιλοσοφίας ἀνεβλάστησε γένος. ⁽⁶⁾ Fluxerunt haec omnia e Pythagorae ratione, ut patet e sermone, quem habuisse aliquando cum Leonte fertur. ⁽⁷⁾ Nec tamen ille rem ita expressit, ut fecerunt deinde Socrates et Plato. Artem se sci-

re

(1) Legg. I. 22. (2) Plat. de plac. phil. initio. (3) Ep. 89. (4) Cap. I. (5) Epit. p. 87. (6) De mundi opif. p. 17. (7) Tusc. V. 3.

re nullam fatebatur, sed esse *philosophum*. Philosophos autem cum iis comparans, qui ludos adirent *visendi* causa, ipsi vero nec plausum nec lucrum quaerent, vitam magis *contemplativam*, quam *in-satiabile* illud discendi perquirendique studium significabat.

Et hinc quidem intelligitur, quid spectaverint antiqui, quum philosophiam vocarent non doctrinam, sed doctrinarum omnium parentem. Quod apud Ciceronem occurrit maxime. „Neque enim te fugit, artium omnium laudatarum procreatricem quamdam et quasi parentem eam, quam *φιλοσοφία* Graeci vocant, ab hominibus doctissimis iudicari.” ⁽¹⁾ Scilicet philosophiam antiqui non *objective*, ut vulgo loquuntur, de re tractanda, sed *subjective* de rei tractandae studio, nec solum de hoc studio, sed etiam de ejus vi et effectibus accipere solebant. Quamobrem cum *studium* haberetur philosophia discendi, explorandi, perquirendi, quod nil non complecteretur scitu dignum, ita fons esse existimabatur uberrimus, e quo artes omnes et disciplinae manarent. Itaque Cicero de germanis philosophis: ⁽²⁾ „ad Academicos et Peripateticos veteres converte te quaeso. Ex eorum enim scriptis et institutis cum omnis doctrina liberalis, omnis historia, omnis sermo elegans sumi potest, tum varietas est tanta artium, ut nemo

or-

(1) De Orat. I. 5. (2) Fin. V. 3.

sine eo instrumento ad ullam rem illustriorem satis ornatus, possit accedere. Ab his oratores, ab his imperatores ac rerum publicarum principes exstiterunt: ut ad minora veniam, mathematici, poetæ, musici, medici denique ex *hac tamquam ex omnium artium officina* profecti sunt.” Et vero Strabo, quamvis haud improbens eorum consuetudinem, qui philosophiam vocabant rerum divinarum et humanarum *scientiam*, tamen, in praeclaro illo operis exordio, hoc maxime egit, ut ubertatem praedicaret philosophiae, ipsam adeo geographiam ex ea effloruisse demonstraret.

Hoc autem indagandi cognoscendique studium in scriptis Platonis dominatur plane. Haud condere conatur doctrinam quamdam sive systema, quod nos vocamus, sed Socratem et alios sic inducit res gravissimas perquirentes et investigantes, ut dicas subinde, hac eum disquisitione contentum fuisse. Instituit longas subinde de *sancto*, de *temperantia*, de *scientia* disputationes, ⁽¹⁾ quibus tamen, in dialogi cujusque fine, quid singula sint, non efficitur. In aliis scriptis propositum argumentum apte explicat, ⁽²⁾ sed ita hoc fere peragitur, ut distinguendo disquirendoque eo perveniatur. Protulit omnino scribendo opiniones suas de rebus divinis et humanis, imo probavit eas et ab adversariorum opinionibus defendit, sed in ipsa adeo
hac

(1) In Eutyphr., Charm., Theaet. (2) De justitia v. c. in Politia.

hac defensione, Socratica fere usus est disquirendi ratione.

Quaeri fere solet, quod tandem sit *propositum*, quis *finis* philosophiae. Quae sane quaestio haud facilis est ad explicandum, si varias respicimus philosophorum doctrinas, in primis recentiorum. Aliae enim alio referuntur, atque ita se habent nonnullae, ut quid spectarent ipsi auctores, ignorasse videantur. Quo fit, ut vanum a multis et inutile habeatur philosophiae studium. Quodsi philosophia secundum antiquorum effatum *studium* sit et *amor cognoscendi*, non est quod de ejus proposito dubitemus. Refertur ita ad verum cognoscendum, cujus innatum est homini incredibile studium; dux est ad sapientiam, qua nihil possumus praeclarius appetere: est omnino ejusmodi, ut eam colere decus summum, eam despiciere summum dedecus putandum sit. Verum enim in hac rerum universalium disquisitione, habet tamen, Socrate iudice, quod unum maxime diligentissimeque indaget. Nam cum latissime pateat cognoscendi amor, nec minus inquirant mortales, quid in altis coeli tractibus, quam quid in his terris ipsorumque animis geratur, et vero illis maxime indagandis sapientiam conseant; Socrates philosophiam coëgit de vita et moribus rebusque bonis et malis quaerere. Quo non utilius tantum, ut vulgo putatur, hominumque vitae aecommodatis, sed reapse *sublimius* esse coepit philosophiae propositum.

D 3

Nam

Nam pertinuit ita ad animum cognoscendum, sive, ut nos loqui solemus, ad cognoscendum hominem, ejusque explorandas divinas ingenii animique facultates. Quin etiam eo spectavit maxime, ut excoleremus nosmetipsos, ad summam perveniremus virtutem et sic accederemus ad perfectionem divinam. Sed praeclarum hoc philosophiae propositum ipsius nobis declarandum est Platonis sententiis. Is enim quod Socrates, et ante Socratem Pythagorei alique obscurius prodiderant, magisque in usum adhibuerant, quam declaraverant verbis, clara in luce posuit. Nec quisquam facile antiquorum cum interius sensit vim philosophiae, tum explicuit disertius. Quamobrem paullo fusius hac de re agere juvat. Hic nimirum aditus est, per quem, tamquam per atrium quoddam augustum, in sacra procedamus philosophi penetralia.

Initium philosophiae est *admiratio*: hinc enim existit cognoscendi cupido. Miratur Theaetetus in cognomine dialogo, quae a Socrate dicta sunt: imo vero, ait, haec subinde respiciens, capitis mihi videor vertigine laborare. Tum Socrates: *Θεόδωρος γὰρ, ὃ φίλε, φαίνεται οὐ κακῶς τοπάζειν περὶ τῆς φύσεώς σου· μάλα γὰρ φιλοσόφει τοῦτο τὸ πάθος, τὸ θαυμάζειν· οὐ γὰρ ἄλλη ἀρχὴ φιλοσοφίας ἢ αὕτη· καὶ ἔοικεν ὁ τὴν Ἴρην Θάωματος ἐργονεν φήσας, οὐ κακῶς γενεαλογεῖν* (1)

Cog-

(1) Theaet. 155 D. Hinc φιλοσοφίας ἀρχὴ τοῦ θαύματος. apud Olympiod. in Alcib. p. 24 et 164. et apud Procl. in Alcib. p. 42. ubi v. Crouzer., item. p. 61.

Cognoscendi autem illa cupido, quae ex admiratione oritur, ut vocatur fere, ita est reapse *amor* aliquis. Amat philosophus sapientiam, ut amasium suum, imo sic colit amasium, ut ejus amore ad sapientiam perveniat. ⁽¹⁾ Ita amoris apud Platonem artissima est cum philosophia cognatio: unde philosophi in ejus scriptis non solum φιλομαθεῖς, sed etiam φιλοκῶλοι et ἰρωτικοί appellantur. ⁽²⁾ Abhorrent haec sane a nostra philosophandi ratione, sed eo sunt nobis magis animadvertenda, eoque erit diligentius deinceps de coelesti amore disquirendum. Sponte sic oritur in hominum animo philosophia et dicitur illa nonnullis *natura* propria. De Isocrate juvene praeclare vaticinatur in Phaedro Socrates: nam inesse ei naturā dicit philosophiam quamdam: φύσει γὰρ, ὃ φιλεῖ, ἐνείη τις φιλοσοφία τῇ τοῦ ἀνδρός διανοίᾳ. ⁽³⁾ Et universe de animo dicit, si qualis sit cognoscere velimus, respiciendam esse ejus philosophiam. ⁽⁴⁾ Sed ut sponte existit in homine philosophia, ita haec et ipsum erudit et vim habet maximam ad alios excolendos. Itaque frequentissime apud Platonem occurrit, ut παιδεία, ⁽⁵⁾ *institutio* quaedam, qua erudiatur a te-

ne-

(1) Rep. VI. 474. Phaedr. 252. Itaque συνεγὼς dicitur ὁ ἕκαστος ἐκ φιλοσοφίας V. Procl. in Alcib. p. 61. (2) v. c. Phaedr. 248 D. (3) Phaedr. 279 A. (4) Rep. X. 611 E. (5) Junguntur saepe παιδεία et φιλοσοφία, ut v. c. Ep. VII. 328 A. Cf. Xenoph. Mem. IV. 2. 23. In ipse philosophiae reprehensione, haec ejus notio dominatur apud Plat. Gorg. 484. 485.

neris homo et excolatur, artibus adhibitis, inprimis Musica: unde *μουσικὸς* subinde vocat philosophos. Huic autem institutioni tanquam princeps tribuit munus, ut oculum aperiat mentis, quo uno veritas conspicitur. Quod variis expressit declaravitque comparationibus. Somno confert praesentem hominis conditionem, e quo eum excitat *philosophia*, ut desinat somniare, verum intuituri incipiat. In tenebris nos vivere dicit, in quibus coecorum instar progredi nitimur, sed oberamus perpetuo: donec *philosophia* nos eduxerit ad lumen veritatis. Conversos nos esse dicit ad rerum umbras et simulacra inania; *philosophiam* vero ab iis nos avertere et vero convertere ad res ipsas, ad ideas, ad pulcrum, bonum, justum, sanctum. ⁽¹⁾ *Philosophiam* esse statuit totius hominis conversionem ab iis quae videntur ad ea quae sunt. Ut ex orco dicuntur nonnulli ad Deos escendisse, ita quae vere dicitur *philosophia* non *δυσράκου* erit *περιστροφὴ*, ἀλλὰ *ψυχῆς περιχωγὴ ἐκ νυκτερινῆς τινὸς ἡμέρας εἰς ἀληθινὴν τὴν ὄντως εὔσαν*, ἣν δὲ *ἐπάνοδον φιλοσοφίαν ἀληθῆ φήσομεν εἶναι*. ⁽²⁾ Ex hisce philosophiae notionibus implicitis et involutis, explicabit se in proximis disputationibus tota, ut speramus, Platonis philosophia. Sed hoc loco animadvertamus praesertim, occurrere apud eum philosophiam subinde, ut

κα-

(1) Rep. VI. VII. passim. (2) Rep. VII. 521 C. Locum sic descripsimus ex Astii emendatione p. 563.

καθάρσιν, ut animi humani *initiationem* quaedam.

EO pertinebant antiquitus mysteria, ut quis sordibus purgatus omnibus, sic ad sacra accederet interiora. Ita philosophia praeparat animos ad intuenda veri mysteria. Nam ipsa est *καθάρσις*, ut animus sordibus purgatus sensuum et voluptatum, intaminatam spectet veritatem. Quod vaticinati videntur mysteriorum auctores, cum dicerent, eos, qui non initiati in inferos descenderent, in luto provolutum iri: qui vero rite purgati initiatique eo venissent, hos cum Diis habituros. Οὔτοι δ' εἰσὶ κατὰ τὴν ἐμὴν δόξαν, οὐκ ἄλλοι ἢ οἱ πεφιλοσοφηκότες ὁρθῶς. *Hi autem sunt, me iudice, non alii, quam qui rite sunt philosophati.* ⁽¹⁾ Haec philosophiae notio, ut ubi vis in Phaedone, ita maxime in Symposio exprimitur, ubi sermo Diotimae de pulcro et amore, quo progressus describitur animi ad ipsum cognoscendum intuendumque pulcrum, totus ille sermo viam sequitur et rationem mysteriorum. Nam expositis, quae primum sunt agenda in parvis quasi mysteriis, ad maiora deinceps et *τὰ ἐπεκτικὰ* procedit. ⁽²⁾

Abest igitur multum, ut doctrina sit quaedam philosophia aut scientia, quam quis ediscat. Totum

(1) Phaedone 69. C. (2) V. Procl. ad Alcib. p. 5. 9. 61. Creuzer. praep. ad Plot. de pulcr. CVII. CXI. Wyttenb. ad Phaed. p. 154. sqq.

nam commutat hominem, convertit eum a rebus
 objectis et humilibus ad sublimia omnia, efficit, ut
 inicietur mysteriis omnium maximis, et, qui mys-
 teriorum est effectus, novam veluti vitam ingre-
 diatur. Haec est, quam Plato significavit, *philoso-*
phia, quamque vere vocabat τὴν θεϊαν φιλοσο-
 φίαν. ⁽¹⁾

Hic dicat forte aliquis: esto, alia est haec phi-
 losophia, quam quae vulgo dicitur. Et placet
 mirifice studium illud cognoscendi, quod naturā
 videtur philosophiae privum esse et proprium, sed
 displicent imagines, displicent mystica illa: sunt,
 credo, perquam sublimia, sed inutilia sunt, ut
 mysticorum hominum somnia. Et sic quidem mul-
 ti existimarunt, qui haud distinguerent Platonis
 philosophiam a philosophia Neoplatonicorum. Ho-
 rum scripta diligenter sane omnibus sunt tractan-
 da, qui operam navare Platonis et scriptis et
 placitis cupiunt. ⁽²⁾ Sed summa huic rei prudentia
 adhibenda est. Nam accommodarunt illi Platonem
 ad suam sentiendi cogitandique rationem, quo fit,
 ut qui ex illorum scriptis Platoniam assequi phi-
 losophiam student, nebulam, ut ajunt, pro Juno-
 ne amplectantur. Nobis autem id unum est pro-
 positum in disquisitionibus hisce, ut Platoniam

ra-

(1) *Phaedr.* 259 B. (2) Probavit hoc egregie Creuzerus
 in praep. et annot. ad libr. Plotini de pulcrit.: idque tum
 maxime patebit, quando ediderit vir summus historiam
 Platonicae philosophiae recentioris: cujus nobis spem fa-
 cit *Init. Phil. et Theol. Plat. Parte 111. Praef.*

nationem, quoad ejus fieri possit, puram sinceramque lectoribus proponamus. Quod igitur reprehendunt quidam comparationes philosophiae et imagines, quas commemoravimus, mysticae sunt illae apud Neoplatonicos, sed apud Platonem sunt *poëticae*, ut ipsa antiquitus apud Graecos mysteria poëseos habebant gratiam et sublimitatem. Nec vero Plato, ut illi fecerunt, res divinas et humanas temere confudit et commiscuit: quo factum, postea, ut *negligerentur plane humana*. Philosophiam uti vocavit, ita etiam excoluit, tamquam *institutionem hominis*. Retulit eam continuo ad vitae usum, ut artibus et disciplinis excoleretur homo, et Musicae studio ad Musicae quasi harmoniam componeretur: unde ipsam philosophiam τὴν μεγίστην appellavit μουσικὴν. ^ω Disciplinis autem eandem tribuit, quam philosophiae, vim et efficaciam, ut mentis oculum aperirent, e tenebris nos in lucem educerent, totum commutarent hominem. ^ω Finem omnino philosophiae praescripsit τὴν δμολωσιν τῷ θεῷ; sed eo perveniendum censebat disciplinarum inprimis et veri studio: quae ratio abhorret plane a mysticorum hominum somniis. Aptè haec illustrabat mysteriorum adhibito exemplo. Qui initiati erant antiquitus mysteriis Eleusiniis, praeclare de iis existimabant. Cicero sic de iis cum Attico loquitur: ^ω „ Nam mihi cum multa eximia divinaque videntur Athenae tuae. per-

(1) Phaedone 61 A. (2) Rep. VII. (3) Legg. II. 14.

perisse, tum nihil melius illis mysteriis, quibus ex agresti immanique vita, exculi ad humanitatem et mitigati sumus: initiaque ut appellantur, ita re vera principia vitae cognovimus: neque solum cum laetitia vivendi rationem accepimus, sed etiam cum spe meliore moriendi." Idem plane fuit philosophiae Platonicae propositum; cultum spectabat et perfectionem hominis, ut rite quis eruditus artibus et disciplinis, iisque veluti purgatus et praeparatus, spectaculum spectaret omnium illustrissimum, *pulcrum, bonum, justum, sanctum*, non in simulacris quibusdem, sed ipsum, *αὐτὸ καὶ αὐτὸ*, purum et integrum. Quod qui spectaret, quam proxime hunc accedere contendebat ad divinae naturae sublimitatem et felicitatem.

Nec vero unus fuit apud antiquos Plato, qui sic existimaret de vi et proposito philosophiae. Magnam partem hoc debuit cum Socrati tum Pythagoreis, eumque secuti sunt quotquot deinceps philosophiam commendarunt. Et hi quidem, quae est ingenii humani progressio, vim ejus moralem disertius etiam et plenius explicuerunt. Juvat hic apponere sententias quasdam veterum, quo nobis magis pateat, quae philosophiae fuerit antiquitas ubertas et amplitudo.

Philosophiam univ[er]se Veteres ducem habebant vitae. Diis tribuebant, quod viverent. sed philosophiae, quod bene viverent. Quis dubitare, ait Seneca, potest, quin Deorum immortalium munus sit,

sit, quod vivimus: philosophiae, quod bene vivimus? ⁽¹⁾ Eleganter Maximus Tyrtius: καταπεσοῦσα γὰρ ἡ ψυχὴ εἰς τούτον τὸν ὄρυβον, καὶ δοῦσα ἑαυτὴν ἐπ' ἀμηχάνου φορεῖσθαι κύματος, νήχεται δυσέκνευστον πέλαγος· ἐς' ἃν αὐτὴν φιλοσοφία ὑποδέξεται ὑποβαλοῦσα τοὺς ἑαυτῆς λογισμοὺς, ὥσπερ τὸ κρήδεμνον τῷ Ὀδυσσεὶ ἡ Λευκοθέα. ⁽²⁾ Est enim philosophia, ut vocabatur antiquitus, τεχνὴ βίου καὶ ἀρτὴ νίτης. ⁽³⁾ Nam omnium artium, quae ad rectam vivendi rationem pertinent, ratio ac disciplina, studio sapientiae, quae philosophia dicitur, continetur. ⁽⁴⁾ Omnis optimarum rerum cognitio atque in his exercitatio philosophia nominatur. ⁽⁵⁾ Imo medicina animi philosophia est. ⁽⁶⁾ Quod Democritus jam pronunciavit, quamquam hic pro philosophia utebatur etiam nunc sapientia. Ἰατρικὴ μὲν γὰρ, κατὰ Διήμοκριτον, σώματος νοῦςους ἀκρίεται· σοφία δὲ ψυχὴν παθῶν ἀπαιρέεται. ⁽⁷⁾ Diserte Cicero: sed et hujus culpa et caeterorum vitiorum peccatorumque nostrorum, omnis a philosophia petenda correctio est: cujus in sinum cum a primis temporibus aetatis nostra voluntas studiumque nos compulisset, his gravissimis casibus in eundem portum, e quo eramus egressi, magna jac-

(1) Ep. 90. init. Cf. Plut. adv. Colot. 1108 C. (2) Diss. XVII. Vol. I. p. 533. Ed. Reisk. (3) Cic. de Fin. III. 2. (4) Cic. Tusc. I. 1. (5) De Orat. III. 57. (6) Cic. Fin. II. 5. (7) Clem. Alex. Paed. c. 2. p. 100. Cf. Wytth. Bibl. crit. Vol. II. P. I. p. 29. et Vol. III. P. 1. p. 75.

jactati tempestate confugimus. ⁽¹⁾ Philosophia scilicet *cultura* est animi. Haec extrahit vitia radicitus et praeparat animos ad satius accipiendos; eaque mandat his, et, ut ita dicam, serit, quae adulta fructus uberrimos ferant. ⁽²⁾ Nunquam igitur satis digne laudari philosophia poterit, cui qui pareat, omne tempus aetatis sine molestia possit degere. ⁽³⁾ Itaque nullo non laudum genere eam celebrarunt antiqui: ut Cicero nobilissimo loco in Quaestionibus Tusculanis. ⁽⁴⁾ O vitae philosophia dux! o virtutis indagatrix, expultrixque vitiorum! Quid non modo nos, sed omnino vita hominum sine te esse potuisset? — ad te confugimus, a te opem petimus. Est autem unus dies bene et ex praeceptis tuis actus peccanti immortalitati anteponendus. „Quarum laudum auctor imprimis fuit Posidonius, ut patet e Senecae Epistolis. ⁽⁵⁾ Ipse autem Seneca magnifico usus dicendi genere, utinam, ait, ⁽⁶⁾ quemadmodum universi mundi facies in conspectum venit, ita philosophia tota nobis posset occurrere, simillimum mundo spectaculum! Profecto enim omnes mortales in admirationem sui raperet, relictis his, quae nunc magna, magnorum ignorantia, credimus.” Perit

va-

(1) Tusc. V. 3. (2) Tusc. III. 5. Cf. Plat. Amat. 234 E. Phaedr. 276 B. E. (3) Senect. c. 2. (4) V. 3. (5) Imprimis Epist. 90. V. Bakius disp. de plac. et script. Posidonii p. 33. (6) Ep. 89 V. idem Ep. 101.

nobis pars Stobaeorum excerptorum, quae Vetterum loca continebat de philosophia: periit fere totus, quem magis etiam desideramus, Ciceronis Hortensius, quo philosophiam commendavit et propugnavit: quae scripta si superessent, plenius etiam de antiqua philosophia existimare liceret. Verum tamen Ciceroniani operis fragmentum nobis servatum est praeclarum, imo conclusio exstat totius disputationis, qua haud ita magnifice, ut Posidonius et Seneca, sed accurate, sed Platonice vim expressit et propositum philosophiae. Quae nobis, ait, dies noctesque considerantibus, acutibusque intelligentiam, quae est mentis acies, caventibusque, ne quando illa hebescat, magna spes est, aut si hoc quod sentimus et sapimus, mortale et caducum est, jucundum nobis, perfunctis muneribus humanis, occasum, neque molestam extinctionem et quasi quietem vitae fore: aut si, ut antiquis philosophis, hisque maximis longeque clarissimis placuit, aeternos animos ac divinos habemus: sic existimandum est, quo magis hi fuerint semper in cursu, id est, in ratione et investigandi cupiditate et quo minus se admiscuerint atque implicuerint hominum vitiis atque erroribus, hoc illis faciliorem adscensum et reditum in coelum fore. Quapropter, ut aliquando terminetur oratio, si aut extinguere tranquille volumus, cum in his artibus vixerimus, aut si ex hac in aliam haud paullo meliorem domum sine mo-

mora demigrare, *in his studiis* nobis omnis opera et cura ponenda est. ⁽¹⁾

E studio hoc et amore sapientiae, quo nomine antiquitus appellabatur philosophia, exstiterunt philosophorum placita ac doctrinae, unde systemata composita sunt philosophiae: positisque tandem philosophiae terminis, doctrinae quaedam artesque liberales ex ea distinctae sunt. Verumtamen semper Veteres principem in iis locum philosophiae tribuerunt. Auctor libri de puerorum educatione, qui Plutarchi nomine fertur, philosophiam, ait, in primis colendam esse, in eaque habitandum: ὡς περ περιπλεῦσαι μὲν πολλὰς πόλεις καλὸν, ἐνοικῆσαι δὲ τῇ κρατίστῃ χρήσιμον. ⁽²⁾ Bioni tribuebatur haec comparatio: sicut Penelopes proci, quum non possent cum Penelopa concumbere, rem cum ejus ancillis habuissent: ita qui philosophiam non possent apprehendere, eos in aliis nullius predi disciplinis sese conterere. ⁽³⁾ Similiter Seneca ab artibus liberalibus secernit philosophiam: artes liberales praeparant ad philosophiam: non ducunt ad virtutem, sed conducunt: sola philosophia liberum facit. ⁽⁴⁾ Pariter Clemens Alex. ὥς τὰ ἐγκύκλια μαθήματα συμβάλλεται πρὸς φιλοσοφίαν, τὴν δέσποιναν αὐτῶν, οὕτω καὶ φιλοσοφία αὐτὴ πρὸς σοφίας κτήσιν συνεργεῖ. ⁽⁵⁾ Placebat Pa-
tri-

(1) Fragm. p. 1098 Ed. Ern. (2) p. 7. C. (3) Plut. l. 1. ubi V. Wyttenb. (4) Ep. 88. (5) Vol. I. p. 333. ubi Intpp. Cf. 373. et Wyttenb. ad Plut. l. 1.

tribus haec imprimis sententia, sic philosophiam decere religioni servire, ut artes liberales inseruiunt philosophiae. ⁽¹⁾

Fines migrarem disputationis hujus, si vim philosophiae apud antiquos ad vitam recte instituendam demonstrarem pluribus. Sed silentio non praetermittendum, Platonicae philosophiae hoc proprium fuisse, ut virtutem non tantum spectaret et morum honestatem, sed omnium primum et maxime *veritatem*. Quo fit, ut *philosophus* apud eum non occurrat ut morum magister: prouti apud nullos non populos occurrunt sapientes; sed ut φιλομαθής, ut τῆς ἀληθείας φιλοθεάμων, ⁽²⁾ qui haud utilia praecipit et bona, sed *verum* exquirat primum, ut *inde* existimetur de praeceptorum bonitate et utilitate. Itaque in *philosophi* exploranda indole et natura, quam praeclare descripsit in Politia, studium illud discendi verique cognoscendi attendit maxime.

Τοῦτο μὲν δὴ τῶν φιλοσόφων φύσεων περὶ ὁμολογήσθαι ἡμῖν, ὅτι μαθήματος γε αἰεὶ ἐρῶσιν, ὅσα ἂν αὐτοῖς δημοῖ ἐκείνης τῆς οὐσίας τῆς αἰεὶ οὔσης καὶ μὴ πλανωμένης ὑπὸ γενέσεως καὶ φθορᾶς. ⁽³⁾ Quo ipse ductus veri studio, dialecticas instituit περὶ τοῦ ὄντος *de eo quod est*, disputationes, accuratissimas illas et subtilissimas, e quibus maxime metaphysica videtur orta, quae deinceps hoc nomine et dicta est

(1) Orig. Philocal. c. 13. (2) Rep. V. 475 E. (3) Rep. VI. 486 A.

est et elaborata. Illustrabitur haec propria Platonis et singularis ratio in proximis disputationibus omnibus; sed patuit jam nobis ex comparationibus et imaginibus, quibus vim philosophiae declaravit. Eo spectant omnes, ut repudiatis umbris, res spectemus, procedamus e tenebris in lucem veritatis, verum omnino assequamur: quod item sublimis illius, quam descripsit, initiationis summum est propositum.

Tam late patuit apud antiquos Graecos et Latinos philosophia. Quodsi inde respicimus ad nostra tempora, mirari subit, qui tandem acciderit, ut hodie concludatur tam arctis terminis. Cujus rei non una fuisse causa videtur. Nam primum in doctrinas divisa est, ut partes ipsi propriae relinquerentur exiguae: tum ipsa doctrinae finibus et angustiis terminari coepit. Sed princeps causa ab auctoritate repeterenda est religionis Christianae. Haec enim quo magis invaluit in genere humano, eo minus reliquit philosophiae.

Religio apud Veteres non habebat, quo expleret cultiorum hominum animos. Poetica erat et tota referebatur ad sensus varia ratione afficiendos. Interiori doctrinam continebant mysteria, sed nisi quis philosophia esset imbutus, non multum sane inde proficere poterat. Nam erant illa obscura, utpote mysteria, et obscure significaverant a vetusto inde tempore, quae deinceps illustrare philosophi coeperunt. Philosophia igitur cultissimo cuique homini maxime erat colenda, quippe sola ani-

animum imbuens sensibus celsioribus et erigens hominem ad divinae naturae sublimitatem. Quo factum, ut instar esset Veteribus religionis omnis, certe munera ejus susciperet longe gravissima. Successit deinceps antiquae religioni religio Christiana, nec poetica illa, nec philosophica, sed tam simplex et pura, ut facile admitteret germanam philosophiam: nec admitteret tantum eam, sed sponte susciperet ac commendaret vehementer. Recuperavit ita religio quae amiserat munera, et valuit nunc demum ad divinam agnoscendam maiestatem, ad spem confirmandam vitae futurae, tum vero etiam ad erudiendum excolendumque hominem. Nec mirum. Nam falsae religioni successerat vera, quae cum vera philosophia copulatur facillime. Quo fit hodieque, ut quae occurrunt nobis apud antiquos philosophos praeclara de moribus praecepta, haud nova videantur plane, quippe quibus ipsis, religionis ope, a tenera jam aetate imbuti simus. Sed accidit ita simul, ut religioni tribuatur vis omnis ad pueros instituendos, ad mores emendandos, ad vitam bene integreque transigendam: philosophiae relinquatur, ut rerum indaget principia, et docte de his ac subtiliter disputet.

Nec vero dolendum, contractos ita esse recentiore aetate philosophiae fines. Nam quod ipsa olim praestabat paucis, id omnibus jam praestat religio Christiana. Haec enim non ut illa, cultioribus tantum hominibus, sed incultis etiam

et rudibus convenit, et una est apta ad universum excolendum genus humanum. Sed quo magis immutata est hodie philosophiae conditio, eo minus nobis committendum, ut antiquam rationem cum hodiernâ confundamus. Et profecto habet haec ipsa antiqui disquisitio aevi, quo mentem nostram maximopere advertat, habet, quo studia nostra alat ac moderetur. Nam ut celebramus fere philosophiam, nec tamen cernimus ejus nisi partem obscuram, *metaphysicam* vocant, ita quaerimus sponte, qualis aliquando fuerit, quum integra esset plane, doctrinas omnes, ut parens communis, complecteretur, suppeditaret homini, quod negabat religio et bearet universe cultiorem partem generis humani. Quae si cognoscere, et vero hinc ipsi capere fructum velimus, in antiquam nobis Graeciam recedendum est. Nam illic nata est philosophia et laete increvit effloruitque, ut germen nativum, solo illi et tempori unice proprium. Huc vero traducta, emarcuit subito et quamvis studiose exculta, antiqui vigoris ne speciem quidem refert. Sed eo nobis diligentius tractanda sunt scripta Platonis. In hisce enim apparet dotibus suis omnibus et virtutibus instructa, jungens simplicitatem Socraticam cum Pythagorica sublimitate, poetarum elegantiam cum dialecticorum subtilitate, hanc autem propriam habens, non dotem, sed virtutem maximam, ut ad *veri* studium referatur tota.



Et

Et haec quidem hactenus de philosophiae apud Platonem natura, proposito, ubertate, ambitu. Quae sane non ita disputavimus, quasi omnia probaremus Platonis, nulla Recentiorum placita. Interpretes sumus philosophi, non laudatores: et multa ab antiquis inchoata recentior demum perfecit actas. Illud unice egimus, ut ex veteris aevi ratione Platonicae philosophiae veluti imaginem adumbraremus, eamque universam contemplati, singulas ejus partes singulatim deinceps exploraremus. Quod ut nunc nobis instituendum est, ita quaerimus continuo, unde ordiendum videatur in hac disceptatione, quid primum sit, quid proxime, quid porro perlustrandum. Nec sane id statim in oculos incurrit. Nam partes non apparent singulares, sed junctae sunt et connexae secum invicem artissime, et huic praesertim conjunctioni vim suam et efficaciam debent. Et tamen prudenter nobis ab initio inde instituenda est disquisitio, ne perversam ineuntes rationem, oberremus turpiter: eoque cautius inquirendum erit, quo facilius nos in errorem inducat posteriorum ratio philosophorum, qui discesserunt a Platone et tamen sibi aliisque idem tenuisse iter visi sunt. Age, viam quaeramus, qua procedamus deinceps firmiter et jucunde.

Post Platonem philosophia in varias doctrinas distribui coepit, prouti verbo jam monuimus: quod institui facile potuit, quoniam fons erat, e quo doctrinae omnes manarent. Separatim igitur, pro-

ecedente tempore, tractatae sunt physica, dialectica, ethica, postea item metaphysica, inauditum Socratis aetate nomen, cujus partes recentiore aevo habitae sunt ontologia, cosmologia, psychologia, theologia. Rivuli hi fuerunt e philosophia ducti, sed, ut fit, fontis destituti et ubertate et limpida perspicuitate. Quos explorantes philosophi, in iisque solis defixi, ignorare subinde visi sunt, quae esset tandem, unde erant derivati, *philosophia*. Quo magis nobis cavendum est, ne Platoni obtrudamus, quae ab ejus aetate et ingenio sint aliena. Confundatur ita cum posterioris aevi philosophis, imo adhaerere ei videantur sordes scholasticae. Exploravit ille quidem, quae singulis istis doctrinis continentur, sed ita exploravit haec omnia, ut suo semper loco, id est, in ipsa philosophiae veluti arce maneret. Memor enim semper divini moniti γυνῶσι σεαυτὸν, animum spectabat maxime, in eoque et explorando et ad veri cognitionem acuendo versabatur totus. ⁽¹⁾

Quocirca excludenda erit disputatione nostra omnis philosophiae distributio, quae non Platonem, sed alios habeat auctores: etiamsi hi legendo tractandoque Platone eo pervenisse censendi sint: ut Speusippus, Xenocrates, Aristoteles, Zeno, cum tota Academicorum, Peripateticorum, Stoicorum familia. Quae vero argumenta in ipsis philosophi scrip-

(1) Phaed. 229 E. ubi V. Intpp. Proclus in Alcib. I. c. 2 et 3. p. 5. et Creuz. Symbol. Vol. IV. p. 537.

scriptis ubivis occurrunt, quaeque ipse maxime philosophando complexus est, haec nobis in primis de ejus sententia et excitanda erunt et explicanda. Quae sane ratio ut simplicissima, ita certissima esse videtur ad assequenda Platonis placita praecipua. Nec vero in exquirendis illis diu quis haereat, nisi qui in literis hisce rudis sit plane et hospes. Haud legerit enim Phaedrum, Symposium, Theaetetum, Parmenidem, Phaedonem, Politiam, Leges, Timaeum, praecipuos celebratissimosque dialogos, quin viderit, disseruisse lubentissime Platonem de pulcro, de amore, de exquirendo vero, de scientia, de ideis, de justo et civitate regenda, tum vero de Deo et hac rerum universitate. In his omnibus non invenerit philosophiae distributionem, nec singularum partium definitionem: haud nomine occurrunt physica, metaphysica, ontologia, psychologia, ne ethica quidem; sed animadverterit idem facile, tria in hisce praecipue a philosopho fuisse indagata, *pulcrum, verum, justum*, maxime autem *verum*, quo pertinent *ideae*, locus in Platonis philosophia uberrimus.

Haec tria dominantur plane in disquisitionibus Platonis gravioribus: et quod miretur fortasse aliquis, conveniunt illa cum hodierna philosophiae partitione, qua quaeri solet de facultate sentiendi, de facultate cognoscendi, de facultate appetendi. Sed haec scilicet est ingenii humani ratio, ut a simplici ratione in varias partes digrediat, va-

riisque ambagibus oberret, sed redeat tamen tandem ad simplicitatem pristinam, naturae congruam. Qualem sane esse Socraticam rationem, adde et Platoniam, nec quisquam negaverit, qui eam totam perspexerit, et probant hodie philosophi, qui optimam quaerentes rationem, sponte in antiquam illam inciderunt.

Quae cum ita sint, via, ni fallor, patet nobis, per quam, duce Platone et verâ philosophiâ, sic procedendum sit, ut inquiramus continuo in naturam nostram sive *animum* hominis ejusque conditionem praesentem et pristinam: tum singulatim agamus primum de *pulcro* et amore, quae proxime sunt apud Platonem et in hominis naturâ secum invicem conjuncta: deinceps de *vero*, de ideis, de dialectica et caeteris disciplinis, quae ad verum assequendum adhibendae sunt: tandem de *justo*, cujus disquisitio apud Platonem et *moralem*, quam nos dicimus, *doctrinam* complectitur et *politicam* simul. Quibus adjiciendae item erunt philosophi de mundi opifice et *natura divina* sententiae, ductae illae maximam partem, certe explicandae ex disputationibus praecedentibus.

Et sic quidem, ni fallimur, ordinem sequemur, quo ipsum in philosophando progressum est Platonis ingenium. Juvenis ille Socraticus fuit et egit in Phaedro de *amore* et *pulcro*. Ad Megaricos concessit deinde et Eleaticos, quorum in disputando subtilitate captus, *verum* inquirere dis-

tin-

tinguendo studuit, scripsitque dialecticos sermones, Theaeteturum, Sophistam, Politicum, caeteros. Tum vero, quod maturioris est aetatis proprium, ad vitae usum converte^{is} studia, exploratis diligentius Aegyptiorum maximeque Pythagoreorum institutis, perfectam finxit Rempublicam, quae *boni justique* referret exemplar, et vitam contineret optimam: unde escendit tandem, Timaeo conscribendo, ad rerum divinarum disquisitionem. ⁽¹⁾ Hac ille progressionem mentem paulatim animumque explicans, eadem scribendo illustravit *philosophiam pulcri, philosophiam veri, philosophiam justī*: nos vero, illud agentes maxime, ut sequamur philosophum, quidni pari deinde viâ et ratione procedamus?

Quod autem adhuc instituimus, ut non disputaremus cum aliis et contenderemus de philosophia Platonis, sed *induceremus* in eam lectores: idem porro erit propositum nostrum. Proficiemus e scriptis eorum, qui et ante et hac nostra aetate praeclare de Platone ejusque placitis meriti sunt: quibus quantum debeamus, laudatis identidem locis, grato animo declarabimus. Quodsi sunt in iis, qui interpretandi philosophi aliam iniverint rationem, haud defendemus datâ operâ sententiam
nos-

(1) De multis Platonis dialogis, quo tempore scripti sint, non constat; sed hos, quos diximus, sic sibi invicem successisse, idoneis rationibus probavit Astius. *Platon's Leb. u. schr.* p. 51 sqq.

nostram, sed suadebimus eam et commendabimus ipsa Platoniorum scriptorum auctoritate. Haec enim non citabimus solum, sed legemus, expone-
mus, interpretabimur, ut *formam*, quae vocatur, Platonicae philosophiae perspiciamus, tum etiam, quod maxime spectamus, per *initia* haecce, sacris illis iniitemur quodammodo.

DE

D E A N I M O

Nobilem Platonis de animo sententiam ut quodammodo assequamur, disquisitioni nostrae cum Socratica adhibenda sunt, tum Pythagorica placita. ⁽¹⁾ Persuaserat sibi Socrates de animi humani praestantia et divinitate. Ἀλλὰ μὲν, contendit, καὶ ἀνθρώπου γε ψυχὴ, εἵπέρ τι καὶ ἄλλο τῶν ἀνθρωπίνων, τοῦ θεοῦ μετέχει. Nec minus apud eum constabat de animi immortalitate. Non ille, ait Cicero, tum hoc, tum illud, ut in plerisque, sed idem dicebat semper, animos hominum esse divinos, iisque, cum e corpore excessissent, reditum in coelum patere, optimo et justissimo cuique expe-

(1) De animo passim egit Plato: nam eo fere retulit philosophiam omnem. Classica autem loca sunt Phaedro 245 C. — Phaedone 64 C — Menone. 81 B. — Rep. 435 C. — Timaeo 30 A. 42. A. — 69 C. — Caeterum quaestiones de animi origine, partibus, immortalitate data opera deinceps tractabimus: nunc de hoc argumento universe agendum est.

peditissimum. Caeterum de pristino animi statu et migrationibus in alia deinceps et alia corpora, haud disquisivisse videtur subtilius. Alienum hoc erat ab insigni illa viri in philosophando simplicitate. Quaerere malebat, quid pium esset, quid impium, quid pulcrum, quid turpe, quid justum, quid injustum ⁽¹⁾, quo certius semetipsum et alios emendaret. Existimavi, dicebat, φιλοσοφῶντα με δεῖν ζῆν καὶ ἐξετάζοντα ἑμαυτὸν καὶ τοὺς ἄλλους. ⁽²⁾

Alia fuit Pythagorae ratio. Primus hic quidem, ut ante memoravimus, *sapientis* posuit, *philosophi* assumpsit nomen, quo philosophum se et Graecum probavit virum. Sed profecit idem multum ex orientali, maxime Aegyptiorum, ratione. Non ille, ut Socrates, in mediis versabatur civibus suis, tamquam unus e multis, tamquam destitutus doctrinā, ut ab omnibus, a pueris adeo et adolescentibus disceret. Distinguebat se a caeteris cum peculiari vivendi modo, tum vestitu, quo sacerdotem referebat Aegyptium, tum doctrina quadam arcana, qua magis etiam et aliis videbatur excellere et Aegyptios imitabatur sapientes. ⁽³⁾ Praeterea non omnibus pariter, ut Socrates, prodesse monendo studebat, ut suum quisque expleret officium, prodessetque civitati; sed selectos habebat discipulos, quos maxime excoleret, quique cultu praestantes

caq-

(1) Xen. Mem. I. 1. § 16. (2) Apol. Socr. 28 E.

(3) Locos hac de re Veterum citavit et dijudicavit Meiners. Gesch. der Wiss. Vol. I. p. 405 sqq.

caeteris, et civibus aliquando suis praecessent et civitates moribus legibusque temperarent. Ad quod item instituendum valuisse quodammodo videtur sacerdotum apud Orientales exemplum. Valere certe eo minus potuit Graecorum ratio ad civilem aequalitatem, quam Orientalium ad principum venerationem accommodata magis. Nec desunt Aegyptiae institutionis vestigia in republica Platonis, Pythagoricae rationi plane consentanea. Sed, ut mittamus illud, nec porro persequamur Socratis cum Pythagora comparationem, ex hoc Aegyptiorum fonte doctrinam de animo hausisse videtur Pythagoras. Refert Herodotus, ⁽¹⁾ primos fuisse Aegyptios qui dicerent, animum hominis esse immortalem, post corporis vero interitum in aliud deinceps nascens animal immigrare: cumque per omnia terrestria, marina et volucra animalia circuitum fecisset, eum iterum nascentem in hominis corpus immigrare: et hunc ab eo circuitum confici trium millium annorum spatio. A quibus initiis profectus Pythagoras, philosophatus subtilius est de animorum per has migrationes emendatione, eorumque tam pristina, quam futura conditione, statuitque, nos aliunde in hanc terram migrasse, atque, ut Cicero interpretatur, quasi in mercatus quandam celebritatem ex urbe aliqua, sic in hanc vitam ex alia vita et natura profectos ⁽²⁾

Pythagorica non minus, quam Socratica, disci-
pli-

(1) II. 125. (2) Tusc. V. 3.

plina animum advertit tenuitque Platonis. Hac incensus est acerrimo veritatis virtutisque studio, illa adductus videtur ad sublimes, quas prodidit, de animo sententias. Itaque Socratem in dialogis fere omnibus disputantem induxit; sed eidem Socrati in iisdem sermonibus multa subinde tribuit, quae non ipsi, sed sive Pythagorae sive Pythagoreis erant propria. Qualis est celebratissima illa de animo disputatio, quam in Phaedone habuisse fingitur Socrates. „ Vetus, inquit, sermo est, animos hominum hinc profectos in orco esse, rursusque huc venire. ⁽¹⁾ Quicumque enim sic corpore exierunt, ut polluti ejus contagione, pravis etiamnunc ducantur appetitibus, libidinibus, studiis, reverti quaerunt unde discesserunt. Quo fit, ut eorum umbrae et imagines per sepulcra fere et monumenta vagentur. Induunt igitur alia sive hominum sive animalium corpora, quae maxime eorum studiis convenient. In asinos migrant libidinosi, in lupos tyrannici, sedatiores in apes, vespas, formicas vel in similes indolis homines. Ad Deos vero transire nemini licet, quin ab omni corporis labe immunis sit et purus. ⁽²⁾

Sed ut occurrit in his omnibus Pythagorica de animorum migratione sententia: ita, quod nos non latere oportet, quamquam negligitur a multis, dominatur in iisdem germana illa philosophandi ratio, quam Platoni maxime propriam fuisse diximus.

(1) Phaedone 70. C. (2) Eod. 81 B. Cf. Tim. 42 B. C.

mus. De Pythagorae effato poenas luunt animi pro commissis flagitiis. Quae sententia obtinet universe in fragmentis Pythagoreorum, in primis Empedoclis. Is, teste Plutarcho ⁽¹⁾, in ipso philosophiae prooemio, si quis daemonum, pronunciat, *peccato et caede membra polluerit*, fato jubetur per triginta annorum millia oberrare, beatorum concilio exclusus:

ἔστι τ' Ἀνάγκης χρῆμα, θεῶν ψήφισμα παλαιὸν

εὐτέ τις ἀμπλακίῃσι φόνῳ φίλα γυῖα μίγη.

δαίμονες εἴ τε μακρῶνος λελόγγασι βίοιο·

τρὶς μιν μύριας ὥρας ἀπὸ μακάρων ἀλλάσσει. ⁽²⁾

Unde animorum post mortem supplicia, quibus expiant scelera et purgantur, ducta illa ex Pythagorae disciplina et celebrata a Virgilio:

Ergo exercentur poenis, veterumque malorum

Supplicia expendunt. Aliae panduntur inanis

Suspensae ad ventos: aliis sub gurgite vasto

Infectum cluitur scelus, aut exuritur igni. —

Donec longa dies, perfecto temporis orbe,

Concretam exemit labem, purumque reliquit

Aetherium sensum atque aurai simplicis ignem. ⁽³⁾

Et quadrat haec doctrina sacerdotum in Aegypto rationi, a quibus profecta est. Hominum spectat castigationem, religionis usurpat auctoritatem, sacerdotum severitatem habet et quasi vocem refert

(1) πρὸ φρον. 607. C. (2) Cf. Plut. de Is. et Os. Vol. II. 34. C. et alias Emped. sententias apud Wyttenb. disp. de immort. animi. Opusc. Vol. II. p. 528. (3) Aen. VI. 759.

fert. Sed Socrates apud Platonem sic disputat, ut *philosophum* nobis audire, non sacerdotem videamur. Supplicia memorat, quibus mortuorum afficiuntur animi; sed malum habet gravissimum, cuius animi sibimet ipsi auctores sunt, falsa opinari, vera ignorare: sic enim eos quid vere sit pulcrum, vere sit bonum et justum, non videre, prava vero persequi specie deceptos, iisque se reddere similes: quae maxima est poena. ⁽¹⁾ Contaminari dicit animum pravis libidinibus, ut morum censores omni tempore pronunciarunt: sed subjungit idem, his animum impediri potissimum, quominus veram cernat virtutem, seque ipsum ad ejus exemplum emendet. De moribus loquitur et vita bene instituenda, sed hortatur in primis, ut verum studeamus cognoscere: hoc enim cognito, sponte nos videre quid expetendum sit, quid fugiendum. Illa sacerdotibus, haec philosophis sunt propria. Nam sacerdotes eos vocare impuros solebant, qui suis praeceptis haud obtemperarent: praecipiebant autem ea, quae divinitus existimabantur vera et justa: sed philosophiae est *inquirere*, quid verum sit, quid justum, nec quidquam habet antiquius, quam inquirendi verique assequendi summovere impedimenta. Sunt autem illa in primis sensus, voluptates, dolores, timores. His remotis, animus in suam se vindicat libertatem, ul-

(1) Theaet. 176 D.

ultro tendit ad verum et justum, purus fit et sincerus.

Praesentem animi conditionem sic informabant Pythagorei, ut corpore eum inclusum perhiberent, tamquam carcere quodam.

*Hinc metuunt cupiuntque, dolent gaudentque,
neque auras*

Dispiciunt, clausae tenebris et carcere coeco ⁽¹⁾

Sumus nos, ait Cicero, item Pythagoreos secutus, sumus in his inclusi compagibus corporis, et munere quodam necessitatis et gravi opere fungimur. ⁽²⁾ Similiter Plato animum dicit vinctum esse in corpore, eique veluti congelatum ⁽³⁾: singulas voluptates, singulos dolores quasi clavos esse, quibus animus corpori affigatur et connectatur. ⁽⁴⁾ Sed addit hisce, ita fieri ut animus veritatem non per se ipse, sed per hunc carcerem consideret, atque in summa versetur rerum ignorantia. Ἀναγκασμένην δὲ, ὥσπερ δι' εἰργμοῦ, διὰ τούτου σκοπεῖσθαι τὰ ὄντα, ἀλλὰ μὴ αὐτὴν δι' αὐτῆς καὶ ἐν πασῇ ἀμαθίᾳ καλινδουμένην. ⁽⁵⁾ Et vero in Platonica comparatione, ad animum his vinculis liberandum principes partes tribuuntur *philosophiae* i. e, veri studio, veri disciplinae. Haec, inquit, animum suscipiens tam misere affectum, leniter eum comonet et solvere conatur, ostendens, fallacem esse

(1) Aen. VI. 733. (2) Senect. c. 21. (3) Phaedonē p. 82 E. (4) Eodem p. 83 D. V. Wyttenb. ad h. l. et ad Plut. de S. N. V. p. (5) Eod. 82 E.

se oculorum, fallacem aurium cacterorumque sensuum perceptionem: suadens, ut discedat ab hisce, quatenus iis uti non debeat necessario, hortansque, ut se revocet in se ipsum et recolligat, neque ulli fidem habeat praeterquam sibimetipsi, si quid ipsum per se ipse per se perceperit: quaecunque vero per alia consideraverit, quae in aliis alia sunt, horum nihil existimet verum: haec autem esse, quae oculis sensibusque patent, quod autem ipsa cernit, sola mente percipi. ⁽¹⁾ Itaque abstinet philosophi animus voluptatibus, cupiditatibus et quoad ejus fieri potest, omni affectu, id in primis cavens, ne de sensuum iudicio res dijudicans, quod his placet, verum, quod displicet, falsum habeat.

Omnino ad virtutem vitaeque sanctitatem adducit philosophia Platonis; sed sanctitas illa non est anachoretarum, sed *philosophorum*, qui *sapientiae* student. Quod studium non hujus vitae terminis definit, sed futurae in primis vitae proprium existimat. Philosophos inducit sic secum invicem disputantes: quamdiu in corpore versabimur, commixtusque erit hoc malo et pollutus animus noster, numquam nullo modo assequi nobis licebit, quod expetimus. *Φαμὲν δὲ τοῦτο εἶναι τὸ ἀληθές.* *Hoc autem esse dicimus verum.* ⁽²⁾ Mori iccirco cupiunt: tum enim, inquit, puri immunesque sensuum corporisque dementiae, cum talibus, ut
con-

(1) Phaedone p. 83 A.

(2) Teod. p. 66 B.

consentaneum est, erimus, καὶ γνωσόμεθα δι' ἡμῶν αὐτῶν πᾶν τὸ εἰλικρινές· τοῦτο δ' ἐστὶν ἴσως τὸ ἀληθές. *Ipsique per inmetipsos omne cognoscemus purum et sincerum: id autem esse verum videtur.* Impuro enim purum attingere non licitum sit. ⁽¹⁾ Itaque Plato futurae vitae felicitatem facultate potissimum cerni censet *ipsius veri* spectandi. Animus si purus e corpore discedit, nihil ex eo secum trahens, quocum quippe in vita nullum lubens commercium habuerit, sed fugerit illud, seque ipsum in se collegerit, utpote huic semper rei studens: — id autem nihil aliud est, quam recte philosophari — sic igitur se habens animus corpusque relinquens, ad istud procedit, quod ipsi est simile nec potest videri, divinum, immortale, sapiens: quo ut pervenerit, licebit illi beato esse, errore, inscitia, metu, feris amoribus caeterisque malis humanis liberato, utque de ~~initia~~ ^{initia} tatis dicitur, re vera per subsequens tempus omne cum Diis vivet. ⁽²⁾ Unde ductum explicandumque est Ciceronis illud; quod ante ex Hortensio attulimus: sic existimandum est, quo magis animi fuerint semper in cursu, id est, in ratione et investigandi cupiditate — hoc illis faciliorem adscensum et reditum in coelum fore. ⁽³⁾ Imo vero *sola* naturae cognitione et scientiâ tam hominum post mortem, quam Deorum constare beatitudinem, in eodem

(1) Phaedone p. 67 A. (2) Eod. 80 E. (3) *Fragm.* p. 1098. Ed. Ern.

dem opere contendit Cicero : si nobis, cum ex hac vita migraverimus, in beatorum insulis, immortale aevum, ut fabulae ferunt, degere liceret, quid opus esset eloquentiâ, cum judicia nulla fierent? aut ipsis etiam virtutibus? nec enim fortitudinis indigeremus, nullo proposito aut labore, aut periculo: nec justitia, cum esset. nihil, quod appeteretur alieni: nec temperantia, quae regeret eas, quae nullae essent, libidines: ne prudentia quidem egeremus, nullo dilectu proposito bonorum et malorum. *Una essemus beati cognitione naturae et scientia, quae sola est etiam Deorum vita laudanda.* ⁽¹⁾

Quo magis haec placita ex ipsa Platonis mente perceperimus, eo plenius intelligemus illa, quae de pristino animi et puro statu in Phaedro pronuntiavit. Sed eo priusquam transeamus, hanc etiam philosophi attendamus de indole nostra et naturâ sententiam.

Nil homo possidet animo divinius. Πάντων γὰρ τῶν αὐτοῦ κτημάτων μετὰ θεοῦς ψυχὴ θεϊότατον. ⁽²⁾ Verum, qualis ille sit, si cognoscere velimus, haud intueri eum oportet pollutum inquinatumque corporis communione et caeteris malis; sed, ut naturâ se habet, purum et sincerum, talem nos decet eum discernere ratione et perspicere. Qui Glaucum marinum vident, haud possunt illi ex praesente specie, antiquam ejus naturam assequi: nam

(1) Fragm. p. 1094. Ed. Ern. (2) De Legg. V. init.

nam corporis partes aliae sunt fractae, aliae contritae, cunctae undis fluctibusque corruptae: adhaerescunt item aliena illis, conchylla, alga, lapides, quo fit, ut cuiusvis ferae, quam sibimetipsi, similior sit. Οὕτω καὶ τὴν ψυχὴν ἡμεῖς θεώμεθα διακειμένην ὑπὸ μυρίων κακῶν. ⁽¹⁾ *Pari et nos conditione animum nunc conspiciamus, infinitis affectum malis.* Hac conparatione Plato praesentem declarat animi statum, quo magis auguremur inde, quae olim ejus conditio fuerit, quae deinceps sit futura. Quod ex indole ejus et naturali studio efficit. Nam pergit deinceps Socrates: ἀλλὰ δεῖ, ὦ Γλαῦκων, ἐκεῖσε βλέπειν. Ποῖ; ἢ ὃ θεῖ. Εἰς τὴν φιλοσοφίαν αὐτῆς, καὶ ἐννοεῖν ὅν ἄπτεται καὶ οἷον ἐφίεται ὁμιλιῶν, ὡς ξυγγενῆς οὖσα τῷ τε θεῷ καὶ ἀθανάτῳ καὶ ἀεὶ ὄντι, καὶ οἷα ἂν γένοιτο τῷ τοιούτῳ πᾶσα ἐπισκομένη· καὶ ὑπὸ ταύτης τῆς ὁρμῆς ἐκκομισθεῖσα ἐκ τοῦ πόντου ἐν ᾧ νῦν ἐστὶ, καὶ περικρουσθεῖσα πέτραις τε καὶ ὕδασι, ἃ νῦν αὐτῇ, ἅτε γῆν ἐσιωμένην, γεγραμμένη καὶ πετρώδη πολλὰ καὶ ἄγρια περιπέφυκεν ὑπὸ τῶν εὐδαιμόνων λεγομένων ἐξιάσεων. *Sed illuc, o Glauco, oculos convertere debemus. Insitum animo studium, insita nobis spectanda est ejus philosophia. Animadvertere oportet, quae expectat, quae amplectatur, quibusdum jungi gestiat, ut divino et immortalis et sempiterno cognatus, et qualis aliquando fieret, si totus omnique sensu illa persequeretur et hoc impetu e mari emergeret, in*

quod

(1) Rep. X. 611 D.

quo nunc agitur. excussis lapidibus et conchyliis, quae nunc ei, quippe terrenis nutrito rebus, terrena et petrosa et agrestia circum circa inhaerescunt, aut propter beatas quae dicuntur, epulationes: καὶ τοῦτ' ἐν τῇ αὐτῇ τὴν ἀληθῆ φύσιν. Tum demum quis cernat veram ejus naturam, ⁽¹⁾

Praeclaram autem hanc animi indolem in Phaedro potissimum celebravit Plato, quo pristinam ejus conditionem illustri oratione descripsit. Quam sane descriptionem haud temere dicamus exordium esse sublime et quasi προοίμιον universae philosophiae Platonicae. Nec sane quid fingi poterat, quod excelso philosophi proposito aptius esset et convenientius. Nam cum statueret, animos hominum ex alia quadam vita in haec corpora migrasse, tribueretque philosophiae gravissimum munus, ut eos restitueret in pristinam conditionem, conditionis illius perfectae perfectum adumbrandum erat exemplar, quod intuentes philosophi, in eoque penitus defixi, ad ejus similitudinem et semetipsos et alios informarent.

Hanc autem beatæ vitæ descriptionem, poeticam simul et philosopham, qui assequi et percipere totam studet, ipsum legat Platonem. Nam exprimi penitus nec alio potest modo, nec verò aliā linguā. Nos illud agemus unice, quod interpretis videtur munus postulare, ut primum explicemus
eam,

(1) Rep. X. 611 B.

eam, i. e., partes ejus implicitas quasi evolva-
mus, tum singulas has partes singulatim ex anti-
quae cum poeseos, tum philosophiae, ratione illus-
tremus.

Omnis *animus* sempiternus est: nec habuit prin-
cipium, nec finem habebit. Nam cum id sit ae-
ternum, quod a se ipso movetur, quis est, qui hanc
naturam animis esse tributam neget? Inanimus est
enim omne, quod pulsu agitur externo: quod au-
tem animal est, id motu cietur interiore et suo. Nam
haec est natura propria animi atque vis: quae si
est una ex omnibus quae sese moveat, neque na-
ta est certe et aeterna est. ⁽¹⁾ Et haec quidem sa-
tis de immortalitate animi: de ejus vero forma ita
dicendum. Qualis sit, enarrationis esse longae et
divinae, cui autem sit similis, humanae et brevio-
ris. Hac igitur nos usi, comparemus eum equo-
rum jugo alatorum, quos gubernet modereturque
auriga. Sed primum de Deorum, tum de hominum
disseramus animis.

Ita beatissimi sunt Dii immortales, ut facillime
saepissimeque adspiciunt ipsum verum in loco su-
pra coelum evector: cujus beatitudinis participes
aliquando fuerunt animi humani. Locum illum *ὕπερ-
ουράνιον* nec quisquam adhuc celebravit poetarum
nostrorum, nec unquam pro dignitate celebraturus
est

(1) Locum in Phaedro 245 C. sic vertit Cicero *Tusc.*
I. 25, et in *somn. Scip.* Explicuit eum Muret. Heind. et
Ast. ad Phaedr. l. l.

est. Tenet hunc locum ἡ ἀχρωματὶς τε καὶ ἀσχηματὶς καὶ ἀναφῆς οδοῖα ὅπως οὔσα, id quod vere est nec colorem aut formam habet nec tactu percipitur, sed ab unâ conspici mente potest, quae aurigae instar animum gubernat: illic hoc adest una cum vera scientia. Hanc spectans οδοῖαν ὅπως οὔσαν cum Dei intelligentia, quae mente pura et scientiâ vertitur, tum animi cujusque acies, quae huic rei par sit futura, et placida fruitur voluptate, et hoc veri spectaculo alitur atque exhilaratur, quamdiu coeli vertigine in circulum vertitur. In hoc autem eircuitu ipsam contemplatur justitiam, temperantiam ipsam, ipsam omnino scientiam, non quae nata aliquando est, aut quae alia est in aliis eorum, quae nunc esse dicimus; sed quae in eo obtinet, quod vere est, ὅ ἐστιν ὅν ὅπως: hanc igitur scientiam et caetera pariter omnia, quae vere sunt, contemplatus animus, iisque nutritus ac pastus, recipiens se rursus intra coelum, domum redit. Postquam autem rediit, equos auriga ad praesepe sistens, ambrosiam iis projicit et nectar insuper potandum praebeat. Et haec quidem est Deorum vita. ⁽¹⁾

Iter autem illud coeleste ad ipsum contemplandum verum, cum certis instituitur temporibus, tum hunc in modum. Magnus in coelo dux Jupiter, alatum citans currum, primum incedit, ordinans omnia et providenter disponens. Hunc sequitur

(1) Phaedr. 247 C. D. E.

tur exercitus Deorum et Daemonum, in undecim partes distributus. Manet enim Vesta in Deorum domicilio sola. Caeteri vero, qui in duodecim Deorum numero censentur, suum quisque agmen ducunt. Multae sunt intra coelum cursitationes, multa beataque spectacula, quo Deorum genus beatorum vertitur, suum quisque munus peragens, sequitur autem illos quicumque et vult et potest: nam livor a choro Deorum procul remotus est. Quando vero ad *dapes et convivium* procedunt, arduum conscendunt locum ad summum coeli verticem: quo postquam pervenerunt, extra progressae in coeli dorso subsistunt: subsistentis autem coeli conversione convertuntur, et spectant quae extra sunt in loco quem descripsimus, ὑπερὸν πάσι.⁽¹⁾

Nullus est humanus animus, quin huic agmini Deorum interfuerit aliquando et verum spectare in coeli vertice tentaverit: caeteroquin in hoc corpus non venisset. Sed humanorum conditio animorum longe alia est, quam divinorum. Hi enim et aurigam habent prudentem et equos freno obtemperantes: illis vero alter equus est docilis, alter aegre coercetur. Itaque ut in locum venerunt arduum, aegre processerunt. Nam equus pravitatis particeps deorsum prae pondere ruebat, ad terram vergens, nisi bene esset ab auriga doctus et cohibitus. Qui animus optimo et secutus est Deum suum et imitatus.

(1) Phaedr. 246 E. 247. A. B.

tas, extulit ille in sublimem trans coelum locum
sursum caput et una cum coeli conversione conver-
sus est, quamquam turbatus equis et vix τὰ ὄντα
contemplatus. Alius autem modo extulit caput, mo-
do submitit, et, ferocientibus equis, partim quid vi-
dit, partim non vidit. Caeteri vero appetentes quidem
omnes superiora, sequebantur, sed frustra contenden-
tes, submersi circumferebantur, calcantes se invicem
et incumbentes, alii alios praevertere proruendo eo-
nantes. Illic igitur tumultus et certamen et sudor
extremus, ubi vitio aurigarum multi claudicarunt,
multi multas pennas confregerunt, omnes, gravi
exantlato labore, veri expertes discesserunt quod
spectatum iherant, proque vero, opinione usi sunt
alimento. Unde autem tantum illud studium cam-
pum videndi veritatis, ubinam sit? Scilicet ex illo
prato unice petitur, quo optima sit nutrienda ani-
mi pars, quaeque animum elevat alas, hoc alun-
tur. ⁽¹⁾

Etenim, ut Deorum animi, sic hominum ali-
quando alis fuerunt instructi. His in altum sub-
lati ac sustentati, eo escendebant, ubi Deorum
habitat genus. Nam alas omnium maxime divinae
sunt naturae; ⁽²⁾ τὸ δὲ θεῖον καλὸν, σοφὸν, ἀγαθόν
καὶ πᾶσι ἔτι τοιοῦτο δίδενται autem est pulcrum,
sapient, bonum et quidquid est huiusmodi: his
adaptur et corroborantur animorum alas, turpi ve-
ro et malo et contrariis omnibus infringuntur et
per-

(1) Phaedr. 247. 248 (2) Epod. 246 D.

percut. Fractis igitur alijs in illa contentione ad verum spectandum, lapsi sunt animi in terram, terrenumque induerunt corpus, alii vero aliud, quique plurima viderunt, in eos migrarunt qui postea nati sunt sive *φιλοσώφεις*, sive *φιλοκταλά*, sive *μουσικοί*. ⁽¹⁾

Talis est descriptio Platonica beatæ vitæ, quam gustarunt hominum animi, antequam corpoream hanc naturam induerunt. Continetur et alia item multa et sublimia, in primis, quæ via sit amoris et pulcri ad reducendum animum ex præsentis hæc conditione in pristinam illam beatitudinem. Sed in ipsa explicanda philosophia Platonis, sponte nos illa et adducemus deinceps et interpretabimur. Nunc vero ad illustranda quæ attulimus, nonnihil ex poesi antiqua et philosophia adhibeamus. : Ex primum quidem hoc animadvertendum,

Innata est homini perfecti cupido, qui cum non conveniat præsentis temporis conditio, fingere illud solet ingenio, et pristino cuidam et remotissimo ævo tribuere. Itaque auream humani generis ætatem certatim celebrarunt omnis ævi et loci poætæ: idemque fecerunt philosophi, sed dispari utrique et modo et consilio. Illi ut semetipsos aliosque delectarent perfecta felicitatis specie, tempora fingebant, quo

*Ver erat æternum, placidique totentibus auris
Mulcebant Zephyri natos sine semine floras —
Flumina jam lactis, jam flumina nectaris ibant.* ⁽²⁾

Phi-

(1) Phædr. 248 D. (2) Ovid. Metam. I. 107.

Philosophi vero aliam appetentes, quam caeteri solent, felicitatem, in perfecta pariter conditione, omnia tribuebant menti, sensibus corporique nihil. Itaque Plato acerrimo ductus philosophiae veritatisque studio, beatam adumbravit animorum in prisca quadam vita conditionem, ejusmodi illam, ut integrâ purâque fruerentur veri contemplatione.

Diis tribuebant antiqui, quod ipsis videbatur summum et perfectum. Apud Homerum convivia celebrant Dii hilaritate summâ, quam alunt Apollinis cantus et chori Musarum, excitat autem nectar in primis, quod singulis administrat sive Hebe sive Ganymedes. Sed in hac Platonica divinae felicitatis descriptione, nectar quidem occurrit, sed equis praebetur Deorum una cum ambrosia, quando itinere fatigati praesepibus adstant: ipsos vero Deos nec cantus, nec chori, nec vero nectar aut ambrosia demulcent aut exhilarant, sed unum tenet veritatis spectaculum, quod spectantes voluptate fruuntur, quae sola dici divina potest. Haec aurea aetas est philosophorum.

Quod autem ad ipsam attinet fabulam, facile intelligimus, totam hanc animorum et coelestis itineris imaginem, a solis ambitu ductam esse, qualem hunc informaverant poetae Graeci. Phoebum hi finxerant sedentem in curru et equos illos ignivomos pennisque levatos agentem, coelum conscendere quotidie et totum transire, ⁽¹⁾

dx

(1) Ovid. Metam. II. 159.

ἐκτὶς ἀελίου πολύσκοπε —
 ἐπισκότειον ἀτραπὸν ἐσσαμένα γ'
 ἐλαύνεις τι νεώτερον, ἢ πάρος.
 ἀλλὰ σὲ, πρὸς Διὸς,
 Ἴππους θεῶς, ἱκατεύω,
 ἀπήμον' ἐς ἔλβον τινὰ
 τράποιο Θήβαις. ⁽¹⁾

quem Pindari locum et alios hujus poetae in Solem hymnos, fontes existimat Dionys. Hal., e quibus sua hauserit Plato. Pari sublimitate Euripides: ⁽²⁾

ὦ τὴν ἐν ἀστροῖς οὐρανοῦ τέμνων ὁδὸν
 καὶ χρυσοκαλλήτοισιν ἐμβεβῶς διφροῖς
 Ἥλιε, θεῶς ἵπποισιν εἰλίσσων φλόγα.

idemque in deperdita tragoedia *Phaëthonie* in primis illa ornasse videtur. E prologo haec servata sunt. ⁽³⁾

ἦν ἐκ τεθρίππων ἀρμάτων πρώτην

Ἥλιος ἀνίσχων χρυσέῃ βώλῃ φλέγει.

E quibus et similibus proficiens Ovidius, admirabili arte iter descripsit Solis. Simile est hoc iter Jovis caeterorumque Deorum excellentium, quos eadem specie sequuntur animi humani. Escendunt hi item in coelum certis temporibus, ut Phoebus, non singulis diebus, sed anno quoque ter millesimo, et spectaculo illic fruuntur magnificentissimo. In quibus describendis, philosophos item

(1) Dion. Hal. de admirab. vi dic. in Demosth. c. 7. Vol. VI. p. 972. Ed. Reisk. Pind. Vol. III. p. 69. Ed. Heyn. (2) Phoen. init. (3) V. Valek. Diatr. p. 31.

item habuisse videtur Plato, quos imitaretur. Exstant certe in Empedoclis et Parmenidis fragmentis quae notionem] contineant *equorum currus-que eūhniō*, quibus animus vehatur. ⁽¹⁾ Sed alias item in his et aliunde imagines adhibuit. Ne dicam de exercitu in agmina distributo, cui summus praeest in coelo dux et imperator: aurigationem animi certatim instituunt, ut certant apud Homerum aurigae. Nec vero negligenda est quae chori fit et initiorum mentio. Deos sequuntur animi et student imitari, sequuntur autem, ut choregos suos, quasi choros cum Diis celebrantes in sacris hisce omnium augustissimis; quin etiam initiantur mysteriis animi verum intuendo, quacque illic viderunt *ἐποπτικά*, eorum in hac vita etiam nunc sunt memores. *Εἰδὼν τε καὶ ἐτελοῦντο τελετῶν ἣν θέμις λέγειν μακαριώτατην ἣν ὀργιάζομεν δολκληροὶ μὲν αὐτοὶ ὄντες καὶ ἀπαθείς κακῶν, ὅσα ἡμᾶς ἐν ὑτέρῳ χρόνῳ ὑπέμενευ ὀλόκληρα δὲ καὶ ἀπλᾶ καὶ ἀτρεμῇ καὶ εὐδαίμονα φάσματα μυσούμενοι τε καὶ ἐποπτεύοντες ἐν αὐγῇ καθαρᾷ καθαροὶ ὄντες.* ⁽²⁾ Sic plena est pulcherrima descriptio poeticarum imaginum; sed adaptantur haec mirabiliter gravissimis philosophi placitis. Haud enim is temere fingendo evolavit incertoque vagatus est, ut splendida quacque persequeretur, assequeretur imania. Haec ratio fuit posterioris aevi philosophorum. Plato vero quaecumque vel ipse finxit subli-

(1) *Loēa* appositū Ast. ad Phaedr. p. 291.

(2) Phaedr. 256 C.

sublimia, vel ficta ab aliis illustravit ornavitque, haec omnia adhibuit ad veri disquisitionem, quo magis illustraret sententiam suam. Unde lumen Platonicae philosophiae, quod omni aevo advertit philosophos. Nec alio spectat sublimis, quem adumbravimus, in Phaedro *μῦθος*. Referitur ille totus ad explicanda evidentius, quae de homine sentiebat, deque ejus et pristino statu et praesente conditione ac futura. Et vero quae diligenter deinde exposuit de scientia et opinione, de recordatione et disciplina, de animi omnino natura et tribus ejus partibus *ratione, ira, cupiditatibus*, qui locus late patet in omni ejus philosophia, imprimis morali et politica, mirifice haec omnia palmario hoc *μῦθος* illustrantur.

Et sic quidem ad finem pervenimus sublimis prooemii, quod scriptis suis totique philosophiae tamquam *τὴν λαμπρὴν πρόσωπον*, praeposuit Plato. Aperuit hoc nobis quasi novum quendam mundum, in quo veritas lucet, lucet pulerum, bonum, justum, lucent exempla eorum omnium, quorum in his terris inania cernimus et falsa simulacra. Huc autem qua ratione escendendum sit homini, ipsa nos deinceps philosophia docebit, et primum quidem, quam nunc sumus exposituri, *philosophia πολιτική*.

PHILOSOPHIA PULCRI

SIVE

DE AMORE.

Spiritus intus alit.

Aditus ad philosophiam sic multis videtur difficilis et molestus, ut vix eam ingressi, vel haereant subinde aegerrimeque progrediantur, vel continuo reditum parent. Quod non mirum est in hodierna et disciplinarum methodo et philosophiae conditione. Contineri haec praesertim videtur metaphysicā, e cujus principis explicandae maximam partem sint logica, ethica, ipsa etiam, quae nunc vocatur, aethetica. Institutionis autem hujusmodi est ratio, ut juvenes, vix degustatis poeseos et literarum initiis, continuo ad metaphysicam illam sive ipsam sive ejus principia adducantur, quae sane disciplina et est et habetur disciplinarum omnium longe difficillima. Quidni igitur philosophiam rem habeant, gratissimam forte aliis

ellis et pulcerrimam, sed sibi ingratam, quippe suo captu majorem? Quo magis admiramur eos, qui in tradenda philosophia hisce non impediuntur difficultatibus, sed sive ingenio, sive Veterum lectione facile eas superant.

Non ita se habet philosophia Platonis: nec absterret in ipso aditu, et progressu magis deinceps magisque placet. Quod ipsi jam, ni fallor, hoc loco experimur. Nam in mediâ illâ jam dudum versamur, nec fuit tamen, quod sive difficultate sive jejunitate nos magnopere rejiceret. Quodsi de progressu quaeris: noli dubitare: respondebit ille principio, imo, argumentorum suavitate, praestabit etiam. Nam exploratâ philosophi de animo sententiâ, gravi sane illâ et excelsâ, hinc nobis jam deinceps, tamquam a sublimi quodam *ὀρμητηρίῳ*, in amoenissimum descendendum est locum de *amore et amoris disciplina*, quo maxime apud Platonem continetur philosophia pulcri.⁽¹⁾

Sci-

(1) De amore principes sunt Platonis loci in Phaedro et Symp. quos aetatis suae ratione explicuit Ficinus in in comm. ad Symp. et Opp. Vol. II. p. 289. De *enthusiasmo* amoris V. Hansch. de entusiasmo Platonico. Lips. 1716. Cf. Ficin. Ep. L. I. p. 598. Locum de pulcro cum his dialogis tractavit Plato, tum Hipp. maj. ac Philebo. Sed Philebus proprie ad ideam boni refertur ac nobis in *philosophia justî* memorabitur. Praeclare de eo egerunt Böckh. in Philolao et Stallbaum in edit. Sententiam Platonis de pulcro explicuit Tenneman Syst. Vol. IV. p. 263. Scripta Veterum de hoc argumento; ut Isocratis, Dionis Chrys., Luciani, Plotini, Procli accurate recensuit Creuzerus ad Plot. de pulcritudine cum in Praep. tum in comment. De *artibus*, maxime de musica egit Plato in primis Rep. III. X. Legg.

G

II.

Scilicet non haec fuit Platonis vita, ut ab in-
eunte aetate in scholis delitesceret metaphysico-
rum, rebusque obscuris et intricatis definiendo ar-
gumentandoque enodandis studeret. Puer poesin
tractavit, tantoque ductus est pulcerrimae artis
amore, ut carmina sponte funderet et Musis vide-
retur per totam vitam operaturus. Accessit dein-
de ad philosophiam: quo eum Socrates addu-
cebat et multo etiam magis ipsius natura: nam
inerat ejus menti philosophia quaedam. Sed ita
ei studuit, ut legeret simul poetas omnis aevi ce-
leberrimos, Homerum, Hesiodum, Pindarum, il-
los praesertim, quorum carmina philosophiae es-
sent plena, Parmenidem, Pythagoreos, tum Tra-
gicos, Comicos, tum item Eroticis, Anacreon-
tem, Sapphonem: quorum lectione imbutus quum
ad scribendum se daret, sponte exhilarabat scrip-
ta sua venustatis quodam et poeseos colore. Sed
studium hoc et poeseos et poetarum eam vim ha-
buit in viri philosophiam, ut haec videretur ab
ip-

II. VII. V. Den Tex disp. de vi musices ad excol. hominem
e sent. Plat. Traj. ad Rh. 1816. De *choris* ex sententia
Platonis egit Bax. disp. de naturae simplicitate in Eurip.
Oreste Traj. ad Rh. 1816. Cf. L. G. Parcau, Lucius s. na-
vigantes in Annal. Acad. Rhénotr. 1819 - 1820. De *discipli-
na amoris* (περὶ τῆς ἐρωτικῆς) scripserunt Plotinus, Olymp.
Proclus. l. l., tum Maxim. Tyr. diss. XXIV - XXVII.
Ed. Reisk. et Plutarch. in Amatorio, qui omnium maxime
videtur sententiam Platonis et cepisse et expresse. V.
Intpp. ad Phaedr. et Symp. et Reynders Diatr. in Symp.
Ad hodierni aevicaptum exposuerunt eam cum alii, tum maxi-
me Fr. W. B. Von Ramdohr Venus Urania. Lips. 1798.

ipsis Musis Gratiisque profecta. Nam de iis quaerebat studiosissime, quae maxime essent a poetis celebrata: de amore in primis et rebus amatoriis: argumento sane Socratico et philosopho, sed ab umbra scholarum, si quod aliud, alienissimo.

De Amore.

Sententia Platonis de amore sic omni tempore celebrata est, ut vim hacta sit proverbii et nemo non loquatur de *amore Platónico*. Sed eandem, ut fit, pro suo quisque sensu et iudicio cum accipit aliter, tum iudicavit. Acceperunt hunc amorem poetae, in primis Itali, de mirâ illâ animorum conjunctione, quae amatae intercedit cum amatore, et utrumque in regiones coelestes extollit: ac profecerunt inde Dantes Aligerius ad Beatricem, Petrarcha ad Lauream, alii ad alias celebrandas divini pectoris foeminas. Philosophi vero, si ab Italis discesseris qui faciliores fere fuerunt, ut nonnulli etiam alii, philosophi igitur plerique rem habuerunt poeticam amorem istum Platonicum, sed philosophiâ indignum: esse enim aptum forte alii cuidam mundo, quem ignoramus, sed huic, in quo vivimus et agimus, haud consentaneum. Quod iudicium praeter philosophos, alii etiam pronunciare solent, qui nec dicuntur philosophi, nec sunt. Sed exstiterunt item, qui rem serio iudicarent, turpem eam censerent et moribus noxiam; Plato-

nem reprehenderent, calumniarentur, nec ipsius parcerent Socratis virtuti. ⁽¹⁾ Quorum sane omnium nobis ratio habenda erit in hisce disquisitionibus; sed in primis eorum, qui tam inique de Socrate et Platone judicarunt, imo vero sententiam iis obtulerunt, ipsorum placitis propositisque plancontrariam. Sed ut quisque de his omnibus ipsi judicet, non ab aliena pendeat opinione, unum alterumque percurramus Platonis dialogum: et primum quidem illum, qui Phaedri nomine inscribitur et locum jam nobis suppeditavit de vita beata. Capiet nos continuo generosa Phaedri indoles cum Socrate confabulantis suavissime, tum Socratis nos capiet, imo movebit in turpem amorem oratio. Sed rem ab exordio inde exponamus.

Sermonem a Lysia acceperat Phaedrus, qui contenderat ille, amanti non gratificandum esse sed ei, qui non amaret: hunc enim sedatur esse et placidum, illum vero vehementibus agitari studiis. Quem ut acceperat, urbe egreditur, ut solus ambulans meditaretur eum studiose. Nam oratorum omnium Lysiam admirabatur maxime, quo non putabat disertius posse quemquam et ornatus dicere. Ambulanti autem et meditati, ecce! obviat ei Socrates, qui penitus cognoscens juvenem, ut nomen audivit Lysiae, perspicit continuo, quid intus agitet animo, rogatque eum, ut secum communicet pulcherrimum scilicet

il-

(1) V. Gesneri *Socrates sanctus paederasta* in comm. Gött. ed. item Traj. ad Rh. 1769.

illum et disertissimum Lysiae sermonem. Phaedrus primum recusare, ut mos fert juventutis, quo nempe magis instaret rogando Socrates: deinceps peragere lubenter, quippe intus animo gaudens, posse se nunc Lysiae celebrare eloquentiam et vero suam item ostendere: tum ambo procedere et locum exquirere, ubi alter legeret, audiret Lysiamque admiraretur alter: invenire autem longe amoenissimum in Ilissi ripâ sub platano patulis diffusâ ramis. Ibi jam Phaedrus sermonem recitat singularis plane argumenti, et ipsum singularem, multa arte confectum, verborum dictionumque varietate insignem, sed hanc ipsam ob caussam mirabiliter placentem juveni. ⁽¹⁾ Qui ut finem fecit le-

(1) In hoc sermone desiderat Tylorus Oratoris Lysiae dicendi genus, in vita Lysiae p. 59: quamobrem alii eum Lysiae tribuendum censebat. Hoc quam ineptum sit, satis demonstravit Wyttenb. ad Plutarch. de aud. phil. p. 340 Cf. Heindorf. et Ast. ad Phaedr. h. l. et Groen. Prosopogr. Plat. p. 113. Nobis animadvertendum videtur, non *orationem* Lysiae in amorem, sed *dialogum* a Platone significari. Γέγραφε γὰρ ὁ Λυσίας περιώμενον τινὰ τῶν καλῶν, οὐχ ὑπὸ ἔρασος δέ. 227 C. Quo intelligitur dramatica forma. Sed hanc formam plane prodit eum initium sermonis: περὶ τῶν ἐμῶν πραγμάτων ἐπίσασαι — 230 E.: tum finis: ἔγὼ μὲν εὖν ἱκανά μοι νομίζω τὰ εἰρημένα εἰ δέ τι σὺ ὑποθῆς, ἡγούμενος παραλελείφθαι, ἐρώτα. 234 C. Jam vero ejusdem scriptoris in dialogo aliam esse plane; quam in oratione, dicendi rationem, nemo est, quin sponte videat. Caeterum hunc Lysiae sermonem, si non totum finxerit pro more suo Plato, quod nolim affirmare, certe ad propositum suum plane accommodasse videtur.

legendi, quid tibi tandem, Socrates, inquit, de hoc sermone videtur? Nonne mirum in modum placet? Obstupui plane, respondet ille, praesertim vero Te adspiciens. Nam videbaris mihi inter legendum exsultare prorsus. Adspiciens igitur Te et secutus, una tecum, divinum caput, bacchatus sum. Hic Phaedrus suspicari, illudere ipsi Socratem: quaerere autem serio, putaretne, Graecorum aliquem ullo tempore de una re tot ac tanta dixisse. Socrates vero memorare poetas multos et poetrias et alios item scriptores, qui de amore scripsissent: quorum, inquit, pectus habens plenum, sentio me posse praeter haecce alia item dicere, nec pejora. Tum Phaedrus, hoc, inquit, praeclare dixisti, generosissime; a quibus autem haec acceperis et quomodo, ne dicas velim, etiamsi a me rogatus. Sed tu, quaeso, tu perage quod promisisti: si feceris, ponam ego tibi Delphis statuam auream, juxta meam. Quo adolescentis ardore captus Socrates, aegre quidem et multo cum pudore, sed perducitur tamen eo, ut ipse pariter orationem pronunciet.

Est autem illa non ita arte nitens et splendida, ut Lysiae; sed commendat se multo magis et lucet plane ordine, perspicuitate, proprio verborum usu, accurata argumenti definitione, interiore animi humani pervestigatione: valet unice ad causam obtinendam, quam proposuerat Lysias, amanti gratificari non oportere juvenem. Quaerendum nobis primum, inquit, quid sit amor:

tum

tum quodnam ex eo percipiatur vel emolumentum vel damnum. Omnis amor cupiditas est quaedam: sed, ut multa sunt genera cupiditatum, quorum alia alio spectant, ita amor voluptatem appetit pulcritudinis. Porro cum duo nobis insint, quae sequi soleamus quocumque ducant, innata haec nobis cupiditas pulcritudinis et voluptatis, tum alterum, boni existimatio, ratione et studio parta; amor sine ratione bonive studio ad corporis trahit voluptates. Hac praemissa amoris definitione, efficit inde Socrates, perniciosum esse juveni amorem: amatorem enim, quippe voluptati servientem, id unice agere, ut amasium sibi efficiat quam gratissimum: haud ferre igitur, si ipsum sive ingenio, sive fortitudine, sive divitiis superet aut aequet: nam gratum esse insanienti quicquid non repugnet; quod vero vel superius est vel par, ipsi esse inimicum. Itaque eo contendere amantem, ut amasium efficiat mollem, ignavum, effoeminatum, egenum, excludat eum bonorum consuetudine, *ὅθεν δὴ μάλιστα ἀνὴρ γίγνεται*; unde maxime possit vir evadere: excludat eum adeo arceatque procul ab eorum usu, unde maxime possit sapiens fieri: *τοῦτο δὲ ἡ θεία φιλοσοφία τυγχάνει δι*: id autem est divina philosophia: quo sane damno majus graviusque homini inferri nullum potest. ⁽¹⁾

Sed hanc Socratis de amore orationem sic intelligi-

(1) Phaedr. 237 — 241 D.

ligemus maxime, ut diligentissime adverterimus mores libidinesque gentium antiquarum. In his omnibus obtinebat amor turpis et abjectus, qui unice contineretur sensuum voluptatibus, imo naturae repugnaret et bestiis adeo viliores efficere hominem. Nec obtinebat ille tantum in rudibus et agrestibus hominibus: dominabatur plane in ipsis sacris, in cultu Bacchi, Veneris, Priapi: praebant sacerdotes, sequebantur populi. Nam ut homo primum stupidus est et languet tam corpore, quam animo: quae conditio fuit Ichthyophagorum et Troglodytarum, et est hodieque mortalium, quos variis in regionibus et olim et praecedente aevo reppererunt Europaei: ita prima est progressio ad humanitatem, ut ex hoc sopore et indolentia evigilet, appetitibus, cupiditatibus, studiis, libidinibus excitetur. Quamobrem dum vulgus manet in eodem stupore, primi sunt sacerdotes, qui evigilent, voluptatibus ducantur, voluptatum insignia et sibi et caeteris informant, phallos et similia populo proponant, in solemnibus pompis haec circumferant, ut fieri apud Aegyptios solebat, ⁽¹⁾ vel celebrent in mysteriis, quae Graecorum erat vetusto aevo consuetudo. ⁽²⁾ Nam sacerdotes apud rudes gentes non sunt sapientes, quales nobis dicuntur, sed propius paulo caeteris ad sapientiam accesserunt, quamvis

ru-

(1) Herod. II. c. 48. (2) V. Clem. Alex. Protrep. p. 13 et 20. Arnob. adv. gentes T. V. p. 73. Quae Patrum

rudes etiamnunc ipsi et motibus agitati, quos nos detestamur. Mutari haec quodammodo apud Graecos coeperunt cultiore aetate: sua coluerunt sacra et alibi et apud Corinthios mulieres ingenuae.

Ἀφροδίτῃ ἦγε ταῖς ἐταίραις ἡ πόλις

ἕτερα δὲ χωρὶς ἐστὶ ταῖς ἐλευθέραις ⁽¹⁾

quae in vetustis fabulis latebant duplicis Veneris notiones ⁽²⁾, explicatae a poetis sunt, in primis a tragicis:

ἀλλ' ἐστὶ δὴ τις ἄλλος ἐν βροτοῖς Ἔρως

ψυχῆς δικαίως, σώφρονός τε καὶ γαλήνης. ⁽³⁾

Purioris amoris et statuae positae sunt in gymnasiis ⁽⁴⁾ et festa celebrata, ἐρωτικὰ dicta, ⁽⁵⁾ quaeque in templis aderant nec tollenda videbantur turpitudinis indicia et simulacra, habita sunt illa et culta tamquam imagines naturae et foecunditatis; ⁽⁶⁾ sed ipsa turpitudine in moribus mansit et vitae consuetudine, imo latius subinde serpsit per nulla non hominum genera. Nam commendabant has nequitias poetarum carmina, quorum lectione imbuebatur iuventus, et oculis subiciebant comicorum fabulae, quas universus spectabat populus. Quo fiebat, ut aduescerent plane homines impuris istis rebus, cultissimique adeo apud Graecos Romanosque viri sermonibus eas scriptisque usurparent.

Quod

tram testimonia cum *μυθεῖς* confirmantur, quos citant, tum rudium gentium moribus. (1) Alexis apud Athen. XIII. 574. (2) V. Bach. ad Xenoph. Symp. VIII. 19. (3) Eurip. apud Plut. de educ. puer. p. 11 E. Cf. Valek Diatr. p. 241. (4) V. Valek. L. c. p. 137. (5) Plutarch. amat. init. et passim. Cf. Creuzer. Symb. Vol. III. p. 552. (6) V. v. p. Plut. de Iside et Osir. 565. B. Cf. Meiners Gesch. der relig.

Quod vero malum irrepserat ita sponte in hominum societatem, fueratque confirmatum popularis religionis auctoritate et poeseos commendatione, tantum abfuit, ut a philosophiâ pariter propagaretur sive etiam ferretur, ut haec illud maxime expellendum delendumque in se susciperet. Suscepit autem eo modo, qui et ipsam deceret et hominis conveniret naturae. Nam exstirpare non studuit in hominum animis amorem: quod frustra tentasset et pessimo eventu; sed convertit eum a rebus turpibus et abjectis ad pulcra, honesta, decora. Quod nisus est summâ ope Socrates, qui hac una in re sibi maxime videtur placuisse. Ἀλλὰ καὶ λέγω δήπου ἀεὶ, ὅτι ἔγω τυγχάνω, ὡς ἔπος εἴπειν, οὐδὲν ἐπιψάμενος πλὴν σμικροῦ γε τινος μαθήματος, τῶν ἐρωτικῶν. Τοῦτο μέντοι τὸ μάθημα παρ' ὄντινον ποιῶμαι δεῖνος εἶναι καὶ τῶν προγεγονότων ἀνθρώπων καὶ τῶν νῦν. ⁽¹⁾ Sed hoc μάθημα, quale esset, nec ipse videtur accurate tradidisse et nos ignoraremus, nisi exposuisset nobis Plato cum in Convivio, tum in hoc ipso, quem percurrimus, dialogo. Nam Socrati tribuens quæ ipse sentiebat, inducit eum porro sic celebrantem amorem honestum, ut turpein culpaverat ante. Hunc vero Platonikum, sermonem dicam? an hymnum, ut percipiamus penitus, tantamque assequamur sublimitatem, praeparari nos quodammodo.

(1) Theage 128. B. Similiter Symp. 177. D. ὅς οὐδὲν φημί ἄλλο ἐπίψασθαι ἢ τὰ ἐρωτικά. Cf. 193 E.

modo oportet aliis philosophi memorandis interpretandisque de amore placitis. Age igitur, alterum illum aperiamus Platonis dialogum amatorium, imò intremus convivium illud, quo nullum umquam philosophi celebrarunt magis. Occurrent nobis in illo cum alii, qui de amore dicturi sunt, tum Socrates, tum vero etiam idem ille Phaedrus noster. Neque hic sane ab initio inde exiguas habet partes. Nam auctor est sermonum omnium, quos de amore habebunt convivae. Sic enim continuo Eryximachus: Phaedrus, inquit, saepenumero me coram moleste tulit, alios quidem Deos hymnis et cantibus a poetis esse laudatos, amorem autem, talem illum ac tantum Deum, a tot illis, qui fuerunt, poetis ad hunc usque diem nullum accepisse encomium. Quod mihi juste videtur indignatus. Ego igitur et illi gratificari cupio et nos decere arbitror, ut nostra quique vice amorem celebremus. Primus autem Phaedrus dicat, quippe qui et primus accumbit et pater est sermonis hujus. Quod postquam omnes probarunt, sic ille facit dicendi initium. Amorem esse contendit Deorum omnium veterrimum: haud celebrari enim ejus parentes. Nam Hesiodum dicere, primum exstitisse Chaos, tum Terram et Amorem, Idemque affirmare Parmenidem et assentiri Acusilaum. ⁽¹⁾ Quo respicit Phaedrus philosophema antiquum

(1) Parmenidis mentionem retinere nos jubet cum Symp. 19⁵ C, tum subsequens οὕτω πολλαχόθεν, tum tota hujus orationis ratio.

quum de rerum origine et conditione praesente, quo nil umquam elegantius sublimiusque excogitavit hominis ingenium: chaos fuisse primum, rerum universarum principia continens, sed rudem indigestamque molem, in qua omnia fluere contrario motu et in se invicem agerentur elementa: tum vero, ecce! natum esse *Amorem*, quo exorto, omnia esse confestim ac sponte in ordinem et concentum redacta, ac pulcerrimum exstitisse, quem nunc admiramur, mundum. ⁽¹⁾ Quae fictio perquam placuit antiquis poetis et philosophis. Hinc enim cum alia multa, tum Empedoclis *φιλία καὶ νεῖκος* ⁽²⁾ et *μῦθος* apud Aristophanem in pulcerrimo avium choro, ubi Nox dicitur in Erebi sinu ovum peperisse: ⁽³⁾

ἔξ οὗ περιτελλομέναις ὥραις ἔβλασεν Ἔρως ὁ ποθεινός.
Nato autem amore, orta dicuntur omnia, ipsi adeo exstitisse Dii immortales.

*πρότερον δ' οὐκ ἦν γένος ἀθανάτων, πρὶν Ἔρως συνέ-
μιξεν ἅπαντα
ξυμμιγνυμένων δ' ἑτέρων ἑτέροις, γένετ' οὐρανὸς ὠκε-
νός τε
καὶ γῆ, πάντων τε θεῶν μακάρων γένος ἄφθιτον.*

Sed pergat deinceps Phaedrus. Nam ejus oratio jam continuo nobis declarabit, qualis sit tandem amor Platonicus. „Ut autem veterrimus est Deorum, ita maximorum nobis bonorum auctor est.

Nam

(1) Symph. 178 A. B.

(2) Arist. Metaph. I. I. 4.

(3) Avib. vs. 696.

Nam juveni quid magis uberiusque prosit, quam amator bonus, vel amatori, quam bonus amasius, equidem non reperio. Quod enim ducere debet homines per totam vitam, quotquot quidem honeste sunt victuri, illud nec genus nec honores nec divitiae nec alia qualiacumque tam possunt praeclare efficere, quam Amor. Quid autem illud dico? Τὴν ἐπὶ μὲν τοῖς αἰσχροῖς αἰσχύνην, ἐπὶ δὲ τοῖς καλοῖς Φιλοτιμίαν. *Pudorem* dico in rebus turpibus et in honestis *aemulationem*. Nam sine his fieri nullo modo potest, ut vel civitas vel civis magna edat et nobilia facinora. Statuo equidem, virum qui amat, si turpe quid vel ipse peregissee deprehendatur, vel passus ab alio per ignaviam non ultus esse, deprehensum in eo sive a patre, sive ab amicis, sive ab alio quolibet, haud tantum angere ac dolere, quantum ab amasio: et pariter amasium videmus tum erubescere maxime, quando in turpi negotio ab amatoribus sit conspectus. Si igitur quo pacto exsistere vel civitas posset vel exercitus amatorum et amasiorum: haud ratio est, qua melius hi res suas ordinarent, quam abstinentes a turpibus omnibus et secum invicem aemulatione contententes: et sane pugnantes una tales cives, vincerent facile, pauci etiam numero, universos, ut ita dicam, homines. Ἐρῶν γὰρ ἀνὴρ ὑπὸ παιδικῶν ὀφθῆναι ἢ λιπῶν τάξιν ἢ ὄπλων ἀποβαλὼν, ἤττον ἂν δῆκου δέξαιτο ἢ ὑπὸ πάντων τῶν ἄλλων· καὶ μὴν ἐγκαταλιπεῖν γε τὰ παιδικὰ ἢ μὴ βοηθῆσαι κινδυνεύοντι, πρὸ τούτου τεθνάναι ἂν
 πει-

πολλάκις ἔλοιτο. ⁽¹⁾ *Amator enim ab amasio conspicui vel ordines deserens, vel clypeum abjiciens minus velit, quam a caeteris omnibus: et vero derelinquere in periculo amasium, vel laboranti non succurrere, prae hoc mori saepenumero malit.* ⁽²⁾

Diserte haec Phaedrus et magno impetu et ardore, ut juvenem agnoscamus, quem cognovimus paullo ante ad Ilisum: et intelligere ex ejus oratione licet, virtutem spectare amorem Platonicum, totumque referri ad pulcri honestique studium. Praeiverant Platoni philosophi, qui cum philosophia jungebant poesin, ut ille de scena philosophus in nobili hymno apud Athenaeum: ⁽³⁾

παίδευμα δ' Ἔρως σοφίας, ἀρετῆς

πλείστον ὑπάρχει καὶ προσομιλεῖν

οὗτος ὁ δαίμων

πάντων ἡδιστος ἔφυ θνητοῖς·

quod sic vertendo expressit Grotius ⁽³⁾:

ad virtutem sapere egregius

dat doctor amor: genere humano

ad convictum

non est Divūm suavior alter.

Sed rem nobis subtilius etiam Pausanias explicabit, qui Phaedrum dicendo excepit.

Non

(1) Symp. 178 c. 179 A. Locum ita de conjectura constitui V. Reynders ad h. l. Plura de eo dabimus in Quaest. Platon. (2) XIII. 561. Euripides Plutarcho dicitur ἐρωτικὸς ἀνὴρ Fragm. de amore. Vol. V. P. 2. p. 854. Ed. Wyttēnb. Ut in tragicis Euripides, ita in comicis Menander φιλοσοφώτερον de amore dixit. Plut. eod. p. 848. (3) Excerpt. Tragic. p. 421 Cf. Valck. Diatr. p. 240.

Non universe, inquit, laudandus est amor, quod modo commisit Phaedrus; sed a *vulgari* distinguendus est *Uranius*, Uraniae Veneris comes et adjutor. Nam eorum, quae agunter nihil est ipsum vel honestum vel turpe, veluti quae nunc agimus, bibere, canere, colloqui; sed modo, quod ea instituimus, eo vel honesta fiunt vel turpia. Sic amorem, non omnem oportet celebrare, sed eum unice, qui amare nos jubet honeste. Est autem hujusmodi ille, ut non peragat promiscue quodcunque lubuerit: quae vulgaris est amoris ratio. Nam vulgus foeminas item amat et quaerit amentissimas, quo facilius libidines expleat. Amor vero Uranius mentem multo magis, quam corpus respicit: quique eo ducuntur, adolescentes amant, non foeminas, quippe qui naturā sunt philosophiae aptiores. Difficile est in hac nostra civitate rite definire, quid de amore statuam leges. Nam favetur amantibus, imo conceditur illis, ut serviant aliis: quod in caeteris rebus summum est dedecus: et contra, filiis paedagogos adhibent parentes, qui caveant ne cum aliis colloquantur. Sed quamvis contraria, conciliantur haec facillime, si Uranium amorem a vulgari distinxerimus. Hunc fugiendum censemus, ut malum gravissimum, illum commendamus, ut virtuti consentaneum. Amoris enim eadem est ac virtutis ratio. Quicumque aliquem colit hac spe, ut ejus consuetudine melior fiat et sapientior, laudatur. Similiter qui gratificatur alteri, ut virtute progrediatur, quamvis

vis vel serviat ei sponte, tamen non indecora ejus habetur servitus. Hic est Uraniae Deae Amor, coelestis ipse et maximi aestimandus et singulis et universis: nam amantem pariter et amatum ad virtutem ducit: caeteri vulgarem sequuntur Deam. ⁽¹⁾

Talis est, quem Plato celebravit, amor: nec quisquam haec facile legerit, quin nostrae rationis et antiquae discrimen animadvertat. Accommodarunt eum Itali poetae ad celebrandas amatas suas, et profecerunt inde mirifice et hi et alii multi ad exprimendos puros et sublimes et coelestes adeo animorum sensus, eos praesertim, qui puriori convenirent religioni. Sed amor apud Platonem, quamvis coelestis item et pariter tendens ad vitam beatam et coelestem, ad *Philosophiam* pertinet proxime, non ad religionem. Studet sanctitati integrae, sed amor est proprie veri, boni, virtutis, in primis sapientiae. *Φρόνησις*, ait Socrates, si conspici a mortalibus posset, admirabiles sui excitaret amores. ⁽²⁾ Itaque amabat ille adolescentes, in quorum ingeniis latere *Φρόνησις* videretur, quam in lucem producere miscendis sermonibus studebat. Hos *παίδικα* vocabat sua, eorumque in animis

ἀντ.

(1) Symp. 180 C — 183 C. De Venere vulgari et coelesti V. Plut. Amat. 764 A. Cf. 762. A. ubi ab Aegyptiis hanc doctrinam repetit. Hinc maxime patet, quomodo Graeci orientalia ad suam rationem accommodarint. Cf. Reynders ad h. l. p. 44. (2) Praedr. 250 D.

ἀντέρωτα excitabat, ut ipsum amarent vicissim tamquam ἐρασὴν suum. Ὡς γενναῖε, dicit Alcibiadi adolescentulo, πελαργοῦ ἄρα ὁ ἐμὸς ἔρως οὐδὲν διοίσει, εἰ παρὰ σοι ἐννεοττεύσας ἔρωτα ὑπέρτερον, ὑπὸ τοῦτου πάλιν θεραπεύεται. ⁽¹⁾ Idem est hic amor, quo Pythagoram Pythagorei et hi semet invicem prosequabantur: idem, qui in rebus politicis ad prudentiam, in militaribus ad fortitudinem, in omni vitae genere ad virtutem ducebat et sapientiam: diversus sane maximopere a foeminarum amore, quocum confundi solet. ⁽²⁾ Excludebantur adeo foeminae, paucis tantum exceptis. Nec vero, hae paucae erant formosae, quae formae potissimum commendatione dignae existimarentur ut amarent et amarentur; sed quae ingenio praestarent et sapientiae studerent. Erat fere unice *adolescentum* amor, παιδερασία, quorum quippe natura et indoles magis, quam foeminarum, ad verum inquirendum, ad doctrinas tractandas subtiliores et sublimiores, ad virtutem civilem et militarem aptae essent et accommodatae. Hos maxime Platonici amor ex hac ignorantia rerum gravissimarum ad coeleste adducebat purae sinceraeque veritatis spectaculum, ut hoc con-

(1) Alcib. 1. 135. E. (2) Plutarch. Amat. 750 C. Ἀλκιβίου δ' ἔρως οὐδ' ὅτιοῦν τῇ γυναικωνίτιδι μέτεστιν, οὐδ' ἐρᾶν ἡμᾶς ἔγωγέ φημι τοὺς γυναιξὶ προσπεπονθότας ἢ πάριενοις. Veneri hoc tribuebant Veteres, non *apori*, quippe cum voluptatibus conjunctum. Ἐρως γὰρ, εὐφροῦς καὶ νέας ψυχῆς ἀψάμενος, εἰς ἀρετὴν διὰ Φιλίας τελευτᾷ.

H

contemplati, vitam instituerent omnium optimam, alisque recuperatis, si qui alii, beati essent et immortales. Sed hac de re deinceps. Alia sunt, quae in pulcherrimo argumento prius videantur exponenda.

Memoravimus modo elegans antiquorum placitum de vi amoris per totam rerum naturam diffusa, cui mundi adeo ortum tribuebant, certe ordinem ejus et speciem admirabilem. Dominatur hoc philosophema in Eryximachi sermone, qui proxime post Pausaniam dicendi suscepit partes: sed quod ille inchoaverat, hic persequitur porro, nec unum celebrat in rebus omnibus amorem, sed duplicem distinguit, alterum temperatum, quo calida et frigida, sicca et humida congruam nacta temperiem agris fertilitatem sanitatemque hominibus caeteris-animantibus afferunt: violentum alterum, turbidum, contumacem, quo invalescente corrumpuntur omnia, tempestates oriuntur cum grandine et glacie et segetum rubigines, pestes adeo et nulli non animalium et plantarum morbi. Sic veteres quae animo sentiebant de amore, haec in rerum naturam transferebant: eademque medicus hicce in corpora hominum eorumque curationem applicat. Utrumque amorem, inquit, agnoscimus in artibus variis, tum ego mihi deprehendisse videor in arte nostra medica. Nam alia appetit, quod in corporibus sanum, alia, quod in iis morbosum est. Prouti igitur, de Pausaniae sententiâ, bonis hominibus gratificari, pulcrum, malis vero, turpe est, sic in ipsis cor-
po-

poribus, bono cuique appetitui obsequendum est, malo repugnandum: eritque ille medicorum optimus, qui optime utrumque amorem distinguit: qui autem hoc efficit, ut pro altero quis alterum accipiat, ut nascatur amor, ubi non adest et esse debet, vel restringatur, ubi haud debet adesse, nae is erit optimus artifex. ⁽¹⁾

Haec et alia Eryximachus de amore in rerum natura, de quibus nobis deinceps etiam dicendi erit locus. Sed Plato exquisivit maxime, quae amoris in homine esset et hominum civitate vis et efficacia. Proposuit eum, in Phaedri oratione, ut *virtutis ductorem*, quo duce maxime et turpia vitaremus et honesta appeteremus. Nec praetermittendus est nobis locus in Pausaniae oratione, ubi hanc amoris vim tribuit, ut ad patriam vindicandam propugnandamque valeat maxime. „ In Ionia, inquit, et ubicumque sub barbaris vivitur, turpe existimatur amare. Nam tyrannidis causa turpe id habent barbari, ut philosophiam item et gymnasticae studium. Imperantibus enim, credo, haud prodest, excelsis efferri sensibus subditos ac validas jungi amicitias et societates: quod prae caeteris omnibus potissimum amor solet efficere. Reapse hoc didicerunt qui

(1) Symp. 189 E — 188 D. Ducta haec quidem sunt ex Heracliti et Hippocratis ratione: (V. Ast. ad h. l. et in primis Thiersch. Spec. in Sympos. Plat. p. 24 299); sed Plato illa ad praesens argumentum de duplici amore accommodavit. Quod ideo monendum, ne medicorum principum Platoniam tribuamus doctrinam.

qui hīc fuerunt tyranni. Nam Aristogitonis amor et Harmodii amicitia firmiter invalescens, eorum dissolvit tyrannidem.” ⁽¹⁾ Et vero quam Phaëdrus laudavit, quæque fuit apud Thebanos, sacra amatorum cohors, merito illa invicta dicebatur. Id scilicet non tantum efficit amor, ut qui solitarius fuerat antea nec sibi sufficiens, cum altero jungatur arctissima necessitudine: quæ amicitiae est ratio; sed hoc item studet efficere, ut coalescat uterque plane in unam eandemque naturam, unus fiant qui fuerant duo, hinc autem vires concipiant immensas et soli tantum non omnibus videantur pares. Quam admirabilem amoris naturam exposuit in singulari libello Franciscus Hemsterhusius, ⁽²⁾ idemque ad hominis explicandam indolem in nullis non scriptis amorem attendit diligentissime: sed debuit hoc praesertim, ut ipse confessus est, symposio Xenophontis et Platonis: in primis Aristophanis sermoni, faceto illi et comico, sed interioris philosophiae pleno. Fabulam is narrat de hominis naturâ, qualis olim fuerit, quamque deinde subierit commutationem. „ Nam olim, inquit, haud eadem fuit, quæ nunc est, sed diversa. Primum enim tria erant hominum genera, non duo: mari et foeminae accedebat mixtum ex utroque, cuius nomen superest ἀνδρόγυνον. Deinde integri erant illi, formâ rotundi, quatuor instructi manibus, totidemque pedibus: duplici in

ca-

(1) Symp. 182 A. (2) Lettre sur les desirs a M. De Smeth Vol. 1. p. 61 Paris 1792.

capite vulau, quatuor auribus, genitalibus binis. Procedebant recti, ut nunc solent, quocumque vel-
lent; sed festinantes, octo illis membris innixi, cir-
cumvolvebant se velocissime, eorum instar, qui
in caput saltant. Quo cum essent corporis robo-
re ingente, pares gerebant spiritus et ipsos ag-
gressi sunt Deos. Jupiter, concilio convocato,
cum Diis deliberat, quid sit in homines agendum:
haud reperiunt. Nam nolunt eos fulmine delere,
ne scilicet honoribus sacrificiisque destituantur,
quibus ipsos prosequuntur: nec vero ferre tantam
insolentiam possunt. Tandem Jupiter, re perpen-
sa, videor mihi, inquit, rationem excogitasse,
qua desinant ita inolescere homines, nec tamen
pereant. Dissecabo singulos in duas partes: erunt
sic infirmiores et simul nobis utiliores, quippe
numero plures. Sic fatus, bifariam dissecuit ho-
mines, sanandosque eos Apollini tradidit.” Qui-
bus festive enarratis, subjungit Aristophanes: ἐν
δὴ οὖν ἐκ τούτου δ' ἔρωσ' ἐμφυτὰς ἀλλήλων τοῖς ἀνθρώ-
ποις. *Ab hoc inde tempore innatus est hominibus
amor mutuus.* Nam divisis illis in duas partes,
unaquaeque pars suum quaeritabat dimidium, in-
ventumque vehementi studio amplexabatur. Hinc
mira illa omnia, quae in amore etiam nunc obti-
nent. Quando enim cui contingit, ut in partem
sui, in sui dimidium et σύμβολον incidat, am-
bo illi obstupescunt continuo, discedere a se
invicem nolunt, nec dicere queunt, quid sibi
a se invicem expetant: non enim id esse vide-

tur venereus coitus, acsi, hujus causâ, mutua consuetudine tanto ardore delectentur, sed aliud quid utriusque animus anquirat, quod quale sit dicere non potest, sed quasi vaticinatur, quid cupiat, et obscure indicat. Quodsi illos, se mutuo amplexos, adstans cum instrumentis Vulcanus rogaret: quid est tandem, homines, quod vobis fieri a vobismet invicem vultis? et ambigentibus illis, iterum percunctaretur: hoccinè desideratis, ut, quoad ejus fieri possit, maxime sitis una, ut diea noctesque numquam a vobis invicem discedatis? Nam id si desideratis, velim vos ego in unum conflare, ut, quamvis duo, unus sitis: et quamdiu vivetis, ambo ut unus idemque vivatis, et postquam mortui eritis, illic denuo in orco pro duobus unus sitis, communiter mortui. Vos vero videte, num hoc cupiatis, vobisque sufficiat, si hoc assequamini. His auditis, scimus, neminem id negaturum, nec aliud quid appetiturum; sed plane se audivisse existimaturum illud, quod dudum desideravisset, ut conjunctus cum amato et commixtus ex duobus unus fieret. Hujus rei causa est, quod talis fuit vetus natura nostra, fuimusque aliquando integri. Integritatis hujus cupidini et desiderio amor nomen est.” (1)

Fa-

(1) Sympos. 189 C — 193 D. Ut caeteros, ita hunc in primis sermonem elegantissime enarravit Wyttenb. Bibl. Cr. Vol. I. P. I. p. 58. Nos ex ea attulimus, quo maxime philosophiam spectant.

Fabulas interpretari, quae apud Platonem occurrunt, difficillima sane res est. Nam uti nolumus illas accipere ut narrationes quasdam inanes, quibus puerorum instar oblectemur tantummodo, ita cavendum est maxime, ne iis sensum significatiōnemque tribuamus, a philosophi mente abhorrentem. Sed in ipsa etiam exquirenda auctoris mente et sententia, facile committimus hocce, ut, formā neglectā, destituamus eas omni gratiā et venustate, imo vi maximā, quae formā, habitu, imagine unice exprimitur et veluti oculis proponitur. ⁽¹⁾ Quid igitur? In philosophia tradenda Platonis enarrandae nobis tantummodo sunt, quae apud eum occurrunt fabulae? Imo verō explicandae videntur simul et illustrandae, sed ex ipsa antiquitatis et Platonis ratione. Exstat in eodem symposio alia item de amore fabula, brevius enarrata, sed non minus plena interioris philosophiae. „ Si quaerimus, ait Diotime, unde ortus sit amor, Porum habuit patrem, matrem Peniam. Nam quando nata erat Venus, convivium celebrabant Dii, cum caeteri, tum Metidis filius, Porus. Cum autem coenati essent, cibum mendicatura, quippe affluentibus illic epulis, accessit Penia et adstitit foribus. Tum Porus, in Iovis progressus hortum, nectare ebrius gravatusque dormiebat. Penia igitur hoc agitans consilium, ut, inops ipsa, ex Poro filium

(1) V. Wyttēb. in Epist. Specimini meo Plat. praef. p. 37.

illum conciperet, juxta illum accubuit et concepit Amorem. ⁽¹⁾ E qua fabula facile ducimus hoc placitum, ex indigentia oriri amorem omnem: anquirere amantem, quo hunc indigentiae sensum expleat: reperto vero isto, insitas virtutes omnes explicare, suamque assequi perfectionem. Quae quis eadem facilitate in totam rerum naturam accommodet. ⁽²⁾ Nec negamus, hujusmodi quid animo concepisse Diotimam, quod ejus sermo nos deinceps docebit. Sed multum abfuisse putamus, ut illud ita perspiceret, ita paucis verbis posset explicare, ut nos solemus. Sensisse id obscure videtur, nec totum in amorem et naturam applicuisse. Omnino quod modo de amantibus nobis occurrit, aliud quid velle utriusque animum, quod dicere non potest, ἀλλὰ μαντεύεσθαι ὃ βούλεται καὶ αἰνίττεσθαι, convenit plane et Diotimae et toti antiquitati. Ut sculptis imaginibus Aegyptii, sic Graeci fabulis, significare studuerunt et quasi vaticinati sunt, quae abstracte, ut ajunt, et paucis verbis exprimere nondum poterant. Pariter existimandum de Aristophanis fabulâ. Et haec exprimit indigentiae sensum, qui in amore dominatur: verumtamen quae inde duxit et quasi elicuit Hemsterhusius, nec Aristophanes perspexisse videtur, nec Plato explicuit: uterque vero *naturam* declarare *amoris* studuit, effecitque illud hac fabulâ longe

⁽¹⁾ Symp. 205 B. ⁽²⁾ καὶ πᾶν τὸ ἐρᾶν ἐφίεται τινος, οὗ ἐστὶν ἐνδεής. Procl. περὶ ἐνωσ. p. 121 Ed. Creuz.

ge evidentius, quam effici accuratissima disputatione potuisset. Placent autem nobis fabulae illae hanc praesertim ob causam, quod sensibus conveniunt nostris, imo oculis proponunt quae intus sentimus animo. Nam quae continentur iis amoris notiones, sunt hae sic propriae naturae nostrae, ut occurrant in nullis non linguis, in vocibus maxime, quibus caritatis causa se mutuo compellere amantes solent, *partem se invicem sui, dimidium sui* ⁽¹⁾ vocantes, ut Horatius appellat Virgilium suum:

Navis quae tibi creditum

Debes Virgilium, finibus Atticis

Reddas incolumem, precor,

Et serves animae dimidium meae ⁽²⁾

Hac autem perspectâ intimâ amoris necessitudine, intelligimus jam plane quae de amore dixit Phaedrus, tum etiam hocce, quod dictis subiunxit, uni esse amoris proprium, ut alter lubens pro altero mortem subeat. „Nemo ita est ignavus, quem amor ad virtutem non ἐνθεον efficiat: quodque de Diis apud Homerum occurrit, heroibus eos μένος ἐμπνεῦσαι

τῷ δ' ἐμπνευσε μένος μέγα γλαυκῶπις Ἀθήνη· ⁽³⁾

hoc

(1) Nostrum *wederhelft* vim plane exprimit fabulae Platonicae. (2) Carm. I. 3. Sic Graeci poetae, e quibus ductum est Horatianum hocce v. c. Meleager. Anal. Brunck. I. p. 5.

οὔριος ἐμπνεύσας ναύταις

νότος, ὃ δυσέρωτες, ἡμισὺ μεν ψυχᾶς ἄρπασεν.

V. Mitscherl. ad h. l.

(3) Il. X. v. 482.

H 5

hoc furore amantes exagitat amor. Et vero hi soli pro aliis mortem expetunt, nec viri tantum, sed etiam foeminae. Cujus rei Peliae filia, Alcestis, illustre dedit apud Graecos exemplum, quae sola pro amato mori voluit. Erant Admeto parentes et cognati, sed hos illa, amoris vi et efficacia, sic superavit caritate, ut eos esse extraneos probaret, nec nisi nomine propinquos.⁽¹⁾



Diu nos jam tenuit argumentum hocce praeclarum: nec vero idem dimittet nos facile. Nam quod Phaedrus dixit de amore, *ἐνθεους* eum efficere homines ad virtutem, reducit illud nos sponte ad Ilissi ripas, ubi eundem Phaedrum reliquimus paullo ante, recubantem cum Socrate in molli gramine, sub tegmine patulae platani, et a Socratis quasi ore pendentem, ubi is orationem recitabat adversus amorem. Vix finem ille fecit dicendi, quum ecce! aufugere conatur prae pudore, quippe facinus ausus audaciae et impietatis plenum. *Δεινὸν, ὦ Φαίδρε, inquit, δεινὸν λόγον αὐτὸς τε ἐκόμισας, ἐμέ τε ἠνάγκασας εἰπεῖν.* Jussisti me dicere in amorem, rem divinam, imo Deum. Et feci, Lysiam imitatus, et tibi, Phaedre, gratificaturus: quamquam dixi tecto capite: nam verebar, ne, ut Ihy-cus ait, in Deos delinquerem, dum gratiam inire
apud

(1) Symp. 179 A.

apud mortales gestirem. Expiandum igitur facinus est: nam aufugere me non sinit genius meus et metuo amorem, in quem peccavi gravissime. Age, palinodiam canam, ut cecinit Stesichorus, qui culpae ausus Helenam visu privatus est, sed peccato cognito, continuo dixit: haud verus est sermo iste: et decantata palinodia, usum recuperavit oculorum. Sic ego jam, detecto capite, solemniter dico: non meus est sermo, ⁽¹⁾ quem dicere me coegerunt Lysias et Phaedrus hicce, amanti non esse gratificandum, sed ei, qui non amet: hunc enim esse temperantem, illum furore agitari: quasi scilicet omnis furor culpandus esset: imo vero τὰ μέγιστα τῶν ἀγαθῶν ἡμῶν γίνεται διὰ μανίας, θεοὶ μὲν τοι δόσει διδομένης: *honorum maxima obtinent nobis per furem, divino quidem munere datum.* Nam quae Delphis est Pythia, quaeque Dodonae sunt sacerdotes, furore agitatae multa et praeclara privatim publice in Graeciam contulerunt beneficia; mentis vero compotes, exigua vel nulla. Quodsi memorantes Sibyllam et quotquot divinitus afflati, vaticinandi arte usi sunt, enumerare velimus quam multis verissime de rebus futuris praedixerint, et longum institueremus sermonem et illud diceremus, quod omnibus patet. Hanc artem vaticinandi veteris *μανικὴν* dixerunt, non *μαντικὴν*, quae recentiorum est perversitas, *μανίαν* quippe signi-

(1) οὐκ ἐμὰς ὁ μῦθος, ἀλλ' ἐμῆς μητρὸς παρὰ. Eurip. V. Symp. 177 A.

significantes, qua unice perficitur. In avibus observandis humana quaeritur cogitatio, intelligentia, disquisitio, οἷσις, νόος, ἵσORIA, unde οἰονοϊσική, quae hodie vocatur οἰωνισική. ⁽¹⁾ Sed hac arte quanto illa nobilior est et nomine et re, tanto prudentia humanā praestabilior furor est, qui divinitus excitatur: quod ipsi testati sunt antiqui, ut e nominibus intelligitur. Jam vero ingravescentibus morbis et calamitatibus, furor non neminem occupat, et, quo illis pacto liberari oporteat, vaticinatus, remedium eorum invenit. Confugiunt illi ad Deorum preces et cultum: unde expiationes initiationesque consecuti, integri purique redduntur ad praesens tempus et futurum, per rectum hunc furorem praesentium malorum sibi liberationem inveniētes. Tertius a Musis est furor, qui tenerum intactumque animum occupans, excitat eum afflatque cantibus omnique poesi, atque innumera celebrans antiquorum facinora, posteros instituit. Quicumque vero sine Musarum furore poeticus fores adit, confidens, arte se quadam poetam esse evasurum, nec voti ille compos fiet et evanescit ipse cum prudenti sua poesi prae illorum poesi, qui divino afflantur numine.” ⁽²⁾ Et hoc quidem

Or2-

(1) Recte sic locum servavit et explicuit Hermias scholiis ad h. l. V. Astius ad h. l. (2) Phaedr. 242 B. — 245 A. Cf. 265 B. Cf. Plato Ione p. 553 E. 534 A. et Apol. Socr. 22 B. E Democriti placitis profecisse, Platonem, probabiliter animadvertit Groenius Prosopogr. Plat. p. 41. Platonis de poesi sententiae hanc Democriti apponit Clem,

orationis cursu et quasi flumine procedit deinceps Socrates ad furem, qui amoris inest, contenditque, ὥς ἐκ' εὐτυχίας τῇ μεγίστῃ παρὰ θεῶν ἡ τοιαύτη μανία δίδεται' hujusmodi furem hominibus esse a Diis ad maximam eorum felicitatem datum. Nos vero subsistamus hic paulisper.

Nam quod modo de Pythia memoravit, ejusmodi est, ut mentem nostram totam advertat. Multi sic loqui de oraculis solent, quasi totum negotium fraudibus tribuendum sit sacerdotum, qui Pythiam, nescio quam, furibundam, sive simulantem furem populis proposuerint: quo scilicet magis ipsi consilia perficerent sua divinâ auctoritate. Quae vulgaris hominum sententia nec a poetis probatur, qui Pythiam, Sibylam, similes vates, ut *ἰνθουῶς*, Deo plenas celebrant: et refutatur plane antiqua Graecorum historia, in qua eadem illa Pythia rexit plane res Graecorum. ⁽¹⁾ Scilicet negari nequit, fraudes saepe commissas esse posteriore in primis aetate, ac fuisse apud Graecos, ut apud nullos non populos, falsos prophetas, qui afflatum simularent divinum, ipsi frigerent auri cupiditate. At vero uti apud Tragicos occurrit Cassandra, ⁽²⁾ apud Virgilium Sibylla, sic profecto Delphis aliquan-

Clem. Alex. Strom. VI. p. 827. Ποιητῆς δὲ ἄσσα μὲν ἐν γράφῃ μέτ' ἐνθουσιασμοῦ καὶ ἱεροῦ πνεύματος, καλὰ κάρτα ἐστίν. (1) Monui hac de re in Diatr. in civitates antiquas, commentationibus inserta tertiæ classis Instituti Belg. Vol. II. p. 20. (2) Cic. de Divin. I. 31.

quando poetico afflata inspirata fuit Pythia. Carmina canebat ipsa, et totus ille locus poesi plane congruebat. Ludi illic celebrari solebant gymnici, ut Olympiae, Nemeae, in Isthmo Corinthiaco, sed illic imprimis *μουσικά*. Imo vero in vicinia erat mons Parnassus, sedes Musarum, ab omnibus celebratus omnis aevi poetis. ⁽¹⁾ Nec sinit nos dubitare de hac re sententia Platonis, gravissima sane et evidentissime enunciata. Nam quod de poetis pronunciat, idem contendit de Pythia similibusque poetriis: *μανεῖσαι μὲν πολλὰ δὴ καὶ καλὰ ἰδίᾳ τε καὶ δημοσίᾳ τὴν Ἑλλάδα εἰργάσαντο* παφρονῦσαι δὲ, *βραχέα, ἢ οὐδέν.* ⁽²⁾ Sic poesi intercessit antiquitus cum politica conjunctio; intercessit autem pariter, quod hic nobis animadvertendum, cum philosophia. Nam sic porro dicit de amore Socrates, sic Deum celebrat sublimi palinodiâ, ut ipse videatur, vatis instar, divino afflatus agitatus. *Θεὸς*, inquit, *ἔοικεν ὁ τρόπος εἶναι* *divinus videtur hic locus esse*: haud mirum iccirco, si quando *νυμφόλακτος* fiam, *Nymphis corripiar*, quae hunc locum habitant, nec poeticis solum verbis loquar, sed dithy-

(1) Eurip. Jone. vs. 82. et passim. (2) Cic. de Divin. I. 18. 19. 31. 37. et loca Veterum a Davis. allata. Adde Plat. Timaeo 71 E. *ἱκανὸν δὲ σημεῖον ὡς μαντικὴν ἀφροσύνην θεὸς ἀνθρωπίνην δέδωκεν* οὐδεὶς γὰρ ἔννοους ἐφάπτεται *μαντικῆς ἐνθέου καὶ ἀληθοῦς*. Huc item pertinet ὁ *καλαῖδος μῦθος*, quem memorat Plato Legg. 719 C. *ὅτι ποιητῆς, ὁπόταν ἐν τῷ τρίποδι τῆς Μούσης καθίσταται, τότε οὐκ ἔμφρων ἐστίν, οἷον δὲ κρήνη τις τῷ ἐπιδὼν ῥεῖν ἐτοίμως ἔῃ*.

thyrambis adeo. Et hymnum sic recitat Pindaricum plane, et tamen philosophum de amore, de pulcro, de idéis, de vita beata cum Deorum immortalium, tum hominum, de furore in primis amoris, qui pulcri aspectu excitatur extemplo, efficitque excitatus, ut alis restitutis, quas dudum amisimas, his nos sublatis in pristinam sedem nostram, ad veri spectaculum redeamus aliquando. Huc enim, huc, inquam, spectat, quem Plato celebravit, amor. Age, sequi porro conemur philosophum, quamquam assequi hîc certe non licebit. Sed agemus id, quod jam aliquoties institimus, ut praeparemus ad illa intelligenda legentium animos.

Elaborato isti et artificioso Lysiae sermoni opponere jam coepit Socrates sublimem, quam vocat, palinodiam, contenditque, non omnem furorem homini nocere, esse eum subinde homini salutarem, ac sine entusiasmo nec poetas fuisse, nec vates claros, nec Graeciae consuluisse Pythiam aut Sibylam. Tum vero descripto sublimi oratione Deorum animorumque ad coeli verticem itinere, ubi campum viderunt veritatis, ipsam adspexerunt veritatem, pura in luce fulgentem: descriptis his omnibus, quae jam ante adumbravimus, enthusiasmum celebrat tandem, quo amantium agitantur pectora. ⁽¹⁾

Coelestibus illis sacris initiati aliquando fuimus,
sed

(1) V. Plutarch. Amat. p. 756.

sed animi nostri lapsi sunt deinceps in hasce terras, ubi corpore induto, sensibus jam utimur ad verum cognoscendum, incertis fluctuamus opinionibus, voluptatibus item distrahimur et cogimur plane deorsum spectare. Superest nobis recordatio coelestium sacrorum, sed haec sensim paulatimque perversis studiis in animis evanescit. Nam non est hic usquam veri, boni, justi, sancti effigies ulla, quae illa nobis in memoriam revocet. Non enim sensibus haec percipiuntur, cogitando solum et ratiocinando aegerrime illa assequimur. Quodsi oculis cernere veritatem et sapientiam possemus, admirabiles sui amores excitarent. Veruntamen, pulcrum, quod illic lucebat summo splendore, hic habet clara et splendida simulacra. Nam pulcra sensibus patent et eo percipiuntur sensu, qui omnium est acutissimus. Quamobrem in praesente hac conditione nostrâ, pulcritudo hanc vim habet, ut evidentissima sit et mentem advertat continuo, et amorem excitet flagrantissimum, quippe ipsa rerum omnium maxime amabilis, et vero instaureret efficacissime omnem pristinae felicitatis divinique spectaculi recordationem. Ergo qui recens initiatus, eorum quae tum spectabantur quam plurima percepit, is, quando divinum adspicit vultum, vel corporis speciem, ipsum pulcrum plane referentem, primum quidem cohorrescit, subitque ipsum tremor aliquis, ut illic antea: deinde vero adspiciens et contemplatus, ut Deum aliquem colit amasium, et, nisi vereretur insaniae speciem,

sacrificaret plane illi, tamquam statuae et *Pen.*
Intuentem vero, ex horrore illo capit eum veluti
commutatio quaedam insolita et sudor et calor.
Nam per oculos suscipiens pulcritudinis effluvium,
quod emollit et quasi liquefacit animum, incalescit
totus et germinare in animo incipiunt alae. Hinc
pruritus; hinc dolores, ut dentium oborientium:
hinc fervet universus animus et aestuat, nec leni-
tur, nisi pulcri adspectu; sed absens furentis
est similis nec noctu capit somnum, nec interdiu
consistit; sed quaerit ubivis pulcrum, cujus ferre
non potest desiderium. Adspiciens autem denuo
et hauriens veluti ex oculis effluvium cupidinis,
ἡμερον, quo liquescit denuo, respirat, stimulisque
et doloribus liberatus, hac fruitur dulcissima vo-
luptate. Quocirca ultro numquam relinquit pul-
crum, nec quidquam pulcro pluris facit, sed
matris, fratrum, amicorum obliviscitur, nec curat
res familiares, quamvis negligentia pereant, imo
decorum et honestum, quo antea se efferebat,
contemnit et servit plane amasio, nec discedit ab
eo noctu, quippe veneratur hunc non tantum,
sed remedium eum habet gravissimorum dolorum.

Hic enthusiasmus est amoris, in quo descri-
bendo cum poëtis antiquis concertasse videtur
Plato. Nam carmen est plane, quamquam plenum
philosophiae: et ab initio dixerat Socrates, refer-
tum se pectus habere eorum, quae a poetis, a *Sap-*
phone in primis et *Anacreonte* acceperat. Nec
Graeca quis sensu affectuque legerit, quin *Idem*
I *Sap-*

Sapphicam rationem sublimitatemque agnoverit. Pauca nobis supersunt Lesbiae poetriae fragmenta, sed superest amoris descriptio, una instar plurimorum carminum.

— ὥς γὰρ εἶδω σε, βροχέως με Φωνᾶς
 οὐδὲν ἔτ' εἰκει,
 ἀλλὰ καμμέν γλῶσσ' ἔαγε· λεπτὸν δ'
 αὐτίκα χρῶ πῦρ ὑποδεδρόμακεν,
 ὀππάτεσσιν δ' οὐδὲν ὄρημ', ἐπιβομβεῦσι δ' ἄκουε·
 καδδ' ἰδρῶς ψυχρὸς χέεται, τρέμος δὲ
 πᾶσαν ἄγρει —

in quibus expressa sunt plane, ut ait Longinus, qui haec nobis servavit, τὰ συμβαλινοντα ταῖς ἐρωτικαῖς μανίαις παθήματα ⁽¹⁾ Unde Horatius:

*Nec si quid olim lusit Anacreon
 delevit actas: spirat adhuc amor,
 vivuntque commissi calores
 Aeoliae fidibus puellae* ⁽²⁾

Hinc autem non facile quis dubitabit, quin colorem duxerint Platonica illa, quae Latine jam memoravimus: ὁ δ' ἀρτιτελής — ὅταν θεοειδὲς πρόσωπον ἴδῃ — πρῶτον μὲν ἐφρίξε καὶ τι τῶν τότε ὑπῆλθεν αὐτὸν δειμάτων· εἶτα προσορῶν ὥς θεὸν σέβεται — ἰδόντα δ' αὐτὸν, οἷον ἐκ τῆς φρίκης μεταβολή τε καὶ ἰδρῶς καὶ θερμότης αἰθήης λαμβάνει. *Affect* autem apud Platonem prorsus poesin spirant. *Affect*

(1) περὶ ὕψ. c. X.

(2) Caem. IV. 9. 71. 9.

fert adeo Socrates Homeridarum versum, quo amor dicitur ab hominibus ἔρω, a Diis vero vocari πτέρως, διὰ πτεροφύτου ἀναγκήν. ⁽¹⁾ Nec praetermittendum est, τῷ ἡμέρῳ maxime, i. e. *cupidini* vim tribui ad alarum germinationem. Cupidinem autem poetae alis instruxerunt, ut apud Anacreontem occurrit amor. ⁽²⁾ Haud defuerunt adeo antiquitus, qui Socratis ἐρωτικὴν, uti apud Platonem exstat, cum Sapphus et Anacreontis amoribus compararent. Citat eorum Maximus Tyrius nonnulla, quae Socraticis ac Platonicis conveniant. In quibus singulis conferendis iudicium quis forte desideret auctoris, nec tamen haec, ut videtur, comparaturus fuisset, nisi nonnihil in iis exstiterit similitudinis. ⁽³⁾ Caeterum quae elegantissima sunt in hac descriptione loca: δεξάμενος γὰρ τοῦ κάλλους τὴν ἀπορροήν διὰ τῶν ὀμμάτων — ὅταν μὲν οὖν βλέπουσα (ἡ ψυχὴ) πρὸς τὸ τοῦ παιδὸς κάλλος, δεχομένη τὸν ἡμέρον — θεῖ δὲ πόθοῦσα ὅπου ἂν οἴηται
ὄψετ-

(1) De hac lect. V. Heind. et Ast. h. l. Cf. Groen Prosop. p. 169. (2) V. Eurip. Hippol. vs. 1274. et Helena vs. 674. Cf. Plat. Amat. 763 F. (3) Quod amantes rogat Vulcanus et supra nobis allatum est: τί ἔσθ' ὃ βαλέεσθε, ὧ ἄνθρωποι, ὑμῖν παρ' ἀλλήλων γενέσθαι; — ἄραγε τοῦδε ἐπιθυμεῖτε; — Symp. 192 D. similiter forte ductum ex Sapphus oda in Venerem p. 8. Ed. Wolf, ubi Venerem ad se venisse dicit, rogantem:

— ὅστις γ' ἦν τὸ πέπονθα —

κ' ὅστις ἐμὲ μάλιστα ἐθέλω γενέσθαι

μυινέλα θυμῷ

Pariter certe in hisce amoris expressum est desiderium.

ἴψις τῇ τὸν ἔχοντα τὸ κάλλος, ἰδοῦσα δὲ καὶ ἐποχε-
τευσαμένη ἡμερον⁽¹⁾ vel fallor, vel ab Euripideo
fonte fluxerunt:

ἔρω, ἔρω, ὃς κατ' ὀμμάτων
στάσεις πόθον, εἰσάγων γλυκεῖαν
ψυχῇ χάριν⁽²⁾

Sed furore describendo amoris altius spectavit Pla-
to, quam poëtae solebant. Nam abest tantum, ut vo-
luptates excitare studuerit, ut amoris expresserit
vim divinam, qua evehat mortales homines ad
Deorum immortalium imitationem et similitudinem.
Quod nobis jam proximum est, ut quodammodo
explicemus,

In pristina illa vita et coelesti, quum frueba-
mur identidem pulcerrimo veri spectaculo, Deum
quique nostrum, ut ducem, solebamus sequi, in cu-
jus choro versabamur: eumque habebamus singu-
li quasi choregum nostrum, cui ipsi essemus
naturā et studio simillimi. Exclusi jam festis il-
lis chorisque divinis, non solum spectare illa non
possumus, sed desideramus etiam aegerrime quem
colamus, quem imitemur, quem sequamur. Verun-
tamen quod tum nobis contigit et postea ademtum
est, id nunc nobis amor restituit. Amasium unus-
quisque quaerit Deo similem, quem tum venera-
tus est, et hunc eodem veneratur prosequiturque,
quo

(1) Phaedr. 261 P. C. F. (2) Hippol. vs. 525. De
scriptoribus, qui Platonem imitati sunt V. Ast. ad h. l.

quo illum, honore. Qua in re maxima cernitur
 amantium diversitas. Nam qui Martem fuerunt
 secuti, ut ipsi sunt sanguinolenti, ita talem etiam
 amasium quaerunt: sic alium quaerunt, qui Juno-
 nis, alium, qui Apollinis, alium, qui alius secuti
 sunt chorum. Omnes vero ad sui similitudinem
 Dei et amatum et semetipsos componere student.
 Accidit ita, ut diversus sit item amandi modus,
 amorque non omnibus similiter prosit. Qui vero
 Iovem aliquando choregum habuerunt, Iovialem
 quaerunt, quem ament: σκοπούσιν εὖν εἰ φιλόστοργος
 τε καὶ ἡγεμονικὸς τὴν φύσιν *considerant igitur, num
 philosophus sit naturā atque ad imperandum na-
 tus*: et quando reppererunt talem, non amant eum so-
 lummodo, sed eo enituntur simul, ut indoles ejus
 generosa explicetur tota. Quod efficere conantes,
 non minus sibi metipsis, quam amato, consulunt.
 Nam si antea philosophiam haud rite aggressi
 sunt, tunc in eam incumbentes, et aliunde discunt
 undecunque licet, et ipsi per se proficere nitun-
 tur. Explorantes autem semetipsos, ut investi-
 gando assequantur Dei sui naturam, voti tandem
 compotes fiunt, propterea, quod in Deum inten-
 dere omnem mentis aciem coguntur. Tum vero
 assecuti illum recordatione, ejusque numine affati,
 ex eo mores et studia recipiunt, quatenus homi-
 ni fas est Dei esse participi. Hujus autem be-
 neficii amasium habentes auctorem, magis etiam
 eum deligunt, et laurientes, bacchantium instar,
 ex Iovis fonte, eo replent amasii animum, simil-

limumque eum efficiunt Deo suo. ⁽¹⁾ Sic amana a natum, quasi hic Deus sit ipsi, tamquam statuum i uformat et exornat, utpote culturus eum festisque celebraturus. ⁽²⁾

Nec tamen ita continuo suo quisque amasio prodest. Nam ut primum quis adspexit divinum illum vultum, qui spirat amorem, germinantibus alis, furore corripitur vehementissimo, nec sui est compos. Optimus etiam libidinem, tamquam equum ferocientem, aegre domat, et nisi temperantia et fortitudo, una cum prudentia, ipsius in animo vigerent, freno coërcere libidinem nullo modo posset. Sed vincit prudentia cum studio honesti, quoque ipse agitur amore, eodem jam imbuit amasium. Nam ut ab hoc suscepit per oculos pulcritudinis effluvium, quo incaluit totusque est commutatus, sic venti instar aut echus, redit hicce ἡμερος ab amante in amasii animum, eumque implet amore et quasi irrigat emollitque, ut pariter oriantur alae. Amat ita et hicce, sed quid amet, nescit, nec potest declarare, quid ipsi evenerit. Fit autem mutuo et reciproco amore, ut tamquam in speculo, sic in amante, semet ipsum adspiciat: ὡς περ δ' ἐν κατόπτρῳ ἐν τῷ ἐρῶντι ἑαυτὸν ὁρῶν βλέπει. ⁽³⁾ Absens igitur desiderat eum, ut ab eo desideratur vicissim, nec quidquam cupit vehementius, quam ut semper cum eo sit una. Et sic

(1) Phaedr. 262 C — 255.

(2) Eod. 262 D.

(3) Phaedr. 236 D.

sic quidem ambo beatam atque concordem praesentem agunt vitam, modesti et sibimetipsis imperantes, subactis, e quibus vitia, in libertatem vindicatis, e quibus virtutes oriuntur; mortui vero, recuperatis alis, praepetes evolant, cum trium certaminum vere Olympicorum unum pervicerint: οὐ μείζον ἀγαθὸν οὔτε σωφροσύνη ἀνθρωπίνη οὔτε θεῖα μανία δυνατὴ κορίσσει ἀνθρώπων· quo sane praestabilius bonum nec humana temperantia, nec divinus furor homini afferre ullum potest. ⁽¹⁾

Sic amoris est apud Platonem arctissima cum philosophia conjunctio. Utriusque commune est et summum propositum, ut ad veritatem ac sapientiam adducat hominem: imo reddat homini, quam amisit, felicitatem. Nam ut restituit eum philosophia in conditionem pristinam, ita alas ei adaptat amor, quibus sublatus in beatum Dei sui quasi chorum redeat. Sic utrique adscribitur divinum munus, ut hominem efficiat Deo similem. Sed hujus nondum loci est, illam explicare, quam Plato ubivis praedicat, ὁμοίωσιν τῷ θεῷ. Praestat hic apponere Socraticae palinodiae epilogum, elegantissimum illum, et vero amoris declarantem et philosophiae conjunctionem. „Haec tibi, dilecte Amor, recantatio pulcerrima et optima, ut potuimus, exsoluta est et dicata, quam et hoc modo canere et verbis proferre poëticis a Phaetro coacti sumus. Tu vero et ante dictis ignoscens et haec

(1) Eod. 256 A. B.

ac nobis placide accipiens, benignus mihi adsis et propitius, quamque dedisti mihi artem amatorium, ne auferas irā neque imminuas. Quodsi quid hactenus numine tuo indignum a Phaedro et a me dictum sit, Lysiam accusans orationis illius auctorem, averte eum ab huiusmodi sermonibus, ad philosophiam vero converte, ut et ejus amator hicce, Phaedrus, haud dubius deinde fluctuet mutetque sententiam, sed in *amoris* et *sapientiae* studio vitam transigat constanter. ⁽¹⁾

Est profecto venustus in primis et sublimis dialogus hicce: nec mirum, captos ejus suavitate fuisse elegantissimos quosque scriptores. Habuerunt eum Erotici omnes tanquam pratum quoddam jucundissimum, unde flores carperent scriptis suis ⁽²⁾. Cicero vero rusticans in villis cum amicis et scribens etiam de eloquentia et de legibus constituendis, mente subinde et cogitatione totus versabatur in sacris illis Iliissi tractibus. Scaevolam in-

(1) Phaedr. 157 A. (2) v. c. Plutarchus, Lucianus, Aristaeetus, Alciphron, alii: quod cum studiosius, quam aptius, agerent nonnulli, carpites Plutarchus, qui γλίσχοντα τὸν Πλάτωνα Ἰλισσὸν καὶ τὸν ἄγρον ἐκείνον καὶ τὴν ἡμέρα προσάντη πᾶσαν πεφυκυῖαν ἐπιγράφεσθαι. Amat. 749 A. Forte philosophi etiam profecerunt inde: certe principes eorum ἐρωτικά scripserunt, *Aristoteles*, cujus librum secundum ἐρωτικῶν memorat Athen. XV. 674. Cf. Diog. L. V. 22.: *Zeno* V. Diog. L. VII. 34. *Epicurus* V. id. X. 27. *Cleanthes*, qui conscripsit ἐρωτικὴν τεχνὴν V, id. VII. 175. alii.

Inducit cum Crasso aliisque in hujus Tusculano
ambulantem, et duobus spatiis tribusve factis,
haec usurpantem ⁽¹⁾: „ cur non imitamur, Crasse,
Socratem illum, qui est in Phaedro Platonis? nam
me haec tua platanus admonuit, quae non minus
ad opacandum hunc locum patulis est diffusa ra-
mis, quam illa, cujus umbram secutus est Socra-
tes, quae mihi videtur non tam ipsa aqua,
quae describitur, quam Platonis oratione crevisse:
et quod ille durissimis pedibus fecit, ut se abji-
ceret in herbam atque ita illa, quae philosophi di-
vinitus ferunt esse dicta, loqueretur, id meis pe-
dibus certe concedi est aequius.” Ipse Cicero
rusticans cum fratre apud Crassum in eodem Tus-
culano, ut ambulando devenerant in insulam et
Fibrenum, hunc amnem Ilisso comparat: „ nul-
lum hoc, inquit, frigidius flumen attingi, cum ad
multa accesserim, ut vix pede tentare id possim:
quod in Phaedro Platonis facit Socrates.” ⁽²⁾ Sic
omnino ceperat Ciceronem venustissimus dialogus,
ut Phaedrus ille et amnis et platanus et cactera
omnia in sancto illo loco semper ipsius animo es-
sent praesentia. Sed quae *divinitus* illic, ut
idem ait, *Socratis ferunt esse dicta*, haec vero in
admirationem rapuerunt posteros. Scilicet scrip-
sit hunc dialogum Plato, non ut Symposium pro-
vectiore aetate, sed ipso juventutis vigore. Quo
fac-

(1) De Orat. I. 7. (2) Legg. II. c. 3. adde Cic. Orat.
~~de Orat.~~ 13. Div. I. 57. Tusc. I. 23.

factum, ut vim poëticam, qua naturâ valebat, in eo scribendo explicaret totam. Et hinc sublimitas illa, hinc sensus illi excelsi de pulcro et vero, quales hîc unice expressos reperimus. Exstant in hoc dialogo Pythagoreorum placita: *μύθον* illud, ut diximus, eorum metempsychosi magnam partem debemus. Quodsi cum hisce Pythagorica comparamus, quae in Phaedone v. c., et in Politia occurrunt, sic vero maxime nobis in Phaedro juvenilis auctoris vigor apparebit ⁽¹⁾. Nec vero diffiteor, vitia hinc etiam contraxisse dialogum. Qui enim ordo in Symposio, in Phaedone, in aliis philosophi scriptis perfectus est fere, desideratur ille in Phaedro. Non unum est argumentum, quo referantur omnia; sed, cum agendum videatur proprie de dicendi scribendique arte, episodium de amore partem dramatis fere maximam occupat. Dictio item, quod Veteres reprehenderunt ⁽²⁾, sic migrat subinde prosae orationis fines, ut poetica atque adeo dithyrambica videatur. Sed vitia haec juvenilis luxuriantisque ingenii quis adeo est se-

VC-

(1) Diog. Laert. III. 38. Aliter hac de re judicat Socherus, *über Platons Schriften* p. 309.: de cujus sententia nobis deinceps erit agendum. (2) Dicaearchus apud Diog. L. III. 38. Dionys. Hal. Ep. ad Pomp. c. 2. p. 203. et in Jud. de Demosth. c. 6. p. 271. Iniquius sane illi, quam verius. V. Wyttenb. Epist. ad Spec. meum p. 43. Ut autem Socratem Aristophanes, sic Platonis scripta comici deinceps exagitarunt V. Diog. L. III. 26 - 28. Phaedrum scripsit Alexis, qui paroedia videtur fuisse Phaedri Platonici. V. Athen. XIII. 563 A.

verus, quā huic aetati ignoscat? Accedit argumenti sublimitas et poetica ratio. Haud enim facile reperiatur, qui amantium describens ac poetarum entusiasmum, ipse sibi caveat, ne exsulet subinde oratio ac poeticum quid et dithyrambicum sonet. Habuit hoc Plato cum Democrito commune, qui item scripsisse de furore videtur. ⁽¹⁾ Quo nomine jungit eos Cicero. ⁽²⁾ Video, ait, visum esse nonnullis, Platonis et Democriti locutionem, etsi absit a versu, tamen quod incitatus feratur et clarissimis verborum luminibus utatur, potius poema putandum, quam comicorum poetarum. Caeterum Plato, quod principio monuimus, a poesi ad philosophiam progressus est, et ea vivebat aetate, qua ligatae orationis et solutae discrimen, idoneis nondum legibus erat definitum. Quo minus nobis committendum est, ut scripta viri et placita ad posterioris et nostrae adeo aetatis conditionem exigamus. Tantum autem abest, ut haec ejus de amore dicta levia putanda sint ac philosopho indigna, ut interioris contineant doctrinae Platonicae principia. Quod nobis tum maxime manifestum erit, quando eo pervenerimus, quo omnis apud Platonem tendit philosophia pulcri, ad *ipsius pulcri scientiam*. Sed quo facilius eo perveniamus, de artibus jam porro agendum est, quae ad pulcri amorem ducunt, hominemque praeparant, ut ipsum aliquando pulcrum cognoscat.

De

(1) V. *supra* p. 124. not.

(2) *Orat.* c. 20.

*De artibus,
quae ad pulcrū ducunt amorem,
in primis de musica.*

Multa tulit et nova et praeclara saeculum praecedens. In quibus haud infimum tenet locum artium elegantiorum, quod exstitit, studium. Nam cum adhaesisset antea doctrinis ratio quaedam scholastica, quae et ipsas obscuraret et literis obsesset ac philosophiae, *pulcrum* exquiri summo studio coepit. Quo accidit, ut, quidquid antiquarum esset artium superstes, sculpturae, statuariae, architecturae, similibus, illud et exploraretur diligentius et cum pulcri venustique sensu judicaretur: tum etiam nullum non genus disciplinarum venustatis quemdam susciperet colorem: nova adeo existeret doctrina, *aesthetica* vulgo dicta. Quocirca nemo facile hodieque in philosophiam incumbat Platonis, quin locum hunc tractans, qui est de pulcro et amore, Platonicae investiget, si quae sit, aestheticae principia. Et profecto, cum merito haec doctrina gravis habeatur philosophiae pars, eo magis, quid de artibus existimaverit Plato, exquirendum videtur.

Sed ingredientibus hoc argumentum, id nobis continuo mirum videatur, haud praeclare existimas-

so

se : necnon de poëtis, oratoribus, statuariis, pictoribus, de iis omnino, qui artes coluerunt: imo vero, una cum hisce, artes etiam eorum tantum non contempsisse. Quod eo minus videatur explicari posse, quo magis abhorret ab indole et studiis Platonis. Nam ipse poëta fuit et orator: utramque artem philosophiae adhibuit, et hinc maxime repetenda philosophiae Platonicae admirabilis illa elegantia et sublimitas. Excelluit adeo in oratoribus, quod iudicabat optimus sane harum rerum iudex, Cicero. Vocat eum non intelligendi solum, sed etiam dicendi gravissimum auctorem et magistrum: longe omnium quicumque scripserunt, aut locuti sunt, et suavitate et gravitate principem. ⁽¹⁾ Jovem adeo, dicebant veteres philosophi, si Graece loqueretur, sic loqui. ⁽²⁾

Respiciamus vero philosophiam viri, e cuius notione haec et omnia explicari debent quaecunque in ejus opinionibus vel mira vel absurda videntur. Est illa veri studium, non ejus quod *esse videtur*, sed quod *est*. Quapropter rejicit artes, quae vulgo dicuntur, et una cum artibus artifices, qui non res, sed rerum simulacra et umbras imitantur: ne ipsi etiam Homero parcens, quamquam haud sine verecundia de eo loquitur. Declarant id sermones festivi, quos Socrates in Politia cum Adimanto instituit. Artificem, inquit, qui unus omnia efficere potest, quae singula singuli efficiunt artifices, qua-

(1) Cic. Oret. c. 3. et 19. de Orat. I. 11. (2) de Orat. I. 51.

qualem hunc vocas? — Solertem quemdam memoras et mirabilem virum. — Nondum tu ita: mox magis sic de eo pronunciabis. Idem enim hicce artifex non solum omnia potest suppellectilia facere, sed et omnia quae ex terra nascuntur efficit et animalia omnia, cum caetera, tum etiam semetipsum: praeterea terram et coelum et Deos et quaecumque in coelo atque in orbo sub terra sunt, haec omnia efficit. — Sophistam nobis narras perquam mirificum. — Diffidisne? sed dic mihi, quaeso, nullusne tibi esse videtur hujusmodi artifex? non intelligis, temetipsum posse haec omnia quodammodo efficere? — Quo tandem modo? — Haud difficili illo, sed quo passim et celeriter fabriceris; celerissime autem, si vellis, speculo sumto, in omnes illud partes circumferre: celeriter et solem efficies et quae sunt in coelo: celeriter terram, imo vero temetipsum et caetera animantia et suppellectilia et germina et quaecumque modo sunt memorata. — *Ναι, ἔφη, Φαινόμενα, οὐ μέντοι ὄντα γέ που τῇ ἀληθείᾳ* quae videntur, non quae revera sunt. — Pulcre hoc tu et opportune dicis.⁽¹⁾ Hoc in genere fabrorum pictor censendus est: censendi sunt item poëtae et quotquot *φαντάσματα*, ἀλλ' οὐκ ὄντα ποιοῦσιν.⁽²⁾ Quodsi rogamus eos, ejus artis periti, consulant humano generi, ut medicinae Aesculapius, legislatoriae Lycurgus et Solon, vitae rite instituendae Pythagoras

ras

(1) *Rep.* X, 596 B. (2) *Eod.* 599 A.

ras periti, civibus quisque suis et discipulis pro-
fuerunt, quam memorent artem, non reperiunt.
Scilicet nec veritatis ullam nec utilitatis rationem ha-
bentes, speciem sectantur, res vero negligunt. Οὐκ-
οὖν τιθῶμεν, ἀπὸ Ὀμήρου ἀρξάμενοι, πάντας τοὺς
ποιητικούς, μιμητὰς εἰδώλων ἀρετῆς εἶναι, καὶ τῶν
ἄλλων περὶ ὧν ποιοῦσι, τῆς δ' ἀληθείας οὐχ ἄπτεσ-
θαι. ⁽¹⁾

Videtur igitur Plato sic de artibus statuuisse, ut
philosophiæ, quam profitebatur, satisfaceret. Sed
dicat hic aliquis: esto, in philosophiam non pec-
caverit Plato; sed peccavit in artes. Has enim
nemo non coluit, nisi ab ipsa esset humanitate
alienus. Atqui, o bone, nec Plato fuit ab omnī
humanitate alienus, et coluit artes: sed non illas,
quæ vulgo habebantur, ad oblectandos hominum
animos, non item ad emendandos aptas et effica-
ces. Eas coluit et optimo cuique maxime colen-
das censuit, quæ quasi τύπον haberent veritatis,
animumque adducerent ad ipsum pulcrum, ipsum
bonum, ipsas ideas intuendas. Quæ vero hinc
mentem averterent, converterentque ad inania simu-
lacro, ad inanes umbras, has repudiavit, ut phi-
losopho indignas. Quam Platonis sententiam ut
apte explicemus, de summo jam agamus, quod ar-
tibus, præscrepsit, proposito et fine. Sed pri-
mum disquirendum est de musicæ origine.

Du-

(1) Rep. X. 600 E.

Duxit eam Plato e naturalibus sensibus studiisque animi humani. Censet enim, naturâ nobis proprium esse sensum quemdam rhythmî et harmoniae, quo ceteris praestemus animantibus: hoc autem motum ductumque genus hominum, sponte sua et choros agere instituisse et invenisse musicam. In opere de Legibus, quod senex scripsit, senes inducit hac de re colloquentes, Critiam, Megillum et hospitem Atheniensem, quorum hic ita profert sententiam suam. „ Videndum, num verus sit et secundum naturam, qui nobis celebratur, sermo: dicimus autem, animantia tantum non omnia, dum juvenili sunt aetate, nec corpore posse quiescere nec linguâ silere, moveri vero semper et clamare: exsultare fere ac tripudiare, prae gaudio saltantia ac ludentia, ore vero nullos nos sonos emittere; in his autem caetera animalia nullum habere ordinis sensum, sed sine rhythmô moveri, sine harmonia vociferari; hominibus vero Deos et rhythmî tribuisse et harmoniae sensum, quo apte nos moveremus saltando et caneremus concinne, choros instituentes cum hilaritate, qui *παρὰ τῆς χαρᾶς*, ab ipsa hilaritate nomen habent. ⁽¹⁾ Quae sententia ita placet Atheniensi hospiti, cujus sub persona ipse loqui videtur Plato, ut iterum illum et tertium memoret: evidentissime autem, his verbis: *εἴπομεν, εἰ μεμνήμεθα, ὡς ἡ φύσις ἀπάντων τῶν ζώων διάπυρος οὖσα ἡσυχίαν οὐχ οἶα*

(1) De Legg. II. 653. E.

οἷα τε ἄγειν οὔτε κητὰ τὸ σῶμα οὔτε κατὰ τὴν φωνὴν εἶη, φλέγγαιτο δ' αἰεὶ ἀτάκτως καὶ πηδῶ. Τάξεως δ' αἰσθησὶν ταύτων ἀμφοτέρων, τῶν ἄλλων μὲν ζῶων οὐδὲν ἐφάπτοιτο, ἡ δὲ ἀνθρώπου φύσις ἔχει μόνη τοῦτο· τῇ δὲ τῆς κινήσεως τάξει ῥυθμὸς ὄνομα εἶη· τῇ δ' αὖ τῆς φωνῆς, τοῦ τε ὀξέος ἅμα καὶ βαρέος συγκερατνυμένων, ἁρμονίας ὄνομα προσχγορεύοιτο· χορεία δὲ ξυναμφοτέρων κληθεῖη. ⁽¹⁾

Sed quod senili actate Plato diligentius explorabat, id juvenili jam adumbraverat in Phaedro, fabulā enarrantiā de cicadarum origine. Homines fingebat antiquitus, Musis natis et exorto cantu, sic delectatos fuisse, ut ipsi canendo vitam transigerent, cibique et potus immemores, fame perirent: ex his autem hominibus cicadas exstittisse, quae indesinenter canunt. Sed elegantem fabulam multo lubentius ab ipso accipiemus Socrate, qui eam Phraedro enarrat, ἀνδρὶ φιλομούσῳ, divino illo in loco, Nympharum receptaculo, ubi utriusque sermonibus accinere videtur cicadarum chorus. Nam delato illic ad bene scribendi artem sermone, rogat juvenem Socrates, num opus illi videatur, ut hanc artem explorent, ad ejusque naturam et Lysiam exigant et omnes qui scripserant iam oratores quam poetas. Tum Phaedrus: rogasne inquit, num opus sit? Cujus tandem rei gratia, ut ita dicam, vivat aliquis, si non talium voluptatum caussa? Quod perquam probans Socrates: et

ve-

(1) Legg. II. 664 E. adde cod. 672 C.

vero, inquit, simul mihi videntur, super caput nostrum cicadae canentes et colloquentes, nos adspicere. Si ergo nos viderent, quemadmodum vulgus, meridie non disputantes, sed dormitantes, ab ipsis propter mentis desidiam definitos, merito deriderent, putantes mancipia quaedam ad ipsas in hunc secessum venisse, et, tamquam pecudes, ad fontem meridiano somno teneri; si viderint disputantes nos, ipsasque, tamquam Sirenas, haud captos cantu praeternavigantes, forte quod a Diis nactae sunt praemium, ut hominibus impertirent, hoc nobis prae admiratione concedant. Hic Phaedrus: quidnam muneris istud est, quod habent? Numquam enim audivisse videor. Cui Socrates: οὐ μὲν δὴ πρέπει γε Φιλόμουσον ἄνδρα τῶν τριούτων ἀνήκον εἶναι. λέγεται δ' ὡς ποτ' ἦσαν οὗτοι ἄνθρωποι τῶν πρὶν Μούσας γεγονέναι. γενομένων δὲ Μουσῶν καὶ Φανείσης ὥδης, οὕτως ἄρα τινὲς τῶν τότε ἐξεπλάγησαν ὑφ' ἡδονῆς, ὥς ἔδοντες ἡμέλησαν σίτων τε καὶ ποτῶν, καὶ ἔλαθον τελευτήσαντες αὐτούς· ἐξ ὧν τὸ τεττίγων γένος μετ' ἐκείνο φύεται, γέρκε τοῦτο παρὰ Μουσῶν λαβὼν, μηδὲν τροφῆς δεῖσθαι γενόμενον, ἀλλ' ἄσιτόν τε καὶ ἄποτον εὐθὺς ἔδειν, ἕως ἂν τελευτήσῃ. ⁽¹⁾ Itaque, quod adjicit Socrates nec nobis est reticendum, cum aliis annunciant Musis, quoniam hinc eas maxime colant, tum Calliopae et Uraniae, Musarum antiquissimis, eos conciliant gratioresque

(1) Phaedr. 258. D. 259 A. B. C.

que reddunt, qui in philosophia vivunt, earumque maxime musicam celebrant.

Homo igitur, de Platonis sententia, hatus est ad musicam: natura quippe praeditus rhythmī harmoniaeque sensu et studio. Nec vero musica, quam memorat, exilis est ista et levis, quae aures solum modulando sonorumque varietate demulcet; sed, ut modo nos docuit Atheiensis hospes, illa est, quae in choris, in tragicis certaminibus et comicis viget: quae decori studium in animis hominum unice excitat, eosque ad *εὐσουλαν*, *εὐαρμοσίαν*, *εὐνομίαν* componit: ⁽¹⁾ quae ad excolendum hominem vim habet maximam, ad sublimia nos omnia, ad Musarum antiquissimas Calliopen et Uraniam, i. e. ad divinam philosophiam hominem evehit. Sed tot sunt haec et tanta musices munera, ut videatur de iis singulatim agendum.

Initium ducamus iterum ab ipsa hominis natura. Dico, ait idem ille apud Platonem Atheniensis hospes, germanae principia institutionis explorare: dico equidem, primum esse puerorum sensum, voluptatem et dolorem, nec alium principio, praeter huncce, virtutum esse ac vitiorum fontem. Nam sapientiam assequi et ratione confirmare veras opiniones, beatus ille, cui id in senectute contigerit. Sensum igitur hunc ita in puero excolere, ut oderit continuo, quae fugienda, amet vero et appetat, quae appetenda sunt, hoc verae est institutionis

(1) Rep. III. 401 A.

nis officium. Perfectus videlicet homo is est, qui a tenera inde aetate, priusquam quid bonum sit, quid malum, judicare potest, sponte sua, ex rebus pulcris et bonis voluptatem, ex turpibus et malis dolorem cepit: nactus autem cum ratione judicandi facultatem, rationem cum hoc sensu in concentum redegit. Hic scilicet concentus, haec *εὐμφρ-
via* ipsa est virtus. Sed cum hanc voluptatum et dolorum rectam moderationem remittant fere mortales et pervertant saepenumero, indeque oriantur et vitia omnia et aerumnae gravissimae, Dii, humanum genus miserati, aerumnis hisce suis et laboribus succumbens, *festa* constituerunt, quae laborum essent intermissiones relaxationesque, tum *Musas* hominibus dederunt et *Apollinem Musagetem*, *Liberumque patrem*, festorum socios, ut saltantes in choris et canentes, ad rhythmī harmoniaeque ordinem suos ipsi animos moresque et studia componerent atque omnem ita corrigerent pristinae institutionis perversitatem. ⁽¹⁾

Est sane jucunda haec philosophandi ratio, quae repetens omnia a remotissimis principiis, nihil tamen inde sive obscuritatis sive jejunitatis contrahit, sed, quamvis subtilis et accurata, poeseos nos simul gratia et venustate delectat. Quam imitari debuerant, qui post Platonem philosophiam pulcri attigerunt. Nam sic de pulcro disserere, ut ratio et oratio nihil minus, quam pulcrum, re-

(1) De Legg. II. 653. A.

referant, pulcrum adeo argumentando obscurent, id sane, si quid aliud, ineptum est. Plato quotiescunque de artibus agit elegantioribus, agit autem de iis saepenumero et perlubenter, toties et mentem exercet nostram rerum indagazione, et vero sensum simul pulcri venustique in animis nostris fuscitat et acuit. Quod ipse videtur maxime scribendo spectasse, spectandum certe putavit in puerorum institutione, quam totam, uti vidimus, a Musis Musarumque chorego Apolline, i. e. ab excolendo in animis harmoniae rhythmique sensu studioque inchoare iussit. Ponamus igitur, ait tandem Atheniensis ille, παιδείαν εἶναι πρώτην διὰ Μουσῶν τε καὶ Ἀπόλλωνος. Quod ita intelligemus maxime, ut diligentissime et chori apud Graecos et tragicæ comicæque poeseos rationem animadverterimus.

Festa dederunt Dii miseris mortalibus, ut, re-
missis laboribus, exhilararent eos identidem, simul-
que emendarent. Nam ludendo maxime genus
nostrum ad pulcrum et honestum ducendum vide-
tur. Unde simillima voce institutionem et ludum
appellare solemus, illam παιδείαν, hunc παιδιάν
vocantes. Et vero omnis educatio cum recta lu-
dendi consuetudine conjuncta est. Qui puer pul-
cerrime ludit, is vivit adultus honestissime. Quid?
quod ludendo eliciuntur optime insitæ animo fa-
cultates. Ego sic statuo, ait Plato, ut praesiet
quis aliquando qualicunque in negotio, id eum
oportere ab ineunte statim pueritia, tam ludendo,

K 3

quam

quam serio tractando, in singulis meditari, quae huic rei conveniunt: qui, verbi caussa, aptus futurus est agricola vel aedificator, ludentem hunc oportere a teneris vel colere terram vel pueriles quasdam domos aedificare: illum vero, qui educat utrumque, utrique debere instrumenta quaedam parvula, verorum imagines, parare: omnino, per ludos eo convertere puerorum cupiditates et voluptates, quo maturi aetate pervenisse debeant. *Κεφάλαιον δὲ παιδείας λέγομεν τὴν ὁρθὴν τροφὴν, ἣ τοῦ παίζοντος τὴν ψυχὴν εἰς ἔρωτα ὅτι μάλιστα ἄξει τοῦτου, οὗ δεήσει γενόμενον ἄνδρ' αὐτὸν τέλειον εἶναι τῆς τοῦ πράγματος ἀρετῆς. Caput esse institutionis dicimus rectam educationem, quae ludentis pueri animum ad amorem ducit illius, quod virili aetate assecutum esse oportet, si perfectus in arte sua futurus est.* ⁽¹⁾

Festis igitur solemnibus nihil facile esse aptius efficaciusque poterat ad insita pulcri honestique studia excitanda et confirmanda. Nam ludendo peragebantur maxime et summâ hilaritate, nec solum currendo, luctando, aurigando caeterisque ludis gymniciis, sed musicis etiam certaminibus, quae ad Apollinis Musarumque exemplum, in choris celebrabantur, et ludentium spectantiumque animos ad sublimia quaeque evehebant. Chori autem, quod hîc nobis minime negligendum est, ut
hym-

(1) Legg. I. 645. A. C. D. ubi V. Ast. Cf. Rep. IV. 425 A.

hymnis extollebant Deorum laudes et facta praeclara heroum, ita res simul Deorum heroumque canendo saltandoque imitabantur. Cujus rei praeclarum exstat monumentum, hymnus in Apollinem, Homero vulgo adscriptum, qui nativam continet chori descriptionem, quo Iones solebant in Deliacis festis Apollinem ac Dianam celebrare. Non minus illic imitatio hominum seu actio, quam cantus et saltatio laudatur.

πάντων δ' ἀνθρώπων Φαῖς καὶ κρεμβαλιαστὴν
μιμεῖσθ' ἴσασιν· Φαίη δέ κεν αὐτὸς ἕκαστος
φθέγγεσθ'· οὕτω σφιν καλὴ συνάρηρεν αἰοδῆ. ⁽¹⁾

Ut sponte sua homo canere gestit et saltare, ita accedit naturali huic oblectamento imitandi studium, non minus sane naturae congruum. Patent haec in puerorum consuetudine, et pariter in populo-
rum moribus, qui nunc etiam, ut tunc Iones, pueritiae referunt gratiam et simplicitatem. Lu-
dentes illi puerorum instar, canendo delectantur et saltando, chorosque jungunt et homines imitantur et res ab iis gestas. Quod advertentes peregrina-
tores, qui in remotis regionibus, in insulis maxi-
me maris australis, tales adierunt populos, expli-
cuerunt ex eorum moribus chororum apud Graecos

ra-

(1) Hom. Hymn. in Apoll. Vs. 162. De choris praeclare scripserant multi, in primis Schillerus, qui ad Graecam rationem sua ipse dramata conformavit. Ex Platonis fonte rem data opera duxerunt Texius et Baxius, opusculis lau-
dati. Nos quominus plura de hoc argumento adducereimus, utriusque fecit cum diligentia tum disserendi elegantia.

rationem. Ego vero fateor, ex eorum descriptionibus multum me profecisse ad Platonem intelligendum. Nam illustrant illa mirifice, quae philosophus pronuntiavit de musicae et chororum ortu, nec minus valent ad placita ejus explicanda, quae ad tragicos et comicos referuntur.

Tragoediam si respicimus, qualis exstat in gentibus recentioribus, unâ contineri poësi videtur: comoedia vero, vel ipsâ destituta est poeseos commendatione: pedestri fere oratione procedit. Apud Veteres vero utraque e choris nata est, eorumque perpetuo et gratiam retulit et sublimitatem. Nam chori *agebant* ipsi in Bacchi sacris, ut in Deliacis festis solebant, et pariter res Deorum et hominum agendo repraesentabant: et quamvis, auctore Aeschilo, accederent identidem histriones ⁽¹⁾, quo ratio et forma dramatis rite demum constituta est, chorus tamen in fabulis principes quasdam partes tenuit, eas certe, ut musicae vi et saltationis gratiâ mirabiliter spectatores et moveret et oblectaret. Constabant igitur dramata illa non solum poësi, sed musicâ simul et saltatione; imo *musica* vocabantur *certamina*, in quibus concertare secum invicem solebant tragici poëtae et comici. Nam dominabatur plane in illis, unde originem duxerant, *Musica*. Tam late apud Graecos patebat divinae hujus artis vis et auctoritas. ⁽²⁾

Sed in choris, uti memoravimus, et multo etiam
ma-

(1) Aristot. de poet. c. 4. (2) V: Den Tex p. 152 sqq. et script. ab eo citati: item, quae nos illic notavimus p. 110.

magis in tragica et comica poësi, *imitatio* obtinebat. Haec autem in utramque partem perquam est efficax, cum ad emendandos, tum etiam ad corrumpendos juvenum animos. Quando mores hominum imitantur poëtae, qui pravi sunt et ingenuo viro indigni, nocent eorum carmina juventuti gravissime: praesertim, quando ipsi juvenes, in choris canentes, et voce eos et motibus gestibusque exprimunt. Verendum magnopere est, ne ἐκ τῆς μιμήσεως τὸ εἶναι ἀπολαύσωσιν. Nam imitationes, si a teneris annis porro procedunt, in mores et naturam abeunt, non minus quod ipsum animum, quam quod corpus et vocem attinet ⁽¹⁾. Quodsi pulcra imitantur poëtae et honesta, nec quidquam praeter haecce arte student exprimere, sponte eorum carmina in canentium audientiumque animis pulcri excitabunt honestique amorem. Quo magis id omnibus agendum est poëtis, ut τὴν τοῦ ἀγαθοῦ εἰκόνα ἤθους ποëmatibus exprimant ⁽²⁾, tragicis vero maxime, quorum quippe studium imitando continetur totum.

Haec cum chororum esset antiquitus apud Graecos conditio, Plato primam ab iis institutionem repetendam esse censuit. Nam ad sensus omnes affectusque temperandos, musica vim habet maximam: praesertim, si mature adhibeatur juventuti. Molles enim sunt hac aetate et teneri hominum animi, καὶ μάλιστα δὴ τότε πλάττεται καὶ ἐν-
δύε-

(1) Rep. III. 395. C.

(2) Rep. III. 401. B.

δοτεται τύπος, ὃν ἂν τις βούληται ἐνσημάνεσθαι ἐκείνῳ.
*Tum maxime fingitur induiturque forma, quæ
 quis unicuique imprimere velit.* ⁽¹⁾ Κυριωτάτη. αἰς
 Plato, ἐν μουσικῇ τροφῇ, ὅτι μάλιστα καταδύσκει εἰς
 τὸ ἐπὶ τῆς ψυχῆς ὃ τε ῥυθμὸς καὶ ἁρμονία, καὶ ἐπὶ
 ῥομανέματα ἄπτεται αὐτῆς, φέροντα τὴν εὐσυχμοσύ-
 νην. *Primaria est, quæ per Musicam præcedit,
 educatio: nam in inimum omnium penetrant rhyth-
 mus et harmonia, vehementissimeque cum sanguine,
 decorum afferentes animi habitum.* ⁽²⁾ In quibus
 musicam intelligit cum saltatione conjunctam, prout
 ti in choris obtinebat. Saltatio enim, siquidem
 recte instituitur, una cum corporis habitu et moti-
 bus animum etiam ad decorem ac concinnitatem,
 ad εὐσυχμοσύνην componit, hominemque sic efficit
 εὐσυχμόν. Quid? quod sensus ita decori in pue-
 rorum animis acuitur, ut animadvertant continuo,
 quid in quaque re sit decorum, quid turpe: illud
 expetant et ament, hoc aversentur et fugiant. Similis
 est quodammodo honestatis et literarum disciplina.
 Literas nemo bene didicerit earumque erit peritus,
 et γραμματικὸς vocandus, quin singulas continuo
 agnoscat quocumque occurrant loco, cum ipsas,
 nec etiam earum in aquis et speculis imagines,
 nec ullas sive magnas sive parvas neglexerit. Pa-
 riter is demum μουσικὸς dici potest, qui pulchra,
 decora, honesta, ubicumque adsint, extemplo ani-
 madvertit, tam ipsa, quam eorum in omnibus ex-
 ti-

(1) Rep. II. 377 B.

(2) Rep. III D.

tibus simulacra. Sunt hæc elementa virtutis, ut illic literarum linguae sunt et scripturae elementa. (1) Haec autem efficere nec saltatio potest singulatim, nec musica aut poësis; sed chorus efficit, in quo singulae hac artes ad sensum eliciendum pulcri quasi conspirant. Plurimum autem in iis efficit poësis: oratio certe nisi honesta sit, cantu illa aut motuum venustate corrigi non potest. Sic omnino se res habet, ut rationi convenire oporteat rhythmum et harmoniam, indoli autem generosae orationem. Itaque εὐλογία καὶ εὐαρμοσία καὶ εὐσχημοσύνη καὶ εὐρυθμία εὐθελὲς ἀκολουθεῖ εὐχῇ ἢ ἀνομιᾷ οὕτως ὑποκοριζόμενοι καλοῦμεν ὡς εὐθελῶν, ἀλλὰ τὴν ὡς ἀληθῆς εὖ τε καὶ καλῶς τὸ ἥθος κατεσκευασμένην διακρίνουν. (2) Et hinc intelligere licet, quo sensu dixerit philosophus: ὁ μὲν ἀπαίδευτος, ἀχόρευτος ἡμῶν ἔπει· τὸν δὲ πεπαδευμένον, ἱκανῶς κεχορηγῶτα θετέον. (3) tum etiam illud: ὅλη μὲν πού χορεία, ὅλη παιδείας ἦν ἡμῖν. (4)

Hæc autem in re Plato haud quidquam induxit novi; sed, quod moribus erat receptum, rationibus adductis, probavit. Nam solebant Atheniensium liberi in choris sacris canere et saltare, et si qui non interessent iis, aderant certe, et facile sic cetum animi ad εὐαρμοσίαν componebantur. Quamobrem nemo erat Athenis paullo quidem liberalius institutus, quàm musicae deberet cultus sui

hæc

(1) Rep. III. 402. A.

(2) Rep. III. 400. D.

(3) Legg. II. 634. A.

(4) Legg. II. 672. E.

humanitatisque initia. Accedebat disciplinae ratio, quae eodem tenderet tota. Ediscebant adolescentes poetarum carmina, ut viros imitarentur claros, qui in illis laudarentur, talesque ipsi fieri cuperent: citharistae autem citharam eos pulsare docentes, id studebant maxime, ut ad sonorum harmoniam eorum animos componerent. Καὶ τοὺς ῥυθμούς τε καὶ τὰς ἀρμονίας ἀνυγκάζουσιν οἰκειοῦσθαι ταῖς ψυχαῖς τῶν παίδων, ἵνα ἡμερώτεροι τε ᾤσιν καὶ εὐρυθμότεροι καὶ εὐαρμωστότεροι γιγνόμενοι, χρήσιμοι ᾤσιν εἰς τὸ λέγειν τε καὶ πράττειν, πᾶς γὰρ ὁ βίος τοῦ ἀνθρώπου εὐρυθμίας τε καὶ εὐαρμωσίας δεῖται. ⁽¹⁾

Prouti autem in illis omnibus philosophus naturam indagavit hominis, ut inde repeteret et originem musices et artis hujus efficacitatem ad primos excolendos puerorum sensus, ita in caeteris etiam de musicâ disquisitionibus ex eodem hauriendum esse censuit et hausit fonte. Duo nobis naturâ inesse, ait, alterum, quod ἡμερον, item φιλόσοφον vocat, τὸ θυμοειδές alterum. Recte haec diligenterque temperanda sunt, ne homo vel mollior fiat, quam par est, vel durior: quo valet in primis musica. Scilicet utrique illorum artem dedisse videtur Deus, τῇ ἡμέρῃ, *gymnasticam*, *musicam* τῇ θυμοειδεῖ: illam, ut indoles corroboraretur placida et mitis, hanc, ne insita alacritas in ferocitatem abiret. Homines vero perverso fere modo has artes usurpant:

(1) Proleg. 526. B.

pant: totos enim se vel musicae soli, vel gymnasticae tradunt: quo non tantum non corriguntur aut perficiuntur, sed corrumpuntur plane. Nam si quis per aures in animum, tamquam per infundibula, infundi sinit dulces, molles ac flebiles modos, vitamque totam modulando transigit cantusque percipiendâ suavitate: is primum quidem; si quid naturâ habet θυμοειδές, tamquam ferrum, id emollit atque utile efficit, cum durum esset atque inutile; quodsi deliniendo non cesset, tum vero deinde liquefacit plane ac resolvit animum, donec eliquaverit τὸν θυμὸν, et, quasi nervis exectis animi, effecerit μαλθακὸν αἰχμητήν. ⁽¹⁾ Nec magis sibi consulit, imo vero corrumpitur pariter, qui soli se gymnasticae tradit. Qui enim nihil aliud agit nec ullum habet ulla in re cum Musis commercium, si quid animo haberet φιλομαθές, nonne illud, quippe nec disciplinas degustans ullas nec disquisitiones nec sermones, infirmum fieret et surdum et coecum, quandoquidem nec suscitarentur sensus, nec alerentur, nec perpurgarentur? Μισολόγος δὲ, οἶμαι, ὁ τοιοῦτος γίνεται καὶ ἄμουσος· καὶ πειθοῖ μὲν διὰ λόγων οὐδὲν ἔτι χρήται. βίᾳ δὲ καὶ ἀγριότητι, ὥσπερ θήριον, πρὸς πάντα διαπράττεται, καὶ ἐν ἀμαθίᾳ καὶ σκαλιότητι, μετὰ ἀρρυθμίας τε καὶ ἀχαριστίας ζῇ. ⁽²⁾ Quid igitur? Scilicet, quod nobis naturâ inditum est, τὸ ἡμερον, τὸ φιλόσοφον, unde omnis manat cul-

(1) Rep. III. 411 A.

(2) Eod. 411 C.

cultus et humanitas, haud emolliendum est musical, sed gymnasticā corroborandum: quodque item debemus naturae, τὸ θυμειδές, unde fortitudo existit et constantia, non intendere oportet gymnasticā, sed musicalā relaxandum est apteque temperandum. Sunt autem musicae hac in re gravissimae partes. Nam homo prima aetate, ut omne animal, *κλίνεται τε καὶ βοᾷ ἀτάκτως*.⁽¹⁾ Puer πάντων θηρίων ἐστὶ δυσμέταχειριστότατον· ὅσῳ γὰρ μάλιστα ἔχει πηγὴν τοῦ φρονεῖν μήπω κατηρτυμένην, ἐπίβουλον καὶ δριμύ καὶ ὑβριστότατον θηρίων γίνεται.⁽²⁾ Vim autem hanc insitam et alacritatem et vero contumaciam una omnium optime musica et mīτῆ-gare potest et moderari. Omnino, artes hae concessae sunt humano generi, ut τὸ ἡμερον naturae nostrae et τὸ θυμειδές ἀλλήλοις ξυναρμωσθήτον, ἐπιτενωμένῳ καὶ ἀνιεμένῳ μέχρι τοῦ προσήκοντος.⁽³⁾ Quocirca τὸν κάλλισ' ἄρα μουσικῇ γυμναστικῇν κεραννόντα καὶ μετριώτατα τῇ ψυχῇ προσφέροντα, τοῦτον ὀρθότατ' ἂν φαίμεν εἶναι τελέως μουσικώτατον καὶ εὖ αρμοστότατον.⁽⁴⁾

Sunt haec principia pulcerrimae institutionis, quam in libris de Republica exposuit Plato. Nec, his perceptis, mirabitur quispiam, nulli eum arti tantam ad erudiendum excolendumque hominem vim tribuisse, quantam musicae. Est enim ista, si quae alia, et homini naturā propria et natu-

(1) Legg. II. 479 C.

(2) Legg. VII. 808 D.

(3) Rep. III. 411 E.

(4) Eod. 412 A.

harmoniam musicae, et vim habebant ad decori honestique amorem in animis juvenum excitandum. Poëtis non tantum, ait, praecipendum, ut bonae indolis imaginem carminibus suis expriment, nil inserant, quod illiberale sit et indecorum: idem et caeteris praecipendum artificibus, ἵνα μὴ ἐν κακίᾳ εἰκόσι τρεφόμενοι ἡμῖν οἱ Φύλακες, ὥσπερ ἐν κακῇ βοτάνῃ, πολλὰ ἐκάστης ἡμέρας κατὰ σμικρὸν ἀπὸ πολλῶν δρεπόμενοι τε καὶ νερόμενοι, ἐν τι ξυνισάντες λανθάνωσι κακὸν μέγα ἐν τῇ αὐτῶν ψυχῇ. ⁽¹⁾ Quamobrem eos et exquirere oportet artifices ex solos in rem publicam admittere, τοὺς εὐφυῶς δυναμένους ἰχνεύειν τὴν τοῦ καλοῦ τε καὶ εὐσχήμονος φύσιν· ἥν' ὥσπερ ἐν ὑγιεινῷ τόπῳ οἰκοῦντες οἱ νέοι ὠφελοῦνται ἀπὸ παντός, ὁπόθεν ἂν αὐτοῖς ἀπὸ τῶν καλῶν ἔργων ἢ πρὸς ὄψιν ἢ πρὸς ἀκοήν τι προσβάλλῃ, ὥσπερ αὔρα φέρουσα ἀπὸ χρηστῶν τόπων ὑγίειαν, καὶ εὐθύς ἐκ παίδων λανθάνῃ εἰς ὁμοιότητά τε καὶ φιλίαν καὶ ξυμφωνίαν τῷ καλῷ λόγῳ ἄγουσα. ⁽²⁾

Sic artes valent, imprimis musica, ad pulcri excitandum in animis amorem: qui ipse est musicae finis ultimus. Δεῖ δέ που τελευτᾶν τὰ μουσικὰ εἰς τὰ τοῦ καλοῦ ἐρωτικά. ⁽³⁾ Sed ut operibus suis hunc excitent alantque amorem, quid tandem est illud, quod sequi, quod imitari debeant? Esse illud pulcrum perfectum, ipsum omnino pulcri exemplar, ex hoc earum fine et omnibus, quae
jam

(1) Rep. III. 401 C.

(2) Eod. 401 C. D.

(3) Rep. III. 403 C.

jam diximus, sponte intelligitur. Verumtamen, ne nostram aestheticam cum Platonica de pulcro et artibus doctrina confundamus, diligentius hoc exponendum videtur.

De artibus et summo illo, quod imitari artifices decet, praeclarus est Ciceronis locus illo in libro, quo perfectum adumbravit Oratoris exemplum. „Atque ego in summo Oratore fingendo talem informabo, qualis fortasse nemo fuit. Non enim quaero, quis fuerit, sed quid sit illud, quo nihil esse possit praestantius: quod in perpetuitate dicendi non saepe, atque haud scio an umquam, in aliqua autem parte elucet aliquando, idem apud alios densius, apud alios fortasse rarius. Sed ego sic statuo, nihil esse in ullo genere tam pulcrum, quo non pulcrius id sit, unde illud, ut ex ore aliquo, quasi imago exprimatur, quod neque oculis neque auribus neque ullo sensu percipi potest: cogitatione tantum et mente complectimur. Itaque Phidiae simulacris, quibus nihil in eo genere perfectius videmus, — cogitare tamen possumus pulciora. Nec vero ille artifex, cum faceret Jovis formam aut Minervae, contemplabatur aliquem, e quo similitudinem duceret; sed ipsius in mente insidebat species pulcritudinis eximia quaedam, quam intuens, in eaque defixus, ad illius similitudinem artem et manum dirigebat. Ut igitur in formis et figuris est aliquid perfectum et excellens, cujus ad cogitatam speciem imitando referuntur ea, quae sub oculos ipsa cadunt: sic perfectae eloquentiae

L

spe-

speciem animo videmus, effigiem auribus quaerimus.” (1) Similiter Plato, cujus sententiam his verbis expressit Cicero. (2) Imitari is item censet optimos quosque artifices, non quod sensibus apparet pulcrum, sed quod neque oculis, neque auribus, neque ullo sensu percipi potest: cogitatione tantum et mente complectimur. Et hoc esse videtur aestheticae, quam nos vocamus, sublimis quoddam principium. Haud enim sufficit, imitando expressisse, quae in rerum natura adsunt; id vero artis proprium est, ut superet naturam: in quo ejus perfectio et vis divina cernitur. Sed altius etiam spectabat. Plato imitari jubebat artifices non solum, quod pulcrum esset vehementerque placeret, sed quod bonum esset simul, recteque expressum virtutis excitaret amorem. In omni de pulcro disputatione cum venustate et gratia utilitatem jungit: utilitati adeo tribuit plurimum. Tria sunt, ait, in nullis non rebus distinguenda, *χάρις*, *ὀρθότης*, *ἀφέλεια*, quorum praecipuum est et rei cujusque finis, *ἀφέλεια*, quam *ὀρθότητι* assequimur: accedit autem utrique *χάρις*. Quodsi quaerimus, quae sit in artibus *ὀρθότης*: sunt illae *εἰκαστικαὶ* sive *μιμητικαὶ*, quae musicae etiam ratio est; (nam πάντα τὰ περὶ αὐτὴν ἐστὶ ποιήματα μιμησίς τε καὶ ἀπεικασία:) quocirca, ut *ὀρθότητα* habeant, habere debent τὴν ὁμοιότητα τῷ τοῦ καλοῦ μιμήματι. Scilicet res vere pul-

cras

(1) Grat. c. 2 et 3. (2) Cf. v. c. Rep. VI. 501. R. et 484. C.

craftae μιμήματα sunt sive ἀφομοιώματα αὐτοῦ τοῦ καλοῦ: his similia esse oportet artium opera. Nisi sint similia, praesertim in musica, gravissimum quis inde detrimentum capiat, falsa quippe imagine captus atque ita ἦθη κακὰ φιλοφρονούμενος: Quod tenendum maxime est in judicandis artificum, quae nobis proponunt, simulacris. Explorandum est, *quid* quis imitatus sit, deinde, num ὁρθῶς, *recta ratione*, id factitaverit, i. e., num res vere pulcras imitari studuerit: tandem, num *bene* id egerit, i. e., num quod studuit perficere, id apte perfecerit. ⁽¹⁾ Ita enim accipienda videtur Platonis sententia: ἄρ' οὖν οὐ περὶ ἐκάστην εἰκόνα καὶ ἐν γραφαῖς καὶ ἐν μουσικῇ καὶ πάντα τὸν μέλλοντα ἐμφρονεῖν κατὰ τὴν ἐκείνου δεῖ ταῦτα τρία ἔχειν, ὃ τί ἐστὶ πρῶτον γινώσκειν, ἔπειτα ὡς ὁρθῶς, ἔπειθ' ὡς εὖ, τὸ τρίτον, εἰργασθαι τῶν εἰκόνων ἡτισσοῦν ῥήμασι τε καὶ μέλεσι καὶ τοῖς ῥυθμοῖς;

Et sic quidem escendimus eo, quo jam dudum tetendimus, ut pulcrum declaremus, quod solum celebravit Plato. Est illud tale, ut ejus praesentia internā perfectione, non externa specie cernatur: pulcrum est, quod nos dicimus *morale*, quodque antiqui appellare τὸ καλοκαγαθὸν solebant.

Nil pulcrum est, contendebant Socratici, nisi quod idem sit *bonum* ⁽²⁾: id autem unum amabile est, imo vero incredibiles sui amores excitat. Itaque

(1) Leg. II. 667. B. — 669. B. (2) Xenoph. Mem. III. 8. 5.

que in forma celebranda pulcerrimorum juvenum, internam pulcritudinem, i. e. virtutem animique bonitatem celebrabant maxime. Exstat in Symposio, praeter caetera quae percurrimus in amorem encomia, elegantissima Agathonis oratio, qua omnes sic celebrat amoris dotes, ut adolescentiae nobis cernere videamus gratiam omnem et amabilitatem, exemplar adeo intueamur formosi adolescentis: quam aetatem mirifice amabant Graeci:

— νεηνίη ἀνδρὶ εἰσικῶς

πρῶτον ὑπηνύτη, τοῦ περ χαριεσάτη ἦβη: ⁽¹⁾

Sed idem ita pergit in laudando amore, ut ejus deinceps virtutes dilaudet, justitiam, fortitudinem, sapientiam, temperantiam, belle, festive, subinde ironice; sed ita tamen, ut esse efficiat amorem Deorum omnium καλλίσον ἄμα καὶ ἄριστον. Sed ille quidem haec leviter, ut poëta, et multo cum joco. Serio vero contendit Socrates, id solum esse amabile, quod optimum sit et cum virtute conjunctum: nec formam compensare, quod animo deest; contra vero pulcrum animum suū ipsum virtute corpus efficere quam pulcerrimum. ἔμοι μὲν γὰρ οὐ φαίνεται, ὃ ἂν χρηστὸν ἦ σῶμα, τοῦτο τῇ αὐτοῦ ἀρετῇ ψυχὴν ἀγαθὴν ποιεῖν, ἀλλὰ τοῦναντίον, ψυχὴ ἀγαθὴ τῇ αὐτῆς ἀρετῇ σῶμα παρέχειν ὥς οἶόν τε βέλτιστον. ⁽²⁾ Quodsi cui eveniret, ut cum animo pulcro pulcram spectaret conjunctam corporis speciem, hoc esse dicebat spectaculum omnium

(1) Hom. Odyss. K. 279: quod ipse usurpat Plato Protag. 309. B. (2) Rep. III. 403. D.

nium pulcerrimum. Ὅτου ἂν συμπύπτῃ ἐν τε τῇ
 ψυχῇ καλὰ ἦθῃ ἐνόντα, καὶ ἐν τῷ εἶδει ὁμολογοῦντα
 ἐκεῖνοις καὶ συμφωνοῦντα, τοῦ αὐτοῦ μετέχοντα τύ-
 που, τοῦτ' ὅν εἴη κάλλιστον θεῶμα τῷ δυναμένῳ θεᾶσ-
 θαι. ⁽¹⁾ Itaque Socrates cum Phaedro discedens
 tandem ab illo Nympharum receptaculo, sic Deos
 precatur: ὦ φίλε Πάν τε καὶ ἄλλοι ὅσοι τῆδε θεοὶ,
 δοίητέ μοι καλῶ γενέσθαι τάνδοθεν· τᾷδε δὲ ὅσα
 ἔχω, τοῖς ἐντὸς εἶναι μοι φίλια. ⁽²⁾ Et hinc quidem
 judicare licet de aestheticae Platonicae, quae vulgo
 quaeruntur, principiis.

Aestheticam, quae proprie appellatur, nec con-
 didit Plato, nec vero potuit condere. Nam pulcrum
 intelligebat, quod in rebus moralibus summum est
 et perfectum, non illud inde distinguebat, quod
 artibus est proprium. Sin vero aestheticae appel-
 le nus nomine disciplinam pulcri, quae ad pul-
 crum illud morale adducat, nemo facile philoso-
 phorum sublimiorem condidit aestheticam. Nam
 eo respiciens, artes contemnebat, quae sensibus
 gratificarentur magis, quam animum emendarent:
 quae ratio erat poëtarum omnium et oratorum, ip-
 sius adeo Homeri fuerat, principis poëtarum; illas
 vero laudabat unice, quae divinum sequerentur pulcri
 moralis exemplum. Hanc autem pulcri doctrinam
 sic exposuit, ut ejus principia duceret ex ipsa ho-
 minis indole, conferret autem eam universam ad
 puerorum institutionem, ad veram provehendam

SO-

(1) *Rep.* III 402. C. (2) *Praedr.* 279. B.

societatis humanae salutem, ad virtutem in civitate excitandam et stabiliendam. Quo sane proposito nullum esse majus, nullum sublimius potest.

Scilicet omnis apud Platonem philosophia pulcri sic est cum morum doctrina copulata, ut, hac sublata, vix possit consistere, certe vi sua et dignitate maximam partem destituatur. Est quasi introitus aliquis ad vitae tradendam rationem optimam, ad ipsam explicandam politicam disciplinam, Nam disquisitionibus instituendis de pulcro, de amore, de musica et artibus, id agit maxime, ut viam nobis aperiat, quae ad virtutem tendit et veram civitatum felicitatem. Quod unum observasse sufficiat, si explicare velimus, quare Homerum e perfecta civitate excluserit Plato, tantamque tribuerit musicae vim, ut eâ perverse tractatâ, mutari et pessumdari civitates statueret. ⁽¹⁾ Nam musicam omnem et poësin, excolendo non solum ingenio, sed morali praesertim adhibuit civium perfectioni: qua sola niti civitates oportet. Quocirca perversam utriusque rationem non minus nocere rei publicae statuebat, quam justam prodesse.

Sed quamvis non id studuerit Plato, quod egerunt deinde Aristoteles et Peripatetici, quique ex his profecerunt, Cicero et Quintilianus, ut, quod in artibus cernitur pulcrum, singulatim exploraret, justeque hoc modo de poësi et eloquentia,

(1) Rep. IV. 424. C. V. Dea Tex p. 34 et 132.

tia ac variis utriusque et generibus et auctoribus pronuntiaret, tamen fontem aperuerunt ejus scripta, e quo ad haec studia excolenda haurirent posterius. Ne placita ejus iterum de artium natura, de imitatione ejusque ratione et consilio, primus ille fuit, qui exprimendam arte proponeret ideam pulcri, sive perfectum illud et excellens, ut ait Cicero, ⁽¹⁾ cujus ad cogitatam speciem imitando referuntur illa, quae sub oculos cadunt. Quod placitum, ut a recentioribus diligentius atque ex ipsa mentis naturâ expositum est, ita antiquitus jam sic cepit Ciceronem, ut ad hanc normam perfectum describeret et veluti depingeret Oratorem. Non hujus est loci, methodum exponere, quam sequi jussit quotquot dicendi scribendique arti studerent, petitam illam ex interiore philosophia, magisque ad veri, quam pulcri indagacionem pertinentem. Aptè id tum intelligitur, quando ad doctrinas et principem earum, dialecticam, pervenerimus. Hic vero operae pretium est, animadvertere, ipsa Platonis scripta documenta esse et quasi exempla disciplinae, quam poëtis et oratoribus tradidit. Quod rite observasse, ad scripta illa intelligenda haud levis esse momenti videtur.

Pulcrum spirant dialogi Platonis omnes; sed iisdem quasi expressa est virtutis atque honestatis imago. In eroticis occurrunt juvenes insigni et forma et amabilitate, Phaedrus, Agatho, Charmides,

ex

(1) Orat. I. I.

ex his autem quo magis interrogando elicit Socrates, quae iis insunt naturā, eo fere intus apparent pulciores: quod rubor subinde prodit, pudoris generosique animi indicium. Sermones sunt de pulcro, de amore, sed maxime de temperantia, iustitia, fortitudine, sapientia, ipsi amatorii sermones ad temperantiam ducunt et nullas non virtutes. Quodsi occurrunt subinde, quae lascivius videantur dicta nobisque displiceant: temporum id rationi et poëtarum exemplis, non scriptoris proposito tribuendum est. Exstant illa in Phaedro maxime, subinde etiam in Symposio: uterque vero dialogus eo maxime consilio scriptus est, ut amor vulgari Uranius opponeretur amor, qui proxime est cum virtute et pulcro morali conjunctus et cognatus. Omnino, quod laudat Plato maximeque commendat, spectandum id nobis proponit in dialogorum personis. Amorem hunc Uranium non descriptum videmus tantum in ejus libris, quod faciunt Phaedrus, Pausanias et mira elegantia, ut modo diximus, Agatho; sed exprimunt eum mores et sermones Socratis, sed referunt eum plane, qui cum Socrate colloquuntur, adolescentes. Cernere nobis adolescentes videmur, in quibus animus pulcher cum pulcro corpore mirabiliter consentit: quod pulcerrimum esse spectaculum dixit, si cui id liceat spectare. Quid pulcrum sit in artibus, quid habeant artis opera praestantissima, quo efficiatur, ut nobis pulcra videantur, haud exquisivit, datā operā Plato: nam *λάβην* vocabat *μυμη*
τι-

τικῶν omnem, quae sensibus gratificaretur. ⁽¹⁾ Sed dialogis ipse suis pulcrum expressit, quod idem esset bonum, exempla poëtis et oratoribus exhibens, quae ad generis humani salutem imitarentur. Quo magis adeo pateret, contemnere se pulcrum, quod non idem esset bonum, animum autem bonum corpus efficere pulcerrimum, Theaetetum induxit, in cognomine dialogo, turpi specie, certe non formosâ, sed eo ingenio, eo animi candore, eâ omnino amabilitate, ut nullus in ejus scriptis adolescens nobis se commendet magis. Qui post Platonem exstiterunt philosophi, praecepta plerique tradiderunt vel artis vel doctrinae tractandae, quod minime sane neglexit Plato; sed hic, scribendo in primis, opera in lucem edidit, e quibus ipsi praecepta peteremus. Quod ut in eroticis ejus scriptis jam satis nobis patuit, ita patebit deinde in illis, quae studium veri et veri assequendi artem spectant. Totus Theaetetus, et magis etiam Sophista et Politicus, exemplum est dialecticae exercendae artis, quam in Phaedro ante adumbraverat et postea in Politia diligentissime descripsit: Theaetetus vero disciplinam Socraticam *μικροτικῶν*, quasi in effigie nobis proponit. Sic Plato quae vel ingenio excogitaverat, vel animo sentiebat, non sententiis quibusdam aut ratiocinando et argumentando, sed, instar poëtarum, *formâ* praecipue scriptorum exposuit et expressit. Fuis-

se

(1) Rep. X. 595. B.

se hoc proprium videtur ipsius ingenio, ut nihil rite explicitum propositumque arbitraretur, antequam id oculis subjecisset legentium, quin etiam, ut in dramate, vitam ei motumque dedisset. Finxerat in Politia optimos civitatis custodes, optimos principes, qui optima ratione rem publicam defenderent atque administrarent. Quibus omnibus apte descriptis et tamquam in tabula adumbratis ac depictis, tantum aberat, ut hoc ipsi satisfaceret, ut Socratem in Timaeo dicentem inducat. „Audite jam de civitate, quam obsolvimus, quomodo erga eam affectus sim. Simile quid mihi accidit, ac si quis animalia alicubi pulcra contemplatus, sive pingendo elaborata, sive viva, sed immota, cupiat illa et in motu spectare et certamen ipsis conveniens mutuo incuntia. Pariter nunc ego cives illos gestio in actione contemplari, narrantem quem audiens certamina, quae tali digna et educatione et disciplina, tam dicendo, quam agendo, cum aliis civitatibus committant.” ⁽¹⁾ Omnino, quae arte effinxerat Plato uniceque admirabatur, Pygmalionis instar, motum his et vitam indere studebat: nec solum hoc proposito Critiam instituit scribere, sed, in caeteris pariter dialogis, formosissimos quosque et optimos adolescentes sic nobis scribendo repraesentavit, ut eos etiam nunc viventes agentesque adspicere et cum Socrate colloquentes audire videamur. Itaque quod ab initio institui-

(1) Tim. 19. B.

tuimus, id porro faciemus, ut legamus cum lectoribus nostris Platonem. Nam haud magis de eo ex compendiis, quae feruntur, judicari potest, quam de Homero ex rhapsodiarum argumentis. Patefiet inde magis magisque, artem composuisse Platonem ad philosophiae, ad sublimis, quam diximus, aestheticae leges. In legibus illis haec omnium est maxima et summa, ut ne quis falsa imitetur, quae specie se commendant veri, sed vera imitatus, optima quaeque in lucem producat. Quam ipse secutus legem, scribendo quaesivit potissimum, quid vere esset pulcrum, vere esset bonum, vere esset justum: perfectam scribendo rempublicam condidit, quae ipsius justi referret exemplum: mundum adeo in Timaeo ad perfecta aeternaque pulcri et boni exempla a Deo informatum descripsit, Et mihi quidem, scripta Platonis legenti, sic visum est fere, Platonem novum quoddam inducere poëseos genus studuisse: quin etiam, hoc ipso tractando, cum celeberrimis poëtis, de artis palmâ concertasse quodammodo.

Poëtica est plane dialogorum Platoniorum forma. Nam, quamvis e Socratis exstiterunt sermonibus, quos ille vario tempore, cum variis hominibus, de omni argumentorum genere habuerat, Plato eos ad artis rationem informavit, Sophronem imitatus et tragoediae comoediaeque poëtas, in primis Euripidem. Quo factum, ut haud simpliciter essent colloquia, qualia in Xenophontis occurrunt Memorabilibus, sed *dramata* essent, tragicarum
in.

instar fabularum, quæ vitæ temporumque continerent effigiem, ac mores hominum et ingenia, virtutes ac vitia, juvenum etiam indolem et studia imitando exprimerent. Et sanè, quæ apud Euripidem est Ionis, Hippolyti, Achillis, eadem est in Platonis dramatibus Phædri, Alcibiadis, Glauconis, Adimanti nativa gratia et venustas. Sed Plato poësin agitabat animo majorem quamdam et sublimiorem. Quæ nos, ait, suscipimus, nemo umquam poetarum, sive qui olim fuerunt, sive qui nunc sunt, perfecit. Quod non dico, τὸ ποιητικὸν ἀτιμάζων γένος, ἀλλὰ πάντι δῆλον, ὡς τὸ μιμητικὸν ἔθνος, οἷς ἂν ἐντραφῇ, ταῦτα μιμήσεται ῥᾶτα καὶ ἄριστα· τὸ δ' ἐκτὸς τῆς τροφῆς ἐκάστης γιγνόμενον, χαλεπὸν μὲν ἔργοις, ἔτι δὲ χαλεπώτερον λόγοις εὖ μιμεῖσθαι· *quasi poeticum genus rejiciens; sed cuius est evidens, imitatorum gentem ea facillime optimeque imitari, in quibus educati sunt: aliena vero atque ab educatione remota, qua sunt usi, difficile esse operibus, difficilius etiam verbis recte imitari.* (1) Scilicet philosophiam spectabat unice, quæ ad perfecta rerum παραδείγματα hominum vitam moresque et ipsas civitates informaret emendaretque. Eryximachus in Symposio veram musicam cum salutare arte comparat. In nostrâ hac arte, ait, id maxime agendum est, ut pravos in corpore appetitus tollamus, bonos autem eliciamus et provehamus. Sic musicæ officium est, amorem in animo

ex.

(1) Tim. 19. D.

excitare optimum optimarum rerum, eique gratificari et quasi alimentum praebere: καὶ οὗτος ἐστὶν ὁ καλὰς, ὁ οὐράνιος*, ὁ τῆς Οὐρανίας Μούσης ἔρως* ὁ δὲ Ηολυμνίας, ὁ πάνδημος* et hic quidem est pulcer, coelestis, Uraniae Musae amor; alter vero Polymniae, vulgaris. ⁽¹⁾ Tale erat propositum Platonis in dialogis scribendis, tale novum illud sive musicae sive poëseos genus, cui unice studebat. Imitabantur Tragici vitam hominum, nec quidquam habebant pensi, bonos exprimerent imitando mores, an malos ac corruptos; modo populo placerent, quas fecissent, fabulae. Ἡμεῖς δὲ, ait Atheniensis ille in libris de Legibus, poëtas hosce alloquens, τοὺς μαλακῶν Μουσῶν ἔκγονους, eorumque in civitatem suam adventum deprecans: ἡμεῖς δὲ, ὧ ἄριστοι τῶν ξένων, τραγωδίας ἐσμεν αὐτοὶ ποιηταὶ κατὰ δύναμιν ὅτι καλλίστης ἄμα καὶ ἀρίστης* πᾶσα οὖν ἡμῶν ἢ πολιτεία ξυνέστηκε μίμησις τοῦ καλλίστου καὶ ἀρίστου βίου. ὁ δὲ Φαμέν ἡμεῖσος ἐντως εἶναι τραγωδίαν τὴν ἀληθεστάτην. Nos vero, hospitum optimi, tragoediae sapientius quam pulcerrimae optimaeque poëtae. Tota scilicet nostra respublica pulcerrimae optimaeque vitae imitatio est; quod nos dicimus reapse esse verissimam tragoediam. ⁽²⁾ Et hinc intelligimus, quo sen-

(1) Symp. 187. D,

(2) Legg. VII. 817. B. Valent haec ad quaestionem dijudicandam, quo animo fuerit Plato in Sophoclem et Euripidem. Euripidi quàm plurima debuit, ut subinde observavimus, in primis quae amorem spectant. Multa etiam e Sophocle duxit, ut acute animadvertit Groen. Prosop. Plat. p. 160. Sed Urania illa effecit Musa, quo minus praeclare de eorum fabulis existimaret.

sensu acceperit Plato Pythagoreorum de philosophia effatum, esse illam *musicam summam*. Opposuit eam artibus vulgaribus, ut e Socratis patet in carcere sermone. Enarrat illic amicis, somnio se admonitum fuisse, ut musicae operam navaret: existimasse autem, divinitus se incitari, ut quod adhuc egisset, id porro ageret: philosophiam enim summam esse musicam, huic autem se semper studuisse; deinceps vero iterum iterumque admonitum, tandem suspicatum esse, τὴν δημώδη μουσικὴν, *vulgarem musicam* a Deo significari, eamque tractare instituisse. ⁽¹⁾ Vulgarem Plato vocabat musicam, quae Polymniae esset sacra et amor gratificaretur vulgari, veram autem et summam, quae coelestem in animis amorem aleret et Musam sequeretur Uraniam, i. e. philosophiam ipsam. Haec spirat Musa in dramate Platonis, quod optimae vitae imitatio est, quodque verissimam appellavit tragoediam: spirat in Timaei oratione, quando is, hac ipsa invocata, rerum exponit principia et mundi Opificem celebrat: tum vero et spirat omnipotens maxime et dominatur in sublimi hymno, quo amorem celebravit in Phaedro Socrates. Haec est quam Plato coluit poësis, hanc nobis reliquit scriptis expressam suis.

(1) Phaedon. 60. E. et 61. A.

De pulcri scientia.

Viac, quam inivimus ad Platonis explicanda de pulcro placita, partem jam maximam confecimus. Tenuit nos *amor* continuo, qui ad pulcri adspexitum accenditur, semelque accensus acerrimum in animo excitat pulcri desiderium. Quod postquam, *dace Platone*, poetica oratione celebravimus, ad diligentiorum inde progressi sumus de *musica caeterisque artibus* disquisitionem, quarum ad erudiendos honestique studio imbuendos cives permagna in civitate vis est. Et huc quidem patere omnibus arbitramur non tantum sublimitatem doctrinae Platonicae, sed amplitudinem item et ubertatem, quippe quae et primam contineat hominis institutionem et moralis politicaeque disciplinae principia. Verum in pulcri disquisitione illuc maxime philosopho contendendum est, ut ad *scientiam* perveniat pulcri. Nam philosophia, quae studium est cognoscendi, qualiacunque tandem exploret et investiget, verum in omnibus assequi ac rerum tenere scientiam studet. Quo ut perveniamus aliquando, interior nunc nobis tandem instituenda est cum amoris, tum naturae humanae pervestigatio. Age, redeamus denuo in Agathonis convivium. Adest illic, qui nondum dixit, et unus omnium optime et dicere de amore et vim ejus declarare potest,

Se.

Socrates, ὁ ἐρωτικώτατος. Quae nobis quaerenda restant, ille nos docebit, et explicabit simul, quod nondum plane patet, mirum illud μᾶθημα, quo uno solebat gloriari, τῶν ἐρωτικῶν: omnino amoris nobis disciplinam tradet, quae ad pulcri ducit scientiam. Sed in convivium redeamus.

Dixit post Aristophanem Agatho, cujus oratio sic placuit omnibus, sic omnes in dicentis admirationem rapuit, ut plausu eum et summis laudibus exciperent et prosequerentur. ⁽¹⁾ Nec mirum. Nam excellentis est ingenii Agatho, et ingenio congruit forma decora, et in ipso est juventutis flore, et vero pulcerrime dixit, ut poeta et victor aemulorum in tragico certamine, quam victoriam hoc ipso convivio cum amicis et familiaribus celebrat. Ut autem omnes admirantur in poetico encomio cum alia, tum verborum elegantiam, orationis suavissimae flumen, tum maxime effigiem amoris, quam abumbravit pulcerrimus juvenis omnium pulcerrimam, ita mox Socrates, Eryximachum adspiciens, videorne tibi, inquit, Acumeni fili, temere jam dudum metuisse, nec vatis instar vere praedixisse, Agathonem mirabiliter dicturum esse, me quod dicerem, non habiturum? Ille vero, alterum quidem, o Socrates, inquit, vere vaticinatus es, bene dicturum Agathonem, alterum vero, tibi defuturam esse orationem, non item. Quidni vero, reponit Socrates, et ego haeream

(1) Symp. 198. A.

ream et quicumque post orationem dicturus est, tam pulcram et variaui, tam illustribus ornatam verbis, tam splendidam! Gorgiae mihi in mentem veniebat verebarque plane, ne Gorgus ille mihi caput obiciens, mutum me efficeret et in lapidem converteret. Tum vero agnovi, quam egissem ridicule, quum ego item reciperem vobis, ut vice mea amorem laudarem, qui ignarus essem plane, qua quid ratione laudandum esset. Nam equidem arbitrabar, prae stoliditate scilicet mea, vera proferri oportere, quae quis, dilectu habito, in rem quae laudaretur conferret. Nunc vero cognovi, maxima omnia rei laudandae et pulcerrima tribuenda esse, sive ei propria sint, sive non sint: nam quaeri unice, ut laudavisse videamur, non ut laudemus. Quibus ironice, ut solebat, dictis, hanc Socrates a Phaetro veniam petit, ut sua sibi consuetudine de amore liceat dicere. Quam facile adeptus, ejusmodi instituit cum Agathone disceptationem, ut interrogando efficiat, nec pulcrum esse amorem, nec bonum, destitutum omnino dotibus illis omnibus, quibus a Phaetro aliisque, in primis ab ipso Agathone, fuerat celebratus. Nam fateri hic cogitur, quod quis appetit, hoc eum non habere, amorem autem appetere quae pulera sunt et bona: quamobrem nec habere illa, nec pulcrum esse ipsum, nec bonum. Qua disputatione ad angustias adductus Agatho, repugnare tibi, inquit, non possum, sed, ut dixisti, ita se res habeat. Tum ille, atqui veritati, o dilectissime Agatho, nullo

M

paes

pacto potes repugnare, Socrati vero facillime. Sed te equidem jam mittam. Narrabo autem Vobis sermonem, quem habuit mecum aliquando Diotime, docta mulier, quae amoris me disciplinam docuit. Nam, ut modo Agatho, sic ego de Amore dixeram, magnum esse Deum et formosum: pariterque illa effecerat, nec formosum illum esse nec bonum. Hic ego, ain' tandem, o Diotime? Teterne est amor et malus? Illa vero, bona verba, quae so: tunc vero putas, quod non pulcrum est, necessario id tetrum esse? Aut quod non est sapiens, stultum? Nonne animadvertisti, medium quid esse inter sapientiam et stultitiam, *verum opinari*? Verum enim, inquam, ab omnibus dicitur, uno et communi consensu, magnus Deus esse. Ab omnibus, dicis: ignorantibus, an scientibus? Ab omnibus, inquam, omnino. Tum illa subridens, et quo tandem pacto, inquit, o Socrates, magnus Deus ab his dicatur, qui Deum illum esse negant? Quinam illi tandem, inquam? Unus, inquit, horum tu es, una ego. Equidem vero dicebam: quo tandem modo hoc affirmas? Manifesto, inquit: nam tumetipse admisisti, appetere amorem pulcra et bona, quandoquidem iis est destitutus. His autem destitutus, qui tandem possit Deus esse? Videsne igitur, te item negare, Deum esse amorem? Quid igitur? inquam: estne mortalis amor? Minime. Sed quid tandem? — Ut superiora illa, medium quid inter mortalia et immortalia. Quid igitur, Diotime? Daemon, o Socrates, magnus: et

ve-

vero omnis daemonum natura inter divina et mortalia est intermedia. Ecquam vero, inquam, vim habens? Ἑρμηνεύον καὶ διαπορριμνύον θεοῖς τὰ παρ' ἀνθρώπων, καὶ ἀνθρώποις τὰ παρὰ θεῶν, τῶν μὲν τὰς δεήσεις καὶ θυσίας, τῶν δὲ τὰς ἐπιτάξεις τε καὶ ἀμοιβὰς τῶν θυσιῶν· ἐν μέσῳ δὲ ἐν ἀμφοτέρων συμπληροῦν ὥστε τὸ πᾶν αὐτῷ ξυνδεσθῆαι. *Interpretis et portitoris munere fungitur, ut hominum res ad Deos, Deorum ad homines transmittat: illorum quidem preces et sacrificia, horum vero praecepta et sacrificiorum remunerationes: in mediis autem utrisque versatus, universum complet, ut ipsum secum ipso connectatur.*

Semel ingressi praeclarum hoc colloquium, aegre subsistimus legendo. Nam sic enarratur a Socrate, ut ipsi cum Diotima sermocinanti veluti interesse nobis videamur. Verumtamen, ut haec et proxima rite intelligamus, nonnihil hoc loco animadvertendum videtur. Et primum quidem hinc patet *natura* amoris, quam expressam jam vidimus in Aristophanis fabulâ, quamque ipsa deinde Diotime, fabulâ enarrandâ de Penia et Poro, evidentius etiam declarat. Ex *indigentia* oritur, non illâ quam Cicerō et Stoici reprehendunt, honorum et pecuniarum, quae tota abesse ab amore et amicitia debet, sed ex indigentia naturae nostrae. Hinc comparare nobis *studemus*, quae appetimus: hinc *studia* praeclara omnia, in primis pulcri et boni: hinc *artes*, quibus explere haec studia conamur: hinc ipse adeo *cultus Deorum*; nam ut nobismetipsis non sufficimus, ita ad Deos confugimus eosque

rogamus, ut praestent nobis, quae desideramus. Imaginibus haec magis, quam verbis et sententiis declarat Diotime, sed declarat tamen. Pauper est, inquit, amor, quippe matrem habens Πενίαν; sed *πορίζεται*, *suppeditat sibi*, omnia, quippe patrem etiam referens Πόρον. ⁽¹⁾ Tum vero daemonem fingit Amorem, qui hominum preces ad Deos, Deorum beneficia ad homines transferat: in quibus pariter et indigentia cernitur humana et facultas simul, quae hinc existit. Per hunc, ait, omnis procedit divinandi ars, omnis sacerdotum in sacrificiis, initiationibus, incantationibus solertia et diligentia. Deus cum homine non miscetur; sed per hunc daemonem commercium omne atque colloquium inter Deos hominesque procedit et vigilantibus nobis et dormientibus. ⁽²⁾

Ex his omnibus quid duci possit, ad res divinas et humanas explicandas, philosophis explicandum relinquimus. Nos vero animadvertamus, ex iisdem illis principiis et alia multa illustrari, quae per totam hanc disquisitionem ex Platone attulimus, tum dictum Agathonis elegantissimum de artium studiis. Poëta, dixit, amor est: imo vero sic est poëta, ut et alium efficiat. Πᾶς γοῦν ποιητὴς γίγνεται, καὶ ἄμυστος ἢ τεπρὶν, οὗ ἂν Ἔρως ᾤψηται* ut est in Euripideis.

μουσικὸν δ' ἄρα

Ἔρως διδάσκει καὶ ἄμυστος ἢν τὸ πρὶν ⁽³⁾

Quis

(1) Sympos. 205. D.

(2) Symp. 202. E.

(3) V. Valck. Diatr. p. 207.

Quis nescit, disertum evadere et clarum, qui amorem habet praeceptorem, qui vero ejus haud particeps est, in obscuro latere? Hoc duce Dii invenerunt artes, musicam Apollo et Musae, aeriariam Vulcanus, textoriam Minerva. Poëtica haec Agatho; sed dictis addidit, cupiditate hoc factum esse et amore pulcri, ἐπιθυμίας καὶ ἔρωτος ἡγεμονεύσαντος — ἔρωτος ἐγγενομένου κάλλους. ⁽¹⁾ Nam haec est in homine vis amoris, ut quae insitae sunt ei facultates, excitentur omnes et explicentur, proferat ipse et quasi pariat, quaecumque a teneris ingenio animoque conceperit, edatque ita in lucem inventa praeclarissima, et ipsi honorifica et humano generi saluberrima. Sed explicabit hoc nobis disertius ipsa Diotime.

Haec igitur, inquit, amoris est natura. Nec pulcher est nec bonus, ut poëtae canunt, sed appetit utrumque et assequitur: appetit simul felicitatem, quae his comparatur: imo haec sibi studet in perpetuum comparare. Sed haec universe de amore dicta sunt. Quaenam vero eorum est conditio, quid agunt, quo contendunt, qui proprie dicuntur amare? Hic Socrates, haud ego te, Diotime, inquit, propter sapientiam tuam admiratus essem, nec discendi causa ad te ventitassem, si hoc tenerem. — Sed ego tibi, inquit, dicam: ἔστι γὰρ τοῦτο τόκος ἐν καλῷ καὶ κατὰ τὸ σῶμα καὶ κατὰ τὴν ψυχὴν. Est hoc partus in pulcro et

se-

(1) Symp. 197. A.

secundum corpus et secundum animum.” — Vaticinatio, inquit, opus est ad id, quod dicis, intelligendum: equidem non intelligo. — Dicam igitur planius. Κύουσι γὰρ, ὦ Σώκρατες, πάντες ἄνθρωποι καὶ κατὰ τὸ σῶμα καὶ κατὰ τὴν ψυχὴν· καὶ ἐπειδὴ ἐν τινὶ ἡλικίᾳ γένωνται, τίχτειν ἐπιθυμεῖ ἡμῶν ἡ φύσις. *Omnes homines, mi Socrates, tam animo, quam corpore, concipiunt et praegnantes sunt; quum vero ad certam quandam aetatem pervenerint, parere gessit natura nostra.* Parere autem, nisi in pulcro, non licet. Nam quando id quod gravidum est turpi appropinquat, tristitia et dolore contrahitur, avertitur atque involvitur, nec generat, sed quod concepit aegre cohibet; sin vero pulcro adhaereat, laetitia gessit, hilaritate et voluptate diffunditur ac parit et generat. Est enim, o Socrates, amor non pulcri amor, ut tu putas, sed generationis et partus in pulcro, imo vero immortalitatis, quam per generationem consequimur.

Sed quamvis ita sententiam explicet Diotime, nobis tamen obscura manet, nisi hoc animadvertamus, τίχτειν apud Graecos, ut subinde etiam apud Latinos *parere*, de feminis non tantum, sed item de viris usurpari, totamque hanc disputationem ad viri naturam conditionemque referri. Qui corpore, inquit, conceperunt ac praegnantes sunt, ad foeminas se convertunt: quaerunt autem pulcras: nam parere in pulcro possunt, in turpi non possunt: et gignunt ita liberos, propagant stirpem suam,

suam, fiunt immortales. ⁽¹⁾ Id transfert deinde Diotime ad ingeniorum foecunditatem. Sunt, ait, qui ingenio magis etiam, quam corpore, sint praegnantes et illa conceperint, quae maxime oporteat mente concepisse, sapientiam et nullas non virtutes: in quorum genere censendi sunt et poëtae omnes et quotquot artifices inveniendi valent facultate: *genitores* sunt illi praec'arissimarum rerum: maxima est autem et praestantissima sapientia, qua negotia administrantur cum privata, tum publica. Harum virtutum si quis a puero plenus sit et gravidus, θεῖος ὢν καὶ ἡκούσης τῆς ἡλικίας τίχτειν τε καὶ γεννᾷ ἤδη ἐπιθυμεί· *divinus est, et, aetate matura, parere jam et generare gestit.* ⁽²⁾ Quaerit hic igitur, in omnes se partes convertens, pulcrum, ut possit gignere: nam in turpi non potest: pulcrā igitur formam magis, quam turpem prosequitur: quodsi in illa animum simul repererit pulcrum, generosum, sollertem, vehementer amplectitur utrumque; hoc coram homine facundus fit statim et sermonibus abundat de virtute et qualem esse oporteat virum bonum et quaenam explere officia, et sponte sic eum erudire studeat. ἀπτόμενος γὰρ, οἶμαι, τοῦ καλοῦ, καὶ ὁμιλῶν αὐτῷ, ἀπάλαι ἐκύει, τίχτει καὶ γεννᾷ, ἀπὼν καὶ παρὼν μεμνημένος, καὶ τὸ γεννηθὲν συνεκτρέφει κοινῇ μετ' ἐκείνου, ὥστε πολὺ μείζω κοινωνίαν τῆς τῶν παίδων πρὸς ἀλλήλους οἱ τοιοῦτοι ἴσχουσι καὶ φιλίαν βεβαιότε-

(1) Symp. 208. E.

(2) Symp. 209. B.

τέραν, ἅτε καλλιόνων καὶ ἀδυνατώτερων παίδων κοινωνηκότες. *Nam assecutus, opinor, pulcrum et vivens cum eo et colloquens, quaecunque concepit quondam, parit et gignit, illius tam absentis, quam praesentis memor: quodque ex hoc animorum congressu natum est, nutrit cum illo communiter et educat: unde communionem hi longe arctiorem firmioremque amicitiam contrahunt, quam qui liberos procrearunt, foetus quippe pulciores magisque immortales communes habentes.* ⁽¹⁾

His perceptis, neminem esse arbitror, quin penitus jam perspiciat παιδευσις Socraticae vim et sublimitatem. Sed initia pariter continet haec Diotimae doctrina placitorum gravissimorum, quae in philosophia occurrunt Platonis. Ne dicam de *dialectica* philosophi, quam ex his mutuis repetit amantium sermonibus, tota illa μαριευτική Socratica, quam scriptis suis certatim celebrabant Socratici, ex his est ducenda placitis de corporis animique ratione et *naturali ingeniorum fertilitate*. Nec vero ullus exstare videtur in scriptis Platonis locus, qui animorum nobis immortalitatem efficacius persuadeat. Sed de his omnibus infra.

Hic

(1) Symp. 209. B. Frequentissime haec loca usurparunt Platonici tam veteres, quam recentiores, quorum singuli fere ad sensus suos Platonem accommodarunt. Veterum loca apposuerunt Iutpp., in primis Astius et vero Reyndersius noster, nuper, cheu! nobis et erudito orbi acerbo fato ereptus. Nos eorum nihil h. l. attigimus, quippe nunc unice spectantes Platonem.

Hic vero memoremus, quae dictis adjecit Diotimae. Pariunt sic, inquit, ingenia nova omnia et praeclara: quales foetus unusquisque sibi exoptaret, magis, quam humanos. Prolem hujusmodi, ingenio partam, cum Homerus reliquit et Hesiodus, quae immortalem ipsis gloriam conciliavit, tum Spartae Lycurgus, quae Spartae servatrix fuit et universae fere Graeciae, tum Athenis Solon et alibi alii apud Graecos passim et barbaros, qui multis praeclarisque operibus in lucem editis, nullas non virtutes progenuerunt. Tempa iis et sacra propter tales natos dicata sunt plurima: propter humanos vero, nulla. ⁽¹⁾

Tam sublimis est et ferme divina haec Diotimae disputatio, ut quae tandem ipsa fuerit, operae pretium videatur exquirere. Sacram fuisse mulierem, et vatem, et vaticiniis praeclare meruisse de Atheniensibus, patet e Socratis de ea dictis. Sermone hunc esse ait Diotimae, ἡ ταῦτά τε σοφὴ ἦν καὶ ἄλλα πολλὰ, καὶ Ἀθηναίοις πότε θυσιαμένοις πρὸ τοῦ λοιμοῦ δέκα ἔτη ἀναβολὴν ἐποίησε τῆς νόσου. ⁽²⁾ Venit autem aliunde: nam ξενὴ dicitur et γυνὴ Μαντινικὴ, ex Mantinea oriunda. Quocirca Athenas videtur delata, antiqui illius instar Epimenidis, atque istiusmodi instituisse sacra expiatoria, quibus Deorum ira averruncaretur, et pestis, si non anteverteretur, certe differretur. ⁽³⁾ Sed quae tandem

(1) Symp. 209. E.

(2) Symp. 209. D.

(3) Epimenidem vocat Plutarch. Solone c. 12. Θεοφιλέη καὶ σοφὴν τὴν ἐνθουσιαστικὴν καὶ τελεστικὴν σοφίαν.

dem fuit haec ars expiatoria, et quales maxime homines eam tenere dicebantur? Magna illa fuit et divina, ut ipse nos Plato docet iisdem, quos jam attulimus, locis. Furoris ait, divinitus immissi, quatuor sunt genera, singula singulos Deos auctores habentia, μαντική Apollinem, τελεστική Bacchum, ποιητική Musas, ἐρωτική Venerem et Amorem. ⁽¹⁾ Τελεστική autem ἐπιπνοία, qualis sit, his verbis describitur. Ἄλλὰ μὲν νόσων γε καὶ πόνων τῶν μεγίστων γενομένων, ἡ μανία ἐγγενομένη καὶ προφητεύουσα ὥς ἴδει, ἀπαλλαγὴν εὔρετο. *Et vero ingravescentibus morbis et calamitatibus, furor non neminem occurrat, et, quo illis modo liberari oporteat, vaticinatus, remedium eorum invenit.* Confugiunt illi ad Deorum preces et cultum: unde expiationes initiationesque consecuti, integri purique fiunt ad praesens tempus et futurum, per rectum hunc furorem praesentium malorum sibi liberationem invenientes. ⁽²⁾ Quod iis plane quadrat, quae de Diotimae in Athenienses meritis celebravit Socrates,

Fuit haec igitur, teste Platone, una earum, quae ut Pythia, ut Dodonae sacerdotes, ut Sibyllae divino furore magna contulerunt in Graeciam beneficia. Unde intelligitur, quare tantum ei Socrates et Plato tribuerint, Socrates adeo se ejus discipulum professus sit. Sed ut τελεστική, ita mulieres illam exercentes, Baccho erant

sa-

(1) Phaedr. 265. B.

(2) Phaedr. 244. D.

sacrae, versabantur in mysteriis, quae reconditam continebant doctrinam, principia continebant, ut Cicero ait, vivendi rationis non solum cum laetitia, sed etiam cum spe meliore moriendi. ⁽¹⁾ Quibus animadversis, haud mirabimur, tam praeclare in hoc sermone Diotimam de animorum immortalitate disserere. Sed pergat divina mulier: tota ejus oratio mysteriorum nobis rationem referet. ⁽²⁾

In his quidem amatoriis sacris, mi Socrates, tu fortasse initiari possis: ad magna vero mysteria, τὰ τέλεια καὶ ἐποπτικά, quorum etiam causa haec sunt, pateatne tibi aditus, nescio: dicam igitur ego, nec quidquam ad te adjuvandum praetermittam: tu vero, si possis, me sequi nitere. Oportet eum, qui recte eo sit progressurus, statim a puero pulcra adire corpora: et primum quidem, si bene is ducat quem sequitur, unum amare et pulcros ibi sermones gignere: reputare autem deinde, pulcritudinem, quae cuilibet corpori inest, alterius pulcritudini corporis cognatam esse, et, siquidem persequi deccat, quod specie est pulcrum, unam

can-

(1) De legg. II. 14. Cf. Isocr. Paneg. p. 24.

(2) Equidem haec ita exposui, ut exstant apud Platonem. Quodai quis quaerat, num reapse ita cum Socrate collocuta sit Diotime, ipse sermo dubitare nos jubet, quippe magnam partem plane Platonice. Nec tamen totum existimamus fictum. Nam, si quid video, sensus amoris, sensus item religionis, ut hic sunt expressi, ab una proficisci sacra ejusmodi muliere potuerunt. V. Groen Prosop. Plat. p. 25. et Wolf praef. ad Symp.

eamdemque esse, quae omnibus inest corporibus, pulcritudinem: hoc vero reputantem, omnium esse pulcrorum corporum amatorem. Porro, quod animis inest pulcrum, hoc corporum praeferre formae, ut si quis animo sit ingenuo, etiamsi corporis flore et venustate minus commendetur, id ipsi sufficiat et amet illum et curet et sermones pariat tali indoli consentaneos et nullos non alios quaerant, quibus adolescentes possint meliores fieri: ut hinc explorare et contemplari cogatur quod in studiis, in officiis legibusque pulcrum est, et hoc videat, omnem illud, quamvis varium, simillimum esse et cognatum: quo adductus, corporis pulcritudinem parvi ducet. Officiis autem legibusque perceptis, procedere eum oportet ad doctrinas, ut quod his inest pulcrum assecutus, et amplam jam variamque pulcri speciem contemplatus, haud amplius unius, ut mancipium, pulcritudine contentus, pueruli, sive hominis, sive studii, serviens illi, vilis sit et abjectus, ⁽¹⁾ sed ad immensum conversus pulcri pelagus, intuens illud, multos pariat ac praeclaros sermones, sublimesque
in

(1) Graeca sunt perturbata: μηκέτι τὸ παρ' ἐνὶ, ὥσπερ οἰκέτης ἀγαπῶν παιδαρίου, κάλλος, ἢ ἀνθρώπου τινός, ἢ ἐπιτηδεύματος ἐνός, δουλεύων, φαῦλος ἢ καὶ σμικρολόγος. Haud displicet Astii conjectura: — οἰκέτης, ἀγαπῶν κάλλος, ἢ ἀνθ. Sed nolim expungi παιδαρίου, quod servo apprime convenit. Relinquam hoc igitur, sed transpositum: μηκέτι τὸ παρ' ἐνὶ, ὥσπερ οἰκέτης, ἀγαπῶν κάλλος, παιδαρίου ἢ ἀνθ. Sensum vertendo expressi.

in uberrima philosophia sententias, donec illic confirmatus ac corroboratus, tandem aliquando unam deprehendat doctrinam, quae ipsius sit pulcri scientia. ⁽¹⁾

Talis est celebratissima illa Socratis ἐρωτική, amoris disciplina, cujus elegantiam et sublimitatem agnoscunt omnes, nos in primis admirari solemus simplicitatem: animadvertere autem huc licet philosophiae et ποῦσεος discrimen. Non laudatur amor, sed, qualis sit, quo tendat, quid efficiat, exquiritur: non alae memorantur animi, quae ad pulcri adspectum germinent, hominemque evehant in beatam Deorum sedem et campum veritatis; sed natura attenditur humana, et investigantur, quae ei insunt, studia et facultates sublimes. Enthusiasmus non describitur amoris, sed pari efficaciam vis declaratur pulcri ad insitas quasque virtutes eliciendas et explicandas. Quo nos 'evexit sublimis ille in Phaedro hymnus, qui poëticis his splendet imaginibus, eodem nos adducit simplex Diotimae sermo; sed efficit hic simul, ut quae illic poëticae sunt dicta, magisque ad movendum quam ad persuadendum valent, horum jam assequamur significationem, proprietatem atque, ut ita dicam, veritatem. Imo vero nos longius etiam educit Diotime. Jam enim pervenimus eo, quod in philosophia pulcri summum est et extremum, ad ipsam pulcri scientiam. Jam vero, ait, omnem intende mentis aciem.

Qui-

(1) Symp. 209. E. 210. D.

Quicumque enim hucusque ad amatoria ductus est sacra, recte et ordine contemplatus pulcra, ad finem jam accedens amatoriae disciplinae, extemplo admirabile quoddam conspiciet pulcrum: idem illud, o Socrates, cujus gratia omnes antea labores suscepti sunt, primum quidem, quod semper est nec fit unquam aut perit, nec augetur aut minuitur: porro, quod non partim est pulcrum, partim turpe, neque alio tempore est pulcrum, alio non item, neque alius rei ratione est pulcrum, alius turpe: neque ipsum illud pulcrum animo fingetur, ut vultus aliquis aut manus aut aliud hujusmodi, cujus corpus est particeps: neque ut sermo quidam aut doctrina: neque ut in re positum, ab ipso diversa, in animali, in terra, in coelo, alibi; ἀλλ' αὐτὸ καὶ αὐτὸ μετ' αὐτοῦ μονοειδὲς αἰεὶ ὅν· sed pulcrum est ipsum per se, secum ipso semper uniforme; caetera vero omnia, quae pulcra sunt, sic illius sunt participia, ut cum oriantur haec et pereant, illi nihil nec accedat, nec detrahatur, nec aliunde eveniat. — Haec via est, qua quis ad amatoria vel ipse perveniat vel ab alio ducatur, ut a pulcris hisce exorsus, semper escendat, quasi gradibus utens, ab uno ad duo, a duobus ad omnia corpora pulcra, ab his ad pulcra studia, a studiis ad doctrinas pulcras, donec a doctrinis ad illam tandem doctrinam perveniat, quae non alterius est, quam ipsius pulcri scientia, ac percipiat postremo, quid sit pulcrum. In hac vitae conditione, mi Socrates, si uspiam alibi, homini vivendum est, ipsum contenten-

finienti pulcrum: quod si quando videris, haud exigēs illud ad auri vestiumque splendorem vel juvenum formam. Quid? si eveniret cuiquam, ut ipsum pulcrum intueretur, simplex, purum, integrum, non humanis carnibus, coloribus, non aliis humanis purgis contaminatum, sed ipsum divinum pulcrum posset simplici specie adspicere? Ἄρ' οἷ, Φαῦλον βίον γίγνεσθαι ἐκεῖσε βλέποντος ἀνθρώπου καὶ ἐκεῖνο, ὃ δέ, θεωμένου καὶ ξυνόντος αὐτῷ, ἢ οὐκ ἐνθυμῇ, ὅτι ἐνταῦθα αὐτῷ μοναχοῦ γενήσεται ὁρῶντι, ὃ ὁρατὸν τὸ καλὸν, τίττειν οὐκ εἰδῶλα ἀρετῆς, ἅτε οὐκ εἰδῶλου ἐφαπτομένῳ, ἀλλ' ἀληθῇ, ὥτε τοῦ ἀληθοῦς ἐφαπτομένῳ; τεκόντι δὲ ἀρετὴν ἀληθῇ καὶ θρεψαμένῳ, ὑπάρχει θεοφιλεῖ γινέσθαι, καὶ, εἴπερ ἄλλῳ ἀνθρώπῳ, ἀθανάτῳ καὶ ἐκείνῳ; *Putasne, abjectam esse hominis vitam, qui illuc suspicit, et, quo oportet oculo, illud contemplatur ac miscetur cum eo? Nonne reputas, hęc unice ei eventurum esse, ut pulcrum, spectans, quo potest perspicere, pariat non simulacra virtutis, quippe non simulacrum, sed vera, quippe verum amplexus? Qui autem virtutem peperit veram, partemque aluit, huic sane continget, ut Deo sit carus, et si quis alius hominum, immortalis.* (1)

His ita traditis et expositis, perspicere jam nobis licet, quae sit apud Platonem philosophia pulcri, quae ejus amplitudo et ubertas. Haud enim artes spectat potissimum, ut aethetica, quae vul-

(1) Symp. 210. D. — 212. A.

gò appellatur: arcte juncta est cum studiis doctrinarum gravissimarum, cum studiis in primis virtutis et justitiae, omnino cum philosophia justitiae. Nam una est philosophia, singulatim quidem exquirens pulcrum, verum, justum, diligenterque haec distinguens, nec tamen separans ea a se invicem et dissocians; diffusus est autem per eam totam et dominatur *amor*. Nam sive de pulcro quaeritur, amor ad pulcri adspectum incenditur, ejusque in animo vehemens quoddam excitat alitque desiderium. Sive veritatis respicimus studium, doctrinas amat philosophus ut delicias suas et amores, imo vero sic amat amasium suum, ut ejus amore ad veritatis perveniat spectaculum. Nec minus efficax est amor ad boni justique studium. Nam per pulcri appetitum ad virtutem ducit, quod Phaedri fuit sublime effatum, ad virtutem adeo, ut idem dixit, *ἐνθεοῦς* efficit homines, ut mori pro se invicem sustineant. Quid? quod hanc vim amoris tribuit Plato, ut optimos quosque sensus, optima studia, divinas omnes in homine facultates suscitet et firmet. Sic viget amor in tota Platonis philosophia, et exhilarat in ea et quasi laetificat omnia, imo vero et universam et singulas ejus partes, ut *spiritus* aliquis, *intus alit*.



Ad finem perduximus, quod ab initio instituimus, ut Platonis de pulcro et amore sententiam,

10.

locis adductis, lectorum iudicio subjiceremus. Restat nobis quaerendum, quid in his omnibus ipsi Platoni, quid singulis quas induxit personis tribuendum videatur. Quod in Symposio nonnihil habet difficultatis. Nam in Phaedro et ubicumque Socrates fere solus dicendi habet partes, non dubium, quin sub ejus persona loquatur Plato. Sed in Symposio qui dicunt de amore, e sua quique vel indole vel arte vel doctrinâ dicunt. Quamobrem cavendum quis censeat, ne quae illi profecerunt, haec esse Platonis existimemus: non minus enim id absurdum fore, quam si quis tragico tribueret poetâ, quascumque in eius fabulis reperisset sententias. Age, ut supra de Phaedri, ita hîc de Symposii formâ nonnihil adjiciamus animadversionis.

Sermones illi e consuetudine repetendi explicandique videntur *carminum convivialium*. Apud Athenaeum ⁽¹⁾ tria eorum genera censentur, quorum primum est, quod omnes caneant simul, secundum, quod sua quique vice singuli, tertium, quod soli caneant solertiores. Postremum genus ea continebat carmina, quae proprie *σκόλια* dicuntur. Habebant illa vel sententiam quamdam praeclaram, vel vitae praecepta, vel patriae spirabant amorem et tyrannidis odium, uti celebratissimum illud in Harmodium et Aristogitonem. Plerisque autem talibus carminibus amor celebrabatur: quo excelluerunt

ma-

(1) XV. 694. A. B.

maxime Alcaeus et Anacreon, unde Aristophanes
in deperdita comoedia *Δαιταλεῦσιν*:

ἄσπον δὴ μοι σκολιόν τι λαβὼν Ἀλκαίου καὶ
Ἀνακρέοντος. ⁽¹⁾

Eustathius, μυρία δέ, αἰτ, τοιαῦτα (σκόλια) περι-
φέρονται· τὰ μὲν, στωπτικά· τὰ δέ, πρὸς ἔρωτα·
πολλὰ δὲ καὶ σπουδαῖα. ⁽²⁾ In seriis illis numeran-
dum prae caeteris Aristotelis scolion in Virtu-
tem: ⁽³⁾ unde Horatianum ductum:

*Hac arte Pollux et vagus Hercules
innixus, arcus attigit igneas.*

Haec cum recepta esset in convivii consuetudo,
Xenophon in Symposio convivas dicentes fecit
eam de aliis argumentis, tum etiam de amore.
Exstat in Scoliis Atticis venustum hocce:

ὕγιαίνειν μὲν ἄριστον ἀνδρὶ θνατῷ·

Δεύτερον δέ, καλὸν Φυὰν γενέσθαι.

Τὸ τρίτον δέ, πλουτεῖν ἀδόλως.

καὶ τὸ τέταρτον, ἡβᾶν

μετὰ τῶν φίλων. ⁽⁴⁾

Similiter apud Xenophontem id praedicant con-
vivae, quod quisque sibi optimum censer: quo-
rum Critobulus *formā*, Antisthenes *divitiis*, Ni-
ceratus *amicorum* virtute et auctoritate se maxime
effert. ⁽⁵⁾ Sub finem Xenophonteī Convivii de
amore agitur: quod unum est argumentum sermo-
num omnium, qui apud Platonem exstant. Ha-
bent

(1) Athen. XV. 694. A. (2) Ad Odyss. Ἡ p. 227. V.
Schweighaues. ad Athen. I. 1. (3) Athen. 696 B. C.

(4) Apud Athen. 694. E. (5) Xenoph. Symp. c. 3.

trent autem sermones, et ipsa *σέλια*, poëticum colorem, ductum illum a poëtis, maxime tragicis. Agnoscimus facile Euripideam sententiam in Phac-dri et Agathonis oratione:

Ὅστις ἔρωτα μὴ μόνον κρίνει θεόν,
ἢ σκαῖός ἐστιν, ἢ καλῶν ἀπειρος ὢν,
οὐκ οἶδε τὸν μέγιστον ἀνθρώποις θεόν. ⁽¹⁾

In ipso etiam Eryximachi sermone nonnihil occurrit, quod apte cum Euripide comparetur. v. c.,

ἐρᾷ μὲν ὄμβρου γὰρ, ὅταν ξηρὸν πέδον,
ἄκαρπον αὐχμῶ, νοτίδος ἐνδεῶς ἔχη·
ἐρᾷ δ' ὁ σεμνὸς οὐρανὸς, πληρούμενος
ὄμβρου, πεσεῖν εἰς γαῖαν Ἀφροδίτης ὕπο. ⁽²⁾

Quodsi superessent nobis Agathonis tragoediae, tum etiam deperdita, quam memoravimus, Aristophanis fabula: hinc certe magnopere utriusque poëtae apud Platonem dicta illustrare liceret. Superstites comici fabulae lucam affundunt Platonis scriptis, ut diligenter animadverterunt interpretes: in illis autem occurrunt, quas ipse in Symposio narrando usurpat, v. c.

ἐξ ὅπερ ὑμεῖς ὤκισατε τὸν ἄερα·
θύει γὰρ οὐδεὶς οὐδὲν ἀνθρώπων ἔτι
θεοῖσιν· οὐδε κνίσσα μηρίων ἀπό
ἀνῆλθεν ὡς ἡμεῖς ἀπ' ἐκείνου τοῦ χρόνου. ⁽³⁾

sed haec alias.

Ita.

(1) Apud Athen. XIII. 601. D. (2) Apud eund. p. 600 A. ubi Cf. proxima ex Aeschilo. (3) Aristoph. Avibus v. 1515. Cf. Symp. 190. C.

Itaque non mirandum magnopere est, symposia scripsisse Veteres philosophos. Haud tractarunt in iis abstrusas quaestiones, quas dialectica subtilitate et ἀκριβείᾳ explicarent. De amore disquisiverunt, ut fecisse item videtur Aristoteles, cujus et Συμπόσιον memorant antiqui et Ἐρωτικά. ⁽¹⁾ E scolliis prodierunt sermones illi; sed Plato iis indidit vim quamdam philosopham, ut multis cum jocis et facetiis, in summā dicentis audientiumque hilaritate, placita continerent interioris et reconditae doctrinae. Itaque respicit apud eum et Phaedrus et Pausanias nobilissimum scolion in Atticae libertatis restauratores, hic utriusque celebrans et fortitudinem et amorem, ⁽²⁾ ille Achillis praedicans cum praeclara facinora, tum munus quo eum Diū beatunt; ⁽³⁾ sed utriusque amoris distinctio, accurata illa et vere philosopha, plane est Pausaniae, Platonica est sive Socratica. Imo vero sic dicunt omnes, ut in sermonum ordine et successione, succedere sibimet invicem videantur sententiae Pla-

to-

(1) V. Supra. p. 156. (2) Symp. 182. C. ἔργῳ δὲ τοῦτο ἔμαθον καὶ αἱ ἐνθάδε τύραννοι· ὁ γὰρ Ἀριστογείτονος ἔρως καὶ Ἀρμόδιου Φιλία βέβαιος γενομένη κατέλυσεν αὐτῶν τὴν ἀρχὴν.

(3) Symp. 179. E. 180. B. ὥσπερ Ἀχιλλέα τὸν τῆς Θετίδος υἱὸν ἐτίμησαν, καὶ εἰς μακάρων νήσους ἀπέπεμψαν. — τὸν Ἀχιλλέα εἰς μακάρων νήσους ἀποπέμψαντες. Scolion autem haec habet:

Φίλταθ' Ἀρμόδι', οὐ τι που τέτνηκας,
νήσοις δ' ἐν μακάρων σέ Φαειν εἶναι.
Ἴνα περ ποδάκης Ἀχιλεὺς —

tonicae, aptissimeque ita tota exponatur philosophi de amore doctrina. Quo magis constat, quod aliunde item probabile est, diu post Phaëdram, hunc a Platone dialogum scriptum esse. Ordo sane ille disputationis et constans illa atque aequabilis progressio, quae hic occurrit et in Phaëdro requiritur, ingenium prodit scribendo exercitatum; et vero, quod utriusque dramatis vim et rationem attinet, in Phaëdro *poëta* occurrit, qui philosophatur, in Symposio *philosophus*, qui philosophiam poësi exornat et exhilarat.

Sed quod dicitur de tragicis poëtis, dicta illis omnia tribuere, quae ipsi tribuerunt aliis, summae esse perversitatis, nobis hoc item et perversum videtur et stultum adeo; sed, ut taceam recentiores tragicos, qui philosophiam suam in scenam traduxerunt, id sane apud Graecos fecerunt Epicharmus et Euripides. Quorum hic quidem sic exposuit in scena Anaxagorae suamque doctrinam, ut apte eam ex ejus fabulis effecerit Valckenarius. Opportune autem mihi videor Euripidis attulisse exemplum, quippe qui prae caeteris maxime vim amoris puri et coelestis carminibus suis expressit, cuique Plato, ut saepius identidem observavimus, quam plurimum debuit. Nam sic de amore existimare, ut Socrates existimavit, non Socrati unice proprium erat, sed ipsi adeo, qua vixit, aetati: quo factum, ut mediae novaeque comoediae scriptores pariter de amore philosopharentur, Menander τῶν κωμικῶν ἐρωτικώτατος

dictus sit. ⁽¹⁾ Quod igitur in fabulis fecerunt poëtae, hoc dubitabimus num in dialogis fecerit Plato? In dialogis, inquam, qui quamvis dramatibus similes, imo ipsi dramata vocandi, proxime tamen ad philosophicas referendi sunt disquisitiones. Dicat igitur quisque apud Platonem e sua et indole et doctrina et disserendi ratione, exagitet adeo et perstringat Socrates, quae a Phaedro et Agathone dicta fuerant: spirat tamen in omnibus eorum sermonibus genius Platonis, in illis vero potissimum, quos Socrates habuisse cum Diotima dicitur. Hi autem ita prorsus sunt Platonici, tamque accurate tradunt philosophi de ideis et summo philosophiae proposito sententiam, ut doctrinae Platonicae universae tantum non descriptionem contineant.

Quae cum ita sint, fuse nos hunc locum tractavimus et fusius adeo, quam multis forte aptum aut necessarium videatur. Est enim haec vulgaris hominum consuetudo, ut quae in placitis veterum suae sententiae suaeque aetati conveniunt, studiose exquirant: quae vero abhorrent inde, vel mitant plane vel negligentius tractent, etiamsi haec eorum, quae laudant, initia et quasi semina contineant. Itaque metaphysicam Platonis, dialecticam, morum doctrinam, politicam, adde et theologiam ac cosmologiam accurate fere tradunt interpretes; sed placita de amore, tantum abest ut semina

es-

(1) V. supra p. 116. Cf. Fabr. Bibl. Gr. Vol. II. p. 22.

ease ducant universae philosophi doctrinae, ut ea luxuriantis ingenii παραβλασήματα habeant. Quo nos in hisce disquisitionibus ulterius progrediemur, eo nobis magis, qualia sint illa placita, patebit. Hic vero jam animadvertamus, fluxisse ex amatoriis hisce sermonibus praestantissimas veterum, in primis Peripateticorum, de amicitia disputationes: quarum ad exemplum scriptus videtur Ciceronis Laelius. Nam amor apud Platonem, si vis ejus quaeritur in morum doctrinā, proprie amicitia est, quamquam ejusmodi illa, ut omnem amoris et sensum habeat et affectum et necessitudinem. Amicitia autem quam late pateat per totam Veterum non tantum moralem, sed politicam etiam disciplinam, quis nescit, qui politica veterum, Pythagoreorum maxime, placita perspexit? Quae vero ab antiquis de amicitia tradita sunt ac de gravissimis hisce disciplinis, quomodo tantā tradi et vi et sublimitate potuissent, nisi puri coelestisque amoris sublimes praeivissent descriptiones? Nec aliter existimandum est de tota philosophia antiqua. Nisi traductum in eam fuisset quidquid de amore rebusque divinis et humanis cecinerant poëtae, plena illa esset subtilissimarum quaestionum, sed frigeret, ut frigent nunc scripta scholasticorum philosophorum. Platoni autem maxime hoc debuit philosophia, ut antiquae poeseos et lumen et sublimitatem susciperet, jungeretque cum sensibus excelsis de pulcro et justo, disquirendi disserendique subtilitatem. Primus ille fuit mortalium, judice Plutar-

Archō, qui philosophiae opē amoris mysteria declararet. „ Bene quidam dicunt et divina quadam fortuna veritatem attingunt, dicentes, amorī deditis reditum ab inferis concedi, *οτιη δὲ καὶ ὅπως ἀγνοῦσι, ὥσπερ ἀτραποῦ διαμαρτόντες, ἦν πρῶτος ἀνθρώπων διὰ φιλοσοφίας Πλάτων κατεῖδε.* ⁽¹⁾ Equis est igitur locus in Platonis philosophia, qui interpreti diligentius sit tractandus?

Caeterum rationem, qua haec exposui, totam relinquo lectorum iudicio. Simplicitate peccare malui, quam alienā doctrinā temere admiscendā. Quae vero maxime essent Socratica et Platonica, haec studui interius cognoscere et perspicue tradere. Inserui subinde nonnulla quae scripta Platonis magis, quam philosophiam, spectarent: sunt autem haec pauca: nam ne filum abrumperetur phi-

(1) Amat. 762 A. Sic factum, ut Plutarchus, ut Neoplatonici, ut Scholastici etiam postea, auctore maxime Abeilardo, certatim de amore philosopharentur. Et hi quidem Theologiae id suae accommodarunt; sed hoc ipsum valuit, ut servarentur illa placita, quamvis corrupta, et quoquo-versus dimanarent. Inde *spiritualis*, qui vocatur, *amor*, longe profecto a Platonico alienus, sed hoc tamen nomine in Dantis et Petrarcae carminibus obviis. Exorto deinde sub Mediceis ipsius Platonis studio, ut quisque maxime Platonem in philosophando secutus est, ita amorem indagavit studiosissime. Cujus rei illustre exemplum praebuit praecedente saeculo Fr. Hemsterhusius, haud immerito ille a Gallicis et Germanis *Batavorum Plato* vocatus.

philosophicae disquisitionis, animadversionibus criticis, maxime de auctoritate scriptorum Platoniorum, de quibus hodie maxime disputatur, *quaestiones Platonicas* destinavi. Illud vero egi quam maxime, ut, quod Cicero ait, *ex ipso Platonis quasi quodam sancto augustoque fonte, nostra omnis manaret oratio* ⁽¹⁾, ac, Platone in sua luce posito, caverent deinceps philosophi, ne suam sententiam Platoni obtruderent, nec, ut verbi utar Wyttenbachii, *Platonis sententiam ad ineptissimum quodque commentum detorquerent et a germano veri pulcrique sensu ad scholasticas nugas converterent.* ⁽²⁾ — Sed pergamus ad philosophiam veri.

(1) Cic. Tusc. Quaest. V. c. 12. (2) Vita Ruhn. p. 48.



INITIA
P H I L O S O P H I A E
P L A T O N I C A E.

**INITIA
PHILOSOPHIAE
PLATONICAE.**

AUCTORE

PHIL. GUIL. VAN HEUSDE.

**VOLUMINIS SECUNDI
PARS PRIMA.**

**PHILOSOPHIA VERI.
DE VERI AMORE.**

**TRAJECTI AD RHENUM,
APUD JOANNEM ALTHEER.
1831.**

Gp 83.429

Harvard College Library
Bowie Collection
Gift of
Mrs. E. D. Brandegee
Nov. 9, 1908

DISQUISITIONUM SUCCESSIO
ET ARGUMENTA.

DE PHILOSOPHIA.
PROOEMIUM IN PHILOSOPHIAM
PLATONICAM.

V. L. P. 43

*Philosophia, de veterum
sententiâ, amor est cognoscendi,
sapientiae studium.* P. 42

*Apud veteres philosophia
non doctrina est, sed parens et
procreatrix doctrinarum.* P. 51

*Quo potissimum apud veteres
spectavit philosophia?* P. 59

*Veterum philosophorum
de philosophiae vi et ubertate
sententiae.* P. 60

*De philosophia Pla-
tonis.* P. 69

Du-

*Ducit apud Platonem
philosophia ad pulcrum, ad verum,
ad justum, praecipue autem
ad verum.*

P. 72

DE ANIMO.
IPSIUS PHILOSOPHIAE PLATONICAE
PROOEMIUM.

P. 73

*De pristino animi et puro
statu.*

P. 74

*De animi in praesentem
conditionem lapsu.*

P. 75

*Per philosophiam animus
in pristinum est statum redu-
endus.*

P. 76

PHI-

PHILOSOPHIA PULCRI

SIVE

DE AMORE.

p. 17

DE AMORE.

PLATONIS DE HOC ARGUMENTO

PHILOSOPHANDI RATIO.

p. 20

De vulgari amore.

p. 100

*De amore uranio sive
coelesti.*

p. 105

*Virtutis auctor apud Platonem
coelestis amor est.*

p. 115

*Homines ἐνθεοὺς ἀπὸ
ἀδὲν ἀρετὴν ποιεῖ ὁ ἀπὸ τοῦ οὐρανοῦ ἀγαπᾶς ἀμὼρ.*

p. 120

*Divino impetu optima
quaeque in hominum genere exstiterunt:
de ἐνθεοῦ ἀγαπᾶς ἀμὼρι.*

p. 125

De

*De amoris apud Platonem
et philosophiae necessitudine.* P. 132

DE ARTIBUS,
QUAE AD PULCRI DUCUNT AMOREM,
IN PRIMIS DE MUSICA. P. 140

*Quid illud est, quod in artium
studio reprehendit Plato?* P. 140

*Quo spectant potissimum apud
Platonem artes?* P. 143

De origine musices. P. 144

*De vi musices
ad excolendos puerorum animos.* P. 147

*De musica et gymnastica
in puerorum institutione recte
temperanda.* P. 156

*Ad excitandum alendumque
in animis pulcri amorem, cum musica
tum ceterae artes tractandae
sunt potissimum.* P. 158
De

*De pulcro; quod spectavit
Plato.*

P. 166

*Sublimis est apud Platonem maxi-
me disciplina pulcri.*

P. 169

*De dialogis Platonis, qui
ad pulcri philosophiam pertinent
proxime.*

P. 167

DE
PULCRI SCIENTIA.

P. 173

*De disciplinâ amoris,
quæ ad pulcri ducit scientiam.*

P. 176

*De amoris natura. Ex
indigentia oritur.*

P. 179

*Quænam potissimum
illa sunt, quæ appetit amor?*

P. 181

*De viâ et ratione,
quâ accedere hominem ad pulcri
scientiam oportet.*

P. 187

*de Symposii Platonici forma
et ratione.*

P. 193

PHI.

PHILOSOPHIA VERI

SIVE

DE MUNDO NOHTΩ.

V. L. P. L. P. 1



DE

DE VERI AMORE.

P. 11



*Oratorum et sophistarum.
de opinione et scientiâ placita.* P. 13



*De insito naturâ homini
veri amore.* P. 19



Quid est discere? P. 19



*Pulcra in animo excitant
amorem veri.* P. 25



*De mentis oculo,
quo uno cerni veritas potest.* P. 26



*Quid est docere?
sive de paleariâ Socraticâ.* P. 26

De

*De dicendi ratione,
quam, per Platonem, Socrates peperit
disciplina.*

P. 7

*De eo, quod in eloquentia
est summum.*

P. 96

*De scribendi ratione, quae
prosit hominibus.*

P. 100

*Quid scribendo spectavit
Plato? sive de Platonici dialogi
natura.*

P. 120

*Omnis est philosophiae
principium summum amor veri.*

P. 140

DE

DISCIPLINIS,

QUAE MENTEM ELEVANT IN MUNDUM
NOTION, IN PRIMIS DE
DIALECTICA.

V. H. P. L. I. .

*Quo valent maxime,
quid efficere disciplinae debent?*

De

De indole philosophæ. p. 10

*De communi artium
ac doctrinarum vinculo et quasi
cognitione.* p. 26

*Quinam proprie philosophi
sunt dicendi?* p. 35

*Quibus maxime disciplinis
juvenes erudiri oportet, qui nati
sunt ad philosophiam?* p. 43

De arithmetica. p. 44

De geometriâ et astronomiâ. p. 60

De harmoniâ. p. 70

*De disciplinis ma-
thematicis justo proposito trac-
tandis.* p. 74

DE DIALECTICA. p. 76

*Dialecticæ apud Græcos
initia.* p. 78

So-

Socratica dialectica. p. 82

Dialectica Aristotelis. p. 97

Socraticae dialecticae et Aristoteleae discrimen. p. 98

Platonis dialectica. Quid Socrati debuit Plato? p. 99

*De methodo Platonis,
quae cernendo jungendoque procedit,
sive de analysi.* p. 101

*Inductionem complectitur apud
Platonem analysi.* p. 113

*De analytica apud Platonem
definiendi ratione.* p. 115

*De artium doctrinarumque
per analysin Platoniam distri-
butione.* p. 116

*Ad inveniendum valet
potissimum dialectica Platonis.
Quid est invenire?* p. 123

De

*De artis musicae et literarum
inventione.*

p. 140

*Quatenus Aristoteli, ad
syllogisticam tractandam, viam
munivit Plato?*

p. 148

*Characterismus dialecticae
Socraticae, Platonicae, Aristoteleae.
Quis proprie est Platonicae
character?*

p. 157

*Quare dialectica apud
Platonem arx dicitur et sepimentum
doctrinarum?*

p. 171

*De critica. Ut nata est
e dialecticâ Platonis, ita et refert
hanc et illustrat.*

p. 175

*De dialectica eloquentiae
adhibenda, sive de rhetorica
Platonis.*

p. 179

*De topicâ Aristotelis.
E Platonis ducenda dialectica
videtur.*

p. 196

De

*De arte scribendi. Quid
cogitare est? Quid dicere? Quid
scribere?*

p. 199

*Congrua sunt plane
Platonicae dialecticae scripta
Platonis.*

p. 221

*De vi analyticae scriptiois
ad excitandum in legentium animis
explendumque veri amorem.*

p. 229

*De dialecticae Platonicae
fine.*

p. 230

*De disciplinarum
συμβολισμ.*

p. 230

DE
MUNDO NOHT Ñ
SIVE

DE VERI, ATTOT TOT ONTOΣ, SCIENTIA.

V. II. P. III. p. 2

*Quo spectat maxime
apud Platonem philosophia?*

p. 2

Phi-

*Philosophiae in primis est,
ut ex ὁρατῶ nos mundo in νοητὸν educat.
Utriusque mundi imago.*

p. 5

*De hominis in mundum νοητὸν
escensione.*

p. 17

*De gradibus, quibus
id mundum νοητὸν, ad ideas
spectandas escenditur.*

p. 20

DE IDEIS.

p. 24

*Quo maxime spectat
omnis apud Platonem de ideis
disquisitio?*

p. 25

*Idae in philosophia
Platonis non sunt cum recentiorum
innatis ideis confundendae.*

p. 33

*Distinguere item recte
a Kantii ideis Platonicas oportet.*

p. 39

*De boni-idea,
idearum omnium principe. Estne
Deus illa apud Platonem?*

p. 43

Dis-

*Discernere haec placita
Platonis ab Aristotelis metaphysicâ
oportet.* p. 64

*De metaphysicae apud Graecos
originibus.* p. 65

*Quid Platoni debuisse
Aristoteles, ad metaphysicam trac-
tandam, videtur?* p. 64

De metaphysicâ Aristotelis. p. 66

*Doctrinae Platonicae atque
Aristoteleae discrimen.* p. 67

*Metaphysicorum veterum de Deo
philosophandi ratio.* p. 69

*Non Deus est apud Platonem
idea boni, sed ad hanc ideam Deus
mundum formavit.* p. 70

*Platonicae de ideis doctrinae
sublimitas. Altiusne Plato, quam
hominem decebat, evolavit?* p. 71

Ad

*Ad erudiendum perficiendum-
que hominem tota haec composita est
doctrina Platonis.*

p. 77

*Quid causae esse dicamus,
cur fere haec Platonis de ideis doctrina
multorum in reprehensionem
incurrerit?*

p. 104

*Παράδειγματα apud Platonem,
sive de idealibus.*

p. 120

*Deus homini est, secundum
Platonicae hujus doctrinae rationem
ipsius veritatis παράδειγμα.*

p. 124

*DE HOMINIS AD VERITATEM
CIRCUMVERSIONE.*

p. 126

*Quid proprie est apud Platonem
mundus νοητὸς? Discernuntur a recen-
tiorum substantiis, monadibus, es-
sentiis, νοουμένων, τὰ νοητὰ
Platonis.*

p. 128

*Ad hominem refertur
unice, non ad res, philosophia
Platonis.*

p. 128

Quae

*Quae vis proprie est
Platonici placiti de hominis ad
veritatem circumversione?* P. 127

*Socraticam refert rationem
tota haec Platonis cum de mundo νοητῶ
deque ideis, tum de hominis ad
veritatem circumversione
doctrina.* P. 135

*Quid maxime effecisse
difficilem doctrinae hujus Platonicae
interpretationem videtur?* P. 136

DE VERI APUD PLATONEM
SIVE TOT ONTOΣ SCIENTIA. P. 138

*Comparantur cum universa
haec Platonis doctrinā sophistarum
priscorumque philosophorum
de opinione placita.* P. 142

*Protagoræ effatum:
omnium rerum mensuram esse
hominem.* P. 143

*Sententiae philosophorum,
quos Plato τῶν βέλων φιλοσόφους
appellat.* P. 146
Pla-

*Placita illa de opinione non
prorsus rejecit Plato.*

p. 151

*Eleaticorum περὶ τοῦ ὄντος
effata. Quid in his probavit Plato?*

p. 156

*Quid sensibus tribuit
Plato? Quid tribuendum esse negavit?*

p. 160

*Scepticisne philosophis
Plato, an dogmaticis accensendus
est?*

p. 168

*Dogmaticae rationis, quam
Stoici usurparunt et Platonicae .
diversitas.*

p. 171

*Mediamne igitur Plato
inter scepticos et dogmaticos viam
tenuit?*

p. 175

*Propria Platonis de
opinionem et scientiam philosophandi
ratio.*

p. 178

*De aestimandis recte
Protagorae similiumque sophistarum
ac philosophorum decretis.*

p. 180

Qua-

*Qualis est Platonis,
quae vulgo appellari hoc nomine
solet, metaphysica?* p. 187

*Qua ratione hanc Plato
sive metaphysicam sive veri doctrinam
tractavit?* p. 192

*De Cratylo Platonis,
sive de linguarum, quam nos vocamus,
philosophiâ.* p. 196

*De metaphysico, quod dicitur,
linguarum studio.* p. 199

*Qua praestitit ratione Plato,
quod postulare a philosophis metaphysici
solent, ut a priori philosopharetur?* p. 204

*De metaphysicis Platonis
dialogis, sive de idearum disquisitioni
adhibendâ dialecticâ.* p. 207

*Quid tandem existimandum
nobis de veri, αὐτοῦ τοῦ ὄντος, scientiâ
videtur?* p. 219

*Quid veritas apud Platonem
est? Quidni scientiam nobis veri-
tatis tradidit?* p. 220
Cur

*Cur scientiae humanae terminos
non posuit Plato?*

P. 223

*De modestia philosophi,
cum sensu facultatis suae immensae
maximarumque rerum studio
conjuncta.*

P. 226

*De sententia Platonis,
Protagorae placito opposita, Deum
esse hominibus omnium rerum
mensuram.*

P. 228

*Philosophia apud Platonem,
sive ad pulcrum, sive universe ad verum
refertur, hominis reapse est ad
veritatem conversio.*

P. 231

Π Ε Ρ Ι

Τ Ο Τ Ο Ν Τ Ο Σ.

PHILOSOPHIA VERI

SIVE

DE MUNDO νοητῷ.

Ἄλλὰ δεῖ, ὡς Γλαῦκον, ἐκείσε
σκοπεῖν. — Ποῖ; ἢ δ' οὐκ. — Εἰς
τὴν φιλοσοφίαν τῆς ψυχῆς, καὶ
ἐννοεῖν ὅν ἔπτεται καὶ οἷον ἐφίε-
ται —

Fuit sane magna et optimarum artium studiis sa-
lutaris, quae patrum memoriâ exstitit, philosophiae
commutatio. Nam quamvis haec antea, a renatis
inde literis, e scholastica barbarie caput extule-
rat, repudiatisque dialecticorum vanis et absurdis
contentionibus, verum exquirere nullâ non viâ et
ratione coeperat, tamen, quae temporum illorum
fuerat ratio, doctis unice acutiorisque ingenii vi-
ris consuluerat, caeteris tantum non ignota man-
serat. A medio vero inde superiore saeculo com-
munis haec invaluit per universam fere Europam
philosophorum sententia, istis non finibus cohiben-

A

dam

dā esse philosophiam, sed procedere eam latius, adque omnis generis conditionisque homines pervenire oportere, ut cuncti ex ejus studio fructum caperent uberrimum. Quocirca, remotis impedimentis, quibus ejus aditus adhuc fuerat plerisque interclusus, philosophi et suā quique linguā scribere et suavius elegantiusque, quam fieri consueverat, in primis populariter philosophari instituerunt: argumentum autem, quod philosophando explorarent, illud ibi proposuerunt maxime, quod nullum tenerē magis quosvis homines deberet, ipsum *hominem*. Hinc disquisitiones multae variaeque de historia humanitatis, quibus et hominis et generis humani natura ac varia variis locis temporibusque conditio exponēbatur. Hinc eruditorum consuetudo, ut, quodcumque tractarent doctrinae genus, principia ejus ducerent ex hominis natura. Hinc studium praefertim philosophorum acerrimum, quo mentem humanam indagabant, ejusque discernere facultates diversas tentabant: unde criticae philosophiae et nomen exstitit deinde et auctoritas summa. Sed hinc etiam infinitus librorum numerus, qui ubivis prodierunt de recte excolendō homine, i. e., de puerorum educatione de optima docendi via et ratione, de doctrinis ad communem omnium usum et utilitatem adhibendis: omnino, ut rem paucis complectar, *scholae reliquit philosophia et versari in hominum luce et celebritate coepit.*

Sed

Sed quamvis praeclara fuerint parentum nostrorum in philosophiam merita, licetque adeo sponte in antiquorum incurrerent vestigia eosque superaverint subinde, sunt tamen multa, quae in eorum studiis cum reprehendenda sint nobis, tum caute evitanda. Nam, ne dicam de popularitate illa, cui cessit haud raro interior rerum inquisitio: quod Baco et Lockius antea instituerant, ut hominem explorarent, hoc ita persecuti sunt tum Angli plerique, tum Gallofranci philosophi, uti sensus attenderent diligentissime corporis humani, vim hominis internam, internum sensum, vix attenderent. Quo effecerunt, ut, partim homine eximie explorato, hac vero in parte praecipuâ neglecto prorsus, ipsum hominem, i. e. naturam moralem, aeternitati destinatam, non tantum non explicarent, sed obscurarent prorsus. Exstiterunt adeo, qui plantae hominem, alii, qui machinae facerent similem, nonnulli, qui et hominem et rerum universitatem solis moveri mechanicis viribus legibusque contenderent. Quorum libri ipsâ illâ, qua perscripti erant, perspicuitate et popularitate, multis persuadebant opiniones hasce, eoque persuadebant facilius certiusque, quo majorem vulgo homines oculis habent fidem, quam internis, sed obscurioribus animi sensibus. Alieni ab hisce opinionum commentis manserunt melioris graviorisque indolis viri, nec exstitit apud Germanos Batavosve paulo quidem humanior celebriorque philosophus, qui

A 2

in-

indigna haec homine placita sive proferret in lucem sive commendaret: sed eorundem Germanorum haud pauci fuerunt, posterioribus maxime temporibus hisce, [qui inquirendi diligentiae severitati-que omnem, vix ullam perspicuitati, operam navantes, et suis ipsi placitis et toti philosophiae sic tenebras offunderent, ut ab ejus studio et cognitione, exceptis philosophis, caeteros homines excluderent omnes. Quam philosophandi rationem, ubivis hodie in dies invalescentem magis, tam artibus doctrinisque, quam ipsi philosophiae vehementer nocere, nemo est, quin sponte videat, et ipsi fatentur dolentque cultioris ingenii Germani.

Longum hoc, dicat aliquis, prooemium est: *μακρὸν τὸ προοίμιον τῷ ἐπιθυμοῦντι ἀκοῦσαι*. Verum nostrum non hoc unice propositum est, ut philosophiam Platonis interpretemur; illud spectamus item, quod jure quis ab interprete postulet, ut interpretandā eā praesentibus temporibus consulamus. Nemo est, quin optet ardentem, ut quam viam inivimus verae philosophiae, quae tam disceptandi diligentia, quam popularitate, omnibus esset mortalibus salutaris, hanc viam in neutram discedentes partem constanter persequamur. Prodesse autem huic studio, sane quam generosissimo, nihil poterit magis, quam si Socratem et Platonem, ipsius philosophiae in hominum genere parentes, sequi conemur: non ut, puerorum instar,

star, haud quidquam probemus, nisi quod illi dixerunt, aut, quae dixerunt, unice vera putemus. Misera esset profecto gentium Germanicarum conditio, si post tot tantosque exantlato ad verum inveniendum labores, constaret tandem, frustra ipsas per tot saecula laborasse, vanaque esse et falsa summorum celeberrimorumque philosophorum placita. Sed id nobis agendum est, ut discamus ab illis philosophiae auctoribus, quid sit philosophia, quo pertineat maxime, qua sit tractanda ratione: tum vero eorum secuti exemplum, et eleganter philosophemur simul et subtiliter, tantamque evidentiae et popularitatis, quantam interioris disquisitionis, rationem habeamus: caveamus autem praesertim, quod illi caverunt prudentissime, ne hominis externam sive physicam conditionem exploremus unice: quo fit, ut excellens natura, tantis instructa dotibus et facultatibus, bestiae nobis instar videatur; sed hominem consideremus totum, quoque sit sua ipse natura et pulcri et veri et justi, imo vero immortalitatis rerumque divinarum studio et ardore. His primum perceptis germanae philosophiae principiis, tum porro licebit nobis ex praeclaris proficere recentioris aevi inventis, ut e suae aetatis priscique saeculi inventis ipsi profecerunt Socrates et Plato. Sic autem, et hac una ratione, ad communem generis humani salutem philosophiam adhibebimus. Nam ita profecto se res habet: decet philosophiam

non

non in scholae umbra, sed in media versari hominum societate; sed, hoc ut fiat, philosophia oportet rite esse in schola eruditos, Socratis maxime et Platonis institutione.

Et haec quidem communis omnium salutis promovendae proposito cum illa jam quodammodo aperta esse poterunt, quae supra ex Platone de insito mortalibus pulcri bonique studio attulimus, tum haec proderunt, ut speramus, maxime, quae, eodem duce et auctore, de veri studio et inquisitione nunc sumus disputaturi. Abest sane multum, ut novam nos, quam vocant, inducere philosophiam instituamus: non sumus nos philosophi, sed esse cupimus philosophiae, certe antiquae, interpretes: antiquam hanc autem restaurare interpretando, revocare in naturae viam philosophos, si qui ab ea discesserunt, omnesque incendere veri studio et amore, id nos in animum induxisse maximeque habere in votis, non diffitemur.

Non *pars* quaedam nova philosophiae est, quam nunc sumus tractaturi. Haud magis Plato, quam Socrates, de dividenda in partes philosophia cogitasse videtur. Sed erit haec nobis veri disquisitio, in studio sapientiae *pragressio* quaedam. Nam ita fert ratio ingenii humani, ut a pulcro ad verum, ab artibus ad doctrinas, ab iis, quae sensibus, ad ea, quae sola mente et cogitatione percipiuntur, progrediatur. Quod iter ut et hominis est cujusvis praestabilioris, qui ad cultum
pro-

procedit suum, et gentium fuit cultiorum omnium, ita in primis philosophiae sit necesse est: quippe quae ante caetera omnia hominis, sive animi humani, naturam, studia, perfectionem explorat, tum etiam dux esse homini debet, ut naturae viâ ad sapientiam accedat. Est autem ejusmodi progressio haecce, ut nunc demum in ipsum philosophiae regnum, quod idem est veritatis, simus perventuri. Nam, pulcri tradenda scientiâ, praeparavit nos quodammodo Diotimae sermo, ut verum a specie distingueremus; nunc vero, quid ipsa scientia sit, diligenter datâque operâ exquiremus. De uno pulcro egimus hactenus, nec est sane ad haec studia inchoanda blandius efficaciusque invitamentum; nunc vero de rebus omnibus qua sit ratione judicandum, dispiciemus. Relinquendus omnino nobis *ἑρως* hic mundus erit, errorum falsarumque opinionum plenus: escendendum autem in mundum *νοῦρον*, ubi lucent idene omnes, quas qui non animo perspexit, veritatem in iudicando assequi nullâ ratione potest.

Est magnum sane illud et sublime, quo tendimus. Verumtamen quid homini utilius, quid magis in vita necessarium est, quam recte judicare verumque cernere? Id autem in rebus maximis gravissimisque assequi, nemini mortalium licet, nisi cui mens animusque ab his rerum umbris et simulacris, quibus per sensus decipimur, totus sit ad res ipsas, ad veri ideas perfectas conversus.

Nec

Nec vero ita ardua est nobis in philosophiâ Platonis via, ut in caeterorum plerorumque philosophorum doctrinis. Naturae is viam tenet. Nam ut fecit in superioribus de *pulcro* disceptationibus, ita nunc in hac *veri* inquisitione, *οἷος ἐστὶν ἀπὸ δεινός*, ut Socrates vocabat, *nos ipsos* nos primum, quaeque insunt nobis studia exquirere Jubebit: in quibus amorem, principiorum omnium summum et efficacissimum, insitum nobis *veri amorem*, attendet nobiscum potissimum: unde profectus, quomodo optime his studiis, huic amori, his veri appetitibus satisfacere possimus, quaeret, *disciplinasque* explorabit, quibus ad verum homo, ut *artibus* ad pulcrum, adducitur, *dialecticam* in primis, disciplinarum principem. Tum vero demum, perquisitis his omnibus, in ipsum nos evehere mundum *νοῦτον* ex hac inscitiae errorumque sede ad scientiam et veritatem ducere aequabili ratione conabitur. *Naturae* haec, inquam, via est, quamquam eam pauci tenuerunt. Nam ad finem quis recte tendit, apud quem de principijs non constat? Quis *pervenire* ad finem, perficere quod cupit, potest, nisi viam edoctus, quâ debeat procedere, ususque instrumentis, quibus opus perficiat? Unde in omni disciplinâ haec tria memorantur vulgo, *principia*, unde inchoandum, *officia*, quibus fungendum, *finis*, quo tendendum est ⁽¹⁾. Sed in veri philosophia phi-

loso-

(1) Cic. de Invent. I. 1. fine et c. 5.

losophi ad finem festinant citius vulgo, quam par est, statimque disserere de vero, de mundo *ἄλλῃ*, de metaphysicae, quam vocant, principiis solent: certe principium, quod diximus, Socraticum et Platonicum, *amorem*, negligentius attendunt.

Quo magis nos continuo, ut Plato fecit, innatum hunc nobis veri amorem explorabimus: et primum quidem puerorum observandis sive adolescentum studiis, in quibus, ut ait Cicero, ipsa natura elucet in primis: tum maxime quaestionibus explicandis gravissimis, quid discere sit, quid docere, quae vera sit eloquentia, quae justa scribendi ratio: quae recte explicari, nisi ex veri amore nostro, non possunt, sic autem explicitae, ad idem hoc omnis cognitionis philosophiaeque principium interius percipiendum, vim habiturae maximam videntur. Nec deerunt nobis in his exquirendis opportunitates, quibus in omnem exspatiemur antiquitatem: quod nec injucundum erit et perutile, immo vero ad rem, quam indagamus, reperiendam necessarium. Nam Plato philosophiam suam, non, ut systematis auctor aliquis, libro cuidam inclusit, sed hunc scilicet in modum scripsit, ut veritatis virtutisque studio ad dicendum scribendumque excitaret quam plurimos. Unde in omni literarum, praesertim oratorio, genere, auctoritas ejus antiquo aevo summa fuit: nec plene percipi hodie multorum, ipsius adeo Demosthenis et Ciceronis, scripta possunt, nisi lectis accurate Platonis

ais dialogis. Sed hinc factum item est, ut, quo magis nosmet ipsos in omnem antiquitatis cogitandi, disserendi scribendique rationem insinuaverimus, quoque scripta cognoverimus interius palmaria, quae ex fonte Platonis manarunt, eo nobis Platonicae philosophiae principia appareant dilucidius. Inde autem capiamus disquisitionis nostrae de veri amore initium, unde totam duximus superiorem disputationem, a Socratis apud Platonem in amorem encomio.

DE

D E

V E R I A M O R E .

Pulcerrimus est sane et dignus Platone Socratis ille in amorem hymnus, quem disceptationibus suis interioribus praemisit auctor: nos autem appellare philosophiae Platonicae sublime *prooemium* non dubitavimus. ⁽¹⁾ Argumentum hymni (nam juvat reminisci) pristinus erat et praesens animorum status. Beata celebrabatur Deorum immortalium vita, talis illa, qualis una et Deos decet et dici *divina* potest, quae non voluptatibus, sed idearum, sed ipsius veritatis contemplatione cernitur. Divinae felicitatis hujusce participes fuisse aliquando animi humani dicebantur: Deos hi secuti in coelesti itinere, spectaculo delectati sunt omnium pulcerrimo, quippe pulcri, boni, justi, sancti perfecta intuiti exempla. Lapsi deinde in terram, sic pergebat Socrates, indutis corporibus hisce, beatam illam divinamque vitam cum abjecto
hoc

(1) Vol. k p. 84.

hoc et misero statu commutarunt, ut, quae hodiè conditio nostra est, pro veritate falsas imagines amplecterentur coecorumque instar oberrarent. Verum, quamvis exclusis Deorum choro, superest tamen nobis eorum, quae tum adspeximus, reminiscencia quaedam, levis illa quidem et perobscura, sed reminiscencia tamen: quia fit, ut facultas homini sit cum veri inveniendi, tum percipiendae denuo, quam tum percepit, felicitatis: modo instituat rite, quod philosophiae munus est. Sed hymno recitando Socrates *amorem* celebraverat imprimis. In hac pristinae vitae recordatione, pulcrum maxime, dicebat, mentem subit, quippe quod fulgebat illic splendidissime: hinc amor: hinc furor amoris, cui optima debemus eorum, quae praesens continet vita nostra. Caetera quid persequar? Nam sponte meminit, qui haec semel percepit, et nos ea in superioribus cum illustrare singulatim, tum ad ipsam illustrandam philosophiam pulcri adhibere studuimus. ⁽¹⁾ Illud hoc loco memorandum unice est, *veri* non minus Platonem, quam pulcri philosophiam sublimi hoc *μῦθος* expressisse. Nam per amorem philosophiam dixit ad pulcrum nos continuo, veruntamen ad caeterarum simul idearum ipsiusque veritatis spectaculum reducere. ⁽²⁾ — Sunt haec pulcerrima sane, et hebes sit necesse est, qui eorum vim ad ger-

(1) Vol. I. p. 87 sqq. (2) Phaedr. 247. D:

germanam philosophandi rationem non ultro perspexerit; vaticinatus his fere Socrates est, qui lateant in puerorum animis igniculi, quid discere sit, quid effici docendo debeat, quod veri sit oratoris scriptorisque, quod omnis philosophiae munus gravissimum; sed, quo id fiat omnibus evidentius, quo id perspicere interius cultiores doctioresque possint, ex caeteris Platonis scriptis diligentiore petemus pleniorique harum rerum disquisitionem. Diligentiam scilicet in omni argumento tractando postulat philosophia; sed tum in primis, ubi ad ipsam nos ducere veritatem conatur.

*Oratorum et Sophistarum de opinione
et scientia placita.*

Sed ingressuris hanc disquisitionem, ecce! simile nunc nobis accidit atque in superioris disputationis ingressu. Tum Lysiam Plato objecit nobis, qui ab amore praeciperet caute esse abstinendum, quippe insaniae pleno et noxio mortalibus. Simillimae indolis homines sunt, pariter *ἄφρονες*, omni pariter destituti sublimitatis sensu, quibuscum hic nobis agendum erit: *oratores* vocantur item, accedunt autem *sophistae*: similiterque hi nobis, verum nunc petentibus, aditum
stu-

student occludere. Nam ut frigent, ubi nos audemus veri amore, ludibrio habent et amorem, quem loquimur, et ipsam veritatem. Esse veritatem negant, quam collimus uniceque propugnamus: suum, ajunt, cuique, quod *opinatur*, verum esse, aliud aliis longe diversum: colere nos speciem igitur, hand quidem spernendam, pulcherrimam adeo omnibusque perutilem, sed speciem tamen. ⁽¹⁾ Quae ipsis sententia sic placet, sic probari hominum vita et consuetudine videtur, ut ~~omni~~ orepent ubivis, imo vero in res humanas gravissimas, in civitatem moderandam, in juventutis adeo institutionem, qua nihil est in re publica gravius, conferendam adhibendamque existiment. ⁽²⁾ Ducendam esse affirmant multitudinem veri *specie*, quam qui ostenderet maxime probabilem, hunc oratorem optimum, qui informare ad summum civitatis emolumentum potest, optimum appellant rei publicae rectorem. Juvenes autem generosos tantum abest, ut rite excolant aptosque reddant, qui praeesse aliquando, certe prodesse possint civitati, ut eos corrumpant plane. Nam cum liberare eorum animos oporteret vanis praejudicatisque opinionibus, quo verum assequantur facilius, non liberant, sed suis insuper opinionibus opulent.

(1) Theaet. 152. D. Cratyl. 386. C. (2) Goeg. 483. A. sqq. V. de his sententiis de Goeg. Diatr. in Polit. Plat. princ. p. 13. sqq.

plent. Cum excitare in iis deberent, qui intuitu naturæ adest, quamvis lateat istos, amorem veri, coque excitando incendendoque efficere, ut ipsi per se sponte sua ad veri scientiam contenderent; restinguant hunc amorem in animis, impediant saltem, ne inflammetur. Nam quidni impediant, quoties longis infinitisque habendis orationibus speciem illis rerum ostendunt, res occultant, speciem autem sic commendant, sic veritati fingunt similem, ut illi per totam deinceps vitam, umbris falsisque simulacris, *opinionibus* omnino delectentur; veritatem vero non tantum non ament, sed esse adeo; excepta specie, negent. Quid faciamus hominibus istis? Nam haud sane negligendi videntur esse, aut contemnendi. Confirmare hæc placita summorum cum poetarum, tum philosophorum, auctoritate nituntur: quippe perquam sunt et docti et acuti et praesertim disertī. Ab Homero igitur exorsi, quod reconditae ipsis videtur sapientiae plenum:

Ὀκεανὸν τε θεῶν γένεσιν καὶ μήτερα Τῆθυν

Sic placuisse sapientissimis viris, ajunt, ut fluere mutarique semper omnia, nil esse stabile vel firmum contenderent: contendisse igitur et ipsos videri, in hac rerum fluctuatione verum esse nihil, sed id dici verum, quod videtur: hoc autem aliis hominibus, aliis temporibus, aliud esse. In quibus Heracliteum afferunt in primis: ὅτι δις εἰς τὸν

τὸν αὐτὸν ποταμὸν οὐκ ἂν ἱσθῆς. ⁽¹⁾ *In idem flumen bis non descendas*: nam, praeterfluente aqua, aliud semper flumen est. Sic, ajunt, in hoc quasi flumine rerum omnium, quo agitamur, nomine dicuntur singula *eadem* esse, re autem non sunt. Quid? quod homo ipse, mens adeo hominis, quae inquit in verum, mutatur semper? Influunt in eam extrinsecus res, quod *discere*, effluunt inde pariter, quod *oblivisci* vocamus. Quid igitur relinquitur, quod esse statuamus *verum*? Sic illi: et profecto, nam quid diffiteamur? non plane absurda proferunt, et sententias emittunt subinde, sapientiae, ut videtur, plenas: in his Protagoras, Sophisticae pater, qui non pueris, non vulgo, non credulis hominibus, ut caeteri plerique, inventa sua probare, sed doctis et philosophis studuit: ⁽²⁾ pronunciavit is et libris consignavit effatum: πάντων χρημάτων μέτρον εἶναι ἄνθρωπον *omnium rerum mensuram hominem esse*. Quod non sane carere verisimilitudine videtur. Quae enim aliis dulcia videntur, amara videntur aliis: aegrotis eadem aliter, quam sanis, apparent: eidem adeo homini idem alio tempore placet, alio displicet. ⁽³⁾ Fit hoc, ait, ita, quia in rebus judicandis homo sibimet ipse quasi mensuram praebet

(1) Cratyl. 265 A. et Theaet. 118 F. Explicuit sententiam maxime Seneca, Ep. 58. V. Wyttenb. ad Plat. *de S.* N. V. p. 76. (2) Protag. 316 D. (3) Theaet. 152 B.

bet, ad quam eas exigat et alio tempore aliam: ut autem sic homo omnium sibi rerum, ipsius veritatis, mensura sit, efficitur mentis hacce omniumque rerum mutatione perpetua; a fortuito rerum cum mente concursu iudicia pendent. Ingeniose omnia et partim recte. Ast, veritate sublata, quid rebus humanis fiet? quid moribus? quid ipsi Deorum cultui? Quod Deos attinet, hos scilicet illi esse negant simpliciter, vel num sint, ut Protagoras, in medio relinquunt. ⁽¹⁾ Et hercle! quid Deos, quid sanctitatem, pietatem, verecundiam, quid justitiam loquerentur? Tollunt haec ipsi decretis suis. Tria esse pronunciant in hac rerum universitate, φύσιν, τυχήν, τέχνην, naturam, casum, artem; his autem fieri omnia. ⁽²⁾ Quo effato naturae et casui pleraque, nihil divinae providentiae tribuunt; leges autem ipsamque justitiam ab arte, a solertia hominis repetunt: a solertia? imo vero a tyrannorum haec repetunt dolis, astutiâ, insolentiâ, ut contendere ausus Thrasymachus est; ipsam legem adeo tyrannum appellant civitatis, quippe a tyrannis ad commodum suum civiumque detrimentum excogitatam et inductam. ⁽³⁾ Unde ejusdem Thrasymachi dictum, quo sibi iste placet mirifice, acutum sane, sed nefandum, esse justitiam ἀλλότριον ἀγαθὸν, οἰκείαν βλάβην; quo quid dici turpius, quid moribus, quid

(1) Theaet. 162 E. (2) De Legg. X. 888 E. — 890 E.

(3) V. de Geer. l. l. p. 17 sqq.

quid vitae perniciosius, quid rebus divinis humanisque indignius potest? His igitur hominibus, haec nobis placita, haec dicta impia in ipso itineris nostri ingressione objectantibus, quid faciemus? Scilicet, nostram nos viam, ut coepimus, progrediemur placide, nec illorum impugnantes sententiam, nec vero propugnantes nostram, sed quaerentes, explorantes, si forte, ut pulcrum conspicati sumus, ita veritas nobis alicubi appareat. Num illud, quod quaerimus, tale reperturi simus, quale jam autumavimus quodammodo, incertum est; nec vero id spectamus: nam si in alia quacunque tandem, in hac certe ipsius veritatis disquisitione, non quod opinionibus nostris consentaneum, sed quod verum est quaerimus, sive conveniat illis, sive repugnet. Quidquid igitur clamitant isti, nihil moramur nunc quidem. Quodsi quaerendo reperisse nobis aliquando non nihil visi fuerimus, tum scilicet non aspernabimur, sed redibimus ad illos hilares, sed eorum inventa diligentius considerabimus, illisque haec nostra comparabimus; si praestabunt illa, laudabimus, accipiemus: nam neminem odimus, minime omnium illos scilicet, qui sapientiae sunt et virtutis doctores; sin vero non videbuntur praestare, illi quid faciant, ipsi videbunt: nos speciei veritatem, opinioni praeferemus scientiam. Caeterum scientiam nos, si non consecuturos, certe cuiusmodi sit assecuturos esse, confidimus, speramus saltem: quam nobis spem alit consideratio

tio, justam nos instituere quaerendi rationem, quippe a nobismet ipsis, ab homine, a veri amore homini innato proficiscentes; firmat autem spem illam maxime hic ipse noster veri amor, cujus nobis, ut vitae ipsi nostrae, conscii sumus. Sed sequamur ducem nostrum.

*De insito natura homini
veri amore.*

Plato in Politia ejusmodi nobis disputationem reliquit, quae ex ipsa petita hominis indole, una valere maxime ad veritatis vindicandam auctoritatem possit; et sane adolescentes, quos illic colloquentes cum Socrate fecit, tales proposuit nobis, quales suo ipsi ingenio insitum mortalibus proderent amorem veri. ⁽¹⁾ Sed hoc idem aliis conscribendis dialogis, in primis Theaeteto, data opera egit: utque apparent fere hominis studia facultatesque eo illustrius, quo sit praestantius ingenium, in quo ea exploramus, ita in hoc nobis dialogo perfectae naturae adolescentem conspiciendum explorandumque dedit. Fecit scilicet philosophus in his de vero disquisitionibus, quod in sermonibus de pulcro et amore perfecerat. Illi nos in mediam continuo transtulit pulcri philosophiam, imagine nobis Phaedri proponenda, pul-

(1) De Rep. VI.

certimi adolescentis et perquam amabilis, cuius cum Socrate de pulcro et amore sermones id effecerunt, ut esse fateremur amorem non noxium mortalibus, ut Lysiae placebat, sed maximorum illis bonorum auctorem. Pariter nunc nobis adolescentem proponit indole divinâ, non formosum, Socrati adeo simillimum, qui a forma profecto non commendabatur magnopere; sed talem, qualem hoc postulat argumentum, flagrantem sapientiae amore, naturâ philosophum, cuiusque in animo Socrates insitam discendi cognoscendique facultatem sic excitat sermocinando, ut, quae hominis sit ad veritatem inveniendam indoles nativa, quaeque indolis sit hujus promovendae corroborandaeque ratio optima, sponte simus assecuturi. Nam Plato, quod diximus, quae mente excogitaverat, oculis haec fere lectorum subijcere studet, utque tum nobis Phaedrus apparuit ὁ φιλόκαλος, ὁ φιλόμουσος, ὁ ἐρωτικός: ita nunc Theaetetum explorabimus, τὸν εὐμαθῆ, τὸν φιλομαθῆ, τὸν φύσει φιλόσοφον; pariterque nunc nobis Theaetetus hicce philosophiam veri recludet, ut tum nos duxit in pulcri philosophiam Phaedrus.

Dialogus, quem significamus, Theaeteti nomine inscriptus, ejusmodi habet exordium, ut, quam eximiam Theaetetus a teneris indolem prodiderit, ex Euclidis cum Terpsione sermonibus intelligamus continuo. Nam Megaris ille in hunc incidens, in portu se narrat Theaetetum vidisse, moribundum fere, quum vulneribus, quae in acie

ac-

acceperat, et magis etiam dysenteria laborans, Corintho Athenas transveheretur. Hic Terpsion: Quem vero, inquit, virum in mortis periculo versari dicis! *καλόν τε καὶ ἀγαθόν*, o Terpsion, reponit Euclides; et sane comitatus eum prosecutusque ad Erineum ⁽¹⁾ usque, cum huc redirem, in mentem mihi Socratis venit, admiratusque sum, quam vere ille et de aliis alias et de hoc inprimis vaticinatus sit. Videtur enim mihi paucis ante mortem diebus illi, adolescentulo etiam tunc, obviam factus, cum fuisset cum eo collocutus, perquam ejus indolem admiratus esse: mihi autem Athenas venienti cum sermones enarravit, quos cum eo habuerat, dignos auditu sane, tum addidit, praestantem hunc virum, si adoleverit, sine dubio futurum. ⁽²⁾ Haec in exordio; sed nobis qualis illa aetate Theaetetus fuerit, ex his ipsis maxime, quos Euclides memorat, sermonibus, intelligere licet. Nam horum facta mentione, rogat eum Terpsion, ut secum eos communicet: ille vero id facile amico recipiens, postquam ambo opportuno loco consederant, servo librum tradit, quo eos ipse conscripserat olim, et legere jubet. Habiti autem a Socrate fuerant cum Theodoro, Cyrenaico et primum quidem de Theaeteto, tum absente; mox vero ipse accesserat adolescens. Et sic quidem exorsus Socrates fuerat. „ Si Cyrenaei prae caeteris mihi curae essent, o Theodore,

de

(1) Loci in Attica nomen, ut e Pausania efficit Heindorf. ad h. l. (2) Theaet. 142 C.

de rebus eorum te deque ipsis rogarem, num qui illic adolescentes in geometriam aliave studia incumberent; nunc vero minus illos, quam hos nostros amo, magisque novisse aveo, quinam apud nos adolescentes virtute videantur insignes futuri. Hoc ego et ipse exploro pro viribus et alios rogo, quibuscum juvenes video lubenter esse una; te autem haud pauci sectantur: nec immerito: nam dignus eorum studio et omnino es et geometriae gratia; si quem igitur nactus es memoratu dignum, lubenter audiam.” Cui Theodorus „ atqui, o Socrates, respondet, et me referre et te audire maximopere decet, qualem e vestris civibus adolescentem invenerim: qui si formosus esset, laudare eum vererer, ne cui forsitan illius amore captus viderer; nunc autem, ne mihi succenseas, nec pulcer est et tibi similis, si mo naso et prominentibus oculis quamquam minus ille, quam tu, modum in his excedit. Libere dico equidem: id scito, omnium, quos ego reperi, adolescentum, usus autem permultis sum, nullum me, vidisse tam admirabili naturae felicitate insignem: docilem enim aliquem, ut allis esse difficilis molestusque solet, perquam contra facilem esse simulque generosum fortemque apud quemlibet, talem quem esse nec arbitratus fueram, nec qui essent, vidi. ⁽¹⁾ Acuti enim, ut hicce, et sa-
ga-

(1) Sic locum interpretando mihi visus sum expedire, quæ variâ ratione tentarunt interpretes. Græce sic accipere ha-

gaces ac memores in iracundiam fere praecipites sunt, subsultantes prouunt, uti naves non saburratae, ac furiosiores sunt quam fortiores. Graviore contra segnes quodammodo ad discendum procedunt, atque obliuiosi sunt. Ὁ δὲ οὕτω λείως τε καὶ ἀπταίστως καὶ ἀνυσίμως ἔρχεται ἐπὶ τὰς μαθήσεις τε καὶ ζητήσεις μετὰ πολλῆς τῆς προφύτης οἷον ἐλαίου ρεῦμα ἀποφῆτι μέοντος, ὥς τε θαυμάσαι τὸ ἐκλικοῦτον ὄντα οὕτω ταῦτα διαπράττεσθαι. *Ille vero ita aequabiliter, ita sine offensione, ita officaciter ad disciplinas ac disquisitiones multa cum facilitate accedit, prouti olei fluentum sine strepitu profuentis, ut mirari subeat, tamilla cum acie ista peragere.* ⁽¹⁾

Hac ita describenda philosophi ingenii indole, apte nos Plato ducit in Socratis cum Theaeteto de scientia sermones. Nec vero quidquam in his praetermisisse videtur, quod ad declarandam plane in lucemque proferendam talem indolem posset conferre. Nam inducitur Theaetetus non indole eximius, caeterum vero rudis, sed puerili disciplinā, imo geometriae excultus studio, quo uno maxime eruditur acuiturque ingenium: indu-

ci-

habet: τὸ γὰρ εὐμαθὴ ζῆτα, ὡς ἄλλω χαλεπὸν, πρῶτον αὖ εἶναι διαφερόντως, καὶ ἐπὶ τοῦτοις ἀνδρεῖον παρ' ὄντινοῦν, ἐγὼ μὲν οὕτ' ἂν ῥόμην γενέσθαι οὔτε ὁρῶ γιγνομένου. Est breuiloquentia, quae, ut in familiari sermone, ita apud Platonem frequens est nec displicet.

(1) Theaet. 144 A. B.

ditur autem una cum Theodoro praeceptore, qui unus potuit optime de ejus ingenio judicare. Et vero argumentum, de quo agitur, *scientia* est, quo ut nullum in philosophia gravius est vel majus, ita nullum philosopham indolem cum advertit magis, tum excitat vehementius. Sed ipsam jam attendamus Theaetetum, quum is cum Socrate colloquens ad hoc argumentum accedit. In ipso horum colloquio tota nobis apparebit adolescentuli indoles.

Vixdum haec de Theaeteto Socrati nunciaverat Theodorus, quum, ecce! ipse forte adolescens cum aliis accedit. Nam stadio exierant, ut ungerentur, nunc uncti adsunt paratique ad certamen; ille autem medium inter illos locum tenet. Quo conspecto, atqui, inquit Socrates, cognovi juvenem, quamvis nomen excidit: Euphorionis est filius, viri sane, o amice, talis plane, qualem tu hunc descripsisti. Sed age, hunc jube nobis hic assidere. Quod ut fecerat Theodorus nomine pronunciato pueri, huc omnino, Theaetete, adjicit Socrates, huc ad nos accede, ut ego memetipsum conspiciam. Nam dixit Theodorus, vultu me tibi simillimum esse. Veruntamen ut constet, vere hoc dixisse Theodorum, nonne quaerendum nobis est, num pingendi is artem teneat, nec ne? Nam pictoris est, de formis formarumque similitudine judicare, ut musici, de similitudine sonorum. Pictorne igitur est Theodorus? — Non est, respondet Theaetetus, quod sciam. — Nonne geo-
me-

metricus etiam? — Et maxime quidem, o Socrates. — Nonne item astronomiae, arithmeticae; musicae, artium omnino peritus, quae institutionis sunt propriae? — Videtur mihi quidem. — Quando igitur in corporis parte aliqua nos similes dicit sive laudans sive reprehendens, non magnopere ei fides habenda est; quodsi ingenium alterutrius a virtute et sapientia laudaverit, nonne eum, qui hoc audivit, laudatum illum explorare oportet, alterum autem deceret semetipsum ostendere explorandumque praeberere? — Omnino, o Socrates. — Tuum igitur est, mi Theaetete, mihi temet ostendere; meum autem, te considerare. Nam scito, cum multos me coram Theodorus et hospites et cives laudaverit, neminem eum tantum laudasse, quantum nunc quidem te. — Pulcre seres haberet, o Socrates, ita si esset; sed vide, numquid per jocum id dixerit. — Non hic sane mos est Theodori; sed quae concessisti, tu ne subterfugias, praetexens per jocum illum hoc dixisse, ne testari cogatur: nam qui falsi cum testimonii accuset, erit omnino nemo; sed age, in concessis persiste. — Id vero agendum, si ita tibi videtur. ⁽¹⁾ Quibus dictis, quo magis se palam ostendat adolescens, rogat eum Socrates, numquid de geometria, de astronomia, de harmonia, de arte supputatoria a Theodoro didicerit. Ille vero tam simul et ingenue et veracunde placideque respondet, ut, quae de eo ante fue-

(1) Theaet. 145 A. B. C.

fuerant dicta, plane ipse loquendo referat exprimatque. Tum a disciplinis sermone ad sapientiam et scientiam traducto, quaerit de scientia Socrates, quid tandem sit. Hic Theaetetus geometriam memorare aliasque doctrinas, quae scientiae vocantur; Socrates vero reponere: generose tu quidem et liberaliter, Theaetete, unam rogatus scientiam, multas nobis et varias largiris; ego vero non, quot sint et quales scientiae, rogavi, quasi enumerandae essent nobis, sed ipsa scientia quid sit.

Quibus excitatus Theaetetus, statim se totum et explicat et ostendit. Quaerere mihi, inquit, videris, Socrates, tale quid, quale cum hoc commilitone meo, tecum cognomine, de potestatibus in arithmetica quaerenti, in mentem mihi venit: cum sint illae numero infinitae, conandum esse, ut in unam comprehenderentur speciem, qua appellarentur cunctae. ⁽¹⁾ Quod postquam apte doctaeque exposuit, Socrates admirans, optime vos omnium, inquit, o pueri: quocirca Theodorus mihi videtur non falsi esse testimonii reus. — Hic solers adolescens, atqui, inquit, non possum ego ad ea, quae de scientia quaesivisti, sic respondere, ut de potestatibus mihi licuit in geometricis; quamobrem falsus apparet denuo Theodorus. — Tum ille, quid? ait, si is te a currendi velocitate laudans, nullum se diceret adolescentem vidisse, qui tam cito curreret; tu vero currens veloci-

(1) Theaet. 147 D.

citer, ab adulto tamen et omnium velocissimo victus esses, minus tu hunc diceres vere te laudasse? — Haud equidem. — Scientiam vero, quam modo memoravi, invenire, leve quoddam negotium esse putas, non maximum? — Per Iovem equidem, et vero omnium maximum. — Confide igitur viribus tuis, et Theodorum existima vere dicere; annitere autem omni studio cum de cæteris, tum etiam de ipsa scientia, rationem, quid sit, consequi. — Si studium agitur, o Socrates, patebit profecto. — Age igitur: pulcre coepisti enim; da operam, ut, quemadmodum potestates, quæ multæ sunt, una specie comprehendisti, nunc, temetipsum imitans, scientias pariter una definitione complectare. Quibus verbis a Socrate monitus, nunc maxime Theætetus non doctrinam suam, sed proprium sibi doctrinae studium amoremque prodit. Scito vero, inquit, o Socrates: saepenumero illud equidem perspicere conatus sum, quum has a te institui quaestiones audirem; verumtamen nec ipse mihi potui persuadere, me recte ad eas respondere, nec ab alio mihi accipere licuit, qui sic, ut tu jubes, responderet; nec vero tamen a spe potui decedere, fore, ut illud assequer. ⁽¹⁾ Tum vero Socrates, animum adol-

les-

(1) Οὐ μὲν δὴ αὖ οὐδ' ἀπαλλαγῆναι τοῦ μέλλειν. Fuit cum tentarem τοῦ μελετᾶν. Ficinus: *desistere ab hac meditatione*. Sed exquisitioris est apud Graecos usus μέλλειν, quam ut mutare quidquam ausim. V. Heind. ad h. l.

lescentis perspicuens, optimarum rerum studiis plenum et quasi gravidum: ὦ φίλε Θεαίτητε, διὰ τὸ μὴ κενὸς ἀλλ' ἐγκύμων εἶναι. *Parturis scilicet, o amice Theaetete, propterea quod non vacuus es, sed praegnans.*

Sic sermo procedit ille, totus ad excitandum pueri ingenium accommodatus; ac profert deinceps Theaetetus et quasi parit ingenio varias identidem scientiae definitiones. Sed nobis hīc paulisper subsistendum. Sententia enim haec Socratis, paucissimis verbis quam plurima et gravissima continens, ejusmodi est, ut, quid efficiat in pectore hominis *veri amor*, percipiendum nobis praebeat, tum inducat nos sponte in Socraticae disciplinae rationem, nōbilissimam philosophi *μα-ευτικήν*, quam ipse mox Socrates et expositurus Theaeteto est et praegnantī juvenis ingenio adhibiturus. Verum sponte hīc quaerimus: unde hic in puero veri amor? unde hausit, quae edit, responsa? omnino quid *discere* est? sive, qua homo ratione per semet ipse, veri ductus amore, ad cognoscendum procedit? Haec prius videntur exploranda, quam, quid sit docere, sive, quae *μαευτικῆς* ratio sit, investigemus. Relicto igitur cum Theodoro et Socrate Theaeteto, gravissimas has quaestiones, in quibus ipsum agitur cognitionis humanae omnis principium, datā operā exploremus.

Quid

Quid est discere?

Proferendum hinc nobis placitum Platonis est, quod nostrae sane philosophandi rationi minime conveniat. *Discere* statuit ille *nihil aliud esse nisi reminisci*. Cujus sententiae vis ex sublimi, quem modo memoravimus iterum, amatorio hymno percipitur. Reminiscendae illic mentio fiebat, quae superesse hominis animo etiamnunc dicebatur, postquam coelo lapsus in hanc demersus terram est, locum scientiae et veritati contrarium. Nec vero hoc temere ita posuit, quo scilicet fabulam suavissimam commendaret magis: serio id idem in haud uno sermone cum memoravit, tum probavit adeo; et vero sic rem persecutus est, ut, si minus persuadeat nobis, ea tamen dixisse videatur, quae cum veritate conjuncta censeantur. Quocirca sermones illos Cicero lubenter citavit. In illo Platonis libro, ait, qui inscribitur *Meno*, pusionem quemdam Socrates interrogat quaedam geometrica de dimensione quadrati: ad ea sic ille respondet, ut puer; et tamen ita faciles interrogationes sunt, ut gradatim respondens eodem perveniat, quo si geometrica didicisset. Ex quo effici vult Socrates, ut discere nihil aliud sit nisi recordari. ⁽¹⁾ Dialogi illius quae sit forma et ratio, deinceps identidem explorabimus: hinc animadvertis-

(1) Cic. *Tusc.* I. 24.

tisse sufficit, probasse eo scribendo auctorem, inesse hominis animo notiones naturales, easque interrogando elici: quod aptissime effecit cum *servo* inducendo, quem Socrates interrogaret, rudi omnium rerum et ignaro homine, tum quaestionibus instituendis de *geometriae initiis*, quae propriis mentis facultatibus congruunt unice. Sed id ipsum interius etiam in Phaedonē Socrates inquit elegantiisque exponit, ut eidem visum Ciceroni est. Quem locum, ait, multo etiam accuratius explicat in eo sermone, quem habuit eo ipso die, quo excessit e vita. Docet enim, quemvis, qui omnium rerum rudis esse videatur, bene interroganti respondentem declarare, se non tum illa discere, sed reminiscendo recognoscere; nec vero fieri ullo modo posse, ut a pueris tot rerum atque tantarum insitas et quasi consignatas in animis notiones, quas *ἐννοιας* vocant, haberemus, nisi animus, antequam in corpus intravisset, in rerum cognitione viguisset. ⁽¹⁾ Sermones illic Socrates cum Simmia inprimis et Cebete de pristina quadam animi vita habet, quam postquam ex geometriae disciplina effecit, quodsi, inquit, o Simmia, non hoc modo tibi rem persuades, alio considerata est; et primum quidem quaerendum, quid sit recordari, tum maxime, num aliā ratione ullā, quam recordando, ad rerum possimus scientiam pervenire. Hic Socrates rem continuo exemplo

(1) Cic. eod. l.

plo illustrat, ex amantium, ut solet, amicorumve consuetudine petito. Id constat, inquit, si quis alicujus negotii recordabitur, necesse esse, ut illud cognoverit antea. Fit autem hoc ita, quando, sensibus percepta re aliqua, aliam simul percipit, cujus non eadem notio est, tum eum ⁽¹⁾ dicimus ejus rei reminisci, cujus perceperat notionem. Alia, ut hoc utar, hominis, alia lyrae notio est; scimus vero amatoribus, quando lyram, vel vestem, vel aliquid, quo utuntur ipsorum amasii, vident, id evenire: agnoscunt lyram et mente alibi simul amasii formam repraesentant, cujus est lyra; id recordatio est, prouti item, quando quis, Simmia conspecto saepe, Cebetis recordatur. Sed ut dissimilia instaurant apud nos rerum vel hominum reminiscentiam, ita etiam similia. Fit ut quis equo conspecto picto vel lyra conspecta picta, hominis, ac, Simmia conspecto picto, Cebetis recorderetur: fit item, ut quis, Simmia conspecto picto, ipsis recorderetur Simmiae. Quodsi similia movent apud nos rei vel hominis recordationem, accidit nobis necessario, ut, utrum desit aliquid ad similitudinem, nec ne, reputemus. ⁽²⁾ Quod ut animadvertit Socrates sagaciter, sponte sic ad ideas procedit, quas nobis in mentem revocare, nisi per res sensibus subjectas et similes, non possumus.

Ve-

(1) Phaedone 75 C. ἔρα οὐχὶ τοῦτο δικαίως λέγομεν, ὅτι ἀντιμνήσθη εἴ τῃν ἑννοίαν ἔλαβεν. Legendum putamus et expressimus vertendo τοῦτον. (2) Phaedone i. 1.

Veluti aequale esse, inquit, dicimus, esse etiam res aequales, ut lapides, ligna, alia: haec videri nobis alio tempore aequalia, alio inaequalia possunt: non item aequale: ipsum aequale non esse inaequale potest. Perfectum hoc est, illis, quominus perfecta sint, aliquid deest. Hoc autem idem, ipsum aequale, αὐτὸ τὸ ἴσον, unde percepimus? Ex rerum profecto aequalium consideratione, sive oculis illas sive alio quocumque sensu perceperimus; deesse iis aliquid sentientes, ad ipsum illud perfectum exegimus.: Verumtamen facere hoc non potuimus, nisi antea cognovissemus illud, nunc autem essemus ejusdem recordati. Quid igitur? Scilicet superiore quadam vitâ animo id perceperimus necesse est, nec aequale tantum, quod nunc unice diximus, sed ipsum pariter et pulcrum et bonum et justum et sanctum, omne illud omnino, quod perfectum verumque est, cuique signum ejus, quod *est*, quasi imprimumus; horum nos scientiam amisimus, quum in hanc procederemus vitam: nam si retinuissemus, sciremus nunc, non opinaremur, non falleremur, quae nunc conditio nostra est. Quamobrem danda nobis opera est, ut, quo cogitemus, judicemus, ratiocinemur melius, perfecta illa et vera, quae dicere τὰ ὄντα licet, quippe quae sunt, non videntur, haec igitur, quoad ejus fieri potest, repraesentemus animo: id enim discere est: nam sic licet unice ad rerum scientiam pervenire: verbo, *recordari* oportet hominem: nam sic ~~deum~~ et
dis-

discere et verum videre eo pristinam, quā destituti sumus, felicitatem obtinere possumus denovo.

Abhorret, fateor, hoc placitum Platonis, ut modo dixi, a nostra philosophandi ratione, atque, ut ducta ex *μυθῶ* illo de animi conditione pristina est, ita poëseos habere magis, quam philosophiae, colorem videatur. Sed habent poëtae multa, ut ipse animadvertit Plato, quae qualiacumque tandem, veritatem tamen contineant, *Θεῖον δὲ, αἶτ, τὸ ποιητικὸν καὶ ἐνθεατικὸν ὃν γένος ὑμνηδοῦν πολλῶν τῶν κατ' ἀληθείαν γιγνομένων ἔντισι Χάρισι καὶ Μούσαις ἐφάπτεται ἐκάστοτε.*⁽¹⁾ Quod in hoc sane ipsius placitum quadrare videtur maxime. Nam sive poëtice sive philosophice, naturam certe hominis declaravit eo philosophus: non esse ipsius animum per se vacuum, quasi scilicet, quidquid haberet, id corporis deberet sensibus: sic enim si res se haberet, non ita apte vereque ad propositas interrogationes cum servum in Menone, tum in Theaeteto puerum respondere potuisse; sed animum nostrum, ac si nutritus fuisset antea ac veluti pastus in veritatis campo, eo nunc esse vigore, eā discendi cognoscendique facultate, ut, admonitus aliunde et excitatus, ipse per se veritati studeat. Ipsum adeo placitum ita naturae congruit mentis humanae, ut in recentioribus fuerint Platoniceis, qui Home-

ro

(1) Leg. III. 682. A.

re illud tribuerent, apud quem Phemius in Odys-
sæ hæc dicens inducitur:

αὐτοδίδακτος δ' εἰμὶ θεός; δέ μοι ἐν Φρεσὶν ὄμμα
παρτοίας ἐπέφρεν. ⁽¹⁾

Cæterum de pristina illa vitâ num sibi persua-
serit Plato, nolim dirimere: quodsi hæc finxit
omnia ingenio ut fabulam sublimem, assevera-
re equidem non dubito, fingere eum haud facile
quidquam potuisse, quod et aptius conveniret
præsentī mentis conditioni, et nativam, insitam
nobis veri cupiditatem cognoscendique facultatem
declaret evidentiū. Quod quo diligentius ejus
scripta perlustramus, eo admirabimur magis. Nam
in Phædone hoc placitum eo consilio expositum
probatumque invenimus, ut, ante fuisse animos
nostros, quam nasceremur, pateret; in Phædro
autem et in universa Platonis philosophia arcte
idem cum placitis de pulcro et amore conjunctum
est, ut non solum, quid sit *discere*, sed item,
unde repetendus *ardor* sit ille *discendi*, quo fla-
grat homo, efficiatur: quod perspicit sponte qui
hymnum Platonis in amorem, quæque nos de
eo diximus, memoria tenet; sed quo ea facilius
jam in veri philosophiam adhibeamus, age, hym-
num illum attendamus denuo, missisque poëticis
imaginibus, sive, quod malim, explicitis illis,
ut, quid contineant, intelligatur, rem ipsam ex
ip-

(1) Odys. XXII. 347 V. Max. Tyr. diss. XVI. Vol. I.
p. 295 ed. Reisk. ubi V. Intpp.

ipsa Platonis mente et philosophia declarare nitamur.

*Pulcra in animo excitant
amorem veri.*

Sensus, prouti modo vidimus, licet non verum, sive id quod *est*, conspiciendum nobis praebeant, tamen efficiunt, ut percipiendis rebus pulcris, bonis, iis omnino quae esse *videntur*, instauretur in animis nostris ipsius pulcri, boni, eorum quae *sunt*, quaeque illic fuimus contemplati, memoria. Id autem nullus efficit sensus efficacius pleniusque, quam visus noster. Est enim hic ad *pulcra* conversus: pulcris autem nihil est, quod tangat mentem acrius vehementiusque moveat. Nam habent caeterae ideae in rebus hisce nostris simulacra quaedam, ut bonum in bonis, justum in justis, sanctum in sanctis tam negotiis, quam hominibus ac facinoribus; sed simulacra tam clara, tam illustria, quam pulcrum, non habent. Et vero ideae illae, quales sint, cogitando assequimur aegre: nam sensibus non patent bona, justa, sancta: nec videmus illa, nec audimus ullove sensu percipimus; *pulcrum* quale sit, ipso visu assequi licet: oculis enim patent pulcra, estque hic sensus omnium sensuum longe acutissimus. Pulcra igitur in hac conditione nostra vim habent praecipue, ut superioris reminiscamur vitae, quaeque illic vidimus, mente

nobis repraesentare denuo possimus, exardescatque ita in animis nostris scientiae ipsiusque veritatis cupido. ⁽¹⁾

Scilicet non ita nobis de vero existimandum, quasi diversum sit plane a pulcro, a bono, a justo, vel quasi sic distinguatur ab hisce, ut haec a se invicem distinguuntur. Apud Platonem, quod cui forte mirum acciderit animadvertenti, in ideis non censetur *verum*, ut pulcrum, bonum, similia. Sexcenties memorantur αὐτὸ τὸ καλὸν, αὐτὸ τὸ ἀγαθόν; nusquam occurrit αὐτὸ τὸ ἀληθές, sed dicuntur illa universe ὄντα, quae sunt et uno nomine τὸ ὄν, id quod est, i. e. *verum* appellantur. Etenim communis omnium idearum quasi τύπος est veritas: veritatem si cogitando sustuleris, nullae relinquuntur ideae. Quamobrem qui pulcrum animo vidit aliquando, id vidit, quod verum est: idemque quo plenius omnes percepit ideas, eo propius ad omnis veritatis cognitionem accessisse putandus est. Iccirco, quem *pulcri* dicimus *amorem*, haud fingere eum oportet a *veri amore* alienum; sed efficit ille, ut et bonum et justum et sanctum, omnino ea, quae sunt, ipsam veritatem, pari studio cum cernere mentis

ocu-

(1) Phaedro 250. Cf. supra Vol. I. p. 129. Platonis de ἀναμνήσεσι doctrinam arcte esse cum doctrina de pulcro conjunctam, docte accurateque, ut solet, posteriorum item scriptorum auctoritate demonstravit Creuzer. ad Plot. de pulcr. p. 166 sqq. N. item Ast. ad Phaedr. 249. C.

oculo, tum animo percipere nitamur: utque pulcri amor, semel in animo accensus, nos rapit furore quodam et enthusiasmo ad ipsum pulcrum plene penitusque cognoscendum, ita haud alius existimandus entusiasmus est, quo verum appetimus.

Sunt illa sublimia sane multorumque videantur captum superare; sed, ut Platonica fere, ita haec, in sublimitate summa, parem habent simplicitatem: quippe naturae consentanea humanae, cujus hoc proprium est, ut pulcra appetat primum, tum veri ducatur amore. Parvulos videmus continuo appetere pulcra i. e. quaecumque lucent, splendent, oculos afficiunt maxime. Nec tamen his spectandis sunt contenti, manum extendunt identidem, ut ea tangant, contrectent, corripant: cognoscere cupiunt quae admirantur: veri studium cum pulcri admiratione conjungunt; quod iis pulcrum est visum, id, quid sit et quale, scire avent. Infantiae haec et pueritiae ratio est: maturiore aetate homo altius spectat: verum nunc potiore loco, quam pulcrum, habet: quod *specie* se commendat pulcri, pueris relinquit, ipse *verum* in rebus omnibus, in pulcris adeo, admiratur unice. Verumtamen, nisi idem a puero admiratus pulcra fuisset, nisi haec in ipsius animo suscitassent aluissentque veri amorem, verum sic amare, sic unice diligere et admirari non coepisset. Natus homo est ad inquirendum, cognoscendum, veritatem assequendam,

dam: quo qui destitutus studio est, vix homo appellandus videtur; sed hoc fert item hominis natura, ut, quantosvis in rerum scientia progressus fecerit, pulcri admiratione eo adductus primum fuerit. Quo fit, ut vera disciplina ab artibus ducatur continuo. Eo haec spectat, ut doctrinarum ope ad veritatem et sapientiam perveniamus; sed quo illuc aptus facilliusque progrediamur, artibus primum colendis ad pulcri ducimur amorem. Amasae quem oportet pulcrum, si quidem pari amore verum sit prosecuturus: tum vero demum et veritatem ut virtutem, ut amasios suos amatores, colet et propugnabit, proferetque ingenio et quasi pariet, quae veritati et virtuti sunt congrua. Sic, ipsa naturae lege, ad rerum scientiam et sapientiam, per pulcri philosophiam, aditus homini patet. ⁽¹⁾

Illustrari hac forte populari ratione Platonikum illud, *pulcra nos ad verum ducere verique incendere amore*, quodammodo possit; sed ipsius reminiscendum Platonis est, ubi sublimia haec sublimi oratione et ex ipsa amoris vi, quo ardet adolescentia, explicuit. Itineris recordemur de novo, quo ad pulcri scientiam simulque in mediam veri philosophiam nos duxit Diotime. Ordinem nobis praecepit a formis spectandis pulcris,

(1) Accommodare haec temporibus nostris studui in oratione de pulcri amore, quae exstat in Annal. Acad. Rhénotr. A. 1817 et 1819.

cris, quae vi pulcritudinis capiant teneantque mentem nostram totam: hinc, missa formae commendatione, ad pulcros animos, inde ad studia et officia? pulcra et praeclara procedendum: esse enim nobis per hos quasi gradus ad illud accedendum pulcrum, quod, nec oculis nec auribus nec ullo sensu percipitur, una mentis vi, uno *veri ἀγῶν* cognosci potest. ⁽¹⁾ Sed Socratis recordemur item, quum amantium nobis furorem describeret: ⁽²⁾ nam elucet in medio illo furore, ullis vix frenis regendo, veritatis amor. Quodsi, dicebat, fit aliquando, ut quis, divino conspecto vultu, qui ipsam ei pulcri imaginem perfectam instauraret, hoc igitur quis conspecto, incredibili incendatur divinae formae amore, tum vero naturalis ipsius et pulcri et boni et justī omnisque veritatis amor in ejus mente subito accenditur, quoque amasium prosequitur ardore, quo eum colit honore, divino plane, eodem pulcrum ipsum et bonum et justum, veritatem omnino, prosequitur et colit: quod patet e sermonibus continuo amantium, quos crebros et sensu affectuque plenos de pulcro, iusto et vero miscent, tum vero ex tota illorum vita: nam veri assequendi in rebus omnibus amorem omnia eorum studia, omnia proposita, facinora omnia produnt ac spirant. ⁽³⁾

Explicare haec omnia diligentius studuimus,
quum

(1) Symp. 210. D. — 212. A. Cf. supra V. 1. p. 187 sqq.

(2) Phaedr. 251 sqq. (3) Phaedr. 251 sqq.

quum in pulcri versaremur philosophia: hic autem eorum reminisci, ut veri persequamur philosophiam, necessario oportet. Nam quo haec saepius accuratiusque legerimus ac perpenderimus, eo magis ipsi assequemur cogitando et sentiendo in primis percipiemus, quam sublime sit in homine principium idem ille *veritatis amor*. Vim autem divini principii ad parienda inque lucem proferenda optima quaeque et hominum generi saluberrima, haud facile quis philosophorum sic, at Plato, in luce posuit. Nam pulcra apud Platonem quasi invitamenta sunt ad veri eliciendum amorem, et quamvis animum sic inflamment, ut furor inde et insania oriatur, hoc ipso fit furore, ut, quae homini inest ad omnia praeclara, ad vere pulcra, vere bona et iusta indoles naturalis, quaeque hac indole homo studiisque his sublimibus concepit animo a tenera inde aetate, haec igitur non lateant diutius in imo pectore, sed prodeant in lucem et quasi partu emittantur. Non perspiciebat continuo Socrates, quid sibi vellet Diotime, quum amoris aperiens naturam, obscure satis pronuntiaret: *ἔστι γὰρ τοῦτο τέκος ἐν καλῷ, καὶ κατὰ τὸ σῶμα καὶ κατὰ τὴν ψυχὴν.* ⁽¹⁾ *Partus hoc est in pulcro, cum corpore tum animo;* nunc nos, ni fallimur, obscurae sententiae et quasi vaticinationis vim et sensum assequimur. Nam sunt naturā homines tam animo, quam corpore praegnantes, conceperunt

(1) Symp. 206 B.

runt naturalibus his optimarum rerum, sinceræ scientiæ veritatisque appetitibus, virtutum omnium et sapientiæ semina: quibus pleni refertique et quasi exuberantes gestiunt parere aliquando et procreare. His autem quidni pulcrum esse dicamus quasi Lucinam quamdam? quidni amorem iis esse fateamur ipsum *in pulcro partum*? Sed nunc nos item sensus non latet eorum, quæ de foetibus divinorum virorum eadem pronunciavit mulier philosopha. In quibus leges memoravit Lycurgi, quæ Spartaë fuerunt et universæ fere Graeciæ servatrices, leges item Solonis et celeberrima quæque clarissimorum virorum inventa, propter quos natos, ingenio partos, adjicit, templa iis et sacra dicata sunt plurima; propter humanos vero, nulla. In his enim omnium maxime, quæ iis intus inerat divina indoles, pulcris spectandis diligendisque, tota est excitata ad ipsum persequendum pulcrum, imo vero inflammata est ad ipsum, quod per se et bonum est et justum et civitati utile, ad civitatum salutem adhibendum. ⁽¹⁾

In quibus placitis, si quis poëticum aspernatur colorem, qui a philosophia alienus putatur, illud cogitemus, haud abhorrire ista a naturalibus mentis humanæ notionibus, quæ linguis dicendique usu expressæ et quasi consignatæ sunt. Quis enim populus, paullo quidem cultior, suâ non linguâ has ipsas, quibus nos uti sumus, voces dictiones-

(1) Symp. 209. Cf. supra Vol. I. p. 183.

neque usurpat? Dicentes audimus homines, qui dudum consilia quaedam mente agitarunt, his se consiliis *plenos gravidisque* fuisse ⁽¹⁾: quod dicunt non docti, non philosophi tantum, Socratem et Platonem imitati, sed minus culti item, quibus numquam sane innotuit horum philosophorum nomen. Cultiores in familiari vitae consuetudine de ingeniis judicantes, ingenia memorant *foecunda*, item *sterilia*. ⁽²⁾ Omnes tam docti, quam indocti, libros vocant *ingeniorum foetus* ⁽³⁾, *scriptorum prolem*, quod vetustissimi Graeci, necdum exculti doctrinâ, de sapientia usurpabant, Minervam fingentes Iovis capite cerebrove partam. Quid dicam de *amoris* notione, quae non minus in linguis, quam in Platonis philosophiâ, cum *discendi* notione conjuncta et quasi cognata est. Exprimunt utramque formulae: *amare literas*, *literarum capi ardore*, *discendi amore flagrare*, tum hoc ipsum *discendi amor* et vox adeo illa Graecorum illustis, *φιλοσοφία*, cujus si originem spectamus, quod Cicero jam vidit, quid aliud est, quam *veri amor*? ⁽⁴⁾ Appellet quis igitur *poëtica* Platonis ista, sed idem velim ne ea putet a naturâ aliena: hanc enim exprimunt linguae. Sed, ajunt, hoc ipsum, quod tu usurpasti aliquoties, omnesque frequenter usurpant *veritatis studium*, quidni id

Pla-

(1) *Zwanger gaan van ontwerpen*. (2) *Überem et foecundum* Periclem vocat Cicero Orat. c. 4. (3) *Hersenvruchten*. (4) Cic. de legg. l. 22.

Plato usurpavit? Sic loqui praestabat simpliciter, quam poetice *amorem* omni opportunitate celebrare. Atqui vos, o boni, id ipsi agitis in viae consuetudine, quod in Platone reprehenditis: vocem usurpatis identidem sermone, linguis Germanicis propriam, *waarheidsliefde*, *wahrheitsliebe*: quod pariter exprimere caeterae linguae student, quamvis hujusmodi vocabulo carentes. Sic inest ingeniis nostris, quorum linguae dicuntur specula esse, *amoris* notio, quum de veritate ejusque studio cogitamus ac disserimus. Quocirca, quando rem rite perpenderit, ultro fatebimur, id egisse in hac tota quaestione Platonem, quod unum maxime philosopho agendum est, ut naturalem hanc mentis nostrae notionem philosophando explicaret. Potuisset sane aliis vocibus uti, ut fecerunt inscriptis posteris, in quibus occurrunt *ἔρως*, *ἔρως*, *ἐπιθυμία*, et opportune, suis locis, his etiam usus est Plato; sed disserens idem de hoc philosophiae longe gravissimo et principe loco, nisi, quid sit amor, quidque ad explicandum hominis ingenium animumque valeat, explicuisset, mentem ipse suam sententiamque exprimere frustra tentasset. Et vero nos ipsi, quoties de eodem hoc argumento sive loquimur sive scribimus, quo tandem vocabulo et crebrius et lubentius utimur, quam eodem illo nostro *waarheidsliefde*? (1)

Fon-

(1) Ex linguis qui haec eruere diligentius velint, Graecam attendant praesertim. Nam *μᾶν*, unde *μαθεῖν*, *μά-*

Fontem indagavimus, duce Platone, et ni fallor reperimus, cognitionis nostrae. Quaerentes enim, *quid sit discere*, insitum naturae humanae attendimus cognoscendi studium verique amorem, quo homo, sensibus admonitus, in primis visu, ipse per se ad pulcri primum, tum universe ad veri cognitionem procedit, patuitque nobis, quae sit et quanta ad hunc inflammandum amorem pulcri vis et efficacia. Non attenderunt haec veteris et recentioris, superioris inprimis saeculi philosophi, qui sensus corporis diligentissime explorantes, ut, quae et qua ratione singula extrinsecus animo afferrent, constaret aliquando, de ipso animo, certe de insitis ei studiis et facultatibus vix cogitarunt. Apprime in hos convènit, quod ait Plato: *δεινὸν γὰρ που, εἰ πολλαὶ τινες ἐν ἡμῖν, ὥσπερ ἐν δουρείοις ἵπποις, αἰσθήσεις ἐγκάθηνται, ἀλλὰ μὴ εἰς μίαν τινὰ ἰδέαν, εἴτε ψυχὴν εἴτε ὃ δεῖ καλεῖν, πάντα ταῦτα ξυντείνει, ἢ διὰ τούτων οἷον ὀργάνων αἰσθανόμεθα ὅσα αἰσθητά. Miserum sane esset, si multi nobis sensus, quemadmodum ligneis equis, insiderent, non vero haec omnia in unum quod-*

θημα, μάθησις, μαθητής, proprie notat *cupio, desidero*, *απο*, imo vero ipsum est hocce Latinorum *a p o*, quod transpositis literis inde formatum est. Non latuerunt haec quidem Etymologos, sed inprimis adhibenda philosophiae videntur.

quoddam negotium, sive id animus sive quocunque tandem nomine dicendum sit, una contenderent, quo, per sensus hosce, tamquam organa, sentiremus quaecunque sensu percipiuntur. ⁽¹⁾ Nam sic omnino se res habet: admirabilis est quaedam singulorum sensuum vis, ut, quae extra sunt, intro annuncient menti; sed nisi mens suâ ipsa naturâ cognoscendi esset cupida, omnis esset supervacanea nunciorum illorum diligentia. Nunc vero, cum haec sit mentis indoles et natura, ut veri cupiditate, imo vero amore ducatur, ipsa per se exquirat omnia, sensibusque, ut verissime dicit Plato, tamquam ὀργάνοις i. e. *instrumentis* ad cognoscendum utitur. Quod vidisse jam vetus philosophus videtur, sive is Anaxagoras sive Epicharmus fuerit, quum sic pronunciaret: νοῦς ὁρᾷ καὶ νοῦς ἀκούει, τὰλλα δὲ κωφὰ καὶ τυφλά. ⁽²⁾ *Animus cernit, animus audit, reliqua surda et coeca sunt.* ⁽³⁾ Et quod modo de linguis monebamus, exprimere eas notiones interioris cujusdam philosophiae, id item probat hoc ἔργον Platonium, evidentiusque etiam patefacit nostrum illud de sensibus externis vocabulum, *zintuigen*, quo plane *mentis* ad cognoscendum *in-*
stru-

(1) Theaet. 184 D. Eleganter Max. Tyr. XVI. 8. p. 303.

Ἄτε οὖν ἐν προθύροις τῆς ψυχῆς αἱ αἰσθήσεις ἰδρυμέναι, ἀπειδάν τινος ἐφάψονται ἀρχῆς καὶ παραδῶσι τῷ νῷ, ἐπιλαβόμενος (ins. ὁ νοῦς) ταύτης, διορᾷ τὰ λοιπὰ —

(2) V. Plutarch. de Alex. virt. Cf. Wytt. ad Phaedonem p. 151. (3) De Tertulliani versione de anima p. 271.

strumenta indicantur. Quo sane argumento et multo magis etiam conscientiâ nos ipsi nostrâ nobis persuadebimus, multum sensibus, sed plurimum ipsi menti innatoque nobis discendi studio, ad cognoscendi facultatem tribuendum esse. Sed missis novitiis istis philosophis, qui, divinâ non perspectâ hominis indole, totam hanc de sensibus disquisitionem ad materialismum, quem vocant, et atheismum contulerunt, *antiquos* hîc potius attendamus, qui a Socrate et Platone profecerunt, Academicos maxime et Peripateticos germanos, quorum sententias de cognitionis nostrae fonte cum aliis locis Cicero, tum maxime in opere de Finibus diserte exposuit. Vim illi hominis internam explorabant maxime, quam infantes produnt continuo. „ Est enim naturâ sic generata vis hominis, ut ad omnem virtutem percipiendam facta videatur: ob eamque causam parvi virtutum simulacris, quarum in se habent semina, sine doctrina moventur; sunt enim prima elementa naturae: quibus auctis, naturae quasi carmen ^(a) efficitur. Nam cum ita nati factique simus, ut et agendi aliquid et diligendi aliquos, et liberalitatis et referendae gratiae principia in nobis contineremus, atque ad scientiam, prudentiam fortitudinemque aptos animos haberemus, a contrariis rebus

(a) Eleganter Ernesti de *concentu virtutis* accipit. V, Clav. Cic. Intelligere autem formulam siye *legem* maximam naturae, qua virtus nititur. V. Gœrzenz. ad h. l.

bis alienos: non sine causa eas, quas dixi, in pueris virtutum quasi scintillas videmus, e quibus accendi philosophi ⁽¹⁾ ratio debet, ut eam, quasi Deum, ducem subsequens, ad naturae perveniat extremum. Nam, ut saepe jam dixi, in infirma aetate imbecillaque mente vis naturae per caliginem cernitur.” ⁽²⁾ Quod diligentius etiam in his exponitur: „ Parvi primo ortu sic jacent, tanquam omnino sine animo sint; cum autem paulum firmitatis accesserit, et animo utuntur et sensibus: conanturque, ut sese erigant et manibus utantur: et eos agnoscunt, a quibus educantur. Deinde aequalibus delectantur: libenterque se cum his congregant, dantque se ad ludendum: fabellarumque auditione ducuntur, deque eo, quod ipsis superat, aliis gratificari volunt: animadvertuntque ea, quae domi sunt, curiosius, incipiuntque commentari aliquid et discere: et eorum, quos vident, volunt non ignorare nomina: quibusque de rebus cum aequalibus decertant, si vicerint, efferunt se laetitia: victi debilitantur animosque demittunt.” ⁽³⁾ Tum vero ipse commemoratur *veritatis amor*. „ Tantus est innatus in nobis cognitionis amor et scientiae, ut nemo dubitare possit, quin ad eas res hominum natura nullo emolumento invitata rapiatur. Videmus-

(1) Forte leg. *philosopho*. Sic certe sententia minus dura erit, ut videbatur Ernesto. (2) De Fin. V. 15.

(3) De Fin. V. c. 15.

musne, ut pueri ne verberibus quidem a contemplandis rebus perquirendisque deterreantur? ut pulsi requirant et aliquid scire se gaudeant? ut aliis narrare gestiant? ut pompâ, ludis atque ejusmodi spectaculis teneantur, ob eamque rem vel famem et sitim perferant? Quid vero? Qui ingenuis studiis atque artibus delectantur, nonne videmus, eos nec valetudinis nec rei familiaris habere rationem? omniaque perpeti, ipsâ cognitione et scientia captos? et cum maximis curis et laboribus compensare eam, quam ex discendo capiant, voluptatem?" (1) Quamquam Academici illi veteres et Peripatetici non, ut Plato, haec omnia ex naturâ amoris repetierunt. Id, si quid aliud, Platonium est, expressumque in Phaedone. Philosophos illic ait eo duci cognoscendi ardore, ut mortuos se esse, quam vivere malint. Nam ferre illos moleste, verum se, cujus ardente flagrant studio, in hac quidem vitâ assequi non posse, impeditos quippe corporis vinculis, in quo, tamquam in carcere, degunt: contemnere igitur mortem, imo vero mortem expetere, quo doctrinas, quas unice amant, tamquam delicias suas et voluptates, libere totasque amplectantur. Haec vero unius est amoris vis, quod eleganter supra memoravit Phaedrus. Orpheum reprehendit quod vivus uxorem ex orco reducere studuit, mortem pro ea subire non sustinuit: hoc enim unice

aman-

(1) De Fin. V. 18.

amantis esse. ⁽¹⁾ Negat adeo in Phaedone Socrates, naturā quem esse philosophum, qui mori discendi caussa non cupiat vehementer. Nonne absurdum sit, ait, si non libenter philosophi illuc proficiscantur, quo cum pervenerint, spes est fore, ut, quod amarunt per vitam totam, obtineant, amarunt autem sapientiam: — ἡ ἀνθρωπίνων μὲν παιδικῶν καὶ γυναικῶν καὶ υἱέων ἀποθανόντων, πολλοὶ δὲ ἐκόντες ἠθέλησαν εἰς ᾧδου ἐλθεῖν, ὑπὸ ταύτης ἀγόμενοι τῆς ἐλπίδος, τῆς τοῦ ὀφείσθαι τι ἐκεῖ ἂν ἐπέθυμουν καὶ ξυνέσεσθαι; Φρονήσεως δὲ ἄρα τις τῷ ὄντι ἐρῶν, καὶ λαβὼν σφόδρα τὴν αὐτὴν ταύτην ἐλπίδα, μηδαμοῦ ἄλλοθι ἐντεύξεσθαι αὐτῇ ἀξίως λόγου. ἢ ἐν ᾧδου, ἀγανακτήσει το ἀπονήσκων καὶ οὐκ ἄσμενος εἶσιν αὐτόσε; an vero *amantis*, uxoribus, liberis defunctis, multis sponte sua in orcum voluerunt descendere, hac spe ducti, fore, ut illic quid essent eorum quae amaverant adspecturi; sapientiae autem verus amator, eadem spe ductus vehementer, se eam nusquam assecuturum alibi esse, nisi in orco, hic igitur aegre mortem feret, non eo migrabit libenter? ⁽²⁾

*De mentis oculo,
quo uno cerni veritas potest.*

Sed quo magis illuc pergo, quo contendimus continenter, ad nobilem Socratis *μαιευτικὴν*, eo mi-

(1) Symp. 179. D.

(2) Phaedone 68, A.

mibi plura gravioraque occurrunt, quae prius videantur ex Platone explicanda, quam illuc perveniamus. Tantum abest, ut statueret Plato, quod, a Lockio inde, recentioribus philosophis quam plurimum placuit, nihil esse in animo, quin per corporis sensus intraverit, ut sensum quemdam interiorem, ipsius animi sensum, in scriptis suis memoraverit identidem. ⁽¹⁾ Quod placitum alii alia maximeque diversa ratione explicatum ierunt. Nam patres ecclesiae de animi facultate acceperunt, qua divina natura percipiatur, placitumque ad religionem accommodarunt: ⁽²⁾ recentiores fere *organum*, quod dicunt, *morale* intellexerunt, quo mundum moralem perspicimus: neutri quidem id dicentes, quod abhorreret platonica philosophia Platonica; verumtamen Plato nec religionem spectavit proprie, nec interiores nostros animi sensus: *mentem* respexit, τὸν νοῦν, et mundum νοητὸν, verique in hoc cernendi facultatem hac voce expressit. Sed rem nos accuratius et ex ipsis philosophi principiis explicemus.

Sensibus ille, ut vidimus, hoc tribuebat, ut de rebus externis monerent certioreque facerent animum; ⁽³⁾ vim autem quamdam praecipuam, huiusque negotii facultatem singularem visui inesse censebat, quippe qui acumine sensus caeteros super-

(1) Rep. VII. 527. E. 533. D. (2) V. Wytttenb. ad Plat. de S. N. V. p. 95. (3) Cf. Rep. VII. 523. D. 524. D.

peraret. Declaravit ita apte, quamadmodum animus insitum sibi veri amorem per sensus, tamquam nuncios, tamquam cognitionis suae instrumenta, explere conaretur; verumtamen hoc nondum patefecerat inquirenti, quo tandem modo *illa* percipiamus mente, quae uni menti, non sensibus patent, pulcrum, bonum, justum, omnino, τὰ βρα, quae non esse *videntur*, sed *sunt*. Nam quamvis sit acer videndi sensus ille, quantumvis accedat ad ea sentienda, quae mente percipiuntur, tamen cernit quae videntur, quae cogitantur non potest cernere. Quo magis agitur hanc propriam mentis facultatem declararet, quoque nobis evidentius patefaceret, quid agendum philosopho sit, qui veritatem adspicere, non imagine expressam, sed ipsam, sed integram, sed puram in luce splendentem cuperet, oculum memoravit animi subinde, *ὁμα τῆς ψυχῆς*, sexcentis oculis potio rem, quippe quo uno cerneretur veritas. Hunc autem oculum, *mentis ὄργανον*, ut negligitur a plerisque et coecum fit ac perit fere, disciplinis monuit a teneram inde aetate, maximeque mathematicis et dialecticis disquisitionibus cum suscitandum esse in mente, tum purgandum. Nam sic demum fieri posse, ut quod ardentissime amamus uniceque amplecti totum cupimus, ipsum dico verum, id quod est, nec falsis nos ludit imaginibus, hoc igitur intueamur plane, cum eoque congressi non falsa et inania, sed vera pariamus, quae veram provehant humani generis

D 2

fe-

felicitatem. Sublime hoc sane est placitum Platonis, significatum jam in Phaedro, sed in Politia ad optimam institutionem diligenter adhibitum: nobis vero prudenter est accipiendum, ne importuna diligentia inanique inquisitione de sensus huius sede et ratione, vim ejus sublimem tollamus plane. Accipiendum, ut interpretatus Aristoteles est: *ὡς ὅψις ἐν ὀφθαλμοῖς, τοῦς ἐν ψυχῇ*. ⁽¹⁾ Plato lectoribus verbo saepe significavit, quae ipsi sentirent, adverterent, quoque melioris essent ingenii, eo plenius perciperent: nec quidquam magis interpreti cavendum est, quam ne explicare studeat, quod ipse philosophus explicare vel non potuit vel etiam data opera noluit. Relinquenda est lectoribus in multis caussis, quam iis Plato reliquit prudenter, sentiendi, suspicandi, divinandique libertas, quae res sane philosopho plena est voluptatis. Sed haud scio equidem, an idem illud, in toto hoc negotio nostro, omnium sit difficillimum.

*Quid est docere?
sive de παιευτικῇ Socratica.*

Post longam hanc de discendo cognoscendoque disputationem, redimus tandem ad Socratis et
Theo-

(1) Topic. p. 288. Ed. Sylb. V. Wyttenb. ad Plat. de S. N. V. p. 94.

Theodori cum Theaeteto sermones; sic autem redimus, ut rite nunc instructi paratique *μαθηταὶ* Socraticam, quam tum erat Socrates traditurus, nunc possimus interius perspicere. Nam, ne haec tota nos lateret, constare debebat de naturâ animi nostri. Qui sane si, ut multis placuit, vacuus esset ipse, extrinsecus autem per sensus, tamquam infundibula, omnes omnium rerum notiones acciperet, Sophistarum probaremus studia, qui ipsi doctrinam in juvenum animos infundere pollicebantur, Socratis vero disciplinam, non dico non probare aut admirari, sed ne intelligere quidem possemus. Nunc nos Socratem et Platonem secuti, aliter de animo nostro existimare didicimus, non *tabulam* illum *rasam* esse, sed, agri instar, naturâ uberem et foecundum: plenum enim esse pulcri, boni, justi, ipsius veritatis sive reminiscentiis, sive notionibus, sive sensibus studiisque. Et profecto talis est prorsus, quem Plato nobis spectandum dedit, Theaetetus, foecundo ingenio adolescens, ut perspiceret Socrates, veritatis illum amore ardentem multa dudum animo concepissee jamque parere gestire. Nos vero, qui spectavimus puerum, quidni fateamur, nisi eidem, cum veri amore, *δύναμις* illud sive facultas inesset veri intuendi quodammodo, progressus ejus in rebus geometricis nec Theodorum praedicare nec ipsum probare potuisse? Sed ad ipsos sermones accedamus denuo.

Theaetetus, quid istud esset, quod Socrates dixerat:

rat: *parturis scilicet, Theaetete, propterea quod non vacuus es, sed praegnans: non tenebat.* Ego, inquit, quid mihi acciderit, dico: me autem parturire, hoc quid sit ignoro. Tum Socrates: *tune vero, o bone, ignoras, Phaenaretæ me esse filium, obstetricis generosae perquam et severae?* — *Audivi sane.* — *Numquid item, eandem me artem tractare, audivisti?* — *Hoc nequaquam.* — *At scito ita esse: ne me tamen apud caeteros prodas: nam latet omnes, o amici, hanc me artem callere; illi vero, quippe ignorantes, hoc quidem de me non dicunt, sed ineptissimum me esse hominem et alios in angustias adigere colloquendo. Hoccine audivisti item?* — *Id omnino.* — *Visne tibi caussam hujus rei dicam?* — *Quidni velim?* — *Reputa igitur tecum totum obstetricum negotium, quomodo se habeat, et facile id, quod volo, assequeris. Scis enim, nullam earum, quamdiu concipit ipsa et parit, aliis opitulari parturientibus, sed hoc facitare eas, quae jam parere non possunt?* — *Omnino.* — *Caussam hujus rei Dianam esse ferunt, quae non pariens ipsa partuum curam suscepit. Sterilibus quidem obstetricandi munus non dedit, quia non fert hominis natura, ut res arte tractet, quarum ipse sit expers: dedit vero illis, quae per aetatem non possent concipere, earum secum similitudinem honorans.* — *Verisimile hoc quidem.* — *Nonne vero hoc item et verisimile et necessarium, quae praegnantessint, quaeque non sint, ab obstetricibus dignosci magis, quam a*
cae-

caeteris? — Omnino. — Quin etiam possunt obstetrices et medelis praebendis, et adhibendis incantationibus, cum excitare parturientium dolores, tum, quarum volunt, sedare, efficere item, ut pariant quae aegre parturiunt: eademque, si quando abortu opus est, abortum efficiunt. ⁽¹⁾ — Est sane ita. — Numquid et hoc de illis animadvertisti, esse easdem sagacissimas matrimoniorum conciliatrices, quippe perquam prudentes in cernendo, qualis mulier quali viro juncta optimos pariat liberos? — Id non satis novi. — Scito vero, hoc eas magis gloriari, quam umbilici incisione. Nam reputa: ejusdemne, an alius artis esse existimas, colere ac colligere qui e terra nascuntur fructus; et rursus dignoscere, quod in solum quam plantam, quodve semen jacere deceat? — Non sane, sed ejusdem est. — In foeminis autem, o amice, alterius facultatis hoc, alterius illud existimas? — Non videtur. — Haud sane; sed propter injustam ineptamque maris et foeminae conjunctionem, cui *lenocinium* nomen est, conciliandi matrimonii officium fugiunt obstetri-

(1) Graeca manifesto corrupta sunt: καὶ ἐὰν νέον ὂν δόξη ἀμβλίσκειν, ἀμβλίσκουσιν. Fuit, cum mihi mirifice placerem conjiciendo: καὶ ἐὰν ἀνεμίαιεν δόξη, ἀμβλίσκειν, eo sensu, ut οὐ γινώσκον notaret, prouti 157 D. V. Spectrit. p. 28. Sed rejecit juvenilem temeritatem aetas provectior. Nunc quidem haec verti de Heindorfii conjecturâ: ἐὰν δὲ δὲ δόξη.

trices, quippe castae severaeque, verentes scilicet, ne per hanc artem in lenocinii vituperium incidant: quamquam obstetricibus, quae vere dicuntur, solis item convenit mares foeminasque recte jugare. — Patet. — Obstetricum igitur negotium tantum est; minus vero, quam meum. Nam mulieribus non accidit, ut subinde simulacra pariant, nonnumquam vera, sitque difficile haec dignoscere: quod si accideret, maximum pulcerrimumque obstetricum munus esset, verum a falso discernendi. Tu vero quid sentis? — Idem profecto. — Meae autem arti caetera propria sunt, quae illarum; differt vero, quod maribus, non foeminis parturientibus succurrit, tum etiam animos spectat parientium, non corpora; maximum autem hoc inest arti meae, posse videlicet diligenter explorare omni modo, simulacrumne et falsum, an nativum et verum quiddam juvenis animus pariat. Caeterum id mihi etiam, quod obstetricibus, est: non pario sapientiam: quodque objecerunt mihi multi, alios me interrogare, ipsum vero de nulla re respondere, quia nihil habeo quod sapienter respondeam, vere objiciunt illi. Causa autem rei haec est: parturientibus succurrere Deus me cogit, generare prohibuit: sum ipse quidem non magnopere sapiens: nec est mihi ullum inventum sapiens, ex animo meo natum; qui vero colloquantur mecum, primum quidem videntur, nonnulli non solertes, (1) alii per-

quam

(1) οἱ δὲ μοι συγγιγνώμενοι τὸ μὲν πρῶτον φαίνον-
ται,

quam adeo rudes, omnes autem, procedente usu et consuetudine, quibus quidem Deus favit, mirum in modum proficientes, uti et sibimet ipsis et caeteris videntur. Id autem liquet, a me illos nihil umquam didicisse, sed ipsos per semet ipsos multa et praeclara invenisse atque in se habere recondita: obstetricationis autem Deum et me auctorem esse: quod hinc maxime patet. Multi jam hoc ignorantes et semet ipsos increpantes, me autem contemnentes, vel ipsi per sese, vel ab aliis adducti, citius, quam par erat, abierunt: remouit autem a me, cum caeterorum propter pravam consuetudinem abortum fecerunt, tum ea, quae ego obstetricia ope ex iis protuleram, male alentes perdiderunt, falsa et simulacra majoris habentes, quam vera, pretii: tandemque hi et sibimet ipsis et caeteris rudes visi sunt. Quorum unus fuit Aristides Lysimachi filius et plurimi alii: quorum, si quando redeunt ad me, expetentes congressus meos atque ut obtineant nihil non molientes, nonnullis meum me daemonium interesse prohibet, aliis sinit: hi autem tum continuo proficiunt denuo. Hoc vero etiam cum parturientibus foeminis commune habent qui me utuntur: partus doloribus laborant et noctes atque dies magis etiam

ται, ὅντις μὲν καὶ πάντῃ ἀμαθεῖς, πάντες δὲ — Excidisse nonnihil videtur. Forte scripsit auctor ὅντις μὲν οὐκ εὐμαθεῖς, ἄλλοι δὲ καὶ πάντῃ ἀμαθεῖς, πάντες δὲ — Sic verti.

etiam illis, anxietatibus replentur: hos autem dolores ars mea et excitare potest et sedare. Atque ita quidem isti se habent; aliquando vero, o Theactete, si qui mihi non esse praegnantem videntur, sciens ego nihil me iis prodesse posse, aliis eos benevole despondeo, et, quod non sine Dei numine dico, satis praesagio acute, quibusnam illi usi proficiant. Quorum multos Prodicus tradidi, multos aliis sapientibus et divinis viris. Haec tibi, optime, hac de causa fusius enarravi, suspicatus scilicet, te, quemadmodum ipse putas, praegnantem parturire. Committe te igitur mihi, ut filio obstetricis et ipsi obstetriciae artis perito, quaeque rogo, ad haec pro viribus responde. Quodsi forte eorum, quae dices, explorans aliquid, simulacrum esse, non verum, existimavero, deinde sustulero atque abjecero, ne irascaris oro, prouti primo partu puerperae prole rejecta solent. Multi jam enim, mirifice adolescens, sic in me affecti sunt, ut plane ad mordendum sint parati, quando ipsis nugas quasdam detraham, nec putant id a me benevolentia fieri. Multum abest, ut sciant, nullum esse Deum hominibus malevolum, nec vero me quidquam tale malevolentia facere: mihi vero falsum admittere atque abscondere verum, nullo modo licitum est. ⁽¹⁾

Nolui interpellare Socratem, haec ita Theacteto et Theodoro enarrantem, ut rem ex ipso totum per-

(1) Theact. 148 E - 151 D.

perciperemus: quamquam sunt nobis singula fere; quae dixit, ex ipsius Platonisque philosophia uberius declaranda. Veluti quod lenoni se comparavit, qui alia ingenia cum aliis conciliaret, ut ex eorum consuetudine et congressibus optimarum rerum studia, tamquam foetus, ederentur. Similiter id praedicat de sese in Xenophonteo Symposio. Nam cum caeteri illic rem memorassent, qua gloriarentur maxime, Callias Socratem intuens, οὐ δὲ δὴ, ἔφη, ἐπὶ τίνι μέγα φρονεῖς; καὶ ὅς, μάλα σεμνῶς ἀνασπάσας τὸ πρόσωπον, ἐπὶ μαστροπείᾳ, εἶπεν. Tu vero qua te maxime re effers? Tum ille, contracto ad gravitatem vultu, lenocinio, respondit. Est autem hoc totum, quamvis jocose dictum, ex placitis Platonis de animi natura explicandum. Scilicet non machinae esse simile censebat ingenium hominis, non e lapide aut ligno informatum, ut moveretur mechanicis legibus, semetipsum non moveret; sed αὐτοκίνητον ⁽¹⁾ appellabat, moveri autem maxime statuebat spiritu illo, quem diximus, qui intus alit omnia, amore. Hinc pulcri appetitus, qui apparet in infantibus cum cognoscendi studio conjunctus: hinc amor veri cum pulcri conjunctus amore, quo ardet juvenus. Itaque amasium anquirat adolescens optimarum rerum studio flagrantem, quocum semper sit una misceatque sermones de virtute deque eo, quod

VC-

(1) Xenoph. Symp. c. 3. §. 10. Cf. ab. §. 4. et c. 4. §. 56. (2) Phaedr. 245 C.

vere sit pulcrum, vere sit bonum justumque, et qualem esse oporteat virum bonum et sapientem. Quaerit quidem ille formosum continuo: nam quid pulcro est amabilius? et vero pulcri adspectu veritatis virtutisque amor inprimis accenditur; sed qualicumque sit ille forma, etiamsi vel Socrati sit similis, suffecerit, dummodo, ut Socrates, intus sit pulcer. Nam turpis animus non corpore fit formosus, sed animus si sit pulcer, taetrum etiam corpus formosum reddit. Quidni igitur hoc agat datâ operâ philosophus, cui hominum cultus curae cordique est, ut conciliet adolescentibus amassios, si quidem ipsi reperire dignos suo studio non potuerint? Conciliandi autem illis tales sunt, quales ipsorum naturae convenient, ut ex studiis sermonibusque mutuis, ex communi ingeniorum commercio et consuetudine inventa, tamquam foetus, optima nascantur. Sic, indole perspecta adolescentiae, lenonem se ferebat Socrates ingeniorum. Nam hoc tenebat, quod nobis Eryximachus exposuit, ⁽¹⁾ optimum esse medicum, qui corporis appetitibus bonis indulgeret alimentumque praeberet, malos tolleret: pariter autem animo illum prospicere optime philosophum, qui, pravis libidinibus alimento sublato, amoris insito veri pulcrique unice gratificaretur: fierique hoc aptissime certissimeque bonis cum bonis jungendis et suo cuique amassio conciliando. Sed idem Socrates, ut hac ingenio-

(1) Symp. 187 D.

niorum conciliatione vim iis insitam promovebat maxime, ita hoc efficiebat simul et suâ fere sponte, ut ipsum discipuli miro amore prosequerentur. Erant quidem, ut modo nos monuit, qui ipsum citius, quam par esset, desererent, aliosque secuti corrumperentur; sed legentibus nobis germanos ejus constantesque discipulos, Xenophontem et Platonem, attendentibus imprimis, quos in scriptis hi suis dicentes fecerunt Socraticos, quavis fere paginâ patet, quo eum quantoque dilexerint coluerintque amore. In Phaedonis cum Echecrate colloquio sic Phaedo: καὶ γὰρ τὸ μεμνηῆσθαι Σωκράτους καὶ αὐτὸν λέγοντα καὶ ἄλλου ἀκούοντα ἔμοιγε αἰεὶ πάντων ἡδίστον· et vero, Socratis meminisse, sive ipse dicam, sive alium dicentem audiam, mihi semper omnium suavissimum est. ⁽¹⁾ Sed audiamus Apollodorum, qui furore plane amabat Socratem: ἀφ' οὗ δ' ἐγὼ, familiari narrat cuidam, Σωκράτει συνδιατρίβω καὶ ἐπιμελὲς πεποιήμαι ἐκάστης ἡμέρας εἰδέναι ὅ τι ἂν λέγῃ ἢ πράττῃ, οὐδέπω τρία ἔτη ἐστίν· προτοῦ δὲ περιτρέχων ὅπη τύχοιμι καὶ οἰόμενός τι ποιεῖν, ἀθλιώτερος ἦν ὅτουσιν ⁽²⁾ Ex quo vero tempore Socratem ego sector, idque mihi agendum summo studio ratus sum, ut quid dicat singulis diebus, quid agat, cognoscerem, nondum tres sunt anni: antea vero quacumque fors ferebat, oberans, putansque me aliquid agere, omnium eram misererrimus. Cui familiaris: αἰεὶ ὁμοίος εἶ, ὥ 'Απολ-
κρί-

(1) Phaedone 58 D. (2) Symp. 172 E.

ἀδωρε, — σαυτῷ τε καὶ τοῖς ἄλλοις ἀγριαίνει, πλὴν Σωκράτους: *semper tui similis es, o Apollodore,* — *in te caeterosque acerbe invehers, uno exacerbo Socrate.* ⁽¹⁾ Talem autem in se amorem ut in discipulis excitaret Socrates, cum mores effecerunt viri, tum effecisse videtur maxime haec ipsa, quam explicamus, *μαιευτική*. Nam erat illa cum incredibili quadam benivolentiā et caritatis significatione conjuncta: *ἔρως* autem *ἀντίρρωτα τίττει: amor vicissim amorem parit.* Sed ipsi disciplinae hoc proprium erat, ut pareret amorem. Nam primum, sublati opinionibus falsis et praeoccupatis, amorem veri, diu istis oppressum et fere suffocatum, tamquam e cinere suscitabat, ut exardesceret in animo: hoc autem quis est qui incenditur, quin eodem praeceptorem studio et amore, quo ipsam veritatem, prosequatur? Est enim hic ipsi non summi tantum beneficii auctor, sed exemplum etiam, quod assequi studeat, ipsa est illi veritatis virtutisque imago, qua contemplanda colendaque, amatoris plane instar, satiari non potest. Vero, sic plane divinum praeceptorem amabant Socratici, sic eum post mortem venerati sunt et coluerunt. Deinde, qui hac disciplina a Socrate perpurgabantur, primum quidem aegre ferebant, auferri sibi ea, quibus unice gloriabantur, quaeque ut parta ingenio suo paternā caritate diligebant et osculabantur. Erant, ut ait Socrates,

qui

(1) Symp. 175 D.

qui ipsum has illis nugas auferentem rejicientemque, tantum non morderent. Sed iidem, postquam plane erant perpurgati, tanto semetipsos odio habebant, quanto illum colebant amore. Indignabantur enim, tamdiu se torpuisse, vitamque se adhuc degisse indignam ingenio suo. Quo vero abjectius de semetipsis sentiebant, eo de Socrate magnificentius existimabant: quoque minus sibi esse videbant, quod ipsis sufficeret, eo ardentius amplectebantur eum, ut hoc explerent desiderium, eoque illum amabant vehementius: amorem enim, de Diotimae sententia, indigentia parit. Huiusmodi est et hic proficiscitur discipulorum erga praeceptorem amor, qualis Socrates fuit: sic certe ipsum Socratem amavit, ut modo confessus est, Apollodorus, qui ab hoc amoris furore plane et entusiasmo *μανικῶς* appellari solebat. ⁽¹⁾

Quodsi jam de eo quaerimus, quod item Socrates in illa *μαιντικῆς* descriptione memoravit, qui accederent ad ipsum, horum primum nonnullos perquam viros esse ignaros, omnes vero, procedente usu et consuetudine, si quidem daemonium sineret, mirabiles fecisse progressus, *θauμασθὲν ὅσον ἐπιδιδόντας*: ⁽²⁾ hoc item ex Socratica naturae humanae observatione efficitur facile. Nam purgando animo liberandoque perversis opinionibus, cum viam recludebat adolescentibus omnia scientiae et virtutis, tum ipsi in hac via non po-

te-

(1) *Symp.* 175 D. (2) *Theaet.* 150 D.

terant non celerrime progredi. Hoc item et ipsi tribuendum Socrati, qui mirā valebat incitandi, τοῦ προτρέπεσθαι facultate naturali, tum ex discentium naturā et ingenio intelligitur. Et primum quidem rudes videri et indocti debebant, quibus quippe Socrates omnem doctrinae speciem sic interrogando adimeret, ut ipsi cogherentur fateri, quique aderant faterentur sponte sua, esse illam reapse speciem inanem, doctrinam inesse, i. e. rerum scientiam, nullam. Sed iidem his vanis falsisque opinionibus liberati, quibus verae excludebantur, suscipiebant jam sponte sua doctrinas omnes, quae ad rerum scientiam ducerent. Nam inest naturā homini amor veri. Quod vidit acute Plato, et, nos ut videremus, summā evidentia explicuit. Νομιζοντες, αἱ, οἱ καθαίροντες αὐτοὺς, ὥσπερ οἱ περὶ τὰ σώματα ἰατροὶ νενομίκασι, μὴ πρότερον ἢν τῆς προσφερομένης τροφῆς ἀπολαύειν δύνασθαι σῶμα, πρὶν ἢν τὰ ἐμποδίζοντα ἐν ἑαυτῷ τις ἐκβάλῃ, ταυτὸν καὶ περὶ ψυχῆς διανοήθησαν ἐκεῖνοι· μὴ πρότερον αὐτὴν ἔξειν τῶν προσφερομένων μαθημάτων ὄνησιν, πρὶν ἢν ἐλέγχων τις τὸν ἐλεγχόμενον εἰς αἰσχύνην καταστήσας, τὰς τοῖς μαθήμασι ἐμποδίους δόξας ἐξελὼν, καθαρὸν ἀποφῆνῃ, καὶ ταῦτα ἡγούμενον, ἅπερ οἶδεν, εἶδέναι μόνον, πλείω δὲ μὴ. *Existimantes enim, qui hos purgare nituntur, ut de corporibus existimant medici, non posse corpus allato cibo nutrirī, antequam impedimenta quis eiecerit, eadem ratione et illi de animo judicarunt, non prius hunc ex allatis disciplinis fructum esse cap-*
tu-

turum, quam redarguens quis cum, qui redargitur, postquam erubescere fecit, sublati opinionibus vane, disciplinarum impedimentis, purum effecerit, haec se scire putantem sola, quae novit, plura vero se non scire. ⁽¹⁾ Medetur igitur animo *μαιευτική*, ut totus penitusque persanatus, possit deinceps doctrinarum suscipere alimenta, possitque idem, bene his nutritus et corroboratus, gravissimos suscipere ac perdurare ad inveniendum verum inque usum vitae conferendum labores. Verum haec *μαιευτική* cum salutari arte comparatio, ut frequens est apud Platonem, quippe protus naturae congrua, ita diligentissime est ab eo in *Sophista* instituta: quam disputationem eo, quo procedit, ordine apponemus, quo magis ex illo dialecticam Platoniam, quam deinceps tractabimus, hic jam quodammodo degustemus.

Κάθαρσις animi *ἑλεγχος* est sive ἡ *μαιευτική*: quod animo cum corpore collato sponte apparet. Nam duplex est perversa corporis conditio: cum *νόσος*, quum intus corruptum est, tum *αἴσχος*, quum externo habitu male se habet. Utrique vitio corrigendo ars accommodata est, illi *ιατρική*, huic *γυμναστική*. — Duplex item animi malum est: est vel *ἀδικία*, vel *ἀμαθία*. His si quaerimus quaenam medeantur potissimum, injustitiae adhibenda *κολαστική* sive *δική* est, inscientiae *διδασκαλική*. Verum *διδασκαλική* vel ad δη-

μιουρ-

(1) *Sophl.* 250 C. D.

μουργικὰς refertur διδασκαλίας, vel παιδεία est, i. e., διδασκαλικὴ ἐν τοῖς λόγοις: haec autem duplex est, severior vel lenior: vel νομοθετικὴ ἐστ, ἀρχαιοπρεπὲς τι πάτριον, ὃ πρὸς τοὺς υἱαῖς μάλα ἐχρῶντό τε, καὶ ἔτι πολλοὶ χρῶνται τανῦν, ὅταν αὐτοῖς ἐξαμαρτάνωσι, τὰ μὲν χαλεπαίνοντες, τὰ δὲ μαλθακωτέρως παραμυθούμενοι: ἀντίκειται quiddam ac patrium, quo in liberos suos maxime utebantur et utuntur etiam nunc multi, quando delinquant, partim graviter objurgantes, partim lenius admonentes: vel, quem nunc quaerimus maxime, ἔλεγχος, ὃ περὶ τὴν μάταιαν δοξοσοφίαν γιγνόμενος ἔλεγχος, vanae doctrinae, quae opinione cernitur, redargutio ⁽¹⁾, i. e. μαιευτικὴ, quam qui animo adhibet, καθαρτὴς dicendus est, δοξῶν ἐμποδίων μαθήμασι περὶ ψυχὴν ⁽²⁾. Ergo, ut vis μαιευτικῆς ad verum hominis cultum percipiatur, prouti medicus corpori, sic animo iudex prospicit; sed corpori non sufficit, ut intus se bene habeat, accedat necesse est habitus motusque concinnus: quod efficit gymnastica. Similiter non satis est animo, si nec pravus sit nec poenis videatur coercendus, esse eum nec turpem aut tætrum, pulcrum esse decet. Eo autem διδασκαλικὴ valet, nec illa tantum, quae patris auctoritate exercetur, sed praesertim, quae intus totum penitusque perpurgat animum, ut, sublati opinionibus vanis, integer sit et vigeat. Τὸν ἔλεγχον λεπτέον ὡς ἄρα μί-

(1) Soph. 231 B.

(2) Ibid. 231 E.

μέγιστη καὶ κυριώτατη τῶν καθάρσεων ἐστὶ καὶ ἐν
ἀνέλεγκτοι αὐ νομιστὸν, ἐν καὶ τυγχάνῃ βασιλεὺς
ὁ μέγας ὢν, τὰ μέγιστα ἀνάθαρτον ὄντα ἀπαίδευτο
τε καὶ αἰσχρὸν γεγόνεναι ταῦτα, ἃ καθαρύτατον καὶ
πάλλιστον ἔπρεπε τὸν ὄντως ἐσόμενον εὐδαίμονα, εἶναι.
Redargutio dicenda est maxima et princeps pur-
gationum omnium; ille vero qui non redarguitus
est, citius ipse esset rex Persarum, indocius
habendus est et turpis ille in negotiis, in quibus
qui reapse futurus est felix, purissimus esse et
pulcherrimus debet. ⁽¹⁾

Sed nondum explicuimus satis, quod dixit de
hac disciplina in Theaeteto Socrates, admirabiles
esse eorum, qui sic excoluntur, progressus: id
vero praesertim est ex hominis indole et Socratis
philosophia declarandum. Nam id studebat unico
philosophus, ut animus liberaretur tumore, vani-
tate, falsis opinionibus, quae maxima sunt cogi-
tandi libereque inquirendi impedimenta: his au-
tem tanquam vinculis solutus, ipse jam porro pos-
set cogitare et exquireret. Simplicior fingi disci-
plina nulla potest, sed nulla est etiam ad accele-
randos juvenum progressus aptior efficaciorque.
Nam hac ratione expeditus quis difficultatibus,
quae coercerent progressum omnem, suoque ipsi
indulgens instinctui i. e. veritatis amori, non po-
terat non, quae vis est naturae, tendere ad ve-
ritatem celerissimo cursu, et, si quis alius, per-
veni-

(1) Soph. 230 et 231.

venire. Erant Athenis Socratis aetate, qui in eo excitandorum ingeniorum facultatem agnoscerent atque admirarentur, perducendorum desiderarent: quod Xenophon testatur in Memorabilibus ⁽¹⁾, qui ipse Socrati suo parem utriusque negotii facultatem tribuit. Non est, quod nos hoc loco rem dijudicemus: nam et negotium difficillimum est, et minus nunc Socratem, quam ejus disciplinam disciplinaeque in philosophia Platonis auctoritatem spectamus. Sed hanc nobis judicantibus, eo sane praestabilius uberiusque videtur, quo minus ingenuis suam monstrabat progrediendi viam. Aperiebat ille juvenum animos, eliciebat inde facultates, quae inessent, singulas, easque alebat et corroborabat: ut vero hae in aliis erant aliae, maximeque diversae, ita suam quisque pro hac naturarum diversitate et ingrediebantur viam et tenebant, quam disciplinae praestantiam et quasi fertilitatem certissimo documento probat historia philosophiae. Nam ex nulla prodierunt tanta varietate, non dico philosophi, sed philosophorum sectae et familiae, quam ex Socratica hacce. Secuti sunt Zenonem Stoici, Epicurum Epicurei, ut, quae magister praeceperat, maximam partem diligenter servarent: unde communi omnes nomine Stoici et Epicurei dicti sunt. Sed Socratem qui audiverunt, sic ab eo singuli singulari ratione exculti sunt, sic semetipsos suo quique modo explicuerunt, ut pro
suo

(1) Mem. L. I. c. 4.

suo quique ingenio philosopharentur, suum quique iter instituerent, plerique novarum essent sectarum auctores. Fons fuit Socratica disciplina uberrimus, unde sectae in omnes partes magnoque numero et majore etiam placitorum varietate, tamquam rivuli, dimanarent: eademque disciplinae hujus foecunditas in Platonis disciplinam quasi propagata est, quae et Academicos protulit et Peripateticos et Neoplatonicos, imo vero ipsis Stoicis et Epicureis, quamvis aliunde ortis, alimentum praebuit sane quam saluberrimum. Nam quod Socrates monendo cohortandoque et sermonibus instituerat, id perfecit Plato cum simili, quamvis diligentiore, disciplina, tum scriptis maxime, quibus Socratem posteris nobisque etiam hoc tempore disserentem philosophantemque, veluti vivum etiam nunc, repraesentavit: idemque institutioni doctrinas adjunxit, praesertim mathematicas, non quo viam definiret, quae cuique esset anxie servanda, sed ut magis etiam insitum homini veri amorem et excitaret aleretque et prudenter regeret.

Sed agimus de progressuum celeritate, qua insignem esse *μαθητικήν*, ipse nobis praestantissimae disciplinae auctor modo affirmavit. Nolim hic cogitent lectores celeritatem illam discendi, quae hodie praesertim, ubivis fere incultioribus Europae populis, commendatur, cujus praestantia brevitate temporis censetur, non ubertate, non diligentia, non rerum addiscendarum gravitate, non
fruc-

fructu etiam, quem inde res publica capiat. Laudanda est celeritas illa, quatenus ad legendi, scribendi, supputandi facultatem refertur: quodsi excolenda adolescentia videatur non his artibus puerilibus, quae animum non movent, vix adeo ad iudicium pertingunt; sed, ut censuerunt maiores nostri, ingeniis animisque erudiendis, non tantum non laudanda, sed quam maxime cavenda est. Quam Socrates cogitabat discendi proficientique celeritatem, non brevi temporis spatio definiebat: nam beatum praedicat illum, qui vel senex in virtute nonnullos fecisset progressus; sed exigebat illam ad difficultatum copiam et magnitudinem, quae discenti essent superandae. Id scilicet spectabat, non ut in homine singularis quaedam mentis facultas acueretur, memoriae, inveniendi solertia, ratiocinandi subtilitas, enunciandi communicandique facilitas, similes: id si spectasset, intra triduum, ut ita dicam, admirabiles fecisset discipulos: nam si quis, caeteris missis consopitisque mentis facultatibus, unam excitat, unam acuit et uni illi acuendae, firmandae, corroborandae omnem adhibet mentis animique vim et vigorem, nae ille et ipse admirabitur stupendos discipulorum tamque subitos progressus, et vulgus miraculum suspiciabitur, acclamabit certe: *θαύμαζέσθαι*! Sed alia omnia spectabat Socrates: totum excolere hominem studebat, ut non arte aliqua aut doctrina excelleret, caeterum esset rudis et agrestis, sed ut sensus omnes et facultates, quae tam-

tamquam igniculi in ipsius mente naturâ laterent, sublati impedimentis, moverentur, suscitarentur, reviviscerent, atque ipse ita homo quasi novam suamque vitam ingressus, talis fieret, qualis esse naturâ ipse suâ et indole posset atque deberet. Huic institutioni, sanequam naturae convenientissimae, unam esse *μαθητικήν* accommodatam, quivis unus ex dictis perspicit; sed nemo est etiam, quin item perspiciat, absolvi eam paucis vel diebus, vel mensibus, vel annis etiam non posse, praeclaramque esse ejus fortunam, qui a puero sic orsus, sub vitae finem, quod spectaverat, sit assecutus. Sed quamvis non miracula produceret, hoc habebat Socratis disciplina, ut per eam quis unice sic procederet, celeresque faceret pro studiorum gravitate progressus. Nam ut homo sic totus penitusque excoleretur, addiscenda ars erat una omnium longe difficillima, ut semetipsum cognosceret. Socrates autem interrogando proponendisque quaestionibus gravioribus intrus sollicitabat in adolescentibus animum, ut amor excitaretur veri, convertebatque eos ad semetipsos inveniendos et judicandos: unde pudor, quem oboriena subito in genis rubor prodebat identidem. Semel autem ita et studio discendi inflammati et ipsi semetipsos corrigentes, perque semetipsos optimis quibusque et artibus et doctrinis studentes, cum progrediebantur facile, tum illos faciebant progressus, qui, qualescunque tandem, ipsorum indoli naturaeque essent congrui. Cavisse autem vide-

videtur Socrates magis, ne corrumpere ingenia intempestivo emendandi studio, quam, ut eximiis quibusdam facultatibus elucerent, studuisse. Καὶ τοῦτο ἐναργῆς, ait in praeclara illa μαγευτικῆς descriptione, ὅτι παρ' ἐμοῦ οὐδὲν πώποτε μαθόντες, ἀλλ' αὐτοὶ παρ' αὐτῶν πολλὰ καὶ καλὰ εὐρόντες τε καὶ κατέχοντες. *Illud manifestum, discipulos a me accepisse nihil, sed ipsos a se et multa et praeclara didicisse.* ⁽¹⁾ Videtur hanc cautionem, hanc abstinentiam, qua profecto nihil est docenti difficilius, divinitus sibi datam esse, existimasse: certe suo ipse genio retinendi avertendique, non concitandi vim tribuebat. ⁽²⁾

In tota hac Platonis de vera institutione doctrina, quae sint Socrati, quae ipsi Platoni propria, quae item e Pythagorae et Pythagoreorum placitis ducta, tum nobis quaerendi erit locus, quando criticam sumus philosophiae Platonicae disquisitionem instituturi. Nunc id agimus unice, ut lectores in hujus philosophiae interiorem rationem inducamus; quo illa pertinebunt maxime, quae de eloquentia, quam probavit Plato, monebimus. Animadvertendum autem hoc loco videtur, eorum, qui in philosophando Platonem secuti sunt, vix quemquam fuisse, quin hanc philosophi doctrinam cum probaret vehementer, tum exponere et illustrare conaretur. De reminiscencia
ani-

(1) Theaet. 150. D. (2) Theaet. 151. A. Theag. 128. D. Max. Tyr. diss. XIV et XV.

animi suscitandisque rationibus olim perceptis, festive Maximus Tyrius sic disputat, ut praesentem conditionem nostram nocti, mentem autem imperatori conferat, milites dormientes e somno excitanti. Homerum sequamur, ait; fingamus noctem esse, quietemque in castris profundam, aliosque omnes ordine somno sepultos altissimo jacere:

Ἄλλ' οὐκ Ἀτρεΐδην Ἀγαμέμνονα, ποιμένα λαῶν,
ὕπνος ἔχεν·

Hic autem ordine omnes excitat, aciemque instruit. Τοιοῦτον ἡγοῦ καὶ περὶ τὴν ψυχὴν γίνεσθαι, νύκτα πολλήν, καὶ ὕπνον βαθὺν τῶν τῆς ψυχῆς νοημάτων τὸν δὲ λόγον αὐτὸν, τὸν τρατηγὸν ὄντα ἢ βασιλέα ἢ ὃ, τι περ ὀνυμάζων χαίρεις, ἐπιόντα τούτων ἕκαστον καὶ ἐπεγείροντα καὶ συντάττοντα. Κάλει δὲ τὸν μὲν ὕπνον, λήθην, τὴν δὲ ἀνάσσειν αὐτῶν ἀνάμνησιν, μνήμην δὲ τὴν φυλακὴν καὶ τὴν σωτηρίαν τῶν συνταχθέντων. Tale quid existima et in animo fieri nostro, noctem videlicet somnumque in eo, qui cogitationes ejus opprimat, oboriri profundum: rationem autem imperatorem esse, aut regem vel quodcumque eam appellare velis, qui singulos adeat, somptos excitet, excitatos ordine disponat. Somnum ipsum oblivionem, excitationem e somno reminiscen-
centiam voca; curam vero conservationemque eorum, quos jam ordinavit ratio, memoriam. ⁽¹⁾ Obstetricandi autem artem ut ingeniose idem cum justa

(1) Max. Tyr. diss. XVI. p. 299.

in disciplina comparat ⁽¹⁾, ita Plutarchus hanc cooperationem ex ipsa Platonis mente in Platonismo quaestionibus explicat. „Vide vero, ne nullæ operæ studioque digna fuerint reliqua et carmina et doctrinae, et orationes oratorum, et decreta Sophistarum, quae gignere Socratem Deus prohibuit: quam vero solam existimabat Socrates sapientiam, quae in rebus divinis et intelligibilibus versatur, quamque amatoriam appellabat, hujus in hominibus nulla sit generatio nec inventio, sed reminiscentia. Ὅθεν οὐδὲν εἰδίδασκε Σωκράτης, ἀλλὰ διδιδόσθαι ἀρχὰς ἀποριῶν, ὥσπερ ὠδὴν, τοῖς νέοις, ἐπείγει καὶ ἀνέκλει καὶ συνεξήγει τὰς ἐμφύτους νοήσεις· καὶ τοῦτο μαριευτικήν τέχνην ἀνόμεζεν, οὐκ ἐντιθέσθαι ἔξωθεν, ὥσπερ ἕτεροι προσεκοιοῦντο, νοῦν τοῖς ἐντυγχάνουσιν, ἀλλ' ἔχοντες οἰκεῖον ἐν ἑαυτοῖς, ἀτελεῖ δὲ καὶ συγκεχυμένον καὶ δεόμενον τοῦ τρέφοντος καὶ βεβαιούντος ἐπιδεικνύουσιν. Quapropter nūl docuit Socrates, sed causas dubitationum, tamquam dolorum partus, juvenibus adhibens, excitabat, commovebat, provocabat insitas notiones: eamque obstrictam vocavit artem, quippe quae non extrinsecus, quod alii prae se ferebant, intelligentiam discantibus inferret, sed ostenderet eam ipsi innotam esse, sed imperfectam, confusam, indiligenter nutritore et confirmatore. ⁽²⁾ Caeterum tres enumerare Platonis disciplinas solebant Platonici, τὴν ἠρωτικήν, τὴν μουσικήν, τὴν διαλεκτικήν: has quidem

(1) Ib. p. 292. (2) Plut. Quaest. Plat. 1. p. 1080. E.

dem Plotinus. ⁽¹⁾ Proclus autem τῇ μαιευτικῇ substituit τὴν μαιευτικὴν. Nec sane inepte iis singulis in philosophiae progressionem suas partes tribuit hoc modo: διὰ μὲν γὰρ τῆς ἐρωτικῆς πρὸς τὸ καλὸν ἀγνοῦμεθα· διὰ δὲ τῆς μαιευτικῆς σφόδρς ἔκαστος ἡμῶν ἀναφαίνεται περὶ ὅν ἐστιν ἀμαθής, τοὺς ἐν πύτῳ προβάλλον περὶ τῶν ὄντων λόγους· διὰ δὲ τῆς διαλεκτικῆς καὶ μέγρι τοῦ ἀγαθοῦ τὴν ἀνοδὸν εἶναι φησιν ὁ ἐν τῇ Πολιτείᾳ Σωκράτης τοῖς φιλοθεάμοις τῆς ἀληθείας ⁽²⁾. Per amatoriā enim artē ad pulcrum eductumur: per obstetriciā sapiens unusquisque positum in iis evadit, quorum est ignotus, quaestiones sibi proponens de iis, quae sunt: per dialecticā vero ascensionem ad summum bonum esse, Socrates docet in Politiā iis, qui verum spectare amant. Quod quale sit, patebit nobis deinceps.

Duas explicare studuimus in philosophia veri quaestiones sane quam gravissimas, alteram, *quid sis discere: quid sis docere*, alteram: quam illa nos duxit ad veri amorem, animis nostris insitum, omnis cognitionis fontem: haec nobis

(1) Plot. de pulcr. p. 19. ed. Creuz. Cf. Editor praepar. ad Plot. p. CIV. seq.

(2) Procl. in Alcib. I. 27. de ἀναμνήσει et μαιευτικῇ V. Creuz. ad Cic. de N. D. III. 22. et ad Plot. de pulcr. p. 186. 405. 539.

his percipiendam praebeuit Socraticae disciplinae ubertatem, quae tota item ex eodem hoc fonte ducta est. Nam utriusque explicationem quaestionis non aliunde, sed, duce Platone, e nobismet ipsis, ex animi nostri naturâ hauriendam putavimus. Quibus explicitis tandem, suspicari jam nobis licet, quae sit secundum Platonem eloquentia vera, quae justa scribendi ratio, hominum generi fructuosa: ducendam enim utramque ex iisdem esse Socraticae disciplinae principiis, intelligimus facile. Sed eo priusquam progrediar, respicere juvat in durum istud et *ἀμύμονον* hominum genus, qui ingredientibus nobis hoc iter ad veritatem, ipsum aditum occludere conabantur. Clamitabant isti, nec veritatem esse nec veritatis amorem: opinionibus nos duci et studio opinionum, quas qui eloquentissime et multitudini et juventuti proponeret, hunc de utraque optime mereri. Nos vero haud morati illorum cavillationes, iter nostrum placide constanterque persecuti sumus, et huc jam progressi, quid de scientiâ et opinione, quid de Protagorae effato, mensuram omnium rerum hominem esse, existimandum sit, nondum perspicimus; sed hoc et perspicimus et intimo animo persentiscimus, esse nobis naturâ inditum veritatis amorem: et quâvis sit magna et praeclara cum eloquentia istorum, tum disserendi subtilitas, nisi hunc excitent in animis amorem, sic juvenes efficiant, ut sua sponte progrediantur, vanam illam esse et supervacaneam, In-

Indignamur autem, imo vero ridemus hominum illorum absurditatem. Nam similes sunt iis, qui contendere audeant, coecis se oculis visum imposituros esse: quo sane nihil fingi ineptius absurdiusque possit. Nos vero, homine interius explorato, ut veri amorem in ejus animo, ita *ἀγνων*, sensum quemdam veri agnovimus, oculum mentis, quo uno veritas, id quod est, conspici potest. Illis igitur cedimus, ut infinitis habendis orationibus et sibi et auditoribus placeant, frustra que laborent, ut hac ratione discipulis sapientiam, ut coecis visum, imponant: nos mentis curabimus oculum, ut, hoc purgato restitutoque, mens per illum scientiam et veritatem adsequatur: quo doctrinae valebunt maxime, cum aliae, tum geometria et dialectica. — Sed in itineris confecti recordatione lubentissime sane cum Platonis attendimus in explorandâ naturâ hominis sagacitatem, tum singularem inprimis Socratis rationem. Unus ille in tota Atheniensium civitate ei se objiciebat studio, quo omnes ducebantur vehementissime: erat hoc autem studium eloquentiae. Nam quicumque vel literis doctrinisque operam navabant, vel in republica ad honores contendebant, per unam maxime eloquentiam ad principatum in his studebant pervenire. Ipse adeo populus cum in foro, tum in castris nihil habebat suavius potiusque, quam oratores audire copiose ornatèque dicentes. Quo fiebat, ut duceretur plane ab his, aptissimoque hi nomine *δημαγωγοί*

μῆτις appellaretur. Socrates autem tantum aberrat, ut abriperetur hoc studiorum cursu cum caeteris omnibus, excellentissimis etiam hominibus, ut unus subsisteret, unus huic flumini et quasi torrenti resisteret, unus auderet contendere, perniciosum esse rei publicae hoc eloquentiae studium, eoque perniciosius, quo majus, quo excellentius haberetur, unus ipsos adoriretur et demagogos et sophistas, quamque intus essent pravi corruptique, publice aperiret. Sed, quod nobis quidem magis etiam admirabile videtur, unus fuit idem ille Socrates, qui ipsi, quam contemnere videbatur, eloquentiae, suam maxime et vim indeceret et auctoritatem conciliaret: imo vero id efficeret, eo certe valeret plurimum, ut in Demosthenis eloquentia vis illa aliquando et *δυνάμις* existeret, qua is totam Graeciam commovit virtutisque ardore incendit. Id autem ut explicetur plene, ut disciplina Socratica, quā fuerit ubertate, et in ipsa republica, in gravissimis reipublicae negotiis auctoritate, pateat, simulque quam Socrates, quam Plato praesertim *veram* esse *eloquentiam* duxerit, intelligatur, ex altioribus quibusdam principiis res repetenda nobis et declaranda est. Patebit vero in hoc in primis tractando argumento, quippe ampliore et illustriore, qualem quantamque habeat in rebus humanis vim et efficacitatem *veri amor*.

De

*De dicendi ratione,
quam, per Platonem, Socratis peperit
disciplina.*

Eloquentia, nisi a philosophia quasi succum et sanguinem duxerit, ipso Platone iudice, ⁽¹⁾ inane est et iudicium negotium, verbis constans, destitutum rebus. Itaque tum demum effloruit viguitque Athenis, postquam Periclis aliorumque ingenium sapientiae studio imbuerat Anaxagoras, sublimis philosophus, cui et Socrates debuit multum et hoc debuit Euripides, ut una cum eloquentia philosophiam in scenam produceret. Quod item et Plato vidit et comprobavit posterius. Videtur, ait in Phaedro Socrates, haud sine causa Pericles in eloquentia perfectissimus exstitisse.

Πᾶσαι ὅσαι μεγάλαι τῶν τεχνῶν προσδέονται ἀβολεσχίας καὶ μετεωρολογίας φύσεως περί· τὸ γὰρ ὑψηλόν τούτο καὶ τὸ πάντη τελεσιουργικὸν ἐντεῦθεν ποτὲν εἰσιέναι· ὃ καὶ Περικλῆς πρὸς τῷ εὐφυῆς εἶναι ἐκτίησεν· προσπεσὼν γὰρ, οἶμαι, τοιοῦτον ὄντι Ἀναξαγόρῃ, μετεωρολογίας ἐμπλησθεὶς καὶ ἐπὶ φύσιν νοῦν τε καὶ ἀνολίας ἀφικόμενος, ὃν δὴ περί τὸν πολὺν λόγον ἐποιεῖτο Ἀναξαγόρας, ἐντεῦθεν εἴλκυσεν ἐπὶ τὴν τῶν λόγων τέχνην τὸ πρόσφορον αὐτῇ ⁽²⁾. *Magnas quaelibet artes uberioribus indigent ac sublimioribus de natura disceptationibus: hinc enim mentis sublimitas*

(1) et

11-115b

(1) Phaedro 269 et 270. Cf. Cic. Orat. c. 4. (2) Phaedr. 270. A. Cf. Plut. in Pericle init. et Cicero Orat. c. 4.

- et vis efficax in quavis re perficiendâ obtingere homini videtur: quod Pericles ad ingenii acumen adjunxit. Nam incidens, credo, in hujusmodi rerum indagatorem, Anaxagoram, sublimium rerum studio imbutus atque ad naturam mentis amentiaeque procedens, in quibus multus erat in sermonibus Anaxagoras, hinc ad dicendi artem traxit, quaecunque ei essent consentanea. Sed Pericles sic est a philosopho institutus, ut singulare et inusitatum inveniret dicendi genus, cujus quae forma fuerit, ex orationibus intelligitur, quae apud Thucydidem exstant ⁽¹⁾; quae vero fuerit in civitate, belli Peloponnesii temporibus, auctoritas, ipsa hujus belli historia docet ⁽²⁾. Haud dissimilis fuisse ratio videtur, qua deinde Demosthenes ad novum, sed illustrius etiam, dicendi genus pervenerit. Socratem non vidit: audiveritne Platonem, incertum est; sed hoc constat, Platonis eum scripta legisse, quibus sane legendis non minus, quam ipso audiendo Socrate, μαθητικῆς Socraticae rationem percipere potuit. Legit autem eum summo studio, admiratione summâ, ut Cicero testatur. Lectitavisse, ait, Platonem studiose, audivisse etiam Demosthenes dicitur: idque apparet ex genere et granditate verborum: dicit etiam in quadam epistola hoc

(1) Wytttenb. praef. Selector. p. XII. (2) Thucydides II. 55-55. Cf. Cic. Orat. c. 9. Ab Aristophane ποῦτα fulgere, tonare, permiscere Graeciam dictus est.

hoc ipsum de sese ⁽¹⁾. Nec vero id, nostro quidem judicio, ex *granditate verborum* tantum, sed multo etiam evidentius ex toto Demosthenis apparet dicendi genere, quod mirum in modum Socraticum est et Platicum. Nam quum principis hujus Oratoris scripta cum caeterorum, qui praecesserunt, orationibus comparamus, in illis quidem naturae vim et persuasionem agnoscimus, admiramur etiam rerum humanarum perspicientiam, interiorum naturae humanae pervestigationem: admiramur cum his conjunctam orationis vim singularem et sublimitatem; sed quascunque tandem legamus sive in Thucydidis historia, sive apud ipsos oratores orationes, ne vel Aeschine etiam excepto, Demosthenis aenulo, desideramus in illis omnibus, quam ipsa desideravit antiquitas, *δεινότητα* illam, quam vocabant Graeci, quaeque uni fuisse propria Demostheni videtur. ⁽²⁾ Erat haec autem in Demosthene ejusmodi, ut Socratis referret *παρρησίαν*, libere sententiam diceret de gravissimis reipublicae causis, nec principibus in civitate viris nec ipsi populo parceret, si quidem sive dolo illi, sive hic ignorantia et levitate peccasset, salutem omnino publicam spectare unice, suam aliorumque vix cogitare videretur. Sed accedebant alia, inprimis Socratica. Non libere tantum et patriae ductus amore dicebat publice, sed

πα-

(1) Cic. Bruto c. 31. Cf. Orat. c. 4. Plut. in vita Dem.
c. 2. (2) Dionys. Hal. περὶ τῆς Δημ. δεινότη.

pari cum prudentiâ et vero *benivolentiâ*. Novit
 rat ille penitus Atheniensium animos, perspece-
 rat, quibus maxime vitiis laborarent, quibus item
 virtutibus excellerent: ista reprehendebat omni
 opportunitate, has identidem celebrabat. Falsis
 eos praejudicatisque opinionibus liberabat, ut ipsi
 viderent, quid civitati, quid ipsis maxime essen-
 utile: quoque magis hoc sequerentur, veri amo-
 rem, qui inest hominibus, inest in primis homi-
 num concionibus, suscitabat et alebat. Est in
 virtutibus Demosthenis talis omnino simplicitas,
 qualis in omnibus est Socratis sermonibus. Nul-
 lus orationis ornatus, studium nullum commen-
 dandae probandaeque sententiae suae: ut mirentur
 multi, qui recens ab aliorum lectione oratorum,
 recentiorum maxime, ad eum accedunt, mirentur
 igitur, nec flosculos se apud illum, nec imagi-
 nes, nec illa omnino reperire, quibus lucet splen-
 detque unice multorum oratio. Haec autem sim-
 plicitas ipsius veri habet significationem: *ἀπλότης*
γὰρ μῦθος τῆς ἀληθείας ἐστίν: et valet magnopere
 ad veri in animis studium excitandum: valet ve-
 ro maxime, quo pertinet inprimis eloquentia, ad
 persuadendum. Sed uti sic mentem hominum ve-
 ritatis luce illustrabat, ita *benivolentiâ* eorum ani-
 mos movebat sibi que conciliabat. Invehitur subin-
 de in totum populum Atheniensem et tanto im-
 petu et ardore, ut indignationi ira videatur ac-
 cedere; nec tamen odisse eum poterant cives sui.
 Oratores quidem et demagogi vindictam spirabant,

Ig-

Ignorabant enim vel videre volebant, benevolentia cum in cives ductum, sic in hos succensere: quod dixit Socrates in *μαιευτικῆς* descriptione, sophistas illos respiciens, quibus frustra mederi studuerat; πολλοὶ γὰρ ἤδη πρὸς με οὕτω διετέθησαν, ὥστε ἀταχνῶς δάκνεν ἐτοιμοὶ εἶναι, ἐπειδὴ τινὲς λήρον αὐτῶν ἀφαιρῶμαι, καὶ οὐκ ὄνται ἐν ἐλπί τοῦτο ποιῆν' πρόβω ὄντες τοῦ εἰδέναι, ὅτι οὐδεὶς θεὸς θύσους ἀνθρώποις, οὐ δ' ἐγὼ θυνοίμ' τοιοῦτον ὅστις δὲν δρῶ· ἀλλὰ μοι ψεῦδος τε συγχωρήσεται καὶ ἀληθὲς ἀφανίσαι, οὐδαμῶς θέμις. *Hoc plane fuit Demosthenicum et hinc illa virtus cum παρρησία, iam in primis δεινότης. Nam deus nō videbatur eratque audientibus non vultu, non voce, non verbis, non sententiis, non impetu, non studio permovendi et contentione: haec aures oculosque tangunt; sed effectus orationis in audientium animis, sed auleis quos in his relinquebat, sed sensibus quos intus in unoquoque commovebat, quibusque incallescere se incendi que sentiebant qui adstabant audientes. Itaque commovebat hac eloquentia civitatem Atheniensium totam, et; una cum hac, totam fere Graeciam. Nam quiescere nemo poterat, qui sic*

(1) Theaet. 161. C. Hanc *σβυσίαν* habens utitur in orationibus profitetur Demosthenes, in primis *de Corona* inquit. Propriam hanc Demosthenis in dicendo virtutem nuper in populari descriptione, *Brieven over het Hooger Onderwijs, uitgegeven stadaai*, p. 281.

intus afficiebatur, sic oculis fere videbat pessimè
ae egisse socordiâ, sic imo pectore et patriae amo-
re et praeclarorum facinorum studio inflammaba-
tur. Quo factum, ut solus Demosthenes sola
eloquentiae facultate plus per complures annos effice-
re ad tuendam et servandam Graeciam, quam ad
domandam Philippus astutiâ, dolis, praemiis, pe-
cuniis, exercitibus, classibus diceretur. Quodsi
jam sit, qui quaerat, unde haec divina sit in
Demosthene dicendi vis et facultas repetenda,
sibi eam debuit profecto oratorum princeps, ut
sibi omnes debent excellentes viri excellentiam
suam: et, nisi sic ille natus ad eloquentiam fuis-
set, ut fuit ad philosophiam Socrates, tantam
habere in rempublicam vim, quantam hic habuit
in philosophiae studia, non potuisset. Sed So-
crati debuit orationis disciplinaeque exemplum,
quâ unâ efficacissime, quidquid intus in homine
est, suscitatur, idemque ad hoc exemplum vide-
tur naturalem eloquendi facultatem acuisse, ex-
coluisse et vero uni adhibuisse reipublicae sa-
luti.

Non imitatus dicendo est sive Socratem sive
Platonem Oratorum summus: id in tantum ingenium
non cadebat; sed quod colloquendo cum juveni-
bus in ipsorum animis effecerat Socrates, ut apud
Platonem reperiebat, id ille, his ipsis imbutus
Socraticae disciplinae principiis, quum ad dicen-
dum se dedisset, in universi populi animis efficie-
bat sponte. Erat hoc autem ejusmodi, ut pude-
ret

ret audientes ignorantiae atque socordiae suae, quaeque generosi pudoris vis est, excitarentur virtutis studio, ipsoque hoc studio ad praeclara suscipienda facinora adducerentur. Spectaverat disciplina Socratica honestatem, verecundiam, liberalitatem, omnino, quod appellare solebat, τὸ καλὸν: quodsi legimus Demosthenem, vix ullam absolverimus orationem, quin nosmetipsos sentiamus pulcri honestique amore inflammatos: quod et sensisse veteres videntur, cum eas legerent, et caussam habuerunt vis illius et efficacitatis stupendae, quam ejus eloquentia in Athenienses, in ipsos adeo Thebanos habuit. Panaetius, sic scriptas esse plerasque ejus orationes, animadvertit, ὥς μόνον τοῦ καλοῦ δι' αὐτὸ αἰρετοῦ ὄντος, ⁽¹⁾ ut qui decernat, honestum propter se ipsum esse expetendum: duxisse eum cives οὐ πρὸς τὸ ἡδιστον ἢ ῥᾶστον ἢ λυσιτελέστατον, non ad illud, quod aut jucundissimum, aut facillimum, aut utilissimum esset, ἀλλὰ πολλαχοῦ τὴν ἀσφάλειαν καὶ τὴν σωτηρίαν οἶεται δεῖν ἐν δευτέρᾳ τάξει τοῦ καλοῦ ποιεῖσθαι καὶ τοῦ πρέποντος, ⁽²⁾ sed identidem securitatem atque salutem postponendam censet honesto et decoro. Quo quantum valuerit apud homines etiam timidos, ignavos, quique animos desponderent plane, quales Thebani erant post belli Phocensis clades, Theopompus enarrasse diserte videtur, cujus haec verba servavit Plutarchus: ἡ δὲ τοῦ

(1) Plutarch. vita Dem. c. 12.

(2) Eod. l.

τοῦ ῥήτορος δύναμις ἐκκρίζουσα τὸν θυμὸν αὐτῶν καὶ
διακαίονσα τὴν φιλοτιμίαν, ἐπεσκόπησε τοῖς ἄλλοις
ἕκαστω, ὥς τε φόβον καὶ λογισμὸν καὶ χάριν ἐκβαλεῖν
αὐτοῦς, ἐνθουσιῶντας ὑπὸ τοῦ λόγου πρὸς
τὸ καλὸν. *At hujus vis oratoris, quae excita-
bat animos eorum et incendebat ad gloriam, ob-
staculo sit omnibus reliquis: ut quasi lymphati,
quod gratiam ejus rari ad honestum, metum,
rationem, gratiam abjicerent.* ⁽¹⁾ Scilicet id in-
primis e Socratica disciplina hominum animis ad-
hibebat, ut non tantum gratificaretur eorum sen-
sibus studiisque, sed ne vitis adeo eorum parce-
ret: fateretur adeo palam: ὑμεῖς ἐμοί, ᾧ ἄνδρες
Ἀθηναῖοι, συμβούλῳ μὲν, κὰν μὴ θέλητε, χρήσεσθε
συκοφάντῃ δὲ, οὐδὲ ἐὰν θέλητε. *Vos me, Athenien-
ses, consiliarium habebitis, etiamsi nolitis; calum-
niatorem vero, etiamsi vel maxime velitis, non
habebitis.* ⁽²⁾ Omnino, ut Socrates, ita ille, quod
ait Plutarchus, in omni oratione apparet μετὰ
παρήσιας μάλιστα τῷ δήμῳ διαλεγόμενος, καὶ πρὸς τὰς
ἐπιθυμίας τῶν πολλῶν ἀντιτείνων, καὶ τοῖς ἀμαρτή-
μασιν αὐτῶν ἐπιφυόμενος: *libere praesertim ad propo-
situm egisse, reluctans plebis lubidini, peccataquo-
ejus insectans.* ⁽³⁾ Sed nos haec accuratius explo-
randa lectorum studiis relinquimus, qui hinc sua
sponte intellexerint Anaxagoreae et Socraticae phi-
losophiae diversam plane in eloquentiam efficacia-

tem.

(1) Plat. I. I. c. 18.

(2) Plat. I. I. c. 14.

(3) Plat. I. I. c. 14.

rem. Sublimior erat illa: haec popularior; illa excellentis ingenii hominibus conveniebat: haec placebat omnibus. Ex illa profecti sunt oratores, qui acumine ingenii iudiciiue subtilitate excellere, sed ea essent eloquentia, quae rerum gravitate magis, quam copia orationis et perspicuitate commendaretur: cuius rei testis est tota Thucydidis historia. E Socratis vero disciplina Xenophontae fluxerunt orationes, quae exempla omni aeo habitae sunt perspicuitatis, suavitatis, elegantiae: fluxerunt historica scripta cum Xenophontis, tum eorum, qui hujus imitari dotes studuerunt, Ephori, Arriani, evidentia sane singulari Thucydidem superantia. Fluxerunt, quae omnium primum et maxime memoranda erant, Platonis scripta, quem omnium qui umquam scripserunt, eloquentissimum iudicavit Cicero. Sed Socraticae scholae eloquentia ut plane in lucem prodiret, Oratore erat opus, qui, instar Periclis, vel praecesset civitati, vel totus certe esset in rebus civilibus versatus. Talis plane Demosthenes fuit, idemque sic toti excitandae commovendaeque Graeciae Socraticam adhibuit philosophiam, ut ante eum Atheniensium regundae civitati Anaxagoream adhibuerat Pericles.

Eloquentiam nunc ipsam spectamus: de Rhetorica alius nobis deinceps erit dicendi locus. Verumtamen ne hoc etiam loco haec prorsus omitenda videtur. Nam, nisi artis intercedat studium, existere a philosophia eloquentia non potest. Itaque

que quae ex Anaxagorae philosophia manavit eloquentia, ad artis formam diligentiamque ab Antiphonte adacta est, Thucydidis praeceptore, cui gratus discipulus debitas laudes retulit: Ἀντιφῶν, ait, ἀνὴρ Ἀθηναίων τῶν κατ' ἐαυτὸν ἀρετῇ τε οὐδενος ὕστερος, καὶ κράτιστος ἐνθυμηθῆναι γενόμενος καὶ ἃ ἂν γνοίη εἰπεῖν ⁽¹⁾ Exstitit similiter Platonis aetate, qui ex novo, quod sophistae pepererant, philosophandi genere novam dicendi rationem informaret, Isocrates, Gorgiae discipulus ⁽²⁾: magnus item orator, omnium vero, qui artem eloquentiae tractarunt, longe princeps et celeberrimus. Hujus viri quam late patuerit vis in omne literarum genus, e Cicerone intelligitur. Ecce tibi exortus est, ait, Isocrates, cujus e ludo, tamquam ex equo Trojano, meri principes exierunt; sed eorum partim in pompa, partim in acie illustres esse voluerunt. Itaque et illi, Theopompi, Ephori, Philisti, Naucratae multique alii naturā differunt: voluntate autem similes sunt, et inter sese, et magistri: et ii, qui se ad caussas contulerunt, ut Demosthenes, Hyperides, Lycurgus, Aeschines, Dinarchus aliique complures, etsi inter se pares non fuerunt, tamen sunt omnes in eodem veritatis tutandae genere versati ⁽³⁾. Quod idem aliis ver-

(1) Thuc. VIII. c. 68. Cf. Ruhn. Opusc. Vol. I. p. 149.

(2) V. Cic. de Senect. c. 5. (3) Cic. de Orat. II. 22. de Ruhnkenii conjectura Opusc. Vol. I. p. 535. Vulgo legitur *in eodem veritatis imitandae*. Cf. id. ad Rutil. II. 6. p. 92.

verbis iterat: Exstitit igitur jam senibus illis Isocrates, cujus domus cunctae Graeciae quasi ludus quidam patuit atque officina dicendi, magnus orator et perfectus magister, quamquam forensi luce caruit, intraque parietes aluit eam gloriam, quam nemo quidem, meo iudicio, est postea consecutus ⁽¹⁾. Scilicet Isocrates non totus erat a sophistis ad philosophiam informatus, erat in ipsius ingenio philosophia quaedam. Quod Socratem, certe Platonem non fugit, unde hic illum in Phaedro sic de eo vaticinantem facit: Νέος ἔτι, ὦ Φαῖδρε, Ἰσοκράτης· ὁ μέντοι μαντεύομαι κατ' αὐτοῦ, λέγειν ἐθέλω. — Δοκεῖ μοι ἀμείνων ἢ κατὰ τοὺς περὶ Λυσίαν εἶναι λόγους, τὰ τῆς Φυσέως· ἔτι δὲ ἤθει γεννικωτέρῳ κεκράσθαι ἄνευ οὐδὲν ἂν γένοιτο θαυμαστὸν προϊούσης τῆς ἡλικίας, εἰ περὶ αὐτοὺς τε τοὺς λόγους οἷς νῦν ἐπιχειρεῖ, πλεον ἢ παίδων διενέγκοι τῶν πρότε ἀψαμένων λόγων· ἔτι τε εἰ αὐτῷ μὴ ἀποχρήσαι ταῦτα, ἐπὶ μείζω δὲ τις αὐτὸν ἄγοι ὁρμῇ θειοτέρα. Φύσει γὰρ, ὦ φίλε, ἐνεστὶ τις φιλοσοφία τῇ τοῦ ἀνδρὸς διανοίᾳ ⁽²⁾. Quem locum praeclarum sic Latinis verbis expressit Cicero ⁽³⁾. *Adolescens etiam nunc, o Phaedre, Isocrates est; sed quid de illo augurer, lubet dicere. Quid tandem? inquit ille. Maiore mihi ingenio videtur esse, quam ut cum orationibus Lysiae comparetur. Praeterea ad virtutem major indoles: ut minime mirum fu-*

(1) Cic. Bruto. c. 8.

(2) Phaedro 278 E. 279 A.

(3) Orat. c. 13.

jurum sit, si, cum aetate processerit, aut in hoc orationum genere, cui nunc studet, tantum, quantum pueris, reliquis praeestet omnibus, qui umquam orationes attigerunt, aut, si contentus his non fuerit, divino aliquo animi motu majora concupiscat. Inest enim natura philosophia in hujus viri mente quaedam. Profecit ab hoc excellentissimo dicendi magistro Demosthenes. Nam, quamvis Isaeum audivit, τὰς Ἰσακράτους τέχνας, ut ait Plutarchus ⁽¹⁾, clanculum nactus est: et hinc in ejus orationibus apta illa partium distributio, sententiarum elegans forma, numeri oratorii, dotes caeterae, quibus ipsae se commendant superstitibus Isocratis orationes. Verumtamen animadvertisse haec nobis e Rhetoricae historia sufficit ad iudicandum dicendi genus, quo usus est Demosthenes, ad ipsum Oratorem iudicandum, ad declarandam δεινότητάς illius causam, quae movit civitates Graecas virtutisque amore inflammavit, non sufficit. Si, ut Aeschines caeterique fere oratores omnes, e solis profecisset rhetorum scholis, his cunctis similis orator exstisset, certe hanc, qua omnibus praestitit, vim et virtutem in ejus oratione non admiraremur. Id efficere nec Isocratis τέχνας, quamvis elaboratae, nec placita sophistarum, quamvis ingeniosa, potuerunt, una effecit potissimum Socratis philosophia, ut traditam expressamque in Platonis scriptis reperiabat, quae

(1) Plut. vita Demosth. c. 2.

quae angutiis sophistarum et civilitationibus rota esset opposita, et vero sanae incorruptaeque eloquentiae exemplum praeberet. Dicam quod sentio: quae scripta a Platone est ad causam Socratis defendendam *Socratis Apologia*, τὴν ὁρῶν: haec plane est eloquentiae Demosthenaeae.

Videtur jam Plato ipse vim percepisse philosophiae Socraticae ad veram eloquentiam, quum producere eam in tribunal tentaret faceretque Socratem pro iudicibus dicentem. Forma dicendi sermonem refert plane familiarem, quamquam perpicua est, et, licet ornamentis haud commendata oratoriis, apta, elegans, unaque in paucis ad animos hominum tenendos efficacissima. Nam ab ipso inde exordio amor veri, quo vel inviti capiuntur mortales, in oratore apparet. Isti, ait, nihil veri dixerunt, ὑμεῖς δ' ἐμοῦ ἀκούετε τοῦ πᾶσι τὴν ἀλήθειαν. Videmur nobis hominem audire candidum, probum, mirae simplicitatis; sed acerrimum eundem veri justique vindicem, justum propositique tenacem: benivolum in primis in cives suos, nec tamen adulantem illis, immo reprehendentem graviter, si quid socordia commiserunt, quod civitatis ipsorumque saluti noceret: per totam se vitam, ait, in mediis civibus viventem, ad honestatis eos studium excitasse, iisque, ut equis magnis et generosis, sed paullo inertioribus calcar adhibuisse: id enim se sibi mandatum a Deo fuisse arbitratur. Refert nobis tota oratio virum, quem propter veri justique amorem et erga
cives

cives benivolentiam amemus; admiremur autem simul et suspiciamus propter excelsos pectoris sensus animique constantiam, quam ut factis probaverat turbulentis reipublicae temporibus, ita nunc verbis proficitur. Sic enim se res habet, Athenienses, ait, ἀληθεὶς οὐδ' ἂν τις ἑαυτὸν τάξῃ ἢ ἡγησάμενος βέλτιον εἶναι, ἢ ὑπ' ἀρχοντος ταχθῇ, ἐνταῦθα δέ, ὡς ἔμοι δοκεῖ, μένοντα κινδυνεύειν, μηδὲν ὑπολογιζόμενον μήτε θάνατον μήτε ἄλλο μηδὲν πρὸ τοῦ αἰσχροῦ ⁽¹⁾. Quo quisque in loco vel semetipsum constituit, arbitratus id optimum esse, vel a superiore iubetur consistere: in eo, ut mihi videatur, permanere cum oportet periculumque subire, nec mortem, nec aliud quidquam magis, quam, quod turpe est, reformidantem. Quamobrem, ἐγὼ, inquit, ὑμᾶς μὲν, ὧ ἄνδρες Ἀθηναῖοι, ἀσπάζομαι καὶ φιλῶ, πείσομαι δὲ μᾶλλον τῷ θεῷ ἢ ὑμῖν, καὶ ἕως μὲν ἐμπνέω καὶ οἶός τε ὧ, οὐ μὴ παύσομαι φιλοσοφῶν καὶ ὑμῖν παρακελευόμενός τε καὶ ἐνδεικνύμενος, ὅτῳ ἂν αἰεὶ ἐντυχάνω ὑμῶν, λέγων οἷα περ εἶωθα ⁽²⁾. Ego vos quidem, Athenienses, diligo et amplector, Deo vero magis, quam vobis, parebo: et quamdiu spirabo viresque suppetent, philosophari non desinam; adhortans vos et praeicipiens, in quemcunque incidere vestrum, quae dicere consuevi. Quid plura? Ita Socratem, ut ille ait, pro se ipsum dicentem audimus; ut non simplex aut reus, sed magister aut dominus videretur

(1) Apol. Secr. 28 D.

(2) Id. 29 D.

tur iudicium. Quid alii sentiant, ignoro; sed ego, quotiescumque et hanc lego Socratis apud Platonem orationem, et lectâ illâ, Demosthenis reputo dicendi genus, quod pariter subinde dialogum refert et sermonis familiaris imitationem habet ^ω et vero spirat ubivis pariter honestatem et virtutem: toties Platonicae et Demosthenae si minus artis, certe eloquentiae admiror similitudinem: in Socrate apud Platonem, cives suos monente, averte a vitiis, excitante et convertente ad virtutis studium, imaginem mihi conspiciere videor, quam dicendo expressit Demosthenis: spirare adeo dicam

(1) Exempla huius rei in proximis afferemus. Quodâi Aeschines alique id similiter factitarunt, in Demosthene unice patet Socratica in his et Platonica ratio. Platoni item Cicero debuit, quod in Catilinariis tantam fere in legentium animos vim habet ac plane est Platicum. *Nunc te patria — odit et metuit — quae tecum, Catilina, sic agit et quodammodo tacita loquitur: nullum aliquot jam annis facinus exstitit, nisi per te. — Superiora illa, quamquam ferenda non fuerunt, tamen, ut potui, tuli; nunc vera me totam esse in metu propter te unum — non est ferendum. Quamobrem discede atque hunc mihi timorem eripe.* — *Haec si tecum, ut dixi, patria loquatur.* — Simile enim in Platoni Critone legum et τοῦ σοφοῦ τῆς πέρας cum Socrate colloquium exstat 60. A. Quod autem candorem illum Socraticum attinet, operae pretium est cum Critone et Apologia comparare Demosthenae orationis de coronâ prooemium.

cam in Demosthenis orationibus Socraticae Platonicaeque philosophiae genium.

Verum redimus ad singularem illam et miram profecto, quam memoravimus, Socratis rationem, qui idem maxime et eloquentiae se opposuit studiis, et studia eloquentiae excitavit, pariterque et invectus est in oratores, et oratores summos, ipsum Demosthenem, disciplinā suā excoluit. Scilicet perversam exagitabat saeculi sui cum sophistarum, tum oratorum eloquentiam, qui nullam habentes veritatis, nullam justitiae rationem, quod maxime esset falsum injustumque, id oratione multitudini proponere ut verissimum justissimumque contenderent. Quorum propositis opinionibusque confutandis proprios sibi insitosque veri justique sensus explicuit: quo sponte ejus oratio copiosa fiebat et persuasionis plena. Pectus enim est, quod disertos facit. Itaque sic loquitur in Platonis Gorgia, ut, quod Cicero animadvertit, in oratoribus irridendis ipse esse orator summus videretur. ⁽¹⁾ Sed ut in eosdem sophistas et oratores *ἐλεγκτικὴν* suam adhibebat, qua oculis omnium subiciebat vanitatem horum hominum et impudentiam, ita artem docuit oratores germanos, qua populo repraesentarent intimos quosque demagogorum et tyrannorum sensus, unde mirabiliter sane profecit Demosthenes: cumque eo inprimis haec ars valeret, ut veritatis

vir.

(1) De Orat. I. c. 11.

virtutisque amorem in hominum animis excitaret, ex hac profecto una omnium maxime fructum capere eloquentia debuit. Hoc sibi munus dicit in *Apologia* Socrates, ut modo audivimus, a Deis esse datum, ut in Atheniensium civitate populum quasi stimulis et calcaribus ad optimarum rerum studia excitaret: quibus verbis expressit et quasi varicinatus est philosophus, quid summus ex ejus schola orator in eadem aliquando civitate esset facturus. Sensit sane aliquando Macedo, quis esset quamque efficax ad excitandos adversus tyrannos cives Demosthenese orationis stimulus et calcar.

Num temporibus istis convenerit eloquentia Demosthenis: quid item de hujus et Phocionis politicis consiliis existimandum sit, hic non quaerimus. De eloquentia viri et *Δεινότητι* agendum erat. Miretur autem aliquis, non ita haec perapexisse Dionysium Halicarnassensem ⁽¹⁾, nec ipsum adeo Ciceronem sic, ut fecimus, a caeteris oratoribus distinxisse Demosthenem. Sed aliter fere rhetores de scriptis judicant, aliter oratores et philosophi: illi orationis formam attendunt, hi vim interiorum exquirunt diligentius. Itaque in Demosthene Socratem et Platonem agnoscere, Dionysio erat difficillimum; facilius Ciceroni; quippe qui et orator et philosophus erat. Et vero in illo ad

Bru-

(1) Περὶ Διμ. Δεινότη. cf. in Ep. ad Pomp. ? (?)

Brutum de perfecti oratoris forma libello idem haud obscure significavit. Nec latius, ait, nec copiosius de magnis variisque rebus sine philosophia potest quisquam dicere. Si quidem etiam in Phaedro Platonis hoc Periclem praestitisse caeteris dicit oratoribus Socrates, quod is Anaxagorae physici fuerit auditor: *quod idem de Demosthene existimari potest: cujus ex epistolis intelligi licet, quam frequens fuerit Platonis auditor.* ⁽¹⁾ Caeterum quantum ipse Platoni debuerit, ubivis fateatur, tum in eodem hoc libello. Ego autem, ait, et me saepe nova videri dicere intelligo, cum pervetera dicam, sed inaudita plerisque: *et fateor, me oratorem, si modo sim, aut etiam quicumque sim, non ex rhetorum officinis, sed ex Academicis spatiis exstitisse.* Illa enim sunt curricula multiplicium variorumque sermonum, in quibus Platonis primum impressa sunt vestigia. — Omnis enim ubertas et quasi sylva dicendi ducta ab illis est. ⁽²⁾ Veruntamen rhetorum Graecorum lectio, quibus a teneris imbutus fuerat Cicero, alio videtur ejus mentem abduxisse.

*De eo, quod in eloquentia
est summum.*

Eo pertinuit tota haec disputatio nostra, ut,
quam

(1) Orat. c. 4.

(2) Orat. c. 3.

quam maxime cum Socrates, tum praesertim Plato probaverit eloquentiam, perspiceremus. Quod sane, nisi Socraticâ perspectâ disciplinâ intelligi non potest: patere autem eo manifestius videtur, quo ipsam apud Graecos eloquentiae historiam exploraverimus diligentius. Sed licet nobis ex eadem disputatione alia item efficere. Efficimus, quid Cicero spectaverit, quum esse contenderet oratorem perfectum, sine studio philosophiae, non posse: ⁽¹⁾ efficimus, quid causae esse praecipue videatur, ut, prouti Demosthenes apud Graecos, ita apud Romanos idem hicce Cicero eloquentiae principatum obtinuerit. Est scilicet omnino arcta quaedam, ut ille vidit, philosophiae et eloquentiae necessitudo: ipse autem a tenerâ aetate praestantissimos Athenis philosophos audiverat, et vero, unde fructum percepit ad bene dicendum uberiores etiam, nocturnâ diurnâque manu scripta versaverat Platonis: quibus sic caput est, ut Socraticum se et Platicum fatetur, sic, iisdem legendis, Socraticâ et Platicâ philosophiâ imbutus est, ut, si quis Romanorum alius, ipse nobis dicendus Romanorum Plato videatur. Hunc in modum institutus, his quasi alimentis pastus et corroboratus, quum inesset ei naturâ facultas dicendi admirabilis quaedam, superare facile caeteros oratores, quamvis disertos, potuit, quibus talis defuisset institutio. Sed,
quo

(1) Cic. Orat. c. 3 et 4.

quo plenius id intelligamus, quo perspiciamus interius, quae de Platonis sententiâ vera eloquentia, quid omnino in ipsâ eloquentiâ summum sit, vis nobis philosophiae ad bene dicendum ex ipsis philosophiae principiis declaranda est: erit autem ipse nobis Plato, in hac praesertim disquisitione, dux et magister optimus.

Nam ut Apologiâ ille scribendâ, scribendo item Menexeno, exemplum dedit sanae incorruptaeque eloquentiae, ita in Phaedro praesertimque in Gorgiâ ex intimâ philosophiâ eloquentiae principia duxit. In Gorgia autem datâ operâ demonstravit, nisi insit oratori philosophia, propositumque is in dicendo habeat magnum, praeclarum tantâque arte dignum, levem inanemque esse, quin etiam abjectam et civitati perniciosam eloquentiam omnem. Itaque ut haberet, quorum sententiae suam ipse sententiam opponeret, principes quosdam sophistas cum Socrate colloquentes induxit, Gorgiam, Polum, Calliclem, qui nec veri nec justum ullam habentes rationem, vulgi solum auram captare dicendo studerent. Et primum quidem Gorgiam de artis natura disserentem fecit. Nam postquam more suo Socrates, quid esset eloquentia, quidque is profiteretur, qui se eloquentem diceret, quaesiverat, sic Gorgias ad has quaestiones respondet, ut esse dicat artem dicendi *πειθοῦς δυνάμιον* ⁽¹⁾, *persuasionis effectricem*, oratores autem ap-

(1) Gorg. 453 A.

appellet, qui verbis possint cum in iudicio iudicibus, tum in senatu senatoribus, tum in comitiis et in quibuslibet concionibus civium auditoribus persuadere ⁽¹⁾. Hic Socrates, quo magis de hac viri opinione artisque natura et proposito summo constaret, visne, inquit, duò ponamus persuasionis genera, alterum sine scientia fidem praestans, alterum vero scientiam? — Sit ita. — Utram vero persuasionem eloquentia affert in iudiciis aliisque coetibus de justis injustisque rebus? ex qua homines sine scientiâ credant, an ex qua sciant? — Patet: ex qua audientes ad fidem adducantur. — Ergo, ut videtur, persuasionis artifex eloquentia est, quae credulitatem potius quam scientiam de justo et injusto praestat ⁽²⁾. Haec et alia similia ut concesserat Gorgias, Socrates deinde, quodsi, inquit, nihil habet cum scientia eloquentia commune, ars non est, sed sit oportet ἐμπειρία τις peritia quaedam, uti v. c. coquinaria res non ars est, sed peritia ejus quod gratiam voluptatemque habet. Sic eloquentia, quam vos vocatis, gratiam quidem voluptatemque hominibus parit, ars vero appellari non potest. Non dico, idem esse rem coquinariam et eloquentiam; sed ejusdem studii particulas esse aio. Quodsi quaeritis, cujusnam sint studii particulae, pudet referre, ne Gorgiae ego artem comicorum videar ratione ridere. Δοκεῖ τοίνυν μοι, ὦ Γοργία, εἶναι τι ἐπιτήδευμα, τεχνικὸν μὲν οὐ, ψυχ

ῥηκ

(1) Gorg. 452 E.

(2) Gorg. 454 E. 455 A.

χῆς δὲ εὐχαριστικῆς καὶ ἀνδρείας καὶ φύσει δεινῆς
 προσομιλεῖν τοῖς ἀνθρώποις· καλῶ δὲ αὐτοῦ ἐγὼ
 τὸ κεφάλαιον, κολακέϊαν ⁽¹⁾. *Videtur mi-*
hi esse studium quoddam, non quidem arte con-
tentum, sed ingenii sagacis, artisque naturæ et po-
tentis ad hominum sibi consuetudinem concilian-
dam: summam autem ejus et caput ap-
pello adulationem. Hinc efficit, tantum
 abesse, ut, quæ summis in coelum laudibus ef-
 ferri solet dicendi ars, digna his laudibus sit,
 ut ne ars quidem dici debeat et vero ad gravis-
 simum pertineat hominis detrimentum. Nam quid-
 ni pertineat, ait, cum studii pars sit omnium vi-
 lissimi abjectissimique, *adulationis*? Fingit, his
 ita explicitis, Socrates sive *μυθῶν* sive apologum
 de adulatoria arte, quo totam in luce ponit So-
 phistarum calliditatem ac perversitatem. Sunt qua-
 tuor sive artes sive res, inquit, rebus humanis
 perutiles et necessariae, quarum duae corpori,
 duae animo prospiciunt: illae sunt *gymnastica et*
medicina, hae, illis *ἀντιστροφῶι*, *legislatoria et jus-*
titia: unum est harum omnium commune consi-
 lium, ut hominem efficiant omni parte perfectum
 absolutumque. Quod sentiens Adulatoria, haud
 sciens quidem, nam nihil habet cum scientia com-
 mune, sed conjectans, in quatuor semet partes
 divisit, induitque has res artesque singulas, ut
 esse singulatim videretur, quarum omnium spe-
 ciem assumserat. Ita accidit; quod nunc fieri vi-
 de-

(1) Gorg. 462 B. 463 A.

demus, ut ab hominibus usurparetur pro gymnastica *fucatrix*, pro medicina *coquinaria* peritia, in primis vero et ad summum hominis detrimentum pro legislatoria coleretur σοφιστική, pro justitiā *δηροπική*. ⁽¹⁾

Hac Plato festivissima disputatione vulgarem sui aevi perversamque eloquentiam perstrinxit: nec vero pepercit in eodem dialogo superioris etiam saeculi oratoribus, Miltiadi, Themistocli, Cimoni, ne ipsi adeo Pericli, quem in Phaedro laudaverat. Quod ut quis miratur forte, mirata certe rem antiquitas est, ita quaeramus necesse est, quae tandem illa eloquentia sit, quam, de ipsius sententia, oratorum adhuc attigisset nemo. Vulgo duci oratorum vituperatio illa, quam datā operā orationibus refutavit Aristidēs Rhetor, ex odio Platonis in politicos viros solet; ego vero rem paullo altius et ex ipsis Platonicae philosophiae principiis repetam. Haud aliis equidem caussis tribuo, quod praestantissimos hos oratores vituperavit philosophus, quam iisdem illis, quibus adductus, in civitatem non admisit Homerum. Quod quo diligentius exploraverimus, ita de perfecto oratore Platonis existimabimus verius.

Audivimus Gorgiam, qui, quam inane, quam homini perniciosum esset, quo ducebatur, eloquentiae studium, a Socrate coactus est confiteri; nunc Calliclem audiamus, qui suā sponte in phi-

(1) Gorg. 464 B.

philosophiam invehitur, ut rem utilem pueris, sed viris qui res acturi in civitate gravissimas sunt, cum inutilem prorsus tum indecoram. Venusta res philosophia est, o Socrates, ait, si quis eam modice in ipsa adolescentia tractat; quodsi diutius in ea, quam necesse est, versatur, hominum est perniciēs ⁽¹⁾. Nam quamvis sit quis bono naturā ingenio praeditus, tamen, si per provectiorem etiam aetatem philosophatur, necessario omnium rerum inperitus fiet, quarum peritum esse oportet virum, qui moribus honestus et clarus in civitate erit. Nam et legum illi ignari sunt reipublicae, et sermonum, quibus uti in consuetudine hominum publice privatimque decet, et vero cupiditatum voluptatumque, quibus trahuntur homines, verbo, morum qui in aliis hominibus alii sunt, et ingeniorum: horum omnium prorsus sunt ignari. Quocirca quoties ad aliquam rem gerendam sive publicam sive privatam procedunt, ridiculi sunt, uti et politici sunt, credo, quum in vestras disputationes exercitationesque descendunt. — Sed optimum esse puto, utriusque esse participem: philosophiae quidem, disciplinae causā, nec sane adolescentem philosophari dedecet: quodsi quis aetate jam provectior philosophatur, ridiculum id prorsus negotium est. Ego te, o Socrates, benivolentiā et amicitia pro-

sc-

(1) Convenit Attici apud Nepotem dictum: *philosophandum paucis: nam omnino non placet.*

sequor: ne igitur aegre feras velim, si libere sententiam dixerō. Nonne turpe tibi esse existimas, ita comparatum esse, quemadmodum et ceteros se habere arbitror, qui diutius, quam par est, philosophiam persequuntur? Nam si acciderit, ut vel te vel alium tui similem in carcerem quis duceret, dicens, te injusta peregis, quamvis non peregis, tu sane, quid ageres, quo te converteres, non haberes; sed, acsi vertigine laborares subito et oscitares, haud invenires quod diceres: tum in tribunal escendens, actorem nactus hominem vilem abjectumque, capitali, si ipsi videretur, supplicio plectereris. Atqui id, o Socrates, quomodo dici prudens sapiensque possit, si qua ars ingenuae mentis nacta virum, reddit deteriore, ut nec sibi ipsi ferre opem possit nec e gravissimis periculis se aut alium expedire, ab inimicis vero opibus spoliatur, prorsusque infamis in civitate vivat? Tali viro, nisi dictu sit agrestius, vel colaphum infligere impune licet. Sed mihi crede, o bone: cessa argutari et decora rerum studia capesse, quibus sapere videaris. ⁽¹⁾

Haec Callicles ingeniose sane, sed acerbe: cui mirā quadam ironiae vi respondet Socrates. Si aureum essem animum nactus, o Callicles, inquit, nonne putas lubenter me reperturum aliquem ex his lapidibus, quibus explorari aurum solet, optimum,

(1) Georg. 484 C. 486 D.

num, ad quem animum exigens meum, si ab ipso recte cultus institutusque probaretur, scirem, mihi sufficere, nec alia opus esse probatione? — Quorsum haec, o Socrates? — Dicam tibi equidem: nempe arbitror, cum te nactus fuerim, me jam desideratum istud negotium invenisse. — Quam ob causam? — Scio scilicet, si quidem tu mihi assenseris de iis, quae animus meus opinatur, haec jam unice esse vera. Nam sic judico, eum, qui recte cujus animum exploraturus est, utrum bene vivat an male, tria tenere oportere, quae in te omnia sunt, *scientiam, benivolentiam, dicendi libertatem*. In multos enim ego incidi, qui explorare me non possent, quod non essent, prouti tu, sapientes; alii sapientes quidem sunt, sed nolunt mihi veritatem dicere, quod non ita, ut tu, curam mei gerunt. Hospites autem hi, Gorgias et Polus, sapientes quidem sunt mihique benevoli, sed deest iis dicendi libertas, suntque verecundiores, quam deceat: nam quidni sint, quippe qui eo processerunt verecundiae, ut, per pudorem, audeat uterque eorum sibimet ipse multis coram hominibus, idque de rebus maximis, contraria dicere. Tu vero haec omnia tenes, quibus destituti sunt caeteri: esque rite excultus, ut multi facile dicant Atheniensium, mihique benevolus. Quod quia sim conjecturâ assecutus, dicam. Vos esse, Callicles, novi quatuor sapientiae socios, te, Tisandrum Aphidnaeum, Andronem Androtionis, Nausicydem Cholargeum. Cham
au-

autem vobis interfui, quum quatenus sapientiae studendum esset, inter vos consuleretis, novique, huiusmodi apud vos vicisse opinionem, non contendendum esse in philosophando ad ἀκριβειαν, *diligentiam*: adhortabamini vos invicem adeo, ut caveretis diligenter, ne ultra, quam deceret, sapientes facti, imprudentes corrumperemini. Ut igitur te audiui haec mihi suadentem, quod amicissimis tibi hominibus suasisti, indicium id mihi idoneum fuit, verissime te mihi benivolum esse. Caeterum libere te loqui nec verecundari, et ipse dicis et sermo tibi tuus, quem modo habuisti, assentitur. Sic igitur in hisce se res nunc habet: si quid tu mihi in sermonibus assensus fueris, exploratum hoc jam satis a te ac me esse, nec illud ad aliud esse examen exigendum: non enim assensus tu id esses neque sapientiae indigentiam, neque verecundiae abundantiam, neque vero decipiendi causam: amicus enim mihi es, ut ipse ais. Revera igitur meus tuusque consensus veritatis habebit summum. Est autem pulcherrima rerum consideratio, Callicles, de quibus me reprehendisti modo, qualem esse virum oporteat, quid studere et quatenus, cum seniore, tum juniore. Ego enim si quid in vita mea minus recte ago, scito non sponte me lubenterque errare, sed prae inscitiam scilicet meam. Tu igitur, ut monere me coepisti, ita ne desinas velim, sed plane mihi demonstra, quid illud sit, in quod mihi incumbendum videatur et quam illud viam consequar. Quod-

si

si me nunc quidem tibi assentientem habueris, postea vero non haec deprehenderis agentem, de quibus consensimus, stupidum me plane esse existima, nec umquam me deinceps, quippe perditum hominem, mone iterum. Sed ab initio rem repetamus. ⁽¹⁾

Haec Socrates ironice; sed idem deinceps serio et pro argumenti gravitate sententiam aperiens suam, sic veritatis justitiaeque, adde et philosophiae, caussam agit, ut, quam vanae sint istorum hominum cavillationes, quam contra gravis, quanta in civitate auctoritatis illa eloquentia sit, quae cum philosophiae sit studio conjuncta, cuiusvis persuadeat facile. Nam postquam sic Socrates hujus visi sapientiam, admirabilem scilicet illam, summis laudibus extulerat, ad hanc eum necessitatem interrogando cogit, ut decere fateatur oratores, meliores dicendo efficere cives. Ars nobis, ait, ⁽²⁾ haud visa est res coquinaria: est enim *ἐμπειρία* quaedam, *ἄτεχνος τριβή*: sed hoc demum artis nomine *medicina* dicenda est, quippe quae cujus curam habet, ejusdem et naturam explorat et caussas agendi exquirat, et horum omnium rationes sibi reddere potest: altera vero illa horum nihil inquit, quippe unice voluptati inserviens. Sed vide, num sint quaedam alia-similia studia, quae vero non corpus, sed animum spectant, partim cum arte conjuncta, ut animi

sa-

(1) Gorg. 486 D. — 488. B. (2) Gorg. 500. E.

salutem provehant, partim hanc negligentia prorsus, animi solummodo oblectationem respicientia? Mihi quidem, adjicit, esse quaedam, Callicles, videntur: statuo autem totum hoc negotium *κολακασίαν*, *adulationem* esse, sive animum, sive corpus, sive aliud quodcunque spectat, cujus voluptas respicitur, salus vero negligitur plane. Hinc de artibus quibusdam quaerit. Primum, ait, tibicinariam consideremus. Nonne haec tibi talis esse videtur Callicles? voluptatem persequi solum, aliud curare nihil? — Videtur. — Quid vero citharistica? quid chori? quid dithyrambica poësis? numquid tibi ea proferre videntur, unde qui audiunt meliores sint futuri? — Non videntur. — Quid vero praeclara illa atque admirabilis tragoediae poësis, quo spectat? eone contendit, ut spectatoribus gratificetur tantum? an vero, si quid illis gratum sit ac placeat, sed noceat, hoc ne dicat, cavet: si quod vero illis ingratum accidat, sed utile sit, sive eo delectentur sive displiceat illis, id tibi palam dicere et canere videtur? — Istud manifestum, o Socrates, ad voluptatem spectatoribus conciliandam inservire tragoediam. — Atqui omne illud modo, Callicles, *adulationem* esse pronuntiavimus. — Omnino. — Age vero, si quis ex tota poësi cum cantum, tum metrum, tum etiam rhythmum sustulerit, quid erit illud, quod restabit? nonne sermones? — Nihil aliud. — Hi autem sermones nonne ad turbam populumque habentur? Nonne poësis sit ic-

iccirco oratoria quaedam popularis? nonne forensis sit adeo eloquentia? An vero tibi aliud quid agere in spectaculis videntur poëtae, quam ῥητορεύειν? — Non aliud. — Nunc igitur invenimus nos eloquentiam, quae talem spectat populum, qualis pueris foeminisque pariter ac viris, et servis pariter ac liberis hominibus constat: quam non magnopere admiramur: κολακικὴν γὰρ αὐτὴν Φαμὲν εἶναι: *adulatoriam enim esse pronunciamus*. Quid vero illa eloquentia, quae ad populum Atheniensium caeterosque in aliis civitatibus populos, ingenuis civibus constantes, usurpatur, quid nobis haec est? Numquid tibi videntur oratores optimo dicere proposito, illuc intendentes aciem, ut quam optimi fiant per ipsorum sermones cives? An vero hi item gratificari civibus nituntur, et salutis suae studiosi, publicae negligentes, ut pueris utuntur populis, atque indulgere illis durat et placere conantur; utrum vero meliores ita an deteriores fiant, nihil curant? — Hic Callicles, aegre haec concessurus, non simplex est, inquit, quod nunc rogas: sunt enim, qui, quidquid dicunt, ad salutem civium dicunt: sunt vero etiam, quales tu narrasti. — Tum Socrates: at sufficit, ait: nam si et hoc genus duplex est, alterius totum negotium *adulatio* erit turpisque concionatio: alterius vero res pulcherrima, studere videlicet, ut quam optimi futuri sint civium animi, certatimque optima dicere, sive grata accidunt audientibus sive ingrata.

Sed

Sic Socrates, rejectis vilioribus quibusvis dicendi propositis, id, quod in eloquentia summum est, et distinguit ab his diligenter et unice laudat: quo sponte jam ipsi intelligimus, cur de pristinis Atheniensium oratoribus, de ipso adeo Pericle, minus praeclare existimasse videatur Plato. Hujusmodi, ait, orator nec hodie est, nec unquam fuit; quodsi quaeris, qualis sit, age, bonus vir, quique optimo consilio dicit, nonne procul abest, ut temere loquatur, sed aliquid respicit? Prouti caeteri artifices omnes, ad suum quisque opus respicientes, non temere eligunt, quod operi suo adhibituri sunt, sed ut speciem formamque habeat quamdam id, quod elaborant, enituntur: veluti, si pictores vis attendere, architectos, navium constructores, caeteros artifices omnes, quivis eorum in ordinem disponit singula, quae disponit, cogitque alia aliis quadrare et congruere, donec totum negotium apte ordinatum exornatumque constiterit. Id omnes artifices, et, quos modo diximus, puerorum educatores et medici agunt perpetuo, corpus fingunt ac componunt: sic autem et domus et navis et corpus hominis ut formam habitumque idoneum accepit, bene se habebit. Quid vero animus hominis? Corpus, quod bene se habet, *sanum* vocatur et *robustum*. Nonne ita animus, ordinem ornatumque consecutus, νόμου *legis* normam obtinebit, unde νόμιοι dicuntur et νόμοιοι: id autem est *justitia* et *temperantia*. Huc igitur respiciens orator ille, arte
in.

insignis et bonus, animis adhibebit sermones quoscumque dicit et facta sua omnia: idemque sive concedat quid sive neget, illuc semper intentam mentem habebit, ut civium animis iustitia insit, absit iniustitia, temperantia insit, absit intemperantia, caeteraeque virtutes insint omnes, discesserint vitia. ⁽¹⁾

Hujusmodi est, quem Plato quaerebat, orator verus, qui non gratificaretur civium lubricinibus, sed ipsos efficeret dicendo meliores: non dicendi quadam dote se commendaret, sed totus esset per germanam philosophiam ad virtutem et sapientiam conformatus. Ad cuius speciem cum principes, quos Athenae tulerant, oratores exigeret, tales non reperiebat. Pericles, ait, mores civium non tantum non emendavit, sed corripuit: caeteri, Miltiades, Themistocles, Cimon, si non corruerunt, tamen non emendarunt Athenienses: nam si cives suos reapse, quod boni politici et oratoris officium est et munus, meliores fecissent dicendo, haud sane ab iis vel poenis affecti vel e civitate ejecti fuissent: ⁽²⁾ quamobrem ministri civium, civitatis διακονοι fuerunt seduli et diligentes, sed πολιτικοι, quales esse oportet qui civitatem dicendo agendoque bonam justamque efficiant, non fuerunt.

Quid ad perfectum informandum Oratorem conferre debeant, auctore Platone, disciplinae gravio-

(1) Gorg. 501. A. — 504. E. (2) Gorg. 505. C, 515. D.

viores, praesertim dialectica, infra docebimus; sed hoc loco, ubi de veri amore agimus, qui cum justitiae veraeque virtutis studio conjunctissimus est, interiora perspicere Platonis consilia conemur, quum eloquentiam informaret cogitando, quae et regeret rempublicam totam et ad veram praestantiam felicitatemque esset provectura. Haud recepit in eam, ut supra vidimus, celeberrimos poëtas, ne ipsum adeo poëtarum principem, Homerum: nam frustra in eorum carminibus vitae quaesiverat rationem, quam secutae civitates ad virtutem honestatemque proficerent. (1) Similiter in optimis, qui adhuc fuerant, oratoribus sapientiam desideraverat, quae ad optimam civitatis administrationem postularetur. Scilicet, ut poësin, ita eloquentiam Plato novam inducere studuit, quae, si inter mortales appareret aliquando, summorum illis bonorum fons esset futurus uberri-
mus. Illam spectabat, ut modo diximus, quae non adularetur civibus, sed eos emendare niteretur, non gratiam apud eos inire et gloriam reportare studeret, sed suam esset virtute contenta, quaeque tantum abesset, ut, quod Callicles spectare sive solum sive maxime videbatur, ipsius prospicere oratoris cum famae tum saluti studeret, ut hic vel a civibus ad mortem condemnatus, nec mortem timeret, et, in ipso vitae periculo, ad emendandos illorum animos pro veritate
et

(1) De Rep. X. Cf. quae diximus, Vol. I. p. 142.

et justitiâ dicere sustineret. Hac nobis Socratem utentem proposuit Plato, ut vidimus supra, ⁽¹⁾ quum pro iudicibus diceret: eandemque eundem in Gorgia hoc dialogo sic describentem fecit, ut, quid ipse sentiret, ipsius verbis exprimeret. Amens sim re vera, o Callicles, ait Socrates, nisi putarem, in hac unumquemque civitate id subire, quod ipsi forte eveniat; illud autem certo scio, si quando in iudicium venero, de rebus periclitaturus, quas tu dixisti, improbum esse futurum, qui me accusaverit. Nam inson-tem hominem quis tandem accuset probus? Nec vero esset mirum, si condemnarer morte. Visne tibi dicam, quam ob causam haec ita expectem? Arbitror, me cum paucis Atheniensibus, ne dicam solum, vere incumbere in res politicas easque solum eorum, qui nunc sunt, tractare. Quamobrem, cum non ad gratiam apud cives in-eundam dicam, quoties dico, sed spectem quod optimum, non quod dulcissimum est, nec velim praeclara illa, quae modo enarrasti, facere, haud sane habebō equidem quod in iudicio dicam. Idem de me usurpandum, quod Polo dixi: judi-cabor scilicet, ut a puerulis judicaretur, accu-sante *coquo*, *medicus*. Vide enim, quid hujus-modi homo tales nactus iudices, diceret, si co-quus eum in hunc modum accusaret: *multis vos, o pueri, vir hicce gravissimis malis affecit:*
cum

(1) p. 98.

eum vosmet ipsos, tum natu minimos e vobis corrumpit, quippe secando, urendo, attenuando, suffocando efficit, ut quo quis se vertat, quid respondeat, nesciat: tum vero amaros praebet potus: esurire vos et sitire cogit: non, prouti ego multa vobis suavia et varia praebens, pascam vos et oblecto. Quid putas medicum, his circumventum periculis, dicturum esse? Dicetne, quod verum est: haec ego omnia vobis, pueri, ut salutifera, adhibui? At vero quantum putas iudices istos reclamatu- ros esse, nonne vehementer? — Vehementer sane. — Nonne igitur eum putas, in summa trepidatione consilii inopia, quo se modo defendat, non repertum esse? — Omnino. — Idem vero mihi, scio, si in iudicium traheretur, eveniret. Nam voluptates, quas iudicibus prae- buissem, quasque illi beneficia utilitatesque vocant, commemorare non possem: ego adeo nec qui praebent illas laudo, nec quibus praebentur. Quodsi quis vel iuniores me diceret corrumpere, ad angustias eos colloquendo adigentem, vel seniores reprehendere, acerbius in eos sive privatim sive publice dicentem, ne hic etiam mihi, quod verum est, dicere licebit: ego haec omnia iuste, iudices, et dico et ago, vestrum in his commodum, non aliud respiciens. Quamobrem haud sine causa, quicquid fors tulerit, id patiar. Hic Callicles, videturne vero tibi, o Socrates, bene se habere in civitate homo, qui si bimet ipse esse praesto nequit? Cui Socrates,

H

mo-

modo hoc habeat, o Callicles, repōit, quod tu saepius mihi es assensus, ut in eo sibi praesto fuerit semper, quo neque in homines neque in deos sive dictis sive factis injustus fuerit. Sic sibi praesto esse, saepe mihi assensus es praesidium esse optimum. ⁽¹⁾ Si quis igitur convincat me, non posse me hoc praesidio vel mihi vel aliis praesto esse, puderet me mei, sive inter multos, sive inter paucos, sive etiam solus a me ipso, huius rei convincerem. Huius si praesidium jacturam, mortem subire cogerem, rem ferrem aegre; sin vero *κολακικῆς ῥητορικῆς adulatoriae istius eloquentiae* imperitiā morerer, certo scio equidem, facile me mortem subiturum. Morī enim veretur nemo, qui quidem non plane est rationis expertus vecorsque, sed injuste is agere veretur: nam animo peccatorum referto in orcum migrare, omnium est malorum summum. ⁽²⁾

Constat hinc, opinor, satis, quae sint eloquentiae, auctore Platone, principia verissima; sed perspicitur simul, qualem is spectaverit, quae eloquentiae vim et impetum daret, *philosophiam*. Illa est, quae veri justique amore continetur, nec tantum ad vitae cultum sive ad vitam bene beateque agendam, sed ad mortem adeo, immortalitatis spe, contemnendam pertinet. Hanc spirat
phil-

(1) ————— *Hic murus athenicus esto:
nil conscire sibi.*

(2) Gorg. 521 D. — 522. E.

philosophiam cum totus hic dialogus Platonis, ejus vim et propositum declarare studuimus, (1) tum *μῦθος* in primis, quem is dialogo adjecit. Nam Socrates his dictis, audi jam, inquit, o Callicles, quod ajunt, pulcerrimum sermonem: quem tu quidem esse fabulam existimaveris, ego autem verum sermonem habeo: nam sunt verissima, quae tibi sum enarraturus. Narrat igitur de alio quodam judicio, longeque ab illo diverso, quod unum memoraverat Callicles, in quo res judicantur non viventium, sed mortuorum, nec talis obtinet eloquentia adulatoria, qualem praedicant vulgo in Atheniensium judiciis, sed ipsa auditur veritatis justitiaeque vox. Fuit, ait Socrates, cum in illo item judicio male judicaretur. Nam haec quidem antiquitus sub Saturno de hominibus lex fuit, vigetque ea etiam nunc apud deos, ut quisquis hominum juste sancteque vixisset, postquam esset mortuus, in beatorum insulas migrans summa illic felicitate, malorum expers, viveret: qui vero injuste impieque, in vindictae suppliciique carcerem quem tartarum vocant, abiret; sed hujus judices judicii sub Saturno nuperque etiam sub Jove cum *viventes* erant, tum *viventes* judicabant, eo judicantes die, quo hi morituri erant: quamobrem illi injuste judicabant. Quod cum Pluto quique insulis beatorum praesunt, animad-

(1) V. de hoc dialogo, quae nuper prodit, elegans disputatio Sybrandi. Harlem. 1829.

advertissent, adierunt Jovem conquestique sunt, homines ad se in utrumque locum ventitare hac conditione indignos. Ad quos sic Jupiter: ego vero, inquit, finem his imponam. Nunc enim male judicia administrantur: nam vesiti, non nudi, judicantur homines, quippe qui vivi judicantur. Multi iccirco, inquit, pravos habentes animos, corporibus sunt pulcris, itemque genere et divitiis induti, et, quum instituitur judicium, crebri ipsis testes adsunt, testimonio probaturi, juste illos vixisse. Judices igitur percelluntur hisce: tum vero ipsi judicant vestiti, oculos quippe auresque et totum corpus tamquam animi tegumenta habentes: haec igitur illis omnia judicandi impedimenta sunt, cum ipsorum, tum eorum, quos judicant, tegumenta. Primum igitur, inquit, huic rei finis imponendus, ut ne mortales mortem suam praevideant: nunc enim praevident: mandatum hoc autem jam Prometheo est, ut huic rei finem imponat: tum vero judicare eos oportet his omnibus nudos: nam mortui judicandi sunt: judicem item nudum esse decet, mortuum, ipso animo ipsum animum hominis, simulac mortuus est, explorantem, quum is cognatis omnibus destitutus est, omnemque illum apparatus in terra reliquit, ut justum sit judicium. ⁽¹⁾

Haec Jupiter: — sed nobis non enarrandum
por-

(1) Gorg. 522. E. — 525. E. V. Heindorf ad h. l., qui eum recte interpretatus videtur.

porro est, quod fecit Socrates, quo modo in his
judiciis disposuerit pater deorum omnia: perspe-
xisse nobis ex his suffecerit, unius agi veritatis
justitiaeque causam in Socratis et Platonis phi-
losophia. Verum quo magis, quam illi hinc du-
xerint eloquentiam, quidque in ea summum sit,
videamus, adjicimus huc Socratici sermonis finem.
Ego igitur, o Callicles, ait, hisce sum rationibus
commotus, idque specto, quemadmodum integro
sanoque animo coram iudice appariturus sim. Re-
pudiatis igitur vulgi honoribus, veritatem respi-
ciens unice, operam dabo, ut, quoad ejus fieri
possit, o ptimus hominum et vivam, et, quum
moriendum est mihi, moriar. Cohortor autem et
caeteros homines, quantum possum, et vero te
vice mea, ad hanc vitam, hoc certamen ineun-
dum, quod ego omnibus praestare certaminibus
dico. Exprobro autem tibi molliem, si quidem
tibimet ipse non esse praesto potueris, quando
judicium instabit et dijudicatio, quam modo dixi;
sed veniens tu ad iudicem, Aeginae filium, post-
quam ille te in jus rapuerit, oscitabis ac labora-
bis vertigine, non minus quam ego hic, ita tu
illic: forteque quis tibi ad summum dedecus ala-
pam infliget omnique contumelia afficiet. Haec
tibi forte narrari, ut fabulae seniles quaedam,
videntur, tuque haec contemnis: nec vero mi-
rum sit, nos ea contemnere, si quidem quaeren-
do possimus his meliora et veriora invenire. Nunc

VE-

verò vides, cum tres viri sitis, omnium qui nunc sunt Graecorum sapientissimi, tu videlicet et Polus et Gorgias, non posse vos tamen demonstrare, alià esse ratione vivendum, quam eà, quae illuc conducere videtur. Imo vero in tot sermonibus, cum ceteri redarguti fuerint, solus hic remanet firmus, cavendum esse magis ne faciamus, quam ne patiamur injuriam, idque viro prae ceteris omnibus spectandum, ut bonus non videatur, sed sit, tam publice quam privatim: si quis autem malus quodammodo fuerit, esse puniendum, idque secundo loco bonum esse, fieri castigatione meliorem poenasque injustitiae luere: omnem praeterea *κολακείαν* *adulationem* erga ipsum et alios sive paucos sive multos, fugiendam esse: καὶ τῇ βητορικῇ οὕτω χρητέον ἐπὶ τὸ δίκαιον αἰεὶ καὶ τῇ ἄλλῃ πάσῃ πράξει· *arte denique dicendi omnique alio actionis genere justis semper causis utendum esse.* Mihi tu igitur fidem habens, sequere me illuc: quo cum perveneris, et vivus et mortuus beatus eris, quemadmodum sermo hic noster probavit. Contemnat te autem aliquis, ut stultum, et summà si velit injuria afficiat: tu vero, per Jovem, aequo animum vel colaphum, infamem plagam, perferas: nihil enim grave patieris, si revera honestus bonusque sis virtutemque exerceas. Postquam vero sic una eam exercuerimus, tunc, si tibi operae pretium esse videbitur, ad publica nos negotia conferemus, aut ad quod-

quodcunque nobis deliberantibus tum, quum melius deliberare poterimus, visum fuerit. ⁽¹⁾

Talis cum esset philosophia, qua et ipse imbutus Plato erat et scribens de eloquentia imbue-re oratores studebat, haud mirabimur profecto, vim in ejus scriptis exstare singularem plane, indeque oratores omnium gentium principes ad publice dicendum, ad causam veritatis ac justitiae propugnandam, ad vindicandam a tyrannorum consiliis patriae libertatem, profecisse maxime. Hinc profecto eloquendi facultas, quam in eo Quintilianus admiratur, *divina illa, ut non hominis ingenio, sed quodam videretur oraculo Delphico instinctus.* ⁽²⁾ Hinc autem pariter cum Demosthenis, tum Ciceronis in dicendo vis et auctoritas, quum uterque in civitatis suae hostes capitales, ille in Philippum, hic in Catilinam et Antonium, pro patria et virtute, haud sine vitae periculo dicerent. ⁽³⁾

De

(1) Gorg. 526. D. — 527. D. (2) Quint. Inst. Orat. L. X. c.

(3) Demonstravit nuper docte Bakius, errare, qui sive a Thucydidis sive a Platonis dicendi scribendive ratione genus dicendi Demostheneum ducerent. *Bibl. crit. nov.* Vol. V. P. I. p. 188. Rectissime vero ille. Nam ego in his philosophiam praecipue Socraticam et Platoniam spectavi; genus vero dicendi oratoris nec attingi nec attingam deinceps in proximis, nisi quatenus e philosophia illa fluxit. Monendum id duxi, ne dissentire a viro amicissimo viderer, quocum consentio lubentissime.

*De scribendi ratione, quae
prosit hominibus.*

Fuse egimus de eloquentiâ Platonis non unam ob causam. Nam, primum, locus hic est in ejus philosophia gravissimus, quoque idem perpurgatur diligentius, ita interius perspicui ejus philosophia potest: tum vero eloquentia apud eum proxime est cum Socraticâ disciplinâ conjuncta, ut, rite hinc ducta, lucem ei vicissim affundat. Sed id praeterea spectavit Plato, ut novum induceret eloquentiae genus, quod totum a veri justique amore repetitum, hunc amorem in hominibus excitaret aleretque, et sic unice esset civitatibus utile et salutare. Progrediendum nunc nobis ad disciplinas est, quibus idem ille amor veritatis indagandae arte excolendus est; verum ut dicendi, ita *scribendi* etiam principia nova quaedam Plato protulit, pertinentque haec imprimis eo, ut purissimos philosophiae, quae verum spectat, fontes indagemus. Quamobrem non committendum nobis est, ut hunc locum negligamus: tractandus adeo summâ diligentia videtur, cum propter ipsius in philosophia Platonis gravitatem auctoritatemque, tum etiam propterea, quod Platonicae doctrinae amantibus haud leves continuo difficultates objicit.

Nam occurrunt in scriptis Platonis nonnulla, huc spectantia, quae miretur quis continuo et ve-

ro

ro absurda putet: in his ipsius scribendi artis vituperatio, nocuisse eam hominum generi magis, quam profuisse: tum hoc praesertim, fateri Platonem in epistola, quae ipsi tribuitur, se nihil scripsisse, quae vero ipsius nomine ferrentur, Socratis esse. Disertis id verbis dicitur: διὰ ταῦτα οὐδὲν πάρεστι ἐγὼ περὶ τούτων γέγραφα· οὐδ' ἐστὶ σύγγραμμα Πλάτωνος οὐδὲν οὐδ' ἐστὶ· τὰ δὲ νῦν λεγόμενα, Σωκράτους ἐστὶ, καλοῦ καὶ νεοῦ γεγονότος ⁽¹⁾. Et quamvis hanc epistolam quis habeat non ab ipso Platone, sed a Platonico homine scriptam, unde id ille hauserit, quidque eo spectaverit, quaerendum videtur. Obstupescunt his homines, qui Platonem legunt, ut Aristotelem solent et hodiernos philosophos: dissertationes se tractare, quum dialogos legunt, arbitrantur, confunduntque cum cujusvis scriptoris rhetorisve divinum Platonis ingenium. Nos vero, age, novum illud exquiramus, (quod diximus), scribendi genus, quod unice probavit Plato, cujusque ad exemplum non dissertationes nescio quas, sed dialogos scripsit. Suppeditabit autem nobis illud, ni fallimur, Phaedri dialogi pars postrema. Sed primum de artis scribendi reprehensione disceptandum.

Utilis, ait Socrates illic, scripta oratio est admonitionis causa; quodsi ad cognoscendum destinatur, omne erit scribentis studium non inutile solum, sed noxium legentibus. Colloquio hoc effa-

(1) Epist. ad Dionys. II. 314. C.

effatum illustrat, quod habitum esse sive finxit sive accepit a Thamo, Aegyptiorum rege, cum literarum inventore, Theuth. Ut hic inventa praedicaverat sua, tamquam *sapientiae et memoriae remedium*, alter, o artificiosissime Theuth, inquit, alius quidem ad artis opera perficienda idoneus est, alius vero ad iudicandum promptior, quid emolumenti damnae sint utentibus allatura. Atqui et tu, literarum pater, propter benivolentiam erga illas et caritatem, contrarium, quam efficere possint, affirmasti. Nam illarum usus, propter recordationis negligentiam, oblivionem in animo discentium pariet: quippe qui externis literarum confidentes, monumentis, res ipsas intus animo non revolvent. Quamobrem non memoriae, sed admonitionis, οὐ μνημῆς, ἀλλ' ὑπομνήσεως Φάρμακον invenisti. Sapientiae quoque opinionem potius, quam veritatem discipulis tradis. Nam cum sine institutione multa perceperint, πολυγνώμονες esse videbuntur; erunt vero vulgo ἀγνώμονες et in consuetudine molesti, pro sapientia speciem sapientiae habentes, δοξασταί γερονότες ἀντὶ σοφῶν. Expressit hoc Thami sermone Plato magistri sui de sophistarum studio sententiam, qui libris scribendis sapientiam suam commendare studebant, ut ex iis intelligitur, quae his proxime apud eum adjicit Socrates. Ergo, ait, quicumque se putat ita artem aut mandare literis, aut mandatam suscipere, ut certum quid et firmum ex literis sit futurum, admodum ineptus est, si quidem plus in scriptis esse credat,

dat, quam ut scienti res ipsas, quae literis significantur, in memoriam revocent. Mirum id habet, o Phaedre, scriptura et picturae revera simile. Picturae enim opera tamquam viventia exstant; si quid vero rogaveris, verecunde admodum silent: *σεμνῶς πάνυ σιγᾷ*. Eadem est orationis scriptae ratio: putes aliquid ipsam tanquam intelligentem dicere; verum si sciendi avidus ab ea dictorum aliquid sciscitaberis, idem semper et unum significat, omnis praeterea sermo cum semel scriptus est, passim volvitur tam apud intelligentes, quam apud alios, quibus minime convenit, et nescit, quibus dicere oporteat, quibus non oporteat. — His adductus rationibus reprobasse videtur Socrates sophistarum in scribendo temeritatem, ipseque scripsisse nihil. Quodsi quaerimus, quid ille agendum philosopho putaverit, et quomodo Plato ad scribendos dialogos accesserit, id ex proximis huius sermonis locis patet. Scilicet in animis hominum scribere, non in libris, ut in tabulis, id philosophi putabat munus esse Socrates, alterum sophistae cujusdam sive rhetoris. Audiamus ipsum porro. Quid? ait, praeter scriptum sermonem nonne alium cernis, huius geminum, sed meliorem, potentiorum? — Quem tandem illum? — Eum, inquit, qui in animo discentis cum scientia scribitur: is demum sibimet ipse auxiliari potest et dicere et tacere apud quos oportet. Hic Phaedrus: *τὸν τοῦ εἰδότος λόγον λέγεις ζῶντα καὶ ἐμψυχον· οὗ ὁ γεγραμμένος εἰδῶλον ἂν τι λέγοιτο*

γοιτο δὴ ξίωας. *Scientis sermonem dicis viventem et animatum, cujus scripta oratio simulacrum aliquod non inepte nuncupabitur.* E qua sententia origo dialogi sponte ducitur. Sed pergat Socrates quod animo sentit explicare. Sermonem deinde, quem dixit, *viventem et animatum*, agricolae comparat per agros semina spargenti. Id mihi dic, quae-so, ait, mentis compos agricola, si quae habet semina, quae ipsi curae cordique sunt, quorum-que fructus capere avet, numquid in Adonidis hortulis quasi arans sedulo ⁽¹⁾, gaudebit hos spec-tans hortulos intra dies octo jam pulcros factos? An vero id festi cujusdam diei ludique gratia faciet, si quidem faciat: at, ubi serio agens, agri-culturae studium adhibuerit, seret, ubi convenit et satis sibi consecutus videbitur, si octo men-sium intervallo satio ipsius fruges protulerit? Hic Phaedrus: ita prorsus, o Socrates, ait, illa qui-dem ludens jocoque, ut dicis, haec autem serio faciet. Cui Socrates: hominem vero, justi hones-tique scientiam possidentem, agricola ineptiorem ad semina sua spargenda putabimus? — Omnium minime. — Non igitur studiose quasi in aqua scri-bet, atramento per calamum serens et usus ora-tione, quae nec sibimet ipsa auxiliari ratione, nec
alios

(1) Sic exprimere vulgatam lectionem studui, quam tue-tur Ast. ad Phaedr. p. 388. Forte pro ἀπὺν legendum ἀπὸν *irrigans*, ut sententia sit: *agricola — numquid ea serio in Adonidis hortis irrigans, gaudebit —*

alios docere verum potest. — Haud sane est consentaneum. — Hortos quidem literarum, ludī caussa, ut videtur, seret atque scribet; sed multo in his mea sententiā praeclarius est studium, ubi quis arte dialectica utens, ingenium nactus idoneum, sermones cum scientia plantat et seminat, οἱ ἑαυτοῖς τῷ τε Φυτεύσαντι βοηθεῖν ἱκανοὶ τε καὶ οὐχὶ ἄκαρποι, ἀλλὰ ἔχοντες σπέρμα, qui et sibi ipsis et satori suo afferre opem possunt, nec fructibus destituti sunt et semina reddunt. "Ὅθεν ἄλλοι ἐν ἄλλοις ἡθεσι Φυόμενοι τοῦτ' αἰὲ ἀθάνατον παρέχουσιν ἱκανοί. Unde in aliis ingeniis alii crescentes id cum summa varietate in perpetuum praestant, atque cum qui haec habet, beatissimum, quoad homini licet, efficiunt.

Sic Socratem inducere de summo philosophi munere disserentem germanum ejus discipulum decebat, qui quidquid identidem ab aliis suscepit, ad magistri id sententiam accommodavit. Dubito, magisne ex his verbis Socratica philosophia, an Platonis de scribendi arte sententia ducenda explicandaque sit: illud non dubium, quin, his lectis, quid de scriptionis apud eum vituperio, quid de effato illo, quod ei tribuitur, absurdo, ut videtur, se nihil scripsisse, quae vero ipsius nomine ferrentur, Socratis esse, existimandum sit, pateat jam nobis facillime.

Erat hoc Socrati proprium, ut vix quidquam sibi perficiendum susciperet, perficeret autem graviss-

vissima omnia. Infinitae numero et varietate edebantur ejus aetate philosophorum sophistarumque scripta, quibus ingenium sapientiamque suam stupenti multitudini ostendere et probare studebant: ipse scribebat nihil. Resonabat quotidie forum politicorum hominum orationibus, quibus ad summos in republica auctoritatis gradus escendebant: ipse, nisi coactus, numquam dicebat publice. Quae quo minus aggredieretur, non intempestiva retinebatur modestia, quae civem dedecet: quotiescumque ipsius vocem postulabat respublica, uti illo tempore, quo insana multitudo, a demagogis concitata, in cives insontes judicium erat pronunciatura, tum ille in senatu, in tota civitate unus erat, qui dicere pro justitia auderet. Sed pudebat virum magnum et ferme singularem, sponte ad dicendum prodire, quasi solus esset dignus, qui, tacentibus omnibus, audiretur: pudebat imitari sive sophistas, qui venditarent populo doctrinam suam, sive oratores, qui verum justumque, ipsamque rempublicam flocci facientes, dicendo inservire suae auctoritati, suae avaritiae quaerebant. Esse bonus et excellens virtute, non videri, volebat, nec vero detrectabat rempublicam. Non erat civis in tota civitate, qui civium saluti provehendae prospiceret magis. Alii peregrinari in alias terras, sive cognitionis, sive quaestus, sive oblectationis gratia: ille domi manere et ne excurrere quidem animi causa in terras vicinas: arbores, dicebat, nolunt me quidquam

quam docere, sed volunt hominum mores ⁽¹⁾...Itaque per totum ille diem versari in foro, in palaestris, in portu, in locis, ubi plurimi adessent: cum his confabulari de rebus civilibus et communibus, sed maxime de iis, quarum ipsi scientiam profitebantur. Haec vita erat: sic autem sophistarum vanitatem, politicorum hominum consilia, recondita, omnium errores et vitia in lucem proferbat: sic vero omnium maxime juventuti consulebat. Nam quod in Phaedro dicit, agendum esse philosopho, ut non libros edat, sed scribat in hominum animis, id ita factitabat, quasi ad hoc peragendum divinitus esset ad homines missus. Qualem autem quantumque inde fructum et ipse ceperit et in civitatem contulerit, illi norunt, qui ejus *μαθητικήν* perspexerunt et copiam attenderunt maximorum virorum, sectarum adeo illustrissimarum, quae ex ejus disciplina et sermonibus provenerunt.

Talis viri cum discipulus fuerit Plato, non est, quod miremur, alienum eum a dicendo scribendoque fuisse, negasse adeo, se quidquam scripsisse. Non quaerimus hoc loco de epistolae auctoritate, qua id negaverit: sive cui germana videatur, sive supposititia, id nemo dubitat, quin Platonice plane virum auctorem habeat: qui unde id doxerit, quid eo voluerit, nobis est quaerendum. Expres-
tiam

(1) Phaedr. 256 D.

tiam. Scilicet *scribere* intelligebat Plato illud, quod philosophi, quod rhetores, quod sophistae factitabant: librorum intelligebat scriptiōnem, quibus illi sapientiam scilicet suam includere et continere nitebantur. Id se perficere non potuisse fatetur: si potuisset, τί τούτου κάλλιον, αἶτ, ἐπέπρακτ' ἂν ἡμῖν ἐν τῷ βίῳ ἢ τοῖς τε ἀνθρώποις μέγα ὄφελος γράψαι καὶ τὴν φύσιν εἰς Φῶς πᾶσιν προαγαγεῖν; *quid hoc nobis in vita praeclearius actum esset, quam et hominibus scribendo magnam utilitatem praestare et naturam omnibus in lucem proferre?* Illud scilicet ῥητὸν οὐδαμῶς εἶναι ὡς ἄλλα μαθήματα· ἀλλ' ἐκ πολλῆς συνουσίας γιγνομένης περὶ τὸ πρᾶγμα αὐτὸ καὶ τοῦ συζῆν, ἐξαίφνης ὅλον ἀπὸ πυρὸς πηδήσαντος ἐξαφθὲν Φῶς, ἐν τῇ ψυχῇ γενόμενον αὐτὸ ἑαυτὸ ἤδη τρέφει. *Non est illud ullo pacto verbis exprimendum, ut aliae disciplinae, sed diuturna circa id ipsum consuetudine vitaeque conjunctione, subito tandem, quasi ab igne micante accensum lumen, in animo exoritur seque ipsum alit* ⁽¹⁾. Divina sententia, Socraticae congrua philosophiae, et, si qua alia, digna Platone. Nam haec proprie dialectica est, ut et re et nomine intelligitur, quam adhibere Atheniensium juventuti Socrates et Plato Dionysio studuit. Nec habet commentariis opus haec una verissima disciplina, quae communibus procedit sermonibus, scintillasque in animo suscitatur. Οὐδὲν γὰρ δεῖνόν, μὴ τις αὐτὸ

(1) Ep. VII. 341. C.

αὐτὸ ἐπιλάβηται, εἰάν ἄπαξ τῇ ψυχῇ περιλάβῃ πάντων γὰρ ἐν βραχυτάτοις κεῖται. *Non enim verendum, ne quis illud obliviscatur, si semel conceperit animo: nam omnium paucissimis continetur.* Commotis enim in animo, qui latent, igniculis, ardor, qui inde existit et quasi ignis semet ipse alit.

Sed dicat hic aliquis: scripsit tamen dialogos Plato, quos nunc legimus. Id vero, o bone, non negat in epistola illa auctor: dixit adeo, quae *ipsius* nomine scripta ferrentur, haec Socratis esse. Quod et vere pronunciavit: nam sunt omnino quae nobis scripta reliquit, Socratici sermones: et sane sic pronunciavit, ut, quid de ejus dialogis existimandum sit, declaraverit. Nam res profecto ita se habet: quae sive a Socrate sive ab aliis acceperat sive pepererat ipse, hac scribendi ratione posteris tradidit. Qua in re, quod de magistro diximus, nihil eum magni aggressum pollicitumque, maxima perfecisse, eandem agnoscimus in discipulo et simplicitatem et virtutem. Nam hunc in modum scripsit Socraticos sermones, ut, quam in Phaedro commendavit scribendi rationem, cum ipso scribendo Phaedro, tum caeteris scriptis expresserit: quodque effeci dixit familiari vitae consuetudine mutuisque sermonibus, id iis scribendis in animis lectorum effecerit. Quo factum, ut nullus fuerit in antiquitate philosophus, cujus scripta ad quodvis genus hominum veritatis virtutisque amore inflammandum valuerint magis, in

clarissimos autem scriptores oratoresque, in Demosthenem adeo et Ciceronem, tantam, quantam diximus, vim habuerint. Quo intelligitur, quid de novo scribendi genere, quod et invenit et frequentavit, augurandum sit. Sed hoc declarandum pluribus videtur: utque supra de eroticis philosophi sermonibus egimus, infra autem de dialecticis data opera sumus acturi, ita hoc loco universos praeceptando complecti, ut quid Plato scribendo spectaverit effeceritque, perspiciamus.

*Quid scribendo spectavit Plato?
sive de Platonici dialogi natura.*

Scribendis dialogis Platonem novam inducere poësin studuisse, quae Musam *Uraniam* spiraret, tum diximus, quum toti in pulcri philosophia veresamur ⁽¹⁾. Unde patuit nobis continuo, haud cum vulgari sophistisque usurpato scriptionis genere contentum fuisse, sed majora omnia et praecleariora spectasse. Ut vero, qua id ratione perfecit, assequamur, spectanda nobis interius Platonici dialogi natura videtur.

Est dialogus *familiaris sermonis imitatio*, ut vulgo vocatur, vel, ut modo dicentem Phaëdrum audivimus, *vivi animatique sermonis simulacrum* quoddam. Quodsi talis hujus scribendi generis ratio est, intelligimus sponte, nullum eo magis Pla-

(1) Vol. I. p. 167. 171.

Platonis consiliis aptum accommodatumque fuisse. Nam destinatum ita naturâ est, ut, quos colloquendo cum aliis exprimimus effundimusque sensus, hos scribendo cum absentibus, cum posteris adeo communicemus. Verum idem spectasse omnes dici possunt, qui dialogos scripserunt, Xenophon, Aeschines, alique Socratici, tum Aristoteles, quique postea floruerunt Lucianus, Plutarchus, Athenaeus, tum vero celeberrimus apud Latinos dialogorum scriptor, Cicero. Quamobrem distinguendus ab his omnibus Plato est, si quidem propriam privamque dialogorum Platoniorum virtutem assequi velimus. Et vero sic intelligemus accuratius etiam, quid de novo sive poëseos sive scriptionis sive eloquentiae genere, quod invenit ac frequentavit Plato, existimandum sit. A Socraticis autem ordiamur.

Cum ante Platonem fuerunt, tum existisse, dum viveret, permulti videntur, qui item dialogos scriberent. Quorum si superessent scripta, his apponendis inprimis, Platonis characterem exprimeremus, quippe quae Socratica fuerunt magnam partem et Platonice iccirco haud dissimilia. Nunc praeter dialogos, qui Aeschini, ab aliis Simonj tribuuntur, nec formam propriam magis habent, quam qui falso Platonis nomine feruntur, Xenophontis exstat Symposium, dialogus, qui multis placuit vehementer, displicuit nonnullis, mihi fere probare visus est, hoc non fuisse scribendi genus, quo scriptor Cyropaediae et Anabaseos ex-

celleret maxime. Legenti certe et haec viri opera palmaria et Memorabilia item, vix mihi quidquam occurrit, quin admirer; in illo vero opusculo non pauca exstant, in quibus vix agnoscere integrum illum Xenophontis incorruptumque elegantiae sensum licet. Videtur auctor, quod in Luciano animadvertemus praesertim, levitatem comicorum cum Socratica ratione conjungere voluisse: quod nec voluit nec fecit Plato. Utinam vero Aristotelis superessent dialogi, quos hic multos et egregios scripsisse dicitur! Hos operae pretium esset cum Platoniciis conferre. Nam, ut sua usus est in philosophando et ratione et oratione, ita, cum scriberet dialogos, probabile est, si non melius, peculiare hunc certe dialogorum genus induxisse. Non enim subtilitas ingenii, ut sunt qui putent, prohibuit, quo minus eleganter simul et acute scriberet. Contrarium nobis persuadet Cicero, qui nil eo esse acutius, nihil politius statuit: idem adeo in celebranda ejus oratione, non minus quam in Platonis, sibi placuisse videtur. Incredibilem esse, ait, in Aristotele dicendi copiam et suavitatem: fundere eum plane flumen orationis aureum: neminem eo in scribendo nervosiorum fuisse: aemulatum adeo cum ipso Isocrate fuisse et lacesivisse hunc orationis ornatu. Haud ita rari apud antiquos, ut apud nos, erant, qui cogitandi subtilitatem cum scribendi elegantia jungerent: hac laude prisci Academici ac Peripatetici fuerunt fere omnes: ipse Aristote-

toteles ille, quem nemo nunc suavitatis oblectationisque causa legit, cum totus legeretur, quae Ciceronis fuit felicitas, mirabiliter commendatus eloquentiae laude fuit. Et facto probavit Cicero iudicium suum, quum *Aristoteleo more*, prouti ad Lentulum scribit, tres de Oratore libros conscriberet ⁽¹⁾. Sed nihil huc ad nos Aristoteles: de Platonis quaerimus dialogis eorumque ab Aristotelicis diversitate. Hanc autem ex eo ipso, quod modo dixi, efficere licet, Ciceronem imitatum Aristotelem fuisse. Deperditis igitur hujus dialogis, ex illo effici quodammodo eorum ratio et comparari cum Platonica possit ⁽²⁾. Nec vero toti perierunt dialogi Aristotelis. Servatum a Plutarcho ex ejus Eudemo fragmentum est: ex quo, ut fragmento, divinare magis dialogi rationem, quam cognoscere, licet: id tamen percipimus, aliam

(1) Cic. Ep. ad Famil. I. 9. §. 67. (2) Loco in Ep. ad Fam. quem modo citavi, repugnare videtur, quod ad Atticum scribit Cicero L. XIII. 19. Negat huc, libros de Oratore *Ἀριστοτέλειον* morem habere. V. Wyttenb. in Ep. ad me p. L. Sed hoc loco morem Aristotelis significat, quo solebat ille in dialogis semetipsum inducere loquentem: illo vero universe *more Aristoteleo* disserendi et dialogi formam intelligit: quod ex ipsa loci ratione efficitur: scripsi igitur *Aristoteleo more*, quemadmodum quidem volui, tres libros in *disputatione et dialogo* de Oratore: ubi *quemadmodum quidem volui* evincit, aliud eum huc, quam in Ep. ad Att., spectasse. Nam se ipsum inducere loquentem, id scilicet omnes, qui volunt, possunt.

aliam plane Aristotelis in dialogis, quam in ceteris scriptis, dictionis formam fuisse, *redundantem*, ut Wytttenbachius judicat, *grandem ac poenitentem* ⁽¹⁾. Unde duxisse videri Cicero potest, certe auxisse copiam illam et majestatem, quae in dicto dialogo inprimis insignis est. Sed, ut ipsi judicemus, fragmentum, quamvis longiusculum, hic videtur totum adscribendum. „ Διόπερ, ὁ κρείττωτε πάντων καὶ μακαριστότατε, καὶ πρὸς τῶν μακαρίων καὶ εὐδαίμονας εἶναι τοὺς τετελευτηκότας νομίζουσιν, καὶ τὸ ψεύσασθαι τι κατ' αὐτῶν καὶ τὸ φιλοσοφικῶν οὐχ ὅσον, ὡς κατὰ βελτιόνων, ἡγοῦμεθα, καὶ κρείττονων ἤδη γεγονότων· καὶ ταῦθ' οὕτως ἀρχαῖα καὶ παλαιὰ διατελεῖ νενομισμένα παρ' ἡμῖν, ὥστε τὸ παράπαν οὐδεὶς οἶδεν οὔτε τοῦ χρόνου τὴν ἀρχὴν, οὔτε τὸν θέντα πρῶτον, ἀλλὰ τὸν ἄπειρον αἰῶνα τυγχάνουσι διὰ τέλους οὕτω νενομισμένα· πρὸς δὲ δὴ τούτοις διὰ στόματος ἐν τοῖς ἀνθρώποις ὄρεα, ὡς ἐκ πολλῶν ἐτῶν, ἐκ παλαιοῦ χρόνου περιφέρεται θρυλούμενον. Τί τοῦτ'; ἔφη. Κἀκεῖνος ὑπολαβὼν, 'Ὡς ἄρα μὴ γίνεσθαι μὲν, ἔφην ⁽²⁾, ἄριστον πάντων, τὸ

δὲ

(1) Anim. in Plut. Vol. II. p. 765. (2) Legendum videtur. Τί τοῦτ'; ἔφην. Κἀκεῖνος ὑπολαβὼν, ὡς ἄρα μὴ γίνεσθαι μὲν, ἔφην. Forte in hoc dialogo Aristoteles sibi ipse partes dicendi dedit, qui ejus mos fuit, ut ait Cic. Ep. ad Att. I. I.: quamquam aliam inducere, qui sermonem enarraret, potuit, ut fecit Plato in Politia et aliis dialogis. Sed in fragmentis, quae Stobaeo debemus, dialogi *πρὸς εὐφροσύνην* similiter occurrere videtur. Hic autem ipse auctor loqui videtur. V. Stob. Serm. 84 et 86.

δὲ τεθνῶται τοῦ ζῆν ἔστι κρεῖττον· καὶ πολλοὶ οὕτω
παρὰ τοῦ δαιμονίου μεραρτύρηται· τοῦτο μὲν ἐκείνῳ
τῷ Μίδῳ λέγουσι δῆπου μετὰ τὴν θήραν, ὡς ἔλαβε
τὸν Σειληνὸν· διερωτῶντι καὶ πυνθανόμενῳ, τί ποτὲ
ἔστι τὸ βέλτιον τοῖς ἀνθρώποις, καὶ τί τὸ πάντων
αἰρετώτατον, τὸ μὲν πρῶτον οὐδὲν ἐθέλειν εἰπεῖν, ἀλλὰ
λῶσις ὡς ἀβήτως· ἐπειδὴ δὲ ποτε μόλις πᾶσαν μηχανή-
την ῥηχανώμενος προσηγάγετο φθέγγασθαι τι πρὸς
αὐτὸν, οὕτως ἀναγκάζόμενος εἶπε· Δαίμονος ἐπιπό-
νου καὶ τύχης χελεπῆς ἑφήμερον σπέρμα, τί με βιά-
ζεσθε λέγειν, ἃ ὑμῖν ἄριδν μὴ γινῶμαι· μετ' ἀγνοίας
γὰρ τῶν οἰκείων κακῶν ἀλυπότως ὁ βίος· ἀνθρώποις
δὲ πᾶμπαν οὐκ ἔστι γενέσθαι τὸ πάντων ἄριστον, οὐ-
δὲ μετασχεῖν τῆς τοῦ βελτίστου φύσεως· ἄριστον γὰρ
πᾶσι καὶ πάσαις τὸ μὴ γενέσθαι· τὸ μάλιστα μετὰ τοῦτο
καὶ τὸ πρῶτον τῶν ἄλλων ἀνυστὸν, δεύτερον δὲ, τὸ γε-
νόμενους ἀποθανεῖν ὡς τέχιστα. Δῆλον οὖν ὡς οὕτως κρείτ-
τονος τῆς ἐν τῷ τεθνῶναι διαγωγῆς ἢ τῆς ἐν τῷ ζῆν, οὕτως
ἀπεφθῆναι.” *Et quae, praestantissimae opinionum et bea-*
tissimae, cum felices censemus esse et beatos, qui vita
haec defuncti sunt, tam nefas putamus, quicquam de
his falso aut constanter dicere: quippe qui melio-
res iam praestantiorisque naturae facti sint com-
petet. Et quae haec nostra sententia ita vetusta
est, ut ipse et initium et auctor proximus ignorem-
us, sed ab infinita usque aeternitate continetur
et sic est propagata. Ad haec vides, in ore ho-
minibus esse opinibus iam inde a multis annis tri-
tum idem. Quodnam? inquam. Illo voto, quod
om-

omnium optimum, inquit, est, non nasci: praestat autem mori, quam vivere: ejusque rei multis sunt divinitus perhibita testimonia. Atque huc pertinet, quod narratur, Silenum a Mida isto captum, et a venatione ei sciscitanti, quidnam optimum homini maximeque expetendum esset, principio respondere noluisse vocemque compressisse: tandem cum urgendi, ut aliquid diceret, finem nullum Mida faceret, in haec invitum erupisse verba: „Aerumnosi genii et difficilis fortunae semen in diem durans, quorsum me cogitis ea vobis dicere, quae vobis nescire erat melius? Maxime enim vacantes dolore vivunt, qui sua ignorant mala. Homini- bus autem omnino optimum est, non nasci neque participem fieri praestantioris naturae; optimum enim omnibus utriusque sexus hominibus hoc est: proximum huic, et inter ea, quae consequi homo possit, primum est, quam celerrime mori. Manifestum vero est, sic eum pronuntiasse, quod melior sit mortuorum, quam vivorum, conditio.

Ut vero perierunt nobis fere Aristotelis dialogi, ita supersunt, quos apte cum Platoniciis comparemus, dialogi Luciani. Cognevi equidem, qui utrorumque non magnopere discrimen suspicarentur, vel, si vel maxime suspicarentur, quale illud sit, haud perspicerent. Et profecto sunt item hi, ut Platonici, non colloquia, sed dramata: sunt item philosophiae, quae veritatem virtutemque spectat, pleni, et, quamvis, quod mi-

re-

remur, ipse in iis exagitetur Socrates,⁽¹⁾ haud deest tamen iis ironia Socratica cum Atticae dictionis humanitatisque gratiâ conjuncta. Operae pretium videtur, ad naturam investigandam Platonici dialogi, de his paullo accuratius agere. Explicabimus ita simul, quod modo de Xenophontis symposio verbo significavimus.

Ex quo fonte Plato plurimum hausit, ex eodem hausit Lucianus: utriusque dialogi multis locis comicorum referunt, in primis Aristophanis, fabulas. Verumtamen Plato cum leporibus salibusque Atticis eam inde venustatem gratiamque delibavit, quae mire decebat Socraticam philosophiam; Lucianum vero dicas ipsius Aristophanis habitum personamque induisse. Comicus hic esse simul et philosophus voluit, et Stoicam usurpans in res humanas despicientiam, festive illas et Aristophaneo more exagitavit. Quod ipse in Prometheo ingenue confessus est, quo loco dialogi et comoediae discrimen notavit. Neque enim omnino, ait, consueta inter se atque affinia ab initio *Dialogus* et *Comoedia* fuerunt. Si quidem ille domi et seorsum, mehercle, in ambulacris cum paucis quibusdam disputationes suas habebat: haec vero se Baccho totam tradens, in theatris versabatur, simulque ludebat, et risum movebat, gaudebatque

sa-

(1) *Dial. mort. dial. X.* De mortuorum dialogis hic agimus solum. Nam exstant in ejus scriptis, quorum forma plane ex Platone ducta est γ. c. Demosth. elog.

stibus et dicacitate, et ad numeros tibiae incedebat: interdum etiam anapaesticis versibus prorsus vecta, dialogi sectatores ut plurimum subannabat, *φροντισὰς καὶ μετεωρολέσχας* et id genus alia vocitando: eique id cordi erat, ut eos sugillaret et Dionysiacam istam libertatem in eos effunderet, nunc *ἀεροβατοῦντας καὶ νεφέλαις ξυνόντας* illos exhibens, nunc *φυλλῶν πηδήματα διαμετρούοντας*, ut qui de aëreis et sublimibus istis rebus nimis exiliter arguerentur. *Dialogus* vero gravissimas disputationes habebat, de naturâ rerum deque virtute philosophans, ita ut musicorum illud, bis per omnes chordas, ab acutissimo ad gravissimum usque, inter eos esset. *Καὶ ὁμοῦς ἐτολμήσαμεν ἡμεῖς τὰ οὕτως ἔχοντα πρὸς ἀλλήλα ξυνεργάζειν καὶ συναρμόσαι, οὐ πάνυ πειθόμενα οὔδε εὐμαρῶς ἀνεχόμενα τὴν κοινωνίαν. Et tamen ausi sumus nos, haec ita sese habentia inter se coniungere et coaptare, non admodum obsequentia neque facile societatem sustinentia.*" (1) Gravissimus sane hic locus Luciani est, ad genus dialogorum, quousus est, notandum, tum etiam, ut quid in eonovi protulerit, exquiramus. Vereri se, ait deinceps, ne, uti Prometheum facti poenituit, quod foeminam cum mari conjunxisset; sic ipse, disparibus commixtis scribendi generibus, poenas hureret. Non vero erat quod vereretur. Nam ex hac comoediae cum dialogo conjunctione parta proles

(1) Lucian. *Prometh.* Vol. I. p. 23.

est, quae perplacuit recentioribus, novum scribendi genus, *dialogi moriuorum*. Quos uti ingenio debemus auctoris, ita haud facile is tali protulisset, quali sunt, formâ et ratione, nisi et eâ vixisset aetate, qua Stoica philosophia terrarum orbem occupaverat, et vero Aristophanem imprimisque ejus *Βάρβαρος* legisset. Continet haec fabula iudicium Euripidis in inferis. Subjiciuntur autem quasi oculis, quae in orco sunt insignia, Cerberus, Stygiae undae, Charon mortuorum portitor, ipsi mortui, tum iudices, qui de mortuis iudicium pronunciant, alia. Quorum descriptiones ductae videntur ex iisdem poëtis, e quibus et Plato mox et postea Virgilius desumsit; sed apud Aristophanem dramatis est forma, tum jocorum sunt omnia et facetiarum plena, chorus auditur ranarum *Σπερρενὰς, κοῦξ, κοῦξ*: (1) ridicula plane Charontis persona est. Peculiarem hinc Lucianus, Promethei cujusdam instar, dialogorum informavit rationem, qua umbrae in orco induerentur secum invicem colloquentes: quamquam hujusmodi illa fuit, ut nec comoediam legentibus antiquam illam, nec vero philosophiam repraesentaret integram.

Haec de Luciano. In dialogis Platonis exstant, quae plane sint Lucianels similia, cum in moribus perstringendis mortalium, tum in vitae praeceptis; sed nusquam philosophus comicum agit. Placide

(1) Arist. Ran. vs. 209.

apud eum sermones profluunt, in neutram partem insignes: nec crepat ubivis vitae austeritatem, ut propriam virtuti, nec vero levitate ipse ac perulantia exsultans comici, id committit in moribus opinionibusque exagitandis, quod fere commisit Lucianus, ut ne illis etiam parceret, quaecumque sensibus essent excelsis rebusque sanctis conjuncta. Socrates, ut paucis dicam, in ejus dialogis partes habet, non Menippus. Orcum Lucianus totum et fabulas de diis et heroibus sic nobis proposuit, ut legere nobis poetam comicum videamur, ac rideamus identidem, ut plebs ridere Atheniensium solebat, comoedias spectans. Tangit easdem fabulas Plato, ut modo in Gorgia dialogo vidimus, et vero celebratissimorum in republica virorum ineptias exagitat; sed sic facit utrumque, ut prodesse civibus, Socratis instar, non placere, non gratificari, non risum movere studeat. Absurdis fabellis meliorem substituit simul de inferis divinaque naturae doctrinam, in perstringendis autem viris praeclaris haud spectat unice, quod comicorum est, *ridendo dicere verum*, sed veri justique, sed sancti, in ipsa ironia causam et patrocinium tuetur. Nam ironia dominatur in ejus dialogis Socratica, non comici protervitas aut contumacia: risum nobis excitat inter legendum Lucianus, haud secus atque Aristophanes: in Platone legendo subridemus.

Est igitur alia quaedam longaeque ab Aristotelis et Luciani ratione diversa Platonici dialogi natura. Quod
au-

autem formam attinet dramatis, magis ille Sophro-
nem, quam comicos imitatus videtur. Hunc quanto
loco habuerit, testantur veteres. E Sicilia ejus mimos
Athenas detulisse dicitur eosque sic probasse, ut oc-
togenario major suppositos pulvinari habuerit,
in quo obdormientis os illud divinum, ut ait Val-
kenaerius, *reclinabat*.⁽¹⁾ Et sane placida ho-
rum mimorum inprimisque dialogis apta ratio ex
Theocriti intelligitur Pharmaceutria et Adonia-
zosis, quae inde informata sunt. Sed, qualiscun-
que tandem dialogi Platonici a Comicorum et Lu-
ciani dramatibus diversitas sit, illud de Aristotele
animadvertamus maxime, *dialogos* eum destinavis-
se argumentis popularibus, interiori vero doctri-
nae *commentationes*, quum Plato dialogis comple-
xus omnia fuisset. Unde in primis Platoniorum
scriptorum non dos et commendatio, sed *natura*
efficitur. Quae enim dramatis forma apud eum
allexit ad legendum philosophandumque elegan-
tioris ingenii homines, talis haec scilicet erat,
ut res item caperet abstrusissimas. Respondet illa
plane ipsi Socratis philosophiae, quae doctis non
alia, alia indoctis fuit, sed pariter utrisque con-
veniebat. Sermo vix cogitari simplicior et familia-
ri vitae consuetudini convenientior potest, quam
quo in Phaedro de dicendi scribingue arte agi-
tur: amplectitur autem idem sermo sublimem illam
de pulcro et amore doctrinam, quae ipsa continet
uni-

(1) Valck. ad Theocr. Adonias. p. 194.

universae philosophiae principia. Res non abstrusior (interiorisque indagacionis in philosophia exstat, quam quae Philebi est, quaeque Parmenidis argumentum: eadem tamen, qua Phaedrus, formâ scripti hi dialogi sunt: et quamvis non eadem hos legamus, qua Phaedrum aut Symposium, oblectatione: delectantur videlicet lectores fere pulcro magis et amore, quam metaphysicis disquisitionibus: tamen non carent hae ipsae, quamvis metaphysicae quaestiones, Atticâ venustate, qua se in Phaedro Socratis commendant sermones. Haec scilicet ars illa summa est, quam uni maxime Platoni fuisse propriam putamus.

Quod autem suspicati sumus, singulare quoddam suumque Aristotelem induxisse dialogorum genus, non ejusmodi est, quasi dotibus quibusdam superaverit Platonem. Si superavit, quae fuerint illae dotes, nos latet: nam copia illa orationis et tragica dictio non decet proprie dialogum. Imo vero desiderabatur in ejus dialogis, quae deesse iis minime debebat, dramatica ratio. Cujus rei testis est Basilius: ⁽¹⁾ τῶν ἔξωθεν φιλοσόφων οἱ τοὺς διαλόγους συγγράψαντες, Ἀριστοτέλης μὲν καὶ Θεόφραστος εὐδὺς αὐτῶν ἤψαντο τῶν πραγμάτων, διὰ τὸ συνειδέναι ἑαυταῖς τῶν πλατωνικῶν χαρίτων τὴν ἡδυαίαν. Πλάτων δὲ τῇ ἐξουσίᾳ τοῦ λόγου ἡμοῦ μὲν τοῖς δόγμασι μάχεσθαι, ἡμοῦ δὲ καὶ παρακωμῶδει τὰ πρὸς

(1) III. 187 C.

sympotum.⁽¹⁾ Unde princeps illa Platonis *dos* intelligitur, dramatica facultas, qua ingenium moresque personarum expressit. Sed peculiarem Aristotelis rationem intelligimus hancce, ut philosophiae dialogum, tamquam formam quandam, adhiberet, qua scilicet commendaret legentibus placita sua. Id certe post eum, qui dialogos scripserunt, spectarunt fere, Plutarchus, Athenaeus, ipse Cicero et paucissimis exceptis, recentiores omnes: quae tamen haud probanda ratio est. Nam sic factum imprimis videtur, ut tot hodieque hoc genus scribendi facile, amoenum nec inutile, haud vero necessarium et viro indignum censeant. Et profecto quae in Plutarchi *Symposiacis*, in *septem sapientum convivio*, quae in Athenaei *deipnosophistis* legimus, brevius haec commentatione, nec minus simul perspicue pleneque tradi potuissent. Esset forte quod formam desideraremus in Plutarcheo libello *de sera numinis vindicta*, si commentatio, non dialogus esset; verumtamen, si philosophia spectatur ipsa, huic videatur perinde esse, hac an vulgari ratione scriptus fuerit. Quod idem de ipsis affirmare Ciceronis dialogis non dubito. Commendationem a forma insignem habent, quae quanta sit, collatio facile demonstraverit librorum *de inventione* cum dialogis *de oratore*, et *de claris oratoribus*. Et vero ars illa in eloquentia

(1) Sic locum Basilii interpretatur Wyttenb. in *Epist. ad the* p. 111.

tia, ut putabatur, summa, in utramque partem de eodem argumento copiose probabiliterque disse-
rendi, quam ut docuit Aristoteles, ita factitasse
dialogis suis videri potest, hanc quomodo Cicero
in aliis scriptis, tum imprimis *de finibus* tam mi-
rabiliter explicare potuisset, nisi dialogos scripsis-
set? Sed artem hanc ipsam reprobatur philosophia,
si quidem audientium studia, quam veri inqui-
rendi diligentiam, magis spectet. Nec est quin fa-
teatur, plus eloquentiae in dialogis tribuisse Ci-
ceronem, quam simplici veritatis indagationi. Alia
est longeque diversa Platoniorum dialogorum con-
ditio, naturae ipsorum, quam diximus, congruens.
Eam habent cum auctoris philosophia necessitu-
dinem, ut una haec esset scribendi ratio, qua et
sensus suos omnes explicare et explere scribendi
propositum suum posset. Id autem effici intelli-
gique, nisi ex propria eorum et Socratica plane
ratione, non potest.

Nam quae distinguendo hactenus de scriptis Pla-
tonis animadvertimus, eo valent, ne haec cum
aliorum dialogis confundamus; ut vero privam
eorum propriamque virtutem percipiamus, satis
valere non videntur. Est autem talis illa, qualem
ipse in Phaedro spectavit, quum de optimo unice-
que vero scribendi genere praeciperet. Nam pau-
cis exceptis, partes in iis omnibus praecipuas
habet Socrates: inducitur autem ille, quod scri-
bendo imprimis efficiendum ratus Plato est, ex-
citans in hominum animis pulcri bonique, prae-
ser-

sertim *veri* amorem, omninoque quod vocabat, quasi *in animis hominum scribens*. Id similiter instituit Xenophon, quum scribendis Memorabilibus Socratis enarraret cum variis hominibus colloquia: et hinc inprimis aurei libelli praestantia: nam sic demum nos in mediam Socratis philosophiam potuit inducere. Si memorasset doctoris sui placita praecipua, haud male fuisset de philosophiae historiae meritis: haberemus certe quo Socratis effata cum caeterorum decretis philosophorum compararemus; sed novam, quam is induxit, philosophandi arguendique rationem, quā unā maxime, non placitis aut formulā doctrinae, e coelo devocavit philosophiam, et in urbes domosque induxit, et coëgit de vitā et moribus loqui, hanc non magis ex tali compendio cognosceremus, quam nunc cognoscimus ex historiae philosophicae scriptoribus. Xenophon vero per sermones illos ipsum nobis Socratem quasi viventem spirantemque proposuit et novam illam rationem non exponentem subtiliter, sed quaerendo, ut solebat, arguendo, monendo, hortando usurpantem. Sic item Plato; sed hic cum Socratis colloquia non traderet tantum scribendo, sed, ut dramatici solebant poëtae, dramatibus exprimeret, plenius nobis et Socratem et Socraticae philosophiae vim et ubertatem repraesentavit: idemque cum sub Socratis persona suam ipse philosophiam cum lectoribus communicare studeret, ipse loqueretur adeo cum omnis generis hominibus, quum So-

K

cra-

cratem faceret loquentem, factum est, ut *scribendo* effiret in lectorum; quod *sermonibus* ille in auditorum animis effecerat, *scriberet* plane, quod dixit, in *animis hominum*, nec praesentium tantum et aequalium, sed posterorum omnino, hujus adeo aetatis nostrae hominum. Haec ratio, haec vis et efficacia, haec in primis *natura* est dialogorum Platoniorum: et vero legentes eos non videmur nobis tantum ipsis Socratis sermonibus interesse, sed, qui optimi cujusque dramatis saluberrimus effectus est, vim in nos habent Socratis dicta, ac si nos ab eo petitos putaremus. Sophistae num his legendis ingenio animoque emendati sint, dubito: nam hoc genus hominum propter praejudicatas opiniones omni aetate insanabile habitum est; sed quis umquam generosae indolis adolescens Phaëdrum legens vel Theaetetum, non sibi ipse visus esse Phaëdrum esse aliquis aut Theaetetus, et, prout illi, a Socratis ore pendere, animoque recondere quae acceperat? Quis umquam senex, qui juvenis legit Platonem in ipsa senectute non confessus est, hac se in primis lectione, propter et dramatis et Socraticae suavitatis vim, una cum Sophistis sophisticam omnem aversari, veros philosophos amare didicisse? Dialogis scribendis Plato idem egit plane, quod ipse de agricolis dixit. Non librum edidit, quo, tamquam in Adonidis hortulo quodam, arctis finibus, sapientiam scilicet suam, ut faciunt systematum auctores, includeret; sed ut gnari solent agricolae, Socraticis scri-

scribendis sermonibus, plane ut ipse Socrates, semina sparsit in hominum, praesertim adolescentum, ingenia, quae pro ingeniorum temporumque varietate, varios omni aevo, sed optimos fructus proferrent. Id fecit Plato, et facere hac scribendi formā potuit, aliā usurpandā non potuisset. Sed illud animadvertamus item. Ut Xenophontis Memorabilia, ita scripta Platonis non artis cujusdam aut doctrinae, non argumenti peculiaris expositionem, sed fontem continent ipsum, unde omnes haurire oportet, qui rerum scientiam appetunt. Exquiritur in omnibus, quid nobis maxime agendum videatur, ut, quid verum sit, quid falsum, quid appetendum, quid fugiendum, sciamus: nec friget disputatio, ut in caeteris plerisque libris, sed qui inducuntur colloquentes de gravissimis his rebus, ut fert familiaris ratio sermonis, cum animi sensu affectuque exquirunt singula, interque loquendum veritatis virtutisque amore incalescunt identidem. Hoc est, quod *φιλοσοφείν*, *philosophari*, appellabat Plato, idemque efficere in lectoribus scribendo studuit. Et sane quis legens Symposium, ut hoc utar, et ipse quasi praesens convivis illis, non eodem, quo illi, ardore effervescit, quum eos amorem audit et una cum amore fortitudinem, honestatem, virtutes omnes celebrantes? Quid plura? Si quis umquam scriptor, Plato certe, quicumque latebant in lectorum animis virtutis igniculi, hos scriptis suis excitavit aluitque.

· K a

Et

Et sic quidem, diligenter his omnibus de Platone aliisque dialogorum auctoribus animadversis, interius nobis perspicere licet, quam ille Musam spectaverit, cum novam inducere poësin conaretur. Explorare id supra jam coepimus, quum de *pulcro* ageremus; ⁽¹⁾ sed nunc, ni fallor, e philosophiae principiis, quae *verum* spectat, plenius intelligimus. Non erat illa Musa Platonis vel comica vel tragica: *δημώδη* harum musicam vocabat; sed *τὴν μεγίστην* respiciebat *μουσικὴν*, i. e., philosophiam illam, quae nec placere hominibus nec gratificari nec vero adulari studeret: qui poëtarum vulgo ac sophistarum oratorumque mos fuit: sed hoc sibi haberet unice propositum, ut, rejectis inanibus, quae ab his commendarentur, rerum simulacris, ipsas res i. e. *veritatem* in lucem produceret ejusque amore incenderet mortales. Hanc Plato *Uraniam* Musam vocare solebat, quam qui colerent, sive carminibus, sive orationibus, sive cuicunque tandem scribendi generi operam navarent, hos unice scribere in generis humani emolumentum contendit. Cumque nemo adhuc poëtarum scriptorumque, de ejus sententiâ, digna hac Musâ opera edidisset, Socraticis ipse sermonibus scribendis, artem scribendi excoluit, quae tantum vulgaribus artibus, quantum Uranius amor vulgari amor praestaret. Iniquius cui forte ille de scriptis aliorum judicasse videatur; sed

(1) Vol. I. p. 167. 174.

sed nos, ne in ipso iudicando iniqui simus, id attendamus diligenter, praeclaro eundem proposito haec nova fuisse molitum, nec vero fructu ejus studia caruisse. Diximus de Luciani aliorumque Graecorum, tum etiam de Ciceronis dialogis, ut, institutâ comparatione, dotes virtutesque Platonis cognoscerentur accuratius. In qua disquisitione illorum item dotes virtutesque exploravimus. Quodsi nos, sic exposita dialogi Platonici naturâ, porro velimus quaerere, quid illi ad scribendos dialogos Platoni debuerint, haud frustra sane hicce nova illa scribendo molitus videbitur. „Credibile est, ait Wytttenbachius, jam ipsius Platonis aetate lectionem librorum ejus frequentatam multum valuisse ad conversionem veteris comoediae, ut sal Atticus, quem *Eupolis atque Cratinus Aristophanesque poëtae*, — *Atque alii, quorum comoedia prisca virorum est*, — multum quidem et acrem, sed acerba suffusum bile, gerebant, paulatim per mediae poëtas comoediae, tum novae in primis Menandrum, ab his labibus purgaretur, et ad germanam Atticam festivitatem elegantiamque redigeretur.” ⁽¹⁾ Constat autem, colorem ab eo duxisse, quotquot post eum dialogos scripserunt, Plutarchum praecipue, Platonis amantissimum, ipsum item Lycianum in scriptis quibusdam, tum vero Ciceronem, qui, quamvis se scribere Aristoteleo more diceret, quanto-

pe-

(1) Epist. Spec. meo praem. p. XLIV.

pere ad informandos rite dialogos à Platonis imitatione profecerit, omnes norunt, qui attentius utrumque legerunt, nosque ipsi jam animadvertimus in superioribus. ⁽¹⁾ Et fuit sane Cicero indole et institutione Platonicus plane, ut in omni descriptionis genere, in oratorio etiam, certe quum pro Archia diceret, sponte et inscius forte Platonem exprimeret suum. Unde sententiae celebratissimae illae de literarum studiis, de poëtis, de communi in primis artium vinculo. Sed de his tum agemus, ubi ad hoc ipsum artium vinculum pervenerimus. Nunc juvat animadvertere, quod hujus praesertim loci est, ad reducendam ad naturae simplicitatem eloquentiam, vim habuisse mirificam dialogos Platonis. Docuerant Rhetores antea et docebant Platonis aetate, quemadmodum oratio rite esset excolenda, ut evidentia, suavitate, gravitate cum caperet audientes legentesve, tum teneret ac moveret: unde ~~regulae~~ existerunt, studiose elaboratae, quales Isocratis aliorumque memorantur et supersunt etiam nunc multae. Sed Rhetores, uti novimus, ~~artem~~ fere magis, quam *naturam* spectarunt, effecitque omni aevo Rhetorica, ut diceretur, quemadmodum scribi oporteret: non vero, ut scriberetur, quemadmodum loqui solemus. Contemnitur hoc praeceptum in artis regulis, certe negligitur fere, ut vulgare omnibusque notum, raroque omni aetate elo-

(1) Vol. I. p. 156.

eloquentiae adhibitum est: quo factum, ut innumerae exstiterint orationes, quas admirarentur audientes, paucae, quibus moverentur intus melioresque fierent. Itaque principes oratores, qui non arte, sed indole disertī fuerunt, quo magis naturam exprimerent dicendo et sic persuaderent hominibus efficaciter, tragicos, comicos, optimosque dialogorum scriptores summo studio legerunt: in his quippe maxime naturalem loquendi rationem, excultam illam quidem et politam, sed naturalem tamen agnoscebant. Eo autem quid valere magis potuit, quid reapse ad rite informandam Demosthenis orationem magis valuit, quam dialogorum Platoniorum lectio? Sunt illi prorsus, ut apud ipsum est, vivi animatique sermonis simulacra: inest iis familiaris colloquii facilitas et quasi candor natus: insunt facetiae, joci, sensus varii affectusque, sublimes illi subinde, sed sponte prolati: inest vero iisdem et multo sane magis, quam in comicorum tragicorumque fabulis, philosophia, verae eloquentiae procreatrix. Egi-
mus jam satis fuse de eloquentia Demosthenis, attigimus item simul dramaticam dictionis rationem, quae frequens apud eum est; sed *dramaticae* hujus *rationis* vim, quae hujusmodi est, ut non scriptam nobis legere orationem videamur, sed ipsum audiamus oratorem loquentem, imo colloquentem interrogando respondendoque cum audientibus, hanc si quaerimus unde duxerit, fontem, unde hausit, non alium reperio,
quam

quam dialogi Platonici rationem. Exstant in ejus orationibus colloquia formā et ratione prorsus Platonica. „ Φέρε γὰρ, ait in oratione de rebus Cherrhonesi, ubi socordiam exagitat civium suorum: Φέρε γὰρ, πρὸς Διός, εἰ λόγον ὑμᾶς ἀπαιτήσκειαν οἱ Ἕλληνες ὧν νυνὶ παρείκατε καιρῶν διὰ ῥαθυμίαν, καὶ ἔροινθ' ὑμᾶς. „ ἄνδρες Ἀθηναῖοι, πέμπετε „ ὡς ἡμᾶς ἐκάστοτε πρέσβεις καὶ λέγετε ὡς ἐπιβου- „ λεύει Φίλιππος ἡμῖν καὶ πᾶσι τοῖς Ἕλλησι, καὶ „ ὡς φυλάττεσθαι δεῖ τὸν ἄνθρωπον” καὶ πάντα τὰ τοιαῦτα, ἀνάγκη φάσκειν καὶ ὁμολογεῖν· ποιοῦμεν γὰρ ταῦτα. „ Εἴτ', ὃ πάντων ἀνθρώπων φαυλότα- „ τοι, δέκα μῆνας ἀπογενομένου τάνθρώπου καὶ νόσῳ „ καὶ χειμῶνι καὶ πολέμοις ἀποληφθέντος ὥστε μὴ „ ἂν δύνασθαι ἐπανέλθειν οἴκαδε, οὔτε τὴν Εὐβοίαν „ ἡλευθερώσατε, οὔτε — καὶ φανερόν πεποιήκα- „ τε, ὅτι οὐδ' ἂν δεκάκις ἀποθάνῃ, οὐδὲν μᾶλλον „ ὑμεῖς γε κινήσεσθε. Τί οὖν πρεσβεύεσθε καὶ κατη- „ γορεῖτε καὶ πράγμαθ' ἡμῖν παρέχετε;” ἂν ταῦτα λέγωσι, τί ἐροῦμεν ἢ τί φήσομεν, ὧ ἄνδρες Ἀθηναῖοι; ἐγὼ μὲν γὰρ οὐχ ὀρῶ. *Age vero per Jovem, si rationes vos reddere Graeci juberent opportunitatum, quas per socordiam nunc neglexistis, ac rogarent vos: „ mittitis, o Athenienses, identidem „ ad nos legatos, dicitisque Philippon nobis cae- „ terisque Graecis omnibus insidias struere, cavere „ dum autem ab homine esse” et similia omnia: vos quidem affirmare et confiteri oporteret: facimus id enim. „ Atqui, reponerent, o omnium ho- „ minum vilissimi, quum per decem menses abesset „ ho-*

„ homo et morbo, tempestatibus ac bellis impediretur,
 „ quominus domum posset reverti, vos neque Euboeam
 „ in libertatem vindicastis neque — imo vero pate-
 „ fecistis, etiamsi vel decies moreretur iste, non ma-
 „ gis vos motum iri: quid igitur legatos ad nos mit-
 „ titis et istum accusatis et nobis molestias facitis?”

Ad si dicerent, quid nos haberemus, o Athenienses, quod diceremus ac responderemus? Equidem non video. ⁽¹⁾

Similiter et in aliis orationibus et in Philippicis passim, veluti ubi Aristodemum demagogum exagitat: colloquitur cum eo eadem plane, atque apud Xenophontem et Platonem Socrates, ratione. Oratorum, ait, nonnullos video non eodem modo et vobis et sibimet ipsis consultando prospicere: vos enim ajunt oportere acquiescere, si quis vos injuria afficit, ipsi autem acquiescere aut silere non possunt, etiamsi a nemine laedantur. Καί τοι λοιδορίας χωρίς, εἴ τις ἔροιτο „ εἰπέ μοι, τί δὴ „ γιγνέσκων ἀκριβῶς, Ἀριστοδημε, (οὔδεις γὰρ τὰ „ τοιαῦτ' ἀγνοεῖ) τὸν, μὲν τῶν ἰδιωτῶν βίον ἀσφαλῆ „ καὶ ἀπράγμονα καὶ ἀκίνδυνον ὄντα, τὸν δὲ τῶν „ πολιτευομένων φιλαίτιον καὶ σφαλερὸν καὶ καθ' „ ἐκάστην ἡμέραν ἀγώνων καὶ κακῶν μεστόν, οὐ τὸν „ ἡσύχιον καὶ ἀπράγμονα, ἀλλὰ τὸν ἐν τοῖς κινδύ- „ νοις αἰρῆ;” τί ἂν εἴποις; εἰ γὰρ ὁ βέλτιστον εἰπεῖν ἂν ἔχοις, τοῦτό σοι δοίμεν ἀληθὲς λέγειν, ὥς ὑπὲρ φιλοτιμίας καὶ δόξης ταῦτα πάντα ποιεῖς, θαυμάζω τί δήποτε σαυτῷ μὲν ὑπὲρ τούτων ἅπαντα ποιη-
 τέον

(1) Dem. περὶ τῶν ἐν χερσὶν 98. D.

τίον εἶναι νομίζεις καὶ πονητέον καὶ κινδυνευτέον, τῇ
 πόλει δὲ προσέσθαι ταῦτα μετὰ ῥαθυμίας συμβουλευεῖς.
 οὐ γὰρ ἐκείνῳ γ' ἂν εἴποις, ὡς σὲ μὲν ἐν τῇ πόλει δεῖ
 τινὰ φαίνεσθαι, τὴν πόλιν δ' ἐν τοῖς Ἕλλησι μηδε-
 νὸς ἄξιαν εἶναι. *Missio convittio, si quis te roga-*
ret, „dico tibi quæso, Aristodemæ, quid tu, pro-
„be sciens, privatorum vitam tutam, otiosam,
„periculorumque immunctam, politicorum vero ho-
„minum criminationibus periculisque obnoxiam es-
„se et certaminum ac malorum plenam, quid tu
„tandem tibi met ipse non placidam atque otiosam,
„sed periculosam eligis?” *Quid diceres? Nam si*
quod optime dicere posses, id tibi vere dicendum
largiremur, te honoris gloriæque causa hæc
omnia facere, mirarer, quid tandem tibi eorum
gratia hæc omnia facienda, perferenda, periculi-
tanda, civitati vero ea per socordiam contem-
nenda suadeas. Illud enim haud facile diceres,
te quidem oportere in civitate aliquo loco, civita-
tem vero in Græcia ingloriam esse ⁽¹⁾. Non e
 τέχναις Rhetorum hæc desumuntur, sed sumsit
 Demosthenes e Socraticorum sermonum ratione,
 quos apud Platonem reperiebat. Ego vero, cum
 similes locos cum amicis legerem, his fere ani-
 madverti, vehementissime nos moveri. Tum ve-
 ro qui locus in prima Philippica ab omni-
 bus celebratus maxime est, qui studiosissime le-
 ge-

(1) Dem. Phil. IV. 150 A. Platonice similiter rationem
 expressit Fr. Hemst. *Oeuvr. phil.* Vol. II. p. 60.

gerunt Demosthenem: πότε ἂν χρὴ πράξετε; ἐπειδὴν τί γένηται; ἐπειδὴν νῆ Δί' ἀνάγκη τις ᾖ. νῦν δὲ τί χρὴ τὰ γιγνόμενα ἡγεῖσθαι; ἐγὼ μὲν γὰρ οἶμαι τοῖς ἐλευθέροις μεγίστην ἀνάγκην τὴν ὑπὲρ τῶν πραγμάτων αἰσχύνην εἶναι. ἢ βούλεσθε, εἰπέ μοι, περὶόντες αὐτῶν πυνθάνεσθαι κατὰ τὴν ἀγοράν· λέγεται τι καινόν; γένοιτο γὰρ ἂν τι καινότερον ἢ Μακεδῶν ἀνὴρ Ἀθηναίους καταπολεμῶν καὶ τὰ τῶν Ἑλλήνων διοικῶν; τέθυκε Φίλιππος; οὐ μὰ Δί'. ἀλλ' ἀσθενεῖ; τί δ' ὑμῖν διαφέρει; καὶ γὰρ ἂν οὗτός τι πάθῃ, ταχέως ὑμεῖς ἔτρου Φίλιππον ποιήσετε, ἄνπερ οὕτω προσέχητε τοῖς πράγμασι τὸν νοῦν· οὐδὲ γὰρ οὗτος παρὰ τὴν αὐτοῦ βώμην ποσοῦτον ἐπηύξηται ὅσον παρὰ τὴν ἡμετέραν ἀμέλειαν. *Quando nam, Athenienses, quando tandem id quod oportet facietis? Quid fieri ante debet? — „Postquam per Jovem necessitas exstiterit quaedam.” Nunc vero quas exstiterunt qualia putanda sunt? Ego enim ingenuis hominibus necessitatem agendi maximam puto, rerum gestarum pudorem. Vultisne vos per forum ambulantes sciscitari ab aliis alii: „dic mihi, novi quid accidit?” Accidere vero quid magis novum potest, quam hominem Macedonem Athenienses bello premere ac res administrare Graecorum? „Mortuusne est Philippus?” — „Non est, per Jovem.” — „Aegrotat verum?” Quid autem hujus rei vestra interest? Nam si isti quid acciderit, vos brevi alium Philippum facietis, si quidem sic ut soletis, in res publicas incumbitis ⁽¹⁾. Hunc*

(1). Dem. Phil. I. 45 A. Cf. Phil. IV. 156 B. C.

igitur locum quis legit, quin videat, quid illud sit quod diximus, dicendum non esse ut scribitur, sed scribendum ut loqui solemus, fateaturque idem, hac arte summā excelluisse omnium maxime Demosthenem, eamque Platoni debuisse praecipue?

Hanc vim *forma* dialogi Platonici in scriptores oratoresque, in principem adeo oratorum omnium, habuit; sed ipsam hinc *veri philosophiam* spectamus, quam Plato formā illā maxime, suo illō ipsique proprio scribendi genere expressit. Infinitum sit demonstrare, quantum ex hoc fonte hauserint, quicumque post eum dialogos scripserunt. Sed hinc juvat iterum, ut rem uno exemplo declaremus, Luciani memorare dialogos mortuorum. Comicum ille simul poëtam et philosophum Stoicum egerit, et Aristophanem imitans, ipsum Socratem, virorum sapientissimum, ut sophistam nobis aliquem proposuerit ⁽¹⁾, illud Socraticae non minus, quam Stoicae philosophiae, praesertim vero Platonici dialogis debuit, ut mortuorum hos, quos scripsit, dialogos tanto semper studio legerint philosophi. Hinc enim in illis graves illae de rerum humanarum vanitate sententiae: tum vero placitum ipsum, quod dominatur in illis, in inferis esse aequalitatem omnium hominum, unius virtutis rationem haberi, quis est quem lateat, e Gorgia illud Platonis, quem modo

(1) Lucian. Dial. mort. XX et XXI. p. 417 et 420.

do legimus, ductum esse? In memoriam revocemus dialogum, qui *Χάρωνος καὶ Ἑρμοῦ* inscribitur ⁽¹⁾. Advenerunt mortui tanto numero, ut, nisi reliquerint in litore superflua omnia, de ipso navigio, ne immergatur, metuat Charon. Jubet hic igitur illos *nudos* ingredi ac Mercurio praecipit, ut ne accipiat, nisi qui omni sit onere vacuus. Facit Mercurius, atque ad scalam navalem adstans, ut primus prodit Menippus, tu, inquit, quis es? Menippus, sum, respondet: ecce vero pera mihi, Mercuri, baculusque in paludem abjecta sunt: pallium autem recte feci, qui ne tulerim quidem mecum. Cui Mercurius: inscende, Menippe, ait, virorum optime, primamque sedem juxta gubernatorem in alto obtine, ut inspicias omnes. Hic alii et perquam a se invicem diversi, identidem procedunt, Charmolaus continuo, formosus ille, cujus osculum binis talentis aestimabatur, tum Lampichus, Geloorum tyrannus, Damasias athleta, Crates, dives ille, armatus item aliquis, qui tropaeum affert. Aegre hi omnes, quod ipsis in vita insigne fuit, quoque unice gloriari solebant, deponunt: tyranno vero maxime molestum accidit, regia insignia abjicere: quid? inquit, mene decet, Mercuri, nudum ingredi, qui tyrannus sum? Cui Mercurius, haud tu quidem hic, reponit, tyrannus, sed omnino mortuus es. Ut vero ingressi hi omnes scapham sunt,

(1) Dial. X. p. 363.

sunt, ac tyrannus quo vix potuit adduci, diadema etiam et purpuram deposuit, ecce! philosophus venit, habitu abscondens vitia gravissima, rixandi lubidinem, vanam gloriam, quaestiones impeditas, pugnas et quisquilias, tum numos item aureos, voluptatem, arrogantiam, eamque de se opinionem, quasi melior esset caeteris omnibus, Quae omnia postquam is, iubente Mercurio habitu deposito, patefecit, prohi Júpiter! hic exclamat, quantum iste vanissimarum rerum ostentationem affert! Mitte tu haec omnia, ait: nam si cum istis cunctis conscenderes, vix te quinquaginta remorum navis acciperet. Nolim haec porro persequi: ridiculum negotium barbae praesertim istius est, qua perquam sibi placuerat philosophus: non tondet eam Menippus, sed securi amputat nautica, pro codice usus scala navali. Sed, missis illis, quae pueri jam cognovimus, hac nostra aetate reputemus, quam vim dialogi Platonici in Lucianos habuerint. Comitorum in his agnoscimus sales dotesque admirabiles; sed *philosophiam veri*, ut eam Plato in Gorgia, eo in primis loco, ubi mortuorum judicia enarrat, expressit, quis est qui non simul et agnoscat et revereatur?

Sunt nobis multa etiam de quaestione, quid scribendo spectaverit Plato, deque Platoniorum naturam dialogorum exquirenda: exploranda praecipue est *dialectica* eorum ratio; sed hac de re deinceps. Hic non possumus non literarum aman-

tes

tes etiam atque etiam hortari, ut, quod in his
tentavimus, persequantur porro, eo philosophiae
Platonicae ubertatem sublimitatemque non e Pla-
tone tantum, sed e posterioris etiam aevi scrip-
toribus efficiant atque in lucem producant. Nam
quotus quisque est sive philosophorum sive lite-
ratorum hominum, qui id data opera et pro fel
dignitate perficere aggressus est? Valet autem
idem hoc studium ad ipsos illos scriptores etiam
cum intelligendos rite, tum interpretandos. Ex
quo Ruhakenus, edito Timaeo, hoc stadium
aperuit, patuit deinceps, duce in primis Wytten-
bachio, omnibus, imitatos fuisse *dictionis Plato-
nicae elegantiam*, quotquot Alexandrino aevi,
aetate Trajani et Antoninorum, apud Christianos
etiam scribere elegantius conati sunt. Sed hic
non subsistendum, ut ipsi illi dumviri saepius
monuerunt. Non dictio soluta, sed *philosophia*
etiam *Platonis*, cum sensibus illis excelsis et
sublimibus conjuncta, dominata deinceps in scrip-
tis sectisque Graecorum est, ut, nisi hac per-
cepta penitus, frustra quis scriptores posterioris
aetatis interpretari studeat. Verissima enim Wyt-
tenbachii sententia est, quoque majores fecerimus
in studio Platonis Platonicaeque philosophiae pro-
gressus, eo lubentius ei assentiemur: *nob solum*
per scriptum fructuosum esse studium Platonis ad
mores, animam, ingenium, orationem, disserendi
elegantiam, interiorem philosophiae et literarum
Graecorum cognitionem, sed vera longe idem fruc-
tuo-

tuosissimum esse ad omnes posteros et Graecos et Latinos scriptores recte intelligendos, quippe per hos omnes et per universum antiquarum doctrinarum orbem longe lateque diffusum. ⁽¹⁾

*Omnis est philosophiae principium
summum amor veri.*

Ad finem perduximus disquisitionem, quam primum postulat philosophia veri, ut *principia* teneremus cognoscendi. Orsi a Socratico, imo divino praecepto γινῶθι σεαυτὸν, in nobismet ipsis ea quaesivimus: et, hercle! undenam haec tandem, nisi ex hoc fonte, repeteremus? Repetimus autem, princeps eorum et summum esse *amorem veri*, nobis naturā insitum: qui qualis sit quamque vim in rebus humanis habeat, ipse nos Plato in disputationibus docuit de nativa cum discendi tum docendi ratione, deque eloquentiā verā et justo scribendi proposito modoque: nos autem efficere item e novo hoc dicendi scribendique genere conati sumus, quod ipse commendavit et secuti sunt posterī. Satisfacere ita Socratis apud eum monito studuimus, quod hujus initio disquisitionis praeimisimus: ἀλλὰ δεῖ, ὦ Γλαῦκων, ἐκεῖσε βλέπειν — Ποι; ἢ δ' ὅς — Εἰς τὴν φιλοσοφίαν τῆς ψυχῆς, καὶ ἐννοεῖν ὧν ἄπτεται καὶ οἶον

(1) Wytt. vita Ruhnck. p. 150. Opusc Vol. I. p. 664.

ὅταν ἐπλεται. — Sed illuc, o Glaucō, spectare oportet. — Quo tandem? — In ipsam, quae inest animo philosophiam et qualia sint, quorum animus desiderio tenetur ⁽¹⁾. Cujus moniti si nunc quidem lectores vim ac propositum perceperunt, vel hoc uno nos putabimus operae pretium scribendo fecisse. Sophistis reliquimus tam hujus quam veteris aevi, ut externos ante omnia hominis sensus explorarent: nos haud contemnendos illos duximus, sed internos maluimus primum attendere, ut hanc perciperemus continuo, quam Plato vocat, τῆς ψυχῆς φιλοσοφίαν, pateretque nobis, qualia animus appetat. Licet nobis nondum, quae isti invenerunt explorando, cum nostris inventis comparare: nam in principiis versamur etiam nunc. Verumtamen quid fateri dubitemus, viam nobis nostram, quam inivimus, perquam placere? Nam sic profecto explorare animi nostrum ex ejus studiis appetitibusque naturalibus, ex propria ipsi philosophiā, quam optima quaeque referunt, quae in lucem emisit, jucundum negotium est: videturque id ante instituendum, quam ad sensus accedamus. Nam quid illi prodesse ad cognoscendum possunt, nisi insit homini, quo per eos, tamquam nuncios, res externas cognoscamus? Νοῦς ὅρᾳ καὶ νοῦς ἀκούει. — Et vero exquirere, quid discere sit, quid docere, quae omnis sit eloquentiae scriptionisque optima

ra-

(1) Rep. X. 611. D.

ratio, non jucundum id tantum est, sed durum sit vel hebes ad haec studia necesse est, qui his cum Platone et ex Platone inquirendis, attendendoque in, iis *veri amore*, ipse hoc amore non incalescat continuo. Age, persequamur nos porro hanc viam nostram. Tendimus in mundum *σοφίας*, in quo lucet, una cum ideis omnibus, ipsa veritas: huc autem quo facilius certiusque perveniamus, disciplinas quaeramus, quarum ope maxime ex hac inscitiae errorumque sede in regnum illud veritatis escendamus. Nam huic insitae nobis philosophiae ut satisfaciamus, ut quod appetimus naturam, assequamur, erigendus animus, imo convertendus totus penitusque est a rebus hinc incertis et fallacibus ad ea quae vera sunt et immutabilia. Hoc autem ipsum disciplinarum manus est.

INITIA
P H I L O S O P H I A E
P L A T O N I C A E.

INITIA
P H I L O S O P H I A E
P L A T O N I C A E.

A U C T O R E
P H I L. G U I L. V A N H E U S D E.

V O L U M I N I S S E C U N D I
P A R S S E C U N D A.

P H I L O S O P H I A V E R I
D E D I S C I P L I N I S.

T R A J E C T I A D R H E N U M,
A P U D J O A N N E M A L T H E E R.
1831.

Gp 83.429

Harvard College Library

Bowie Collection

Gift of

Mrs. E. D. Brandegee

Nov. 9, 1908

DE

DISCIPLINIS,

QUAE MENTEM EVEHUNT IN MUNDUM
νοητὸν, IN PRIMIS DE DIALECTICA.

τί ἂν οὖν εἴη, ὃ Γλαύκων, μά-
θημα ψυχῆς ὁλοκὸν ἀπὸ τοῦ γιγνο-
μένου ἐπὶ τὸ ὄν;

In disciplinis, quas peperit antiquitas philoso-
phia, nulla est facile, quae ipsi philosophiae et
potuit prodesse magis et magis saepenumero ob-
fuit, quam princeps disciplinarum omnium, dia-
lectica. Ut enim primum haec in lucem prodie-
rat, a Socrate continuo et Platone eo consilio
exculpta est, ut mentem hominis et purgaret fal-
sis opinionibus et ad verum perspiciendum prae-
pararet: quod summum est sane ipsius philoso-
phiae munus. Quodsi hinc convertimus oculos
ad ejusdem disciplinae medio aevo conditionem,
aberrasse eam videmus a proposito fine, et vero

A

sic

sic aberrasse, ut repugnaret philosophiae. Nam aberat tantum, ut liberaret hominem falsis opinionibus, ut has contra ratiocinando argumentandoque ac syllogismorum auctoritate probare conaretur et confirmare. Sed conjuncta haec disciplina omni aevo cum eloquentiae fuit studio, cui sic dedit auctoritatem ad persuadendum, ut vicissim ab illa persuadendi invitamenta et illecebras accipiebat: eloquentiam autem constat tam ad pessima omnia posse, quam ad optima, hominem adducere, nec raro sane illud efficere magis, quam hoc, studuisse.

Est sane haec temporum nostrorum felicitas, ut quae olim celebrari summis laudibus solebat, eloquentiae facultas illa, qua quis inferiorem causam dicendo superiorem efficeret, dialecticaeque artibus, quocumque vellet, audientium animos deduceret, haec contemnatur per universam Europam: gravioribus autem doctrinis tantum absit ut adhibeatur, ut contra ad veritatis amussim opiniones doctorum hominum et inventa exigantur unice. Non audiretur hodie sive philosophus sive orator, qui, ut Romae Carneades, de justitia disputaret copiose, sed idem disputationem suam postridie contrariam disputatione subverteret, et justitiam, quam pridie laudaverat, tolleretur⁽¹⁾. Pueris relinquendum hoc ludicrum negotium. putamus; Platonis vero laudamus sententiam, hoc esse

(1) Lactant. V. 14.

esse in eloquentia summum, ut dicendo homines cum ad veritatem ducar, tum ipsos emendet. Et quoniam vulgus indoctum, ut solet semper, sic etiam nunc inanibus simulacris capiatur: quamvis sint item hodie, qui, ut errare humanum est, ita errores suos, specie ipsi veritatis decepti, omni commendare et tueri eloquentiae arte student: quamvis haud desint his nostris etiam temporibus, qui, ut Gorgias olim et Polus, auram vulgi dicendo scribendoque captare avent: tamen haud facile quisquam reperitur, qui publice probare sophisticas has artes, easque dialecticae et eloquentiae nomine commendare sustineat. Sed quo majores ita fecisse ad maturitatem suam progressus genus humanum videtur, eo nos dialecticam veram, quam conjuncta esse vera eloquentia debet, indagare oportet diligentius: eam dico, quae, ut primum inducta a Socrate est, ita ad praejudicatas deponendas opiniones, verumque in omni causa eum inveniendum solerter, tum naviter propugnandum pertinet, uniceque valere ad philosophiae tuendum decus, tum vero etiam ad provehendam per philosophiam humani generis salutem et felicitatem et potest et debet. Quam si quaerimus, Plato nobis, hoc item proposito, legendus maxime diligenterque explicandus videtur. Is enim, ut artem invenit scriptisque suis celebravit, quae, ut supra nos vidimus ⁽¹⁾, una maxime pulcri amorem

(1) Vol. I. p. 174.

rem in puerorum animis suscicaret, *coelestem musicam*, artium principem, cujusque ipse studio ductus, ut nobis modo patuit ⁽¹⁾, novum dicendi scribendique genus induxit: sic *dialecticam* a Socrate acceptam eum in modum cum informavit, tum ad veritatis amorem in puerorum animis alendum adhibuit, ut nova videretur plane, certe ad nullas non provehendas doctrinas, ipsam illustrandam tuendamque philosophiam, una esset omnium efficacissima. Et vero hac idem disciplinā, ut caeteris item gravioribus, sed hac tamen potissimum, illud efficiendum cēnsuit et quomodo efficeretur demonstravit, ut animus ab his umbris falsisque veri speciebus, quibus delectari vulgus hominum videmus, averteretur, totusque ad ipsum verum contemplandum rebusque hominum adhibendum converteretur, omninoque e mundo hoc spectabili in eum, qui solā mente et cogitatione percipitur, *νοητὸν* vocabat, educeretur.

Ut hunc omnis philosophiae finem assequeremur aliquando, versati diu in principiis sumus, quo *veri amorem*, principiorum omnium ad veritatem indagandam longe princeps et efficacissimum, exploraremus diligentius. Consecuti autem inde, opinor, et hoc sumus, ut, quae nobis nunc continuo exponenda sunt sive officia sive adminicula sive *media*, quae vulgo dici solent, ad finem illum attingendum, i. e. disciplinae majores imprimisque illa,

(1) Vol. II. P. I. p. 148.

illa, quam laudavimus, dialectica, has simus longe facilius exploraturi. Haud facile enim, quomodo hae valere ad verum cognoscendum debeant, assequeremur, nisi de propria nobis cognoscendi facultate constaret: nos autem et nosmet ipsos et veri amorem, quo naturā ducimur, explorantes, sensum internum, animi oculum, quem Plato vocavit, qualis sit, quid efficere ad verum cognoscendum debeat, quodammodo jam exploravimus. Tum vero frustra deinceps de dicendi scribendique arte, quae sine dialectica nulla est, agere institueremus, nisi quo studio, quo proposito, quem in finem hae nobis artes excolendae sint, investigassemus. Quid? quod *μαλειυτικὴν* Socraticam, quae sine dialectica adhiberi hominum ingeniis animisque non potest, ipsiusque est dialecticae pars quaedam, jam datā operā explicare et hinc ducere veram eloquentiam omnemque docendi rationem quae justa sit, conati sumus? Haud ita difficile igitur nobis iter erit, quod nunc deinceps instituemus, nec vero tum etiam, ubi ad ipsum jam finem sumus perventuri, tam erit illud asperum aut arduum, quam vulgo putatur. Nam aequabilis est, ut ab initio diximus et satis jam nobis patet, philosophiae Platonicae progressio. Non extemplo nos Plato, quae aliorum est, recentiorum in primis philosophorum consuetudo, in metaphysicae nescio quem labyrinthum ducit, unde qua nos possimus ratione expedire, non reperiamus: non ille nos continuo per hanc scilicet
me-

metaphysicam in altos nubium tractus evehit, ubi nos suspensi et quasi *periculi* firma cognoscendi principia habeamus nulla, sed vagemur temere. Lente ille quidem, sed firmo gradu constanterque procedit, et nos profecto, postquam semel per disciplinarum disquisitionem, cum aliarum, tum praecipue dialecticae, in mundum *ωρδω*, ad ipsas ideas pervenerimus, erit nobis haec sive dialectica sive metaphysica sive quocumque tandem nomine haec disciplina vocanda sit, non labyrinthus, in quo coecorum instar oberremus, sed quasi specula erit quaedam, unde prospiciens in omnes partes philosophus

*Hinc hominum errores longe lateque per orbem
Despicere, atque humiles possit contemnere curas.*

Sed vana est omnis de disciplinis disquisitio, nisi illos consideraverimus item, quibus eas tradituri sumus, eorumque indolem atque ingenium perspexerimus. Hac item in re Plato non, quod postea factum, abstracte, ut vocatur, philosophatus est, sed hominis praecipue humanaeque naturae rationem habuit. Patuit id nobis in superioribus, quum de musica et gymnastica ageremus. Custodibus civitatis has artes adhibuit, ut excolerentur rite atque ad fortitudinem simul atque humanitatem adducerentur. Quod fecit illo in opere, quo perfectam reipublicae conditionem adumbravit. Similiter nos hoc loco de disciplinis disquisituri, non eas solas, ipsas per se tantum consi-
de-

derabimus, sed una spectabimus custodum illorum optimos, qui regere aliquando civitatem illam debebunt. illum secuti ducem nostrum, ex eodem opere palmario, ex iisdem illis suavissimis Socratis cum Glaucone et Adimanto sermonibus, futuros hos civitatis perfectae gubernatores, quales esse debeant, et quomodo per disciplinas gravissimas ad tantas res suscipiendas agendasque erudiendi provehendique sint, declarare studebimus. In qua gravissimarum rerum disquisitione, priusquam ad ipsam dialecticam perveniamus, continuo nobis, *quo valeant, quid efficer e maxime disciplinae debeant*, explorandum erit: tum tria considerabimus haud sane levia: primum, quod disciplinas spectat, *num sit earum commune quoddam, quo natura conjunguntur, vinculum*: quo perspecto facilior nobis erit generosorum juvenum, quibus tradendae erunt, institutio: deinde, quod juvenes hos ipsos attinet, *quinam proprie dicendi philosophi sint*: id enim tenendum, ut ad illud eos adducamus, quod in philosophia summum est: tandem, quo et disciplinas et juvenum studia complectemur, *quibus hi disciplinis erudiendi praecipue sint, ut et adsequantur veritatis scientiam, et, adsecuti, conferre illam deinceps in reipublicae salutem possint*.

*Quo valent maxime,
quid efficere disciplinae debent?*

Ut igitur disciplinarum vim ad aperiendam veri

ritatem percipiamus penitus, praesens haec animi nostri conditio rite est ex iis, quae jam dicta sunt, efficienda. Expressit eam Plato aptissime, quum ejusmodi esse diceret, ut somniantium nos instar, videre nobis videamur, quae non sunt; quae vero sunt, non videamus. ⁽¹⁾ Nam postquam hoc corpus induimus, non licuit nobis *τὰ βυτὰ*, *ea quae sunt*, i. e. ideas ipso animo intueri, corporis uti sensibus coacti sumus, quibus idearum in his terris non nisi simulacra quaedam et obscura illa et fallacia contemplaremur. Hinc fit, ut opinemur, non sciamus: videamur cognoscere, non cognoscamus: fluctuemus omnino incerti inter inscitiam et scientiam. Est enim *opinionis* haec natura, ut non sit inscitia: opinantes enim videntur scire: nec scientia sit etiam: qui scit, opinari se non facile dixerit; sed sit inter inscitiam et scientiam intermedium quid: id autem et somniorum et praesentis item vitae nostrae plane est proprium. Crebri sunt hominum sermones de rebus pulcris, bonis, justis, in quibus discedunt fere a se invicem in diversas, subinde in contrarias partes. Quod placet aliis et pulcrum dicitur, id aliis displicet ut turpe: quod celebrant nonnulli ut bonum civitati et perquam utile, id ab aliis ut malum vituperatur et noxium civitati: quae caussae aliis videntur iudicibus justae uniceque vindicandae, ab aliis injustae judicantur et

po-

(1) Rep. V. 476 C.

poenis dignae. Judicant igitur de his omnibus homines opinionibus suspensi, non scientiam adsecuti, judicant, ut qui somniant dormientes, imo vero hi *vigiles* somniant, ὕπῃ δειπνῶντες: nec magis vigiliae suae, quam somni ad sapientiam fructum capiunt. Scilicet simulacra sectantur, non res: pulchra, non pulcrum ipsum: bona, iusta, sancta, non ipsum bonum, ipsum iustum, ipsum sanctum: non quaerunt veritatem in his omnibus, sed speciem, non τὸ αὐτὸ καὶ αὐτὸ ὅντως ὄν, quod ipsum per se reapse est pulcrum, bonum, iustum, sanctum, sed quod id esse videtur. Illud si spectarent ac possent adsequi, sic demum expergiscerentur e somno, quo jacent sepulti, cessarent opinari, scire inciperent, et omnium esset controversiarum istarum, ad summam humani generis felicitatem, finis impositus. Sed somniantes hoc item habent: quod simile est alicui rei, non simile, sed ipsum esse censent illud, cui est simile. Id autem nobis in hac conditione nostra gravissimum est malum. Simulacra illa, quae nunc sola percipimus sensibus, non simulacra esse, sed res ipsas, opinamur: sunt autem illa, ut monuimus, fallacia magnam partem, cuncta vero, si quidem cum veritatis luce et splendore conferuntur, perquam obscura. Ergo bona persequi, quae bona videntur, sed *sunt* mala, iusta propugnare, quae iusti habent speciem, sed *sunt* injusta, vera asseverare, quae habentur vera, sed *sunt* falsa, simulacra
om.

omnino sectari fallacia, hisque sectandis non bonas horas, sed totam vitam impendere, haec est hominis, praesente hoc statu, misera sane conditio.

Ut autem ex hoc quasi somno expergiscantur mortales, adhibendae ipsorum menti disciplinae sunt. Nam valent hae potissimum, ut ne videamur nobis videre, quae *non sunt*: perficere adeo hoc debent, ut quae *sunt*, sed latent hominum vulgus, quod opinionibus ducitur, haec videamus interiusque nitamur cognoscere. Scilicet ad internum sensum nostrum, externis illis longe potiore, naturam pertinent, quo quidem per eas et purgato rite et aperto, et vero ad res ipsas, ad ipsam veritatem converso, tum demum quis desinit somnare, ὤραρ ζῆν, vigilare vereque vivere incipit. Id Plato efficiendum disciplinarum opere censuit; sed quales sunt illae? quae mutua earum ratio est? estne, quo naturam conjunguntur, vinculum commune? Haec ut recte exploremus, de indole philosopha; quam vocat Plato, praemittere nonnihil juvat. Inde enim maxime ad tria illa explicanda, quae modo memoravimus, ducendum exordium est.

De indole philosopha.

Audiamus Platonem continuo, sive Socratem potius, quem Plato fecit in Politia cum Glaucone et Adimanto de sublimi argumento disserentem. Hoc, ait, continuo manifestum est, eligendos

dos nobis e multis modis esse, qui prae caeteris
sint operum musica et gymnastica circuli: sed quae-
rendi praecipue sunt, qui naturam videantur philo-
sophi; hi autem quales sint, quaeque vero no-
mine dicatur *φύσις φιλόσοφος*, *natura philosophus*,
id scilicet, Adimante, non ita est manifestum;
atque, ut suam philosophiae vindicemus in ci-
vitate auctoritatem, si quid aliud, hoc nobis
patere debet. Sed age, in memoriam tibi revo-
cabo, vel ipse potius recordare, si quem di-
cimus aliquid amare, hunc nobis videri oportere
non partim illud amare, partim non, sed totum
amore complecti. Cui Glauco, sane, responderet,
o Socrates, in memoriam id mihi revocandum: nam
ego, fateor, non reminiscor. Tum Socrates,
alium, inquit, dicere decebat quae dixisti; virum
vero amoris haud expertem non decet non remi-
nisci, τὸν Φιλέπαιδα καὶ ἐρωτικὸν ab omnibus, quot-
quot in ipso sunt aetatis flore, moveri quodam-
modo et stimulari, viderique huic illos observan-
tia et amore dignos. Nonne ita vos erga for-
mosos agitis? Alius, quod simus est, *gratiac plē-
nus* dicitur et hoc celebratur nomine: alium, cui
aquilinus nasus est, *regium* appellatis: si quis au-
tem inter hos medius est, *concinnum* esse dicitis.
Nigros *viriles* vocatis *specie*, candidos, *Deorum
filios*; *μελίχλωροι* vero qui appellantur, a quo tan-
dem fictum hoc nomen putas, nisi ab amatore,
qui facile ferret blandiendoque sic appellaret ama-
sui pallorem? Verbo, nullas non captatis occasiun-
cu-

culas et nihil non, dicitis, quo neminem omnino florentis aetatis adolescentem reficiatis. ⁽¹⁾ Quae nobis Socratis dicta eo placebunt magis, quo ea magis nostris moribus, nostro amori accommodaverint. Juvat Lucretii locum apponere, apud quem similiter haec puellis tribuuntur:

*Multimodis igitur pravas turpesque videmus
Esse in deliciis, summoque in honore vigere. —
Nigra, μελίχροος est: immunda et foetida, ἄκοσμος:
Caesia, καλλάδιον: nervosa et lignea, δορκάς:
Parvola, pumilio, χαρίτων ἴα, tota merum sal:
Magna atque immanis, κατὰπληξίς plenaque ho-*
noris:

*Balba, loqui non quit, τραυλίζει: muta pudens est:
At flagrans, odiosa, loquacula, λαμπάδιον fit:
Ἰσχὸν ἐρωμένιον tum fit, cum vivere non quit
Prae macie: ῥαδινὴ vero est, jam mortua tussi:
At gemina et mammosa, Ceres est ipsa ab Jáccho:
Simula, σιληνὴ, ac satyra est: labiosa, Φίλημα.
Caetera de genere hoc, longum est, si dicere coner ⁽²⁾*

Ducta haec sunt e Platonis fonte; sed non est iocus Platonis, quem erotici apud veteres et recentiores poëtae lubentius exprimere imitando studuerunt. Nota Moliéri imitatio est, quamquam hic proprie Lucretium, quem fere totum vertisse dicitur, secutus est. ⁽³⁾ Ovidius inde non semel profecit, veluti in *Arte amandi*:

No-

(1) Rep. V. 474. C. (2) Lucret. IV. 1148. (3) Misanthrope Act. II. Sc. 2. ubi V. Auger.

*Nominibus mollire licet mala : fusca vocatur ,
 Nigrior Illyricâ cui pice sanguis erit :
 Si pacta est , Veneri similis ; si flava , Minervae.
 Sit gracilis , macie quae male viva sud est.
 Dicabilem quaecumque brevis : quae turgida ,
 plenam :
 Et lateat vitium proximitate boni. ⁽¹⁾*

Et in Remedio amoris :

*Et mala sunt vicina bonis : errore sub illo
 Pro vitio virtus crimina saepe tulit.
 Quam potes , in pejus dotes deflecto puellae:
 Iudiciumque brevi limite falle tuum.
 Turgida , si plena est : si fusca est , nigra vocetur.
 In gracili macies crimen habere potest.
 Et poterit dici petulans , quae rustica non est :
 Et poterit dici rustica , si qua proba est.
 Quin etiam , quacumque caret tua foemina dote ,
 Hanc moveat , blandis usque precare sonis.
 Exige quod cantet , si qua est sine voce puella :
 Fac saltet , nescit si qua movere manum.
 Barbara sermone est : fac tecum multa loquatur :
 Non didicit chordas tangere : posce lyram.
 Durius incedit : face inambulet : omne papillae
 Pectus habent tumidae : fascia nulla tegat.
 Si male dentata est ; narra , quod rideat , illi ,
 Mollibus est oculis , quod fleat illa , refer. ⁽²⁾*

Se-

(1) Ovid. Art. Am. II. vs. 657. (2) Ovid. Remed. am.
 vs. 323.

Serio magis Horatius :

*Illud praevertamur , amatorum quod amicos
 .Torpia decipiunt cecum vitia , aut etiam ipsa haec
 Delectant ; veluti Balbinum polypus Hagnae.
 .Nellem in amicitia sic erraremus , et isti
 .Errori nomen virtus posuisset honestum.
 At pater ut gnati , sic nos debemus , amici
 Si quod sit vitium , non fastidire ; strabonem
 Appellat Paetum pater ; et Pullum , male parvus
 Si cui filius est , ut abortivus fuit olim
 Sisyphus : hunc Varum , distortis cruribus ; illum
 Balbutit Scaurum , pravis fultum male talis. ⁽¹⁾*

Sed quidni Molieri etiam , quamvis recentioris
 poëtae , locum adjiciamus ? Antiquitate , unde sum-
 tus est , dignus videtur :

*L'amour , pour l'ordinaire , est peu fait à ces lois ,
 Et l'on voit les amans vanter toujours leur choix.
 Jamais leur passion n'y voit rien de blâmable ,
 Et , dans l'objet aimé , tout leur devient aimable :
 Ils comptent les défauts pour des perfections ,
 Et savent y donner de favorables noms.
 La pâle est aux jasmins en blancheur comparable ;
 La noire à faire peur , une brune adorable ;
 La maigre a de la taille et de la liberté ;
 La grasse est , dans son port , pleine de majesté ;
 La malpropre sur soi , de peu d'attraits chargée ,
 Est*

(1) Horat. Serm. I. 5. 38. Et haec et alia veterum lo-
 ca citant Ast. ad Plat. de Rep. p. 529 et Auger ad Mo-
 lier. Vol. V. p. 172.

*Est mise sous le nom de beauté négligée;
La géante paroît une déesse aux yeux;
La naine, un abrégé des merveilles des cieux:
L'orgueilleuse a le coeur digne d'une couronne;
La foute a de l'esprit; la sotte est toute bonne;
La trop grande parleuse est d'agréable humeur;
Et la muette garde une honnête pudeur.
C'est ainsi, qu'un amant, dont l'ardeur est extrême,
Aime jusqu'aux défauts des personnes qu'il aime⁽¹⁾*

Adscripsimus haec loca, non quo ornatum disputationi a poetis peteremus, sed ipsius Platonis caussa, quo magis propria ejus et singularis plane philosophandi ratio appareret. Poetae in his usurpandis, ut vidimus, sua quique proposita maximeque diversa respexerunt, et alia omnia magis, quam veri philosophiam attenderunt. Plato vero illa ad cognoscendi amorem doctrinarumque studium, quo flagrat indoles philosopha, adhibuit: quo patet nobis denuo, quam supra explicuimus, ⁽²⁾ amoris apud eum cum philosophia necessitudo. Verissima autem sunt aptissimeque nobis demonstrant, hoc item cum amantibus discendi cupidos, quique naturâ philosophi sunt, commune habere, ut quidquid est studiis ipsorum naturalibus conveniens, qualecumque sit illud tandem, modo expleat discendi desiderium, ament illud omne et colant. Unde patere arbitramur diversissimarum doctrinarum

com-

(1) *Molier.* l. 1. (2) *Vol. I. p. 132. 136.*

commune principium: et vero hinc forte jam suspicetur aliquis, quale sit illud undequae profectum, quod Cicero praedicavit disertissime, *artium omnium et doctrinarum commune vinculum*. Quo sane placito vix ullum exstitit in philosophia, quod germanos philosophos magis jucundiusque teneret. Nos vero ne festinemus! Lente progreditur Socrates, quaeque jam spe et exspectatione praecepimus, suo nobis loco sive monstrabit sive divinanda praebebit. Nunc monstrat alia, unde ad rem praesentem, ad indolem cognoscendam philosopham, conjecturam capere liceat. Vini memorat avidos, avidos etiam honoris. Illos, ait, nonne idem facere vides, quod amatores? nullum non vinum nulla non ratione et commendatione diligunt et laudant. — Sic faciunt. — Et vero qui honoris sunt cupidi et ambitiosi, hos, arbitror, novisti, si ducere exercitus non possunt, tribunos esse lubenter, eosdemque, si apud majores nobilioresque nullo sunt honore, contentos esse tamen, ubi a minoribus et ignobilioribus honorantur: quippe omnino honoris cupidos. — Ita plane se res habet. — Hoc igitur, o Glauco, vel affirmandum est nobis, vel tu, si potes, nega, qui expetunt aliquid vehementer, non partim hoc illos persequi, partim contemnere, sed totum diligere. — Totum illud, ajo, diligunt. — Ergo φιλόσοφον dicemus σοφίας esse amatorem, non peculiaris cujusdam, sed omnis omnino. — Omnis, fateor. — Eum igitur, qui

qui aegre ad disciplinas procedit, juvenili praesertim aetate, necdum ratione discernens, quid utile sit quid non, nec studiosum esse dicimus nec φιλόσοφον: quemadmodum illum, qui fastidit epulas, neque esurire dicimus neque epulas concupiscere, non φιλόστιτον esse, sed κακόστιτον. Τὸν δὲ δὴ εὐχερῶς ἐθέλοντα παντὶς μαθήματος γαίεσθαι καὶ ἀσμενῶς ἐπὶ τὸ μαθάνειν ἴοντα καὶ ἀπλήτως ἔχοντα, τοῦτον δ' ἐν δίκῃ φήσομεν φιλόσοφον. Qui vero facile ac sponte nullam non disciplinam degustare cupit et placide ad discendum procedit nec satiari discendo potest, hunc demum jure philosophum dicimus. ⁽¹⁾

Memorarunt hanc sententiam Platonis quam philosophi veterum, nec poëtae inde tantum, quos diximus, sed philosophi etiam profecerunt; pauci vero omni aetate fuerunt, qui idem illud placitum ad liberaliter instituendos juvenes, nedum ad naturalem demonstrandam artium conjunctionem cognitionemque adhiberent. Fecit autem Cicero, atque ita fecit, ut suā ipse sponte in Platonis vestigiis procedere videretur. Fingens ille similiter, ut Plato philosophos, ita ipse oratores perfectos, pariter in iis et hunc ardorem amoris et nullius non artis doctrinaeque studium postulabat. Nec mirum. Quod ab aliis exigebat, ipse praestabat, quippe ipse naturā hoc erat ingenio, ut, quidquid in artibus pulcrum esset et praeclarum, prorsus
ut

(1) Rep. V. 475 C.

ut Plato vult, susciperet avide. Quod Plutarchum, optimum illum sane ingeniorum exploratorem et judicem, non latuit, qui in naturam adeo Ciceronis Platonium placitum accommodat. Fuit ille, *εἰτ, ὥσπερ ὁ Πλάτων ἀξιοῖ τὴν φιλομαθῆ καὶ φιλόσοφον φύσιν, οἷος ἀσπάζεσθαι πᾶν μάθημα, καὶ μὴδὲ λόγου μὴδὲ παιδείας ἀτιμάζειν εἶδος*: fuit, *qualis esse Plato vult studiosam et philosopham indolem, ad omnes natus disciplinas complectendas, nec ullum contemnens sive doctrinae sive eruditionis genus* ⁽¹⁾. Nos vero quo diligentius Ciceronis studiis totamque vitam persequimur, eo interius nobis videmur Platonicae sententiae vim assequi. Quamobrem de hoc paulisper excurrere, si non perfecto philosopho, principe certe Romanorum et philosopho et oratore, non abs re sit hoc loco. Et vero scriptis ipse suis idem Cicero, si quis alius sive antiqui sive recentioris aevi Platonis interpretes, et hoc et cognata placita elegantissime diligentissimeque explicuit: quod nos profecto in primis decet attendere.

Sit igitur ita, ut omnes fatentur: haud fuerit Cicero eā ad philosophandum indole, qua Plato, qua Aristoteles, qua praecipue Socrates fuit, nec possit cum hisce, quod merita in philosophiam attinet, comparari, qui omnino incomparabiles sunt; est tamen quod dubitemus, an ullus fuerit apud antiquos, non dico orator, sed ne philo-

loso-

(1) Plut. vita Cic. c. 2.

philosophus quidem, qui *philosophandi artem*, quae *insatiabile* illud, quod Plato vocat, *discendi studium* et vita et scriptis prodiderit magis. Non tantum a puero nullis non doctrinis, quae ad humanitatem pertinent, operam navavit, a pueri orsus, ut Plato et maximae quique viri; sed, quamvis Romanus, quamvis omissis dicendis, magistratibus obeundis rebusque gerendis destinatus, quamvis etiam civium suorum studiis, aversis a philosophia, retentus Romae, nullam praetermisit per vitam totam opportunitatem, qua excurreret in Graeciam et quicquid illic in scholis philosophorum germanae philosophiae superesset, cupide animo exhauriret. Nec vero hoc insitum discendi studium praesentis aetatis philosophis audientibus legendisque explebat, ut ipsius fere aequales solebant: antiquos anquirebat, Platonem, Aristotelem priscosque Academicos et Peripateticos, quibus unice legendis meditandoque et Socratica degustanda philosophia, totum explere animum licebat. Itaque sive ille Athenis sive etiam Romae degeret, nullum appetebat voluptatum genus attentius, quam quod studiis literarum et philosophiae commendaretur: Athenis autem, ut ipse haud obscure in dialogis significavit, illos lubentissime locos repetebat, in quibus fuerant antiqui illi versati olim, Academiam praecipue, ubi *horum viri ipsum et Platonem quasi in conspectu ponebant* (1).

Dixi-

(1) Cic. de Finibus L. I. c. 4) ubi id. Pistoni tribuit.

Diximus paullo ante, principatum eum apud Romanos in eloquentiâ, uti apud Graecos Demosthenem, philosophiæ in primis studiis debuisse. Sed hoc omnium artium, quæ ad humanitatem pertinent, insatiabili ardore, non quidem superasse in eloquentia Demosthenem, sed ab eo se distinxisse videtur. Nam factum ita est, ut, prouti princeps Atticorum oratorum Socraticam rationem dicendo expresserat, ita Cicero optimos quosque antiquitatis philosophos, quique post Platonem fuerant, animo complexus, universam philosophiam in eloquentiam conferret; Platonem autem non dicendo tantum sed scribendis etiam libris exprimeret. Vix erat nobilis in Graecorum philosophia locus, quin eam e clarissimorum philosophorum placitis diligenter docteque et vero diserte explicaret: quod libri testantur, quos multas et varios de philosophia scripsit, quibusque, ipsius commendandæ philosophiæ causa, Horænsium præmisit ⁽¹⁾. Quodsi, quam Plutarchus in eo animadvertit, indolem philosopham, velimus totam perspicere, illi nobis oratoris legendi sunt libri, quos non senescens, ut illos, sed vigente ætate, quos eo tempore, quo *ipsum reipublicæ gubernaculum tenebat* ⁽²⁾, de Republica, de Legibus, præsertim de Oratore scripsit. Expressa est in iis philosophia, non scholam redolens aut sectam aliquam philosophorum, sed Aristotelis re-

(1) De Finib. I. 1. (2) Cic. de Divin. II. c. 1.

referens et Platonis ingenium, quod plane in illis spirare videtur. Hos qui legit, legendoque non res tantum, ut vulgo fit, sed formam, sed dialogi rationem, sed vim dicendi, sed philosophiam omnino, quae et ducta ex homine est et ad vitam hominis accommodata tota, haec igitur una cum rebus attendit diligenter, nae is judicare de Ciceronis ingenio poterit. Defuit ei, fateor, quae admirabilis in Demosthene fuerat, dicendi *δενότης*, illa certe defuit singularis plane et Socratica simplicitas ac popularitas, cum copia et gravitate conjuncta, quae capit hominum animos candoris opinione, et aperit eos totos ad nullos non sensus intime suscipiendos: unde incredibilis exstitit, ut diximus, Demosthenae orationis persuasio et ad commovendam Graeciam efficacitas. Sed scribere de eloquentia, ut Cicero fecit in libris *de Oratore*, in *Oratore*, in *Bruto*, e naturâ philosophiae ducere eloquentiam et hinc informare scribendo perfectum omnique numero absolutum oratorem: hoc Ciceroni agendum reliquit Demosthenes, ipse non fecit ⁽¹⁾. Profecerit hic e Socraticâ disciplinâ et lectione Platonis multum ad commovendos non solum, sed et emendandos cives optimarumque rerum studio inflammandos, hoc non profecit inde, quod Cicero adsecutus est, ut fingeret rem-

pu-

(1) Plat. in comp. Dem. et Cic. c. 1. Δημοσθένης μὲν οὐκ ἐν ἱστορικῶν ἀνέκδοτοις πᾶν ἔσθ' ὅσον εἶχεν ἐκ φύσεως ἡ ἀσκήσεως λόγιον. — Κικέρων δὲ καὶ πολυμαθὴς κ. τ. λ.

publicam perfectam, sive fidam a Platone civibus suis suaeque reipublicae accommodaret. Illud *pro-*
toris est: et habuit Demosthenes tantam ad foren-
 sem eloquentiam indolem, quantam oratorum, qui
 unquam fuerunt, facile nemo: hoc vero est *phi-*
losophi. Tantum autem abfuit, ut hoc studium
 philosophiae Cicero legendis scribendisque libris
 privatisque sermonibus expleret, ut, quam pri-
 mum hoc ipsi bonâ cum civium gratiâ liceret,
 in forum, certe ad tribunal, producerit philoso-
 phiam. Nam priusquam hos scripserat libros,
 cum floreret ingenio maxime et pectus haberet Pla-
 tonis refectum, dixit ad iudices pro Archiâ poë-
 tâ: qua oratione ut nihil unquam peperit foren-
 sis eloquentia limatius, elegantius, ipsam urbani-
 tatem Atticam spirans magis, ita nullum exstat
 Ciceronis scriptum, quo et prodiderit magis indo-
 lem suam ad philosophiam, et philosophiae Pla-
 tonicæ vim, ubertatem, cum omni humanitate
 conjunctionem, expresserit plenius. Legimus nos
 hanc orationem a tenerâ ætate et edidicimus fer-
 me, et sic sunt sententiae, quibus abundat, per-
 vulgatae, ut vix eas soleamus attendere. Quodsi
 quis recens a Platonis, a Phaedri praecipue dia-
 logi lectione, subito in illam inciderit, legeritque
 eam, non ut tritam puerili institutione declama-
 tionem, sed ut *orationem*, ut eam Ciceronis ora-
 tionem, qua primum ille, quæ tamdiu continue-
 rat animo acerrimeque compresserat, publice pro-
 funderet tandem, mirer equidem, si is Phaedrum
 non

non agnoverit identidem in sententiis cum de divino poetarum furore, tum de doctrina et natura, illam sine hac valere parum: ⁽¹⁾ quibus recte comparantur vulgo Horatiana:

Doctrina sed vim promoves insitam. ⁽²⁾

Et

Natura fieret laudabile carmen, an arte,

Quaestitum est: ego nec studium sine divite vena; ⁽³⁾

Nec rude quid prosit video ingenium. ⁽⁴⁾

Nec vero ipse Horatius a studiis Platonis et Socraticorum alienus erat. Hausit hinc idem et aliis hauriendum putavit:

Scribendi recte, sapere est et principium et fons:

Rem tibi Socraticae poterunt ostendere chartae. ⁽⁵⁾

Sed in Ciceronis oratione, ubi de laudis gloriaeque studio, de literarum amore, de vi horum studiorum ad vitae suavitatem felicitatemque agit, quis est, qui haec legens non ipsius Phaedri, acerrimi juvenis, in literarum studia ardorem agnoscit, non eodem videt oratorem ardere? Quid de Symposio dicam, quo in primis Plato immortalitatis spem, quae his studiis alitur, expressit? Nonne refert plane divinum sermonem illum haec Ciceronis sententia? *Si nihil animus praesentiret in posterum, et, si quibus regionibus vitae spatium circumscriptum est, iisdem omnes cogita-*

tio-

(1) Cic. pro Archia c. 8. Cf. Phaedr. 354. C. (2) Horat. Carm. IV. 4. 33. (3) Id. Ep. ad Pison. vs. 408. (4) Id. eod. vs. 309.

iones terminaret suas; nec tantis se laboribus frangeret, neque tot curis vigilisque angeretur, neque toties de vitiis ipsis dimicaret. Nunc insidet quaedam in optimo quoque virtus, quae noctes et dies animum gloriae stimulis concitat, atque admonet, non cum vitae tempore esse dimittendam commemorationem nominis nostri, sed cum omni posteritate adaequandam. ⁽¹⁾ Non dico, mutuatum haec esse a Platone Ciceronem, ut Rhetores solent, quo scilicet ornaret orationem suam; sed a puero ille captus Platonis amore, sic autem captus, ut, prouti Phaedrus Lysiam, ita ipse Platonem omnibus, qui umquam dixerant scripserantve, anteponeret, deumque philosophorum vocaret: sponte is in hujus se cogitandi scribendique rationem sic insinuaverat, ut colorem inde inscius in omni descriptione duceret: qui sane Platonis amantem tum advertit maxime, ubi minime imitari Cicero Platonem videtur. Itaque cum in hac de literis humanitatisque disciplina oratione Platonem expressit suum, tum libris de eloquentia scriptis dialogi usurpavit formam, quippe quae tantopere ipsi in Platone placuerat, tum vero et in primis his, quos scripsit, dialogis et in iis qui hos consecuti sunt, Phaedrus ipsi dialogus praecipue ob mentem versatus esse videtur: unde illa continuo: *cur non imitamur, Crasse, Socratem illum, qui est in Phaedro Platonis?* ⁽²⁾ et nullum hoc frigidius flu-

(1) Cic. pro Archia c. 11. (2) De Orat. I. 7.

lumen attigi: ⁽¹⁾ Fibrenum significat, quem cum Rizzo confert: tum vero *quercus* illa, quae nobis platanum refert plane patulis diffusam ramis, quam non tam ipsa aquala, quam Platonis oratione crevisse censebat. ⁽²⁾ Attigimus haec supra; ⁽³⁾ sed iterum videntur eadem et saepius commemoranda, ut et intelligamus Ciceronem et cum doctrinae fructu legamus, et proficiamus item ab eodem ad interpretandum Platonem. Nam non est philosophi interpres probabilis, nisi cui sit cum eo ingenii quasi cognatio quaedam, ut ipse similiter natura et sentiat et iudicet et sic ejus mentem totamque philosophiam perspiciat. Sed sive quis in palmariis illis Ciceronis scriptis agnoverit Platonis genium, sive ea cum caeteris ejus scriptis confuderit, id omnes fateantur necesse est, nullam Ciceronis sententiam et magis fuisse omni aevo celebratam et indolem auctoris philosopham declarare evidentius, quam quae est in eadem illa pro Archia oratione, in ipso exordio, ab oratore pronunciata: *habere artes, quae ad humanitatem pertinent, commune quoddam vinculum et quasi cognatione quadam inter se contineri*. Et sic quidem jam eo venimus sponte, quo modo nos memini festinantius procedere. Est autem haec sententia si non enuntiata a Platone, ut enunclavit eam his verbis Cicero, sic tamen ducta ex ejus philosophia, ut plane habenda Platon-

(1) Legg. II. 3. (2) De Orat. I. I. (3) Vol. I. p. 157.

tonica videatur. ⁽¹⁾ Verum, quo magis ejusdem placiti in philosophiâ pateat auctoritas, quoque nos quod suscepimus, ut doctrinis ad civitatem regendam informaremus juvenes, perficiamus facilius, paullo juvat uberius de gravissimo argumento inquirere.

De communi artium et doctrinarum vinculo et quasi cognatione.

Artes et doctrinae quo diligentius cultae sunt, co plures identidem exstiterunt, quippe aliae ex aliis natae, eoque sunt magis a se invicem distinctae separataeque, ut tandem, quae esset earum mutua conjunctio, lateret plane, quaereretur adeo, num esset, quo continerentur, vinculum. Quamobrem ubi scriptores legimus, qui eas subinde commemorarunt, vel homines etiam de iis loquentes audimus, apparere eorum plerisque videntur ut viae quaedam, quarum aliae sint aliis remotiores, propiores aliae, nonnullae contiguae; sed omnes diversae, quippe e suo singulae longeque diverso principio ductae. Et sane si et institutionem juvenum et hominum vitam consideramus, suam

quis-

(1) Praeiverunt Ciceroni sententiae Graeci post Platonem philosophi; sed latent nos fontes illi seu rivuli potius propiores; quos utinam quis nobis monstraret, ut monstravit Wyttenbachius de nobili Ciceronis sententia agens: *haec studia adolescentiam alunt*. — V. Netscher disp. de Cic. orat. pro Archia. Lugd. Bat. 1848; Et Wyttenb. Philom. Vol. I. p. 299.

quisque in doctrinis tractandis viam init et persequitur: videantur adeo doctrinarum studiosi in suam quisque quasi tabernam tendere, ubi et vitam transigant et rebus studeant familiaribus et fructum laboris sui hominum societati impertiant: discreti omnes a se invicem, quamquam non ita alieni, quin identidem sibi mutuo opem praestent. Sed quamvis in hac artium doctrinarumque diversitate verum lateat conjunctionis vinculum, conati sunt tamen subinde philosophi, tam apud veteres, quam apud recentiores, qualicumque eas modo invicem conjungere. Celebrata est Macedonico aevo *ἐγκυκλοπαιδεία*. Uti enim antiqui fabulas vetustas in *κυκλούς* disposuerant, ita nunc placebat, hoc omnium artium doctrinarumque orbe, partibus dispositis omnem continere hominis scientiam, ⁽¹⁾ unā tamen exceptā philosophiā, quae honoratiore esse loco ponenda videbatur nec cum caeteris confundenda. ⁽²⁾ Sed ut erat haec distributio disciplinarum utilitatis causae excogitata, quo illis facilius studeretur, ita post multorum decursum saeculorum exstitit in Britannia Baco Verulamius, qui, qua erat ingenii perspicacitate, antequam in classes distribuerentur doctrinae, singulas et explorandas censuit, ut, quae esset cujusque natura pateret, et e suis quasque ingenii facultatibus, tamquam fontibus, ducendas. ⁽³⁾

Quod

(1) V. Quint. I. 10. 2. (2) Plut. de educat. p. 7. Cf. nos supra Vol. I. p. 64. (3) Lord Bacons Works. Lond. 1824. Vol. I. p. 76. Vol. VII. 118 et IX. 201.

Quod placitum, post Baconem neglectum fere, instauratâ superiore saeculo philosophiâ, mirifice placuit philosophis, praesertim Gallofrancis: quorum principes, auctoribus D'Alemberto et Condillaeio, explere Anglici philosophi votum summo ardore studuerunt. Quamquam res non ita cecidit, ut Baco optaverat et ipsi contenderunt. Nam nec satis exploratum fuit ingenium humanum, ut omnes inde artes doctrinaeque facile ducerentur, ductaeque inde explicarentur rite: et prodierunt e vasto proposito encyclopaediae, utilissima sane opera et augendis locupletandisque doctrinis aptissima, imo necessaria hodie, sed encyclopaediae tamen, i. e. vocabularia, quibus artes et doctrinae, nisi literarum ordine, nullo continerentur vinculo. Ut unquam in lucem tale proditurum sit opus, quale sibi spe et expectatione informarunt encyclopaedistae illi, est quod vereamur. Sed quicumque vel hoc vel simile negotium ad summum doctrinarum emolumentum sive nunc meditantur, sive peracturi sunt postea, hos oportebit et Platonem legere, nec sane repudiare Ciceronem. Plato rem totam, ut omnis nos docuit superior disputatio, ab ipsis principiis repetiit. Semper attendens animum nostrum, sive de artibus quaerebatur, quae ad humanitatem pertinent, de musica, de poësi, de pictura, sculptura, caeteris, omnes ex *pulcri* amore, tanquam fonte communi, et naturalibus hominis studiis ac sensibus, ex imitandi studio, ex rhythmî harmoniaeque sensu de-

derivavit: sive quaestio agebatur, quae doctrinas spectaret, quid sit discere? quid docere? ut pulcri illic, ita hic *veri* in homine amorem exploravit; hic autem animum proposuit nobis ut gravidum naturā optimorum studiorum, ut vel ipse per se in pulcro versatus, vel adhibitā *μαϊευτικήν*, cum optimis inventis ipsas pareret doctrinas. Quam artium communem originem attendentes, non possumus non cum percipere Ciceronis effatum tum probare, *contineri eas cognationis cujusdam vinculo*. Nam partae omnes pariter eodem ingenio humano, eodemque pulcri verique amore in lucem editae, quidni nobis et *cognatae* dicantur esse et mutuo sibi omnes in optimarum rerum studiis opem ferre? Ex his orsus principiis, qui artis cujusque et doctrinae naturam, rationem, propositum indagavit, quod Aristoteles tentavit subtilissime, nae is de artibus et doctrinis ipsoque eorum fonte, ingenio humano, praeclare meruerit. Quodsi quis dubitat, num Cicero haec omnia expresserit oratione, quum pro Archia diceret, fateor, me item dubitare, imo existimare potius, usurpatum hoc tum ab eo esse, ut communem sententiam. Veruntamen eundem Ciceronem, eodem tempore, rem totam, ut exposuimus, penitus perspexisse, hoc ipse probavit biennio post, cum scribere aggressus libros *de Oratore*, philosophiam celebraret. Graeco hanc nomine appellabat, quippe originis Graecae et vixdum Latine expressam: quamquam sic eam simul declarabat, ut sapientiae

piæ amorem, ut studium rerum optimarum: eandem autem *parentem* vocabat et *genitricem* artium omnium laudatarum et doctrinarum ⁽¹⁾. Quo plane explicabat, quod illic usurpaverat de earum cognatione, quodque stans pro tribunali, si explicare iudicibus et populo sustinuisset, surdis narrasset fabulam. Nos Ciceronis de philosophia sententias initio hujus operis attulimus ⁽²⁾, quo magis nobis in ipso ingressu pateret Platonicae philosophiae ratio. Nam multa ille expressit disertius, quae minus perspicue enunciaverat Plato. Nunc vero ipsius studium Platonis Ciceronianas illas sententias, explicabit evidentius: quod progredientibus nobis deinceps, in primis, ubi ad politicam Platonis pervenerimus, identidem patebit magis. Sed hic nos eadem illa Ciceronis de philosophiâ effata ad propriam Platonis ducunt et singularem, diversam certe a posterorum studiis, *ἐγκυκλοπαιδείαν*. Non ille divisit distribuitque artes et doctrinas, ut libros distribuerunt postea, in suam quasque classem, quo scilicet magis in tantâ turbâ ac multitudine ordo existeret aliquis; sed habens eas omnes, tamquam ejusdem parentis, unius philosophiae, foetus, quae ipsa omnis sapientiae, omnis cultus et humanitatis studium est et amor, ex hoc amore homini innato, hoc summo principio et fonte omnium rerum praestantissimarum, artes omnes ingenuas et doctrinas, tamquam rivulos,

(1) Cic. de Orat. I. 5.

(2) Vol. I. p. 68.

los, derivavit. Quae summi philosophi sententia tum etiam auctoritatem habuit, quum ipsa jam philosophia, quod ait Seneca, quasi concisa in partes esset ⁽¹⁾. Nam hic semper, ut jam memoravi, philosophiae honos habitus est, ut domina haberetur τῶν ἐγκυκλίων μαθημάτων ⁽²⁾. Nec vero sic tantum sibi ipse satisfecit Plato, ut nem amplissimam perspiceret totam, omnesque doctrinas ex animo hominis et insito pulcri verique amore, tamquam ex divite venâ, per omnem hominum vitam societatemque dimanantes spectaret; sed in ipsius etiam civitatis commodum, si non proprie sic dictam ἐγκυκλοπαιδείαν, παιδείαν sane, vero sic nomine dicendam, informavit: nec verbis informavit tantum librisque scribendis, sed reapse ipsam hanc παιδείαν generosissimis quibusque ingeniis excolendis adhibens. Cujus fructum cepit Graecia longe uberrimum, ut historia nos docet philosophiae et ipse testatus Cicero est, qui inde non minimum profecit. Nam germanos hic laudans Platonis discipulos, Aristotelem et Peripateticos ac praeceos etiam Academicos, ex horum, inquit, scriptis et institutis cum omnis doctrinae liberalis, omnis historia, omnis sermo eleganti sumi potest, tum varietas est tanta artium, ut nemo sine eo instrumento ad ullam rem illustriorem satis ornatus possit accedere: ab his oratores,

(1) Sen. Ep. 89. 90.
Ep. 88.

(2) Vol. I. p. 64. Cf. Senec.

ab his imperatores ac rerum publicarum principes
existiterunt: ut ad minora veniam, mathematici,
poëtae, musici, medici denique ex hac, tamquam
ex omnium artium officina, profecti sunt. ⁽¹⁾

Atque ita quidem eo me ducit sponte oratio
mea, ut, quod dudum sum de hac sive doctrina-
rum cognatione, sive *ἐγκυκλοπαιδείᾳ* suspicatus,
cum lectoribus communicem. Vel ego fallor, vel
est ipsa Platonis philosophia, uti procedit in ejus
scriptis atque a nobis hoc ordine explicari coepta
est porroque explicabitur, id ipsum illa est,
quod quaerimus, *verissima encyclopaedia*. Non
memorat ille, ut Baco, *memoriam*, *phantasiam*,
rationem, e quibus hic mentis facultatibus *histo-*
riam primum, deinde *artes elegantiores*, praeci-
pue *poësin*, tum *philosophiam* duxit: unde *arbor*
nescio quae *scientiarum humanarum*, quae voca-
tur, confecta atque a Condillacio multis ramis auc-
ta est. Non ita Plato; sed egit, ut vidimus, de
pulcro continuo ac de pulcri sensu studioque, quo
primum explicatur ingenium hominis: effloruerunt
autem inde in ejus scriptis pulcerrimae de musi-
ca, poësi caeterisque artibus elegantioribus disqui-
sitiones. A pulcro deinde, ut item jam animad-
vertimus, ad *verum* processit, monstravitque in
dialecticis dialogis, quibus studiis, quibus mentis
facultatibus, quibus disciplinis, qua imprimis me-
thodo ad verum sit perveniendum. Successerunt
his

(1) *Cla. de Fin. V. 3.*

his dialogis politici, in quibus de *justa* egit de-
que virtutibus, quae ad vitam recte degendam ap-
teque administrandam civitatem requiruntur. Est
haec plane ingenii humani progressio, cujus apud
Baconem et Encyclopaedistas nulla habetur ratio.
Nam praeparant nos artes, ut rite possimus gra-
vioribus disciplinis operam navare, atque his in-
stituti et quasi nutriti ac corroborati, sic demum
possumus in rebus civilibus apte consulere civibus
nostris. Ut autem ille scribendo, sponte sic sua,
naturae viam et progressionem secutus est, ita in
erudiendis juvenibus, quos summis in re publica
honoribus destinabat, datâ operâ primum de sen-
sibus studiisque ac facultatibus disquisivit, quibus
puerilis aetas insignis est, indeque naturam *artium*
earumque et rationem et propositum repetiit atque
illustravit: tum vero excultos hos puerili institu-
tione, disciplinis eruditurus, e provectionis aetatis
studiis facultatibusque et veri in primis amore,
disciplinarum pariter et *doctrinarum* naturam, ra-
tionem propositumque effecit: tandemque, ut quid
ipsis esset aliquando in civitate agendum, decla-
raret, de maturi hominis in civitate officiis virtu-
tibusque quaesivit, quo doctrinarum gravissima-
rum, quae justum spectant, *moralium*, ut nobis
dicuntur, et *politicarum* vim et rationem effecit.
Nescio, quid alii sentiant; sed mihi quidem,
haec ita consideranti, ordineque legenti saepius
totum Platonem, subjici quasi oculis videtur, non
arbor scientiarum, quae scholam redolet, sed

C

en-

encyclopaedia, sed ejusmodi encyclopaedia, qua et artium universae ac doctrinarum discrimen et utrarumque singularum natura et propositum atque omnis illarum quasi *arbis* exponuntur, docemurque simul, quod quærere omnes, qui artes doctrinasque tractant, et primum et maxime debent, quae iusta per illas hominis *παιδεία* sit, ut in civitate sua sic vivat agatque aliquando, uti et civem bonum ac custodem et perfectum civitatis gubernatorem decet. — Late hoc argumentum patet, et, si quando his disquisitionibus totam fuerimus Platonis philosophiam complexi, sponte sua lectores hanc sive encyclopaediam sive philosophiam nostris temporibus accommodabunt; sed hic rem adumbrasse, ad eamque philosophorum studia convertisse sufficiat.

Ergo, quanam sit, quam exquirimus, philosophia natura, quodque esse et quale videatur artium omnium et disciplinarum commune vinculum, ut Socratis nos docuerunt cum Adimanto sermones, ita Ciceronis illustravit exemplum, qui tam vita studiisque quam scriptis Platonis philosophiam comprobavit. Nec mirabitur jam quispiam, illi homini, cui insit indoles haecce, omnium inesse item artium doctrinarumque amorem, ut, nulla contempta, suo singulas honore habeat, universis adeo perlubenter studeat. Nam cum omnes fluxerint ex optimorum ingeniorum optimis studiis, non possunt non illi amicae esse et acceptissimae, dixerim fere, per cognationem carissimae, quippe
qui

qui ipse earum studio naturā ducitur. Unde stupendi explicantur illorum in doctrinis progressus, qui naturā sunt philosophi. Sed indole descriptā juvenum, quos erudiendos suscepimus, quo evidentiū etiam nobis et vis hujus indolis pateat, et ratio doctrinarum, quibus operam debebunt navare, et ipsius adeo philosophiae, cui se totos traditari sunt, propositum summum, age, discernamus ab iis quotquot ipsorum similes sunt nec tamen dici philosophi possunt; distinguamus in primis a vulgi *opinionibus* rerum *scientiam*, quo unice contendendum est philosopho: quaeramus omnino id, quod supra esse deinceps explorandum diximus.

*Quinam proprie philosophi
sunt dicendi?*

Nam sunt sane permulti, qui speciem referunt philosophorum: quos memorans in iisdem sermonibus Adimantus, ridiculum genus hominum, ait, si in philosophis censeantur. Nil non spectare, nil non audire avent: in festis discurrunt in omnes partes, et quasi auribus ad audiendum elocatis, nulli sunt chori sive urbium sive pagorum, quibus non adstant exaudituri. Hos igitur mortalium levissimos nos, o Socrates, quippe cupidos studiososque cognoscendi, *philosophos* dicemus? Equidem *φιληκδους* appellem istos et *φιλοθεάμονας*; *φιλοσόφους* non appellem. Ad quae ado-

lescentis dicta sic Socrates, hos ego homines, inquit, nequaquam appello philosophos, sed philosophorum similes. — Veros tu autem quosnam dicis? — Τοὺς τῆς ἀληθείας φιλοθεάμονας: illos voco, qui spectare veritatem amant⁽¹⁾. Praeclara sententia, cujus hoc in sermone, hoc loco, mira est vis et auctoritas. Qua tamen non satis contentus Adimantus rem cupit fusius explicari. Recte quidem istud, inquit; sed quo id modo explices? Tum Socrates, haud facile quidem, respondet, id alii explicem; sed te mihi puto hoc continuo daturum. — Quid istud? — Cum turpi contrarium sit pulcrum, duo illa esse. — Quidni? — Quodsi duo sunt, unum esse utrumque. — Et hoc tibi do. — Esse autem eandem justi et injusti, boni et mali, omnium idearum rationem, ipsum quidem quodlibet unum esse, communione vero cum actionibus, cum rebus corporeis et secum invicem, quae ubivis apparent varia specie, non unum singula, sed plura videri. — Recte dicis. — Hac equidem rationē distingo illos secernens, quos modo memorasti, spectaculorum artiumque amatores atque in rebus agendis versantes, tum hos, de quibus nunc sermo est, quos solos quis rite vocaverit φιλοσόφους. — Qua illud ratione definis? — Qui φιλήκοοι sunt et φιλοθεάμονες, qui omnia spectare et audire cupiunt, pulcris hi et vocibus et

co-

(1) De Rep. V. 475 D. E.

coloribus et formis capiuntur, rebusque omnibus, quae ex his sunt confectae; αὐτοῦ δὲ τοῦ καλοῦ ἀδύνατος αὐτῶν ἡ διάνοια τὴν φύσιν ἰδεῖν τε καὶ ἀσπασθαι· *ipsius vero pulcri videre amplectique naturam, nullo modo eorum mens potest.* — Sic sane se res habet. — Οἱ δὲ δὴ ἐκ' αὐτὸ τὸ καλὸν δυνατοὶ εἶναι τε καὶ ὁρᾶν καθ' αὐτὸ, ἄρα οὐ σπάνιοι ἂν εἴεν; *Qui vero possint ad ipsum pulcrum procedere illudque ipsum per se videre, nonne rari hi sint* ⁽¹⁾? Hic Socrates accuratorem instituit de opinione et scientiā disputationem, ut efficiat, scientiam spectare quae sunt, opinionem vero illa, quae non sunt, sed *videntur* esse: qua ad finem perductā, his igitur suppositis, inquit, λεγέτω μοι, Φήσω, καὶ ἀποκρινέσθω ὁ χρηστὸς ἐκεῖνος, ὁ φιλοθεάμων ⁽²⁾, ὃς αὐτὸ μὲν καλὸν καὶ ἰδέαν τινὰ αὐτοῦ κάλλους μηδεμίαν ἡγεῖται ἀεὶ κατὰ ταυτὰ ὡσαύτως ἔχουσιν; πόλλα δὲ τὰ καλὰ νομίζει, καὶ οὐδαμῇ ἀνεχόμενος ἂν τις ἐν τῷ καλῷ Φῆ εἶναι καὶ δίκαιον καὶ τᾶλλα οὕτω· τούτων γὰρ δὴ, ὦ ἄριστε, Φήσομεν, τῶν πολλῶν καλῶν, μῶν τι ἐστὶν ὃ οὐκ αἰσχροὺν Φηνήσεται, καὶ τῶν δικαίων, ὃ οὐκ ἄδικον, καὶ τῶν δσίων, ὃ οὐκ ἀνόσιον; Οὐκ, ἀλλ' ἀνάγκη, ἔφη, καὶ καλὰ πως αὐτὰ καὶ αἰσχροὰ Φηνῆναι, καὶ ὅσα

ἔλ-

(1) De Rep. V. 476 A. B. (2) Legitur vulgo — ἀποκρινέσθω ὁ χρηστὸς· ὃς αὐτὸ — νομίζει ἐκεῖνος ὁ φιλοθεάμων, καὶ — in quibus redundant prorsus ἐκεῖνος ὁ φιλοθεάμων, quae Astius iccirco, ut non Platonica, uncis inclusit. Sed sunt, opinor, Platonis, nec abesse ab hac dis-

ἀλλὰ ἔρωτάς. dicat mihi, quaeram, et respondeat bonus ille spectandi cupidus, qui nec pulcrum ipsum esse nec ideam quamdam ipsius pulcritudinis semper se eadem ratione habentem, multa vero esse pulcra putat, nec ferre ullo modo potest, si quis unum esse pulorum, unum justum, atque ita esse caetera dicit: horum igitur pulcrorum, dic sedes, sic illum percunctabimur, estne aliquid pulcrorum, quod non turpe, et justorum, quod non iniustum, et sanctorum, quod non profanum videbitur? — Non sane, sed necesse est, ut pulcra illa quodammodo et turpia et quae alia quaeris videantur ⁽¹⁾. Unde hoc ducit tandem: qui igitur multas res pulcras spectant, ipsum vero pulcrum nec vident nec monstrantem sequi possunt, et multas similiter res justas percipiunt, ipsum vero justum non item, et caetera sic omnia, opinari hos dicemus, cognoscere vero eorum, quae opinantur, nihil. — Necesse est. — Quid vero illos, qui ipsa contemplantur singula, quaeque semper eodem se modo sine ulla mutatione habent, nonne cognoscere potius, quam opinari? — Et hoc necesse est. — Nonne igitur complecti et amare hos dicemus ea, in quibus cognitio, illos vero, in quibus opinio versatur: nonne enim reminiscimur, dixisse nos, illos et vocibus

et

disputatione debent, modo suo reponantur loco, i. e. post δ χρῆσθαι, ut et scripsimus et vertimus. Cf. supra 475 D. E. (1) De Rep. V. 479 A. B.

et coloribus et rebus similibus capi iisque delectari unice, ipsum vero pulcrum ne ferre quidem, si quis esse contendit? — Recordamur — μή οὖν τι πλημμελήσωμεν φιλοδόξους καλοῦντας αὐτοὺς μᾶλλον ἢ φιλοσόφους; an igitur aberraverimus a vero, opinionis illos magis, quam sapientiae amicos appellantes? Atqui irascentur nobis vehementer, si hoc dixerimus. — Non facient, si quidem mihi pareant: nam veritati irasci non licet. ⁽¹⁾

Ergo si a caeteris omnibus distinguere philosophos velimus, hoc teneamus, ait Socrates, amare eos disciplinam perpetuo, qua ipsis natura rerum certa et constans, nec generatione aut corruptione mutata, patefiat: et vero amare eos illam totam, nec ab ejus parte sive parva sive majore, sive viliori sive honoratiori sponte abstinere, prout in superioribus de amantibus et ambitiosis diximus. Hoc autem praeterea vide, num quid necesse sit naturae eorum inesse, qui tales futuri sunt, quales narravimus? — Quale istud? — Ut a mendacio alieni sint, illudque nullo modo accipiant, sed oderint, veritatem vero diligant. — Probabile est. — Non solum probabile est, o amice, sed plane necessarium, cum, qui naturam quid diligit, quidquid amato cognatum est ac familiare, simul diligere. — Recte. — Num sapientiae quid invenias familiarius, quam veritatem? — Quo tandem mo-

(1) De Rep. V. 480. A.

modo? — Pierine igitur potest, ut eadem natura φιλόσοφος sit et φιλοψευδής; sapientiam amet et mendacium? — Non potest. — Ergo discendi cupidus, necesse est, ut a puero inde omnem veritatem vehementer appetat. — Prorsus. — Atqui apud quem cupiditates in certum quiddam vehementer tendunt, scimus, eas in alia omnia lentius procedere, ut flumen illuc derivatum. — Quidni? — Apud quem igitur ad disciplinas et similia omnia profluunt, ipsius spectant animi voluptatem, corporis non spectant: si quidem non falso quis sit, sed vere philosophus. — Summo-pere necesse est. — Temperans igitur talis homo erit minimeque pecuniae cupidus: cujus enim gratia vulgo et acquirendis et expendendis pecuniis studetur, id studere alium quemvis magis, quam illum, deceat. — Omnino. — Et vero id etiam considerare oportet, si discernere philosopham naturam, quaeque non sit philosopha, velis ⁽¹⁾. — Quid tandem? — Ne fugiat te, illiberalitatis eam esse participem: pusillanimitate enim nihil magis contrarium animo est, qui res omnes divinas et humanas totas studet amplecti. — Nihil profecto. — Cui vero menti magnanimitas propria est: omnisque temporis et veritatis contemplatio, fierine posse putas, ut huic magnum quid esse videatur
vita

(1) Astius p. 535. pro φύσιν φιλόσοφον scripsit φ. φιλοσόφον, ut vertit Ficinus; mihi vulgata lectio, quippe unice Platonica, servanda videtur.

vita humana ⁽¹⁾? — Non sane. — Ergo mortem is non rem terribilem existimabit. — Minime. — Ignavae scilicet et illiberali naturae nihil esse potest cum vera philosophia commune. — Nihil. — Quid vero? Vir temperans, non quaestui deditus, non illiberalis, non superbus, non timidus, num in commerciis difficilis erit aut injustus? — Nullo modo. — Quin etiam cum discernere cupies, quae indoles philosopha sit aut non sit, statim a teneris annis explorabis, num justa sit et placida, an iniqua et agrestis. — Omnino. — Neque hoc, ut arbitror, praetermittes. — Quidnam? — Utrum facile quis discat, an difficulter: num censes, quempiam illud unquam diligere, quod cum aggreditur, summâ cum difficultate agit, et vix tandem parum quid proficit? — Nunquam profecto. — Quid? si nihil servet eorum, quae discit, oblivionis quippe plenus, fierine potest, ut non sit scientiâ vacuus? — Quo tandem id modo? — Cum vero irritus illi sit labor omnis, nonne cogetur tandem semetipsum et haec studia odisse? — Quidni? — Obliviosam igitur mentem in vere philosophis nequaquam censeamus, memorem esse oportet. — Oportet. — Animum vero a gratiâ et decoro alienum alione putas tendere, quam ad ἀμετρίαν? — Non sane. — Veritatem autem ἀμετρία cognatam censes, an
ἀμ-

(1) In his etiam vulgatam secutus sum eamque recte exprimere vertendo conatus sum. Cf. Ast. l. l.

ἀμετρία? — Ἐμετρία. — Ἐμμετρον igitur animum et εὐχάρην illi praeter caetera naturae quaeramus, quae suā ipsa vi ad ideam cuiusque quod verum est tendit. ⁽¹⁾

Hanc Socratis apud Platonem de philosophis disceptationem apponendam totam censuimus, quae eos accuratius a caeteris cognoscendi cupidis distingueremus, tum etiam ipsarum, quibus erudienti erunt, disciplinarum causa. Nam, quod supra monuimus, hoc item positum in Veterum more fuit, ut non abstracte, quod vocant, de rebus agerent, sed rerum hominumque conjunctione instituerent disquisitionem. Itaque et Cicero et Quintilianus et horum quique simillimi, quum agerent de dicendi arte, non hanc explicuerunt tantum, sed iuvenum simul, quibus esset tradenda, ingenia explorabant; Cicero autem, Platonis instar, adolescentes adeo in dialogis induxit, quorum studia, mores, animi candor et generositas non placent tantum legentibus mirifice, sed quale sit quantumque oratoris munus, e suo ipsi ingenio augurandum praebent. Et sic quidem nunc nobis ex praeclara hac apud Platonem ingeniorum descriptione, quae naturā philosophiae sunt convenientia, disciplinarum item ipsiusque adeo philosophiae vis et propositum evidentius etiam parent. Quod Socrates, his dictis, ipse animadvertit, Ἔστιν οὖν ὅπῃ μέμψῃ τοιοῦτον ἐπιτήδευμα, ὃ μή

(1) De Rep. VL 485. A. — 486 D.

μήποτε ἂν τις οἶός τε γένοιτο ἱκανῶς ἐπιτηδεῦσαι, εἰ μὴ φύσει εἴη μνήμων, εὐμαθὴς, μεγαλοπρεπὴς, εὐχαρις, φιλόσ τε καὶ ξυγγενὴς ἀληθείας, δικαιοσύνης, ἀνδρίας, σωφροσύνης; — Ne Momus quidem ipse hujusmodi quid carperet ⁽¹⁾. Sed quo plenius nos ita, quid in philosophia summum sit, quoque ducere disciplinae hominem debeant, cognovimus, eo facilius nunc exquiremus porro, quod in primis nobis explorandum sumsimus:

*Quibus maxime disciplinis juvenes
erudiri oportet, qui nati sunt
ad philosophiam?*

Sunt omnino erudiendis juvenum nostrorum ingeniis disciplinae necessariae. Nam quaesivimus quidem, quinam maxime naturā essent philosophi, sponteque et sapientiam amarent et una cum ea artes omnes et doctrinas, quae tendunt ad ipsam: iidemque hoc ducti amore, ipsi forte per se disciplinas inveniant, quibus tanquam adminiculis innitentes, ad sapientiae arcem tendant et perveniant. Sed restringui hic amor potest perversis studiis, illā aetate praesertim, qua subnascitur in animis nec viget satis, ut semet ipse alat; sic reapse perit ille in multis et una cum eo omnis cognoscendi facultas, ut utriusque in tota deinceps vitā ullum vix vestigium appareat.

Er-

(1) De Rep. VI. 487. A.

Ergo quacumque sunt et quamvis praestante indole, utendum disciplinis est, quibus naturae succurratur. Hae vero quatenus maxime sint, diligentius jam indagandum.

De arithmetica.

In musicâ et gymnasticâ, ait Socrates in iisdem his cum Glaucone et Adimanto sermonibus, haud reperiuntur, quas quaerimus, disciplinae, minus etiam in artibus illiberalibus: forte sint extra illas. Sed age, cum nihil dum ab his discretum mentem subeat, sumamus aliquid eorum, quae omnibus sunt communia. Tum Glauco, quale istud? quaerit. Cui Socrates, veluti hoc commune, inquit, quo omnes utuntur et artes et cogitationes et scientiae, quod et cuius necesse est ut primum discat. — Quale vero istud tandem? — Vile hocce, inquit, unum et duo et tria dignoscere: dico autem universe *numerum* et *supputationem*. Nonne enim sic se res habet, ut omnis et ars et doctrina eorum necessario particeps sit? — Omnino. — Hic Socrates miratur antiquam de Palamede traditionem, in tragoediis obviam, illum fuisse, qui numeros inveniret. Quasi, inquit, ante Palamedem nec ordines in acie collocare Agamemnon, nec naves supputare potuisset, nec vero ipse, quot haberet pedes, scivisset. — Ridiculus profecto exercitus dux, si illud esset verum! — Estne igitur quod virum militarem magis oporteat cognoscere, quam nu-

me-

merare et supputare? Non est, inquit Glauco, si quam minimam etiam habiturus sit aciei instruendae facultatem, omninoque, si vel *homo* sit futurus. Cui Socrates, reputasne tu, inquit, idem de hac disciplinâ, quod ego? — Quid tandem? — *Κινδυνεύει τῶν πρὸς τὴν νόησιν ἀγόντων φύσει εἶναι ὃ ζητοῦμεν, χρῆσθαι δ' οὐδεὶς αὐτῷ ὁρθῶς, ἐλαττικῷ ὄντι παντάπασιν πρὸς οὐσίαν* ⁽¹⁾. Id vero nec Glauco intelligit continuo, nec Socrates declarare nisi subtiliore disputatione potest, nos vero quo aptius pleniusque cum intelligamus, tum totum animo percipiamus, tum etiam quae deinceps Socrates de geometriâ, de astronomiâ, de harmoniâ et dialecticâ dicturus est, assequi quodammodo possimus, rem repetere paulo altius et attendere hoc loco Pythagoreorum doctrinam oportet.

Orientalium gentium, quibus Graeci debuerunt multa, quamvis ut barbaras spreverunt eas fere, admirabilis quaedam fuit non philosophandi, sed *inveniendi* solertia. Invenerunt autem illa potissimum, quae ad vitae usum pertinerent, tum eorum etiam initia, quae artibus deinde et doctrinis utiliter adhibita sunt. Quae qualia fuerint, facile assequimur, ubi haec ipsa, quae illis debuerunt Graeci, nosque item postea ab iisdem accepimus, reputamus. In his ut literae sunt, quaeque agriculturam artesque mechanicas spectant, ita

(1) De Rep. VII. 521. D. — 523. A.

ita annus est solaris sive temporis supputandi vera ratio, cujus inventi permagnam esse in omni vitae usu et oeconomia vim et efficacitatem, res ipsa loquitur. Nos vero tantos facere, quantos fecimus, in mathematicis, in astronomia, in mechanica et navigatione progressus, quo umquam modo potuissemus, nisi per Arabes accepissemus ex oriente numerorum notas, algebraicam rationem, acum nauticam, alia multa? Graecis non defuit quidem inveniendi sagacitas, sed *philosophari* in primis de nullis non rebus placuit. Arithmetica et Geometrica non ut antiquitus Aegyptii et postea Romani ⁽¹⁾, numerandi metiendique utilitate censuerunt, sed numeros ad Deum, ad animum, ad tempus sibi repraesentandum rerumque initia explicanda adhibuerunt: astronomiam vero, quam observando orientales ad vitae usum apte tractarant, philosophicis complexi sunt contemplationibus. Ordinem, ut hoc utar, in sideribus, in planetarum motibus et cometarum, quum non cernerent oculis, sed desiderarent tamen requirerentque mente, hunc igitur ingenio fingentes *harmoniam* vocarunt, ducta a musica comparatione, in qua rerum quamvis dissimilium atque ut videtur contrariarum, est tamen concordia, concentus, ordo. Nati erant ad philosophiam Graeci, quoque ardebant inquirendi studio, haud cessabant philosophando, donec rerum causas sive

(1) Cic. Tusc. Quaest. I. C. 2.

sive veras reperissent sive finxissent probabiles. Quibus quis animadversis forte inde efficiat, ut sapiente proposito has doctrinas coluerunt Orientales, nosque colimus hodie eorum exemplum secuti, sic Graecos evolasse temere, spectasse quod placeret, quod vero utile esset hominibus hominumque societati neglexisse. Cui ego sententiae haud facile assentiar. Utilitatem, fateor, non spectarunt continuo, quae vita commode apteque transigenda cernitur: quamquam in ipsis illis de universo fictionibus haud defuerunt, quae Copernico et Newtono viam possent indicare, qua ad summum vitae nostrae emolumentum astronomiam tractarent. Sed, fateor, non spectarunt haec Pythagorei; verumtamen non unum est utilitatis genus: est illud etiam, haud sane contemnendum, quod non ad res, sed ad hominem pertinet, quod hominis erudiendo excolendoque ingenio continetur. Nos geometriam non metiendi tantum causa tractamus, sed puerorum adhibemus institutioni: cujus studii quae sit et quanta utilitas et cernimus quotidie et ipsi sumus a teneris experti. Id autem Graecis debemus: non Euclidem, quamquam huius *Στοιχεῖα* eo valuerunt plurimum; sed Pythagoreis, qui auctores huius studii institutique habendi sunt, tum vero Platoni. Sint igitur illi de rebus physicis sic philosophati, ut risum excitent nec immerito physicis nostris: hanc iidem ex geometria artibusque mathematicis utilitatem vitae hominum et societati concilia-

cillarunt, qua omnes, ipsi maxime physici negant majorem esse ullam. Quae sane perquam sunt nobis in his, quae tractamus, tenenda. Nam quantum *inveniendō* Graecos Orientales, tantum Graeci superarunt Orientales omnesque populos cum *philosophando*, tum adhibendā philosophiā ad acuenda excolendaque hominum ingenia. Nos autem ita maximos fecimus in gravissimis doctrinis progressus, ut proficere ex utrorumque inventis studiisque ad veram vitae utilitatem studiosissime tentaverimus. Et sic quidem procedimus eo, ut dictam explicemus Platonis sententiam, esse numerorum *μάθημα* in iis censendum disciplinis, quae ad *νόησιν* adducunt mentem, quippe *ἐλκτικὸν πρὸς οὐσίαν*. Sed ipsam attendamus hujus disciplinae naturam.

In omni studiorum genere, si a mathematicis discesseris, quid verum sit, conjicimus, auguramur, assequi studemus; assecutos vero nos esse, non facile contenderimus: eumque laudare maxime solemus, qui minimam tribuit conjecturis suis auctoritatem. In arithmetica vero et geometria vera sunt omnia, nullus relinquitur probabilitati, ut in rebus incertis, locus: isque maxime excludendus mathematicorum choro videtur, qui pro vero se ait verisimilitudine esse contentum. Exstant in alia quavis disciplina, quibus intimo animo fidem habemus: in rebus moralibus, in causis religionis gravissimis sic nobis persuademus omnia, ut dubitare de iis haud licere videatur

ho-

homini. Veruntamen sunt, qui dubitent, sunt qui justitiam rem esse inanem contendant, qui Deum esse et providentiam divinam negent, sunt qui haec nobis persuadere idoneis rationibus nitantur. In rebus vero mathematicis non tantum vera sunt omnia, sed, quin sint vera, nemo est qui dubitat: quo fit, ut, cum plenae sint controversiarum caeterae doctrinae omnes, hae solae omniaevo earum fuerint immunes. Scilicet natura haec est arithmeticae et matheseos, ut menti sint humanae propriae et veritati cognatae: sic illae sunt homini propriae, ut qui non eas tenet, quod modo Glauco dixit, *homo non sit putandus*. Quamobrem quo quis est indole veritatis amantior, eo et diligit has magis, et magis per earum studium ad veritatem enititur. Id Plato spectavit, quum *trahere* haec studia ad veritatem, *ἐλκετικὰ* esse *πρὸς οὐσίαν* diceret. Sed alia spectavit item, illud praesertim, ad discernendum in primis et judicandum mentem acuere arithmetica. In quibus omnibus a Pythagoreis profecisse multum videtur, sed suum tamen iter secutus est: quod comparatione institutâ facile demonstratur.

De numeris Pythagoreorum omni aevo gravissimae fuerunt interpretum dissensiones, quorum alii haec placita, ut aegri capitis somnia, contemserunt, alii et major adeo pars fontem habuerunt reconditae cujusdam et quamvis vix perviae, summae tamen sapientiae. His relinquimus nos

D

liben-

libenter, ut in haec sapientiae penetralia interius penetrent, et nobiscum, si qua repperint, communicent; sed quaerentes, quo maxime consilio tam diligenter illi numeros eorumque rationes attenderint, haud sane illis assentiri possumus, qui eos varia omnia et inania somniasse affirmant. Idem videntur in his omnibus spectavisse, quod spectavit deinde Plato, ut haberent, quo veri desiderium explerent suum et rerum scientiam assequerentur: quamquam his finibus se non continuerunt. Numeros non adhibuerunt veritatis sibi representandae caussa, sed ipsis eos rebus videntur potiore loco habuisse, ut res, τὰ ἔντα, numerorum esse imagines, numeros earum τυποῦς existimarent. Quod probabiliter demonstravit sive Aristoteles sive is, qui e scriptis Aristotelis primum confecit Metaphysicorum librum, qui ejus nomine inscribitur. Nam postquam Ionicorum laudavit in exquirendis rerum caussis conatus, Pythagorei, ait, τῶν μαθημάτων ἀψάμενοι πρῶτον, ταῦτα προῆγον, καὶ ἐντραφέντες ἐν αὐτοῖς, τὰς τούτων ἀρχὰς τῶν ὄντων ἀρχὰς ᾤθησαν εἶναι πάντων· ἐπεὶ δὲ τούτων οἱ ἀριθμοὶ φύσει πρῶτοι, ἐν δὲ τοῖς ἀριθμοῖς ἑδόκουν θεωρεῖν ὁμοιώματα πολλὰ τοῖς οὐσι καὶ γιγνομένοις μᾶλλον ἢ ἐν πυρὶ καὶ γῇ καὶ ὕδατι, — ἔτι δὲ καὶ τῶν ἀρμονικῶν ἐν ἀριθμοῖς ὁρῶντες καὶ τὰ πάθη καὶ τοὺς λόγους, ἐπειδὴν τὰ μὲν ἄλλα τοῖς ἀριθμοῖς ἐφαίνετο τὴν φύσιν ἀφωμοιωσθαι πᾶσιν, οἱ δὲ ἀριθμοὶ πάσης τῆς φύσεως πρῶτοι, τὰ τῶν ἀριθμῶν στοιχεῖα τῶν ὄντων

εοικεῖτα πάντων εἶναι ὑπέλαβον ⁽¹⁾. Ab his illi principiis orsi, quaecumque ipsis occurrebant non sensibus percipienda, sed ὄντα tamen, his vel numerum vel certam numerorum rationem, proportionem, πάθος omnino, tamquam typum, adscribebant. Quocirca ut item affirmat idem scriptor, aliis significarunt sive numeris sive rationibus justitiam, aliis animum, aliis tempus. Accedebant numerorum proportionem, ἀρμονικά, quibus rerum ipsiusque universi naturam et commutationes explicabant. Quo intelligitur, quantum obscuritatis contrahere debuerit eorum doctrina: quam fuerit posteris facile, qui ignorarent doctrinae propositum, speciem vulgo ostentare reconditae sapientiae: quam item nobis sit difficile, imo vero superet plane facultatem nostram, lumen adhibere tenebris istis. Nam optimo proposito Pythagorei cum optimam quaerendi rationem instituere conarentur, in ipso viae ingressu numerorum veritate capti, eosque sectantes unice, in devia deflexerunt et absurda omnia, tandemque sic votis ex-ciderunt, ut numeros pro rebus, pro veritate speciem inanem, pro luce sapientiae mysticae philosophiae nebulas consequerentur.

Platonem pariter numeris tribuisse multum et plus adeo, quam ipsius philosophiam deceret, omnes et sciunt et aegre ferunt, qui ejus scripta, in primis Timaeum, legerunt. Nec tamen secutus est ille plane Pythagoreos. Numeros, ut
anti-

(1) Aristot. Metaph. I. C. 5.

antiquitas jam animadversum est, non confudit cum rebus, sed ab iis discrevit diligenter: nec vero res neglexit quum numeros spectaret. Quae de re, ut suo loco monebimus, ita nunc tenendum hoc est. Numeri in Pythagoreorum placitis argumentum erant in paucis gravissimum: tribuebant iis, ut e dictis colligitur, vim divinam: jurare adeo per illos solebant et principium inde vitae ducere:

*Ναὶ μὰ τὸν ἀμετέρα ψυχᾷ παραδόντα τετρακτὺν,
παγὰν ἀενάου φύσεως.* ⁽¹⁾

In Platonis vero philosophiâ numeri ut *πάρεργον* occurrunt: certe percipere hanc licet, neglectis etiam illis. Caput hujus philosophiae est et *ἔργον* quod tractat, hominis ad veritatem et virtutem institutio: huc illa confert numerorum doctrinam, non ad vitae principia assequenda, neque ad divinam naturam sive animo repraesentandam sive cognoscendam. Socraticus fuit Plato, priusquam Pythagoreorum consèctaretur doctrinas: unde hoc retinuit per totam deinceps vitam, ut ad hominem, ad humanae naturae perfectionem referret omnia. Probabile est, Pythagoreos in numerorum explorandis proportionibus, in universa adeo arithmetica magnos fecisse progressus: nam acerrimo eam studio colebant, quippe numeros prosequentes divino honore: iisdemque videntur
adeo

(1) Pythag. χρῆσ. ἔργ. vs. 47.

adeo suarum disciplinarum initia debuisse Alexandrinae aetatis celeberrimi astronomi, physici, geographi; Plato vero hanc spectavit arithmeticae utilitatem, qua sane major esse homini vix ulla potest, ut *dialecticae* applicaretur, sive, quod idem est in antiquorum lingua philosophorum, *discernendi judicandique* facultatem eliceret exerceretque, atque ita suo fini inserviret: quippe *μαθημα, ἐλκτικὸν ἐν παντάπασιν πρὸς οὐσίαν*. Id vero privum propriumque fuit Platoni, nec ab ullo ante eum philosopho usurpatum, ut ipse est ingenue professus, cum diceret de hoc *μαθήματι*: *κινδυνεύει τῶν πρὸς τὴν νόησιν ἀγόντων φύσει εἶναι δ ζητοῦμεν χρῆσθαι δ' οὐδεὶς αὐτῷ ὀρθῶς*: quo barbaros non tantum respexisse, sed ipsos etiam Pythagoreos videtur. Et sic quidem pervenimus tandem, quo dudum perreximus, ut memorabilis hujus sententiae vim et ubertatem assequeremur. Ipsum jam audiamus Socratem haec simplice, sed accuratè, sed interiore ratione exponentem. Conabor, inquit, id quod mihi videtur declarare. Quae enim ipse mecum reputavi ejusmodi esse, ut mentem ad rerum *οὐσίαν* adducant, quaeque non esse hujusmodi videntur, haec tu mecum spectans proba vel nega, quo clarius dignoscamus, num sit hoc tale, quale vaticinor. — Tu vero ostende. — Ostendo equidem; videsne res, quae sensibus patent, partim non evocare mentem ad ipsarum considerationem, quippe ipso sensu satis perceptas: partim omni-

no

ne mentem evocare eamque jubere ipsas attendere, quippe sensu nil veri annunciante? Hic suspicatur Glauco et nos item facile suspicemur, res significari a Socrate, quae e longinquo apparent, vel leviter adumbratae sunt, quaeque iccirco aegre discernuntur, ut ipsius mentis opus sit ad eas percipiendas judicandasque attentione. Socrates vero, non magnopere, inquit, id quod dico assequeris. Mentem non advertere illa dico, quae non simul contrarium sensum movent: quae vero movent, haec ajo advocare mentem. Rem exemplo illustrat. Hi, dicimus, inquit, tres sunt digiti, minimus, secundus, medius. Horum unusquisque pariter *digitus* esse videtur et hac in re non differt, utrum in medio an in postremo appareat, utrum candidus sit an niger, crassus an tenuis: his enim omnibus non cogitur animus mentem interrogare, quid sit digitus: nusquam enim visus significavit, digitum adesse et contrarium adesse digito. Ergo quod tale est mentem non evocabit vel excitabit, νοήσεως οὐκ ἀν παρακλητικόν, οὐδ' ἐγερτικόν εἶη. Quid vero? Magnitudinem eorum et parvitatem satisne ipse per se visus discernit? similiterque molliem eorum et duritiem tactus? an vero in his contrarii sunt ejusdem rei sensus? Digitus scilicet apparet magnus, apparet item parvus, mollis esse videtur itemque durus. Nonne igitur animo annuntiabunt sensus, idem sibi apparere magnam et parvum, durum et molle? Miratur Glauco has miras ab-

sur-

surdasque rerum interpretationes, quas sensibus debet animus. Hinc autem Socrates cum initia ducit arithmeticae, tum explicat, qualia sint quae ad mundum νοητὸν pertinent. Apparent ista, inquit, animo confusa, nec intelligi recte, nisi *distinguendo*, possunt. Idcirco primum conatur animus, advocata ratione adhibitaque mentis acie, considerare, utrum unum sint an duo singula, quae annunciata sunt. Si duo apparent, alterum et utrumque unum apparebit. Si vero unum utrumque, ambo autem duo apparent, separata duo intelligit animus. Jam visum diximus magnum et parvum vidisse, sed non distinctum, confusum vero: hac autem distinctionis evidentiā mens intueri cogitur non confusa, sed discreta, contra ac visus. Atque ita quidem numerando et distinguimus res, nec committimus, ut iisdem rebus contraria tribuamus. Hic autem nos primum subit inquirere, quid ipsum sit magnum et parvum: quo, missis rebus visibilibus, ad ea escendimus, quae solā mente percipiuntur et νοητὰ dicuntur. Haec sunt, inquit, quae modo declarare aggressus sum, quum dicerem, alia negotia παρακλητικὰ esse τῆς διανοίας, alia non esse: παρακλητικὰ definiens, quae contrarium sensum movent simul, quae vero non movent, non ἐγερτικὰ τῆς νοήσεως dicens. — Quibus explicitis, nunc Socrates Glauconi arithmeticae ut disciplinam proponit, quae, propter numerorum naturam, mentem maxime in mundum νοητὸν adque ip-

ipsam veritatem evehit. Quid autem numerus et unum, quaerit, utro in genere esse videntur? Rem e dictis efficiamus. Si ipsum unum satis oculis aliisve sensibus percipitur, non ὁλκὸν εἶη ἐπὶ τὴν οὐσίαν, ut de digito diximus. Sin vero simul cum eo semper cernitur contrarium, ita ut non magis unum, quam contrarium videatur ⁽¹⁾, disceptatoris ac iudicis jam indigeat, cogaturque in eo animus dubitare atque exquirere, et movens in semet ipso intellectum sciscitari, quid tandem ipsum sit unum: et sic quidem ἡ περὶ τὸ ἐν μάθησις τῶν ἀγωγῶν ἂν εἶη καὶ μετασρεπτικῶν ἐπὶ τὴν τοῦ ὄντος θέαν. Caeterum si unum sic se habet, pariter se habebit omnis numerus: cumque omnis supputandi numerandique ars numerum spectet, concludere hinc licet, artium harum studia perquam esse πρὸς ἀλήθειαν ἀγωγὰ. ⁽²⁾

Arithmeticae quantum ad excolendum ingenium tribuerit Plato, hinc satis efficitur. Sententiam autem hanc in Epinomide sive ipse sive ejus nomine exemploque alius fusius declaravit: ubi praeclarum hoc exstat effatum: εἴπερ ἀριθμὸν ἐκ τῆς ἀνθρωπίνης φύσεως ἐξέλοιμεν, οὐκ ἂν ποτε τὶ φρόνιμοι γενοίμεθα· οὐ γὰρ ἂν ἔτι ποτὲ ψυχὴ τοῦτου τοῦ ζῶον

(1) Audiendo v. c. *unam* vocem audimus, sed simul *innumeros* sonos. Itaque unum sensu percipimus simulque multa et innumera, quae uni sunt *contraria*. Exemplum hoc ex ipso Platone duximus. Phileb. 17. B.

(2) De Rep. VII. 523. A. — 525. A.

ζώου πᾶσαν ἀρετὴν λάβοι σχεδὸν, ὅπου λόγος ἀπείη·
 ζῶσαν δὲ ὅ, τι μὴ γιγνώσκοι δύο καὶ τρία, μηδὲ
 περιττὸν μηδὲ ἄρτιον, ἀγνοοῖ δὲ τοκαράπαν ἀριθμὸν,
 οὐκ ἂν ποτε διδόναι λόγον ἔχοι περὶ ὧν αἰσθήσεις καὶ
 μνήμας μόνον εἶη κεκτημένον· — τερόμενος δὲ ἀληθοῦς
 λόγου, σοφὸς οὐκ ἂν παρὲς γένοιτο· — οὕτως ἀριθμὸν
 μὲν ἀνάγκη πᾶσα ὑποτίθεσθαι. ⁽¹⁾ Nec minus prae-
 clare eodem in scripto de arithmetica cognatisque
 disciplinis praecipitur: οὐ γὰρ ἄνευ γε τούτων μὴ-
 ποτε τις ἐν πόλεσιν εὐδαίμων γένηται φύσις· ἀλλ’
 οὗτος ὁ τρόπος, αὕτη τροφή, ταῦτα μαθήματα· εἴτε
 χαλεπὰ, εἴτε βῆδια, ταύτη πορευτέον. ⁽²⁾ Quae
 loca cum alii veterum laudarunt, tum mathe-
 maticus Platonius, Theon Smyrnaeus. ⁽³⁾ Ci-
 tantur vero hae sententiae fere, ut loci com-
 munes de arithmeticae praestantia et utilitate.
 Quodsi praestantiae illius causam exquirimus, at-
 tendenda nobis maxime sunt, quae ex hisce So-
 cratis cum Glaucone sermonibus jam attulimus,
 tum etiam quae in iis deinceps occurrunt. Sci-
 licet non vulgaris hic intelligitur arithmetica,
 quae ad rerum familiarium administrationem, ad
 negotia pecuniaria, ad emendum vendendumque
 refertur: quamquam hujus item haud exigua est
 ad acuendum ingenium utilitas, sed eam Plato
 arith.

(1) Epinom. 977. C. D. (2) Eod. 992. A. (3) *Arith-
 met.* p. 5. Edit. quam nuper doctissimus juvenis J. J. de
 Gelder, solertissimo doctissimoque patre, meo olim prae-
 ceptore, dignus filius, Lugd. Bat. paravit 1827.

arithmetica spectat, qua mens a rebus his corporeis ad ea quae cogitando percipiuntur, erigitur: quo magis abstractas, quae vocantur, notiones magnitudinis, quantitatis, proportionis, similes, puras sincerasque assequamur: his autem, nil magis ad recte cogitandum judicandumque utile ac necessarium est. Id porro Socrates apte diserteque exponit. Deceat igitur, inquit, o Glauco, hanc disciplinam legibus inducere, iisque persuadere, qui maximis functuri sunt in civitate muneribus, ut computandi artem aggrediantur; nec vero leviter eam tractent, nec vulgari more, sed persequantur, donec ἐπὶ θεῶν τῆς τῶν ἀριθμῶν φύσεως ἀφικωνται τῇ νοήσει αὐτῇ· non eam emtionis venditionisque gratia, ut mercatores et caupones tractantes, ἀλλ' ἔνεκα πολέμου τε καὶ αὐτῆς τῆς ψυχῆς βασιάνης καὶ μεταστροφῆς ἀπὸ γενέσεως ἐκ' ἀληθείαν τε καὶ οὐσίαν. Unde intelligitur id quod porro animadvertit Socrates: Atqui his ita, ait, de computandi disciplina dictis, reputo equidem, quam praeclara sit illa, quamque utilis nobis multis in caussis ad illud quod spectamus, si quis eam cognoscendi gratia, non cauponandi, tractat: hoc ipso scilicet, ὥς σφόδρα ἄνω πῇ ἄγει τὴν ψυχὴν, καὶ περὶ αὐτῶν τῶν ἀριθμῶν ἀναγκάζει διαλέγεσθαι οὐδαμῇ ἀποδεχόμενον, ἐάν τις αὐτῇ δράτῃ ἢ ἀπτῇ σώματα ἔχοντας ἀριθμοὺς προτεινόμενος διαλέγεται. ⁽¹⁾ Erant scilicet qui vulgaris unice arith-

(1) De Rep. VII. 525. B. C. D.

arithmeticae periti, numeris fere res corporeas intelligerent, ipsos vero eorumque proportionales mente non explorarent. Quibus suam arithmeticae opponens Plato praeclarae disciplinae divinam vim utilitatemque celebrat. Nosti enim, sic pergit apud eum. Socrates, quemadmodum qui harum rerum peritissimi sunt, si quis ipsum unum ratione dividere conatur, rideant protinus nec ferant; sed si tu secas, ipsi multiplicant, caventes, ne quando ipsum unum appareat, sed particulae plurimae. — Quid igitur existimas, o Glauco, si quis eos ita percontetur: o mirifici viri, quibus tandem de numeris disputatis, quibus unum inest tale, quale vos traditis, aequale unumquodque omne omni, neque minimo quovis discrepans, nullamque in se partem habens? Quid eos existimas ad haec responsuros? Cui Glauco, hoc equidem, inquit, de illis se loqui numeris, qui cogitari duntaxat possunt, aliter autem attingi nequeunt. Tum Socrates: cernis igitur, inquit, amice, necessariam nobis reapse videri disciplinam hanc, cum cogat αὐτῇ τῇ νοήσει τὴν ψυχὴν χρῆσθαι ἐκ' αὐτὴν τὴν ἀληθειαν⁽¹⁾ Quam postquam disciplinae praestantiam exposuit Socrates, vim ejus in hominum ingenia acute deprehendit. Quid autem? quaerit, an et hoc animadvertisti? ὥς αἱ τε φύσει λογιστικοὶ εἰς πάντα τὰ μαθήματα, ὥς ἔπος εἰπεῖν, ὅξεῖς φαίνονται; οἳ τε βραδεῖς, ἂν ἐν τούτῳ

παι-

(1) De Rep. VII. 525. D. E. et 526. A.

παιδευθεῖσι, καὶ γυμνάσωνται, καὶ μηδὲν ἄλλο ἀφελήσιν, ὅμως εἰς γε τὸ δεύτερον αὐτοὶ αὐτῶν γίγνεσθαι, πάντες ἐπιδιδάσκιν; eos, qui naturā sunt arithmetici, in omnibus ut ita dicam disciplinis veloces apparere? quique tardi sunt, si huic se studio naviter dederint, quamvis alium inde fructum nullum capiunt, tamen hoc assequi, ut velociores acutioresque ingenio, quam antea fuerint? ⁽¹⁾

De geometria et astronomia.

Est vetus de Platone traditio, inscripsisse enim auditorii januae: οὐδεὶς ἀγεωμέτρητος εἰσέλτω. Cujus quamvis desideretur auctoritas, origo sane non est incerta. Ducenda est e viri ingenio, e studio et ardore, quo doctrinam colebat, quae arctissime erat cum tota ejus philosophia conjuncta. Nam ut arithmetica relinquebat, cauponibus, quae ad emendum vendendumque addisceretur, ipse unam probabat, quae philosophiam excitaret informaretque indolem, pari proposito et omnium maxime geometriam colendam censuit. Socrates apud eum, ad finem perducta de arithmetica disputatione, id profecto, inquit, non vocabunt in dubium quotquot vel aliquantulum geometriae sunt periti, hanc disciplinam plane repugnare iis, quae vulgo dicunt ejus studiosi. Loquuntur enim ridicule prorsus et illiberaliter: nam ut fabri et

(1) De Rep. VII. 526. A. B.

et quasi fabricandi causa loquentes, de ducendis quadratis, de lineis producendis, similibusque dicunt: τὸ δ' ἐστὶ πᾶν τὸ μᾶθημα γνώσεως ἕνεκα ἐπιτηδεύμενον. *Hanc autem disciplina tota est cognoscendi causa tractanda.* Tum pergit. Nonne id quoque concedendum? — Quid tandem? — Ὡς τῆς τοῦ ἀεὶ ὄντος γνώσεως, ἀλλ' οὐ τοῦ ποτὶ τι γιγνομένου καὶ ἀπολλυμένου: oportere eam addisci ad id cognoscendum quod est, non rerum causa, quae oriuntur et pereunt. — Concedendum plane: τοῦ γὰρ ἀεὶ ὄντος ἡ γεωμετρικὴ γνῶσις ἐστὶ: *nam geometria ejus, quod est semper, cognitio est.* — Ἐλκον ἄρα, ὃ γενναῖε, πρὸς ἀληθείαν ψυχὴν εἴη ἀν, καὶ ἀπεργασικὸν φιλοσόφου διανοίας, πρὸς τὸ ἄνω σχεῖν, ἀ νῦν ἵκῃ, οὐ δέον, ἔχομεν. *Trahit igitur, sedes, ad veritatem animum effectrixque erit mentis philosophiae, ut ad superiora attollamus, quae nunc, contra quam decet, in inferiora habemus demissa.* — Quam maxime. — Quam maxime igitur praecipendum est, ut in optima civitate principes nullo modo geometriam spernant: nam quae accedunt ad ejus propositum summum, non exigua sunt. — Quenam illa? — Quae bellum spectant: καὶ δὴ καὶ πρὸς πάσας μαθήσεις, ὥς ἐκ κάλλιον ἀποδέχεσθαι, ἴσμεν πᾶσι ὅτι τῷ ἔλῳ καὶ πάντι διοίσει ἡμμένους τε γεωμετρίας καὶ μή. *Quin etiam scimus, ad disciplinas omnes facilius perdiscen-*
das

*das interesse quam maxime, attigerit-
ne geometriam aliquis, nec ne.* ⁽¹⁾

Has autem breves, sed acutas gravissimasque sententias, quo diligentius perpenderimus, eo certius atsequemur effati sententiam, quod Platoni attribuitur vulgo et declarare Plutarchus studuit: *ὁ θεὸς γεωμετεῖ.* ⁽²⁾ Nam ut Deo attribuebat philosophus, quod ipsi in homine videbatur maximum, ita geometriam non tribuere divinae menti non potuit. Sed patet inde item, quo honore hanc disciplinam habuerit: nec mirabimur, his perspectis, geometriam postea Graecos *μάθησιν* vocasse, quippe quae una omnium disciplinarum maxime institutioni esset adhibenda et sola videretur *disciplina* appellanda, nosque eorum exemplum secutos, et vocem ipsorum et hac eam significatione linguis nostris suscepisse. Verum eadem de geometria, certe similia, usurpant mathematici nostri: quid vero iis Plato voluerit, quo maxime consilio imbuendos ea futuros reipublicae gubernatores existimaverit, id nobis in primis exquirendum. Pergamus igitur ad astronomiam: nam hac iudicandā vim simul geometriae ad mentis promovendam philosophiam declaravit mirifice.

Est hac de re apud Platonem, quamvis seriā et sublimi, festivissimus Glauconis cum Socrate sermo. Sic ille continuo: tertio jam loco astro-
no-

(1) De Rep. VII. 527. A. B. (2) Plutarch. *Symposium*. VIII. 71B.

nōmiam ponamus; nam mensium et annorum vicissitudines acutius animadvertisse, non tantum agriculturae ac navigationi proderit, sed non minimum etiam rei militari. Hic Socrates, videris mihi, inquit, o bone, vulgus reformidare, ne inutiles te disciplinas inducere dicant: non aliam enim inde magnopere utilitatem percipiendam putant. Orsus autem deinde de astronomia, meminit subito et Glauconem monet, disciplinam ab ipsis praetermissam esse, quae inter geometriam et astronomiam media, ab illa ad hanc ducit. Post planum, ait, statim solidum, quod circumfertur, aggressi sumus, anteaquam ipsum per se comprehenderemus; decet autem ordine post secundam auctionem tertiam suscipere: refertur vero illud ad cuborum auctionem, estque profunditatis particeps. Significatam his verbis a philosopho esse *stereometriam*, patet manifesto; ⁽¹⁾ sed in persequendā artium mathematicarum historiam memorabile nobis videtur, hanc doctrinam Platonis tempore nondum repertam esse: quod Glauco apud eum disertis verbis faterur: ἀλλὰ ταῦτά γε, ὦ Σώκρατες, οὐπω δοκεῖ εὐρῆσθαι. Unde profecto, quatenus hac aetate progressi sint Graeci in mathematicis et astronomia, quid de Platonis, quae feruntur, in stereometria inventis existimandum sit, tum etiam, quae propria fuerit Alexandrinorum mathematicorum laus, conjecturam nobis

(1) Sic accepit Theon Smyrn. Arith. I. 12. p. 14.

bis licet ducere. Verum nihil hoc ad *philosophiae* Platonis initia. Persequamur cum Socrate astronomiam, veramque ejus attendamus cum instituentem tum tractandae rationem, ut quae in mente nostrâ deorsum spectant, sursum attollamus: quod commune est apud Platonem harum disciplinarum propositum. Id sibi videtur Glauco de astronomia ipse perspicere continuo. Hanc quidem, inquit, mentem cogere, ut sursum spectet et hinc eam illuc convertere, omnibus esse manifestum videtur. Cui Socrates: omnibus forte, inquit, praeterquam mihi: mihi enim non item videtur. Ut nunc quidem eam tractant, qui philosophiae ipsum jungunt, ut deorsum mens spectet efficere videntur. Tu quidem solerter informas sane disciplinam eorum quae sublimia sunt: videris enim, si quis laquearia variis coloribus picta suspiciens, perceperit quidquam, existimare eum mente, non oculis spectare: ac forte recte existimas, ego vero inepte: ego autem non possum mihi persuadere, aliud mentem sursum tollere, nisi illam disciplinam, quae id quod est nec percipi oculis potest, spectat. Quodsi quis sive sursum inhians, sive conversus deorsum, eorum, quae sensibus patent, aliquid percipere studet, nec discere eum dico: scientiam enim eorum esse nullam: nec sursum ejus mentem, sed deorsum spectare, etiamsi resupinus in terrae litore vel maris aequore jacens, quidquam perceperit. Quibus monitus ac reprehensus Glauco, *δίκην ἔχω,*
περ-

peccanti, inquit, merito me reprehendisti; sed quae est ratio discendae astronomiae, praeter eam, quam isti sequuntur, si ejus nobis cognitio sit ad ea, quae dicimus, profutura? — Ad haec respondet Socrates: ταῦτα μὲν τὰ ἐν τῷ οὐρανῷ ποικίλματα, ἐπεὶ περ ἐν ὁρατῷ πεποικιλτάς, πάλλιν μὲν ἡγεῖσθαι καὶ ἀκριβέστερα τῶν τοιούτων ἔχειν, τῶν δὲ ἀληθινῶν πολλὸν ἐνδεῖν, ὧν τὸ ἐν τάχος καὶ ἡ εὐσθεὶς βραδυτῆς καὶ ἐν τῷ ἀληθινῷ ἀριθμῷ καὶ πᾶσι τοῖς ἀληθεῖσι σχήμασι φέρας τε πρὸς ἄλληλα φέρεται καὶ τὰ ἐνόντα φέρει ⁽¹⁾ ἃ δὲ λόγῳ μὲν καὶ διανοίᾳ λήπτα, ἔπειθ' οὐκ ἢ σὺ γε οἶσι; Οὐδαμῶς γ', ἔφη. *Existimandum est, has quae in coelo lucent, species, ut in loco visibili informatas, pulcerrimas sano omnium esse, sed longe abesse, ut tales sint quales verae, quarum vera est celeritas veraque tarditas et quae in vero numero verisque figuris ad se invicem feruntur, eaque, quae complectuntur, ferunt: quae quidem ratione et cogitatione percipiuntur, visu vero non item: an vero tu putas? Nullo modo, inquit. Haec ille. E quo toto sermone, quem fructum Plato ex astronomiae studio in primis esse capiendum, quaque eam ratione tractandam esse duxerit, patet unicuique; sed est nobis item aliud eadem de re animadvertendum.*

Quod modo diximus, finxisse antiquos, praesertim Pythagoreos, multa, quae ad gravissima in-

(1) Adscripsimus haec de conjectura Astii ad h. l. p. 569.

inveniendâ viam sternere recentioribus philosophis potuissent; hos autem adhibuisse eo orientaliū, maximeque Arabum inventa, id hæc nos docet philosophi de astronomia tractanda sive sententia sive suspicio. Mente is voluisse et quasi vaticinatus tale quid videtur, quale nobis algebrae disciplina in luce posuit. Legamus iterum adscriptum locum. Dixit, quæ conspiciuntur in coelo ac moventur, multum ab iis differre, quæ cum quod formam, tum quod motum attinet *vera* sunt uniceque mente comprehenduntur. Rem deinde ex geometriæ studio illustrat. His igitur, inquit, quæ in coelo mira varietate lucent, tanquam *αυραὶ ἀγλαῖαι*, *αὐτὸν*, utendum est ad illa, quæ non videntur, sed sunt, discenda, perinde ac si quis figuras videat a Daedalo vel alio artifice, aut a pictore eximia pictas et elaboratas. Nempe si esset is, qui eas videt, geometriæ peritus, artificium laudaret, ridiculum vero esse censeret, si quis talia attentius consideraret, ut scilicet *veritatem* in istis aequalium vel diplomatum vel alius cujusdam proportionis reperturus.⁽¹⁾ Et profecto delineatis figuris geometra non has cogitat arte confectas, sed veras, sed ipsas, quas mente tenet. Quæ omnes intelligunt, qui vel leviter sunt, ut me esse confiteor, geometriæ periti: sed docendo idem id experientur maxime. Attendunt discipuli continuo triangulum, circulum,

(1) Rep. VII. 529. D.

conum in tabula ductum; id autem ferunt aeger-
rime doctores: jubent illos haec mittere, arte
confecta, ipsum vero cogitare triangulum, ipsum
circulum, ipsum conum. Mihi, institutioni ha-
rum rerum et probationibus praesenti, fere in men-
tem venit Platonis, pari prorsus ratione homines
a pulvis, quae oculis conspiciuntur, ad ipsum
pulcrum, a negotiis *δαρτοῖς* ad negotia *νοῦρά* revo-
cantis. Sunt plane haec similia: et hinc nobis
omnium patet evidentissime, quare per geome-
triam Plato hominem esse evehendum in mundum
νοῦρόν existimaverit. Sed procedendum nobis est:
in ipsam astronomiam applicabat Plato hanc geo-
metriae tradendae rationem. „ Qui autem vere
est astronomiae peritus, nonne hunc idem repu-
taturum ac geometram, censes, ubi astrorum mo-
tus attendit? Arbitraturum scilicet, esse haec om-
nia, quoad ejus fieri in talibus operibus potest,
pulcherrime a coeli conditore perfecta: absurdum
vero esse, si quis noctis ad diem, horumque ad
mensem, et mensis ad annum itemque astrorum
ad haec omnia et invicem rationem mutuam sem-
per similiter procedere contenderet, ut nihil us-
quam mutationis subirent, cum res sint corporeae
et spectabiles, idemque omni modo in hac ve-
ritatem quaereret? — Sic mihi certe, te nunc au-
dienti, videtur. — Scilicet problematibus utentes,
sic astronomiam, ut geometriam tractabimus;
quae vero in coelo apparent missa faciemus, si
quidem vere astronomiae studentes, quod naturā

menti nostrae φρόνιμον inest, id velimus utile ex inutili efficere. ⁽¹⁾ In his item, fateor, idem dominatur perfecti verique studium, quo uno maxime ducebatur Plato: quodque minus spectare solent astronomi vulgares, ut χρήσιμον τὸ φύσει φρόνιμον ἐν τῇ ψυχῇ ἐξ ἀχρήστου faciant: hoc maxime efficere Plato studuit; sed iidem, ut hoc utar, ubi eclipsis agitur solis lunaeve, sive cursus est definiendus cometae vel planetae, nonne primum avertunt mentem a rebus spectabilibus, ut verum motum, verum cursum et lunae et planetarum cometarumque cogitent menteque complectantur? Nonne verâ hac perspectâ et quasi constitutâ consignatâque naturae lege, tum demum mundum spectabilem attendunt, vicissitudines considerantes motus cursusque et aberrationis corporum coelestium per opportunitates varias, attractionis in primis vicinorum corporum coelestium, qua in cursu ad haec accedunt identidem? Mirer equidem, si astronomus, his lectis Platonis sententiis, non descriptam se vidisse putet studiorum suorum rationem, nec desiderasse quidquam, nisi algebrae notas, quibus nos veros numeros, veras figuras, veram motuum rationem, celeritatemque et tarditatem, alia, nondum nobis cognita, sed exploranda, exprimimus. Sed legat is locum Platonis, bis jam descriptum nobis, sed tertium memorandum, quo astronomum exquirere jus-

(1) De Rep. VII. 530. A.

jussit τὸ ἐν τάχει, τὴν αὖσαν βραδύτητα ἐν τῇ ἀληθινῇ ἀριθμῷ καὶ πᾶσι τοῖς ἀληθεῖσι σχήμασι. Iteramus, quod diximus: non fecit, vix adeo incheavit Plato, quae recentiore aetate astronomi perfecterunt; sed quamvis ille ad acuendum in primis ingenium tam astronomiam, quam geometriam tractandam censeret, illuc eum provexit, quo ardebat, perfecti verique amor, ut veram astronomiae doctrinam, si non perspiceret quodammodo, certe conjiceret et vaticinaretur. ⁽¹⁾ Verum hujus rei diligentiores disquisitionem non capit hic locus. Illud animadvertendum, discessisse in his omnibus Platonem a trita via, qua procedebant fere ipsius aetate geometrae, astronomi, illi etiam, qui musicam sive harmoniam in astronomiam et physicam traducebant. Suum ille iter persequabatur, verum spectans solum, quod adsequi incredibili studio nitebatur, dispiciensque ex illa, quam attigerat, arce in homines inanes, inania consecretantes, qui in numeris, in figuris haerent, deorsumque conversam mentem haberent, tum etiam, ubi de astris rebusque sublimibus ageretur.

De

(1) Quod de Arabum inventis hic dixi, non ita accipiendum, quasi ipsam analyticam arithmetica, quam vulgo Algebram vocamus, iis tribuam: inventa ea videtur a Diophanto Alexandrino; sed *notas* significavi algebraicas, quarum apta cum arithmetica et geometria conjunctione maxime haec disciplina ad tot et tanta invenienda apta est facta. V. Ruhn. Opusc. Vol. I. p. 105.

De harmonia.

Tales erant harmonici maxime, in Pythagoreis frequentes. Colebat illi disciplinam, minime Platonem improbatam, dicebat hic harmoniam esse astronomiae ἀντιστοιχίαν; huic enim sic aures esse accommodatas, ut oculi sunt astronomiae. Sed ridebat vana istorum studia, quippe qui ipsos attenderent in fidibus sonos, eosque metientes auribus admotis, quasi a vicinis voces percepturi: dicentibus aliis se in medio audire sonum quemdam, et esse hunc minimum, quo sit metiendum: aliis dubitantibus, quippe simile sonare: utrisque, ait Glauco, ὅτι τοῦ νόου προσαρμάνεις, *mentis praeparentibus aures.* ⁽¹⁾ Vidit aetas nostra, quod suspicatus est Plato, esse veram sonorum doctrinam; acusticam appellare consuevimus: huic autem, quod iussit ille, νόος praeeest, non aures: praesunt mathematicae disciplinae menti propriae: huic, ut ait idem, non soni adhibendi sunt unice qui audiuntur, sed problemata adhibenda sunt, ut mens videat, qui sint ξύμφοροι ἀριθμοί, *τινες οὖν, καὶ διὰ τὶ ἐνάντιοι.* ⁽²⁾ Admirabile est, ut excelluerit in aequalibus Plato, et, quamvis adimniculis, quibus nos utimur, destitutus, conatus sit tamen ad nostra inventa accedere. Sed, quod mihi in primis videtur admirandum, insignis

(1) De Rep. VII. 53a. D. E. 551. A. (2) Eod. 551. C.

nis est, viri in cogitando scribendoque facilitas, plenas esse ejus disputationes, quamvis interioris indagatis, joci et factiarum, ludere eum et jocari videri, ubi res serias imprimisque abstrusas explicat, dubitare nos, legentes hos Socratis cum Glaucone sermones, magisne nobis placeant elegantia, festiuitate, ironiae vi Socraticae, aequabiliter per eos diffusis, an prosint nobis magis aeuendo ingenio nostro, animoque exortando optimarum rerum studiis, tum vero praesertim veri amore in imis pectoribus inflammando. Est sane hoc proprium philosophi ingenii, de difficilissimis rebus cogitare et judicare facillime: sed, qui eadem facilitate et scriberent de iis, et sic cum lectoribus, ut fecit Plato, suam communicarunt ardorem, omni aetate reperiuntur paucissimi. Sed in viam.

Postquam haec de harmoniae disciplinā monuerat Socrates, Glauco, rerum magnitudine et difficultate percussus, *δαίμονιον*, inquit, *πρῶγμα λέγεις*: ⁽¹⁾ nec suspicari videtur, alia esse et maiora etiam futuris rei publicae moderatoribus tractanda. Socrates vero, doctrinarum memorata necessitudine naturali, tum demum, ait, earum institutio illud, quod speramus efficiet, *ὅταν ἐπὶ τὴν ἀλλήλων κοινωνίαν ἀφίκηται καὶ ξυγγένειαν, καὶ συλλογισθῇ ταῦτα ἢ εἰν ἀλλήλοις οἰκεῖα*, postquam ad communionem mutuam et cognationem pervenerunt, erit-

(1) De Rep. VII. 531. C.

erisque ratiocinando exploratum, qualis sit earum cognatio. ⁽¹⁾ Quibus placitum respicit, ut omnes intelligant, quod supra studuimus explicare, a Cicero probatum perspectumque maxime, de *vinculo doctrinarum*; sed novam item hisce doctrinam significat *dialecticam*. Quod minus etiam suspicatus Glauco, sic quidem, ait, et ego auguror, sed permagnū est, o Socrates, quod dicis, opus. Tum ille, prooemii dicis, inquit, an cuius tantum rei? An vero ignoramus, harum studium doctrinarum aditum esse et quasi prooemium legis, quam discere oportet? Hujus scilicet rei non tibi solertes, esse videntur dialectici. — Non sane, per Jovem, inquit, paucis exceptis, quos ego conveni. — At enim, nisi quis et accipere possit et reddere rationem, nunquam sciet quidquam eorum, quae esse dicimus cognoscenda. — Ne hoc etiam. — Atqui haec est, o Glauco, lex ipsa, quae disserendi artem continet. ⁽²⁾ Id scilicet nemo nobis adversabitur dicentibus, nullam esse praeter hanc disserendi methodum, quae de singulis rebus, quid sit unaquaeque, via possit et ratione adsequi: caeteras vero artes vel opiniones hominum cupiditatesque spectare, vel rebus contineri quae fiunt et componuntur ⁽³⁾ vel ad culturam eorum, quae e terra nascuntur vel composita sunt referri: illas autem, quas di-

(1) De Rep. VII. 531. D. (2) De Rep. VII. 531. D. E.

(3) Artes *πειντικὰς* intelligit V, Soph. 219.

diximus τῷ ὄντι αἱ ἐπιλαμβάνεσθαι *veritatis non-
nihil assequi*, geometriam, quaeque hujus sunt co-
mites, de veritate somniare quidem, sed ὅπως
eam adspicere non posse, donec ὑποθέσσι, *suppo-
sitionibus*, utentes, has ratas esse et immobiles
sinunt, cum earum reddere rationem nequeant.

Ὡς γὰρ ἀρχὴ μὲν ὃ μὴ οἶδε, τελευτὴ δὲ καὶ τὰ
μεταξὺ ἐξ οὗ μὴ οἶδε συμπλέκται, τίς μηχανὴ
τὴν τοιαύτην ὁμολογίαν ποτὲ ἐπιστήμην γενέσθαι; —
Οὐδεμία, ἢ ὃ ὅς. Cui enim principium est id, quod
quis nescit, finis autem et intermedia ex iis item,
quae ignoramus conflata sunt, collectam inde con-
clusionem quo tandem pacto scientiam vocemus? —
Nullo, inquit ⁽¹⁾. Est hoc nempe fastigium, quo
ducere nos dialectica debet. Habent disciplinae
omnes axiomata quaedam, ut ὑποθέσεις, quibus
tamquam principiis, nituntur; haec autem ut ip-
sae intacta relinquunt, ita uni hoc proprium dis-
serendi arti est, ut et agat de hisce et ad remo-
tiora etiam, atque ipsa adeo principia reducere
conetur. Quod hac tandem sententiā enunciat
Socrates, rem totam paucis verbis complectens:
οὐκ οὖν ἡ διαλεκτικὴ μέθοδος μόνῃ ταύτῃ πορεύεται,
τὰς ὑποθέσεις ἀναιρούσα ἐκ' αὐτὴν τὴν ἀρχὴν, ἵνα
βεβαιώσῃται, καὶ τῷ ὄντι ἐν βορβόρῳ βαρβαρικῷ τινὶ
τὸ τῆς ψυχῆς ὅμμα καταρρωγμένον ἡρέμῳ ἔλκει καὶ
ἀνάγει ἄνω, συναρίθμοις καὶ συμπεριαγωγαῖς χρωμένη
αἷς διήλομεν τέχναις; *dialectica igitur sola sic pro-*
ce-

(1) De Rep. VII. 535. B. C.

cedis, ut suppositiones ad ipsum principium reducat, quo magis firmo pergat inossu, et animi osculum in coeno barbarico defotum sensim placideque sursum trahat atque attollat, ministris atque adjuvanticibus ad convertendum utens illis, quas diximus, disciplinis. ⁽¹⁾

*De disciplinis
mathematicis justo proposito
tractandis.*

Incidimus ita derepente, duce Platone, in mediam dialecticam. Sed de mathematicis disciplinis quod dixit ille, neminem eas adhuc recte tractasse, quo plenius intelligatur, haec videntur de earum proposito addenda. Puerum subinde mathematici, qui abdicti in bibliotheca sua excluderent inde omnes, quotquot non, ut ipsi, caeteras exosi artes et doctrinas, in solis haererent lineis et circulis, arcendique causa Januae inscriberent, Platonem imitaturi scilicet, *μυθεῖς ἀγνοῦντες τὸν λόγον*. Isti quid spectarint, nescio: hoc constat, aberrasse eos procul a sententiâ Platonis, qui omnium esse disciplinarum et mutuam et cum mathematicis artibus conjunctionem statuebat. Sed doctrinae ipsi suae nec excellentiam nec vim divinam perspexerunt, quâ, Platone iudice, non solum

(1) De Rep. VII. 533. C. D. v. Wytttenb. ad Plat. de S. N. V. p. 95.

lum ad astrorum universaeque naturae conditionem explorandam, verum omnium maxime πρὸς τὴν τοῦ καλοῦ τε καὶ ἀγαθοῦ ζήτησιν, *ad pulcri bonique disquisitionem* et valet et tractanda est ⁽¹⁾. Exemplo id comprobantur suae maximi tam veteris, quam recentioris aevi mathematici, qui acerrimo iidem valuerunt pulcri bonique sensu, ipsis autem hisce mathematicis studiis eximie hunc et acuerunt et excoluerunt. Scilicet quid pulcrum est, quid bonum, quid in qualicunque re excellens et praeclarum, nisi quod idem est verum? Ad verum autem investigandam pertinent hae disciplinae potissimum. Quapropter Plato tractandas eas censuit, non ipsarum causa, nec vero solum, ut rebus physicis explicandis adhiberentur, sed omnium maxime, ut erudirentur iis ingenia juvenum, ut quod in artibus pulcrum, in officiis moribusque honestum est et bonum, adsequerentur facile, ut, excitato purgatoque animi oculo, verum in rebus omnibus, pulcris, bonis, justis, tamque divinis illis, quam humanis, quasi adspicerent mente. Hoc disciplinarum mathematicarum, de Platonis sententia summum propositum est: id vero omnibus fere ipsius aetate novum accidebat et inauditum. Sed haec de studiis mathematicis sufficiant, nunc dialecticam persequamur.

(1) De Rep. VII. 551. C.

D I A L E C T I C A.

Est dialectica apud Platonem, ut aliquoties jam memoravimus, princeps disciplinarum omnium: lex est, cujus caeterae quasi prooemia sunt: imo vero, quod deinde videbimus, arx apud eum est et sepimentum doctrinarum. Quae quemadmodum accipienda sint, patuit jam nobis quodammodo e dictis Socratis in libris de Republica; verum multum abest, ut, quae hujus sit disciplinae vis, amplitudo, ubertas, declaraverimus satis. Duce Platone incidimus in dialecticae partes summas longeque difficillimas, ipsam vero vix attigimus; quid efficere maxime debeat, vidimus, sed quae ejus ratio sit et progressio, ignoramus adhuc. Si qua vero disciplina est, cujus via et ratio apte ordineque et ab initio exquirenda videatur, dialectica est, quippe quae et mathematicis et nullis non disciplinis viam et rationem praescribit: unde merito sane a recentioribus disciplinarum regina vocata est. Et vero Plato, priusquam de ea in hoc de Republica opere ageret, in Phaedro jam praecipueque in Sophista et Politico totam ejus rationem declaraverat. Idcirco accuratius pleniusque nobis, nec profecto ex hoc uno philosophi opere res exponenda videtur: haud sufficiet adeo, de uno egisse Platone. Praemittenda disquisitio est, quid Socrates fecerit hac in re, quidque Platonem

toni perficiendum reliquerit : tum etiam , quid molitus sit post utrumque Aristoteles cum ad dialecticae vindicandum in doctrinis principatum , tum ad novam huic adjungendam ipsius veri, αὐτοῦ τοῦ ὁρθοῦ, doctrinam , quam posterī metaphysicam appellarunt. His demum exploratis , Platonis nobis dialectica quasi in conspectu , pura et sincera , erit posita , ut qualis fuerit , quid sibi proprium habuerit et singulare , quamque item in Aristotelem et sectas deinceps omnes vim exercuerit , intelligatur. Nam nisi in hoc celeberrimo philosophorum triumviratu , Socratis , Platonis , Aristotelis , suus Platoni locus adsignetur , dialectica philosophi , ipsa adeo philosophia penitus et tota cognosci nullo modo potest. Vident lectores , quis sit quamque late pateat campus , in quem nunc nobis excurrendum est. Et profecto , quod ab initio diximus , hanc esse in primis disciplinam , quae et prodesse maxime et obesse philosophiae doctrinarumque studiis possit istiusmodi est , ut locus hic nobis in philosophorum , imo omnium in usum , qui doctrinas tractant , latius omnique ambitu tractandus videatur. Operam autem dabimus , ut in his exponendis quae abstrusa vulgo et perobscura videntur , perspicuitati et quoad ejus fieri potest , suavitati consulamus. Quod ut nobis e voto cedat , adhibebimus continuo disquisitioni historiae lumen : dialecticae exquiremus in genere humano originem et initia : procedemus inde ad Socratem et propriam ejus me-

methodum, τῆς διαγωγῆς, quae vulgo vocari *inductio* solet: huic Aristotelis opponemus rationem, quo accuratius ab utriusque dialecticâ Platoniam distinguamus, et haec qualis sit, perspiciamus. Quibus expositis tandem, quae vis sit dialecticae Platonicae ad nullas non artes doctrinasque tractandas rite, et recludendum juvenibus ad veritatis scientiam iter, nos, auguror, non latebit.

*Dialecticae apud Graecos
initia.*

Constat inter omnes, sic eluxisse apud Graecos philosophiam, ut novum videretur in genere humano studiorum genus exstitissè. Quodsi quaerimus, quid praesertim his studiis novitatis speciem commendationemque conciliaverit, fuerunt multa quae eo valerent et varia; sed nihil id effecisse efficacius, quam dialectica, videtur. Nam tulit Oriens sapientes, rerum divinarum humanarumque studiosos et peritissimos, doctrinarum tulit tantum non omnium initia, et una cum hisce sententias de Deo, de homine, de mundo gravissimas et plenas philosophiae. Nec defuit Orientalibus perquirendi studium, cum diligentia et assiduitate conjunctum, quippe, si defuisset, tantum; quantum diximus, non invenissent. Verum disserere apte diserteque de omni argumento, rem propositam in suas partes disponere et definiendo,

de, discernendo, distribuendo illustrare, ratiocinandoque procedere ad prima rerum elementa, id Graeci fecerunt eoque viam sibi ad inveniendam veritatem reperiunt, quod philosophiae proprium est, Orientales vix inchoarunt. Nec vero hanc facultatem ipsi Graeci continuo consecuti sunt. Qui primum apud eos prodierunt philosophi, vel erant poëtae vel sententiarum inclaruerunt, ut Orientales, gravitate et sapientiâ, unde sic ut illi *sapientes* sunt appellati, vel, si scriberent, opiniones suas non disserendo persuadebant lectoribus, sed oraculorum instar pronunciabant simpliciter. Socratis dentum aetate et paulo ante hunc philosophiae parentem, efflorescere in Graecia dialecticae studia coeperunt. Scribebant obscure etiam tunc nonnulli, in quibus Heraclitus, *εὐκλείδης* ille, sed Hippocrates, Democritus Pythagorei, quamvis naturâ magis, quam arte excellentes, apte jam diuacideque scribendo philosophiam explicabant: artem vero de industriâ tractare Eleatici et Megarici philosophi, tum etiam Sophistae studuerunt, hi dicendo, orationibus de nullis non rebus publice habendis, scriptis item de ipsâ arte edendis: illi colloquendo magis sive argumentando, invicemque disputando, sive potius captiosis interrogatiunculis sibi invicem ad confutandum quasi insidiis struendis. Sed quicquid in aliis quibuscunque Graeciae regionibus sive ultro sive arte tentarunt hac in re philosophi, omnium merita et superarunt et obscurarunt adeo Athenienses.

Ho-

Horum civitas post bellum Persicum theatrum esse coepit artium omnium et doctrinarum, quo et alii aliunde et undecunque Sophistae confluentes, hinc rerum peritiam, hinc eloquentiae facultatem, hinc maxime bene dicendi scribendique artem et ostentabant publice et docebant. Qui vero in hisce tam eloquentiae, quam dialecticae laude praeter caeteris inclaruerunt omnibus, non advenae, sed ejusdem hujus civitatis inclytae cives fuerunt. Una urbs Attica, ait Vellejus Patereculus, pluribus sanae eloquentiae, quam universa Graecia, operibus floruit ⁽¹⁾. Principes oratores Attici fuerunt, Pericles et Demosthenes: Attici eloquentiae doctores primarii, Antiphon et Isocrates: Attici, quod maxime animadvertendum, dialecticae germanae auctores, Socrates et Plato. Et si qui aliunde oriundi his studiis excelluerunt, ut Aristoteles, dialecticus plane consummatus, quamquam non orator, hi fere et dicti sunt Attici et habitati, quippe ejusdem urbis Atticae disciplinis a tenera inde aetate imbuti et exculti. Quamobrem studiorum horum initia aliunde repetenda sunt, sed ipsa tam cogitandi bene, quam dicendi ars Athenis demum ab ipsis Atheniensibus sic culta est, ut ab his unice et aequales et posterius exempla

(1) Vell. Pat. I. 18. de palmaria Ruhnkenii emendatione. Vulgo legitur: *pluribus annis eloquentiae, quam universa Graecia, operibusque floruit*. V. Hist. Crit. Orat. Graec. p. 57.

pla duxerunt ad hodiernum aevum, quae non dico superare, sed aequare adeo vix potuerunt. Nec temere dicamus, quantum Graeci caeteris populis praestiterunt philosophiae studio, tantum eloquentia et dialecticâ caeteris Graecis praestitisse Athenienses.

Debuerunt hanc gloriam Athenae praeclaris oratoribus, quos protulerunt; sed dialecticae initia, quae et justa esset nec ad eloquentiam tantum informandam rite, sed ad ipsam colendam philosophiam valeret, hujus initia ab uno videntur Socrate maxime repetenda. Quid sibi vellet ille interrogando arguendoque, quod in gymnasiis, in foro et nullis non civium conventibus factitabat, non adsequebantur aequales; quo accidit, ut peculiare hoc videretur *Sophisticae* genus esse, atque ipse a comicis tamquam unus Sophistarum in scena traduceretur; posteri demum id intellexerunt, postquam cum alii Socratici, tum Xenophon et Plato hanc veram dialecticam, tradendis ejus sermonibus, exposuerant. Id autem prae caeteris maxime patefacere Plato studuit, qui et rationem hujus dialecticae et vim, quam in audientium animos haberet, scribendis dialogis, exprimeret: idem adeo iisdem dialogis, quae vel ipse in hac arte invenerat, vel e Socratis aliorumque ratione duxerat, complexus est: ut nobis nunc quidem, si germanae dialecticae rationem veram adsequi velimus, ex his maxime fontibus hauriendum sit. Patebit ita omnibus, quod non-

F

dum

dum omnes vident, non confirmando, probando, demonstrando constare dialecticam, sed primum *quaerendo* procedere: non fructum ex ea unice capiendum esse, ut, quae vera existimantur, nobis aliisque persuadeamus atque a dissentientium opinionibus defendamus, sed in primis, ut *inveniamus* vera: nec tantum nos per eam ad bene cogitandum, dicendum, scribendumque proficere, sed, quod Platoni placebat potissimum, eo simul valere ejus studium oportere, ut ipsi totâ mente quasi *convertamur* ad veritatem. Sed de his singulis singulatim viâ et ratione agamus.

Socratica dialectica.

Non dicendo solum publice aut scribendo exercetur dialectica, sed praesertim, ut ipsum docet artis nomen, τῷ διαλέγεσθαι, *colloquendo*. Id autem Socratis sermonibus proprium fuit, ut, priusquam is juvenes ad verum adsequendum duceret, purgaret eorum animos vanitate, tumore, praejudicatis falsisque opinionibus, quippe quas cogitandi censebat recteque dicendi scribendique gravissima impedimenta. Neglectum hoc omni aetate a plerisque est, qui dialecticam tradiderunt: methodos quaesiverunt, quibus, tamquam instrumentis, viam veritatis aperirent; ipsum vero cognoscendi principium summum, veri amorem, qui exserere sese, nisi sublatis impedimentis non potest, vix attenderunt. Quo magis nos, in exquisi-

ren-

tendo hoc principio, καθόρου illum (Socratem et μακρυτέρη fuse diligenterque exposuimus. Verum Socratem adhuc consideravimus *Platonicum*; i. e. uti apud Platonem, hujus simul sententiam declarat; sed cum hic ipse, ut cogitavit locutusque est, Socrates agatur, prodeat nobis e Xenophontis Memorabilibus, nil habens alieni, sed sic, ut solebat, cogitans dicensque. Inciderat aliquando in Glauconem, Platonis fratrem, eundem, quem hic dicentem in Politia induxit, juvenem non malum ingenio, sed inflatum opinione praestantiae suae et nescio quid magni et praecelari et spe praecipientem et jam jam in ipsa civitate suscepturum. Huic obviam factus, o Glauco, inquit, praeesse civitati nostrae cogitas? — Equidem, mi Socrates, inquit. — Profecto, ait, si quid aliud humanis in rebus, hoc certe praecelari est. Poteris enim, si hoc impetraveris, ipse consequi quaecunque concupiveris, amicos juvare, domum paternam extollere, patriam amplificare: clarus item eris primum in urbe, deinde in Graecia et fortasse etiam, uti Themistocles, apud barbaros: ubicumque autem fueris, nusquam non eris illustris. Haec cum audivisset Glauco, efferebatur animo, lubenterque manebat. Socrates vero deinde, planum est igitur, ait, mi Glauco, necessarium esse, ut, si quidem esse in honore velis, aliquam reipublicae utilitatem afferas. — Omnino, ait. — Non igitur rem celaveris per Jovem, inquit Socrates, sed dic nobis, unde in-

icipies civitati prodesse? Hic cum Glaucō taceret, quippe considerans, unde potissimum inciperet, nonne, ait Socrates, perinde ac, quum amici domum vis amplificare, locupliorem eam reddere niteris, ita et civitatem conaberis opulentiorē reddere? — Omnino, inquit. — Fueritne igitur opulentior, si proventus ei complures accedant? — Consentaneum est, ait. — Dic igitur, quibus ex rebus civitas haec proventus habeat et quanti illi sint: nam planum est, haec te considerasse, ut, si quidam in iis exigui sint, eos tu expleas; si quidem autem amittantur, eos rursus compares. — Ego vero, ait Glaucō, nunquam profecto haec consideravi. — Quodsi haec neglexisti, ait Socrates, saltem sumtus civitatis nobis expone. Nam certum est, reputare te animo, ut supervacaneos tollas. — Ne hos etiam, per Iovem, inquit, attendi. — Ergo ait, differamus aliquantum rationem locupletandae civitatis. Nam qui possit fieri, ut harum rerum curam habeat is, qui et sumtus et proventus ignorat? ⁽¹⁾

Haec Socratis fuit nativa dialectica, qua efficere studebat, ut revocatus quis a vanis consiliis propositisque, quibus esset impar, videret, quid deesset sibi nec susciperet majora illa et praeclara, antequam se ipsum iis perficiendis idoneum reddidisset. Erat autem haec colloquendi disserendiue ratio ad *τὸ πρῶτον* non tantum coërendum, re-

(1) Xenoph. Mem. III. 6. §. 2-6.

reprimendamque arrogantiam, sed etiam, quod deinceps spectabat dialecticae parens, ad recte de rebus judicandum accommodata. Pertinebat eo porro, ut res, de qua ageretur, definiretur apte, ne temere vagaretur disputatio. Socrates, ait Xenophon, putabat, eos, qui scirent, quid essent res singulae, posse aliis etiam eas explicare: qui vero nescirent, eos et falli et alios quoque fallere ⁽¹⁾. Quae definiendi ratio non vulgaris illa erat, quae vocabula obvia aliis vocabulis declararentur: *res* ille, non voces spectabat. Veluti quum ageret cum Euthydemo de justitia, non vocem hanc, ut Logici fere solent, longo verborum ambitu interpretari conabatur: sed homines quaerebat continuo, qui essent sapientes. Sapientiam, inquit, quid esse dicamus? Dic mihi: utrum tibi sapientes in iis, quae norunt, sapientes esse videantur, an aliqui sint in iis sapientes quae nesciunt? — Nimirum in illis sapientes sunt, quae sciunt: nam qui possit aliquis esse sapiens in illis, quae nescit? — Num igitur sapientes, scientia sunt sapientes? — Quanam alia re sapiens aliquis fuerit, si non scientia? — Num vero putas, quiddam aliud esse sapientiam, quam quo homines sapientes sunt? — Non equidem. — Ergo sapientia est scientia? — Mihi quidem videtur. — Ergone tibi videtur, hominem res omnes scire posse? — Imo nec partem adeo rerum aliquam.

(1) Memor. IV. 6. §. 1.

quantulam. — Homo igitur in omnibus nequit esse sapiens? — Minime profecto. — Ergo in eo quis est sapiens, quod scit? — Mihi quidem videtur ⁽¹⁾. Similiter de pietate, de fortitudine, de aliis virtutibus quaerens, ipsos homines respiciebat continuo, qui essent pii, fortes, aliis virtutibus praestarent. Sic maxime non verba verbis, sed res ipsas aptâ earum vel hominum consideratione declarabat. Nativam hanc fuisse diximus Socratis facultatem. Nam artem in his omnibus non cogitasse videtur: imo vero hac naturae viâ artibus dicendi, quas excogitaverant publiceque crepabant et docebant sophistae, opposebat sese, ut ipsis vanis et ad vana omnia ac temeraria adducentibus. Sed quamvis naturam haberet ducem dialectica Socratis, artis tamen viam et rationem tenebat, eratque propria ei methodus, ut primum sic, ut diximus, res definiret, tum vero, quod nobis omnium est maxime animadvertendum, a rebus obviis ad eas interrogando escenderet, quae ignotae essent, saltem minus sive paterent sive attenderentur. Exemplum nobis occurrit in iisdem ejus cum Glaucone, quos memoravimus, sermonibus. Tacebat hic ad quaestionem, unde ipsi esset inchoandum, si prodesse civitati studeret. Socrates vero, ut haberet is quod responderet, amici domum memorabat. Hanc rogabat si juvare velis, non-

(1) Xenoph. oed. §. 7.

nonne diftorenti reddere studeas? Notae sunt culvis res domesticae et rebus politicis simpliciore: ex illis igitur declarare hasce nitebatur. Similiter idem in elegantissimo cum Charmide sermone. Contraria hujus juvenis conditio erat: nam ut Glauco capessere summa in republica munera avebat, ita hic ad populum procedere prae verecundia non audebat. In hunc igitur incidens Socrates, dic mihi, inquit, mi Charmides, si quis, quum in ludis vincere possit, eaque re cum ipse honorem consequi, tum patriam in Graecia illustriorem reddere, decertare nolit, qualem existimes hunc hominem esse? — Mollem sane, inquit, atque ignavum. — At si quis, quum possit rempublicam tractando, cum civitatem amplificare, tum ipse ob id honorari, hoc tamen facere reformidet, nonne is merito ignavus habeatur? — Fortassis, inquit; sed cur haec me interrogas? — Quod te, inquit, cum possis, nolle tamen arbitror procurare ea, quorum participem te esse necesse sit, quum sis civis ⁽¹⁾. Illustre hujus methodi Socraticae exemplum est in notissima philosophi cum Aristodemo de providentia disputatione. Hunc enim quum accepisset neque Diis sacrificare neque divinatione uti, imo et ridere omnes, qui haec facerent, dic mihi, ait, Aristodeme, suntne quos ob sapientiam sis admiratus? — Sunt sane, inquit. — Dic nobis eorum

ab-

(1) Xenoph. Mem. III. 7. §. 1 et 2.

nomina. — Equidem Homerum in pangendis carminibus epicis admiratus sum maxime, in dithyrambo Melanippidem, in tragoedia Sochoclem, in statuaria Polycletum, in pictura Zeuxim. Hic Socrates, utri vero videntur tibi, inquit, majore digni esse admiratione, qui simulacra mentis motusque expertia perficiunt, an qui animalia mente et motu praedita ⁽¹⁾? — Et sic quidem a rebus cuivis patentibus, quaeque sensibus percipiuntur ad res divinas Deique providentiam escendit. Sed hospes sit necesse est in scriptis Socraticorum, qui vel verbo monitus, non hanc continuo rationem animo repraesentat. Quoscumque habebat Socrates cum quibuscunque hominibus sermones, tum etiam, quum iudices alloquebatur publice, ut persuaderet illis, a rebus tenuissimis et vilissimis exempla petebat: sutores loquebatur, fabros, rusticos, eorumque artes et instrumenta. Haec scilicet omnibus erant nota, non cultis tantum, sed rudibus etiam et agrestibus, pueris adeo: sed ducens ille a sordidis his et abjectis sermones, res declarabat facillime, de quibus cultissimi viri omni tempore vix quidquam proferre, quod probabile esset, potuerant. Ab Aristotele haec ratio *ἐπαγωγή* dicta est ⁽²⁾, a Cicerone et Latinis *inductio*. Haec docendi ratio quam sit simplex, quam item ad persuadendum efficax, nemo est, quin

(1) Xenoph. Mem. I. 4. §. 2. 3. (2) Aristot. Analyt. post. L. I. c. 1. Top. I. 10. et passim. Cic. Top. c. 10.

quin videat sua sponte: sed esse eandem, quod diximus, naturae congruam, eo patebit manifestius, quo magis nativam hominis in disquirendo rationem attenderimus. Nam homo, quamvis universas mente ideas habeat, sine quibus judicare de rebus non potest, tamen a singulis ad universa, a simplicibus ad composita, ab iis quae videt, audit, manibus contrectat, sensibus omnino percipit, ad ea quae non patent sensibus, progreditur: quo fit, ut haec declarentur vocibus ab illorum notionibus et imaginibus ductis. Sic a pueritia suscepimus animo rerum sensibilium notiones, et has notiones in res, sensibus non patentes, divinas in primis, traduximus: unde Diis fere mortales hominis formam, certe ingenium, tribuerunt. Hanc naturalem animadvertendi inquirendique rationem sequebatur monendo praecipiendoque Socrates: quin etiam ducem se praebebat et comitem discendi studiosis, ut una cum illis animadverteret omnia, ipse submonstraret, illi attenderent: ipse quaereret, quid effici e singulis posset: ipsi id efficerent. Id Graeci προαγάγειν vocare solebant, et, esse hanc dialecticae rationem unam maxime naturae consentaneam, linguae docent. In his ipsis nos scribendis saepenumero jam *viac* et *istineris* usurpavimus notionem: διηγέσθαι veteres de *ducendo* proprie, sed item de *narrando*, *exponendo*, *docendo* usurparunt: μεθ' οὗδ' vocabulum est in lexicis legitimum. Quid dicam de nostro *onder-*
vij-

ἵψαν? Respondet non tantum Socraticae methodo, sed, quae docendi optima ratio sit, quae sola sit ratio, qua is, qui docetur, quoad ejus fieri possit, ipse per se progrediatur, haec propria linguis Germanicis vox, ut et similes voces, exprimit ⁽¹⁾. Quo miror magis, verae institutionis principia ex interiore fere psychologia ducta esse, quae est incerta, non vero, certe raro, ex ipsis esse explicata linguarum clementis. Nam si qua alia, haec sunt certa, quippe ex ipsa hominis mente sponte orta, omniumque consensu usuque comprobata. Nec vero respondet tantum hoc verbum nostrum Socraticae dialecticae, sed explicat eam simul, certe illustrat. Sic enim viā suā cum aliis procedebat ille, sic συζητῶν cum illis solebat, ut mentem eorum in ea intenderet, quae negligebant fere, ut levia et futilia: haec iis monstrabat identidem, imo vero submonstrabat, i. e. leviter monendo, gestu, digito in memoriam revocabat: ipsi autem haec attendentes, cum ipso ex hisce, quamvis levibus et futilibus, ad maxima omnia explicanda, conjecturam ducebant.

Dialectica Aristotelis.

Ἐπὶ τῶν huic Socraticae dissimilis est et opposita quodammodo Aristotelis συλλογιστικῇ. Nam
ut

(1) Gall. *auspigen*.

ut quaerere, interrogare Socratem solebas, in Aristoteleae erat disciplinae proprium, ut possetur, probaretur, demonstraretur. Quam esse syllogismi Aristotelici naturam, omnes norunt, qui unquam arte disputarunt. Cumque Socrati sufficeret, si quis ipse ducta ad probabilitatem pervenisset aliquam, id contendebat Aristoteles agendum esse dialectico, ut, positis quae certa essent, ad certam rerum scientiam procederet. Unde intelligitur, quemadmodum constructa a philosophis sint, quae vulgo dicuntur *systemata*: intelligimus item, systemate condito, facile ei aliud prorsusque contrarium opponi potuisse. Ipse praecipit Aristoteles, ut quaeramus continuo, quae si non certa, maxime videantur manifesta, hinc autem et argumentationem et conclusionem petamus. Quocirca cum agatur in his *verissimilando* summa, postquam suis quis hypothesis disputationem inaedificavit, licet affis contrariam quaerere de eodem argumento sententiam universam non minus verisimilem, ex eaque contrariam efficere conclusionem. Hac usurpanda dialectica ratione, si quidem hypotheses pro arbitrio ponerentur fere, quid verum esset, absconditum est magis, quam patefactum, et suscepit inde philosophia prudentium hominum contemptum summum. Quamquam non diffidendum est, eandem methodum ad artem exercendam dicendi valuisse plurimum. Nam dedit opportunitatem facultatemque auxilii, in utramque partem de eodem

dem argumento disputandi: unde disputationes manarunt copiosissimae elegantissimaeque philosophorum veterum, in primis Academicorum: ipsius fluxerunt Ciceronis orationes palmariae in disputationibus Academicis, de finibus, de natura Deorum, aliis, illis si non pares, certe simillimae, quas ad Senatum, ad Quirites, pro rostris, in ipso eloquentiae regno, habuit. Et hic nobis patet maxime dialecticae apud Veteres et eloquentiae conjunctio: quarum artium alteram dixit Aristoteles alteri esse ἀντιστροφὴν. Adhibebant Oratores dialecticam, quo magis sententiam suam civibus persuaderent: philosophi autem cum nihil in civitatibus illis eloquentiā haberetur majus et illustrius, et juvare oratores studebant, ut, in tantae gloriae societatem pervenirent quodammodo, et ipsi scribendo dicendoque cum illis de eloquentiae palmā concertabant. Verumtamen factum ita simul est, ut tanto splendore elucen-tes hae artes obscurarent plane simplicem veritatis investigationem: haec negligeretur, illa vero istis adhiberetur argumentis maxime, quae maxime veritati repugnarent. Id enim dialectici, id oratoris summa habebatur laus, ut quae essent falsa, haec dicendo efficeret, ut vera viderentur.

Ita erat Aristotelis συλλογιστικὴ methodo, consilio inprimisque effectū Socraticae ἐπαγωγῆς perquam dissimilis. Quod ipsum Aristotelem non latuit. Duo sunt, ait, διαλεκτικῶν λόγων genera,

ἑκα-

ἔπαγωγῇ ἐτ' συλλογισμῶς: illa ἀπὸ τῶν καθέκαστα ἐπὶ τὰ καθολοῦ procedit, estque πιθανωτέρα, καὶ σαφέστερα, καὶ κατὰ τὴν αἴσθησιν γνωριμωτέρα, καὶ τοῖς πολλοῖς κοινὸν· συλλογισμῶς vero βιασικώτερος καὶ πρὸς τοὺς ἀντιλογικοὺς ἐνεργέστερος. ⁽¹⁾ Operae pretium est autem animadvertere, rediisse ita post Aristotelem dialecticam ad incunabula, ut ita dicam, sua. Nam ut ante Socratem hujusque aetate in Eristicā sectā inanium fuerat contentionum plena, utque adhibita a Sophistis fuerat ad eloquentiam, maximeque ad caussam inferiorem dicendo superiorem reddendam, par denuo ejus usus apud Academicos, Stoicos, Epicureos esse coepit. Contendebant denuo Alexandrina aetate philosophi de verbis magis quam rebus, et abusi sunt pariter eloquentiā. Pariter Romae in justitiam dicebat Carneades, ut duobus saeculis ante Sophistae Athenis ipsi adeo virtuti justitiaeque haud pepercerant, ut prudentiae politicae facundiaeque gloriolam scilicet aliquam caperent. Thrasy Machum apud Platonem, cui Socrates et Plato germanam philosophiam opposuerant, imitari et superare adeo cavillando conatus videtur. ⁽²⁾ Sic tempora mutata sunt: imo vero ad pristinas ineptias Sophisticasque cavillationes redierunt. Sed hac aetate eloquentia et minus, quam antea, commendationis habuit et plus • detrimenti attulit. Nam fuerant Sophistarum tem-

po-

(1) Top. I. 10. p. 281. (2) Plat. de Rep. I. 343. D.

poribus morali doctrina et politica in infantia sua. Sophistae igitur, ut sit, a calliditate continuo, non ex iusti principis cum hominis cuiusque, tum politicorum virorum praestantiam repetebant: quod et serio faciebant eorum principes et miro acumine parique eloquentiae copia et elegantia. Nam vim et quasi maturitatem consecutae hae doctrinae per Socratis et Platonis philosophiam et Demosthenis eloquentiam, ut turpe esset vehementerque noceret moribus, sic ad ludicra negotia eloquentiae abuti. Consenescebat item hac aetate apud Graecos eloquentia, ut gratiae pristinae atque ubertatis vix levia referret vestigia: dialectica vero nunc demum praeceptis legibusque disputandi erat confirmata, ac per eloquentiam, quamvis decrepitam, quamvis apud Stoicos quidem ad infantiam redeuntem, tamen per eam, qualemcumque tandem, vim suam studebat exserere, mater fiebat contentionum futilium, falsasque opiniones non veri ignorantia tenere, sed data opera, sed rixandi causa elaboratis argumentationibus conclusionibusque probare aggrediebantur. Hae dialectica specie medio aevo in Europaeis populis prodit, Scholastica ut erat, ita etiam ab illis et habita et appellata, qui, ad humani generis emolumentum summum, substituere ei Socraticam et Platoniam aggressi sunt.

Se-

Socraticae dialecticae et Aristotelicae discrimen.

Sed licet Aristotelis συλλογιστική, ut usurpata a posteris est, inductioni Socraticae repugnaret plane nocueritque perquam veritatis virtutisque studio, tamen non ita existimandum de illâ est, quasi rejicienda sit omnino et naturae fuerit contraria. Cavendum est maxime, ne Aristotelicae dialecticae auctorem cum syllogisticis sive scholasticis veteris recentiorisque aevi philosophis confundamus. Socratis dialecticam cum Aristotelis comparantibus, utriusque nobis tenenda est cum consilii tum utilitatis diversitas. Ambae *verum* spectant, sed Socratica illud *invenire*, Aristotelica *probare* nritur. Habent ita ambae utilitatem magnam, sed suam utraque, nec, quod altera efficit in studio veritatis, id efficere altera potest. Syllogismis connectendis nemo unquam mortalium quidquam invenit novi: hoc est Socraticae methodi. Quodsi quod inventum est, probare aliis et demonstrare velimus, vel, si sit rejiciendum illud, confutare, syllogismis utendum est. Haud peperit Socratica methodus Euclidis Στοιχεῖα: tum demum haec adi in lucem potuerunt, postquam Aristotelis syllogistica sive ab ipso siue ab aliis in mathematicas artes applicari coepit. Horum autem nullam esse ad discendum utilitatem, stultus sit necesse est, qui contendat. Et tantum abest, ut naturae adversetur methodus haecce, ut in fa-

m-

millari vitae sermonisque consuetudine, in vulgari scribendi docendique ratione, fere syllogismis homines ad declarandam sententiam suam, raro et vix unquam inductione utantur. Probando scilicet, quam inveniando, ut possunt, ita solent etiam magis operam navare. Nec vero tam studiose omni aevo puerorum institutioni adhibitum fuisset Euclidis opus, si non synthesis aequae hominum menti, atque analysis conveniret. Sed ut vindicanda a multorum contentu Aristotelis est ratio, ita ipse Aristoteles quis fuerit quidque fecerit, recte est dijudicandum. Ut auctor fuit methodi hujus, ita a multis homo haberi syllogisticus, imo vero scholasticus solet. Quod de eo iudicium ferunt, qui ipsum nunquam legerunt, e solo eum iudicant hominum rumore, e discipulis, ut vulgus, de magistro conjecturam capiunt, confunduntque divinum virum cum scholasticorum hominum, qui ipsius nomine se sustinuerunt appellare, multitudine. Qui legit Aristotelem, parum abest, quin tantam eum, quantam ipsum Platonem admiratione prosequatur, ac Ciceroni assentiatur facile, utrumque in omnibus scriptis, excepto uno Socrate, caeteris praefertenti philosophis omnibus. Novum Aristoteles excogitavit elaboravitque dialecticae *ῥηγανον*, quo syllogisticam admirabili quadam ingenii subtilitate exposuit legibusque adstrinxit: nec tamen eodem Socratis neglexit *ἐπαγωγὴν*. ⁽¹⁾ Paravit

(1) Aristot. *analyt. L. I. c. 1. et passim.*

Vit hoc *organum* ille posteritati magis, quam sibi suaevae aetati. Usi sunt syllogismis Stoici⁽¹⁾, ut aliorum confutarent doctrinam, suam confirmarent, usi sunt eodem consilio Scholastici: ipse Aristoteles vix est illis usus. Eadem ejus ratio ac Platonis fuit. Ut ille inventam a Socrate *παιγωγὴν*, ita hic analyticam rationem, a Platone in lucem prolatam, scriptis usurpavit suis. Sed haec tum demum poterunt intelligi, postquam, quod nunc aggredimur et nunc demum aggredi recte possumus, Platonis methodum declaraverimus.

*Platonis dialectica. Quid
Socrati debuit Plato?*

Haec de Socratis nobis et Aristotelis sufficiant dialectica. Medius inter utrumque Plato fuit, quippe illius discipulus, hujus magister; sed pariter ejus dialectica inter Socraticam et Aristoteleam medium tenet locum. Multa is debuit Socrati: *διαλεκτικὴν* sive *μαθηματικὴν*, artem plane Socraticam, utpote cum amoris conjunctam disciplinā, nec minus animo moribusque quam menti salutarem: tum *definiendi artem*, qua res, de qua agitur, ex ipsius naturā declaratur: in primis vero, quam modo exposuimus, quaeque et definiendo procedit et ipsius est *μαθηματικῆς* progressio, *παγωγὴν* sive *inductionem*. Sed haec fuerant a

80-

(1) Cic. de Fin. IV. c. 4.

Socrate cum inchoata tantum, tum naturae magis instinctu, quam arte et consilio prolata. Plato vero eadem et attendit diligenter, et iudicio exploravit, et auxit aliorum adhibendis, Eleaticorum, Megaricorum, ipsorum Sophistarum inventis: novo auxit dialecticae genere, quod modo memoravimus, *analytica*, ut vulgo vocatur, sive quod *cernendo iungendoque*, *διαίρεσι καὶ συνήρῳ* procedit. Sic autem viam munivit Aristoteli, qua hic progressus, analytico scribendi disserendique genere res omnes divinas et humanas explicare studuit. Sed alia sunt item, quae Socrati debuit Plato, quibusque tractandis superavit magistrum suum: ipsum ei debuit certum et constans dialecticae propositum.

Idem est apud Platonem dialecticae, quod arithmeticae, geometriae, ceterarumque doctrinarum finis. Valet haec pariter et vero maxime valet ad animum his rebus mutabilibus, dubiis et incertis erigendum, convertendumque ad ea, quae certa sunt et immutabilia. Ab iis, quae sensibus percipiuntur, abducit nos geometria. Nam loquuntur geometrae circulos illos et triangulos, quae imperfecta specie in tabulis exstant picti vel manus elaborati, vel apparent alicubi in rerum natura: hos vulgo relinquunt ac peris: ipsi circulum ipsam, ipsum triangulum mentem intuentur. Sic dialecticae Plato hoc praescribit officium, ut ad pulchrum, bonum, justum, ipsum per se, non quod apparet, trahat mentem et adducat, *miasis*, quae vul-

Vulgo his nominibus dantur, nec imperfecta sunt tantum, sed falsa, sed contraria subinde specie: itaque demum, de ejus iudicio, verus et dialecticus est et philosophus, qui omnium verum tam puris animo, quam figurarum perfectus geometri ideas contuetur. Quod ut effici per dialecticam posset, per geometriam cognataque disciplina a teneris praeparandos censuit adolescentium animos, quo magis suscitaretur in lis ac purgaretur, quod diximus, veritatis *ὀπτανον*. Sed dialecticae ad hoc perficiendum, ut item docet, major etiam vis est, quam caeterarum disciplinarum: imo vero, ut haec illud perficiant, dialecticae ope utuntur. Nulla res est, qua magis a teneris mentem nostram explicamus acuiusque, quam sermo mutuus: nulla, qua facilius efficaciusque a sensibus nos ad ea, quae sola cogitatione assequimur, revocamus, *ὀπτανον* vero illud, quod memoravimus, ipsius ille animi oculus, sextentis oculis potior, quo tandem modo per mathematicas artes ad verum cernendum purgari acuique posset, si mutae haec essent, nec vox accederet sive docentis sive discipuli, sive etiam tacita illius, qui secum ipse in discendo colloquitur? Sed ut sermocinando assequimur maxime bene cogitandi dicendique artem, ita utramque hanc artem complectitur dialectica, estque illa una disciplinarum omnium maxime efficax cum ad veri assequendam scientiam, tum ad hanc scientiam cum aliis communicandam. In his quidem Platonem altius spectasse Socrate, nemo

G 2

est

est quin sponte videat. Socrates res illas sublimes et difficiles sapientibus cedebat; ipse sua curabat aliorumque negotia i. e. animum suum et veram civium suorum salutem. Veruntamen et Socratem propius ad Platonem accessisse, et magis Platonem a Socrate profecisse, quam vulgo solet existimari, ex utriusque efficitur philosophia. Relinquebat, fateor, Socrates res sublimes, quae non hominem spectarent, doctis hominibus, qui his explicandis delectarentur: cuius rei testis nobis Xenophon est in Memorabilibus. Sed eodem opere, eodem loco Xenophon spectasse testatur Socratem, *τί εὐσεβές, τί ἀσεβές, τί καλόν, τί ἀσχηρόν, τί δίκαιον, τί ἀδίκον* ⁽¹⁾; Ecquid autem Plato in omnibus scriptis persecutus est diligentius, quam pulcrum, justum, sanctum, honestum? sunt haec ipsa ideae Platonis. Plato vero ut has duxit e Socratico fonte, sed suam nobis sublimitate proposuit, ita non sic discessit a magistro, quin magna haec et sublimia hominum accommodaret societati. Omnis ejus de numeris, de geometria, de astronomia, harmonia, de hac ipsa, quam nunc spectamus, sublimi sane dialectica disquisitio, omnium maxime ad civitatem refertur, ut, qui praefuturi sunt ipsi aliquando eamque beatam reddituri, optimis excolantur disciplinis. Ergo, si Socratis quaeritur et Platonis in dialectica propositum, hujus videtur majus sublimiusque fuisse,

2

(1) Xenoph. Mem. I. 1. §. 16.

a Socratico, verò proposito vereque homini salutari non diversum.

*De methodo Platonis,
quae cernendo jungendoque procedit,
sive de analysi.*

Ad hanc item excolendam perficiendamque methodum, cum aliis, tum vero Socrati debuisse multum videtur Plato. Conjuncta illa quam proxime est cum Socratis *ἐκγωγὴ*: imo vero priusquam apud eum ad cernendum jungendumque proceditur, res adducuntur vulgares, sensibus patentes, unicuique obviae ac notae, a quibus ad eas, quae exquiruntur, producimur. Complectitur item veram definiendi rationem, quae, Socrate auctore, non voces, sed ipsas res spectat. Quodsi ad inveniendum potissimum spectat Platonis methodus, a Socratica illud inductione, ut vidimus, non alienum est. Verumtamen quicquid aliis debuit Plato, sic ille hanc cernendi jungendique artem et descripsit et factitavit, ut novum dialecticae genus induxisse visus sit, fueritque illud per totam antiquitatem celebratum. Ipse hanc methodum in scriptis suis eo fere ardore praedicat, quo inventa sua inventores amplecti fere solent. Cum Phaedrum scriberet juvenili aetate, *ἐραστὴν* se esse hujus methodi profitebatur, eumque qui usurparet illam, ut Deum venerari. *Τούτων δὴ ἔγωγε αὐτὸς τε ἐραστὴς, ὦ Φαῖδρε, τῶν διαίρεσεων καὶ ἐκγωγῶν,*
L^a

ἔν' αἰστέ. ὃ λέγειν τε καὶ φρονεῖν· ἐν τε τινὰ ἴδιον
ἡγήσασθαι δυνατόν εἰς ἐν καὶ ἐπὶ πολλὰ πεφουκῶτα
ὄρεν, τοῦτον δῶκεν

κατέπιαθε μετ' ἰχνιον ὥς θεοῖο ⁽¹⁾.

*Hæc ego, o Phædre, discernendi jungendique ar-
tis et ipse amator sum, ut et dicere et cogitare
possim, et, si quom alium posse existimaverim,
unum et multa pro rerum natura perspicere, illius
ego sequor tanquam Dei cujusdam vestigia. Du-
bitabat illa ætate etiamnunc, quo nomine appella-
ret, qui eam tractarent: tantum abest, ut cum
vulgarī eam dialecticā confunderit. Καὶ μέντοι καὶ
τοὺς ἀναιδέας αὐτὸ ὄρεν, εἰ μὲν ὁρθῶς ἢ καὶ προ-
σφρονῶς, τοὺς οὐδ' καλῶς δὲ οὐν μέχρι τοῦδε διασκε-
πτὸς ⁽²⁾. Et sane illos, qui id facere possunt,
recte an secus Deus noverit; appello autem eos
ad hoc usque tempus dialecticos. Sed in Phædro
divinam methodum dicendi scribendique arti adhi-
bebat: postea vim ejus et ubertatem interiorius per-
spicere coepit. Socratem in Philebo sic inducit
cum Protagora de eā disserentem: οὐ γὰρ ἐστὶ παλ-
αίον ὅδε, οὐδ' ἂν γίγνεται ἢ ἐγὼ ἐρασῆς μὲν εἰμι
δεῖ, πολλάν τις δέ με ἤδη διαφροσύνα, ἔρημον καὶ
ἀπορον κατέστησε. Nec vero est nec esse potest pri-
orior via ac ratio, cujus ego semper amator sum,
sapienter autem me illa fugit et destituit. — Quæ-
nam illa tandem? Dicatur modo. — Ἐν διακρίσει
μὲν*

(1) Phædr. 266. B. Cf. Phil. 16. B. (2) Phædr. I. 1.

μὲν οὐ πᾶν χαλεπὸν, καὶσθαι δὲ παυχάλεπον· πάν-
τα γὰρ, ὅσα τέχνης ἐχόμενα ἀν εὐρεθὶ πρότε· διὰ
ταύτης φανερὰ γέγονε. *Quam doctagare non ita
difficile est, usurpare vero perquam est difficile:*
omnia enim, quaecunque in artibus inventa un-
quam sunt, per hanc in lucem sunt prodita. Vide
autem, quam dicam. — Dic vero tandem. —
Θεῶν μὲν εἰς ἀνθρώπους δόσεις, ὡς γὰρ καταφθινεταί
ἐμοί, πῶθεν ἐκ θεῶν ἐβρίσθη διὰ τινος Προμηθέως ἄρκη
φανερὰ τῷ πᾶσι. *Donum Deorum, ut mihi vi-*
detur, divinitus ad homines per Prometheum quon-
dam una cum lucidissimo igne delapsa est. (1) Uti-
de intelligitur, quam late pateat apud Platonem
per omnes artes artiumque inventiones vis dialec-
ticae. Et vero fructum inde posteri uberrimam
ceperunt. Dicitur Aristoteles primus fuisse, qui
artes doctrinasque et distingueret a se invicem
rite et singulis propriam constitueret rationem:
idem vero ante eum jam inchoaverat Plato, certe
quomodo id esset perficiendum, hac tradenda cer-
nendi jungendique arte, docuerat. Quia etiam
quae scholae mathematicorum Platonicae tribui so-
lent inventa solent, a nova hac Platonis methodo
repetenda magnam partem videntur. Quod Pro-
clus animadvertit, quum ageret de Laodamantis
mathematici inventis: καλλίστη μὲν μέθοδος ἡ διὰ
τῆς ἀναλύσεως ἐπ' ἀρχὴν ὁμολογουμένην ἀνάγουσα
τὸ ζητούμενον· ἦν καὶ ὁ Πλάτων, ὡς φασι; Λαο-
δάμῳ

(1) Phil. 16. B. C.

δάμναι παρέδωκεν, ἀφ' ἧς καὶ ἐκεῖνος πόλλων κατὰ γεωμετρικὴν εὐρετικὴν ἰσχύεται γενέσθαι. ⁽¹⁾

Quae cum sit hujus methodi universaeque dialecticae Platonicae vis et ubertas, nos quidem de *divisione et partitione* non, ut de communi quodam logicae loco agemus. Proferremus ita vulgares centiesque repetitas dialecticae sententias, in nullis non compendiis obvias. Proferre et quasi in lucem revocare ipsius Platonis methodum nobis propositum est, eamque ita producere, ut ab ipso descripta auctore est, cum definiendi arte et Socraticâ inductione conjuncta, uniceque valens ad rite et cogitandum et dicendum et scribendum, omninoque ut donum divinitus, quod ipse ait, per Prometheus quemdam ad hominum genus delatum. Ut vero id recte instituamus, hoc peto a lectoribus, ut, missis vulgaris dialecticae praeceptis, quibus a teneris sumus imbuti, ex uno mecum Platone haurire velint, eademque, quâ ille, viâ et ratione procedant.

Tres sunt dialogi Platonis, quorum alius ex alio fluxit, ut disserendi in iis quasi continuatio quaedam cernatur, *Theaetetus*, *Sophista*, *Politeus*. Recte hos *dialecticos* voces. ⁽²⁾ Nam, ut quaerendi interrogandique, sive potius obstetricandi in philosophia artem *Theaetetus* continet, ita hanc

(1) V. Capaub. ad Diog. L. III. 24. Cf. Dionys. Hal. *sch. Rhet.* p. 66, et Stallbaum ad Plat. *Phileb.* Prol. p. LIV. (2) V. Ast *Plato's Leben* p. 53.

hanc cernendi jungendique methodum in *Sophistâ* et *Politico* exposuit Plato. De primo hujus triologiae dialogo jam diximus: occurrit in eo nobis Theaetetus, philosophâ adolescens indole praeditus, cui Socrates continuo quaestionem, quid sit scientia, proponit, ut, quae insunt ejus ingenio tamquam foetus, cum veras, tum falsas praejudicatasque opiniones eliciat, illas probet atque, has rejiciat ac deleat, quo magis iis liberatum adolescentis ingenium, recte deinceps et cogitet et judicet. Non scientiae datâ operâ definiendae causa sermones illi procedunt, sed illo proposito praesertim, ut *ars* quaerendi interrogandique Socratica, omnino *ἐλεγχος* sive *μαευτική* in luce ponatur. Simillimum *Sophistae* et *Politici*, de quibus jam nobis agendum, cum propositum tum argumentum est. Idem in iis occurrit Theaetetus: adsunt item pariter Socrates et Theodorus; sed accedit hospes aliquis Eleates, qui sic interrogando artem cernendi jungendique declarat, ut *μαευτικήν* antea declaraverat Socrates. Ingressus igitur Theodorus, uti heri, inquit, inter nos convenit, cum ipsi huc redimus, tum hunc adducimus hospitem Eleatem, virum plane philosophum. Socrates eum mirâ continuo urbanitate; nec vero sine ironiâ excipit. Tunc vero, inquit, Theodore, non hospitem, sed Deum forte quemdam inscius secundum Homerum ad nos duxisti? Dicit enim ille, cum alios Deos hominibus, qui quidem justî pudoris participes sunt, tum Hos-
pi-

placem non minime Deum, comites se praebere, ut hominum cum injurias, tum acuitatem inspiciant. Forte igitur et tibi quis Superiorum comes est, ut nos, qui in disputando nihil magnopere valeamus, et inspiciat et redarguat, ipse scilicet redargutionis aliquis Deus. ⁽¹⁾ Hic Theodorus, non mos hic, o Socrates, inquit, hujus hospitis est, sed modestior est illis, qui contentionibus student, et videtur mihi vir Deus quidem minime, verumtamen *divinus* esse: omnes enim ego philosophos hoc nomine voco. Ad haec Socrates, recte tu quidem, amice, respondet; sed horum genus videtur mihi non facilius ad discernendum, quam Deorum, esse. Nam viri illi, qui quidem non ficti sed vere philosophi sunt, propter ceterorum inscitiam, omni forma ac specie apparentes, urbes circumcunt, desuper in inferiorum vitam despicientes: et aliis quidem nullo, aliis omni honore colendi videntur: modo autem politicorum specie, modo sophistarum apparent: interdum etiam nonnullis plane videntur insani. ⁽²⁾ Hinc ille orsus petit deinde ab hospite, ut exponat sibi, quo tandem hi modo apud Eleates distinguantur, sophista, politicus, philosophus. Nobis autem ex hoc exordio intelligere licet, Platonis fuisse propositum, non, quae communis est sententia, ut sophistas politicosque homines irrideret: quamquam id fecit reapse nec mi-

nus

(1) Soph. 216 A, B. Cf. Ham. Odyss. P. vs. 485.

(2) Soph. eod. l.

pus festive, quam in *Nabibus* aliisque comœdiis Aristophanes; sed, ut a sophistis et politicks philosophos distingueret, vel potius, quod spectasse magis etiam videtur, ut hoc distinguendi studio ipsata cernendi iungendique artem, quasi dramatice, lectoribus proponeret. Quamquam propositum non plane explevit. Nam sophistæ et politico non adiecit philosophum. Philosophus vero quis sit, alio deinceps opere, in *Politiâ* minus dialectice, sed non minus philosophice, ut ipsi jam vidimus, expressit. Sed pergamus. Hœsperes igitur, ut gratificetur Socrati, et sophistam exprimit continuo, quid sit, et facit non longa oratione, ut solebant Eleatici, sed ratione Socraticâ, interrogando ac respondendo: idemque, ut heri Socrates, ita nunc ipse, Theæterum ad sermones invitat. Age, inquit, Theætete, quid sit sophista, quæramus: nam nunc quidem nomen solum habemus commune, rem vero, quæ nomine appellatur, uterque facile nostram propriam sibi habeat: oportet autem semper, rem magis ipsam cum rationibus, quam nomen solum sine rationibus, utriusque tenere. Genus autem illud, quod nunc exquirere in animum induximus, non omnium facillimum est ad assequendum, quid sit, *sophista* sefficit. Quæ autem magno cum studio exquirenda sunt, de his vetus est ac communis omnium sententia, prius

cā

(1) Dubitat Plato, an hoc facturus sit Soph. 253 E, 254 B.

ea decere in parvis et facilioribus, quam in ipsis maximis, meditandi caussa considerari. Nunc igitur equidem, o Theaetete, nobis id suadeo, ut, cum difficile ad assequendum venandumque sit sophistae genus, primum in alio quodam faciliore assequendi ejus rationem praemeditemur: nisi tu forte commodiorem habes, quam indices, viam. — Ego vero non habeo. — Visne igitur vile quid quaeramus, idque conemur exemplum ponere majoris illius negotii? — Omnino. — Quid igitur proponamus, quod notum est omnibus et parvum, rationem autem non minorem, quam quidvis majorum, habet? Veluti ἀσπάλιευτης, piscator hamularius: nonne et omnibus id notum nec magni momenti negotium est? — Certe. — Viam illum et rationem habere ad id, quod quaerimus, aptam spero. — Id si ita esset, res se optime haberet. — Age, hinc exordiamur: dic mihi, artisne] eum peritum, an expertem artis, aliâ vero facultate valentem ponemus? — Minime sane expertem artis. — Artium omnium duo sunt genera. — Quanam illa? — Agricultura et quaecumque cultura quodvis mortale corpus spectat, tum vero etiam quicquid compositum est et fictum, quod supellex vocatur, arsque imitandi, haec universa uno nomine recte dicantur. — Quomodo et quo nomine? — Πᾶν ὅπερ ἂν μὴ πρότερον τις ὦν ὑπερὸν εἰς οὐσίαν ἄγοι, τὸν μὲν ἄγοντα ποιῆν, τὸ δὲ ἀγόμενον ποιεῖσθαι πᾶν. Φαμέν. Quodcumque quis, cum antea non fuisset, postea,

eo adduxit, ut esset, is, qui id eo adduxit, fuisse, id autem, quod eo adductum est, factum dicitur. — Recte. — Cuncta, quae modo retulimus, illuc naturā ipsa suā valent. — Valent omnino. — Ποιητικὴν, *faciendi artem*, igitur summam illa dicamus. — Sit ita. — Τὸ δὲ μαθητικὸν αὐτὸ μετὰ τοῦτο εἶδος ὅλον καὶ τὸ τῆς γνωρίσεως, τό τε χρηματισικὸν καὶ ἀγωνισικὸν καὶ θηρευτικὸν, ἐπειδὴ δημιουργεῖ μὲν οὐδὲν τούτων, τὰ δὲ ὄντα καὶ γεγνηότα, τὰ μὲν χειροῦται λόγοις καὶ πράξεσι, τὰ δὲ τοῖς χειρουμένοις οὐκ ἐπιτρέπει, μάλιστα ἐν πᾶσι διὰ ταῦτα ξύμπαντα τὰ μέρη τέχνη τῆς κτητικῆς λεχθεῖσα ἂν διαγράφει. Genus autem dādo omne, quod ad discendum et cognoscendum pertinet, quodque refertur ad quaestum, ad certamina, ad venationem, quum horum nihil faciat quidquam, sed ea quae adsunt et facta sunt, partim sermonibus factisque sibi vindicet, partim vindicantibus non concedat, propter has omnes ipsius partes optime κτητικῆς, *ars acquirendi*, dicta, eas omnes complectatur ac definiat. — Sic deceat omnino. — Cum igitur omnes vel ad κτητικὴν vel ad ποιητικὴν referantur, utri earum, o Theaetete, ἀσπαλιευτικὴν tribuamus? — Κτητικῇ sane. — Κτητικῆς autem nonne duae sunt species? altera, quae voluntariā permutatione fit, dono, venditione, mercede: reliqua species vel facto vel sermone sibi vindicans, χειρωτικῆ sit. — Patet e dictis. — Χειρωτικὴν autem nonne bifariam dividamus? — Qua ratione? — Si palam sibi vindicat,

est, certando, si clam, venando eam procedere
 atque esse *θηρευμένην* ponamus. — Omnino. —
θηρευμένην autem absurdum esset non bifariam di-
 videre. — Dic, qua ratione? — Discernentes alte-
 ram speciem rerum non animatarum, alteram ani-
 matarum. — Quidni? Sunt enim ambae hae spe-
 cies. — Sunt sane, et decet nos non animatarum
 speciem, quippe nomine carentem, dimittere,
 praeteres item natantium quasdam partes et alia
 iustiusmodi exigua; sed alteram speciem, quae vi-
 ventium est animalium venatio, *ζωοθηρευτικήν* appel-
 lare oportet. — Esto. — *ζωοθηρευτική* autem nonne du-
 plex species jure dicatur, altera pedestria gene-
 ris, variis formis nominibusque distincta, *πεζο-
 θηρευτική*, altera natantium animalium, *δωρυποθηρευτική*? —
 Omnino. — Natantis generis partem natare per
 aërem, sive volare, partem per aquam natare vide-
 mus. — Quidni? — Et volantis quidem generis
 omnis venatio *ἐπυλοθηρευτική* dicitur. — Dicitur
 sane. — Aquatiliū vero universe fere *ἀλιθυρε-
 νή*. — Omnino. — Quid? Hanc rursus venatio-
 nem nonne in duas maximas partes dividamus? —
 Quasnam istae? — Partim hinc retinaculis, partim
 percussione venamur. — Qua utrumque ratione
 distinguis? — Alteram, quoniam quicquid coër-
 cendi gratia aliquid comprehendendo cohibet, re-
 tinaculum vocatur. — Recte. — Nassas, retia,
 liqaeos, verricula, cetera hujusmodi nonne reti-
 nacula vocanda sunt? — Sunt omnino. — Hanc
 igitur venationis partem *ἐπυλοθηρευτικήν* vel simili no-
 mi-

mine appellabimus? — Omnino. — Altera vera species, quae hamis et fuscis caput, *πληκτικὴ* universo nomine dicenda est, nisi pulchrius quis aliud nomen invenerit. — Nomen mittamus, bonum enim sufficit. — *Πληκτικῆς* autem ratio, quae noctu ad ignis lumen ab iis, qui sic venantur, fit, *πυρευτικὴ* appellanda videtur. — Videtur omnino. — Altera autem ejusdem ratio, quae interdum fit, cum in extremitatibus fascinae etiam ungues habeant, tota *ἀγκιστευτικὴ* vocatur. — Recte. — Hujus autem modus, qui a superiore parte in inferiorem procedit, quoniam tridentibus utitur maxime, *τρίδεντος* dicitur. — Sic appellant nonnulli. — Reliqua autem una nobis species est. — Qualis illa? — Perussio quaedam hamo facta, contra ac superior, neque in qualibet piscium parte, veluti fuscina, sed in capite et ore duntaxat, ab inferiore parte ad superiorem virgis et calamis attrahens: hujus quod potissimum, quod Theaetete, nomen esse dicemus? — Existimo equidem quod modo proposuimus exquirendam, nunc iam perfectam esse. — Nunc igitur *ἀσπληκτικῆς* non modo nomen ego et tu communis sententia, sed rationem etiam ipsamque opera accipiamus sufficienter. Nam universae artis dimidia pars erat *πτητικὴ*; *πτητικῆς* autem *χειρωτικῆς*; *χειρωτικῆς* *θερευτικῆς*; *θερευτικῆς* *ζωοθηρικῆς*; *ζωοθηρικῆς* *ἐνυγροθηρικῆς*; *ἐνυγροθηρικῆς* pars, quae sursum procedit *ἀλλευτικῆς*; *ἀλλευτικῆς* *πληκτικῆς*; *πληκτικῆς* *ἀγκιστευτικῆς*; hujus autem pars, quae ab inferio-

re

re loco sursum attrahit, nomine ab ipso attrahendo assimilato, ἀσπαλιευτική, quam quaesivimus, vocatur. — Id quidem omnino declaratum nobis est. —

*Inductionem complectitur apud
Platonem analysis.*

Legenda haec lectoribus apposui, ut ipsi inde de Platonis dialecticâ judicarent. Et primum quidem inductionem, ἐπαγωγήν Socraticam, quis est, qui in hisce non animadvertat continuo? In ipso principio a re quadam faciliore ac manifestiore inchoandum dixit hospes, ut hinc ad difficiliora-atque obscuriora conjectura duceretur.⁽¹⁾ Est autem res illa facillior ac manifestior, ut hinc, itemque ex *Político* patet, παράδειγμα, *exemplum*. Καλεπὸν, in *Político* Hospes ait, μὴ παραδείγμασι χρᾶμεν, ἵκανῶς ἐνδείκνυσθαι τι τῶν μείζονων *difficile est, sine exemplis quid eorum, quae majora sunt, recte declarare.*⁽²⁾ Itaque ut hic piscatore, ita illic texendi arte tamquam *exemplo* utitur. Sed ex eodem illo dialogo, quo politicus sive rex, ut hic sophista exquiritur, ipsam hanc disquirendi per exempla rationem explicare hoc loco juvat. Illustrat eam Hospes e literarum disciplinâ. Pueros novimus, inquit, cum literarum fieri periti incipiunt, literarum unamquamque in brevis-

(1) *Soph.* 218. C. D. (2) *Politic.* 277. D.

vissimis facillimisque syllabis recte assequi, in aliis autem syllabis easdem nec assequi et dubitando haesitandoque falli. Quae igitur facillima, quae pulcerrima ratio est, qua eos ad illas, quas nondum cognoverunt, adducamus? Nonne haec est? Ἀναγαγεῖν πρῶτον ἐκ' ἐκεῖνα στοιχεῖα, ἐν οἷς ταυτὰ ταῦτα ὁρθῶς ἐδόξαζον· ἀναγαγόντας δὲ, τιθέναι παρὰ τὰ μήπω γινωσκόμενα· καὶ παραβάλλοντας, ἐνδεικνύναι τὴν αὐτὴν ὁμοιότητα καὶ φύσιν ἐν ἀμφοτέραις οὖσαν συμπλοκαῖς· μέχριπερ ἂν πᾶσι τοῖς ἀγνοουμένοις τὰ δοξαζόμενα ἀληθῶς παρατιθέμενα δειχθῇ· δειχθέντα δὲ, παραδείγματα οὕτως γινόμενα, ποιήσῃ τῶν στοχείων ἕκαστον πάντων ἐν πάσαις ταῖς συλλαβαῖς, τὸ μὲν ἕτερον, ὡς τῶν ἁλλῶν ἕτερον ἐν· τὸ δὲ ταυτὸν, ὡς ταυτὸν ἀεὶ κατὰ ταυτὰ ἑαυτῷ προσαγορεύεσθαι· *Educere eos primum ad illas literas, in quibus haec eadem recte opinati fuerint: educentesque apponere his literis eas quas nondum cognoverint, ut, comparando, in utrisque ostendamus eandem similitudinem ac naturam, donec omnibus, quas nondum cognoverunt, illas quas jam opinione assecuti sunt, appositae, ostensae illis fuerint: ostensae scilicet hae, quippe quae exempla erunt ad ignotas cognoscendas, efficient, ut omnium literarum unamquamque in omnibus syllabis, si diversa est, tamquam a caeteris diversam, si eadem est, tamquam eandem si bique constantem pronuncient.* Sic pueri literas discunt, et sic existit exemplum, quum quod idem est in alterutro sejuncto, recta opinione concep-

H

tum,

tum, hoc utrique accommodatum, unam amborum communiter rectam opinionem parit. Quae cum ita sint, ad res ignotas cognoscendas exemplis utimur, et ipsis exemplis, quo rectius intelligantur, exempla adhibemus ex minoribus etiam rebus, ut sic patefactis rebus, ὅτι καὶ ἀπὸ ὀψέλατος pro somnio veritatem consequamur. ⁽¹⁾

Haec sane diligenter attendisse, si interius velimus Socraticam methodum perspicere, non pigebit. Sed patet ita nobis, quod proprie hinc efficiendum rati sumus, cum methodo illa apud Platonem *analysis* conjunctam esse, hanc autem similiter per exempla procedere. Sunt vero nobis alia etiam et quam plurima ex iisdem Hospitiis in *Sophista* sermonibus, ad Socraticae illius inductionis rationem percipiendam, animadvertenda. Et primum quidem hilaritatem attendamus, quae nulla fere est in recentiorum disputationibus dialecticis, sed per sermones hosce aequabiliter diffusa est. Nam quod in Socraticis Platonis dialogis saepenumero cernimus, in rebus eum seriis joco subinde et facetiis uti, quae exhilarant inter legendum animum, nec tamen accuratae rerum disquisitioni et explicationi officiunt, id in primis in hac tota de Sophista disceptatione animadvertere licet. Exemplum piscatoris, quod ad sophisticam artem explicandam adhibetur, ut inductioni convenit, ita ad artem illam festivissima ratio-

(1) Politic. 277. E. 278. A. B. E.

tione exagitantam, unice valet. Ex iis, quae adscripta sunt, auguramur jam facile, quali quamque ridiculâ specie e comparatione proditurus sit Sophista; sed attendamus quae proximè sequuntur. Age vero, sic pergit Hospes Eleates, secundum hoc exemplum Sophistam, quid tandem sit, inventire conemur. — Conemur. — Illud scilicet primum fuit, quod quaesivimus, utrum expertem artis, an peritum esse statueremus, qui hamo piscatur, piscatorem, τὸν ἀσπαλιευτὴν. — Fuit omnino. — Et nunc quidem Sophistam, Theastete, expertemne artis aliquem, an verò omnium maxime peritum vereque *Sophistam* dicemus? — Minime sane expertem: intelligo enim, quid dicas, omnino hunc talem esse oportere, qui quidem hoc nomen habet. — Artis igitur alicujus peritum esse dicemus? — Cujusnam tandem? — Proh Deos, ignoramusne virum cum viro cognatum esse? — Quemnam illum? — Piscatorem hamularium cum sophista. — Qua in re? — Venatores quidam esse mihi ambo videntur. — Cujusnam venationis alter? De altero enim diximus. — Bifariam divisimus venationem omnem, natantium animalium et pedestrium. — Omnino. — Natantium species persecuti sumus, pedestria vero non divisimus: multiplicia illa esse dicebamus. — Diximus. — Hactenus igitur sophista et piscator simul ἀπὸ τῆς πηκτικῆς τέχνης progressi sunt. — Sunt, ut videtur. — Discesserunt vero a se invicem ἀπὸ τῆς ζωοθηρικῆς: piscator ad mare et flumina ac lacus,

H 2

cus, quae in his sunt animalia venaturus. — Quidni? — Sophista autem in terram et alia flumina, veluti in prata quaedam divitiis et juventute abundantia, quae in his sunt animalia subactus. — Quo illud pacto? — Πεζοθηρίας duae maximae partes sunt. — Qualis utraque? — Altera cicurum, agrestium altera. — Estne vero cicurum etiam venatio quaedam? — Est omnino, si quidem homo cicur animal est. Pone vero uti placet, vel, non cicur esse animal hominem, sed agreste quoddam, vel cicur esse, nullam vero esse hominum venationem. Haec utroque modo tibi placet, sic definito. — Ego vero et nosmet esse, o Hospes, cicur animal arbitror et hominum esse venationem dico. — Duplicem igitur esse τὴν ἡμεροθηρικὴν dicamus. — Qua ratione? — Praedatoriam, ἀνδραποδιστικὴν, tyrannicam, bellicam omnem, cuncta haec violentam venationem appellamus. — Recte. — Quae vero iudicando fit vel concionando vel conciliando, uno verbo πιθανουργικὴν quandam artem dicimus. — Bene. — Πιθανουργικῆς autem duae partes sunt. — Quales illae? — Altera privatim, publice altera fit. — Exstat utraque species. — Ἰδιοθηρευτικῆς autem pars μισθαρνευτικὴ est, altera δωροφορικὴ. — Non intelligo. — Amatorum venationem nondum attendisse videris. — Qua in re? — Quod illis, quos venando ceperunt, munera insuper adhibent. — Vera narras. — Haec igitur amatoriae artis species esto. — Μισθαρνευτικὴ vero partim gratia fit et volup.

luptatem unice escam habet, ut inde alimenta sibi pro mercede paret: hanc autem omnes facile, opinor, *κολακικὴν* quandam sive *ἡδυντικὴν* artem appellemus. — Quidni? — Cum autem partim profiteatur etiam, se virtutis caussa alios sibi conciliare, pro mercede pecunias parantem, nonne hoc genus hominum alio nomine vocabimus? — Quidni? — Quonam igitur illo, dic, quaeso. — Patet sane: *sophistam* invenisse videmur. Hoc autem dicentem, aptissimo me eum nomine appellasse puto. — Secundum hanc igitur disceptationem nostram, o Theaetete, quae juvenum, divitum, illustrium est venatio, quaeque fit per artem conciliandi, subigendi, venandi, per *ζωοθηρίαν*, *χερσαίαν*, *ἀνθρωποθηρίαν*, *πιθανοθηρίαν*, *ἰδιοθηρίαν*, *νομισματοπωλικὴν*, *δοξοκαιδευτικὴν* venationem, hanc, inquam, ut nostra evincit disceptatio, appellari decet *σοφιστικὴν*.⁽¹⁾

Sed festivum cui forte, nec tamen dignum philosopho negotium videatur, sic in Sophistam quasi venationem instituere venandoque eum capere. Quod ipsam hanc *venationem* attinet, convenit Socraticae et Platonicae philosophiae, quae tota *quaerendo*, *indagando*, *investigando* procedit. Unde maxime laudat Plato *τοὺς εὐφυῶς δυναμένους ἰχνεύειν τὴν τοῦ καλοῦ τε καὶ εὐσχήμονος φύσιν*.⁽²⁾ Quae *investigandi* notio apud recentiores etiam a phi-

(1) Soph. 221. C. — 223. B. Totum h. locum ex probabili Heindorfii interpretatione verti. (2) Rep. III. 401. C.

philosophis usurpatur, ubi exquirunt veritatem: latet in nostro *het ware opsproten*, item *befpreuren*. Plerumque autem, ut Plato, eos dicimus: *najagen*, *het goede najagen*. Quam ob rem hac ipsa Sophistae investigatione et ventione expressisse Plato cum *Dialecticae* suae tum ipsius adeo philosophiae rationem videtur. Sed ejusdem in hoc ludicro, ut multis visum est, negotio altius spectavit consilium. Similiter in *Politico* politicum exquirens, fuse de textoria arte disceptaverat. Atqui, ait, τὸν τῆς ὕφαντικῆς γε λόγον αὐτῆς ταύτης ἕνεκ θηρεύειν οὐδεὶς ἂν ἐβέλησεν νοῦν ἔχων· ἀλλ', οἶμαι, τοὺς πλείους λέλθην, ὅτι τοῖς μὲν τῶν ὄντων βῆδ' ὡς καταμαθεῖν αἰσθηταὶ τινες ἡμωσύτης πεφύκασιν, ἃς οὐδὲν χαλεπὸν δηλοῦν, ὅταν αὐτῶν τις βουλευθῇ τῷ λόγον αἰτοῦντι περὶ τοῦ, μὴ μετὰ πραγμάτων, ἀλλὰ χωρὶς λόγου βῆδ' ὡς ἐνδείξασθαι τοῖς δ' αὖ μεγίστοις οὔσι καὶ τιμιωτάτοις οὐκ ἔστιν εἰδῶλον οὐδὲν πρὸς τοὺς ἀνθρώπους εἰργασμένον ἑκαργῶς, οὐ δειχθέντος, τὴν τοῦ πυνθανομένου ψυχὴν ὃ βουλόμενος ἀποκληρῶσαι, πρὸς τῶν αἰσθησίων τινὰ προσαρμόττων, ἱκανῶς πληρώσει· διὸ δεῖ μελετᾶν, λόγον ἐκείνου δυνατὸν εἶναι δοῦναι καὶ δεῖξασθαι· τὰ γὰρ σώματα, κάλλιστα ὄντα καὶ μέγιστα, λόγῳ μόνον, ἄλλω δὲ οὐδενὶ σαφῶς δεικνύται· τοῦτον δὲ ἕνεκα πάντ' ἐστὶ τὰ νῦν λεγόμενα. *Textoriae artis rationem hujus ipsius causa notio prudentior exquirere velis; sed latet plerosque, opinor, nebas quidem, quae facile cognosci possunt, imagines quasdam esse proprias, sensibus percipiendas, quas indicare non difficile est, quoties quis illarum aliquam*

quam vult alicui exquirenti non aegre et cum molestia, sed sine ratiocinatione facile monstrare; rebus vero maximis praeclarissimisque non esse imaginem ullam ad hominum captum efficiant, quod monstrata sit, quae exquirentis animum expleat cupit, sensui euidam accommodans, satis expleat. Quapropter operam dare oportet, ut rationes de singulis et dare et accipere possimus. Nam incorporata, quae pulcherrima sunt et maxima, ratiocinatione solum, aliis vero re nulla evidenter demonstrantur. Horum gratia haec nobis omnia dicta sunt. ⁽¹⁾ Ex qua memorabili in primis sententia vim et rationem simul inductionis Socraticae plenius licet cognoscere. Sic illa procedit, prouti nos docuerunt Socratici apud Xenophontem sermones, et modo quum de exemplo ageremus, vidimus, ut rebus obscurioribus manifestiores apponantur, quarum comparatione illustrentur; sed hic videmus, illuc eam praesertim valere, ut, quae sensibus non patent, sed una cognosci mente et cogitatione possunt, τὰ ἀνόματα, haec rerum spectabilium comparatione intelligantur, omninoque, ut ex mundo ὁρατῶ conjecturis captis, sic judicare de mundo νοητῶ

στυ-

(1) Politic. 285. D. E. 285. A. Sic locum interpretando expedivi, ut conjecturis non opus sit, quas juvenis proposui, Spec. crit. in Plat. p. 157 μὴ μετὰ πρᾶγματῶν est sine molestia e vulgari dictione πρᾶγματα ἔχειν, vel πρὸς τὸν νοῦν. Proximo id ἰσχυρῶς exprimitur.

studeamus. Quae ratio sic naturae consentanea est ingenii humani, ut linguis adeo omnium gentium comprobetur. Nam, quod a compluribus animadversum philosophis est, quaecunque in linguis vocabula res} indicant a sensibus remotas, vel ducta sunt vel colorem certe habent a rebus, quae videntur, audiuntur, tanguntur, sensibus omnino percipiuntur. Et vero, nisi ex hisce cogitando imagines sumamus ad illa nobis repraesentanda, ne cogitare adeo nobis de illis liceret. Quod nostrae linguae Belgicae vocabulum *denkbeeld* et probat et eximie illustrat.

Haud iccirco vel miremur vel aegre feramus, ubi Hospes ille nobis viliores artes, ut piscatoriam et textoriam, proponit. Imagines sunt, e quibus ad res gravissimas inprimisque sublimes assequendas conjecturam ducamus. Negotia memorat deinceps in *Sophista* longe etiam viliora. Nam, capto Sophista, sic porro Hospes illic Eleates: vides igitur, inquit, verum esse quod dicitur, *ποικίλον* esse hoc animal, utque proverbio fertur, non alterâ manu comprehendendum. — Ergo utraque oportet. — Oportet sane et pro viribus sic agamus, huiusmodi ejus vestigium persequentes. Dic mihi, servilium nominum usurpamus nonnulla? — Et multa quidem; sed horum multorum quaenam quaeris? — Talia, qualia sunt quae dicimus *percolare*, *exscribare*, *vannare*. — Quidni? — *Carminare* praeterea, *deducere*, *pectere*, infinita item alia, quae in artibus usurpari scimus.

Non-

Nonne? — Vero: sed quid tandem inde declarare cupiens, his propositis exemplis, de iis omnibus quaesivisti? — Διακριτικὰ, *ad discernendum apta* sunt quae diximus omnia. — Sunt omnino. — Universa illa, ut unam quandam continentia artem, uno nuncupanda nomine, meâ quidem sententiâ, videntur. — Quonam illo? — Διακριτικῇ. *Discernendi ars.* — Esto. — Vide, num hujus rursus duas alicubi species cernere possimus. — Subitam pro meo mihi captu considerationem imponis. — Enimvero in dictis discretionibus partim pejus a meliore, partim simile a simill discrevimus. — Ut nunc id ita a te dictum est, fecisse videmur. — Hujus quidem discretionis nomen non habeo; illius vero, quae relinquit melius, pejus autem abjicit, habeo. — Dic, quodnam? — Omnis hujuscemodi discretio ab omnibus, ut conjicio, καθαρὸς τις, *purgatio quaedam* vocatur. — Vocatur omnino. — Atque purgationis duplicem esse speciem quisque videt? — Sane, otium quidem ad considerandum nactus; ego vero nondum video. — Quae ad corpora referuntur multae purgationis species, has uno continere nomine decet. — Quasnam illas et quonam nomine? — Partim animalium sunt: ad sordes pertinent, quae cum intus gymnasticae et medicae artis ope, tum extrinsecus, quae balneorum usu recte discernuntur atque abluuntur: vilia harum nomina usurpantur: partim sunt rerum inanimatarum purgationes, quarum curam habent ful-

lor.

bonum omninoque illorum artes, qui eas singulas singulatim nitidas reddunt et ornant: harum item multa teruntur et ridicula, ut videntur, nomina. — Et perquam quidem ridicula. — Perquam sane, o Theaetete: verum *dissorendi ars* nec minorem habet nec maiorem purgationis rationem, sive illa per spongia, sive per medicamentorum haustum fiat, sive item parvam nobis sive magnam utilitatem praebet. Τοῦ κτήσασθαι γὰρ ἕνεκα νοῦν, πᾶσιν τεχνῶν τὸ ξυγγενὲς καὶ τὸ μὴ ξυγγενὲς κατανοεῖν πειραμένη, τιμῇ πρὸς τοῦτο ἕξις πᾶσαι, καὶ θάτερα τῶν ἑτέρων κατὰ τὴν ὁμοιότητα οὐδὲν ἡγείται γελοιότερα. Nam cum cogitandi recte ac sapiendi causa, in omnibus artibus id attendere, quod cognatum aut non cognatum est, conetur, huc respiciens, aequo universas honore habet, aliaque aliis secundum similitudinem nihilo magis ridicula censet: quin etiam nihilo honestius putat venandi artem declarare, qui per artem eam militarem, quam qui per pediculorum venationem declarat, sed inflatius id fere ac tumidius agere. Et nunc quidem, quod quae-rebas, quoniam nomine cunctas facultates, quaecumque corpus sive animatum, sive inanimatum purgandum nactae sunt, appellaturi simus, nihil utique refert artis dialecticae, quale illud pronunciatum honestius videatur: dummodo nomen habeat, quod, exortis animi purgationibus, illas includat vinciatque omnes, quae aliud quid purgant. Mentis enim purgationem a caeteris aggressa

ea est discernere, si, quo tendat, didicimus. — Ego vero et didici et concedo, duas esse purgationis species, alteramque illam, quae mentem spectat, a corporis purgatione secretam esse. — Optime omnium: in hoc autem insuper mihi obsequere, quodque dicturus sum, rursus bifariam dividere tenta. — Utcunque duxeris, tecum partiri conabor ⁽¹⁾. Hic cernendo jungendoque procedens Eleates, casu, ut videtur, in καθάρσις et μαιευτικήν incidit, proque Sophista in hac venatione philosophum capit. Quod quomodo accipiendum sit, tum declarabimus, quum de *inventione*, Platonicae in primis dialecticae propria, acturi sumus. Nunc animadvertamus, vilissimarum rerum consideratione, ut sunt profecto servilia ista peccandi, carminandi, similia negotia, ad res sublimes nos educere dialecticam. Nam ad animum deinceps transfert rerum corporearum ipsiusque corporis humani purgationem, animique et morbis et turpitudine sordibusque disceptando expositis, ad illam escendit longe utilissimam praestantissimamque hominis medicinam, quam nos ex hoc ipso declaravimus loco, quum de Soeraticā μαιευτικήν ageremus. De corporibus, ait Hospes, medici judicant, non posse corpus allato cibo nutriri, antequam impedimenta, quis nutritionis eiecerit: pari ratione, qui animum student purgare, de animo judicant, non prius hunc ex allatis disciplinis fruc-

(1) Soph. 226. A. — 227. D.

fructum esse capturum, quam redarguens quis cum, qui redarguitur, postquam ad pudorem adigit, sublati opinionibus vanis, disciplinarum impedimentis, purum effecerit, haec se scire putantem sola, quae novit, plura vero se non scire. ⁽¹⁾

*De analytica apud Platonem
definiendi ratione.*

Sed, ut Socraticae *ἐκκλυσή* vim omnem, una cum ejusdem gratia et festivitate haec methodus Platonis continet, ita definiendi rationem Socraticam, quam supra attigimus, et continet item et mirifice illustrat. Spectat eo haec ratio, ut in disquirendo non tantum de nomine rerum, sed etiam de earum naturâ et conditione apud nos constet. Nunc quidem de sophista, dixit Eleates, *nomen* et tu et ego commune habemus, praestat autem in singulis de re ipsâ cum rationibus, quam de nomine solo sine rationibus consentire. Monuimus jam, recentiores fere philosophos sic illud in disputando efficere studuisse, ut nomina aliis nominibus verbisque explicarent. Quod quidem nec prorsus spernendum videtur, et usurpatum aliquoties ab ipso Platone est. Exstat hujus rei in ejus Phaedro exemplum, ubi *ἔργον*, de quo erat accuratius, quam Lysias fecerat, agendum,

(1) Soph. 23a. C. D. Cf. Vol. II. P. I. p. 65. 66. 67.

dum, longâ oratione definitur. Ἡ γὰρ ἀνευ λόγου, δόξης ἐπὶ τὸ ὀρθὸν ὁρμῶσης κρατήσασα ἐπιθυμία, πρὸς ἡδονὴν ἀχθεῖσα κάλλους, καὶ ὑπὸ αὐτῶν ἑαυτῆς συγγενῶν ἐπιθυμιῶν ἐπὶ σωμάτων κάλλος, ἐβρωμένως βωσθεῖσα, νικήσασα ἀγωγὴ, ἀπ' αὐτῆς τῆς βώμε ἐπωνυμίαν λαβοῦσα, ἔρως ἐκλήθη ⁽¹⁾. Non est id, inquam, spernendum, necessarium adeo negotium est. Nam ne temere in disputando vagetur oratio, id primum agendum disputantibus est, ut de nominum verborumque sententia et significatione inter ipsos conveniat: caeteroquin iisdem usi nominibus, de diversis rebus agant necesse est, nec esse poterit probabilis aliquis totius disputationis exitus. Verum, quamvis id in disceptando utile, imo necessarium sit, cavendum tamen, ne his definitionibus arbitremur ipsam rerum naturam explicari satis. Id cum arbitrarentur tam antiquae, quam recentioris aetatis philosophi multi, scripta subinde ediderunt verborum referta, rebus destituta; aut, si vel maxime synthetica ratione definientes, res ipsas nominibus explicare conarentur, tam jejunae inde natae dissertationes sunt, ut obscurare magis legentium ingenia, quam explicare et illustrare viderentur. Non ita Plato, ut ex hac ipsâ de sophistâ disquisitione intelligitur. Definiturus apud eum Eleates, quis sit sophista, non longâ usus verborum serie, verba verbis declarare nititur, sed ad *res* con-

(1) Phaedr. 258. B. C.

convertit continuo mentem nostram, in medias nos artes traducit, has universas nobiscum discernit in partes, discretasque identidem partes tamdiu denuo discernit, donec sophistae ars, quae et qualis sit, appareat. Est haec, fateor, non brevis, non compendiaria via, ut ad rerum definitiones perveniamus, sed una efficax maxime est ad res ipsas una cum nominibus mente percipiendas, ad rerum concipiendas claras distinctasque notiones: efficit adeo, ut ipsi inveniamus, perque synthesin componamus definitiones. Nam analytica haec definiendi ratio, quod ex ipso Platone nobis deinceps erit demonstrandum, *syntheticus* peperit definitiones.

Sic continet igitur apud Platonem haec cernendi jungendique ars, illustratque simul egregie Socraticam cum *ἐκκαγωγήν*, tum definiendi artem. Ut autem descripsit philosophus, ita usurpavit utramque in scriptis suis. Cujus rei exempla cum ex aliis ejus dialogis, tum e *Politia* afferre multa licet; sed unum adduxisse sufficiet e Diotimae apud eum de pulcro sermonibus. Tradidimus eos in superioribus, sed hic operae pretium est, dialecticum in iis iter attendere, quo ad res omnium gravissimas, ad ipsas ideas proceditur. Agitur de *pulcro*, quod Socratem docet mulier illa in primis philosopha, non inductione tantum, sed etiam analytica, quam diximus, methodo. Nam, ut meminimus, a rebus, quae sensibus patent, a formis pulcris, initio ducto, ad ea, quae una
mente

mente percipiuntur, ad animos pulcros, ascendit: inde ad pulcra, quae in moribus officiisque patent, procedit, ut tandem ad ipsum pulcrum accedat. Huc autem postquam processit, quo magis pulcrum ipsum, quale sit, demonstret, discernit ab eo quicquid cum sensibus conjunctum, ab eoque alienum est, donec ipsum tandem pulcrum purum intaminatumque, purâ in luce, appareat ⁽¹⁾. Sic artis praecepta Plato, si attendere velimus, ipse scribendo explicuit: et hoc quidem de pulcro exquirendo exemplum planum nobis in primis illud reddit, quod de dialecticae usu praecipit apud eum in *Politia* Socrates. Οὐποῦν καὶ περὶ τοῦ ἀγαθοῦ ὡσαύτως· ὅς ἂν μὴ ἔχη διορίσασθαι τῷ λόγῳ, ἀπὸ τῶν ἄλλων πάντων ἀφελὼν, τὴν τοῦ ἀγαθοῦ ἰδίαν, καὶ ὥσπερ ἐν μάχῃ διὰ πάντων ἐλέγχων διεξιὼν, μὴ κατὰ δόξαν ἀλλὰ κατ' οὐσίαν προθυμούμενος ἐλέγχειν, ἐν πάσι τοῦτοις ἀπτόῃ τῷ λόγῳ διαπορεύηται, οὔτε αὐτὸ τὸ ἀγαθὸν οὐδὲν φήσεις εἰδέναι τὸν οὕτως ἔχοντα, οὔτε ἄλλο ἀγαθὸν οὐδὲν· ἀλλ' εἴ πῃ εἰδῶλου τινὸς ἐφάπτεται, δόξῃ οὐκ ἐπιστήμῃ ἐφάπτεσθαι, καὶ τὸν νῦν βίον ὀνειροπολοῦντα καὶ ὑπνώττοντα, πρὶν ἐνθαδ' ἐξέγρεσθαι, εἰς ἄδου πρότερον ἀφικόμενον τελέως ἐπικαταδαρθάνειν. De bono similiter se res habet. Quicunque non potest ratiocinando boni ideam, amotis ab eo caeteris omnibus, definire, nec, tamquam in pugna, amovendo redarguendoque per omnia procedens,

(1) Symp. 209. B. — 211. C.

dei, non opinione, sed re arguens ac refellens, in his omnibus stabili et inconcussa ratione progredi, hunc neque ipsum bonum dices cognoscere neque aliud quodcumque bonum; verum, si quod forte simulacrum attigerit, opinione bonum, non scientia, assequi, atque hac in vita dormitantem fere ac somniantem, priusquam hic expergiscatur, ad inferos descendentem, extremo sopore occupatum iri ⁽¹⁾. Sed ad *Sophistam* redeamus. Sunt nobis inde alia item ducenda, quae Platonis hac cernendi jungendique arte efficiuntur.

*De artium doctrinarumque
per analysin Platoniam distributione.*

Sponte partae sunt e studiis, generi humano insitis, artes omnes et doctrinae: sed, ut natae inde inque lucem editae, distinguerentur recte, suumque singulis tribueretur et assignaretur propositum, dialectica opus fuit. Vulgo id effecisse Aristoteles putatur: nec dubitare sane licet, quin post Platonem maxime, inprimisque per hunc ut dicitur dialecticorum principem perfectum illud sit ⁽²⁾. Sed hospes sit necesse est in scriptis Platonis, nec legerit illam in *Sophista* Eleatae Hospitis disputationem, qui Platonem non videt idem illud

(1) De Rep. VII. p. B. C. D. Animadvertenda autem in his propria τοῦ ἐπίκειν, definiendi, significatio.

(2) V. v. c. Aristot. Ethic. I. 1. VI. 4. Rhet. I. c. 1. §. 12. c. 2. §. 1.

illud jam tentasse nec mediocriter provexisse. In *Gorgia*, in sexto *de Republica* libro, in aliis scriptis accurate eas studet a se invicem distinguere ⁽¹⁾; in *Sophista* autem, ut vidimus, suam illam cernendi jungendique methodum datâ operâ eo adhibet. Locos illos jam percurramus magnam partem; sed quae in *Sophista* similiterque in *Politico*, qui illius continuatio est, universa artium scientiarumque distributio occurrit, ita et naturae conveniens est et inventionis novitatisque indicium habet, ut hîc videatur paullo diligentius consideranda. In duo genera illic, uti vidimus, *artes* distribuit: sunt illae cum ποιητικαί, tum κτητικαί: illis μιμητικαί continentur, his quae ad cognoscendum pertinent. Sed utrarumque in discernendo naturam simul et propositum definit. Ducto ab agriculturâ initio, qua res efflorescunt quae antea non fuerunt, ταῖς ποιητικαῖς universe dicit res fieri, effici, ut res sint, ad ὁδολον ducantur quae nondum fuerunt. Quodcunque quis, ait, cum antea non fuisset, postea eo adduxit, ut esset, is, qui id eo adduxit, fecisse; id autem, quod eo adductum est, factum dicitur. Quamobrem ποιητικῶν illa omnia, uno nomine comprehendentes, appellemus ⁽²⁾. Esse sanè simplicior itemque accuratior non potest artium illarum descriptio. Alterius generis artes, quae ad cognoscendum referuntur, ut κτητικαῖς vocaret, hac ratione, ut item

jam

(1) V. Diog. Laert. vita Plat. III. 83. 84.
219. A. B.

(2) Soph.

jam monuimus, adductus est. Quodcumque ad
 discendum et cognoscendum, item ad quaestum,
 ad certamina, ad venationem refertur, quum ho-
 rum nihil *faciat* quidquam, sed ea quae adsunt
 et facta sunt, partim sermonibus factisque sibi
vindicet, partim vindicantibus non concedat, prop-
 ter has omnes ipsius partes *ars acquirendi* dicta,
 omnes complectitur ac definit ⁽¹⁾. Quibus ha-
 rum item, artium vis et natura exprimitur. Nam
 ut ambitiosorum hominum, ac foeneratorum, maxi-
 me venatorum studium ad rerum acquisitionem speo-
 tat, ita cognoscendi studiosis hoc in primis est
 proprium, ut persequantur vere et acquirere ni-
 tentur. Cernimus inde, quid ante Aristotelem
 Plato jam hac in causa tentaverit. Sed apponenda
 his *scientiarum* distributio est, quae in eius *Politi-
 co* exstat. Hae pariter illic in duo genera dis-
 perscuntur, quorum alterum est *γνῶσις*, *ἐπιστήμη*
 alterum. Videamus autem, quibus rationibus ad
 hanc item divisionem adductus sit. Nonne arith-
 metica, Hospes quaerit Eleates, et aliae quaedam
 huic cognatae artes, ut cognoscamus, efficiunt,
 non item, ut faciamus? — Sic est. — Architec-
 tura autem quaeque manibus perficiuntur, *ἀεὶ καὶ
 ἐν αἰσῇ ἀπάρεστιν ἐκείνων αἰσθητῶν τῶν ἐν αἰσθήσει
 τεύχεται*, ut scientiam continent naturae cum actio-
 nibus conjunctam, corpora ab ipsis confecta, quae
 quae antea non fuerunt, perficiunt? — Quidni? —

Hac

(1) *Kod.* 219. C.

Hæc igitur ratione omnes scientias discernas: hanc *προαίρεσις* vocas, illam *γνώσις* tantum. Sine hæc tibi tanquam unius universarum scientiarum species esse (1).

Non ausim equidem plus inde ad artium et scientiarum distributionem efficere, quam cogitasse auctor videtur. Veruntamen id non puto quemquam; hæc considerantem, latera, dissimilitudinem hæc distinctione simulque vinculum utrarumque recte his contineri. Artium proprium est, ut *procreant*, in lucem prodant quæ non fuerunt, scientiarum, ut *agnoscimus*. Enimvero non ita distinguuntur, quia aliquid habeant commune: est autem illud ipsum, quo utrarumque procreatrix, philosophia, valet maxime, pulcherrimumque studium, quo nos illa ad sapientiam ducit.

Aegre tulerant fere philosophi, in partes divisam esse post Platonem philosophiam; accidisse enim ita, ut multi, quid ipsa philosophia esset et quo proposito tractanda, nec tenentes nec magno opere curantes, partes illas singuli singulas vel nullo vel perverso consilio tractarent: quo certe majus detrimentum vix capere philosophia potuit. Cavendum vero est, ne cernendi distribuendique studio, quod Platonice est dialecticæ proprium, id factum putemus. Foss est apud Platonem philosophia et quasi parens omnium artium et doctrinarum. Quid igitur dialecticum reprehendamus, qui

(1) Pollux 168. D. E.

qui artes doctrinasque tamquam rivulos e communi fonte prolapsos, cum a philosophiâ ipsâ, tum a se invicem apte discrevit? Emolumentum hinc cepit, non detrimentum philosophia; illi nòcuerunt studiis optimis, qui verissimae hujus dialecticae expertes, philosophiam, ut ait Seneca, tanquam corpus *dissecuerunt* in membra et partes, ut ipsa adeo vitâ et vigore destitueretur. Quo sane lubentius Platonem sequimur, ubi is artes scientiasque discernens, illis, ut vidimus, efficiendi procreandique, his cognoscendi studium tribuit, jungit vero utrasque communi philosophiae vinculo. Caeterum idem cernendi illam artem, ut Sophistae definiendo adhibuit, ita in exquirendo Politico plenius etiam et accuratius explorat et describit. Nam tramitem apud eum Eleates quaerens, quo politicam sit scientiam inventurus, δει αὐτὴν ἀνευρεῖν, inquit, χωρίς ἀφελόντας ἀπὸ τῶν ἄλλων, ἰδέαν αὐτῇ μίαν ἐπισφραγίσασθαι, καὶ ταῖς ἄλλαις ἐκτροπαῖς ἐν ἄλλο εἶδος ἐπισημηνάμενους, ἀπάσας τὰς ἐπισήμας, ὡς οὖσας δύο εἶδη διανοηθῆναι τὴν ψυχὴν ἡμῶν ποιῆσαι. *Oportet eam a caeteris discernere, discretæque ei quasi formam quandam et signum imprimere, caeterisque, quae ab ea discedunt, aliâ insignitis formâ, efficere, ut omnes scientias mens nostra, tanquam duo genera, sibi informet.* Hac autem ille et cernendi et notandi arte usus, politicam cum a reliquis universis, tum a singulis similibus cognatisque distinguit, ut qualis ipsa sit, quamque vim et quem finem ipsi

ipsi propositum habeat, intelligatur: simulque ita dialecticis dedit exemplum, quod secuti singulas similiter tam artes, quam doctrinas cernendo notandoque clarâ in luce ponerent. Verum id illis nos peragendum relinquimus: ipsi inde, philosophiae Platonicae causâ, hoc colligimus, philosophiam hanc non tantum, quod supra monuimus, verissimam esse artium doctrinarumque encyclopaediam; sed methodum item et quasi instrumentum continere, quo artes doctrinaeque cum distinguantur recte, tum suo singulae fini et proposito destinantur,

*Ad inveniendum valet
potissimum dialectica Platonis:
quid est invenire?*

Quaenam sint apud Platonem, quas vocat, διαίρεσεις καὶ συναγωγαί, satis jam nobis Eleates ille demonstravit. Vulgo haec cernendi jungendique ars, quam *analyticam* solemus *methodum* appellare, a dialecticis dicitur *ab universalibus initium ducere et ad peculiariora progredi, dividendo genera in suas formas et formas in minores formas atque indivisa*. Quod Platonicae item arti tribuit Dionysius Halicarnassensis: ἡ γὰρ τέχνη τῆς διαίρεσεως, ὥς φησι Πλάτων, διαίρεσεις καὶ συναγωγαί, δεῖξαι τὰ εἶδη πάντα ἔστι καὶ πᾶσας ἔχει τομὰς, καὶ πάντα συναγαγεῖν εἰς ταῦτό. Τοῦτο γὰρ ἔστι διαίρεσις καὶ
τέχνη

εἶχεν, ὅν πολλὰ, πολλὰ δὲ ⁽¹⁾. Plato autem disertis id verbis enunciat in *Sophista*: τὸ κατὰ γένη διαμετέσθαι καὶ μήτε ταῦτον εἶδος ἕτερον ἀγνώσκειν, μήδ' ἕτερον ἐν ταύτῳ, μὴν οὐ εἴς διαλεκτικῆς φήσονται ἐπιστήμης εἶναι; — Οἰκοῦν δ' γε τοῦτο ὄρεσθαι μάτην ἰδὼν διὰ πολλῶν, ἐνδὲ ἑκάστῳ κεραιῶν χωρίε, πάντῃ διατεταμένῃ ἑκαστὸς διασθάνεται, καὶ πολλὰς ἀόρατας ἀλλήλων ὑπὸ μᾶλλον ἔξωθεν περιεχόμενας, καὶ μᾶλλον οὐδ' δι' ὅλων πολλῶν ἐν ἐνὶ ξυνομείων, καὶ πολλὰς χωρίε πάντῃ διαρισμένους ⁽²⁾. Unde Cicero, cum Hortensii celebraret eloquentiam, ait, *minime vitare genus dicendi: duas quidem res, quas nemo alias: partitiones, quibus de rebus dicturus esset et collectiones* ⁽³⁾. Sunt scilicet *partitiones* illae et *collectiones* *διαρρέσεις* Platonicae et *συναγωγαί*, quas post Platonem Rhetores et dialectici ad argumentandi artem retulerunt. Dictae item *συναγωγαί* aliis nominibus sunt, ut *complexiones*, *conductiones* ⁽⁴⁾. Recte autem ad Platonis sui exemplum Cicero *philosophorum* hanc esse *disciplinam* ait. Nec vero sine *philosophorum* *disciplina*, genus et speciem cuiusque rei cernere neque eam definiendo explicare, nec tribuere in partes possumus, nec judicare, quae vera, quae falsa sint, neque cernere consequentia, repugnantia videre, ambigua distinguere ⁽⁵⁾.

Sed

(1) Dion. Hal. Art. Rhet. p. 65. (2) Soph. 253. E. B.
(3) Cic. Bruto c. 88. (4) V. Cic. de Invent. l. 4. et
Rhet. ad Herennium l. 1. (5) Cic. Orat. v. 4.

Sed pertinent haec omnia ad res, de quibus agitur, *illustrandas*, quoque aptius de iis sive dicendo sive scribendo sententiam nostram declaremus. Verum Platonica dialectica id habet in primis, quod verbe jam significavi in superioribus, ut *discernendo investiget et quasi veniatur veritatem*. Hoc vero non satis video dialecticos recentiores spectare: vel, si vel maxime id spectant, latere tamen eos suspicor, quod data opera explicuit Plato, totam hanc disciplinam ad *inveniendum* valere potissimum. Patet hoc facile, ut partim jam animadvertimus, cum ex aliis ejus dialogis, tum e *Sophista* et *Politico*; sed *Philebus* Platonici id nos plenius etiam docebit.

Omnis in his singulis dialogis disquisitio re vera *disquisitio* est. Non demonstratur, sed quaeritur, disquiritur, invenitur. Illa vulgaris est dialecticae, haec Platonicae, ratio propria. Ictro togando et respondendo disputationes illae procedunt: quod verae dialecticae tribuit Plato. Non sines, ait apud eum Socrates, gubernatores nostros *λόγους εἶναι, ὥσπερ γραμμάς*. Νομοθετοῖς δὲ αὐτοῖς ταύτης μάλιστα τῆς παιδείας ἀντιλαμβάνεσθαι ἐξ ἧς ἐρωτᾶν τε καὶ ἀποκρίνεσθαι ἐπισημονέσται οἱ τοῖ τ' ἔσονται. *Lege igitur praecipies illis, ut in illam potissimum disciplinam incumbant, e qua maxime interrogandi respondendique facultatem ac peritiam consequantur* ⁽¹⁾. Ἀδελφεῖα a Coniiciis
haec

(1) De Rep. VII. 554. D.

haec Socratis interrogandi ac sermocinandi consuetudo dicebatur. Sic autem Parmenidem Plato hac de re Socrati juveni praecipientem facit, ut dicat: καλὴ μὲν οὖν καὶ θεία, εὖ ἴσθι, ἡ ὁρμὴ, ἢ ὀρμῆς, ἐπὶ τοῖς λόγοις; ἔλκευ δὲ σαυτὸν καὶ γυμνασον μᾶλλον διὰ τῆς δοκαύσης ἀχρήστου εἶναι καὶ, καλουμένης ὑπὸ τῶν πολλῶν ἀδολεσχίας, ἕως ἔτι νέος εἶ· εἰ δὲ μὴ, σὲ διαφεύξεταί ἡ ἀληθεία. *Pulcer sane et divinus, mihi crede, impetus ille est, quo ad sermones tendis: protrahe vero te magis etiam et per hanc te, quae inutilis videtur et vulgo sic vocatur, garrulitatem exerce, dum juvenis es etiam nunc: quod ni feceris, fugiet te veritas* ⁽¹⁾. Quibus addit deinceps: ἀγνοοῦσι γὰρ οἱ πολλοὶ, ὅτι ἄνευ ταύτης τῆς διὰ πάντων διεξόδου τ καὶ πλάνης ἀδύνατον ἐντυχόντα τῷ ἀληθεῖ, οὐκ ἔστιν σχεῖν. Ignorat enim vulgus, absque hoc per omnia discursu et errore fieri non posse, ut quis veritatem assecutus, sapiat ⁽²⁾. Unde in primis repetenda est dialogorum Platoniorum ubertas. Ponebant sententiam Sophistae ac Rhetores, quam sive dicendo sive scribendo librisque condendis probarent. Sed in dialogis fere Platonis nihil ponitur; quaerit vero et interrogat sive Socrates sive Hospes Eleates sive alius, qui principes in sermone partes habet: instituitur, ut vidimus, inveniendi causâ quasi *venatio* quaedam: veluti in quarto *de Republica* libro, ubi justitia quaeritur, quo

(1) Parm. 156. D. (2) Parm. 156. D, E.

quo tandem in civitate loco lateat, age, ait Socrates, o Glauco, nunc nos, tanquam venatores; decet, ubivis circumcirca sespitibus positus, attendere animo, ne qua ex parte effugiat nos justitia. Illam autem ut cernit, *τοῦ, τοῦ*, exclamat, ὦ Γλαῦκων· κινδυνεύομεν τι ἔχειν δοκεῖν ἵχθυος, *vestigium quoddam assecuti videmur* ⁽¹⁾. Sic et referunt venerationem et inventorum pleni sunt dialogi Platonis. Fit adeo, ut prouti venatores subinde leporem, investigantes cervum capiunt, sic, qui in iis sermones miscent, plura ac majora inveniant, quam quaesiverunt. Non semel id in *Sophista* obtinet, quod supra attigimus, hic autem declarare nos oportet. Nam Sophistam Hospes ille cum Theaeteto indagans, ecce! pro Sophista philosophum, et, in alios deinceps tramites devertens, dialecticum consequitur. Scilicet ipse auctor dialogos hujusmodi exploratorios scribens, duci se sinebat quo πνεῦμα φέρη ⁽²⁾, *fors ipsum et quasi ventus ferret*: non probandi demonstrandique quodposuerat, sed inveniendi consilium habebat: non commentationes, sed *disquisitiones* scribebat. Abhorret id a saeculi nostri consuetudine, sed ingenio felici et foecundo, ut erat Platonis, conveniebat mirifice, ut hinc summa illa in omnibus Platonis scriptis, quae hac dialogi ratione procedunt, uber-

(1) De Rep. IV. 432. B D. (2) Rep. III. 394. D. *Non-dum id ego scio*, ait; ἀλλ' ὅπη ἐν ὁ λόγος, ὥς περ πνεῦμα, φέρη, ταύτην ἰτέον.

ubertas, ut rerum gravissimarum inexhausti putandi fontes sint. Et mihi quidem, fateor, illa, quae hoc modo, aliud agendo, forte ut videtur invenit Plato, in primis placuerunt fere. Philosophum tanquam *μνηστῆρα*, itemque tanquam *διαλεκτικόν*, nusquam in scriptis plenius accuratiusque, quam in *Sophistis*, describit⁽¹⁾: nusquam idem philosophi studium, quo is a sophista dignoscitur maxime, dilucidius, quam in eodem hoc dialogo proposuit atque expressit. Reperiundi, ait, philosophi non minor, quam sophistae, difficultas est, quamquam dissimilis videtur. Sophistam, quippe qui *εἰς τὴν τοῦ μὴ ὄντος σκοτεινότητα ἐν εἶναι, quod non est, obscuritatem* aufugit et consuetudine has amat tenebras, propter loci obscuritatem difficile est animadvertere; ὁ δὲ γὰρ φιλόσοφος, τῇ τοῦ ὄντος ἀεὶ διὰ λογισμῶν προσκείμενος ἰδέει, διὰ τὸ λαμπρὸν αὐτῆς χάρις, οὐδαμῶς ἐκπετῆς ἀφ᾽ ὧν τὰ γὰρ τῆς εἰς πολλῶν ψυχῆς ἔμμελα παρτερᾶται, πρὸς τὸ θεῖον ἀφορῶντα, ἀδύνατα. Philosophus vero, qui *illius, quod est, ideam persequitur perpetuo*, propter loci rursus splendorem non facile conspicitur: nam apud vulgus hominum mentis oculi, ubi id quod divinum est suspiciant, iam non perferre non possunt.⁽²⁾ Haec vis est, hic effectus dialecticae Platonicae: plura maioraque invenit, quam quaerit: idemque maximis fere

(1) V. Vol. II. P. I. p. 64. Soph. 245: (2) Soph. 254 A.

ingentis evenit, quae naturali se ratione explicant, ut sentent quae non possunt perficere, perficiant autem praeclare, in his ipsis disquisitionibus, quae non semper verant. Et sic quidem Plato in hoc utroque dialogo, quamvis miro fere acumine Sophistam ac Politicum explosaverit perspicendumque nobis dederit, tamen quod non spectabat, quod in aliud ipse tempus rejecerat, ut *philosophum* in luce poneret, hoc ipsi in his sermonibus longe etiam melius cessit. Inventionis omnino pleni sunt hi dialogi, fidemque, quod non negligendum est, quae in Socratica sit *εἰσαγωγὴ* iaveniendi ratio, egregie declarant. Ut Socrates, in *Eleates* hicce a notis ad ignota procedit: *ἐκ κοινῆς*, rem nemini ignotam, ad sophisticam, quae qualis esset quaerebatur, explicandam, usurpat. Pariter in *Politico* telam adhibet politicae declarandae causae. Quod quo consilio fecerit, et ipse declarat disertis verbis loco, quem adscripsimus, ⁽¹⁾ et nos e disputationibus maxime de perfecta republica colligimus. Fecit, ut *comparando* ad rerum scientiam perveniret.

Est locus sane in dialectica perquam gravis, qui est de *comparationibus*. Quantopere hae valeant ad cognoscendas res accurate, maximeque ad recte docendum, paulo ante vidimus, quum de *exemplorum* usu in Socratica inductione ageremus. Et sane vetustissimi humani generis doctores,

(1) Supra p. 118.

res, poëtae, quae vel ingenio conceperant vel animo sentiebant, *comparando* potissimum cum aequalibus et posteris communicarunt. Sed ad *inveniendum* etiam magnopere valet comparatio: quod ut Socratica et Platonica dialectica probat, ita illustri sane documento et probat et illustrat analytica nostra arithmetica, quam algebram solumus vocare. Constat haec tota aequationibus sive comparisonibus, quibus plane, ut in Socratica disquirendi viâ, a notis ad ignota progredimur: estque illa, cum analysi conjuncta, vero nomine dicenda *inventionis disciplina*.⁽¹⁾ Et profecto tum demum geometria et astronomia progressus illos saeculis decimo sexto et septimo stupendos fecerunt, postquam haec comparandi inveniendique disciplina cum illis conjungi coepta est: imo vero hujus ope illae ad inveniendas mundi physici leges valuerunt: ut liceat nobis pronunciare, et antiquo aevo per Socraticam et Platoniam methodum *moralem*, et recentiore pariter per algebram *physicum* mundum a philosophis et physicis reclusum esse.

Sic valet ad *inveniendum* potissimum dialectica Platonis. Qua in re, ut ex his omnibus patet, quaerendo, investigando et vero comparando, maxime autem omnium *cernendi jungendique* studio

(1) V. Euleri *initia algebrae*, Vol. II. C. 1, quo nullum facile in hoc genere opus majorem et perspicuitatis et philosophae ἀκρίβειας laudem habet.

dio ac diligentia proficimus. Uti autem hoc ipse perspexit philosophus, ita, quid sit *invenire* et quemadmodum parta sint gravissima inventa, de industria exquisivit. Quod ex ejus *Philebo* operae pretium est cognoscere.

Argumentum hujus dialogi proprie, ut vulgo dicitur, metaphysicum est. Sublimis exstabat in Philolai scriptis sententia: *θεός τις ἀπέδειξε τὸ ἀπείρανον, τὸ πέρας καὶ συγκεχόμενον*: ⁽¹⁾ quae non potuit non advertere Platonis mentem, sic, ut vidimus, res omnes discernentem, cernendoque definientem et sapientem, quo sibi unice videbatur veritatem posse assequi. Quo facile traducebatur eo, ut quod ipsius inesset ingenio, id in rerum naturam transferret: prouti suo nobis loco patebit. ⁽²⁾ Nunc exordium spectamus dialogi, quippe dialecticum et artis adeo fastigium nobis indicans, *inventionem*. Est haec, ait Socrates, per-versa hominum ratio, ut *unum* ponant et *multa*, non vero distinguant, *quos* sint numero. Hoc dialecticae est, illud eristicae: unde pueriles existunt litigantium contentiones. Quodsi germana utimur dialectica, recteque per illam distinguere didicerimus, sic demum et eristicam pueris relinquemus, et ipsi cum inveniemus, tum
qua

(1) Phileb. 23. C. (2) Duo hac de re ante hos paucos annos praeclara prodierunt scripta, alterum *Philolaus*, auctore *Boeckio*, alterum *Stallbaumii* in *Platonis Philebum* commentatio.

que ratione maxime octa sint inventa, intelligamus. Una inveniendi ratio est *cernere*, *discernere*, *numerare*, i. e., in multis et infinitis attendere, *quae* sint. Id exempla deinceps Socrates inprimis illustribus declarat:

*De oris musicae ac literarum
inventione.*

Manifestum hoc, ait, o Protasche, in *licetis* est: itaque in his, quas didicisti, id accipe. — Quomodo? — Vox nobis *una* est ex ore prodiena, eademque apud omnes et unanimesque *in infinitas multitudines*. — Quidni? — Nostro sateus horum docti efficiamur, nec quod *infinitum* ejus, nec *quod unum* cognovimus; *ἀλλ' ὅτι πᾶσι τὸ ἐστὶ καὶ ἑκάστῳ, οὐτ' ἐστὶ τὸ γραμματικὸν ἕκαστος πᾶσι ἡμῶν* sed quod cognovimus, quos *in ea* sint et qualia; hoc est, quod *literarum positum unanimesque nostrum efficit*. — Verissima loqueris. — Ex vero quod *musicae positum* quem efficit, idem illud est. — Quomodo? — Vox est in hac item arte *una* quaedam. — Quidni? — Duo ponamus, *grave* et *acutum* et tertium *mediatum*. (1) — Ponamus. — Veruntamen nondum peritus *musicos oris*, si haec sola cognoveris; ista vero ignotans, nihil, ut ita dicam, de his intelliges. — Nihil sane. — Ἀλλ', ὦ φίλε, ἐπειδὴν λάβῃς τὰ διατ-

μα

(1) V. Stallb. ad h. l.

ματα ὁπότε ἐς τὴν ἀριθμὸν εἴς Φωνῆς, ἀφ' ἧς πρὸς
πύρι καὶ βαρύτητος, καὶ ὅποια, καὶ τοὺς ἄλλους τῶν
διασκευμάτων καὶ τὰ ἐκ τούτων ὅσα συστήματα γέγον-
εν· (ὃ κατιδόντες [οἱ πρόσθεν παρέδοσαν ἡμῖν τοῖς
ἐπομένοις ἐκείνοις, καλεῖν αὐτὰ ἀρμονίας) ἔν τε ταῖς
κινήσεσιν αὐ τοῦ σώματος ὅτετα τοιαῦτα ἐκείνα πᾶ-
σι γιγνόμενα· (ὃ δὲ δι' ἀριθμῶν μετρηθέντα,
δεῖν αὐτὰ φασὶ βυθμοὺς καὶ μέτρα ἐπονομά-
ζειν, καὶ ἅμα ἐννοεῖν, ὡς οὕτω δεῖ περὶ παντὸς ἐνδὲς
καὶ πολλῶν σκοπεῖν·) ὅταν γὰρ ταῦτά τε λάβῃς αἴ-
τω, τότε ἐγένου σοφός, ὅταν τε ἄλλο τῶν ἐν τῇ
δοτιῶν ταύτῃ σκοπούμενος ἔλθῃ, οὕτως ἐμφορῶν περὶ
ταῦτο γέγοναι. *Sed postquam, amice, intervalla
acceperis, quos numero circa acutum et grave et
qualis sint, ad terminos item intervallorum,
quaeque ex his leges et modi existant: (quae ma-
iores nostri conspicati nobis ipsorum sectatoribus,
ut harmonias illa appellaremus, tradiderunt:)*
tum etiam quae motibus corporis similia insint:
*(haec numeris dimensa rhythmos et metra vocanda
esse dixerunt, reputandumque simul, sic conside-
rare omnia, in quibus unum et multa insunt,
oportere. ⁽¹⁾) Nam et haec si ita acceperis, eorum
peritus eris factus, et alia quaecumque tandem
si hac ratione consideraveris perceperisque, sic et
horum gnarus evaseris; τὸ δ' ἀπειροῦ σε ἐκεί-
νων*

(1) Inesse scilicet omnibus numerare et metiri: itaque
βυθμοὺς et μέτρα quasi δι' ἀριθμῶν μετρηθέντες ἀπαιτῶνται.
Cf. Stallb. ad h. l.

πάν καὶ ἐν ἐκάστοις πλῆθος, ἀπείρον ἐκάστοτε ποιεῖ
τοῦ φρονεῖν, καὶ οὐκ ἐλλόγιμον οὔδ' ἐν ἀριθμῳ,
ἀτ' οὐκ εἰς ἀριθμὸν οὐδένα ἐν οὐδενὶ πώποτε
ἀπιδόντα. ⁽¹⁾

Haec facile haec legerit aliquis attentius, quin
artis inde musicae inventionem, quemadmodum
exstiterit, efficiat. Canere et saltare naturā
studet homo, quippe inditus ipsius animo est
harmoniae et rhythmī sensus. Quod in libris de
Legibus praeclare exposuit Plato, nosque inde
attulimus, quum de artibus artiumque principe,
musica, ageremus. ⁽²⁾ Verum, ut canerent non
tantum in choris saltarentque mortales, sed ip-
sam invenirent canendi saltandique *artem*, cer-
nendi opus fuit numerandique facultate. Vocis,
quae una est, cernendi distinguendique varii erant
soni, acuti, graves, mediī: attendendaque sono-
rum intervalla, quot essent et qualia, eorumque
termini constituendi, ut hinc leges modique effi-
cerentur: similiterque in motibus corporis talia
animadvertenda erant, quae numeris dimensa rhyth-
mi vocata sunt. Sic demum exstitit, nec alio
inveniri modo potuit musicae et saltationis ars.

Sed eidem illi cernendi numerandique faculta-
ti, ut hoc ipso loco acute animadvertit Plato,
cum caeteras debemus artes majores omnes, tum
illam etiam, qua nulla facile mortalium generi ad
in-

(1) *Phileb.* 17. A-E. (2) *De Leg.* II. 653. E. 664. E.
672. C. Cf. Vol. I. p. 144.

ingenii cultum utilior efficaciorque fuit: literarum dico inventionem, unde γραμματικὴ, ars scribendi, sive, quam nos vocamus, alphabetica scriptura nata est. Id neminem esse arbitror, quin in primis accipere a Platone et perspicere avertat. Audiamus denuo Socratem. Praecipit primum ille hoc universe: ὥςπερ γὰρ ἐν ὀτιοῦν εἴ τις ποταμὸν λαμβάνει, τοῦτον, ὡς φαμεν, οὐκ ἐκ' ἀκείρου θεῖ φύσιν βλέπειν εὐθὺς, ἀλλ' ἐπὶ τινὰ ἀριθμὸν· οὕτω καὶ τοῦ παντός, ὅταν τις τὸ ἀκείρον ἀναγκασθῇ πρῶτον λαμβάνειν, μὴ ἐπὶ τὸ ἐν εὐθὺς, ἀλλ' ἐκ' ἀριθμὸν αὐτὸν τινὰ πλῆθος ἕκαστον ἔχοντά τι κατανοεῖν, τελευταῖον τε ἐκ πάντων εἰς ἓν. Prouti enim si quis unum quid accipit, is, ut diximus, non mox in infiniti naturam, sed in numerum aliquem mentem attendere debet: sic vicissim, si quis primum infinitum sumere cogitur, nequaquam in unum continuo, sed in numerum quemdam, qui multitudinem aliquam habeat, mentem debet convertere, ex omnibusque tandem in unum destinare. ⁽¹⁾ Illius exemplum rationis in musicae inventionem habemus: hanc rationem, quae ab infinitis numero ad unum procedit, literarum dabit exemplum. Πάλιν δὲ, sic pergit deinceps Socrates, ἐν τοῖς γράμμασι τὸ νῦν λεγόμενον λαμβάνειν. — Ἐπειδὴ φωνὴν ἀκείρον κατενόησεν εἴ τί τις θεός, εἴτε καὶ θεῖος ἄνθρωπος, ὡς λόγος ἐν ἀγύπτῳ θεῖσ' τινὰ τοῦτον γενέσθαι λέγων, ὃς πρῶτος τὰ

(1) Philob. 18. A.

τὰ φωνήεντα ἐν τῇ ἀπειρῷ κατενόησεν, οὐκ ἐν ὄντας, ἀλλὰ πλείων· καὶ πάλιν ἕτερα, φωνῆς μὲν οὐ, φθόγγου δὲ μετέχοντά τινος· ἀριθμὸν δὲ τῶν καὶ τοῦτων εἶναι· τρίτον δὲ εἶδος γραμμάτων διεσέσασα, τὰ πῦν λεγόμενα ἄφωνα ἤμῃν· τὸ μετὰ τοῦτο διήρει τὰ τε ἀφθόγγα καὶ ἄφωνα, μέχρως ἐνὸς ἑκάστου, καὶ τὰ φωνήεντα καὶ μέγα κατὰ τὸν αὐτὸν τρόπον. ὥς αὐτῶν ἀριθμὸν λαβὼν, ἐνὶ τε ἑκάτῃ καὶ ἑξήκαστι τοιχείῳ ἐκπυνόμασεν· καθορῶν δὲ, ὡς οὐδεὶς ἡμῶν οἶδ'· ἂν ἐν αὐτῷ καθ' αὐτὸ ἀνευ πάντων αὐτῶν μάθοι, ταῦτον τῶν ἁεσμὸν αὐτὸν λογισάμενος, ὥς ὄντα εἶναι, καὶ ταῦτα πάντα ἐν πῶς ποιοῦντα, μίαν ἐπ' αὐταῖς ὡς οὖσαν γραμματικὴν τέχνην ἀπεφθέγγετο προσεπικῆν. *Iterum o literis quod nunc diximus efficiamus. — Postquam infinitam vocem animadvertit una Deus aliquis sive homo divinus, qualis apud Aegyptios Thauth quidam fuisse fertur, qui primus in ipsa vocis infinitate vocales literas consideravit, quae non una, sed plures: rursusque alias, quae non vocis sed soni cujusdam participes essent, earumque item numerum quendam esse vidit, et tertiam deinde speciem litterarum distinxit, earum, quae nunc mutas vocamus: is igitur, postquam haec animadvertit, deinceps cum soni expertes mutasque discrevit singulatim, tum vocales et medias eodem modo; donec earum numero in singulis speciebus et in universis reperto, elementa appellaret. Cumque videret, neminem nostrum horum quidquam seorsim percepturum, nisi universa percepisset, vinculum hac rursus reperi-*

tando considerans, ut unum, et omnia haecce unum efficiens, grammaticam artem, ut unam omnibus communem, hoc nomine vocavit. ⁽¹⁾

Campum hic sane philosophis immensum aperuit Plato, in quem excurrerent: et operae est profecto pretium, quae paucis ita ille de rerum inventionem monuit, diligenter in omnibus inventis singulatis persequi. Tam late patet haec disquisitio, ut omnem hominis a tenerissima inde aetate ad cognoscendum judicandumque progressionem complectatur. Nam ut cuncta infantis sensibus confusa, *συνεχόμενα*, apparent primum, ita ipsae deinceps cernendo, distinguendo, numerando ad res cognoscendas, imo videndas recte, procedit; unde *cernere* ipsam apud Latinos *videndi* significationem habet. Invenit autem ita ipse per sese, quod sint et qualia quaecunque oculis, auribus, caeteris sensibus percipit. Quo fit, ut propria, ut innata homini videatur ars numerandi, quae ipsa cernendo juvandoque procedit. Nos id philosophis peragendum relinquimus, qui profecto, qui diligentius hanc nativam hominis inveniendi et rationem et facultatem exploraverint, eo efficacius nos cum ad totum explicandum Philebum, tum ad has interpretandas Platonis de musicae et literarum inventionem sententias adjuvabunt. Quam enim infantium esse diximus conditionem, ut, quae ipsis primum videntur confusa, cernendo

nq.

(1) *Phil.* 18. B. C.

numerandoque accurate cognoscere discant, eandem Theuth illi Aegypto, sive literarum quicumque tandem fuerit inventori, tribuit Plato. Primum ille in infinita illa sonorum multitudine et varietate cum vocales attendit, tum consonas, itemque quas nos vocare mutas literas solemus. Tum consonas et mutas pariterque vocales quaeque mediae dicuntur discrevit a se invicem, donec singularum singulatum numerum nactus, communi universas nomine elementa sive literas appellavit. In quo toto negotio mens ejus cernendo, jungendoque, omnino numerando procedens, inventorum peperit longe pulcherrimum, scribendi per literas alphabeticas rationem.

*Quatenus Aristoteli, ad
syllogisticam tractandam, viam
munivit Plato?*

Haec habui, quae de vi et ubertate dialecticae Platonicae, ex ipsis Platonis scriptis, in lucem proferrem: unde cum alia, quae de hac arte pronunciavit philosophus, intelliguntur, tum hoc ejus explicatur effatum: *donum eam esse divinitus ad homines delatum: nam quaecumque ad artes pertinent, hac esse inventa*. Novam deinde methodum induxit Aristoteles, quam ipse *συλλογιστικὴν* appellavit: eratque haec, ut supra monuimus, tota a Socratica et Platonica diversa, quippe ad probandum quod positum erat, non
ad

ad inveniendum quod quaerebatur, accommodata. Abusi sunt ea tam antiqui, quam recentioris aevi philosophi, et vero sic sunt abusi, ut, quæ disciplinā nulla esset ad excitanda ingenia rependiendamque veritatem aptior, eadem nulla videretur ipsi philosophiae, i. e. sapientiae studio, contraria magis. Nam ad nullas non opiniones, quamvis etiam et absurdas et veritati repugnantes, syllogismorum vi et auctoritate tuendas usurpata est. Veruntamen ipsa methodus, ut exposita ab Aristotele fuerat, non minus, quam inductio et analysis, naturae erat consentanea, recteque adhibita ingeniis juvenum, ad firmanda illa et corroboranda, imo vero ad veritatem propugnandam naviter atque ab inanibus cavillationibus tuendam valebat egregie. Attigimus haec supra, quum, appositā syllogisticā, declarare Socraticam inductionem conaremur: nec hujus est loci, ea porro persequi. Sed, explicitā analysi Platonica, exquirere nunc juvat, quid Platoni Aristoteles cum universe ad tractandam dialecticam, tum vero etiam ad hanc ipsam explanandam syllogisticam rationem debuisse videatur.

Ubivis Aristoteles in scriptis suis refutat Platonem: unde haec exstitit multorum eruditorum opinio, esse ejus doctrinam prorsus omnique parte Platonicae contrariam. Qui error eo et latius serpsit et invaluit magis, quo vehementius se aliquando impugnare utriusque philosophi aetate, Platonici et Aristotelici coeperunt: Faciendum

numerandoque accurate cognoscere discant, eandem Theuth illi Aegyptio, sive literarum quicumque tandem fuerit inventori, tribuit Plato. Primum ille in infinita illa sonorum multitudine et varietate cum vocales attendit, tum consonas, itemque quas nos vocare mutas literas solemus. Tum consonas et mutas pariterque vocales quaeque mediae dicuntur discrevit a se invicem, donec singularum singulatim numerum nactus, communi universas nomine elementa sive literas appellavit. In quo toto negotio mens ejus cernendo, jungendoque, omnino numerando procedens, inventorum peperit longe pulcherrimum, scribendi per literas alphabeticas rationem.

*Quatenus Aristoteli, ad
syllogisticam tractandam, viam
munivit Plato?*

Haec habui, quae de vi et ubertate dialecticae Platonicae, ex ipsis Platonis scriptis, in lucem proferrem: unde cum alia, quae de hac arte pronunciavit philosophus, intelliguntur, tum hoc ejus explicatur effatum: *donum eam esse divinitus ad homines delatum: nam quaecumque ad artes pertinent, hac esse inventa*. Novam deinde methodum induxit Aristoteles, quam ipse συλλογιστικήν appellavit: eratque haec, ut supra monuimus, tota a Socratica et Platonica diversa, quippe ad probandum quod positum erat, non
ad

ad inveniendum quod quaerebatur, accommodata. Abusi sunt eā tam antiqui, quam recentioris aevi philosophi, et vero sic sunt abusi, ut, quā disciplinā nulla esset ad excitanda ingenia rependiendamque veritatem aptior, eādem nulla videretur ipsi philosophiae, i. e. sapientiae studio, contraria magis. Nam ad nullas non opiniones, quamvis etiam et absurdas et veritati repugnantes, syllogismorum vi et auctoritate tuendas usurpata est. Veruntamen ipsa methodus, ut exposita ab Aristotele fuerat, non minus, quam inductio et analysis, naturae erat consentanea, recteque adhibita ingeniis juvenum, ad firmanda illa et corroboranda, imo vero ad veritatem propugnandam naviter atque ab inanibus cavillationibus tuendam valebat egregie. Attigimus haec supra, quum, appositā syllogisticā, declarare Socraticam inductionem conaremur: nec hujus est loci, ea porro persequi. Sed, explicitā analysi Platonica, exquirere nunc juvat, quid Platoni Aristoteles cum universe ad tractandam dialecticam, tum vero etiam ad hanc ipsam explanandam syllogisticam rationem debuisse videatur.

Ubivis Aristoteles in scriptis suis refutat Platonem: unde haec exstitit multorum eruditorum opinio, esse ejus doctrinam prorsus omnique parte Platonicae contrariam. Qui error eo et latius serpsit et invaluit magis, quo vehementius se aliquando impugnare utriusque philosophi aetate, Platonici et Aristotelici coeperunt. Faciendum

dum omnino est, dissensisse in causis gravissimis a magistro Aristotelem, quod tum patebit nobis maxime, ubi de ideis Platonis et mundo ~~verum~~ datâ operâ sumus acturi. Quodsi quis nullo ductus partium studio, perlecto Platone perpensâque ejus philosophiâ, Aristotelem legerit deinceps, mirer equidem, si non perspexerit, inchoasse multa Platonem, quae Aristoteles perfecit postea: viam discipulo monstrasse ac patefocisse doctorem, quam nisi tenuisset Aristoteles, tanta hic praestare philosophiae, quanta praestitit, haud facile potuisset: omninoque, ut Socraticus proprie Plato fuit, ita eum in modum ab hoc informatum Aristotelem fuisse, ut vere dici Platonicus possit. Ex ipsâ, quam modo instituimus, disquisitione, haec continuo intelliguntur. Nam quod hic agitavit magnum sane et vastum consilium, ut artes omnes doctrinasque philosophando complecteretur, repositum hoc est, ut vidimus, in Platonis philosophia, qui a nullo earum genere alienum esse verum philosophum contendebat, quodque ab aliis postulabat, ipse in plerisque dialogis imprimisque in *Timaeo* facere aggressus est. Tum etiam, quod vulgo dicitur, primum fuisse Aristotelem, qui disciplinas apte distingueret, ad hoc item vidimus signum ante eum sustulisse Platonem. (1) Sed hoc de-

(1) Imitatus adeo hac in re Platonem Aristoteles est. Videlicet in distinguendis dialectica, Rhetorica et Politica, 621-

debut in primis magistro discipulus, ut dissec-
rendi ratione analyticâ uteretur, qua maxime doc-
trinis omnibusque quae tractavit argumentis lumen
affudit: ipsam syllogisticam, ut verbo jam mo-
nuimus, analytice exposuit. Quod autem novam
illam, quam invenisse dicitur, methodum attinet,
hoc constat, ut inventio praecedat probationi, sic
syllogisticae sive synthesisi analysin praecedere. Ni-
si cernendo jungendoque multa et alii philosophi
et Socrates ac Plato, ipseque Aristoteles invenis-
set, probare hic illa argumentando non potuisset. Cu-
jus rei documentum insigne est, quod jam aliquoties
memoravimus, Euclidis opus, syntheseos mathe-
maticae monumentum immortale. ⁽¹⁾ Quae in eo ad
demonstrandum problemata proponuntur, haud po-
tuissem proponi, nisi inventa praecessissent cum
aliorum, tum imprimis Pythagoreorum; ab inven-
toribus adeo nonnulla eorum nomen habent, ut
problema v. c. de quadratis et hypotenusa, quod
Pythagoreum appellatur. Sed Aristoteles Platoni
aliisque inventa non solum debuit, quae quemad-
modum essent probanda, demonstraret, verum a
magistro suo dialecticam item accepit inveniendi
rationem, unde ipse probandi demonstrandique me-
thodum efficeret. Rem exemplo ex ejus scriptis

sum-

ὑποθέσθαι, αἰτ, ὑπὸ τὸ σχῆμα τὸ τῆς Πολιτικῆς ἢ
Ῥητορικῆς, καὶ οἱ ἀντιποιοῦμενοι ταύτης. — Quod sam-
sit e Platonis loco Gorgia 464. B. ubi de hīs ipsis artibus
distinguentis agit. V. Vol. II. P. I. p. 100. (1) Quamquam
idem, si recte ad docendum adhibetur, inveniendi itaque in-
strumentum continet.

sumto illustremus. Eximium nobis Aristotelis superest *de arte rhetorica* opus, in quo argumentationis accuratae atque ordine definiendo distribuendoque procedentis, norma exstat. Primum rem, de qua acturus est, definit. Sit nobis *Rhetorica facultas in quaque re perspicendi τὸ ἐνδεχόμενον πιθανόν*, id, quod ad persuadendum idoneum est. Secundum quam definitionem distinguit dialecticam ab aliis doctrinis. Veluti ars medica *περὶ ὑγιαίνον καὶ νοσερόν* est: geometria *περὶ τὰ συμβεβηκότα πάθη τοῖς μεγέθεσι*: arithmetica *περὶ ἀριθμόν*: ita Rhetorica *περὶ τοῦ δοθέντος, ὡς εἰπεῖν, δοκεῖ δύνασθαι θεωρεῖν τὸ πιθανόν*. His positis, discernit continuo τὰς πίσεις: sunt vel *ἄτεχνοι* vel *ἐντεχνοί*: illae, quae non nobis auctoribus exsistunt, sed ante fuerunt, ut testes, quaestiones, syngraphae: *ἐντεχνοί* vero sunt *πίσεις τῶν διὰ τοῦ λόγου ποριζομένων*. Harum tria sunt genera: vel in moribus positae sunt dicentis, vel valent, ut audientes aliquo modo afficiantur, vel sunt *ἐν αὐτῷ τῷ λόγῳ, διὰ τοῦ δεικνύναι ἢ φαίνεσθαι δεικνύναι*. Quae autem *ἐν αὐτῷ τῷ λόγῳ* sunt, duplicem habent speciem: *ἐπαγωγὴν* sive exemplum, i. e., inductionem oratoriam, vel *ἐνθυμήματα*. Et sic quidem eo procedit sponte auctor, ut cum a dialectica Rhetoricam distinguat: ut enim illa *sylllogismos*, ita haec *enthymemata* ad fidem faciendam adhibet: tum ad *enthymemata*, quae *σῶμα τῆς πίσεως*, ⁽¹⁾ appellat, perveniat.

Rhe-

(1) Rhetor. I, 1.

Rhetoricam igitur, ut satis a cognata disciplina discevit, ita nunc porro in tria genera dividit, in quibus tractandis pariter τὸ πιθανόν spectatur: sunt illa secundum varia audientium genera, συμβουλευτική, δικανική, ἐπιδεικτική; nam, ut ex tribus constat oratio, ἐκ τε τοῦ λέγοντος καὶ περὶ οὗ λέγει, καὶ πρὸς ὃν, ita tria sunt etiam audientium, ad quos dicitur, genera: ὁ κριτής et ὁ θεωρὸς: κριταὶ vero duplicis sunt speciei: vel de futuris, vel de praeteritis judicant: ἱλλὶ ἐκκλησιασταὶ sunt, hi κριταί: ut audientes hi tres sint: ἐκκλησιαστής, κριτής et θεωρὸς. Quibus ita dispositis, de singulis his dicendi generibus ita agit, ut ἐκ τίνων δεῖ προτρέπειν καὶ ἀποτρέπειν, ἐκ τίνων κατηγορεῖν καὶ ἀπολογεῖσθαι, ἐκ τίνων φέγειν καὶ ἐπαινεῖν exploret ac probet: quibus adhibet maxime, quae explicuerat, in praecedentibus, τὰ ἐνθυμήματα. Etenim, quod addit, περὶ γὰρ τούτων καὶ ἐκ τούτων τὰ ἐνθυμήματα λέγεται, (1)

Documento nobis haec operis Aristotelici argumentatio est, perfecisse auctorem id, quod in *Sophista* et *Politico* Plato cum inchoaverat, tum faciendum praeceperat. Ut hic Sophisticam, ita Rhetoricam Aristoteles cernendo jungendoque explicuit. Quamquam ratio utriusque philosophi diversa est. Plato quasi nobiscum quaerit, indagat, invenire studet: non ita Aristoteles; sed quae hic secum ipse antea et quaesivit et indagavit et in-

(1) Continentur haec *Rhetor.* L. I. Cf. L. II. c. 1.

invenit, aptā nobis discretionē et dispositione proponit. Itaque comparantibus haec nobis utriusque philosophi scripta, in Platonis dialogis *inventis* ubivis, in Aristotelis vero disputatione *inventorum expositio* ac *demonstratio* occurrit. A demonstrando aliena in his disquisitionibus Platonis ratio est: Aristoteles vero, quamvis non per syllogismos procedat, tamen probare nobis et demonstrare sententiam suam studet: ut ex *definiendi* modo intelligitur. Nam rei de qua agitur definitio, ut apud Platonem cernendo jungendoque invenitur tandem, ita apud Aristotelem continuo ponitur: incipit ab ipsa definitione disputatio. Omnino, ut in legendo Platone una cum Eleate vel Socrate quasi veniamur, ita legentibus Aristotelem auctor nobis, quod cepit, ostendit: sic autem ostendit, ut simul, quā illud ratione i. e. quibus partitionibus et conductionibus assecutus fuerit, intelligamus. Sic plane haec ordine procedens Aristotelis disceptatio Platonicae rationis continuatio est: perficit discipulus, quod magister inchoavit.

Verum longius etiam Plato ad Aristotelis syntheticam sive syllogisticam rationem processit. In hac methodo, ut ex laudata Aristotelis argumentatione patet, *definitionis* in primis agitur diligentia. Fundamentum illa est sive fons universae disputationis. In *Phaedro* autem Plato, quod modo commemoravimus, syntheticae definitionis et rationem et exemplum dedit. De dialecticā eloquentiae adhibendā proprie agitur in hoc dialogo: disquisitio
de

de amore exempli adducitur causâ. Lysias siq-
de hoc argumento scripserat, ut nullus exstaret in
oratione ordo. Socrates autem a definitione or-
diendum praecipit, ipseque de eodem argumento
deinceps dicens, sic, uti meminimus, amorem de-
finit. Est ille, ait, ἡ ἀνευ λόγου, δόξης ἐπὶ τὸ
ἔρθῃν ὁρμῶσης κρατήσασα ἐπιθυμία κ. τ. λ. ⁽¹⁾. Quae
prorsus *synthetica* definitio est, ex eaque plane,
ut ex dialecticae definitione Aristoteles, proximam
omnem disputationem ducit. Occurrunt autem in
eodem dialogo *partitiones*, quas plane dixeris Aristoteleas. Nam, ut audaciae poenituerat Socratem,
qui dicere in amorem sustipuisse, palinodiam ca-
nit, reprehenditque se ipsum, quod non recte
distinxerat. Furorem enim amorem esse, sed non
unum exstare furoris genus: esse duo genera
μανίας, τὴν μὲν ὑπὸ νοσημάτων ἀνθρώπων· τὴν δὲ
ὑπὸ θείας ἐξαλλαγῆς τῶν εἰσβότων νομίμων γιγναμένην. Tum hoc genus in species distribuit qua-
tuor, in μαγτικὴν ἐπίπνοϊαν, τελεσμὸν, ποιητικὴν,
etque ἐρωτικὴν, de quibus deinceps singulatim dis-
serit ⁽²⁾. Continet ita dialogus hicce omnino dis-
putationis Aristoteleae normam; sed operae pre-
tium est animadvertere, non continuo Platonem,
quod mos fert Aristotelis et dialecticorum, defi-
nitionem ponere: *analytical* nos ille ratione ad de-
finiendum adducit. Hoc scilicet fuerat disputatio-
nis

(1) Phaedr. 238. C. (2) Phaedr. 242. B. — 244. A. et
255. B. Cf. Vol. I. 123.

his exordium. Duo nobis insunt, inquit, quibus paremus: alterum ἐμφυτος οὔσα ἐπιθυμία ἡδονῶν: alterum ἐπικτητὸς δόξα ἐφιεμένη τοῦ ἀρίστου ⁽¹⁾, quorum, hoc neglecto, illud respiciens solum, definitionem inde, quam descripsimus, efficit. Sed inde etiam, ex eadem illa analytica disceptatione postremo rectum ducit de amore iudicium. Unde intelligimus facillime cum originem et naturam syntheticae definitionis, tum vero etiam analyticae rationis ad recte instituendam synthesin, imo vero ad verum assequendum vim et opportunitatem.

Quemadmodum Platonis analysis viam muniverit Aristoteli, ut syllogisticam instrueret, ex his confici exemplis potest. Verum quaerendum proposuimus praesertim, quatenus disciplinam perduxerit magister, quid discipulo peragendum reliquerit. Est illud potissimum *mathematicae*, quae vocatur, *demonstrationis* ratio, quam ἀπὸδειξιν κατ' ἐξοχὴν et μαθηματικὴν ἀκριβολογίαν vocat Aristoteles ⁽²⁾. Non diversa quidem illa est a syllogistica et synthesi, sed, ut nomen indicat, ad mathematicorum, ad Euclidis postea argumentandi severitatem exacta est. Hujus ut normam legesque descripsit Aristoteles ⁽³⁾, ita viâ et ratione usi sunt philosophorum recentiorum multi, in quibus Wolfius hac methodo contendit disciplinas omnes tractan-

(1) Phaedr. 237. D. (2) Metaph. II. c. 3. (3) V. Ernest. Opusc. Phil. p. 183.

tandas esse. Id Plato in scriptis suis ne inchoavit quidem.

*Characterismus dialecticae
Socraticae, Platonicae, Aristoteleae
quis proprius est Platonicae
character?*

Et haec quidem, ipsius Platonis causâ, cum de Socraticâ dialectica, cui debuit ille multum, tum de Aristotelicâ, in quam ipse vim magnam habuit, paulo latius persequi juvabat. Suffecerint ea, opinor, ut Platonicae dialecticae claram quodammodo mente notionem conciperemus. Sed efficacem hanc esse maxime ad acuendum ingenium, quo quis acutior, quo *συπεριώτερος*, ut ait Plato, fiat, quoque convertatur magis mente animoque totus ad veritatem, id nunc, ni fallimur, ex harum methodorum comparatione efficere nobis licet. Quibus in comparandis, accurate a Socratica ratione Platoniam distinguere, difficile negotium est. Nam apud Platonem analysis proxime est, ut exposuimus, cum *ἐπαγωγή* conjuncta, nec ulla est sive *ἐπαγωγή* sive omnino dialectica, quae a cernendi jungendique studio et arte plane sit sejuncta. Quo accedit, ut per hanc rationem suam Socrates in morum disciplinâ tot ac tanta invenerit. *Συλλογικὴ* autem Aristotelis, quaeque proprie synthesis dicitur, ipsâ continetur Platonis ratione, quae partim constat *συμπερίληψις*: et sane nec So-

cunctis comparando nec cernendo Plato invenisset quidquam, nisi *junxisset* uterque, quod idem est atque συλλογίζεσθαι. Nos vero harum methodorum nunc maxime *characterem* animadvertere quærentes, id notare in singulis oportebit, non quod unum unicuique proprium est, sed quo uno quæque præsertim, quamvis multa habeat cum aliis communia, a caeteris distinguitur.

Simplicitate se commendat Socratis ratio. Sponte ille suâ ad veritatem cum ipse procedebat, rursus alios adducebat. Quam naturae facilitatem in Platonica item dialecticâ non desideramus; sed accedit *acumen*, quo hæc est insignis. Artem multo magis in analysi Platonis, quam in Socratis inductione agnoscimus, refertque illa eam mentis sagacitatem, felicitatem, εὐσυχίαν, quam vocant, quæ invenit et nova in lucem profert. Aristotelis vero ratio, quamquam nec ipsa a naturâ aliena nec acumine destituta, *diligentiam* tamen magis studiique assiduitatem requirit. Quo accidit in historia philosophorum, ut, qui Aristotelis rationem sequerentur, numero fere infiniti fuerint: pauciores, qui Platonis analysi uterentur; qui vero Socratem referrent, omni ævo fuerint rari. Acumen enim non ita infrequens est in genere humano, pluresque iccirco exstiterunt philosophi, qui acute cernendo jungendoque nova proferrent, quam qui, ut Socrates, nil visi perficere, perficerent quam plurima et optima. Rationem autem sequi, quam Aristoteles induxit, nec singularium plene est

est nec paucorum hominum. Nam, ut probat id quod inventum est, ut ex aliorum inventis conficit quid et quasi construit, ita sagacitate minus, quam diligentia procedit. Est autem diligentia non omnium quidem philosophorum; sed, ut quis merito dici hoc nomine possit, necessario requiritur.

In hac autem methodorum, aurea illa philosophiae aetate, successione, ut singularum patet via propria et ratio, ita cernere mihi videor ipsius ingenii humani in studio veritatis progressionem. Nam sponte primum homo facileque res cognoscit: succedit naturali facilitati mentis acumen, quo accuratius discernit jungitque ac nova invenit: tum vero quod cognovit, quod acute invenit, id sibi plene persuadere, id probare diligenter ac demonstrare conatur. Quamobrem non audiendi sunt illi, qui harum methodorum aliam in coelum laudibus ferunt, aliam vero sive spernant sive negligunt: prouti fuerunt qui Aristotelis syllogisticam alto supercilio despicerent. Nihil licet spernere quod naturae est consentaneum, et singulis aetatibus singulae hae methodi conveniunt. *Pueris* adhibenda *ἐπαιγωγὴ* est, ut Socrates fecit, methodi auctor: estque haec proprie *docendi instituendique ratio* justa: nos nostrâ lingua ipsam institutionem vocare *οπλείδιν*, ut Graeci *ἐπαιγωγήν*, solemus. Analysis vero, sive acutius cernendi jungendique studium et ars, *adolescens* est: cui maxime aetati acumen atque inveniendi sagacitas propria est. Aegre illi ad probandum

di

di demonstrandique severitatem adducuntur, et no-
cent ingeniis magistri, qui maturius quam natura
fert; dialecticam iis Aristotelicam addiscendam pro-
ponunt; sed *exquirere, divinare, conicere, inven-
nere*; id adolescentiae naturale studium est, idem-
que si aptâ methodo, ut ars illa Platonis est;
regitur, eo simul valet, ut quis postea ordine
disserere ac probare accurate et demonstrare pos-
sit. Quod vidit Plato, quum solertiam illam et
sagacitatem simulque levitatem hujus aetatis respi-
ciens, adolescentes *χαλρεν* diceret, ὡς περ σκολά-
κικ, τῷ ἔλκειν τε καὶ σπαράττειν τῷ λόγῳ τοῦς
παλαιὸν ἀεὶ delectari, *catulorum more, distrahen-
dis disputando lacerandisque proximis quibusque
semper* ⁽¹⁾. Haec plane juvenum consuetudo est,
qui, priusquam per Socraticam disciplinam pur-
gati; perque Platoniam instituti recte sunt, de
rebus omnibus continuo disputare, suamque unice
propugnare sententiam aggrediuntur. Quamobrem
idem ille bene cogitandi, ut a Cicerone vocatur;
magister maturiorem expectandam aetatem censuit,
qua juvenus ad severiora haec studia adducere-
tur. Nondum ille mathematicam istam demon-
strandi rationem, cujus leges dedit Aristoteles;
quaeque in Wolfianâ scholâ ad omnes doctrinas
adhîbita est, cognovit; si vero cognovisset, hanc
in primis adultae virilique aetati destinavisset.

Nam

(1) De Rep. VII. 559. B. V. Wyttenb. ad Plat. de S.
No. V. p. 11.

Nam is omnino in studio dialecticae extremus labor est, ut, quae quis sive ipse invenit sive ab aliis inventa accepit, cum ordine disponat atque explicet, ut fecit Aristoteles in palmariis, quos memoravimus, de *Rhetorica* libris, tum etiam, quod idem in *Organo* quemadmodum perficiendum esset demonstravit, ab inanibus adversariorum cavillationibus recte vindicet. Sic cuique aetati sua est dialecticae methodus, nec minorem habet Aristotelica ratio, quam Socratica aut Platonica, ad excolenda ingenia vim et opportunitatem. Quamobrem tantum abest, ut spernenda sit syllogistica Aristotelis, ut, non satis eam provectoribus juventutis studiis in Academiis adhiberi, dolendum videatur ⁽¹⁾. Nam si quid ad accurate dicendi scribendique facultatem acuendam, ad firmanda corroborandaque ingenia, ad causam veritatis propugnandam naviter valet: valent eo in primis sane hae dialecticae exercitationes. Sed abusi sunt syllogistica philosophi, indeque, ut jam aliquoties monuimus, summum cepit philosophia detrimentum. Si, quod praecepit Aristoteles faciuntque mathematici, ea hac methodo exponere et demonstrare studuissent, quae vel vera vel certe in primis evidentia ac probabilia essent, optime meriti de philosophia fuissent. Nunc vero, quod
et

(1) Dolet *Heerenus*, quidque ipse juvenis his exercitationibus debuerit, fatetur ingenue in elegantissima vitae suae descriptione *Operum* V. I. p. 26.

et Socratici et scholastici maxime medio aëro fecerunt, tenere posuerunt quaecunque sive vera sive falsa assumere luberet, imo vero falsa posuere, quas demonstrarent, malebant, quo maiorem scilicet ingenii laudem ac gloriam caperent.

Cum vero haec sit trium illarum methodorum natura et ratio, de earum jam porro cum usu, tum utilitate dispiciamus singulatim. Valent singulae ad cognoscendum verum; sed, ut Socraticae est rationis, *ad inveniendum nos praeparare*, Aristotelicae, *inventa nobis persuadere*, ita Platonicae est id ipsum, quo tendit Socrates, undeque Aristoteles proficit, *invenire verum*. Simpliciter illa interrogandi consuetudine purgabat Socrates audientium animos praëjudicatis opinionibus, eliciebatque in iis et studium et facultatem inveniendi, ut *niterentur*, quod diximus ⁽¹⁾, invenire: unde recte ejus disciplina *μαευτική, ἱλαρχος, κατεργασίς, ἐπαινετική* vocatur. Aristotelicae usus disciplinae egregius item est, quamquam diverso proposito: ad persuadendum pertinet hominibus, quod inventum est: valuitque iocundo hujus in primis ratio ad eloquentiae explendum munus, quod persuadendo cernitur. Quodsi methodum quaerimus, quā maxime uti philosophos decet, si quidem summum attingere in philosophia, i. e. verum in rebus omnibus, velint, est sane illa Platonica analysis. Inductio enim proprie est ad

1807

(1) Supra p. 95.

recte hanc instituendam præparatio quaedam; syllogistica autem, ut synthesisin parit, ita eam ipsa naturâ cum finibus se arctis includit, tum coarctat in rebus cognoscendis philosophi mentem. Nam efficit ex inventis quam plurimis et quasi construit doctrinæ formulam quandam, *systema* a componendo et construendo appellatam, quod quamvis ordine, quamvis partium conjunctione aptâ et elegante habitu se commendat, tamen suis est limitibus determinatum. Hos autem limites nec fert philosophia et gestit naturâ superare philosophorum ingenium. Quo accidit, ut, quicquid post Socratem et Platonem philosophi in condendis systematibus moliti sunt et quamvis quæ condiderunt aequalibus placuerint, reprobata hæc tamen a posteris fuerint: unde, apud recentiores, historiam systematum, quæ sibi identidem successerunt, ipsa historia philosophiæ magnam partem continetur. Huic autem naturali philosophorum studio et ardori convenit plane ac satisfacit Platonica methodus. Analysis enim nullos habet, nisi ipsius ingenii humani, terminos. Nam uti cernendo jungeretque progreditur, ita cernere desinit nunquam, sed quæ conjunxit identidem, novam habet denuo cernendi explorandique materiam, unde novæ item denuo *εναγώγαι*, *conductiones*, quas Cicero vocat, vel quæ nobis dicuntur *combinationes* oriuntur: ut infinita in his sit ingenii humani progressio, cuatenus quidem in hac ipsius conditione progredi potest. Quid efficere per hanc

methodum homo queat, augurari nobis et haud sine probabilitate exspectare licet, definire non licet; veruntamen naturalis philosophia, quae hodie una hac analytica ratione tractatur, quot quantosque inde fructus et ipsa perceperit et generi humano percipiendos praebuerit, scimus: eademque et exemplum nobis est, ad quod theoreticam universamque philosophiam tractemus, et vero documentum, quos quantosque in hac etiam progressus simus facturi, si, rejecto systematum condendorum consilio, verum unice cernendo jungendoque, id est, analytica et vere philosophia inquirendi ratione, assequi studemus. Sed quicquid hac in re sive factum sive neglectum est adhuc, hujus effectum methodi praestantia est, ut, cum multi philosophi Socraticam methodum, quae proprie sit, ignorent, spernantque alii syllogisticam Aristoteleam, omnes tamen cernendi jungendique artem, analyticam rationem et probent laudentque et in primis in omni doctrinarum genere usurpandam commendent.

Sed adhuc diximus de singularum natura usuque methodorum, quarum inventores celebrantur philosophorum omnium triumviri celebratissimi, Socrates, Plato, Aristoteles. Ut proprium aliquando Platonicae dialecticae *characterem* assequamur, non distinguenda haec tantum ab aliorum inventis est, sed attendere item decet, quo modo quoque *proposito* usurpaverit eam Plato. Utrumque eo facilius assequemur, quo rectius ab Aris-

† 10.

totelle posteriorisque ætatis analysi Platonice
distinxerimus.

Eum in modum apud Aristotelem aliosque hæc
procedit cernendi jungendique methodus, ut do-
ceat lectores auctor, in quas partes dividendum
distribuendumque argumentum sit, quæque porro
sit singularum partium partitio. E qua docendi
ratione ortum præceptum est: *qui bene distinguit,
bene docet*. Apud Platonem vero non docere Elea-
tam Hospitem vidimus: interrogat semper Theæ-
tetum unaque cum eo quaerit. Hoc autem modo
invenit analysis, illo inventa nobiscum communi-
cat. Recessit quidem postea ab illâ ratione Plato.
In *Timæo*, in *Critia*, in libris *de Legibus* princi-
pem dialogi personam distinguentem inducit, ut
legere nobis subinde Aristotelem, rerum naturam
explicantem, videamur. Sed non de his, de iis
hic agimus dialogis, in quibus, methodi ipse suæ
naturam expressit: quos si cum Aristotelis discep-
tationibus conferimus, has non inepte *analyticas
demonstrationes* vocabimus: in illis vero ipsam
analysin, quaerendi inveniendique methodum, in-
ventricis omnino dialecticæ normam agnoscemus.
Sed de modo, quo analysin usurpavit Plato, alia
sunt item animadvertenda nobis. Est illa ratio,
quod ipse fatetur, ut pulcherrima, ita perquam
etiam difficilis. Saepius me illa, ait apud eum
Hospes Eleates, in quaerendo et disserendo desti-
tuit. Quâ accidit difficultate, ut pauci omni ævo
eâ recte usi sint. Nam Aristoteles, ut hoc utar,
in-

inventi Platonici heres proximus, quam cernendi diligentia res omnes divinas atque humanas explicare institueret, discrevit quidem studiose alia ab aliis; sed non satis apte identidem discreta conjunxit. Stoici contra et Epicurei, qui proficere ex Aristotelis syllogistica studuerunt, jungere mihi arte cum placitis suis antiquiorum placita philosophorum, Heracliti, Democriti, Socratis, Platonis conati sunt; sed non satis in philosophando discreverunt: quocirca judicium fere in eorum systematibus desideramus. Plato vero sic methodum hanc suam et usurpandam esse censuit et usurpavit fere, ut aequabiliter uteretur utroque, imo vero, quae naturae ratio est, tam jungeret cernendo, quam jungendo cerneret. Unde in primis repetendam explicandamque censeo, quae in ejus tam oratione quam philosophia exstat, perspicuitatis cum copia et concinnitate conjunctionem. Quod tum explicare juvabit, quum ad Rhetoricam philosophi pervenerimus. Hunc autem in modum cum analysi in philosophando uteretur Plato, ducem se nobis ille praebuit, quem, sive philosophiam, sive artes doctrinasque tractare instituiamus, lubenter sequamur. Non quasi ipse tramitem, quem nobis indicavit, recte semper secutus sit, vel placita, quae hac cernendi jungendique methodo invenit, verissima sint omnia. Ut homo fuit divinus Plato, ita humani quod identidem passus est. Sed ipsam philosophandi rationem, quam probavit, nos ita vix probandam

datis censemur. Qui post eum exstiterunt philosophi, sic placita fere sua sive analyticis sive syntheticis demonstrationibus exposuerunt, ut docerent alios generique humano sapientiam scilicet suam traderent. Non ita Plato: quaerendo procedit semper: estque ejus philosophia non formula doctrinae, non sylloge sive aggregatum, ut vulgo loquuntur, placitorum gravissimorum; sed viam monstrat maxime, quā sit philosophia progrediendum. Nam uti cernendo simul jungendoque procedit, ita nobis, ipsum sequentibus, hujus rationis ubivis exemplum tradit, ut adducti quo ipse pervenit, inde ipsi eadem ratione progrediamur. Rerum naturalium perscrutatores, qui hodie sunt, magnam partem philosophos despiciunt, quippe quos omnes arbitrantur sui systematis cancellis naturam comprehendere: si legerent illi Platonem, si methodum philosophi ad inveniendum resque omnes cognoscendas plene accurateque, ex ejus scriptis assequi studerent, aliter profecto existimare de philosophis et de philosophia discerent. Quodsi iidem, quo ardore rerum naturam, eodem semetipsos et res humanas perscrutari aggredierentur, percepta illi rite philosophia Platonis, utrique hujc studio pariter et dialecticam et omnem philosophiam adhibendam esse facerentur. Verum, ut suum plane dialecticae Platonicae characterem assignemus, non tantum modum, sed *propositum* etiam, quo disciplinarum hanc

hanc principem philosophus tractandam censuit, attendere oportet.

Non est apud Platonem dialectica ars invenienda quaedam, quae eo duntaxat valeat, ut sagaciores, acutiores, *εὐπειρώτεροι* fiamus. Complectitur, prouti exposuimus, Socraticam inductionem: quo efficax in primis facta ejus ratio est ad totum hominem mente animoque excolendum. Ut ingenio et institutione Socraticus fuit Plato, ita sponte ipse suā in faciēda dialecticā spectavit idem, quod in philosophando disserendoque ejus magister spectaverat, ut ad virtutem et honestatem homines adduceret. Quin etiam, quod inchoaverat Socrates, diligentius hic etiam persequi studuit. Simile quid animadvertimus modo in Aristotelis dialectica. Ut Plato Socraticam, ita hic Platonicam methodum studiosius etiam, quam magister, ad res omnes cernendo explicandas adhibuit. Id scilicet in illā philosophorum successione obtinuit, ut discipulus fere magistri methodum non tantum philosophando scribendoque exprimeret, sed plenius etiam proposito fini adhiberet. Quod idem et postea obtinuit, ut verbo jam in superioribus attigimus, Syllogisticam et vero mathematicam demonstrandi rationem, ab Aristotele proditam, multo elaboratius recentioris ætatis philosophi ad doctrinas tradendas singulas, quam ipse Aristoteles, usurparunt. Nec sane abhorret ab ingeniorum rerumque humanarum con-

di

ditione haec ratio. Quod quis excogitavit, id post eum maxime et factitatur et qua late patet in omnes res applicatur. Fructum ex inventis posterius uberiores fere, quam aequales, capiunt. Et sic quidem Plato cum methodo ipse sua Socraticam complexus, quae interrogando, eliciendo, purgando ad penitus excolendum perficiendumque hominem valeret, eam animo concepit, scribendoque et expressit et usurpavit dialecticam, quae tam esset ad omnem humanitatem fructuosa, quam ad inveniendum, ad artes doctrinasque et discernendas recte et tractandas apta et efficax. Hac ubertate, hac ad res omnes humanas recte provehendas vi et efficacitate insignis est ratio illa Platonis, excellentique longe disciplinis cunctis, quae sive dialecticae sive logicae nomine apud recentiores prodierunt. Ad acuendum hae ingenium fere, praesertimque ad disputandi artem instruendam valent, animi sensus et studia vix attingunt.

Praeclarum hoc sane est dialecticae Platonicae propositum; sed hoc animadvertamus praecipue. Idem est illud quo caeteras item disciplinas, arithmetica, geometriam, astronomiam colendas iudicavit, quo scilicet magis ad *veritatem* quasi traheremur, quoque excoleretur magis et aperiretur organum illud mentis, quo uno veritas percipitur. Sublimem Platonis de hoc disciplinae proposito sententiam ad hunc locum reservavimus, ut tota et Graece apponeretur, quippe ad dialecticae finem assequendum in primis idoneam. Est
il-

ille hujusmodi. Vulgus, ait, has disciplinas inutilis esse opinatur; τὸ δ' ἐστὶν οὐ πάρος Φαῦλον, ἀλλὰ χαλεπὸν πισταῦσι, ὅτι ἐν τούτοις ταῖς μαθήμασι ἐκάστω ὀργανῷ τι ψυχῆς ἐκκαθαίρεται τε καὶ ἀναζωπυρεῖται ἀπολλύμενον καὶ τυφλούμενον ὑπὲρ τῶν ἄλλων ἐπιτηδευμάτων, κρεῖττον δὲ σαθῆναι μυρίαν ἡμεμάτων μόνῃ γὰρ αὐτῇ ἀλήθεια ὁράται. *Hoc autem non ita vile est, sed ad percipiendum excelsumque difficile, singulis disciplinis hisce organismi mentis quoddam purgari excitariquo et reviviscere, quod aliis fere studiis peritis atque occoescitur, cum id servari, quam sepeceos oculos, praestes; solo enim hocce veritas cernitur.* (1). Sed ut efficiunt hoc caeterae disciplinae, ita dialecticae Plato huncce vim et efficacitatem tribuit, ut ipsum animum ad cernendam veritatem *convertat* totum: quod ipsius esse philosophiae propositum in primis statuit. Non puerile sane negotium, ait, haec conversio est: non ὁσρέκον ἐστὶν περιστροφὴ, ἀλλὰ ψυχῆς περιγωγὴ ἐκ νυκτερινῆς τινὸς ἡμέρας εἰς ἀληθείαν τὴν ὅπως οὖσαν, ἣν δὲ ἐπ' ἀνοδὸν φιλοσοφίαν ἀληθῆ φησόμεν εἶναι. *non conversio testulae est, sed animi a die, qui noctem refert, ad verum dictum, qui-que ipsa lucet veritatis luce, cum conversio tam escensio, quam veram esse philosophiam dicemus.* (2) Scilicet sermonibus miscendis mutuis procedit dia-

leo-

(1) De Rep. VII. 517. D. E. (2) Eod. 521. C. D.
 "Ὅσρέκον" iuxta est, quae pueri in ludis utebantur. V. Arist. ad h. l.

lectica; a *διωλετο* nomen habet. hōi autem maxime, si Socratica ratione instituntur, cum vori amor in animo ut flamma excitatur, tum aperitur ille quem diximus animi oculus, tum verō, si quo alio modo, his praesertim, per efficacitatem persuasionis, ad laetam veritatis adspiciendam et trahimur et toto animo convertimur. Nolim contendere, alienum fuisse ab hoc praeciplo de dialecticae praeciplo sive Socratem sive Aristotelem; sed huc spectare maxime Platoniam dialecticam, hoc proprie proposito *characterem* ejus exprimi, id ex hac triumvirorum celeberrimorum comparatione efficere nobis hanc tenere videmur.

*Quare dialectica apud
Platonem nra dicitur et septimorum
doctrinarum?*

Lōcum hunc in philosophia sanē quāto gravis-
simum sic omni ambitu tractare studuimus, quō
magis lectōres a vulgari illā, quae in scholis tra-
ditur, dialecticā ad eam disciplinae rationem con-
verterem, quam primus videtur Plato in luce po-
suisse, quaeque tantum abest, ut scholam redō-
leat, ut una omnium maxime ad ingenium acuen-
dum excolendumque, ad artes disciplinasque, quae
vitam hominum ornant, recte tractandas valeat.
Nunc vero cum caeteras omnes Platonis de hac
disciplina sententias, tum hanc ita intelligere
no-

nobis licebit, quā disputationem de disciplinā concludit. Videtur ὥςπερ θριγυλὸς τοῖς μαθήμασιν ἡ διαλεκτικὴ ἡμῖν ἐπάνω κεῖσθαι καὶ οὐκέτ' ἀλλὰ τούτου μάθημα ἀνωτέρω ὁδοῦς ἂν ἐπιτίθεσθαι, ἀλλ' ἔχουσιν ἤδη τέλος τὰ τῶν μαθημάτων. ⁽¹⁾ Scilicet caput dialecticae Platonicae, ut tota nos docuit disputatio haecce, *cernere* est: quod in omni iudicandi munere summum habetur: unde in linguis *judicare* verbis exprimitur, quae a cernendo ac dividendo ducuntur. Hinc *Critica*, gravis in primis ars, quam primum Graeci post Platonem libris librorumque lectionibus iudicandis adhibuerunt, postea recentiores nulli non literarum artiumque generi, universis doctrinis, ipsi philosophiae applicuerunt: unde *criticae philosophiae* nomen. Quamquam, si res, non nomen agitur, antiqui jam recentioribus universae huiusmodi criticae exemplum in scriptis suis dederant. Et vero quae philosophia est, quae ars aut doctrina tractari recte potest, nisi iudicare, iudicandi ars, nisi critica accedat, quae cernendo veritatem patefaciat? In his autem omnibus quicumque iudicat et philosophatur, ut cernit, ita discreta a caeteris separat, signoque, ut ait Plato, notat, *ἐπισφραγίζεται*, ⁽²⁾ quo diligentius a similibus omnibus distinguantur. Id *septrē* Cicero vocat ac disserendi tribuit scientiae. *Atque haec omnia*, ait, *quasi*

(1) De Rep. VII. 534. E. (2) Politic. 268. C.

sepimento aliquo vallabit disserendi ratione, veri et falsi judicandi disciplina et scientia. Explicare autem id ipsum videtur, quod quaerimus, quare *θρυγδα* i. e. *sepimentum* apud Platonem dialectica dicatur. ⁽¹⁾ Sed apud hunc item dialectica caeteris disciplinis *ὡς περ θρυγδα ἐκάνω κείσθαι* dicitur, quo *arcis* sive *speculae* continetur notio. Id quomodo accipiendum sit, supra jam significavimus; explicandum autem maxime e *scientiae* naturâ est. Caeterae, ait Plato, ut vidimus, doctrinae *ἀνθρώποις* habent, a quibus ordiuntur, uti axiomata habet geometria: has, ut immotas, non tangunt, quarum quippe rationes reddere non possunt: *scientiae* igitur, ut vulgo solent appellari, haberi existimarique non possunt; dialectica vero nec ipsa habet axiomata ulla et caeterarum axiomata doctrinarum sola cernendo disserendoque ad initium *ἀνυποθέτων*, ad ipsum *τὸ ὄν* reducit. Quocirca ut fiant hae *scientiae*, dialecticâ opus habent, quae ita longe iis fit superior ac merito *τοῖς μὲν θήμασι* dicitur *ἐκάνω κείσθαι*. Quod autem diximus *arcis* seu *speculae* notionem in dialecticâ Platonis latere: expressit eam ipse in quarto Politiae

li.

(1) Hanc loci interpretationem Bakio meo debeo, Ciceronis probatam auctoritate *de Legg.* I. 25. Platonis interpretes de *sepimento* non cogitarunt, in hac re profecto non negligendo. Similia nobis multa largietur eruditi viri in hoc Ciceronis opus commentarius, qui utinam prodeat aliquando!

libro. Socrater illis hac cernendi uisus arte, iudicium cum in civitate, tum in ipso homine, qualis sit, explorat. Qua inventa tantum, conscendisse sibi dialectico hoc itinere videtur quasi speciem, unde prospiciens, virtutis speciem unam, innumeras vero pravitatis conspiciat; quatuor autem in iis praecipuas discernit. Age igitur, inquit, huc accede, ut, quot species pravitas habeat, cernas. — Sequor equidem: dic modo. —

Καὶ μὲν ὅπερ ἀπὸ σκοπιάς μοι φαίνεται, ἐπειδὴ περὶ ἐκείνην ἀναβεβήκαμεν τοῦ λόγου, ἔν μὲν εἶναι εἶδος τῆς ἀρετῆς κ. τ. λ. *Alqui tanquam e specula mihi videtur, cum in hunc escenderimus sermōnis locum, una esse virtutis species.* (1) — Ita dialectica apud Platonem illuc philosophum evehit, unde res humanas omnes et contemplari et diiudicare possit: hinc ipsa a veteribus philosophia *arx sapientiae* dicta est. Sed, ut mihiis metaphoris rem ipsam perspiciamus, pateatque nobis, quemadmodum per dialecticum nos Plato ad rerum scientiam ducendos esse arbitretur, exemplum denuo ex Diotimae de pulcri scientia sermonibus petamus. Non illa ab hypothesis initium ducit, sed cernendis a pulcro rebus omnibus, quae pulchrae aestimantur, definit tandem et quasi *sepit, vallo separat* a similibus omnibus ipsum pulcrum, *ἀπ' αὐτῶ καὶ αὐτὰ μεθ' αὐτοῦ μα*

— 3088 —

(1) De Rep. IV. 445. C.

νοεῖδες αὐτὸν. ⁽¹⁾ Quo ut perduxit Socratem, ἐν-
ταῦθα τοῦ βίου, αἶτ, ὃ φίλε Σώκρατες, εἰπὲρ ποῦ
ἐλλοθί, βιωτὸν ἀνθρώπων, θεωμένῳ αὐτὸ τὸ καλόν
hic vivendum homini est, o amice Socrates, ipsum
pulcrum spectanti. ⁽²⁾ Id scilicet est, quod dixit
Plato, principium ἀνυποβητόν, ipsum est τὸ ὄν:
hanc idem praedicavit philosophi in arce sapien-
tiae felicitatem summam.

*De critica. Ut nata est
e dialectica Platonis, ita et refert
hanc et illustrat.*

Criticae, quam modo excitavimus, si vim et
naturam exploramus, expressit eam Plato, quum
in Eleatae disceptatione, quam modo legimus,
διακριτικὴν memoraret. ⁽³⁾ A vilioribus artibus verbis
sumtis quibusdam, ut *percolare, excubare, var-*
nare, carminare, eo hanc valere, ait, ut simili-
ter pejus a meliore, simile a simili discernat:
quod plane criticae nostrae praeclarum literisque
et doctrinis salutare negotium est. Unde criticae
γάννι apud criticos nostros frequens usus est ⁽⁴⁾:
quamque iidem usurpant fere *purgandi* notionem,
ubi integritati restituere et scripta veterum et
ipsa eorum decreta student, expressit hanc item
Pla-

(1) Sympos. 211. B. Cf. 211. E. (2) Eod. 211. D.

(3) V. supra p. 121. (4) Nota Dorvili Vannus critica
in *manus Platonis critica*.

Plato, quum διακριτικὴν esse καθαρὸν τὴν diceret ⁽¹⁾. Quae reputanti mihi, linguae, quā haec scribo, in mentem venit, in qua noti minus, quam in dialecticis Platonis dialogis, judicandi vis propria et effectus exprimitur. Nam *putare*, unde *reputare*, quod cogirandi judicandique significationem habet, quid aliud est, quam *purgare*? proprie de lanā *carminando* purgandā usurpatur. Artis autem judicandi idem negotium, effectus idem est: simile haec pariter a simili, pejus a meliore, falsum a vero discernit: estque in his omnibus purgationis cujusdam ac puritatis significatio: unde Germanorum dictio: *die Sache ins Reine bringen*. Quid? quod idem illud Latinorum *putare* ad calculum, ad numerandi artem transfertur? A putando enim *supputare*, *computare* dicitur. Apud Platonem autem cernendi ars in puerorum institutione, ut meminimus, quam proxime est cum arte numerandi conjuncta ⁽²⁾. Sic latent scilicet in dialogis illis Platonis, in ipsis adeo linguis praestantissimae hujus artis nostrae principia.

Natam hanc esse diximus e cernendi arte Platonis, ut posteri eam demum, tanquam artem quamdam disciplinamve peculiarem excoluerint. Quod ex hac ejus vi naturali, quā Plato significavit, intelligitur: modo recte ab analysi, quacum confundi a multis solet, distinguatur. Hunc enim

(1) Soph. 226. Cf. supra p. 121. (2) V. supra p. 53.

enim in modum a recentioribus philosophiae adhibita est, ut idem ea, quod analysi Plato, intellexisse videantur. Proprie vero sic est ab illa diversa, ut, cum utraque inquirendo, inveniendo, iudicando procedat, criticae in primis munus sit *iudicare*. Invenit analysis: quae inventa sunt ac memoriae prodita, critica diiudicat. Quapropter praecedat illa, haec subsequitur. Habet item utraque, quo potissimum referatur. Ipsi in rebus versatur analysis: et animum hominis et res humanas omnes ac divinas et totam rerum universitatem explorat, verumque in his cunctis assequi studet; critica vero ut iudicat, ut minus invenire, quod verum est, quam verum a falso distinguere studet; ita ad opiniones hominum, ad philosophorum placita, ad scripta, quae omni aevo in omni artium doctrinarumque genere prodierunt, ad haec igitur exploranda et diiudicanda refertur potissimum. Qua in re et *putare* illud Latinorum et *διακριτική*, quo usus Plato est, proprie obtinet; nam discernendo similia a similibus, probabilia a certis, falsa ac corrupta a veris et sanis purgavit fere critica orbem eruditum, et suo sibi jure in artibus et disciplinis majoribus insignem illustremque locum vindicavit. E qua criticae a dialectica Platonica diversitate ad intelligendum facile est, quemadmodum ex inveniendi illa methodo critica sit nata, tum etiam, quid causae sit, ut ab Aristotele haec magis, quam

M

ab

ab ipso Platone culta sit, fueritque et criticae et eclecticae philosophiae Ptolemaeorum demum aetas, iudicandi illa magis, quam inveniendi facultate insignis, apta et accommodata. Sed de ipsa hic agimus cernendi arte Platonis. Ut peperit haec criticam, utque matrem refert pulcherrima proles, ita nobis haec veluti imago quaedam est, in qua analyseos Platonicae vim divinam agnoscamus. Nam quod Plato de dialectica dixit, non ab hypothesebus eam ordiri, sed cernendo escendere ad illud, quod ἀνυποθέτῳ est, hanc methodi sublimitatem inprimis nobis critica percipiendam praebet. Critica, si qua alia ars aut disciplina, tota est ab hypothesebus substruendis construendisque in his systematibus aliena: cernit perpetuo jungitque; quae autem junxit cernendo, ἀναβαλλοῖ haec ipsi sunt, ut ait Diotime, quibus ad veritatem puram intaminatamque assequendam escendat. Artium omnium abusus est et maximus sane fuit syllogisticae Aristoteleae, unde contemptum haec suscepit; sed, uti Platonicae analyseos, ita criticae hujus nostrae, qua nos gloriamur merito, tam praeclarus fere usus fuit, tamque efficax ad dispellendas in studio veritatis nebulas omnes, ut neutram quis unquam vituperare aut spernere sustinuerit. Quo magis operanda philosophis est, ut eam et recte usurpent et nulli non doctrinarum generi adhibeant constanter. Id autem ita optime instituent, ut diligenter

gentissime et scripta Platonis legerint et verissimae inde dialecticae, e qua nata critica est, cum rationem tum usum assecuti fuerint.

*De dialecticâ eloquentiae
adhibendâ; sive de Rhetoricâ
Platonis.*

Tales igitur disciplinae sunt, quibus acuendas juvenum mentes excolendasque judicavit Plato, si quidem gravioribus essent aliquando in re publicâ muneribus functuri. Adjecit his nonnulla nobisque recte percipienda de earum *συνήθει*, ut, quae sparsim juvenes a tenerâ inde aetate didicerunt, haec in unum colligant tandem, quo magis et mutuam disciplinarum cognationem conspiciant et perspiciant ita simul τοῦ ὅρους naturam: quâ perfectâ eruditis institutione, mundus illis *φανερός* sponte recluditur. Sed nondum nobis dimittenda dialectica videtur. De Eloquentia diximus in superioribus, ubi de veri amore agebamus, patuitque nobis, si hoc principio, hoc amore ars gravissima quasi animatur et foecundatur, nullam esse hominum generi utilem magis et salutarem. Est autem proxime haec ars cum dialectica conjuncta, imo vero tum demum dici haberi que *ars* potest, quum adhibita ipsi apte dialectica fuerit. Idem de scribendi ratione optimâ, quam item exploravimus suo loco, dicendum videtur: nisi accesserit dialectica, ars dicen-

di nulla est. Quamobrem, priusquam ad disciplinarum omnium *εἰσαγωγή* et mundum *νοῦτον* pervenimus, de recte cum eloquentiae tum scribendi studio dialecticā adhibendā, agendum est. Praemittamus autem nonnihil de rhetorica recte ab eloquentia discernenda.

Non ita utramque Graeci, ut Latini solebant, *nomine* distinxerunt. Nam idem de eloquentia, quod de rhetorica vocabulum usurpabant, utramque *ῥητορικὴν* appellantes. *Re* tamen distinxit Plato, ut superior nos docuit disquisitio nostra. Nam ut musicam et poësin novam, ita novam ille, ut vidimus, *eloquentiam* inducere studuit, quae non, ut sophistis placebat ac rhetoribus, vel gratificaretur civibus, vel ipsius spectaret oratoris sive gloriam sive emolumentum, sed tota esset ad veri, ad boni, ad iusti causam vindicandam accommodata. Naturalis haec est dicendi ratio, non vero rhetorica est, quae *artem* continet dicendi. Huic autem idem germanae eloquentiae, quae ipsam spirat philosophiam, quamque referunt, ut item vidimus, optimorum oratorum, maximeque Demosthenis scripta, *novam* quandam adhibuit *rhetoricam*. Ut autem eloquentia illa Platonis *veri amore*, ita haec ejus rhetorica *cernendae arte* insignis est: fluxit ferme tota e dialecticae, quam in lucem prodiderat, principiis.

Nam arete profecto est cum dialecticā ars dicendi conjuncta. Haec adeo utriusque necessitudo est, ut dialectica, nisi dicendo se explicet, je-

jejuna sit et horrida; dicendi ars autem, nisi dialecticam ducem habeat, inutilis sit, firmo certe gradu non possit procedere. Exemplum nobis incertae hujusmodi atque erraticae rhetoricae, in Phaetro, ut modo monuimus, Plato dedit: Lysiae dico orationem illam, quae nullam habet definitiendi, partiendi, distribuendi, nullam omnino dialecticae ratione, temere nulloque ordine procederet. Sed erant ejus aetate alii, rhetores proprie dicendi, qui artes dicendi traderent, nec tamen magis, quam Lysias similesque oratores eloquentiae adhiberent dialecticam. Festivus de iis Socratis est cum Phaetro sermo, eoque opportunius nobis totus legetur, quo dilucidius inde nobis apparebit Platonicae rhetoricae praestantia. Nam postquam, dialecticam laudatam, λόγων τέχνην memoraverat Socrates, haecine, rogat, illa est, quam Thrasymachus aliique usi, et ipsi disertifaciti sunt et alios faciunt quicumque ipsis, ut regibus, munera tribuere volunt? Cui Phaetru, regii quidem illi viri, reponit, non tamen eorum periti, quae requiris: hanc autem speciem recte mihi nomine appellare videris, *dialecticam* appellans: rhetorica vero nos fugit adhuc. — Quid ais? Praeclarum sane sit, quod ab arte dialectica sejunctum, tamen arte quadam addisci queat; veruntamen non spernendum hoc tibi mihique est: dicendum igitur, quid reliqua sit rhetoricae pars praeter dialecticam. — Permulta, o Socrates, in libris de arte dicendi scriptis tradita existant. —

ἀρχῇ. — Recte mones: *πρῶτον*, opinor, primum esse in principio orationis dicendum: haec memoras artis scilicet ornamenta: nonne? (1) — Omnino. — Tum *ἀνέγκειν* quandam ac testimonio, quae ei adjunguntur: tertium *τεκμήριον*: quartum *εἰκόνα*: tum *πίστωσιν*, credo, et *ἐπιπίστωσιν*, quas memorat orationum faber ille praecclarus, vir Byzantius. — Egregium scilicet Theodorum dicis? — Dico: et *ἐλεγχον* praeterea atque *ἐπεξελεγχον*: quo pacto hi in accusando et defendendo usurpandi sint. Praeclarissimum autem virum, Evenum Parium, nonne in medium producemus, qui primus *ὑποδήλωσεν* et *παρεπαίνους* invenit? Sunt qui eum dicant *παρὰπλόους* metro pronunciasse, memoriae caussa: sapiens scilicet vir est, Tisiam item Gorgiamque dormire sinemus, qui veris viderunt verosimilia praeferenda esse et vi orationis efficiunt, ut parva videantur magna, magna autem parva, de rebus item novis antiqua, de antiquis nova ratione dicunt, (2) inveneruntque de argumentis omnibus et brevilloquentiam et infinitam prolixitatem. Haec cum Prodicus aliquando ex me audiret, risit, seque solum invenisse asseruit, quibus verbis ars illa indigeat, indi-

(1) Verti, ut legendum censeo. Rectius, quam vulgo legitur, distinxit Heindorfius: *ἐν ἀρχῇ, ταῦτα λέγεις; ἢ γὰρ; τὰ κομψὰ τῆς τέχνης*; Puto autem Platonem *ἢ γὰρ*; non interponuisse sententiae, sed, ut solet, adjecisse. (2) V. Wyttenb. Bibl. crit. III. P. 1. p. 38. Cf. Heind. ad h. l.

digere autem nec multis nec paucis, sed modicis. — Sapientissime tu quidem, o Prodice! — Hippiam autem nonne commemoremus? illi enim hunc puto Eleum hospitem assentiri. — Quidni? — Poli vero *μουσεῖα λόγων*,⁽¹⁾ quomodo significabimus, qui *διπλασιολογίαν, γνωμολογίαν, εἰκονολογίαν*, nominumque venustates, quibus praeceptor ipsum Licymnion donavit, in usum suum adhibuit? — Protagorae vero nonne hujusmodi quaedam exstant artificia? — *Ὁρθόεπεια* nempe quaedam, o puer, et alia praeclara multa. Orationum autem flebilium in senectutem et paupertatem protractarum arte, omnes vicisse mihi Chalcædonius orator⁽²⁾ videtur: in concitandâ item ad iram multitudine praestitit, ac rursus in iratâ incantando, ut vocabat, deliniendâ: in calumniando praeterea et solvendis, quocunque id modo fieri posset, calumniis excelluit. De fine autem orationibus imponendo idem placuisse communiter omnibus videtur: quem *ἐπ' ἀνόδον* quidam, alii alio nomine, appellant. — Summatim dicis singula audientibus, quae dicta sunt, sub finem in memoriam revocare. — Et haec dico et si quid aliud his addendum de dicendi arte habes. — Exigua habeo nec memoratu digna.⁽³⁾

Sic

(1) Sic librum inscripisse Polus videtur. V. Intpp. ad h. l. Cornarii conjecturam pro *πρὸς ποιήσιν* legentῆς *προσποιήσιν* vertendo expressi. V. Ast. ad Phaedr. p. 368.

(2) *Thrasymachus*. V. Heind. ad h. l. (3) Phaedr. 266.

C.

Sic artes illas rhetorum et sophistarum ironice exagitat Socrates: nec tamen idem, ut sunt hodie qui existiment, una cum artibus istis ipsam rejiciendam rhetoricam existimavit. Multa eorum in oratione cum attendenda duxit tum ad dicendum adhibenda; verum his contineri ipsam rhetoricam negavit: quod more deinceps suo, id est, facete et ironice persequitur. Mittamus, ait Socrates exigua; haec vero potius in lucem producamus, ut quam et quando artis vim habeant, videamus. — Et maximam quidem, o Socrates, in hominum coetibus vim potentiamque habent. — Habent sane; sed tu item sodes, vide num tibi horum textura, quemadmodum mihi, rara dissutaque videatur. — Ostende modo. — Dic, age: si quis amicum tuum Eryximachum vel ejus patrem Acumenum adiens: dicat: *Ego hujusmodi quaedam scio corpori admoveo, quibus caleseat pro arbitrio meo vel frigeat, vomat etiam, si placet, vel deorsum abigat atque alia similia multa: haec autem tenens et medicum me esse contendendo et alium efficere medicum, cui quidem harum rerum scientiam tradidero: quid illos responsuros existimas?* — Quidnam aliud, quam percunctaturos, numquid sciat insuper, quibus ea sin-

C. — 567. E. De Rhetoribus his et Sophistis eorumque artibus V. Intpp. ad h. l.; in primis vero docta Geelii de Sophistis disquisitio in *novis actis societatis Trajectinae*, Vol. I.

singula adhibere et quando et quousque oporteat? — Ergo si dicat, nullo modo se illud scire, sed oportere, eum, qui ab ipso didicerit, talia quaedam facere posse, quid respondebunt? ⁽¹⁾ — Respondebunt, opinor: *insanit homo: et libra nescio quo edoctus, vel, ut in medicamenta incidit quaedam, ita medicum se factum putat, artis prorsus imperitus.* — Quid vero? Si ad Sophoclem quis aut Euripidem accedens, scire se dicat de parvâ re prolixam orationem habere et contra de magnâ brevissimam, et quoties velit dicendo misericordiam movere et contra perterrefacere et minari, et quae alia hujuscemodi sunt: seque his docendis putet tragicam poësin tradere? — Et hi, o Socrates, opinor, riderent, si quis aliud esse tragoediam existimaret, quam horum compositionem et partibus invicem et toti convenientem. — Non tamen rustice, credo, increparent, sed, uti musicus in virum incidens, qui se esse harmonicum propterea existimaret, quod chordas posset acutissimas et gravissimas efficere, non rudius diceret, *insanis, miser;*
sed,

(1) Corruptum locum, ut partim Heindorfio placuit, sic totum restituendum puto: *ἂν ἐρωτᾷς τί εἴποιεν ἄν; Φ. Εἴποιεν ἄν, οἴμαι, ὅτι.* — Quae plane Platonica esse videtur in hujusmodi commemorando aliorum sermone ratio. Ποισὶν in illis αὐτὸν εἶναι εἶναι ποισὶν non sollicitandam existimo. Qui respondet rudior est, quam qui id, quod quaeritur, accurata perspicit. Itaque *insanire* dicitur.

sed, quippe musicus, lenius: *optime vir, necesse quidem est, ut qui futurus sit musicus haec sciat; verum quamvis haec tui instar sciat, nil tamen prohibes, quin prorsus sit musicae imperitus*: τὰ γὰρ πρὸ ἁρμονίας ἀναγκαῖα μαθήματα ἐπίσσεσαι, ἀλλ' οὐ τὰ ἁρμονικὰ: nam quae ante musicam necessario discenda sunt, tenes; musicam non tenes. — Rectissime. — Ergo et Sophocles illum, qui tragicum se praedicaverat, quae praecedunt *artem tragicam*, tenere diceret, non *artem tragicam*, et Acumenus, qui se medicum tulerat, hunc item quae *praecedunt artem medicam* tenere, non ipsam *artem*, diceret. — Ita prorsus. — Quid vero? Mellifluum existimemus Adrastum ⁽¹⁾ vel etiam Periclem, si audirent quae nunc ipsi referebamus pulcherrima verborum artificia, βραχυλογίας, εἰκονολογίας et quaecunque diximus in lucem proferenda esse et sic considerata, illos igitur putemus, his auditis, quemadmodum nos, prae rusticitate asperrime istis succensuros, qui haec, tanquam ipsam dicendi artem, scripserint docuerintque? An vero, quippe nobis sapientiores, nos increpatorios, dicentes: *o Phaedre et Socrates, non succensendum est, sed ignoscendum, si qui disserendi facultate destituti, definire, quid rhetorica sit, non potuerint: hi propterea, cum*

ea,

(1) Antiphontem Rhamnusium significat, ut recte vidit Astius. V. de eo Ruhnck. Opusc. Vol. I. p. 142.

quae, quae, ante artem discenda sunt, tenerent, rhetoricam se invenisse opinati sunt; docentes autem haecce, perfectum in modum a se tradi dicendi artem existimarunt; cacterum disponere ad persuasionem singula illa, totamque orationem contexere, quasi in his praeceptorum opus non sit, id oportere censerunt discipulos suos propria industria comparare ⁽¹⁾.

Sed Plato ut non rejecit tamquam inutilia, quae ad recte informandam orationem praecipuntur, ita rhetoricam his artibus longe superiorem, imo vero jungendam cum *philosophia* duxit. Nam, postquam sic fecit Socratem de sophistis et rhetoribus dicentem, Phaedrus apud eum deinceps, talis sane, o Socrates, ait, ars illa videtur esse, quam hi quidem viri ut rhetoricam docendo scribendoque tractant, mihiq̄ue videris vera dixisse; verum ejus, qui reapse et dicendi et persuadendi facultatem tenet, artem, quo tandem quis modo et unde sibi comparet? Hic Socrates: τὸ μὲν δύνασθαι, ὦ Φαῖδρε, ὥςτε ἀγωνιστὴν τέλειον γενέσθαι, εἰκὸς, ἴσως δὲ καὶ ἀναγκαῖον, ἔχειν ὥςπερ τᾶλλα· εἰ μὲν σοι ὑπάρχει φύσει ρητορικῶ εἶναι, ἔσθι ρήτωρ ἐλλάγιμος, προσλαβὼν ἐπιστήμην τε καὶ μελέτην· οὗτου δ' ἂν ἐλλίπης τούτων, ταύτη ἀτελής ἔσθι. *Ut quis possit, o Phaedro, in hoc dicendi certamine praestare ac perfectum se decertatorem probare, verisimile est et fortassis etiam necessarium, sic,*

υδ

(1) Phaedr. 267. E. — 269. C.

ut in cacteris, rem se habere: si a natura nactus fueris dicendi facultatem, excellens eris orator, scientiam modo et exercitationem adhibueris; si quid horum tibi defuerit, hac in parte mancus eris. ⁽¹⁾ Quibus sane paucissimis verbis, quemadmodum informetur verus omnique numero absolutus orator, aptissime significat. Sed artem deinceps ipsam traditurus, non ea, ait, procedendum via est, quam Gorgias ⁽²⁾ et Thrasymachus sunt secuti; verum illam ingredi ac tenere decet, qua oratorum princeps Pericles ad hunc in arte principatum pervenit. In quibus porro persequendis Anaxagorae memorat philosophiam, qua imbutus Pericles atque ad sublimia omnia mente et cogitatione evectus, illam prodidit eloquentiam, quam supra nos ex iisdem his locis adumbravimus. ⁽³⁾ Addit vero, quod ad ipsam dicendi artem, ad rhetoricam attinet: ἐν τεῦθεν, ait, εἰλκυσεν ἐπὶ τὴν τῶν λόγων τέχνην τὸ πρόσφορον αὐτῇ ἵταξις inde ad dicendi artem quod ipsi videbatur conducere. ⁽⁴⁾ Unde philosophiae patet in eloquentiam non tantum, sed etiam in rhetoricam vis: intelligitur autem simul, quæ dia-

lecta-

(1) Phaedr. 269. C. D. Perelegans de hac sententia Platonis Wytttenbachii, τοῦ πλατωνικωτάτου, disputatio est in *Ep. ad Boschium* Bibl. Cr. Vol. III. P. III. p. XLII. (2) Vulgo *Eysias* legitur; sed *Gorgias* exstat in Ficini versione, quod praestat. V. Heind. ad. h. l. (3) Vol. II. P. I. p. 79. (4) Phaedr. 270. A.

lecticae sit Platonicae, sive cernendi jungendique artis cum *rhetorica* conjunctio. Rem enim deinceps e medicae artis comparatione explicat. In utraque, ait, discernere naturam oportet, *corporis* in arte medica, in dicendi autem arte *animi*, si quidem non usu et experientia, sed arte velis, illi, medicamentis atque alimentis praebendis sanitatem et robur afferre; huic autem, sermonibus ac praeceptis adhibendis, quamcunque lubet et persuasionem et virtutem tradere. — Ita quidem par est, o Socrates. — Animi autem naturam putas, non exploratam universi naturam, cognosci posse sufficienter? — Si Hippocrati habenda fides est, ne corporis quidem natura, nisi hoc disquirendi modo, cognosci potest. ⁽¹⁾ — Praeclare profecto ille, o amice, dicit; decet autem, praeter Hippocratem, rationem considerare, num consentiat illi. — Decet. — Quod igitur naturam at-

(1) Ducit haec Galenus ex Hippocratis *de hominis opere* T. V. p. 2. et 16. Sed ut recte animadvertit Heind. ad h. l., ad hujus quidem praecepti normam compositus est liber, de universi autem naturam non multa continet. Ducendam equidem Platonis sententiam magis arbitror ex aureo Hippocratis *de aëre, aquis et locis* libro, qui ipso titulo Platonice sententiam refert, animadversionibus autem de rerum natura mirifice omni aetate medicis profuit. Caeterum de methodo Hippocratis, Socraticae et Platonicae simillima, brevis est, sed docta accurataque disquisitio eruditissimi medici C. Pruis Van der Hoeven. Praef. *Chrestom. Hippocr.* Hagae Com. 1824.

attinet rerum, vide, quid et Hippocrates dicat et vera ratio. Nonne sic de naturâ enjuscunque rei cogitandum quaerendumque est, primum, utrum simplex sit an varium illud, cujus artem et ipsi velimus tenere et aliis tradere: deinde, si simplex est, quae vis ejus sit, quam ad quid agendum, quam item ad patiendum a quo habeat; sin vero plures habeat species, has numerare oportebit, quodque in una videmus, id in singulis considerare, quid faciat ac patiatur. — Videtur, o Socrates. — Hac scilicet destituta cernendi numerandique ratione methodus coeci sit itineri similis; coeco autem aut surdo non is assimulandus est, qui arte quid tractat, sed patet, si quis alicui arti sermones adhibebit, naturae hunc diligenter τῇ φύσει demonstraturum esse illius, cui adhibiturus sermones est: est autem illud mens hominis. — Quidni? — In illud igitur studium omne et contentionem convertet: in illo enim persuasionem efficere nititur, nonne? — Omnino. — Constat igitur, Thrasymachum et quicumque datâ operâ artem rhetoricam tradit, primum omni diligentia effecturum, ut videat mens, utrum ipsa unum quid sibi que simile, an corporis ratione varium sit: id enim esse diximus, naturam demonstrare. — Omnino. — Deinde inquisiturum esse, quid facere alicui, quidque ab aliquo pati possit. — Quidni? — Tertium erit, ut discretis dispositisque omnibus cum sermonum tum ingeniorum generibus horumque affectibus,

OM-

omnibusque exploratis causis, singula singulis adaptet, doceatque, qualis animus qualibus sermonibus quas ob causas necessario hic sibi persuaderi sinat, ille non sinat. — Sic profecto se res, ut videtur, optime habeat. — Non igitur, o amice, quod alio modo demonstratum dictumve est, arte scriptum dictumve erit; sed qui nunc scribunt *τέχνας λόγων*, de quibus tu audivisti, callide praecclamam, quam tenent, mentis cognitionem occultant. Priusquam igitur et scripserint hunc in modum et dixerint, fidem iis ne habeamus, arte se scribere profitentibus. — Quem tu modum dicis? — Ipsa quidem verba dicere, non facile est; sed quemadmodum scribere deceat, ut artem quid referat, quoad ejus fieri potest, dicere volo. — Dic igitur. — Quum flexanima, *ψυχαγωγία* quaedam, vis dicendi sit, illum, qui dicendi habiturus facultatem est, novisse oportet, quot species animus habeat: sunt igitur illae tot et tales, unde alii aliter se habent. His autem sic distinctis, sermones item, quot habeant species et quales singulae sint, discernendum. Tales igitur talibus sermonibus hanc ob causam ad talia excitantur: tales propterea excitari se non patiuntur. Oportet autem si quis, recte his animadversis, deinceps ea in factis inque vitae usu spectat, acute haec posse persequi: alioqui nihil magnopere praeter illa, quae quondam a praeceptore didicisti, cognoscet. Quodsi dicere recte potest, qualis qualibus sermonibus moveatur, praesentemque ho-

hominem acute persentit eo ingenio praeditum esse, de quo antea fuerit disputatum, et sic eum esse talibus sermonibus ad talia compellandum: is ita instructus, cum ad superiora adjunxerit haec, ut loquendi tacendique, et *βραχυλογίας*, *ἐλεεινολογίας*, *δεινώσεως*, singularumque specierum orationis et opportunitatem et importunitatem discernat recteque cognoscat; is, inquam, tum demum bene perfecteque *artem* tenebit, antea non tenebit: et quicumque horum quocunque sive dicendo; sive docendo sive scribendo catuerit, dixerit vero se *arte* dicere, qui non ei fidem habet, vincet. ⁽¹⁾

Haec alia sane rhetorica est, atque illa fuit, quae in scholis tradita recentiore aetate est. Continebat ea fere, quae tropos, figuras, orationis periodos, similia spectarent, quaeque non ignorare oratorem decet, τὰ πρὸ τὰ ῥητορικὰ, ut a Platone vocantur; ipsam rhetoricam, quae proxime est cum philosophia conjuncta, non continebat, ut referret plane veterum istorum rhetorum et sophistarum artes. Platoniam vero doctrinam omni aevo retulerunt optimorum philosophorum, qui de hac arte egerunt, scripta. Nam ut dialectica Platonis, ita haec ejusdem rhetorica, viam et Aristoteli et vero Ciceroni stravit, ut tantâ aliquando cum diligentia, elegantia, copia de gravissima arte dissererent. Disputationis

264

(1) Phaedr. 270. B. — 272. B.

accuratae, quaeque definiendo distribuendo, ordine omnino procederet, exemplum utrique Plato, ut ante observavimus, in Phaedro dedit, ubi suam Socrates in amorem orationem Lysiae sermoni opponit. Sed ipsius Platonicae rhetoricae, in Aristotelis de hac arte opere, descriptio et quasi expressa imago exstat. Quod sponte vident, qui Platonice hanc de disserendi diligentia disputationem cum iis comparant, quae ex dicto Aristotelis libro supra adduximus. Pariter hic cernendo distinguendoque procedit: pariter attendendos oratori audientium animos praecipit et qua sint illi aetate, quo ingenio, quibus moribus, quibus studiis: ubi locus exstat praeclarus de variis auditorum aetatibus, de pueritia, de adolescentia, de senectute ⁽¹⁾, quem expressit in *Epistola ad Pisones* Horatius, ubi is idem poëtis praecipit. ⁽²⁾ Viam praeiverat omnibus Plato, quum caput esse artis dixisset animi humani cognitionem. Quod autem in ipso oratore requirit Plato, ut $\phi\acute{o}\sigma\epsilon\iota$ sit $\beta\eta\tau\epsilon\rho\iota\kappa\acute{o}\varsigma$, indolique adjungat cum $\epsilon\pi\iota\sigma\eta\mu\acute{\eta}\nu$. i. e. ut ipse interpretatur, *philosophiam*, tum $\mu\epsilon\lambda\epsilon\tau\eta\nu$, *exercitationem*: hoc ipsum illud est, quod in omnibus de eloquentia scriptis Cicero summo studio parique diligentia exponit: quoque ipse et explorando et exponendo illuc processit, ut perfecti omnibusque numeris absoluti oratoris exemplum adumbraret. Loci omnino Platonici, quem modo legimus, qui-

(1) *Arist. Rhet. II. 12.* (2) *Vs. 158.*

quique breviloquentiae causae nonnihil habet obscuritatis, si commentarium quaerimus, laudato illo Aristotelis opere haud facile diligentiores reperimus; quodsi pleniores etiam requirimus, quo et ornandi diligentia et vis persuadendi et vero flexanimae orationis virtus Platonici ratione, sed fuscus, sed discretus, sed ipsa eloquentiae vi et ope exprimitur, Ciceronis *de Oratore* dialogis nullis ullo aeo existit perfectior. Sententias ex illis apponere, quae Platoniam artem referunt, supervacaneum sit; cum totum opus et referat illam et explicet; sed unam hanc non possum non commemorare, quae medici item et oratoris, ut apud Platonem est, comparationem continet. *Valde igitur multum ad vincendum probari mores, instituta et facta et vitam eorum, qui agent causas, et eorum, pro quibus: et item improbari adversariorum: animasque eorum, apud quos agitur, conciliari. quam maxime ad benevolentiam cum erga oratorem, tum erga illum, pro quo dicet orator.* ⁽¹⁾ — *fluia autem est illa dispar adjuncta ratio orationis, quae alio quodam genere mentes iudicum permovet impellitque, ut aut oderint aut diligant aut invidiant aut saluum velint aut moriantur aut sperent aut cupiant aut abhorreant aut laetentur aut moereant aut misereantur aut punire velint aut ad eos motus adducantur, si qui summissimi sunt et propinqui his ac salubus animi per-*

tur-

(1) *De Orat.* II. c. 45.

*turbationibus. Atque illud optandum est oratori, ut aliquam permotionem animorum sua sponte ipsi afferant ad causam iudices, ad id, quod utilitas oratoris feret, accommodatam. Facilius est enim currentem, ut ajunt, excitare, quam commovere languentem. Sin id aut non erit, aut erit obscurius, sicut medico diligenti, priusquam conetur aegra adhibere medicinam, non solum morbos, ejus, cui mederi vult, sed etiam consuetudo valentis et natura corporis cognoscenda est: sic equidem, cum aggredior ancipitem causam et gravem ad animos iudicum pertractandos, omni mente in ea cogitatione curaue versor, ut odorcer, quam sagacissima possim, quid sentiant, quid existiment, quid expectent, quid velint, quo deduci oratione facillime posse videantur. Si se dant, et, ut ante dixi, sua sponte, quo impellimus inclinant atque propendunt, accipio quod datur, et ad id, unde aliqua spes ostenditur, vela do. — Sin est integer quietusque iudex, plus est operis: sunt enim omnia dicendo excitanda, nihil adiuvante natura. Sed tantam vim habet illa, quae recte a bono poeta dicta est *flexanima* atque omnium regina rerum, oratio, ut non modo inclinantem impellere aut stantem inclinare, sed etiam adversantem et repugnantem, ut imperator bonus ac fortis, capere possit. (1). Sic referunt plane artem Platonis philosophorum et oratorum, qui de eloquentia egerunt, scripta pal-*

ma-

(1) De Orat. II. c. 44.

maria: quamquam, quod *eloquentiae* apud Platonem proprium est, ut *veri* unice *justique* amorem aspiret, uti ex ipso hoc Ciceronis loco patet, minus, quam Plato praeceperat, in praeceptis ipsi suis curarunt.

*De topica Aristotelis:
e Platonis ducenda dialectica
videtur.*

Nec vero praetermittendus nobis in hisce locus de *inventione* est, quo Aristotelis ac Ciceronis topica referuntur: hic, si quis alius in utriusque Rhetoricā, e Platonis dialectica et repetendus et explicandus videtur. Nam quod Platonicae methodi proprium fuerat, ut ad inveniendum valeret maxime, quo quis *εὐπερίστροφος* ejus studio fieret, id negligi postea a dialecticis coepit, quippe qui disciplinam hanc ad probandum inprimis et demonstrandum adhiberent. Veruntamen non ipsa ita simul neglecta a Graecis ars inveniendi fuit. E dialectica, quae eam haud diutius capiebat, in cognatam disciplinam, in rhetoricam migravit, ubi ad Ciceronis certe tempora sedem tenuit. Commutationem ita permagnam sane ars pulcerrima subiit. Ut enim a Platone ad res cognoscendas, de quibus ageretur, adhibita fuerat, ita nunc a Peripateticis, primumque ab ipso Aristotele eo destinata est, ut ad probandum demonstrandumque, omninoque ad persuadendum argumenta et argu-

men-

mentorū formas et rationes, quas *τοπικὰς, locos*, vocarunt, exquirērent. Veruntamen haec ipsa Rhetorū, qualiscunq̃ tandem illa, *invenitio*, quamdiu in arte dicendi obtinuit: nam et hinc tandem exclusa est, ut, quid *Topicae* sit, ignorent hodie multi: tamdiu et Platonicae dialecticae, e qua nata est, ubertatem retulit, et persuadendi artī, ut ipsi antea philosophiae, lumen admovit. Quod sane tenendum nobis videtur, ut de eadem hac Platonis dialecticā, quam late patuerit, judicemus recte, tum vero etiam, ut quis inde etiam nunc ad recte philosophandum fructus capiendus sit, perspiciamus. Recentiore aetate philosophi de mentis facultatibus acute copioseque disseruerunt; sed de *facultate inveniendi*, de quaestionibus, *quid sit invenire, quemadmodum inveniatur, quis usus dialecticae ad inveniendum sit*, de his igitur nondum, pro rei gravitate quaesivisse videntur. Quod mirum profecto accidat nobis necesse est, si veterum studia rhetoricorum respicimus. Nam quod hi de Topica affirmabant, hanc esse proprie inveniendi artem, ⁽¹⁾ id majore etiam jure affirmari de Platonis dialecticā et philosophiā videtur. Nam pars est topica, sive effectus potius, dialecticae illius, quae cernendo jungendoque procedit. Ut autem inventrix haec est rerum omnium, ipsarumque fuit artium maximarum, ut ante docuimus, ita ejusdem est *τότους* illos ad recte persuadendum invēni-

(1) *Inveniendi ars, quae Topica dicitur. Cic. Top. 6.*

nire: quodque idem addébant rhetorici, prima tractari loco in sua disciplina topicam debere, utpote artium in hac disciplina omnium praecipuam, (1) id quis negaverit dialecticis pariter et philosophis praescribendum esse? Omni enim et syllogisticae et probandi demonstrandique arti analysis praecedit, uti vidimus, inventorum quippe parens, quae quis probare aliisque persuadere velit. Itaque recte fecerunt, qui apud recentiores extiterunt dicendi magistri optimi, quom juven-tuti ad recte tractandam eloquentiam, Veterum illam commendarent sive topicam sive inveniendi artem: in quibus cum alii tum Paulus Manu-tius (2) atque Ernestus, (3) fontes esse inventionis uberrimos demonstrarunt Isocratis, Demosthenis imprimisque Ciceronis scripta. Philosophi vero quidni, ad philosophiae provehenda studia, idem instituant? Quidni et aliis indagandos commendent et ipsi indagent investigentque philosophandi, ut ita dicam, locos in scriptis veterum philosophorum obvios? Sed eorundem philosophorum majus etiam est graviusque munus. Latet in dialectica veterum maximeque Platonis, ut cognovimus, ipsa ars inveniendi: hanc autem non tantum inde in lucem protrahere, sed adhibere eandem cum juvenum

(1) Cic. *de Invent.* I. 7. ubi primum *inventio* memoratur. (2) Manut. ad Cic. Ep. ad Quint. fr. III. 1. p. 103. (3) Ern. Dod. ad Stiglis. p. LXXI et LXXXI. qui haec ipsam citat Manutij locum.

num ingenilis acuendis atque erudiendis, tum artibus omnibus et doctrinis majoribus et colendis et inventis locupletandis — id scilicet philosophorum est: *philosophorum*, inquam, quorum omnis versatur in veritate inveniendâ et homine ad sapientiam educendâ ars ac disciplina. Et sic quidem e dialecticâ Platonis et antiquitus profecit rhetorica, et etiamnum proficere philosophia potest: eloquentia autem si conjuncta cum philosophiâ vere ab antiquis *copiose loquens sapientia* dicta est, quâ tandem illa ratione aptius magisque ad generis humani salutem tractari, quam sic ipsi et dialecticâ et arte inveniendi applicandâ, potest?

*De arte scribendi. Quid
cogitare est? quid dicere? quid
scribere?*

Hujusmodi igitur dialecticae est apud Platonem cum rhetorica necessitudo: unde ipsius eloquentiae, de qua datâ operâ supra egimus, vis et ratio plenius etiam percipitur. Sed diximus in superioribus item de *scribendi* ratione optimâ, quae maxime prodesset hominibus, itemque de *Platonis dialogi naturâ*, ut accommodati prorsus ad hoc summum scribendi propositum perficiendum. Haec autem in primis declarari e dialecticae Platonicae

prâ-

(x) Nihil aliud est eloquentia, quam *copiose loquens sapientia*. Cic. part. oral. c. 12.

principiis debent. Nam ut dialogorum fere, ita scriptorum Platonis, analytica ratio est. Referunt nativam illam, cujus mentionem jam fecimus, dialecticam, quæ homo in mediis rebus versatus, quæ videt, quæ audit, quæ sensibus omnino percipit, sibi ipse cernendo jungendoque explicat. Quam referunt pariter rationem cum dramata tragicorum et comicorum, tum epicorum carmina, imo vero Herodoti scriptorumque libri eorum, qui naturalem exponendi rationem secuti sunt maxime. Analyticam hanc scribendi rationem non de industria explicuit Plato; sed est ea dialecticæ ipsius consentanea, et vero, si, quod philosophis modo suasimus, investigare in ejus scriptis philosophandi quasi *locos* velimus, reperiemus facile sententiâs quasdam, e quibus et naturalem illam quam diximus, dialecticam et hanc analyticam scribendi rationem, qualis sit, efficiamus. Ut artem scribendi assequeremur Platonicam exquirendum hinc nobis proposuimus, quid cogitare sit, quid dicere, quid scribere: quæ nova forte quibusdam, certe a vulgari consuetudine abhorrens disquirendi ratio videatur: est autem antiqua, quippe usurpata a Platone, et, si qua alia, naturæ congruens; abhorret vero tota, ut omnes apud Platonem de dialectica et rhetorica disputationes, a scholasticorum hominum et studiis et consuetudine. Sed age, has igitur quaestiones, interpretem secuti Platonem nostrum, explicare conemur.

In

In *Sophistæ* philosophus idem esse, ait, cogitare et loqui, πλὴν ὁ μὲν ἐντὸς τῆς ψυχῆς πρὸς αὐτὴν διάλογος ἄνευ φωνῆς γιγνόμενος, τοῦτ' αὐτὸ ἡμῖν ἐκωνομάσθῃ διάνοια· — τὸ δὲ γ' ἀπ' ἐκείνης βεῦμα διὰ τοῦ στόματος ἰδὼν μετὰ φθόγγου, κέκληται λόγος· hoc *discrimine, quod animi secum ipso intus cum silentio colloquium, cogitatio: hujus autem peras cum sono prolabens effluviū, sermo est.* ⁽¹⁾ De descriptione autem paræ simplicitatis locum et huic convenientissimum e *Phædro* attulimus, quum id dialogi Platonici naturam ageremus. Id, quod scriptum est, appellat illic λόγου ζῶντος καὶ ἐμφύου εἰδῶλον, *viventis animatque sermonis simulacrum.* ⁽²⁾ Quæ sane sententiæ sic naturæ respondent, sic nativam referunt hominis in cogitando loquendoque rationem, ut doctæ non egeant interpretatione. Sed nobis item hominem Plato cogitantem dicentemque simul proponit, ducis maxime ex Homero exemplis, v. c. ubi Ulysssem ποδ-

(1) *Sophist.* 263. E. Verti ad sensum exprimendum: In Græcis etymologia significatur vocis διάνοια: ducitur a διάλογος ἄνευ, quo respicit illud τοῦτ' αὐτὸ ἐκωνομάσθῃ, διάνοια. Βεῦμα melius a βίω, quod et fluere et dicere notat, duxisset: unde *flumen orationis* et Gallofrancicum *flu-de bouche*, nostrum item *vloesijende stijl*. Expressit poetarum princeps in illis de Nestore:

Τοῦ καὶ ἀπὸ γλώσσης μέλιτος γλυκίαν βίην αὐδή.

Il. 4. v. 249. (2) *Phædr.* 276. A. Cf. supra Vol. II. P. I. p. 123 et 124.

poeta sic solitariam cogitando dicentem secumque colloquentem inducit :

Τέτλαθ' μοι κραδίη, καὶ κύντερον ἄλλο ποτ' ἰτλής. ⁽¹⁾

Similis est, ut novimus, puerorum ratio : cogitantes illi secum ipsi fere loquuntur, ut idem plane apud eos *cogitare* et *dicere* sit. Nec vero puerorum haec tantum aut hominum, qui a poetis finguntur, consuetudo est : ipse Xenophon, ut scripsi in *Anabasi*, cum, interfectis Graecorum ducebus, ad summas hi angustias reducti essent, pari ratione, reputando, secum ipse colloquebatur :

„ τί κατὰκειμαι ; ἡ δὲ νύξ προβαίνει· ἄμα δὲ τῇ ἡμέρᾳ εἰσὶ τοὺς πολεμίους ἥξειν· εἰ δὲ γενησόμεθα διὰ βασιλεῖ, τί ἐμποδὸν μὴ οὐχὶ πάντα μὲν τὰ χρηλεπύττωτα ἐπιδόντας, πάντα δὲ τὰ δεινύττωτα κινδυνεύοντας, ὑβρίζομένους ἀποθανεῖν ; ὅπως δὲ ἀμυνόμεθα· οὐδὲ παροσκευάζεται οὐδὲ ἐπιμαλεῖται, ἀλλὰ παύεισθα, ὥσπερ ἔξον ἡσυχίαν ἔχον. Ἐγὼ οὖν τὸν ἐκ πόλεως πόλεως φρατὸν προσδοκῶ ταῦτα πράξειν ; πόλεον δὲ ἡλικίαν ἐμαυτῷ ἐλθεῖν ἀναμένα ; οὐ γὰρ ἔγωγε εἴμι πρεσβύτερος ἔσομαι, ἐὰν τήμερον προδῶ ἐμαυτὸν τοῖς πολεμίῃς. ”

Quid jaceo hic ? Nox progreditur et quatinus primus illuxerit, consentaneum est, hostes advenientes. Quodsi Regis in potestatem venerimus, quid prohibet quominus gravissima quoque et adspiciamus et patiamur, contumeliisque affecti nocemus ?

Quo
II

(1), Hom. *Odyss.* XX. vs. 17. Cf. *Plato. de Rep.* VIII. 390. D.

Quo pacto nosmet ipsi tutari debeamus, ad id is nemo comparat neque res ulli curae est; sed hic ita juvenis, quasi nobis otiosis esse liceat. Ego vero: quoniam ex urbe ducem haec facturum exspecto, quoniam aetatem mihi ipse venturum apperiat. Nec enim maturioram ad aetatem perveniam, si hostibus hodie me dedidero." (1) Simile quid de eo narrat Servius Sulpicius, ad Ciceronem scribens de morte Tulliae: ex Asia rediens cum ab Aegina Megaram versus navigarem, coepi regiones circum circa prospicere. Post me erat Aegina: ante Megara: dextra Piraeus: sinistra Corinthus: quae oppida quondam tempore florentissima fuerant, nunc prostrata et durata ante oculos jacent. Coepi egomet mecum sic cogitare: hem! nos hominibus indignamur, si quis nostrum interit aut occisus est, quarum vita brevior esse debet, cum uno loco tot oppidum cadavera projecta jacent? Visme tu te, Servi, cohibere et meminisse, hominem te esse natum? (2) Non aliter Pythagorei quasi colloquendo secum cogitabant singulis vespers;

ἢ παραβῆν; τί δ' ἔρεξα; τί μοι δέου ὅκ' ἐτελέσθῃ; (3)

Hic igitur est Platonis in cogitando ὁ ἐντὸς τῆς ψυχῆς πρὸς αὐτὴν διάλογος ἀνευ φωνῆς γιγνόμενος, cujus effluvium ex ore cum sono sermo est. Et sic

(1) Xenoph. Anab. III. c. L § 10. (2) Cic. Ep. ad Fam. IV. Ep. 5. (3) Pyth. χρ. ἔπη. γ. 42.

sic quidem nos sponte nativam trium artium maximarum, cogitandi, dicendi ac scribendi rationem assequimur: quae si philosophi ac rhetores attendissent paullo diligentius, simplicius sane rectiusque de harum artium principiis studiisque egissent. Quodsi haec maxime naturalis dialectica est, quæ tandem ratione sic *intus*, ut ille vocat, *no-
blis* *colloquentes* id assequimur quod verum est? Nam huc spectat omnis sive cogitandi sive nobiscum colloquendi ars. Fit illud, ut ex totâ hac nostrâ de Platonis dialectica disputatione patet, *cernendo jungendoque*. *Cernendo* videmus: unde, quod animadvertimus, *cernere* apud Latinos *videndi* habet significationem; *jungendis* autem, quæ discrevimus ante, cogitamus, invenimus, judicamus: quod item demonstrant linguae. Nam *cogitare* quid aliud est, quam coagitare, coagere, cogere i. e. *jungere? combinare* dicunt recentiores.⁽¹⁾ Cujus rei si item quis exemplum expetit, in promptu est. Et Xenophon et Servius Sulpicius, in hoc *intus* ipsorum colloquio, *cernendo* maximeque *jungendo* reputabant secum inveniebantque, hic, quid existimandum de rebus humanis,

(1) Exprimunt linguae plane dialecticam Platonis: nec minus nostrae, quam antiquae. *Διαίρεσις* v. c. nostris *oordeelen*, *urtheilen*, *судъ* cum aliis vocibus tum his *vatten*, *begrîppen*, *besluiten*, Francico in primis *combiner* significantur et declarantur. Foutes omnino veras philosophiae linguae sunt.

nis, ille, quid agendum pro Graecis esset. Uterque, ut apud Virgilium de Aenea dicitur:

— *animum nunc huc celerem nunc dividis
illuc* ⁽¹⁾,

sic hi, in partes animum varias rapiunt, perque omnia versant: Servius autem animadversis singulatim eum *oppositum* illis, quae vocat, *cadaveribus*, tum rebus humanis, ut junxit utraque: *visne tu te, Servius, cohibere?* — ait: et Xenophon disjunctim considerata ab altera parte Persarum perfidia, ab altera sua suorumque conditione, conjungit utramque, jungendoque, imo *cogitando*, quid sibi agendum sit, reperit; sed, quemadmodum distinguendo conjungendoque ad rerum cognitionem perveniat homo, dilucidius etiam e Xenophonte eodem in opere exercitus Persici adventantis descriptione patet. Enarrat rem Xenophon ita, ut ipsi apparuit, utque ipse et Graeci cernendo jungendoque efficerent, et esse, qui adventaret, exercitum Persicum: et qualis esset. Καὶ ἤδη τε ἦν μέσον ἡμέρας, καὶ οὐκ ᾤοντο καταφανεῖς ἦσαν οἱ πολέμιοι. Ἦνικα δὲ δειλὴ ἐγένετο, ἐφάνη κονιορτός, ὥς περ νεφέλῃ λευκῇ, χρόνῳ δὲ οὐ συχνῷ ὕπερον ὥς περ μελαυία τις ἐν τῷ πεδίῳ ἐπὶ πολὺ· ὅτε δὲ ἐγγύτερον ἐγγίγνοντο, τάχα δὴ καὶ χαλκός τις ἤσπραπτε καὶ αἱ λόγχαι καὶ αἱ τάξεις καταφανεῖς ἐγγίγνοντο· καὶ ἦσαν ἵππεῖς μὲν κ. τ. λ.

Ἰσm

(1) Virgil. Aen. IV. 286. VIII. 20.

*Jam merides erat necdum hostes apparebant. Verum postmeridiana tempore, ecce, pulvis quidam visus est sublatus tamquam nebula albicans et tempore non multa post, nigredo apparuit quaedam in campo: quum propius accessissent ex templo et aefulsit et hastae et ordines conspiciebantur: et equites quidam⁽¹⁾. — Quae descriptio una in paucis optime, quomodo per analyticam dialecticam cernendo jungendoque ad verum percipiendum pervenimus, ostendit. Nam cernebant primum Graeci a rebus omnibus quae apparebant, primum *pulverem sublatus*, qui nebulae albicantis instar erat, deinde *nigredinem* quandam in campo, tum vero de repente *fulgorem* armorum: tandem ordines, equites, caetera: quibus omnibus et singulis discretis et universis junctis, id, quod verum erat, adventare exercitum Persicum, assequebantur. Quod si rem ex Homero et Tragicis, qui mos est Platonis, illustrare velimus, Priamum apud illum senesque Trojanos⁽²⁾, et apud Euripidem in Phoenissis Antigona⁽³⁾ consideremus. Sedent in moenibus Trojae senes illi, conscendit Antigone cum paedagogo Thebarum speculam: unde in campum circum jacentem prospiciunt. Ubivis illic ipsis continuo viri, arma, currus, equi, tentoria, sed commixta, confusa, incerta apparent: *ἀσπάρτην* totus campus armorum splendore Antigoniae videtur.*

(1) Xenoph. Anab. L. I. c. 8. §. 5. (2) Homer. Iliad. 3. v. 160. seqq. (3) Eurip. Phoeniss. v. 105. seqq.

tur. Quodsi quaerimus, quemadmodum quae in-
certa apparuerunt iis specie continuo, cognosci
ab iisdem deinceps accurate coeperint; scilicet,
ut apud ipsos legere poetas est, discernendo eo
jungendoque pervenerunt. Quo magis a caeteris
istis rebus hominibusque universis nunc hunc ho-
moem discreverunt diligenter, nunc alium, con-
suleruntque quae videbant et invicem et cum iis;
quae fando vel experientia de iis cognoverant,
eo magis et cognoscendi amorem expleverunt, et
id quod spectabant, quale esset, assecuti sunt.
Nec dubitandum, quin, si nec illis senibus He-
lena nec Antigoniae paedagogus adfuisset, iisdem
tamen τῷ ἑνὶ τοῦτοῦ scilicet illo μετὰ σιγῆς διαλόγῳ,
res sibi istas, quas videbant, si non explicuis-
sent plane, explicare certe hac ratione studuis-
sent. Dos nempe admirabilis illa ingenii humani
est, quā per *διαίρεσις* et *συναγωγὰς* invenit: in-
ventas hac Plato dicit artes quasque maximas; sed
non alia est, qua omnes omnis generis conditionis-
que homines ad rerum qualiumcunque cognitionem
perveniant: perveniunt autem fere illuc, sic prouti
diximus, *inūs*, quod pueri solent, *cogitantes se-
cum et colloquentes*.

Huic igitur naturali hominis dialecticae *analyti-
ca* respondet, quam in dialogis Plato usurpavit,
scribendi ars: nec temere statuamus, quo magis
haec ars colloquium illud hominis, quo secum
res discernit jungitque, seu potius effluvium col-
loquii cum sono, quod *ῥητορικὴν* vocamus, imi-
tan-

tando exprimit, eo illam magis et naturae esse consentaneam et hominibus salutarem. Opportune autem nobis videmur Helenae apud Homerum et paedagogi in Phoenissis Euripideis mentionem fecisse. Nam quod illa Priamum, hic Antigonam juvat, ut quae sponte explicare sibimet ipsis debuerant, ipsorum ductu facilius perspiciant, id plane scriptoris munus est. Et vero sic ipsa Ilias, ipsae Phoenissae, sic nulla non cum epicorum tum tragicorum et comicorum carmina huic naturali respondent hominis dialecticae. In medias nos res rapiunt eorum auctores, juvantque nos in singulis cernendis et conjungendis universis: quod recte vidit Horatius artis epicae proprium esse:

*Nec gemino bellum Trojanum orditur ab ovo:
Semper ad eventum festinat: et in medias res,
Non secus ac notas, auditorem rapit (1).*

Et hinc quidem mira illa magnam partem repetenda voluptas animique oblectatio est, quâ et haec carmina a teneris et deinceps dialogos Platonis legimus. Nam ut unam Iliadem memoremus, in legendâ illâ primum, quae naturae ratio est, confusa nobis apparent omnia. Versamur in castris Graecorum: videmus audimusque dicentes principes exercitus duces, Agamemnonem, Achillem;

(1) Epist. ad Pis. vs. 147-150.

lēm, Nestorem: illos vehementer se invicem ob-
jurgantes: hunc, placidum senem, conciliare eos
studentem; sed, quinam sint illi singuli, unde
profecti, quid moliantur, quinam Trojani sint
quorum mentio fit identidem, quis Priatus, quis
Hector, ignoramus. Verum poeta, ut huc nos
quasi ad spectandum et veluti in speculam duxit,
ita narrando deinceps eorumque sermonibus pro-
ferendis efficit, ut et quinam sint illi omnes et
vero quales, cernendo cognoscamus: distingua-
mus continuo ab Agamemnone Achillem, ab
utroque Nestorem, ab his deinde Diomedem,
Ulyssem, aliosque Graecorum duces: tum et Grae-
cis omnibus Paridem, Hectorem, Priamum. Fit
ita, ut ipsi singulos, recte a se invicem discre-
tos, dijudicemus: alios admiremur, vituperemus
alios: illis faveamus in rebus agendis, his irasca-
mur: duos a caeteris omnibus distinguamus, prin-
cipes carminis heroas, Achillem et Hectorem. Fit,
ut, lecto carmine, sic et ipsi judicemus de his
omnibus et cum aliis, qui legerunt, de iisdem
disputemus, acsi non carmen legissemus, sed
ipsi certaminibus illis cunctis et sermonibus in-
terfuissemus. Quamobrem non inepte Plato *dra-*
matata vocat Iliadem et Odysseam ⁽¹⁾. Nam non
narrat tantum de heroibus Homerus, sed ipsos
nobis, tragicorum instar, agentes loquentesque
proponit, et vero sic narrat, ut, quae primum

no-

(1) De Rep. III. 594 B.

nobis confusa apparuerant, haec nos distinguendo attendendoque, prouti in spectaculis spectandis procedere solemus, nobismet ipsi explicemus.

Analyticam hanc esse diximus exponendi scribendique rationem. Nam propria eadem est dialecticae Platonicae. Analysis apud eum, ut in *Sophista* et *Politico* vidimus, in medias nos res educit continuo. Quo plenius explicaret Eleates, quid sophistica, quid politica esset, artes nobis primum et doctrinas universas proposuit, ut cum ipso eas deinceps alias ab aliis cerneremus, cernendoque continenter progredientes, sophisticam tandem itemque politicam cum assequeremur, tum qualis utraque esset cognosceremus. Non diversa ab hac Platonis methodo ratio est, quam in narrandis exponendisque heroum rebus gestis Homerus est secutus: utraque discernendis iis, quae primum fuerant confusa, procedit, et similis plane utriusque effectus est. Nam uti Plato hac distinguendi diligentia efficere tandem studet, ut notis quibusdam certis a caeteris omnibus sophisticam et politicum discernamus, ita legenda Iliade nosmet ipsi sponte nostra cum aliorum Graecorum Trojanorumque, tum Achillis et Hectoris, praesertimque Achillis *characterismum* concipimus. Sed quod *de industria* egit Plato, quum in *Sophista* et *Politico* ipsam exemplis explicaret analyticam artem, id plane, ut Homerus et Tragicus, *sponte* effecit scriptis suis.

Con-

*Congrua sunt plane
Platonicae dialecticae scripta
Platonis.*

Sunt scilicet *dialogi* scripta illa: dialogus autem, qui et vere hoc nomine vocatur et diligenter ita a vulgari colloquio distinguitur, quid aliud est quam drama? Itaque sive Symposium sive Phaedrum sive Politiam sive quemcunque tandem Platonis dialogum legamus, in medias nos res inducit ille continuo: nos autem quid agatur, quinam sint qui et colloquuntur et agunt, quo pertineant maxime sermones illi, identidem inter legendum discernendo exquirimus et nobismet ipsis explicamus. Sed non formam spectamus tantum; quamquam haec ad rerum item disquisitionem vim magnam habet: de hac ipsa *rerum disquisitione* quaerimus potissimum, quae prorsus apud Platonem analytica est. Exempla nobis in ejus scriptis loca cum alia sunt, ut de justo in Politia, de animi immortalitate in Phaedone, tum vero perillustri ille de *amore*, quem locum philosophus, ut juvenis in Phaedro, ita proveciore deinde aetate in Symposium tractavit ac perpurgavit. Sed in Phaedro de hoc argumento quaesivit, prouti suo loco animadvertimus, quemadmodum analytice simul et synthetice exponeretur; in Symposium vero tota expositio analytica procedit ratione, ipsum adeo Symposium et formam et quaerendi modo hanc rationem refert atque exprimit: documento nobis

O 2 idem

idem hic dialogus est, quantopere ad rem non solum jucunde, sed interius etiam exquirendam, eadem illa ratio valeat. Nam, postquam convivis placuit: — rem supra enarravimus, hic autem, opinor, meminisse juvabit: — convivis igitur postquam omnibus placuit, ut sua quisque vice amorem celebraret, prima oratio, quae Phaedri est, in medium nos argumentum traducit exemplo. Encomium enim amoris est, quo tum dotes Dei laudantur, tum ipsius amoris celebratur in rebus humanis vis et auctoritas. Hic Pausanias, quae praecclare, sed non satis distincte dicta erant, cernendo aptius pleniusque enunciat. Quae Phaedrus dixit, inquit, sine exceptione laudanda essent, si unus esset amor: verum enim, cum duo sint, ut duae sunt Veneres, alter Uranius, vulgaris alter, distinguamus hos oportet diligenter. Qua Pausanias distinguendi diligentia veri amoris, quem respexerat Phaedrus, vim et efficacitatem totam demum in lucem profert. Tum vero Eryximachus, cernendi hoc studium et probans vehementer et ipse usurpans, utrumque amorem in tota rerum natura omnibusque in artibus accurate distinguit. In his singulis, nemo est, quin analyticam rationem sponte animadvertat: aptam autem hanc esse potissimum ad res interius indagandas explicandasque, proxima probant. Aristophanis enim sermo, ut meminimus, inprimisque quae Socrates tandem profert, ipsam spectant amoris naturam. Homines distinguit comicus, qui olim fue-

fuerunt, ab his, qui nunc sunt: unde originem amoris simulque ejus vim naturamque explicat. In Socratis vero oratione, interioris indaginis, quae cernendo procedit, perfecta exstat species. Opposita nempe haec est cum caeterorum encomiis, tum laudibus maxime, quibus Agatho post illos amorem celebraverat. Non discrevisse hos, ait Socrates, ab effectu amoris amorem ipsum, Nec pulcer est nec bonus amor: nam pulcrum bonumque appetit; quae autem quis appetit, ea non habet. Haec vero et caetera omnia praeclara, quae ipsi amori tribuere poëtae solent, effectui ejus tribuenda sunt. Efficat scilicet amor, ut nactus quis illa talis ipse fiat. Quibus ita discretis, quid inde duxerit Socrates cum ad vim amoris in res hominum et civitatum, tum vero etiam ad hoc explorandum interius naturae humanae desiderium, supra attendimus. Documento autem et totus hic dialogus est et hi sunt maxime cum ipsius Socratis, tum Diotimae, quos enarrat, sermones, quae sit ad res interius perquirendas analyticae rationis vis et efficacia⁽¹⁾.

*De vi analyticae descriptionis
ad excitandum in legentium animis
explendumque veri amorem.*

Quid illud sit, quod in Phaedro Socrates scriptori praescribit, *in ipsis hominum mentibus scribere*,

(1) Sympos. 209 et 210. Cf. supra Vol. I. p. 178.

76, nisi explicitius; quoniam, quod maxime Plato scribendo spectaverit, indagavit⁽¹⁾. Nihil aliud est, nisi studium cognoscendi, veri amorem scribendo in animis hominum excitare. Efficere autem istud hac analytica ratione potissimum, facile est ad perspicendum. Nam aperitur ita legentibus quasi spectaculum; quod ipsi spectent diligenter, que cognoscere studeant; scriptor vero ipsos ita discernendis omnibus iudicandisque juvat. Quod addidit, ut in legendis poetarum dramatibus et dialogis Platonis mentis acies hebescat nunquam, sed acutatur mens continenter, quippe ipsa per se incitet legendum sciscitans, inquirens, iudicans. Intellegimus autem ita; quantopere philosophiae in primisque Socraticae et Platonicae, quae tota inquirendo procedit, apta sit haec ratio. Immo vero, nisi usurpasset eandem parens historiae, Herodotus, hoc ille nomine a posteris vix fuisset celebratus. Nam historia non narratio est rerum gestarum, qualis apud annalium scriptores est; qualisque apud eos fuit, qui ante Herodotum historiam scripserunt⁽²⁾: *ἱστορία* est; i. e. *disquisitio, indagatio, pervestigatio rerum*⁽³⁾; cui respondet notioni totum opus Herodoteum, respondent pariter immortalia tam veterum quam recentiorum historicorum scripta. Exquirendo nar-

rant,

(1) V. supra Vol. II. P. I. p. 123. (2) V. Creuzer de *Graec. Historicis et Hist. kunst der Griechen*, utrumque opus criticae ad historiam adhibendae exemplum. (3) Wyttenb., *Sel. Hist. Praef. p. X.* et *Annöt. p. 339.*

rant, narrando alunt explentque exquisendi cognoscendique studium principes historici: hoc sermonibus et orationibus, illud excursibus perficiunt. Ὁμηρικώτατος vulgo Herodotus dicitur, non verborum causam quorundam aut dictionum, quae item apud principem hunc reperiuntur poetarum, nec vero propter episodiorum unice et colloquiorum, quae apud utrumque exstant, frequentiam; sed propterea praecipue, quod tam historiae, quam poëseos parens analyticam secutus rationem, in medias nos res rapit continuo, tum monstrat nobis et explicat singula identidem. Uterque ab exordio inde excitat in nobis inquirendi studium: quaerit continuo causas rerum, ut initio Homerus:

Τίς τ' ἔρ σφῶς θεῶν ἐπιδι ξυνέθηκε μάχεσθαι; ⁽¹⁾

Parī quaestione Herodotus Graecos nobis barbarosque considerandos proponit, ut explicet nobis deinceps, quod maxime facturus est, bella Persica. ⁽²⁾ Paedagogi uterque instar apud Euripidem, ut vidimus, cum nos in locum educit, unde spectemus ipsi omnia: vel, ut apud ipsum Homerum Helena, Priamo senibusque Trojanis in moenibus assidens, spectantibus illis indicat singula et enarrat: sic plane Herodotus orbem nobis terrarum aperit, ut e Graecia nos in omnes partes, in omnes populos dispicientes Graecorum bella cum bar-

(1) *Iliad.* I. vs. 8.

(2) *Herod. Proöem.*

barbaris, praesertim Persica contemnemur. Naturae haec ratio consentanea est, *analytica* est illa, quam e dialecticae Platonicae principiis declarare instituimus. Nam ut huc nos eduxit ab initio Herodotus, ad gentium nos deinceps singulatarum res, Lydorum, Persarum, Aegyptiorum, maximeque Graecorum, quorum causa haec exquirimus, ad horum omnium igitur res singulatum universaeque cognoscendas attentos facit; nos autem libenter haec una cum duce nostro suavissimo inquirimus et pervestigamus. Abhorret haec epica, quae vocatur, historiae forma a caeterorum historicorum ratione: quamquam optimi quique per multa inde, prouti monuimus, ut episodica, sermones, orationes, disquisitiones susceperunt; sed forma tamen totusque habitus ab hodierno usu abhorret: quo accidit, ut mirentur fere homines, quum primum ad legendum Herodotum accesserunt. Nesciunt, quo spectent quae de Croeso Lydorumque regibus, de Cyro et Cambyse copiose enarrantur. Idem evenit iis, qui legere Platonem incipiunt: pariter hi et magis etiam mirantur. Nam, uti hoc fere exigunt a philosopho, ut placita probando demonstrandoque sibi exponat et persuadeat, quaerunt, quid platanus illa in Phaedro, quid Ilissus, quid Agathonis convivium, quid sermones illi Phaedri cum Socrate de Lysia, de amore, de eloquentia: quid res omnino tenues, certe non proxime ad philosophiam pertinentes, cum philosophiae gravitate commune habeant; sed iidem, post-

postquam sive Herodotum sive Platonem totum, nec vero semel, sed iterum et tertium et saepius legerunt, et sic contraxerunt cum auctore quasi familiaritatem quandam: tum vero mirari desinunt, Ipsum naturae ordinem in iisprehendunt, in quibus omnino ordinem ante desideraverant: nam quid naturae respondet illa ratione magis, quae in *media* nos negotia rapit, singulaque deinceps singulatim *cernendo* explicat? Tenuia autem illa et levia apud Platonem, ut dramaticae rationis vim et usum perceperunt, maximi esse momenti vident ad animum legentis capiendum, tenendum et vero illuc evehendum, quo maxime tendit ipsa philosophia, i. e. ad veritatem in rebus gravissimis assequendam: quae vis inductionis est cum analytica ratione conjunctae. Sentiunt, qui sic legendo, tam Herodotum, quam Platonem totum animo complexi sunt, sentiunt, alia se omnia, certe plura percepisse animo, quam ab initio autumaverant. Nam Herodotum secuti ducem, non historiam unice Graecorum, belli Persici tempore, ut tradi ab historicis solet, sed universi orbis iisdem temporibus historiam, imo vero nullius non gentis regionem, mores, indolem, studia investigarunt: pariterque legendis meditandisque Platonis dialogis, quaestiones non solum in philosophia gravissimas, sed minus etiam graves, ut videntur quidem, prouti loci sunt de amore, de artibus, de disciplinis, de eloquentia et scribendi arte, has igitur quaestiones, quae, ut vidimus, proxime
sunt

sunt cum philosophia confusae, explicare simul
et philosophiae studio adhibere didicerunt.

Quibus animadversis omnibus, dispar intelligi-
tur analyticae illius descriptionis et syntheticae in
animis legentium effectus. Haec assentiri nos co-
git scriptoris sententiae: nam omnis in eo est, ut
hinc definiendo, probando, demonstrando nobis
persuadeat: illa vero liberum nobis iudicium relin-
quit: tantum adeo abest, ut verum nos existimare
id cogat, quod placet auctori et sic regat iudi-
cium nostrum, ut veri amorem in animis nostris
excitet, quippe discernendo explicandoque specu-
tanda nobis praebens, quae ipsi iudicemus. Quis
praeclarius illi scriptores de genere humano in-
teruerunt, qui qualicumque in scriptorum genere,
analyticam rationem usurparunt: nam fit illud non
dialogis tantum scribendis: idem effecit, ut atten-
dentibus patet, Aristoteles rerum naturalium et
politicarum expositione: idem, ut nunc vidimus,
Herodotus historia enarranda: idem, quicumque
scribendo explicare argumentum, quam suas pro-
bare opiniones maluerunt. Et vero philosophi,
quo minus se abduci statuendi studio siverunt,
quo magis Socraticam illam et Platonice inquir-
endi imprimisque cernendi jungendique metho-
dum in scriptis suis secuti sunt, eo et avidius
lecti sunt, et certius efficaciusque lectores ad in-
quirendam assequendamque veritatem adjuverunt.
Nec sane temere affirmare mihi videor, hinc po-
tissimum vim explicandam esse; quam omni sero
in

in studia philosophorum scripta Platonis habuerunt. Nam et hac in re similis est Herodoti et Platonis ratio. Ut ille ab initio operis universam nobis aperit historiam gentium, ita Plato in singulis, quos scripsit, dialogis, sive de pulcro et amore agit, sive de veritatis assequendae rationibus, sive de iustitiâ et virtutibus, in medium lectoris philosophum inducit, ut ipsi per se, illo duce, quid verum sit, exquirant. Quae ratio ad capiendum lectorem et tenendum et vero, si philosophus est natura, philosophiae studio incitandum, una omnium maxime apta est et efficax. Inde autem patet, quam inepte faciant, qui synthetica ratione doctrinam Platonis, tanquam systema quoddam, tradere nituntur. Rationi et proposito, imo naturae repugnant philosophiae Platonicae. Quo magis nos, hac praesertim in re Platonem imitati, a principio inde aperuimus eam totam lectoribus, ut, qualis esset quoque spectaret, assequerentur continuo, tum vero legendis ejus scriptis, ipso auctore, singula in ea singulatum ipsi animadverterent et persequerentur. Longior haec via est, quam synthetica ratio, quae compendiarie potest dici; sed hac tenebimus illud et hactenus spectavimus et spectabimus deinceps, ut studiosi Platonis non e libro nostro, tanquam e compendio, sapere sibi viderentur, sed, praeparatis *Initiis* et quasi *initiat* quodammodo, ex ipsis deinceps *reapse* saperent scriptis Platonis.

D.

*De fine dialecticae
Platonicae.*

Effectus hi maxime sunt, in ipsâ dicendi scribendique arte, dialecticae Platonicae. Unde intelligitur, quanta hujus sit inprimis disciplinae in omni philosophiâ auctoritas. Caveamus vero, ne, quod multi commiserunt philosophi, cum ipsâ philosophiâ dialecticam confundamus. Est illa philosophiae quasi instrumentum quoddam, ut de cæteris disciplinis pronuntiavit Plato, esse eas dicens dialecticae administras et adjutrices ad animum sursum erigendum⁽¹⁾: sic ipsa dialectica philosophiae administra et adjutrix, omninoque veluti instrumentum est ad ipsius munus perficiendum. Munus autem philosophiae hoc est praesertim, ut ad veritatem hominem, tum vero etiam ad sapientiam educat. Absurdum sane et ridiculum negotium illorum est, qui de methodis inquirendi ac discerendi anxie quaerunt, quo vero spectent, quid effici earum usu debeat, non cogitant. Similes illis sunt, qui vel armis vel aliis quibuscunque instrumentis elaborandis poliendisque desudant, usum eorum non curant. Plato vero, de disciplinis agens, id quaerebat continuo; quod exquirere potissimum philosophum decet, quem in finem excolendae essent. *Τί ἂν οὖν εἴη, ὃ Γλαῦκον, μάθημα ψυχῆς ὁλοκλήρως ἀπὸ τοῦ γιγνομένου ἐπὶ τὸ ἐν;*⁽²⁾ Quod ut

(1) *De Rep.* VII. 533. D. V. supra p. 74. (2) VII. 531. D.

ut pateret, non de artibus quibusdam vel methodis solis quaesivit: quid methodi efficiant, nisi insit utentibus, quem aveant explere, veri amor? Sed ipsum hunc veri amorem, naturā homini insitum, et vero mentis oculum, quo uno conspici veritas potest, antequam ad disciplinas et dialecticam procederet, exploravit. Sic autem accidit, ut non subtiliter tantum de mathematicis artibus ac divinā illā cernendi jungendique methodo dissereret, sed omnem complecteretur philosophando disserendoque et *cogitandi* et *dicendi* et *scribendi* artem. Quin etiam sic effecit idem ille optimus non cogitandi tantum, sed et disserendi auctor et magister, ut constare jam nobis tandem de dialecticae harumque artium fine prorsus videatur. Alere scilicet veri amorem, sensumque illum veri et purgare et acuere debent, ut sic nos per eas philosophia cum ad res inquirendas cognoscendasque omnes, tam divinas, quam humanas adducat, tum dux nobis eadem sit et magistra sapientiae.

Et his quidem ita de singulis, quas laudavit Plato, disciplinis in medium collatis, vident lectores, illuc nos rediisse, unde hanc totam duximus disputationem. Nam ut orsi a veri amore sumus, ita nunc, quemadmodum hic disciplinis excitandus alendusque sit, cernimus: videmus item, omnem Platonis et disserendi et scribendi rationem ad eundem hunc veri amorem in animis explendum pertinere. Unde simplicitas patet philosophiae

philas Platonicae. Verum, ut de singulis eorum disciplinis haecenus, ita restat, ut de universarum conjunctione sive *quâsum* praeclearum adiciamus Platoniam placitum.

De disciplinarum

συνάφει,

Plato traditâ cum caeterarum disciplinarum, tum dialecticae ratione optimâ, juventutem, ait, non tantum his singulis erudiendam esse, sed eo adstucendam item, ut universas uno quasi oculorum intuitu complectatur. Sic enim praecipit apud eum Socrates: quae sparsim custodes a tenera inde aetate didicere, τὰ χυδαν μαθήματα, haec τούτοις πυρακτεδν εἰς σύνοψιν οἰκειότητος ἀλλήλων τῶν μαθημάτων καὶ τῆς τοῦ ὄντος φύσεως illis haec in *synopsis colligenda sunt*, ut disciplinarum conspiciant conjunctionem mutuam, unaque veri, ejus quod est, naturam perspiciant. Quod praecceptum ut probavit Glauco, solam hanc esse ajens firmam discendi rationem, hoc addit ille: καὶ μεγίστη γε, ait, παῖρα διαλεκτικῆς φύσεως καὶ μή· ὁ μὲν γὰρ συνοπτικὸς, διαλεκτικός, ὁ δὲ μὴ, οὐ· et profecto maxima haec dialecticae naturae probatio est: qui enim conspiciat eas universas, dialecticus est, qui non conspiciat, non est (1).

: De encyclopaedia diximus, quam in disquisitione

(1) De Rep. VII. 557. G.

nis hujus nostrae ingressu de communi ageremus disciplinarum omnium vinculo et cognatione. Haec verba Socratis illuc nunc mentem nostram revocant; sed minus hinc disciplinas, magis *philosophum*, qui his recte fuerit institutus, attendimus. Est autem praeclarum, ut dicere institui, hoc Platonis de disciplinarum *συνόψει* placitum. Philosophum esse negat, qui uni se arti vel doctrinae, caeteris contemptis, totum tradit. Servo hunc comparat, qui uno, cui serviat, domino contentus est ⁽¹⁾. Illum vero, qui et universarum amore ardet et ad singulas deinceps facile accedit et satiari tractandis illis non potest, *τοῦτον*, ait, *ἐν δὲ διὰ φιλοσοφίᾳ* *φιλόσοφον* *hunc demum jure philosophum dicemus* ⁽²⁾. Sed quamvis ita de universarum studio doctrinarum pronuntiaret Plato, haud tamen eas vel simul tractandas, vel ab initio institutionis continuo discentibus apponendas conspiciendasque esse judicavit: ut faciunt fere, qui ab encyclopaedia ordiendum esse censent. Nam haec est puerili aetate ingenii humani conditio, ut rerum addiscendarum universas quasdam, sed non satis distinctas notiones habeat: quas qui vel a principio vel inter docendum identidem explicat, haud frustra sane excitare atque alere cognoscendi ardorem nisus fuerit. Encyclopaediae autem, quae proprie vocatur, haud capax ingenium fit,

an-

(1) *Symp.* 210. D. Cf. Vol. I. p. 188.
475. C.

(2) *De Rep.* V.

antesquam propius ad maturitatem accesserit, quaeque erant addiscenda, probe didicerit. Et vero quae quis ignorat vel leviter tenet vel nondum satis discernere a similibus coepit, horum quorundem pacto commune vinculum, quale sit, vel suspicari adeo poterit? Postquam vero artium omnium laudatarum et doctrinarum studiis excultum ingenium fuerit, tum demum licebit juveni et conspicere eas mentis acie universas et fructum hinc capere, qui ad civitatis commodum provèhendum uberrimus sit. Quae Platonis sententia, Ciceroni vulgo, ut vidimus, tributa, per Cicéronem et celebritatem summam nacta est et incredibilem omni aevo ad recte et philosophandum et artes doctrinasque tractandas per totum orbem eruditorum vim habuit ⁽¹⁾. Sed in ipsius placito Platonis, quod Cicero sive non vidit, sive certe verbis non expressit, vim dialecticae non praetermittamus. Non solum hoc praecipit apud eum Socrates, ut, qui civitatis futuri perfecti magistratus sunt, disciplinarum conspiciant cognationem mutuam, sed vero hoc item, ut perspiciant simul τοῦ δυντοῦ naturam. Hoc autem ut fiat, ut non fluctuent custodes opinionibus, sed ad rerum scientiam, imò vero ad τοῦ δυντοῦ φύσιν perveniant, ἀριθμη-

(1) Sententiam Cicero ipse Platoni tribuit de Orat. III. 6. *Est illa Platonis vera vox, omnem doctrinam ingenuarum et humanarum artium uno quodam societatis vinculo contineri,*

meticae id quidem caeterisque disciplinis? Plato, sed omnium maxime dialecticae efficiendum tribuit. Tenere hoc illos decebat, qui antiquo maximeque recentiore aevo encyclopaediam conficere studuerunt. Non erat satis, artes doctrinasque singulas in suos locos distribuisse; sed cuique et arti et doctrinae suum assignare finem et propositum, sed universas sic tradere, ut communem assequerentur finem, veritatis, αὐτοῦ τοῦ ὄντος, in rebus omnibus scientiam, haec demum ratio verissimae encyclopaediae est, quam plane refert, ut monuimus, philosophia Platonica. Per dialecticam maxime ejusque ad veritatem inveniendam tuendamque efficacitatem, παιδεία fit, *institutio hominis*, ἡ ἐγκυκλοπαιδεία. Nec vero hoc etiam in Platónico placito silentio praetermittamus. Φύσιν memorat Socrates διαλεκτικὴν. Ubi τὰ χυδαῖν μαθήματα, ait, juvenibus nostris in unum collegerimus, experimentum nobis maxime erit, num φύσιν διαλεκτικὴν habeant. Quod sponte nos cum iis conjungimus, quae ab initio de φύσει φιλοσόφῳ disputata sunt. Scilicet non indolem significat, *acumine* solum et *sagacitate* insignem, quae dotes in dialecticorum disputationibus elucet ferre; sed, ut *philosopham* indolem vocat, quae veri amore cognoscendique studio acerrimo, nihil non quod cognitu dignum est, indesinenter investigat, ita hunc habet φύσει διαλεκτικόν, qui, ut singula cernendo jungendoque rite, sed sparsim, cognovit, ita universa mente complectitur,

P

tur,

tur veritatemque in iis omnibus perspicit. 'Ο
 μὲν γὰρ συνοπτικός, διαλεκτικός· ὁ δὲ μὴ, οὐ. Haec
 percipienda Plato arbitratus est e disciplinarum
 maximeque dialecticae studio: quique sic iis ex-
 cultus ingenio animoque totus est, hunc e spec-
 tabili mundo tamquam ex antro quodam, in mun-
 dum νοητὸν, in ipsius veritatis regnum ascendere
 contendit. Quod philosophi effatum non semel
 jam commemoravimus; hic autem quaerimus,
 quem intellexerit ille *mundum spectabilem*, τόπον
 δρατὸν quem vocat, quem item νοητὸν voluerit sive
 τόπον sive *mundum*, tum maxime, quae *hominis*
 apud eum sit *e spectabili mundo in νοητὸν ascen-*
sio: quae ad finem pertinent proprie, philoso-
 phiae veri propositum. Illa igitur qualia sint,
 nunc, age, cum ad finem illum pervenerimus,
 explicemus.

INITIA
P H I L O S O P H I A E
P L A T O N I C A E.

0

INITIA
PHILOSOPHIAE
PLATONICAE.

AUCTORE
PHIL. GUIL. VAN HEUSDE.

VOLUMEN TERTIUM.

PHILOSOPHIA JUSTI,
PLATONIS DE REBUS DIVINIS EFFATA,
EPILOGUS.

TRAJECTI AD RHENUM,
APUD JOANNEM ALTHEER.
1836.

Gp 83.429

Harvard College Library
Bowie Collection
Gift of
Mrs. E. D. Brandegee
Nov. 9, 1908

**Π Ε Ρ Ι
Τ Ο Τ Δ Ι Κ Α Ι Ο Τ.**

PHILOSOPHIA JUSTI

SIVE

DE VITA BEATA.

Οὐκ ἔστι θεῶν ὁμοιωτέρον οὐδέν ἢ
ὃς ἂν ἡμῶν γένηται ὅτι δικαιοτάτος.

A quo tempore haec scribere *philosophiae Platonicae initia* coepi, in dies mihi magis, instaurandum nunc maxime philosophiae illius studium esse, patuit. Nam cogitanti mihi saepenumero de novâ illâ philosophandi ratione, quae superiore saeculo per totam Europam invaluit, vim quidem illa habere etiam nunc et salutarem adeo magnam partem, visa est. Ad usum enim vitae, quod praecipiebant tanto studio parentes nostri, inventa nos item omnia accommodamus, nec quicquam, ut illi, spectamus magis, quam ut humani generis saluti prospiciamus. Sed primum, capimus fructus philosophiae, quae pueris nobis effloruit; ipsa philosophia temporibus nostris jacet. Tum vero,

A 2

ut

ut salutaris partim fuit nova illa superioris saeculi philosophandi ratio, ita, prouti in praecedentis disputationis exordio monuimus, partim etiam et tunc nocuit Europae gentibus et nobis etiam nunc nocet vehementer. Quod profecto haud facile in dubium vocaverit, quicumque praesentem philosophiae conditionem diligenter animadverterit. Adsunt quidem ubivis germani philosophi, viri liberaliter instituti, literis artibusque exculi ac perpoliti, nec desunt, qui illis faveant, fierique eorum sapientiâ meliores sapientioresque nitantur. Sed rari sunt illi in singulis fere gentibus, et vox eorum quominus ab optimis quibusque et honestissimis exaudiat, clamor strepitusque aliorum efficit, qui se solos sapere jactant, idque profano vulgo persuadent facile, quippe in summâ orationis obscuritatē, quam nemo intelligit, reconditam quandam, si Dñs placet, sapientiam proferentes. Itaque neglecta hodie contemptaque philosophia est: ac malunt erectioris indolis juvenes vel literis vel doctrinis vel naturae perscrutationi operam navare, quam istis immisceri philosophis, quorum numerus in dies hominum genere augetur, quo nullum naturâ magis a sincero philosophiae studio abhorret, fanaticorum et mysticorum. Sed praesens philosophiae conditio majoribus etiam claudibus prostrata jacet. Nam patrum memoria, ut diximus, una cum excellentissimis philosophis, sophistae ubivis, praesertim in Angliâ et Franciâ, prodierunt, qui moralis doctrinae, quam tueri pro-

fi.

fitebantur, reapse labefactarent fundamenta et sanctam doctrinam nostram, cuius assequi sublimitatem non poterant, ludibrio haberent. Quorum doctrinae tum quidem paucorum mentem advertunt, sed serpere deinceps latius per omnes gentes ac nulla non hominum genera coeperunt. Id, si quid aliud, labem adpersit philosophiae, ut sint hodieque, qui eam non solum sive propter jactantiam spernant, sive obscuritatis causa fugiant, sed impietatis accusent adeo, atque opinionum, quae humano generi pestiferae sint, matrem habeant. Quo magis acriusque fanatici homines causam suscipere religionis, sed suâ, id est, ineptâ prorsusque perversâ ratione instituunt.

Quaerunt igitur multi temporibus hisce nostris, quemadmodum restitui in dignitatem suam pristinam auctoritatemque philosophia debeat. Qua de re aliae sunt aliorum maximeque diversae sententiae. Nonnulli resuscitandam unius cujusdam sive veteris sive recentioris philosophi doctrinam putant, quam purgemus vitiis diligenter inventisque posteritatis et nostris mehercule item, augeamus. Alii longeque plurimi ex omnibus, quae exstiterunt unquam, philosophorum sectis optima quaeque delibare malunt atque in doctrinae formulam redigere. Sunt item, qui instauratorem philosophiae, nescio quem, sed divino virum ingenio, qui nova omnia genus hominum doceat, expectent. Equidem, si is apparuerit in genere humano, nihil profecto quod desiderem habebō, modo nova illa, quae

quae attulerit, vera sint simul et mortalibus salutaria. Sed, dum frustra exspectamus talem scilicet philosophum, nolim vel jurare in unius philosophi verba, vel, eligendo e singulis, universa, sicuti fit, commiscere. Commiserunt id omni aevo eclectici, qui fuerunt fere iidem appellatique sunt *syncretistae*: eoque nihil umquam ad confunden-
dam obscurandamque philosophiam evaluit magis. Persequi malim et perficere, quidquid patres nostri ad veram provehendam philosophiae utilitatem inchoarunt, illud vero agere potissimum, quod nobis commendare etiam atque etiam solebant, ut nullis non studiis nostris *criticae*, tamquam veri obrusae, adhibeamus diligentiam. Sic demum, quo magis prodesse philosophando generi humano possumus, proficere ex temporum memoriâ et esse vero nomine *eclectici* poterimus. Id agere perseverant hodieque rari illi, quos significavi, sed germani philosophi, quos in primis audiendos putem, aguntque maximam partem eruditi, qui, quamvis haud appellantur philosophi, philosophâ ratione literas et suam quique doctrinam tractant excoluntque. Quodsi viam normamque desideramus, qua, in philosophiae studio, ad nova invenienda, quae expetere vehementer homines solent, procedamus recte, id suadeam philosophis, quod commendare me in superioribus memini, ut, priusquam manum operi admoveant, erudiendos sese ipsis philosophiae parentibus, Socrati et Platoni, tradant: quo facilius certiusque, in hac sci-

scilicet verâ philosophiae scholâ eruditi, et nova inveniant, quae verissima sint, et apte haec temporibus nostris accommodent. Sic scilicet aggressi opus iidem illi sunt, qui optime praecedente saeculo de philosophiâ fuerunt meriti.

Quae cum animo volverem mihiq̃ue in dies magis, scribendo hoc opere, probarem ac persuaderem, sic existimavi, instaurandam his maxime temporibus esse antiquam Graecorum, praesertim Platoniam philosophiam. Nam *Platonicam* cum philosophiam dicimus, non unius significamus viri sive placita sive doctrinam; ipsorum dicimus Graecorum philosophiam, a poëtis ac philosophis antiquitus apud illos proditam, a Socrate autem et Platone ad ipsum hominem cognoscendum interius perficiendumque adhibitam. Non enim ex eorum numero Plato erat, qui sibi solis se debere omnia, ac solos iccirco se sapere putarent. Imbutus ille informatusque Socraticâ institutione, suscepit simul animo quicquid Ionici, Eleatici, Pythagorei philosophi, quicquid adeo poëtae, epici, lyrici, tragici, scriptoresque in omni literarum genere cum sublime tum bonae frugis in lucem emisissent. Quorum omnium, praecipue vero Socratis sui, dictis monitisque veluti pastus et corroboratus, eam tandem scribendo philosophiam prodidit, quae ipsorum adeo Graecorum sive sapientiam, sive, ut dicere ipsi malebant, sapientiae studium referret. Nec vero *doctrina* fuit quaedam philosophia Platonis, qua gravissimae explicarentur philosophiae
quaes-

quaestiones: erat illa, ut nobis modo patuit, *institutio hominis, hominis erat*, ut sapere recte disceret atque has explicare quaestiones hand frustra miseretur, *ad veritatem conversio*. Hanc igitur philosophiam, quae ita sponte, ipsa naturae vi et ubertate et unice profecto ad excolendum penitusque erudiendum genus hominum in Graecia effloruit, Platonis autem ingenio, divino illo, excolta perfectaque est, hanc, inquam, quidni scholam dicamus philosophorum optimam, instaurandamque hac nostrae aetate esse? Faciendum id autem maxime in juvenum gratiam censemus. Veterani philosophi, quotquot quidem alieni fere fuerunt a studiis hisce nec a tenera inde aetate hanc philosophandi rationem degustarunt, aegre se trahi ad hos fontes sapientiae patiuntur; juvenes vero, quibus natura inest philosophia quaedam, ut semel, hac ingenii animique integritate, ex his naturae fontibus hanserunt, incredibile dictu est, ut vigorem inde trahant continuo, aptique deinceps fiant sive ad philosophandum sive ad nullum non artium doctrinarumque genus et colendum et provehendum. Quod expertus equidem per omne hoc tempus sum, quo philosophiam illam antiquam, maximeque Socraticam et Platoniam generosis adolescentibus tradidi. Est enim non vulgaris institutio quaedam philosophia illa Platonis, sed, ut ipsa philosophia appellari apud antiquos solebat, ita haec, uti vidimus, artium omnium majorum et doctrinarum et parens et magistra est. Imo vero
prop-

propterea, quod tantâ illa tamque singulari ubertate atque amplitudine est, iccirco una dici verissime *παύδα* potest.

Sed renovare veterem illam philosophandi rationem hoc maxime proposito decet, ut *justi philosophiam* tractare recte discamus. Refertur ea, ut omne sapientiae studium, ad veritatem exquirendam, sed proprie ad veram et virtutem colendam et vitae felicitatem obtinendam pertinet: exstiterunt autem tam recentiore, quam antiquo aevo, in sophistis, quos diximus, qui ad hunc nobis praeclarum finem perversam praecirent viam. Fuerunt, qui ad commodum unice hominis ac civitatis, ad id, quod utrique conducere maxime videretur, omnem referrent moralem disciplinam: nec defuerunt adeo, qui physicam hominis naturam explorent diligenter, moralem negligerent, quin etiam esse negarent. (1) Quorum doctrinae eo valuerunt necessario, ut *nervos virtutis*, quod de Theophrasto dixit Cicero, *inciderent*, (2) descenderetque in
his

(1) In illo genere prae caeteris insignes sunt Helvetii libri *de l'Esprit et de l'Homme*; in hoc Cabanis dissertationes, *Discours sur l'homme physique et moral*. Praeclarum autem Victor Cusinus, doctissimus unus in paucis et elegantissimus Platonis interpres. » *Le nom de Platon rappelle à l'esprit cette philosophie, qui voit dans l'homme autre chose que son enveloppe, qui lui reconnaît une autre activité que l'irritabilité des organes, une autre source d'idées que l'impression des sens, une autre règle que l'intérêt personnel, une autre destinée que les jeux du sort.*» Prosp. de la trad. (2) Cic. *Acad. Quaest.* I. 10.

his cavillationibus homo ad vilem abjectamque conditionem, ut solis satisfacere corporis sensuumque, honestioribus quidem ac liberalioribus, verumtamen corporis unice sensuumque voluptatibus videretur, ac sibimet ipsi et primum et praecipue prospiceret. His auditis, quo esse animo juvenem putabimus, qui rectâ institutione meliora edoctus ac naturae ipse suae instinctu virtutem ac justitiam, non commodi lucri spe, sed ipsarum unice causa prosecutus amplexusque, nunc his argutiis sollicitatur ac movetur? At non movebitur ille, verissimam contra, quâ adhuc est progressus, ad justitiam felicitatemque viam persequetur constanter, si quidem philosophiam justî, ut tradita a Socrate ac Platone est, mente animoque totam perceperit. Non illi hominem, uti anatomi ac physiologi solent, tamquam animal quoddam perfectius, explorarunt, unam attendentes physicam ejus naturam; a semetipsis suisque studiis naturalibus boni, justî, sancti, quin etiam immortalitatis ac perpetuae progressionis, quae in caeteris animantibus nulla sunt, orsi, ex ipsa hominis indole justitiae beataeque vitae principia duxerunt. Et Plato quidem, quae nostris his temporibus nova videri indagandi ratio possit, hominem in civitate, civitatem in homine consideravit. Quaerit ille justitiam continuo, ubi lateat in animo hominis, ut, quae sit et qualis et quam vim in rebus nostris tam publicis, quae privatis habeat, exploret: aperit autem nobis perfectam rempublicam, ut ipsi
cam

eam in hac optimorum hominum societate investigemus, quippe quae hic facilius, quam in uno homine deprehendi possit. Complectimur ita disquisitionibus nostris una cum hominis naturâ naturam totamque conditionem civitatis: civitas nobis spectaculum fit, in quo hominem tam optimum, quam pessimum, tam beatissimum, quam miserrimum spectemus, ut judicare nobis aliquando de quaestione liceat, omnium facile quaestionum ad vitam recte instituendam gravissimam, num, sine emolumenti ullius commodive spe, ad vitam beatam justitia sufficiat. Hoc enim consilio, non fingendi studio, ut vulgo opinantur, perfectam illam rempublicam finxit Plato. Idem vero hac disquirendi philosophandique ratione doctrinam morum tantâ exposuit cum evidentia tum amplitudine, quantâ haec in recentiorum philosophorum scriptis vix ullis unquam explicata est. Nam ut civitatem nobis spectandam praebuit, in qua virtutes hominis omnes, sapientiam, fortitudinem, temperantiam, praecipue autem justitiam exploraremus, ita ad hominem deinceps, ad nosmet ipsos mentem nostram convertit, ut in homine, in nobis ipsis civitatem omnesque civitatis cum partes tum virtutes attenderemus ac deprehenderemus. Arc-tissima igitur apud Platonem est *politicae* doctrinae ac *moralis* necessitudo; altera autem alteri mirifice prodest. Nam *politica*, ne civitatem tamquam machinam quandam vel construere vel instruere partibus adaptandis conetur, *hominis* prohi-

hibetur in eâ consideratione; *moralis* autem doctrina civitatis in homine considerans cum partes et virtutes, tum conditiones varias, perfectam maxime et pessimam, haec igitur magna et illustra in homine attendens atque explorans, admirabili quadam et perspicuitate et probabilitate de ipsius hominis perfecta conditione beatissimaque vitâ iudicat.

Haec autem cum ita sint, vident lectores, esse denuo hanc nostram progressionem, cum ad *philosophiam justi* sumus perrecturi, in sapientiae studio gravissimam quandam. Nam *philosophia pulcri* ad recte erudiendum hominem valet, ut per totam deinceps vitam pulcrum bonumque prosequatur; sed proprie ad puerorum pertinet institutionem, quo magis a tenerâ nos aetate cum caeteris tractandis artibus, tum musicâ maxime et poesi, Uraniae Musae amore incensi *καλοκράβοι* fiamus. Majus illustriusque munus *philosophia veri* habet. Excultum enim in hunc modum puerili aetate juvenem suscipit haec deinceps, ut, prouti artibus adhuc ad pulcrum, ita nunc porro gravioribus disciplinis ad verum verique scientiam perducatur. Sed longe gravissimum maximumque illud est, quod *justi* nos *philosophia* jubet peragere. Erunt enim nobis illi civitatis custodes, quos hac spe artibus disciplinisque erudivimus, ut ipsi aliquando civitati, pro rei dignitate atque ad ipsius salutem maximam, praecessent, erunt hi nobis reipublicae gubernaculo adhibendi, ut, quemadmodum et legi-

gibus condendis et moribus temperandis prosint civitati, ipsi videant. Non, ut, quae singula ipsis singulatim singulis locis temporibusque facienda sint, sciant: id non est philosophiae exquirere: ipsi illi si rite fuerint exculti ac nostrâ institutione e spectabili mundo in ipsum veritatis regnum escenderint, id facile perspicient. Sed hoc ipsum, quod dicimus, quemadmodum quae in pueritia et adolescentiâ, duce philosophiâ, ceperunt, ad bene beateque vivendum et provehendam civium honestam beatamque vitam adhibere debeant, id exquirere, id palam facere omnibus, id generi humano, ut cesset aliquando his malis laborare et recte sibi consulat, persuadere, *philosophia justî* debet.

Pervenire nobis, in hac philosophiae Platonicae progressionem gravissimâ, ad sacra ejus majora, τὰ τέλεια καὶ ἐποπτικά, ad *sanctum* et *divinum* nondum licebit: tum demum licebit, quum a rebus humanis fuerimus ad divinas progressi; veruntamen in his ipsis de justitia ac felicitate disquisitionibus accedemus illuc proxime. Nam hoc proposito exquirenda nobis perfecta civitas, exquirendus in primis homo perfectus erit, ut, quid sit justitia, quid vita beata, reperiamus. Valebunt autem eo simul disquisitiones nostrae, ut exemplum habeamus aliquando, ad cujus perfectam speciem res nostras tam domesticas quam politicas, tum vero maxime nosmet ipsos conformemus. Quae una verissima apud Platonem est ad sacra illa majora

jora praeparatio. Patere enim homini ad sanctum divinumque aditum negat, nisi veri ductus amore ad puram intaminatamque veritatem sinceramque virtutem ac justitiam, sive per sese, sive per artes disciplinasque majores processerit: statuit vero, quo quis majores hac in re progressus fecerit, eo illum facilius certiusque ad vitae morumque sanctitatem pervenire: ad illud autem assequendum necesse ipsi esse, ut sive Deum sive perfecti hominis, justissimi cujusdam et sanctissimi imaginem, exemplum sibi ad imitandum proposuerit. Prope ideo sumus per philosophiam *justi* ad *τέλεια* illa et *ἠποκρινὰ* accessuri; sed eo nobis magis in id incumbendum est, ut lucido eam ordine et vero hac viâ et ratione tradamus, qua ad omnis philosophiae finem summum pervenire certissime nobis liceat.

De animi natura.

Ordiendum nobis denuo et hîc quidem maxime a nobismet ipsis et animi nostri naturâ erit. Nam quomodocunque de vitâ beatâ existimandum censeamus, sive eam a physicâ hominis, quam vocant, sive a morali conditione repetiverimus, ut recte de re gravissimâ judicemus, quid justitia sit, qualemque esse hominem perfectum oporteat, deditâ operâ exquirendum est. Utrumque autem declarare, nisi animi naturam exploraverimus satis, non possumus. Hîc vero longe ampliorem
ple-

pleniolemque explicationem hoc argumentum, quam in superioribus, postulat. Tum enim nos veluti instituentes hominem, quemadmodum is pulcri verique amore incensus, riteque in ipso veritatis *δρῶν* purgato, quoque decet converso, ad pulcri verique scientiam adducendus esset, inquirebamus: quocirca et amorem ipsi insitum pulcri verique et vero hoc *δρῶν* explorasse sufficiebat. Nunc vero, cum de civitate agendum nobis sit, cui praefuturi sunt illi, quos sic erudivimus, homo nobis totus penitusque explorandus erit. Non enim e lapide et ligno, quod verissime agebat Plato, ⁽¹⁾ confectae civitates sunt, ut machinarum instar moveantur: hominibus constant. Sunt autem hi variae indolis, variarum facultatum, diversissimorum sensuum ac studiorum. Alii ad eas regendas apti sunt: alios et longe maximam partem regi a prudentioribus oportet: sunt item, qui opitulari illis, hos autem coërcere debeant, custodes civitatis ac vindices. Singulis illis sui sunt mores, suae propensitates: in iis autem, qui reguntur infinitae fere et numero et genere cupiditates sunt. Hanc hominum in civitate varietatem attendere, perspicere praesertim, quemadmodum, moderandis temperandisque diversissimis hisce hominum facultatibus et studiis, saluti prospicere civitatis liceat, frustra conabitur sane, qui animi humani naturam non totam exploraverit. Quid?

quod

(1) *Rep.* VIII. initio.

quod moralis politicaeque doctrinae causa, perfecta nobis tam civitatis, quam hominis, imago adumbranda erit? Id facere recte, nisi qui intus totum perscrutatus animum hominis sit, partesque ejus et facultates varias diligentissime exploraverit, quis poterit?

*De vi amoris
ad virtutem felicitatemque
hominis.*

Exploraturis autem nobis animi humani naturam, non aliud est continuo principium exquirendum, atque illud fuit, unde omnes nostrae de pulcro et vero disceptationes fluxerunt. Amor est, amor, inquam, fons ille optimorum in animo nostro studiorum uberrimus, idemque certissimus homini ad veram felicitatem dux. Nam ad pulcri adspectum accensus in nobis, ut ab initio nos monuit apud Platonem Socrates, ad ipsum nos pulcrum trahit, nosque illud referre deinceps sermonum, actionum vitaeque omnino elegantiam atque honestate studemus. Idem autem amor nobis, quod item affirmavit apud eundem Platonem Socrates, veri, quin etiam justae sanctique principium est. Pulcra enim non amat philosophus, nisi quae vere sint pulcra, veritatem autem eodem, quo amasium ipse suum, amore prosequitur. Quo fit, ut veritatis assequendae causa nil non et facere et pati velint sapientes, mori adeo cupiant: quod unus efficere
amor

amor potest. Quodsi de justitia ac caeteris virtutibus majoribus, deque vitae morumque sanctitate quaerimus, *virtutis auctor* amor est, quod Phaedrus nos in Symposio docuit, imo vero solus hic homines *ad virtutem ἐνθεοῦς* facit: estque idem ille, de divinâ Diotimae sententiâ, inter Deos hominesque intermedius, illorum ad hos beneficia, horumque ad illos preces transferens, ut immensum, quo separantur a se invicem, intervallum compleat: hominemque omnino, Deorum cultu et veneratione, ad vitae integritatem sanctitatemque, ad divinae adeo naturae similitudinem informat. Quidni igitur, ut adhuc fecimus, sic deinceps amorem principium, unde optima quaeque ducamus, habebimus? Sed amor praeterea hanc apud nos vim habet, ut, optimarum rerum cupiditate, pravas cupiditates, quae item insunt animi naturae, accesserit modo rationis imperium, vincamus ac coërceamus. Haec autem naturalis animi nostri conditio, ut ad finem aliquando disquisitionum nostrarum, qui vita beata est, feliciter perveniamus, hîc nobis continuo diligenter exponenda est.

Amor in animo hominis *desiderium* est proprie. Ex indigentia enim oritur, ut Socrates nos in Symposio, itemque Aristophanes docuit. (1) Id enim, quo caremus, quod requirimus, quod desideramus, non, quod habemus, appetere atque amare solemus. Cujusmodi appetitus ac desideria in brutis ani-

(1) Vol. I. p. 117 et 119.

animalibus non minus, quam in hominibus, animadvertimus. Cibus potumque expetunt vehementer desiderio atque ardore, eodemque, et maiore etiam, satisfacere veneriis cupiditatibus student: homines vero has cupiditates, insanas hasce libidines, quamvis indignae hoc nomine sint, amorem vocant. Est scilicet hic *πάνδημος*, *vulgaris* amor, vulgo illique hominum generi proprius, qui brutorum instar, solis indulgent corporis sensuumque appetitibus ac voluptatibus, iisque se rapi in pessima quaeque sinunt. Quocirca hi ab iis omnibus, quae unice homines decent, a pulcro et bono, a virtutibus, ab ipsâ philosophiâ abripiuntur procul. Veruntamen, ut apud Euripidem est:

ἀλλ' ἔστι δὴ τις ἄλλος ἐν βροτοῖς Ἔρως
ψυχῆς δικαίας, σώφρονός τε καγαθῆς. (1)

Uranius amor scilicet, quem a vulgari diligenter apud Platonem Pausanias distinguit, cuique et ipse et Phaedrus et vero Diotime justas laudes tribuit: ad animum ille animique desideria explenda, non ad corpus sensusque pertinet. Hoc qui ducitur, quod poëta ait, amasium desiderat atque anquirit, *ψυχὴν δικαίαν σώφρονά τε καγαθὴν*, quem ubi invenit amplexusque incredibili ardore, imo furore, est, tantum abest, ut a philosophiâ rerumque optimarum studio et amore vel illum abripiat vel abripiatur ipse, ut mutuis ambo de pulcro et bono de-

(1) Eurip. apud Plat. *de educ. puer.* p. 11 E. Cf. Valcken. *Diatr.* p. 241. et nos supra Vol. I. p. 105.

deque virtute et justitia sermonibus incalescentes, quo se invicem amore, eodem philosophiam, colant ac prosequantur. Hujus autem puri coelestisque amoris, quique unus dicendus *amor* est, ejusmodi est, quod diximus, in animo hominis vis et efficacia, ut vagas illas ac vulgares libidines inhibeat ac coërceat. Id autem quo plenius intelligatur, *rationis* item in libidines istas totumque animum auctoritas considerata nobis exquisendaque est.

*De rationis in animo
auctoritate.*

In libris *de Legibus* hospes Atheniensis, duo nobis insunt, ait, contrarii ac dementes consiliarii, quos *voluptatem* et *dolorem* nuncupamus: accedunt opiniones de rebus futuris, quae universo nomine *ἐλπίς*, quatenus autem ad res tristes referuntur, *φόβος*, *timor*, quatenus ad laetas, *θάβρος*, *confidentia* dicuntur. Praeest hisce omnibus, quae, quid melius in iis sit, quid pejus, discernit, *ratio*, *λογισμὸς*. (1) Rem deinceps hospes ille Cliniae et Megillo, quo haec assequantur facilius, imaguncularum, quae funiculis moventur, comparatione explicat. „Affectus hi, inquit, ut funiculi quidam aut nervi nobis naturam insunt, quibus, ludicrorum istorum instar trahimur retrahimurque in varias et
con-

(1) *De Legg.* I. 644. C. Cf. VII. 803 C.

contrarias partes. Talium imaguncularum ridicula conditio est, quum ad vulgus oblectandum, tamquam θαύματα, ostenduntur. Nos similiter mortales immortalibus Diis θαύματα quaedam sumus, quippe quos voluptas et dolor, spes ac metus, sibi invicem renitentes, huc illuc inque contrarias partes distrahunt." Valent haec egregie ad animi naturam declarandam. *Patiens* in affectibus, non *agens* conditio nostra est, ut hoc ipsum vocabulum *affectus*, magisque etiam illud, quo Plato utitur, πάθη, demonstrat. Movemur igitur et trahimur plane illis, et hinc intelligimus, quare homo ἡττων ἑαυτοῦ, *semetipso inferior* dicatur. Dicitur ita, ubi submissus plane affectibus suis est, in primis vero, ubi amore totus, affectuum omnium facile vehementissimo, regitur. Sed Hospes ille de animi naturā, ut monuimus, hoc animadvertit praeterea: praecesse dicit affectibus nostris omnibus *rationem*, quae, quid melius sit, quid pejus, discernit: idemque in festivissimā comparatione, quum ἐλξεις memorat, quibus intus agitatur, unam item memorat, cui obsequi decet hominem, nec deficere et vero una cum illā caeteris reniti, ἀνθέλλειν. Ταύτην δὲ εἶναι, ait, τὴν τοῦ λογισμοῦ ἀγωγὴν χρυσὴν καὶ ἱερὰν· — ἄλλας δὲ, σκληρὰς καὶ σιδηρὰς· τὴν δὲ, μαλακὴν, ἅτε χρυσὴν, οὖσαν· τὰς δὲ ἄλλας, παντοδαποῖς εἶδεσιν ὁμοίας, δεῖν τῇ καλλίστῃ ἀγωγῇ τοῦ νόμου αἰετὶ ξυλλαμβάνειν. ἅτε γὰρ τοῦ λογισμοῦ καλοῦ μὲν ὄντος, πρῶτον δὲ καὶ οὐ βιαιοῦ, δεῖσθαι ὑπηρετῶν αὐτοῦ τὴν ἀγωγὴν, ὅπως ἂν ἡμῖν τὸ χρυσοῦν

σοῦν γένος νικᾷ τὰ ἄλλα γένη. *Hic rationis ductus est, aureus ille et sacer: caeteri duri sunt et ferrei; hic vero mollis, quippe aureus: quumque caeteri variae sint formae, hos oportet pulcherrimo legis ductui obsecundare: nam praeclara res ratio est, sed, quum lenis sit nec vehemens, ductus ejus ministris opus habet, ut aureum nostrum genus caetera genera vincat.* (1)

*Animi cum equorum
jugo et auriga comparatio.*

Sed rationis in animo auctoritatem, praecipue autem, quod in his monuit Hospes ille, ὑπηρετῶν δεῖσθαι ejus ἀγωγὴν, ut auctoritatem hancce suam atque imperium exercean recteque ita regat animum, haec igitur Plato longe pulcherrimo ac sublimi loco cum explicuit, tum poetarum instar veluti oculis nostris proposuit, ubi Socratem induxit animum equorum jugo comparantem, quos auriga moderetur. Exstat locus in hymno amoris Platonico, quem partim tractavimus, quum in pulcri philosophi de ἐνθουσιασσει amoris agebamus: (2) nunc autem gravissima ejus pars, quae praesens hoc argumentum spectat, attendenda nobis diligentissime videtur. Qualis sit animus, sic pergit illic Socrates,

(1) *Legg.* I. 645 A. V. Intppr. et de Goer, *Diatriba in pol. Pl. princ.* p. 86. (2) *Vol.* I. p. 87.

tes, divinae prorsus proluxaeque narrationis sit; cui vero similis sit, humanae et brevioris: hoc igitur dicamus. Ἐοικέτω δὴ ξυμφύτῳ δυνάμει ὑποπτέρῳ ζεύγους τε καὶ ἡνιόχου *similis esto concretas vi jugi equorum alati et aurigae*. Deorum quidem equi et aurigae omnes et ipsi boni sunt et e bonis oriundi, caeterorum vero mixti: principio igitur nostri princeps bigas habenis moderatur; alter vero equorum ipsi pulcer bonusque est et ex talibus ortus, alter e contrariis et ipse contrarius: χαλεπὴ δὴ καὶ δύσκολος ἐξ ἀνάγκης ἡ περὶ ἡμᾶς ἡνιόχσις: *difficilis igitur ac molesta sit nostri gubernatio necesse est*. (1) Quae difficultas tum maxima gravissimaque est, quum animus ad pulcri vultus, divinae formae adspectum cupiditatis voluptatisque stimulis intus agitur totus. Est scilicet unus equorum, quos moderandos habet, σκολιδς, πολὺς, εἰκῇ συμπεφορημένος, κρατεραύχην, βραχυτράχηλος, σιμοπρόσωπος, μελάγχρως, γλαυκόμματος, ὕφαιμος, ὕβρεως καὶ ἀλαζονείας ἐταῖρος, περὶ ὧτα λάσιος, κωφός, μάστιγι μετὰ κέντρων μόγις ὑπέλκων: *intortus, ingens, membris temere compositis, durā cervice, brevī collo, simo vultu, atro colore, oculis caesiis sanguineque suffusis, superbus ac contumax, hirsutis auribus atque surdis, vix flagello stimulisque obtemperans*. (2) Cui equo si semel relaxaverit frena, totus sensuum appetitibus abripiatur necesse est. Quo vero eum facilius regat, imo

(1) *Phaedr.* 246 A.B. (2) *Phaedr.* 255 E. ubi V. Heind.

imo vero, ut regere furiosum istum et pervicacem possit, adjunctum illi alterum equum habet, εὐνιον, freno monitisque et adhortationi parentem. Est hic ἐν τῇ καλλίονι σάσει ὄν, τό τε εἶδος ὀρθός καὶ διηρθρωμένος, ὑψαύχην, ἐπίγρυπος, λευκός ἰδεῖν, μελανόμματος, τιμῆς ἐρασῆς μετὰ σωφροσύνης τε καὶ αἰδοῦς καὶ ἀληθινῆς δόξης ἐταῖρος, ἀπληκτος, κελεύσματι μόνον καὶ λόγῳ ἡνιοχεῖται: *excellentiore habitu, specie rectius, membris rite expressus, ardua cervice, naso aquilino, nitido colore, nigris oculis, honoris cupidus, sed modestiae simul ac pudoris plenus, verae opinionis amicus, nullis stimulis indigens, cohortatione sola ac ratione regitur.* (1) Ergo, ubi auriga in animo, amatorium adspiciens vultum, totumque sensu inflammans animum, titillationis ac desiderii stimulis concitatur, tum qui aurigae obediens est equorum, ut consuevit, pudore cohibitus semet ipsum continet, ne prosiliat in amatum. Alter vero neque stimulis neque verberibus coërceri potest, sed exsultat vi et impetu, atque conjunctum sibi equum et aurigam perturbans, rapit utrumque ad amasium, ut indulgeat sibi voluptatem. At illi initio adversantur quidem, indignati, quod ad gravia nec licita trahantur, tandem vero, cum exitus mali nullus sit, compulsi feruntur, ceduntque jam et consentiunt, quod jussi sunt, facere. Hinc ad amasium accedunt, intuenturque ejus vultum quasi ful-

(1) Eod. l.

fulgurantem: quod ut vidit auriga, *ipsius pulcri* recordatur, illudque cernit una cum temperantia in puro sanctoque loco repositum: mox autem ad ejus adspectum cohorret, reveritusque recidit supinus, simulque cogitur habenas tam vehementer retrahere, ut ambo equi coxis humi resideant: alter quidem sponte, quia minime freno reluctatur, procax vero ille perquam invitus. Recedentes vero longius, alter prae pudore et verecundiâ omnem animum, sudore irrigat: alter vero dolore liberatus, quem per frenum et casum contraxerat, aegre respirans, irâ fertur, et conviciis cum aurigam tum adjunctum equum petit, quasi qui ignaviâ sôcordiâque ordines deseruissent solvissentque pactum: tum rursus eos nolentes invitosque accedere cogens, aegre concessit illis, differri in posterum exorantibus. Accedente autem statuto tempore, cujus esse immemores illi quidem simulant, hic vero illos commonefacit, urgens, hinniens, trahens compellit iterum iisdem verbis amasium adire. Postquam vero prope accesserunt, inflexus, extensâ caudâ, frenum mordet impudentissimeque rapit. Sed auriga, multo magis eadem, quae antea, passus, velut statim a carceribus retro relapsus, habenis longe vehementius retractis, dentibus contumacem equum reprimat, atque impuram linguam maxillasque cruentans, crura et coxas humi defigit poenisque coërcet. Quod posteaquam saepe jam pravus equus ille perpressus est, lascivire desistit, mansuefactusque tandem aurigae ob-

obediens est providentiae, atque, ubi adspicit formosum, formidine perit. "Ὡς συμβαίνει ποτ' ἤδη τὴν τοῦ ἑρατοῦ ψυχὴν τοῖς παιδικοῖς αἰδουμένην τε καὶ δεδοικῦναι ἔπεσθαι. *Fit ita aliquando, ut amasium amantis animus cum verecundia metuque prosequatur.* (1)

Descriptio haec animi Platonica quantopere a posteris celebrata imitandoque expressa sit, *Phaedri* interpretes docent. Nobis, qui ipsam interpretari Platoniam philosophiam studemus, de mente consilioque philosophi in his celebrandis dispiciendum est. Naturam animi hac imagine, ut sponte cernimus, declaravit, nec quisquam haec legerit, quin rationis cum cupiditatibus certamen descriptum et veluti depictum viderit. Sed locus hic de domandis cupiditatibus, quamvis gravis sit in ethicâ nostrâ, nec minus a poëtis atque oratoribus, quam a philosophis celebratus, tamen, ut id, quod sentio, libere profitear, *communis*, quod ajunt, *locus* est. Plato autem, quod neglexerunt fere philosophi, equo illi ferocenti, quo cupiditatum vehementiam insaniamque significat, alterum equum adjunxit, placidum frenoque obtemperantem, cujus maxime ope ratio cupiditates inhibet ac domat. Est scilicet ille recti amor in animo nostro: amor omnino est, quem laudavimus, *uranus*, quo nos ducti pulcrum, bonum, justum assequi nitimur. Nam affectus apud Platonem non

(1) *Phaedr.* 263 E. — 265 A.

non omnes ipsi per se vel mali sunt vel nocent : trahunt mentem, ut vidimus, in omnes partes ; sed unus est, cujus ductui et veluti tractui obsequi debemus unice : illum dico, qui cum ratione consentit ejusque minister est. Id nempe est, quod de rationis ductu Atheniensis ille Hospes monuit, δεῖσθαι ὑπηρετῶν τοῦ λόγου ἀγωγὴν. (1)

Vim igitur amoris in animo hominis, si quidem rationis accesserit moderamen, ad virtutem honestatemque permagnam esse, hinc patet. Cernitur autem in iisdem hisce arctissima quaedam virtutis felicitatisque necessitudo. Quod in eodem illo amoris hymno Plato, ut in superioribus animadvertimus, mirā sublimitate celebravit. Nam amans, ait Socrates, ut eo quo diximus modo, altero illo equo adjutus, pravas cupiditates vicit domuitque, quo ipse agitur amore, eodem jam imbuat amasium. Amat igitur et hicce, quamquam quid amet nescit. Fit autem amore mutuo, ut tamquam in speculo, sic in amante, semet ipsum adspiciat. Absens igitur desiderat eum, ut ab eo desideratur vicissim, nec quidquam cupit vehementius, quam ut semper cum eo sit una. Et sic quidem ambo beatam atque concordem praesentem agunt vitam,

mo-

(1) Altero fere equo Platonici τὸν θυμὸν intellexerunt V. Intpp. ad h. loca. Non quidem inepte : nam apud Platonem tam θυμὸς, quam recti amor, rationi succurrit ; sed philosophus, cum Phaedrum scriberet, nondum videtur notionem θυμοῦ satis sibi distincte proposuisse : hoc demum in Politia egit, ut infra monebimus.

modesti et sibimet ipsis imperantes, subactis, e quibus viria, in libertatem vindicatis, e quibus virtutes oriuntur; mortui vero, recuperatis alis, praepetes evolant, cum trium certaminum Olympiorum unum pervicerint: quo sane praestabilius bonum nec humana temperantia, nec divinus furor homini afferre ullum potest. (1)

De justitia et felicitate.

Sufficitne homini ad beate vivendum justitia?

Verumtamen quae ex philosophia pulcri ad quaestionem de justitia ac felicitate attulimus hactenus, praeparaverint haec nos quodammodo forte, ut quod quaerimus, inveniamus aliquando; philosophia justii aliam postulat disquisitionem. De justitiâ hic agendum nobis est: discernere eam a caeteris virtutibus majoribus, a sapientia, fortitudine, temperantiâ oportet: quaerendum praecipue, num ad bene beateque vivendum ipsa sufficiat una. Attigimus haec, quum in philosophiâ veri tractandâ *Philebum* explicaremus Platonis. Sed Plato, ut vidimus, cum scriberet dialogum illum, minus Socratis suamve sententiam declarare, quam adhibere Philolai placito *περὶ τῶν ἀπείρων τε καὶ περαινόντων* dialecticam studuit. Et vero de sapientiâ illic et voluptate, utri ad beatam vitam plus tribuendum sit,

(1) *Phaedr.* 256 A. B. Cf. Vol. I. p. 134 et 135.

sit, non de justitiâ egit. (1) Hic autem Socraticâ ratione nobis, quod in *Politia* instituit Plato, de vitâ beatâ, et omnino eum in modum agendum est, ut, quid sit in animo hominis justitia, ex ipsâ animi naturâ explicemus. Explorare igitur multo diligentius interiusque, quam adhuc fecimus, animum decebit. Discrevimus jam in eo a cupiditatibus rationem, cui parere istae debent: socium item cupiditatum, sed qui idem rationis minister adjutorque est,prehendimus: unde partes animi, quas vocat Plato, τὸ ἐπιθυμητικὸν ac λογικὸν, quales sint, cognoscere jam coepimus. Verum tertiam is partem adjecit illis, τὸ θυμοειδές; haec vero nondum, quae sit et qualis, patet nobis: certe nec Socrates eam in hymno amoris, nec in senili sermone Hospes Atheniensis nomine memoravit. Ut vero cum caeteras virtutes, tum justitiam assequamur, θυμοειδές illud in animo nostro non minus, quam τὸν λόγον ac τὸ ἐπιθυμητικὸν et cognoscere ipsum et ab his discernere debuerimus. Mitto caetera; sed, quod diximus, conjunctam apud Platonem cum morali doctrina politicam esse, id ex omni hac nostra superiore disceptatione haud facile duxeris. Sunt scilicet poëtica fere, quae hactenus attulimus, in quibus exstant forte eorum, quae investigamus, principia, sed latent, certe, ut appareant dilucide, aliunde videtur lumen adhibendum esse. Quamobrem, age, aliam insti-
tua-

(1) V. Vol. II. P. III. p. 212.

tuamus, uniceque philosopham, imo Socraticam disquirendi rationem, si forte sic licuerit nobis et partes animi singulas singulatim conspicerem, et, quid sit in animo justitia, quamque vim ad beatam vitam habeat, assequi et perspicere.

*Thrasymachi
de justitia ac felicitate
placita.*

Sed ut disquisitionem instituere in justitiam vitaeque felicitatem paramus, ecce! denuo nobis occurrunt sophistae: quodque jam dudum clamarent, hic repetunt, inanem rem esse, quam quaerimus: opinione hominum ferri justitiam, esse autem nihil reapse, vel, si quid sit, *ἀλλότριον* esse *ἀγαθόν, οἰκείαν βλάβην*.⁽¹⁾ Simile quid nobis tum objecerunt Gorgias, Callicles, Polus, quum in veri versaremur disquisitione. Verum esse nihil dictitabant, nisi quod videretur, idque ad justitiam tollendam adhibebant. Sed horum omnium imprimisque Protagorae cavillationes *idearum* auctoritate ac veritate confutavit apud Platonem Socrates. Thrasymachi vero istud in justitiam dictum, *injustis eam prodesse, justis vero nocere*, habet, quo mentem continuo nostram advertat, nec omni est sane, si vitam hominum moresque attendimus, verisimilitudine destitutum. Nam tantum

(1) *De Rep* I 388. III. 392. B.

tum abest, ut suus habeatur justitiae honos, ut injusti, qui item callidi sunt, in coelum ferantur laudibus, contemnantur vero justī ac rideantur. Et vero nihil accidere in vita crebrius videmus, quam ut injustis bene, justis male sit. Verum, ut, cognita causa, rem dijudicemus recte, ipsum audiamus Thrasymachum, in *Politica* Platonis et ista et alia placita profundentem.

In dialogo hocce, quem de hoc ipso argumento, de justitia et felicitate philosophus scripsit, ut convenerunt in Cephali senis aedes, qui in Piraeo habitabat, cum alii multi, tum Socrates et Glauco, oriuntur continuo de justo et de justitia sermones, in quibus primum Thrasymachus, tum ipse cum Glaucone et Adimanto Socrates partes dicendi maxime habet. Nam posteaquam cum Simonidis, tum aliorum in justitiam dicta interrogando, ut solebat, exploravit Socrates, Thrasymachus hunc de repente et ira, ut apparebat, excandescens plane aggreditur: nullaque retentus verecundia, quid sentiat de justitia, libere et palam profitetur. Exclamans igitur continuo, quae vos, o Socrates, inquit, dementia tenet, cedentes vobis invicem? Quodsi revera nosse cupis justum quid sit, ne interroga solum neve vincere concupisce reprehendendo, postquam tibi responsum fuerit — id scilicet tenens, facilius esse interrogare, quam respondere — sed tu ipse responde ac dic, quaeso, quid esse justum existimes: nec vero mihi dicas, esse illud *quod oportet*, vel *quod utile est*, vel
quod

quod convenit, vel quod lucrum affert, vel quod prodest; sed plane mihi accurateque dic, quid esse illud putes: nam haud admittam equidem, ubi talia nobis argumenta attuleris: ⁽¹⁾ Quibus dictis percussus Socrates (nam ferae iste instar in ipsum caeterosque quasi discepturus proruerat, ut perterriti pavescerent —: ad haec igitur tremiscens Socrates, o Thrasymache, inquit, ne tu ita in nos saevias: nam si in disquirendis rationibus lapsi sumus, egoque et hic, pro certo habeto, invitos errasse nos. Ne enim existima, si aurum quaereremus, nos non sponte nobismet ipsos in disquisitione cessuros esse et inventionem impedituros: nunc autem, cum justitiam quaeramus, rem multo auro longe pretiosiore, inepti adeo inter nos cedere, nec omni studio anniti, ut quale istud sit appareat. Verum arbitror. o amice, invenire illud non possumus. Quamobrem nostri misereri vos, quippe sapientes, multo magis decet, quam irasci. Ille vero, auditis hisce, in cachinnos effusus et plane Sardonium ridens, o Hercules, ait, haec scilicet solita est illa Socratis ironia! Noveram id equidem et hisce praedixeram, te quidem non responsurum, sed usurum ironiâ esse atque omnia facturum potius, quam interroganti responsurum. Hic Socrates, quo tandem modo, inquit, vir optime, respondere quis possit, primum, qui neque sciat neque scire se fateatur, dein-

(1) *De Rep.* I. 336. C. D.

deinde, qui, si vel maxime de his aliquid sciat, prohibitus sit a viro non contemnendo quidquam dicere eorum, quae existimaverit. Sed te magis aequum est dicere: tu enim scire profiteris posseque dicere: gere igitur tu mihi morem nec docere recuses Glauconem huncce et caeteros qui adsunt.⁽¹⁾ Quibus dictis et Glauco et caeteri excitati, flagitant Thrasymachum, ne aliter agat. Thrasymachus autem perquam, ut patebat, dicere auebat, ut ostentaret doctrinam, ratus scilicet pulcerrimum esse, quod esset responsurus; simulate autem a Socrate contendebat, ut ipse responderet: tandem vero concessit. Ἄκουε δὴ, αἰτ, Φημι γὰρ ἐγὼ εἶναι τὸ δίκαιον οὐκ ἄλλό τι ἢ τὸ τοῦ κρείττονος συμφέρον. *Audi ergo: statuo equidem, justum nihil aliud esse nisi quod superiori sit utile*⁽²⁾. Quam sententiam ut paucis verbis emisit, ita deinceps pluribus declarat, hunc in modum Socratem interrogans. Ignorasne, inquit, civitates alias a tyrannis, alias a populo, ab optimatibus item alias regi? — Novi equidem. — Nonne in quaque civitate id princeps est, quod eam regit? — Quidni? — Fert autem leges principatus quisque ad suam semper utilitatem: ubi penes populum est, populares fert, ubi penes tyrannum, tyrannicas, et sic in caeteris: probant sic autem principatus, id justum iis esse qui reguntur, quod sibi sit utile: quocirca qui migrant illud, hos poenis affi-

(1) Ib. 337 E. — 338 A.

(2) Ib.

ciunt, quippe injustum et contra leges agentes. Id igitur est, o bone, quod dico: in omnibus esse civitatibus unum idemque justum, hoc scilicet, quod principatui conducit: principatus autem superior est: ut, recte subductis rationibus, ubi-
vis idem justum sit, quod superiori est utile. (1)

Haec apud Platonem Thrasymachus. Nec vero is unus in hunc modum de justitiâ existimabat. Communis haec omnium fuit propemodum sophistarum opinio. In *Gorgia* Platonis sic Callicles: „*naturâ*, inquit, quidquid pejus est, idem turpius, ut pati injuriam; *lege* vero et pejus et turpius est injuriam inferre. Non cadit naturâ in virum injurias pati, sed in servum, cui mori quam vivere satius est, quia nec sibi illatas injurias contumeliasque propulsare potest nec suis opitulari. Censeo equidem, illos homines primum leges tulisse, qui minus viribus, quam numero, valerent, eosque illa constituisse, quae sibi fore utilissima putarent. Hi igitur robustiores quosque cum laudibus, tum vituperiis terruerunt, quo minus in aliorum fortunas invaderent, ac turpe esse dixerunt et injustum, plus aliis habere velle, quin hoc ipso contineri injustitiam: tum denique haec lege sanxerunt. Ipsi enim, quippe imbecilliores ac deteriores, satis habebant, si modo aequali jure uti possent. Natura vero hoc justum esse declarat, ut qui melior sit ac fortior, idem plus habeat de-

te-

(1) *Rep.* I. 338 D. — 339 A.

teriore atque infirmiore, idque persaepe ostendit cum in caeteris animantibus, tum in hominibus. Semper enim gentibus ac nationibus justum visum est, ut debiliori imperaret fortior. Nam quo alio jure Xerxes Graeciam exercitu est adortus, aut Scythas ejus pater? Quibus sexcenta alia addi possint. Scilicet arbitror, recte hos fecisse, quoniam fecerunt, quae justa essent lege naturae, lege autem civili injusta. Hanc enim homines posuerunt, ut optimates quosque et robustissimos, tamquam leones, incantamentis quibusdam ac praestigiis delinitos, vincirent, eosque docerent, et aequali jure uti, et id pulcrum justumque habere. Sin vero existeret aliquis optimae naturae vir, is omnes istas praestigias, incantamenta ista et omnino leges, praeter naturam scriptas rejiciens, rumpens, infringens, conculcans, e servo statim omnium fieret dominus, ac suo exemplo, quid naturam justum sit, ostenderet.” (1) Commendabant id decretum Sophistae Pindari auctoritate, cujus haec fuerat sententia: νόμος ὁ πάντων βασιλεὺς, θνητῶν τε καὶ ἀθανάτων, ἔχει δίκαιον τὸ βικιότατον ὑπερτάτῃ χειρὶ. Efficiebant inde, legem, omnium cum mortalium tum immortalium reginam, praepotente manu demonstrare, quod validius sit, idem aequius esse. (2)

Sed ad Thrasy Machum redimus. Communi huic So-

(1) *Gorg.* 483. A. (2) V. docta hac de re cultissimi Geerii animadversio. *Op. cit.* p. 20.

Sophistarum placito illud deinceps in sermonibus illis adjicit, quo sibimet placuisse mirifice videtur: *ἀλλότριον* esse *ἀγαθόν* justitiam, *οἰκείαν βλάβην*. Nam, ut Socrates ex eo de medico quaesiverat, utrum tamquam medicus, quid ipsi, an vero, quid aegrotis conduceret, spectaret, Thrasymachus: „dic mihi, inquit, o Socrates, estne tibi nutrix? — Quid? nonne respondere decebat magis, quam talia quaerere? — Quoniam te negligit et oppletas tibi nares non emungit, cum tamen indigeas, qui neque pecudum neque pastoris cognoscis officium. — Cur istud? — Quia putas, opiliones et bubulcos pecudum boumque boum considerare, eosque pascere et colere, ad aliud respicientes, quam ad dominorum ipsorumque utilitatem, tum etiam illos, qui in civitatibus reapse regnant, aliter ad eos, qui ipsis subsunt, existimas respicere, quam tanquam pastor ad oves, et aliud cogitare noctes atque dies, quam unde utilitas ad ipsos redundet: atque adeo tu procul abes, ut quid justum ac justitia, quid injustum atque injustitia sit, teneas, ut ignores, justitiam justumque alienum esse bonum ac revera imperantis et potentioris emolumentum, detrimentum vero proprium obedientis et subditi; injustitiam vero contra in bonos justosque homines imperium exercere: qui autem parent, facere quae imperanti potentiorique conducunt, illumque obsequio beatum reddere, sibi autem ipsis non consulere. Considerare, optime Socrates, sic decet. Vir justus omni in causa minus, quam injustus, habet: pri-

num in mutuis commerciis, cum aliquid contrahunt ambo, nusquam in dissolvenda societate reperies, plus justum, quam injustum, sed semper minus reportare: tum in rebus publicis, ubi tributa conferenda sunt, justus plus confert, quam sui aequales, injustus minus: ubi vero aliquid accipiendum est, justus nihil, injustus multa reportat. Etenim si quando magistratu quodam uterque fungitur, si nulla alia justo jactura contingit, haec saltem illi non deest, ut res domesticae deterius per negligentiam disponantur: ex publico autem nihil propterea, quod justus est, lucretur. Accedit, quod domesticos ac familiares sibi infestos reddit, cum illis prospicere nullā in re ultra justum vult; injusto vero omnia contra eveniunt: dico autem, quod et supra, de eo, qui multum praeter ceteris potest lucrari: hunc igitur attende, si vis judicare, quanto magis conferat, privatim sibi injustum esse, quam justum. Facillime autem disces, si ad extremam perveneris injustitiam, quae injuste agentem felicissimum efficit, eos contra, qui afficiuntur injuria ac neminem injuste laedere volunt, infelicissimos. Est autem haec tyrannis, quae non paulatim, sed simul omnia aliena usurpat, et clam et vi, et sacra et sancta, et privata et publica: in quibus singulis si quis singulatim deliquerit deprehensusque fuerit, mulcatur et opprobrio afficitur maximus: sacrilegi enim, plagiarii, effractores, fures, latrones et omnino per singulas partes peccantes, ab hujusmodi criminibus nomen habent. Sed
ubi

ubi quis praeter hujusmodi rapinas pecuniarum, cives etiam ipsos in servitutem sibi redigit, non tam probrosis nominibus notatur, sed felix ac beatus praedicatur, non a civibus suis tantum, verum ab omnibus, qui eum audiunt nequitiam omnem explevisse. Non enim ideo vituperant injustitiam, quicumque eam vituperant, quod injuste facere, sed quod perpeti metuunt. Hoc igitur pacto, o Socrates, injustitia omnibus suis partibus absoluta, robustius quiddam et liberalius, quam justitia est: utque ab initio dicebam, id quod potentiori confert, justum est; injustum vero sibimet ipsi utile est et proficuum." (1)

In his sermonibus Thrasymachum Plato sic descripsit, ut, quo audaciae, quo temeritatis, quo impudentiae haec doctrina homines efferat, in illius exemplo cernamus. Ut ferae iste instar in Socratem, tamquam discerpturus, irruit, ita ab hoc deinceps, ut serpens, deliniri dicitur. Hoc adeo de eo usurpat Socrates, nunc primum se vidisse Thrasymachum erubescens. Quamquam, quod hominis doctrinam attinet, non caret illa, ut dicere jam instituimus, probabilitate ac verisimilitudine. Probarunt eam agendo principes, paucis exceptis, omnes, quotquot res magnas moliti sunt. Quid? quod ipsa omnium temporum politica, quamvis a philosophis e melioribus principiis duceretur, in administrandis gentium rebus, id quod utile magis, quam

(1) *De Rep.* I. 343. A. — 344. C.

quam quod justum et honestum esset, spectavit? Unde dedecus politicae, quod ipsius nomini ad hunc usque diem adhaesit. Nec vero ipsi apud recentiores adeo philosophi ab his agendi principiis alieni fuerunt. Ne dicam de Maecchiavello sic famoso ejus opere, *del Principe* inscripto, patrum nostrorum memoriâ illa prodiit denuo politica, quae τῷ συμπεπρωτος philosophia recte est appellata. Hand ita perpetua profecto et constans haec doctrina fuisset, nisi habuisset, qua se commendaret, veritatis speciem. Quod de altero item Thrasymachi placito, *ad felicitatem plus injustitiam, quam justitiam valere*, et majore etiam probabilitate dicendum est. Quamobrem Plato in hoc dialogo, postquam consopita tandem Socratis oratione Thrasymachi ferocitas est, Glauconem et Adimantum rem interius inquirentes induxit, ut, quid tandem de rei gravissimae non veritatis quadam specie, sed veritate existimandum esset, pateret.

*Iustissimi hominis
et injustissimi, felicitatis ratione
habita, comparatio.*

Sic igitur deinceps apud Platonem Glauco. Thrasymachus, ait, in celebrandâ injustitiâ, ac justitiâ vituperandâ rejiciendâque, utriusque respexisse commodum et incommodum videtur. Ego vero, quid ipsae sint, καὶ τίνα ἔχει ἑκάτερον δύναμιν αὐτὸ κατ' αὐτὸ ἐνὸν ἐν τῇ ψυχῇ; *quam utraque*
vim

vim ipsa per se in animo nostro habeat, inquirere velim. Quamobrem, quod ille neglexit, ego faciam. Renovabo equidem Thrasy-machi orationem, et primum dicam, qualem esse justitiam dicant atque unde exortam: deinde, omnes, quicumque justitiam colunt, invitos quodammodo eam sequi, tamquam ~~non~~ necessariam, non vero bonam; tertio, merito eos sic agere: multo enim meliorem injusti vitam esse, quam justī, ut tradunt. Haec Glauco: quamquam non sine verecundiā et pudore generosus adolescens eo accedit. Mihi quidem, o Socrates, ait, non ita videtur; veruntamen dubito subinde, quippe obtundor quotidie auribus, Thrasy-machi aliorumque sermones audiens; orationem vero pro ipsa justitia, meliorem eam, quam injustitiam esse, ex nullo adhuc audivi, ut cuperem; cuperem autem ipsam per se ipsam laudatam audire: maxime vero ex te hoc me arbitror auditurum. Quapropter dicam latius, injustam vitam laudans: dicendoque ostendam tibi, quonam maxime modo audire te velim, vituperantem injustitiam, justitiam laudantem: sed vide, num hoc tibi placeat. (1) Ad haec Socrates, maxime, inquit, omnium: qua de re enim quis sapiens saepius cum dicere tum audire velit? Tum Glauco, praeclare, inquit, loqueris: quod autem primum de hoc dicere pollicitus sum, jam audi quale id sit, et unde sit orta justitia. Naturā dicunt injuriam facere bonum esse, in-
ju-

(1) *De Rep.* II. 358. B. C. D.

juriam autem affici malum; sed longe plus mali esse in patiendo injuriam, quam boni in inferendo: quomobrem, postquam vicissim injuriam et intulerint et acceperint atque utrumque gustaverint, qui nequeunt vitare illud, id consequi operae pretium fore ducunt, ut ita invicem componant, ut neque inferri neque accipi possit injuria: hincque volunt originem habuisse leges atque instituta, et nominata esse praecepta legum legitima ac justa. Hanc igitur justitiae esse originem et vim contendunt, quae media quodammodo sit optimum inter et pessimum, quandoquidem optimum est inferre injuriam nec dare poenas, pessimum vero pati nec posse ulcisci. Justum ergo, horum in medio constitutum, non amari tamquam bonum, sed, ex imbecillitate ad injuriam inferendam, honorari: neminem enim, qui hoc efficere possit vereque vir sit, cum alio pacisci, ne ultro citroque injuria inferatur: insanire enim istum. Haec est, o Socrates, naturae justitia atque e talibus est, ut ferunt, progenita. Illos autem, qui justitiam servant, invitos id agere, cum ex imbecillitate injuriam inferre nequeant, plane perspiceremus, si tale quid animo fingeremus: si utrique, tam justo, quam injusto, licentiam largiremur, quodcunque luberet, agendi, tum pone sequeremur spectantes, quo raperet utrumque libido: inveniremus profecto, justum aviditate compulsus, ad eadem se, atque injustum, conferre: id scilicet natura omnis, ut bonum, appetit; lege vero ac vi ad aequalitatem servandam ducitur. Erit autem li-

cena

centia illa, quam dico, talis, istis si detur, qualem aliquando ferunt fuisse Gygi; qui, cum terra discessisset magnis quibusdam imbribus, in illum hiatum descendit, aeneumque equum, ut ferunt fabulae, animadvertit, cujus in lateribus fores essent: quibus apertis, hominis mortui vidit corpus magnitudine inusitata, annulumque aureum in digito: quem ut detraxit, ipse induit: erat autem regius pastor: tum in concilium pastorum se recepit. Ibi cum palam ejus annuli ad palmam converterat, a nullo videbatur, ipse autem omnia videbat: idem rursus videbatur, cum in locum annulum inverterat. Itaque hac opportunitate annuli usus, reginae stuprum intulit, eaque adjutrice regem dominum interemit, sustulitque, quos obstare arbitrabatur: nec in his eum quisquam facinoribus potuit videre: sic repente annuli beneficio rex exortus est Lydiae. Si igitur duo tales annuli essent, alterumque justus, injustus alterum possideret ac ferret, nullus profecto esset, ut videtur, adeo adamantinus, qui in ipsa justitia permaneret et ab alienis abstinere vellet, cum liceret ipsi ex foro intrepide, quodcumque vellet, arripere, ingredique alienas domos, et clanculum pro libidine cum quoque congredi, et pro arbitrio quemlibet interficere, et ex carcere solvere, et alia, quasi par Deo esset, inter homines pro arbitrio facere: haec igitur cum uterque faceret, nequaquam alter ab altero in agendo differret, sed ambo eodem tenderent. Quae quidem maxima apud omnes esse potest

est conjectura, neminem volentem, imo invitum, esse justum; quasi id secundum se et privatim non sit bonum; quoniam ubicunque injuste agere quisque se posse confidit, agit protinus. Prodesse enim quisque privatim multo magis existimat injustitiam, quam justitiam, recteque sentit, quisquis ita judicat, ut sermonis hujus perhibent auctores. Quod si quis, hujusmodi facultatem nactus, velit ab injustitia abstinere neque aliena tangat, infelicissimus omnium et stolidissimus apud eos, qui hoc adverterent, putaretur: laudarent tamen illum palam, vicissim se decipientes, quia maxime timent, ne afficiantur injuria. Atque haec quidem ita sint dicta. Vitam vero utriusque, justi videlicet et injusti, ita plane dijudicabimus, si justissimum virum seorsum et injustissimum distinxerimus: aliter vero nequaquam. Sit autem haec discretio talis, ut nihil auferamus injustitiae ab injusto, sed perfectum utrumque in suo studio ponamus. Primum igitur injustus, tanquam optimi artifices, faciat: quemadmodum gubernator summus vel medicus, quae arte sua confici possint et quae non possint, sentit, et illa aggreditur, haec relinquit, et si qua praeterea in re peccaverit, corrigere potest, ita et injustus recte injurias aggrediens, lateat, si maxime injustus futurus est: extrema enim injustitia est, justum videri eum, qui non sit justus: danda est igitur injustissimo extrema injustitia, neque auferenda, sed permittendum, ut

ut is, qui injuste multa patravit, apud omnes justus habeat opinionem: et si qua in re peccavit, corrigere possit, sitque ad persuadendum idoneus, si quid de ipso mali facinoris nuntiatur, et ad vim, si opus fuerit, inferendam fortitudine et robore opumque et amicorum copiâ validus. Cum hunc talem finxerimus, juxta ipsum virum ponamus justum, simplicem hominem et ingenuum, qui secundum Aeschylum non videri sed esse bonus studeat. Removenda quippe ab eo justitiae omnis opinio, ne justus cuiquam videatur: si enim videbitur justus esse, aderunt ipsi honores et praemia: incertum igitur erit, justine an honorum munerumque gratia talis sit. Privandus igitur rebus omnibus praeter quam justitiâ, atque ita ponendus, ut superiori contrarius sit, cum nihil agat injuste, injustissimus esse credatur; ut quasi quodam examine ad justitiam sit probatus, ex eo quod nec infamia nec his rebus, quae eam sequuntur, a proposito suo dimoveatur, sed usque ad mortem immobilis perseveret, dum per omnem vitam, injustus existimetur, sit tamen justus: ut cum ambo ad extremum pervenerint, hic quidem justitiae, ille autem injustitiae, judicetur, uter eorum sit beatior. (1)

Haec postquam Glauco tam diserte atque admirabili sane orationis impetu et flumine dixerat, Socrates, vah! inquit, quam vehementer, o suavis-

(1) *De Rep.* II. 338. E. — 361. D.

vissime Glauco, utrumque virum, quasi statuum quandam, in iudicium inducis! Ille vero, feci, inquit, quam optime poteram. Cum ergo tales sint, nihil jam, ut arbitror, difficile narratu est, qualis utrumque vita maneat: dicendum igitur: quodsi vero asperius quid dicatur, ne existima, *me*, Socrates, haec dicere, sed *eos*, qui prae iustitia iniustitiam laudant. Dicent enim huiusmodi quaedam: sic cum se habeat iustus, caedetur flagris, torquebitur, vinculis constringetur, eruentur illi oculi, tandemque pessima quaeque perpeusus in crucem tolletur, ac tum demum cognoscet, non esse, sed videri iustum, concupiscendum esse.” (1)

Sufficere haec Glauconis videatur tam diligens ac copiosa in iustitiam oratio, ut huic anteponenda ad vitae felicitatem iniustitia existimetur. Socrati certe arduum fit, quod semel suscepit, negotium, iustitiae patrocinium. Sed habet Adimantus, Glauconis frater, quae his subjiciat. Satisne, quaerit, o Socrates, hac de re dictum putas? — Quid tandem? — Illud ipsum, inquit, quod dicendum maxime erat, nondum est dictum. — Ergo, reponit Socrates, quod dicitur vulgo, frater fratri adesto: quare tu, si quid hic praetermisit, adjuva: quamquam me, quae dicta sunt ab illo, vincere possunt atque efficere, ut defendere iustitiam nequeam. Tum Adimantus: nihil dicis; sed et haec

(1) *De Rep.* II. 361. D. — 362. A.

haec audi praeterea. Decet enim contrarios sermones inducere eorum, quos hic attulit, quibus laudatur justitia, injustitia vituperatur: quo manifestius fiat id, quod Glauco velle videtur. Praecipiunt scilicet patres filiis omnesque qui curam aliorum habent, oportere justum esse, non ipsam justitiam laudantes, sed summos, qui inde oriuntur, honores. Fingunt item poetae cum aureum justorum saeculum, tum praeclaram eorum in sedibus beatorum post vitam felicitatem. Haec justis tribuunt, injustis vero dedecus, gravissimasque post vitam poenas. Praeter haec considera etiam, Socrates, aliud quoddam orationis genus, quo omnes imprimisque poetae utuntur, ubi de justitia atque injustitia agunt. Universi enim uno ore canunt, bonum quid temperantiam atque justitiam esse, difficile autem et laboriosum; intemperantiam vero et injustitiam, jucundum quidem et facile comparatu, opinione autem ac lege turpe. Caeterum injusta fere utiliora esse dicunt justis, ac malos homines, si divites sunt ac potentes, beatos praedicant, bonos, si imbecilles ac pauperes sunt, miseros vocant. Mirum autem maxime, quod de Diis ac virtute ajunt, Deos plurimis bonis hominibus infelicem vitam dedisse, malis vero felicem. Circulatores insuper et vates ad januas divitum accedentes, persuadent illis, se vim habere divinitus sibi concessam, ut si quod scelus sit perpetratum, expient illud et parvo adeo sumtu, tum etiam, si quis inimico

mico sive justo sive injusto nocere velit, se id facere. Asserunt quippe, Deos se cum blandimentis, tum vinculis inducere, ut sibi in his obsequantur. Ad haec omnia poetarum afferunt dicta, Homericum maxime:

— σπερτοὶ δὲ γε καὶ θεοὶ αὐτοί. (1)

Libros adeo Musaei et Orphei circumferunt, secundum quos sacra celebrant, persuadentes non privatis solum, sed etiam civitatibus, expiationes scelerum per sacrificia ludorumque oblectamenta fieri tam viventibus quam mortuis; praetermissis vero sacrificiis, gravia nos manere. Haec omnia, o Socrates, talia ac tanta, de virtute ac vicio, decorumque et hominum de his existimatione feruntur; quid vero putemus acturos haec audientes juvenum animos, qui solertes ingenio et ad omnia dicta veluti involantes, ex iis quae dicuntur rationari possint, qualem cum esse deceat et quam viam ingredi, qui optime vitam agat? Sic facile quis loquetur secum secundum Pindarum: ardua me ad justitiae arcem viam ingrediar, ut sic munus recte vivam, an ad frondes me obliquas convertam? Nam, sicut ajunt, justo mihi, si non videar, nihil virtus proderit, contra labores et poenae instant; injusto vero, si justitiae speciem induero, vita futura divina est. Quapropter, cum species, ut ajunt sapientes, veritatem vincat atque

ad

(1) *Il. Θ. vs. 493.*

ad beatam vitam unice valeat, huc me totum convertam. Veruntamen, dicat aliquis, haud facile est latere, ubi injustus fueris. At vero eorum, quae magna sunt et praeclara, nil est facile. Quapropter, si beati esse velimus, illuc tendendum, quo sermonum vestigia ferunt. Ut lateamus, conjurationes societatesque ineundae. Sunt item persuasionis magistri, quorum ope populo ac iudicibus cum persuadebimus tum vim inferemus, ut nullas facinorum poenas luamus. Verum, inquit, Deos neque latere neque vi aggredi licet. Atqui, si non sint Dii vel res humanas non curent, nobis non curandum, ut lateamus illos; sin adsint atque homines regant, id non aliunde, quam e poetarum carminibus cognovimus: dicunt autem iidem, posse Deos sacrificiis suavisque precibus et muneribus flecti. Quibus vel utrumque credendum est vel neutrum. Si credendum, injuste agere licet, si modo ex ipsa rapina Diis sacrificia offeramus. Nam si justus sumus, illaesi quidem a Diis erimus, aed lucra, quae per injustitiam comparantur, respuemus; injusti vero, divitias parabimus; sceleribusque perpetratis, illos precibus flectentes, a poena liberabimur. Dicat tandem aliquis: apud inferos poenas dabimus eorum, quae hinc injuste commiserimus, vel nos vel nati natorum. At, o bone, respondebimus, expiationes pro peccatis commissis multum valent, exorabilesque Dii sunt, ut maximae civitates affirmant ac Deorum filii, poetae. Ergo quae ratio nos adducat, ut summae injustitiae
jus-

justitiam anteponamus: quandoquidem, si injustitiam sub adulterina specie occultaverimus, et apud Deos et apud homines omnia nobis e sententia succedent, et viventibus et defunctis: quemadmodum multorum excellentiumque virorum testatur oratio? Ex omnibus jam dictis, o Socrates, quis crediderit, cum hominem justitiam velle colere, cui sit aliqua vis, sive fortunae, sive opum, sive corporis, sive generis, ac non potius subrisurum, si laudari eam audiverit? Nulla autem alia horum omnium caussa est, nisi ea, unde haec tota oratio mihi et huic, o Socrates, adversus te profecta est: quoniam ex vobis, o mirifice, quicumque laudes justitiae profitemini, a priscis illis heroibus incipientes, de quibus aliqua exstat memoria usque ad nostros homines, nullus unquam aliter laudavit justitiam vel injustitiam vituperavit, quam ad gloriam muneraque vel poenas respiciens, quae ab illis profiscuntur. Ipsum vero utrumque quid per se sua sponte agat in habentis animo latens Deos et homines, nullus unquam vel in poemate vel in alio sermone enarravit, esse scilicet injustitiam maximum malorum, quae in sese habeat animus, justitiam vero maximum bonum. Si enim sic ab omnibus vobis fuisset a principio dictum, nobisque ab ipsa pueritia persuasum, non sane nos invicem prohiberemus ab injuria inferenda; sed unusquisque sui ipse custos esset, timens, ne injuste agens maximo malo laboraret. Haec, o Socrates, et plura forte Thrasy-machus aut aliquis ali-

alius de justitia et injustitia, utriusque vim invertens, diceret, importune admodum, ut mihi videtur; sed ego, nihil abs te celari volens, cupiensque ex te audire contraria, quam maximo impetu ac fervore dixi. Ne ergo solum oratione demonstra, *ὅτι δικαιοσύνη ἀδικίας κρείττον· praestantiores injustitiā justitiā esse; ἀλλὰ τί προῖσα ἑκατέρα τὸν ἔχοντα, αὐτὴ δὲ αὐτήν, ἐάν τε λανθάνῃ, ἐάν τε μὴ, θεοὺς τε καὶ ἀνθρώπους, ἢ μὲν ἀγαθόν, ἢ δὲ κακόν ἐστι; sed quid utraque efficiens in utroque, ipsa per sese, sive lateat deos hominesque, sive non lateat, altera bonum, altera malum sit.* (1)

Utriusque adolescentis de justitia sermonem, paucis exceptis, totum apposui. Nam ita dixerunt, me hercule, ut dubitem, num unquam exstiterit orator, qui hoc de argumento disertius, accuratius, copiosius dixerit. Quo accidisse videtur, ut locus hic de justitiā et injustitiā commune deinceps fieret oratoribus ac philosophis argumentum, in quo tractando aemularentur secum invicem. Quod cum aliorum, tum Carneadis ac Ciceronis exemplo probatur. Sed sunt in utraque oratione, quae nobis diligentius attendenda explicandaque videantur. Nam intelligimus inde, quantopere hae de justitia opiniones apud Graecos invaluerint passim: ἀπορῶ, ait Glaucō, διατεθρυλλημένος τὰ ὦτα. ἀκούων Θρασυμάχου καὶ μυρίων ἄλλων. (2) Tum hoc inde ducimus simul, quam

pa-

(1) *De Rep.* II. 562 E. — 567 E.

(2) *Eo.* II. 358 C.

parum adhuc justitiae causa Socratis aetate vindicata fuerit. Subjicit his Glauco: τὸν δὲ ὑπὲρ τῆς δικαιοσύνης λόγον, ὡς ἀμεινον ἀδικίας, οὐδένος πᾶ ἀκῆρα ὡς βούλομαι. Adimantus autem sic statuit, omnium, qui adhuc scripserunt, neminem unquam aliter cum laudasse justitiam tum injustitiam vituperasse, quam gloriam, honores atque munera, quae ab illis proficiuntur, respicientem: ipsum vero utrumque suapte natura quid agat in habentis animo latens deos et homines, nullum unquam vel poematis vel alio sermone satis enarravisse, ut pateret, injustitiam maximum esse malorum omnium, quotcumque in se haberet animus, justitiam vero maximum bonum. (1) Sed illud in primis nobis in Adimanti sermone animadvertendum est, quod de vindicibus dixit justitiae, hos ipsos ei quam maxime fere nocere, quum felicitatis cujusdam spe et opinione traducendos ad eam homines esse dicunt. Illorum non unum recenset, ut vidimus, genus. Sunt, ait, qui famae, honorum, divitiarum causa justitiam celebrent: haec enim esse integrae justaeque vitae praemia. Alii tam difficile negotium esse dicunt justitiam, tam facile tantisque illecebris commendatum injustitiam, ut ad hanc alliciant homines, ab illa absterreant. Accedit leve maximeque noxium mortalium genus eorum, qui peccantibus persuadent, peccatorum esse remedia, si quidem et ipsis pecunias, et diis, quorum ministri

(1) *De Rep.* 366 E.

tri sunt, munera et sacrificia largiri velint. Omnes hi, dixit, quamvis a se invicem diversi, in eo conveniunt, ut nec justitiam propter se ipsam, esse expetendam dicant, et felicitatem longe a justitia esse separatam, imo vero voluptatibus sensuum atque aeternâ ebrietate contineri ferant. Haec autem, quae nos docuit de moribus Graecorum, Adimantus, reputantes, cernimus, quae vitia nos quamque superstitionem tribuere fere aetati nostrae barbarae, quae medio aevo cernitur, solemus, propria haec pariter antiquis Graecis fuisse: cernimus item, quantopere iccirco temporibus illis in Graecia talis desideraretur, qualis Socrates fuit, philosophus, qui *ansecrari solebat*, ut ait Cicero, *illos, qui primum haec naturâ cohaerentia, utilitatem et honestatem opinione distraxissent.* ⁽¹⁾ Cernimus tandem, quantum negotii susceperit Plato, quum, eadem illâ Politia conscribendâ, justitiam per se ipsam sufficere ad bene beateque vivendum, demonstrare niteretur.

*Quid in animo hominis
justitia est?*

Sed de opinionibus moribusque Sophistarum, imo Graecorum, diximus satis, ut, quales illi sint et quid sibi velint, quibuscum nobis agendum erit, perspectum habeamus. Accedendum igitur illud
est

(1) Cic. de Off. III. 5.

est nobis, quo et ipsi ab initio tetendimus et Adimantus nos deinceps itemque Glauco propius adduxit, ut, quid in animo nostro justitia sit, quidque illic praesens in nos efficiat, attendamus. Cujus rei quae sit et quanta cum gravitas tum difficultas, penitus percepit Plato. Socratem, ut finem disserendi uterque juvenis fecit, sic eos alloquentem induxit. Non male in vos, filii illius viri, principium elegorum carminum amator Glauconis scripsit: qui, cum in Megarensi proelio fortiter pugnavissetis, illud usurpavit:

παῖδες Ἀρίστωνος, κλεινοῦ θεῖον γένος ἀνδρός.

filii Aristonis, inclyti viri divinum genus. Id mihi, amici, recte dictum videtur. Nam divinum plane vobis accidit, si vobis non persuaseritis, injustitiam justitiae praestare, cum sic pro illa dicere possitis. Videmini autem mihi id vobismet ipsis non persuasisse: conjecturam capio e vestris moribus: quoniam secundum orationem ipsam vobis minime credidissem. Quo autem magis credo, eo magis, quo me vertam, ambigo. Nam quomodo adjuvem, nescio: videor enim non posse: neque rursus, quomodo succurram invenio: δέδοικα γάρ, μὴ οὐδ' ὅστιον ἢ παραγενόμενον δικαιοσύνη κακῆς δουμένη ἀπαγορεύειν, καὶ μὴ βοηθεῖν, ἔτι ἐμπέτοντα καὶ δυνάμενον φλέγγεσθαι: *vereor enim, ne impium sit, ut, qui justitiam coram vituperari audit, subterfugiat: nec pro ejus defensione verba faciat, quamdiu spirare et loqui conceditur: praestat igitur eam*

eam pro viribus propugnare. (1) Quae cum Socratem dicentem faceret Plato, quin suos ipse de re sanctissimâ intimos sensus expresserit, nemo, qui haec legit, in dubium vocaverit.

*Justitiae exquirendae causa
civitas fingitur.*

Ergo quo facilius aptiusque gravissimum argumentum idemque difficillimum explicaret, iter ingressus Plato est disquisitionis, quod haud scio, an nunquam a philosopho tentatum, nedum confectum sit. Cum in singulari homine, quid justitia sit, non appareat, continuo in civitatem nos inducit, in qua nos eam, quippe in majore atque ampliore negotio, celerius certiusque inventuros arbitratur. Haec nova est illa disquirendi ratio, quae, ut in prooemio significavimus, una cum morali doctrinâ, politicam nobis recludet: idque effectura est, ut in civitate hominem, in homine civitatem et agnoscamus et exploremus. Quamquam id raro et vixdum, quod mirum nobis accidat necesse est, animadverterunt philosophiae Platonicae interpretes. Longi sunt fere in judicandâ republicâ Platonica, quam vel laudant admiranturque vehementer vel reprehendunt; quo vero proposito eam finxerit auctor, quidque in perficiendo proposito, ad moralem in primis discipli-

(1) *Rep.* II. 368 A—C.

plinam recte dilucideque exponendam, perfecerit simul, non quaerere magnopere solent. Id autem exquirendum in primis erat, ut nec temere admirarentur rempublicam illam, et vero, si reprehenderent, justâ de causâ reprehenderent. Quo magis nos, qui nostrum esse putamus, non laudare vel culpâre Platonem, sed *interpretari*, rationem interpretandi, quam adhuc sumus secuti, tenebimus in his praesertim, ut aditum praebeamus lectoribus ad intelligendum judicandamque Platonem: facturi id autem hîc potissimum *videmur*, ubi Socratem iis proposuerimus una cum Glaucone et Adimanto, generosissimis adolescentibus, cum condentem sermonibus civitatem, tum exquirentem in eâ, ubinam lateat, quidque sit, justitia. Opportunitates autem nobis sponte existent. identidem, quibus haec cum ex moribus antiquitatis, tum ex aliorum philosophorum doctrinis, tum vero maxime ex ipsius Platonis sive placitis sive philosophandi ratione illustremus.

*Initia civitatis. Undenam
repetenda sunt?*

Quum igitur rogassent Socratem Glauco et Adimantus caeterique qui aderant, ut quocumque posset modo spretae rejectaeque justitiae succurreret, sic exorsus ille est. Non leve profecto negotium quaestio haec de justitia est, sed hominis acute cernentis. Nobis autem, cum non magnopere
acu-

acuti solerteque simus, sic instituenda ejus explicatio videtur, prouti si quis homines non acute cernentes literulas quasdam parvulas, magno distant intervallo, legere juberet: hi si forte easdem literas, alio loco majores atque in majore spatio scriptas exstare deprehendissent, optime sibi consultum existimarent, ut, primum his lectis majoribus, deinde minores illas legere instituerent. Quod sic deinceps Socrates ad rem praesentem interrogando adhibet. Uniusne tantum hominis, quaerit, an vero civitatis etiam justitiam esse dicimus? — Civitatis etiam, reponit Adimantus. — Civitas autem nonne uno homine major est? — Est omnino. — Justitia igitur amplior in majore inest, faciliorque est cognitu. Quare, si vultis, prius quaeramus in civitatibus quidnam sit, tum id in singulis hominibus consideremus, majoris similitudinem in minoris specie contemplantēs. — Scite mihi loqui videris. — Si igitur civitatem oratione constitutam conspiceremus, justitiam quoque ejus et injustitiam videremus? — Forte. — Id autem si apparuerit, spes erit fore, ut id quod quaerimus, facilius cognoscamus? — Maxime. — Id igitur aggredi oportet: non enim leve illud negotium est. ⁽¹⁾ — Tum Socrates opus hoc permagnum suscipiens, de initiis quaerit civitatis. Et continuo quidem ab *indigentiā* illa repetit. Unusquisque enim nostrum, ait, non sibi sufficiens

(1) *De Rep.* II. 368. E. — 369. B.

est, sed multorum indiget. Quamobrem, cum alii sibi alios ad alia negotia adjungant, multos in unam habitationem adiutores congregabunt: inde universorum coetus, quem urbem appellamus. Constat ille autem continuo quatuor vel quinque viris. Nam prima et omnium maxima indigentia praeparatio *victus* est, ut et simus et vivamus, secunda *habitationis*, tertia *vestitus* cura. Agricola iccirco nobis opus erit, tum aedificatore, porro textore, coriario aliisque, qui corpori tuendo vacent. In his autem illud teneamus, singulis illis hominibus non sibi solum, sed universis prospiciendum esse. Nam primum, non similes sunt omnes naturae, sed aliis alia est ad alia negotia indoles. Deinde singuli singulas artes melius excolunt, quam unus universas. Praeterea non data opportunitate quis, sed id unum agens, rem perficiet recte: non enim quod faciendum est, facientis otium exspectare vult. Non igitur quatuor aut quinque, sed pluribus opus est civibus ad ea, quae diximus, peragenda. Haud enim agricola aratrum ac caetera agriculturae instrumenta sibi conficiet: nec rursus aedificator: multis enim et huic opus est: idemque de textore et coriario dicendum. Fabri igitur atque omnis generis artifices oppidulum nostrum frequens incolis efficient. Accedent autem illis bubulci, opiliones, pastores, ut et agricolae ad arandum bobus, et architecti ad convectandam materiam jumentis, et textores ad rem vestiariam pellibus ac lanis utantur. Verum ne sic quidem

dem sufficere sibi ipsa civitas: desiderabit, quae aliis in locis exstant: esse igitur mercatores aliosque ministros oportebit, qui invehant itemque evehant singula: quodsi maritima insuper mercatura requiritur, esse insuper decebit, qui harum sint rerum gnari. Caeterum et forum adsit necesse est in media urbe, et hominum genus, quod, ad alia *πραΐα* inutile, emendo vendendoque occupabitur, et vero mercenariorum multitudo, quae civitatis erit complementum. (1)

Hic Socrates, condita jam quodammodo civitate, ex Adimanto quaerit: itane vero, Adimante, aucta jam nobis civitas est, ut perfecta dici possit? Quod cum non negaret ille, Socrates denuo, ubinam jam, inquit, in ea esse iustitia et iniustitia videtur et quamam cum re simul in eam inducta? Id vero Adimantus nondum sibi apparere fatetur: nisi forte, inquit, *ἐν αὐτῶν τούτων χρηρὶ τιμὴ τῇ πρὸς ἀλλήλους*, in mutuo eorum, quae diximus, usu existet. Quod cum esset suspicatus, Socrates considerandum hoc ait diligenter esse, nec studio remittendum. Quaerit igitur de vitae genere. Nonne cibos, ait, vinum, vestes, calceos, aedes parantes, aestate fere nudi, hieme vero vestibibus induti, operi incumbunt? Nutrientur autem, ex hordeo et frumento farinam, indeque praeclaras placentas conficientes, ipsique in lectis ex herbis, smilace atque myrto factis, discumbentes, una cum

(1) *De Rep.* II. 369. B. — 371. E.

cum liberis commessabuntur, vinum gustantes subinde, atque ita coronati deosque celebrantes, jacunde vivent? Hic vero Glauco Socratem excipiens, atqui tu, inquit, sine obsonio viros epulantes fingis. Cui Socrates, recte mones, reponit. Haud memineram, habituros eos esse obsoniam, sal, oleas, caseum, bulbos. Imo vero olera his apponemus et bellaria ficorum, cicerum, fabarum: baccas praeterea myrti ad ignem torrebunt, bibentes identidem, et sic quidem vitam in pace sane et incolumes degentes, senio confecti talem deinceps vitam posteris suis relinquent. Ad haec autem Glauco, *εἰ δὲ ὧν πάλιν, ὦ Σόκρατες*, inquit, *κατεσκεύαζες, τί ἂν αὐτοὺς ἄλλο ἢ ταῦτα ἐχθροτάζες; σὶ πορcorum, ο Socrates, civitatem instituissem, quibus eos aliis cibariis saginasses?* Quod cum subito dixisset, efficit inde continuo Socrates, duplex jam repertum ab ipsis esse civitatis genus, alterum simplicis ac temperantis, luxuriosae alterum. (1)

Lectis hisce perceptisque animo, quae de initiis civitatis Plato tantâ tamque admirabili suavitate ac diligentia exposuit, quaerat forte quispiam de rebus gravissimis, quas attigit: veluti de *principio civitatis*: e quonam maxime ille haec initia duxerit: sitne illud, ut hinc patere videatur *ἐνδεia*, *indigentia hominis*, seu utilitatis propositum, an aliud quoddam: tum etiam de *statu naturae*: fin-

xe-

(1) *De Rep.* II. 372. A. — D.

xeriane aliquem Plato, prouti recentiores fecerunt politici, ut hinc repeteret civitatis omnisque politicae rationem. Nobis vero de his quaestionibus, gravissimis sane latissimeque patentibus, huc nondum agere vacat. Condere civitatem, opus haud sane exiguum, coepimus: hanc prius absolvere totam, quam *Politicam Platonis* aggrediamur, oportebit. Sed de hoc ipso Platonis perfectae condendae civitatis consilio nonnihil huc juvat animadvertere. Fuerunt, uti diximus, quam plurimi, qui reprehenderent hoc philosophi propositum, confundentes scilicet cum viro divino et propemodum singulari, turbam illam philosophorum, quorum tam proposita, quam placita, aegri fuerunt capitis somnia. Nobis jam ex iis ipsis, quae hactenus in ejus *Politica* legimus, apparet, quo maxime consilio ille hoc opus scripserit. Nam cernimus, justitiae beataeque vitae exquirendae causae fictam in eo a Platone civitatem esse, non id spectasse proprie auctorem, ut *perfectam* nobis contemplandam rempublicam daret. Apponere jam simplici huic et sobriae civitati luxuriosam coepit: id vero quo consilio, cur ita continuo aggressus videatur, nisi ut tam injustitiam quam justitiam, cum in civitate, tum deinceps pariter in homine investigaret? Proponere autem nobis sobriam illam quam *perfectissimam* studuit, quo facilius in ea cernere justitiam possemus. Scilicet, ut in hominibus, ita in civitatibus quibusque perfectissimis virtutes elucent clarissime. Sed his ita animad-

adversis, age, ad opus illud nostrum redeamus. Querendum nobis porro est, quales esse oporteat civitatis nostrae custodes, quaque sint a teneris institutione excolendi.

*Civitatis custodes. De recte
eorum, per musicam et gymnasticam
institutione.*

Nam ut increvit, prouti vidimus, et numero et varietate hominum civitas, bellique inde opportunitates apparuerunt, custodibus videt Socrates opus esse, qui tam *humanitate*, quam *fortitudine* excellent. Quae naturae dotes virtutesque quum raro in hominibus conjunctae reperiantur, putasne, quaerit, generosi canis et juvenis generosi naturam ad custodiam agendam differre? Cui Glauco, quale istud dicis? Veluti, inquit, utrumque esse oportet cum sagacem ad sentiendum, tum velocem ad insequendum, tum vero, ubi assecutus fuerit, ad pugnandum robustum. — Opus certe est omnibus illis. — Atqui fortis sit oportet, si quidem bene pugnaturus sit. — Quidni? — Fortisne autem et audax erit, qui iracundus, *θυμολογός*, non sit, sive equus sive canis sive quodvis aliud animal? Nonne animadvertisti, inexpugnabilem invictamque esse iram, qua praesente, animus ad omnia intrepidus est et invictus? — Animadverti. — Patet igitur, qualem corpore custodem esse debeat? — Patet. — Quin etiam, qualem ani-

mo,

mo, nempe iracundum? — Hoc item. — Quomodo igitur fiet, o Glauco, ut non asperi sint et agrestes adversus se invicem civesque caeteros, cum tali sint naturâ præditi? — Haud facile istud, per Jovem. — Verumtamen oportet illos erga suos mansuetos, adversus hostes autem feros esse: caeteroquin non expectabunt, donec ipsos alii perdant, ipsi semet ipsos perdent. — Vere dicis. — Quid igitur faciemus? Ubinam mansuetum simul et iracundum ingenium reperiemus? Contraria enim iracundae naturae natura mitis apparet. — Apparet. — Verum qui alterutro horum carebit, custos bonus non erit: ut vero utrumque habeat quis, fieri non posse videtur: (1) quo fit, ut bonus custos inveniri non possit. — Videtur. Hic vero Socrates haesitans secumque superiora animo reputans, merito, inquit, dubitamus, amice: nam ab ea, quam supra induximus, comparatione digressi sumus. — Quo pacto id ais? — Nonne invenimus, tales esse quasdam naturas, quales minime putaveramus, habentes haec simul in se contraria? — Ubinam? — In aliis hoc animalibus videre licet, non vero minime in eo custode, quocum nostrum custodem comparabamus. Nosti enim, generosi canis hunc naturâ morem esse, ut erga familiares et notos mitissimus sit: contra

ve-

(1) Graeco: ταῦτα δὲ ἀδυνάτοις ἔοικε. Haec autem corrupta. Supplevi: ταῦτα δὲ ἀμφοτέρω ἔχειν, ἀδυνάτοις ἔοικε.

vero erga ignotos. — Novi. — Fieri iccirco potest, nec praeter naturam est quod quaerimus, ut talis sit custos. — Non est sane. — Nonne vero praeterea opus tibi esse videtur, ut qui bonus futurus sit custos, ad iracundiam illam adjungat, ut naturā φιλόσοφος sit? — Quomodo istud ais? non enim intelligo. — Atqui et haec in canibus animadverteris, quod quidem in bestia dignum admiratione sit. — Quale istud? — Quem enim ignotum viderit, graviter fert, etsi nihil mali ab eo sit perpressus: noto autem blanditur, quamvis nihil ab eo acceperit. Nondumne hoc admiratus es? — Haud magnopere id adhuc animadvertis: facere id autem illum, manifestum. — Hoc autem in ejus natura praeclarum videtur et vere φιλόσοφον. — Qua ratione? — Quoniam adspexit nullā re aliā amicum et inimicum discernit, quam quod hunc novit, illum ignorat. Quidni autem discendi studium prober, cognitione et ignorantia proprium et alienum discernere? — Probat. — Atqui discendi studiosum esse et φιλόσοφον, idem est. — Idem. — Audacter iccirco de homine item statuamus, si erga familiares et notos mitis futurus est, naturā ipsum philosophum esse et discendi cupidum oportere. — Statuamus. — Ergo philosophus et iracundus et velox et robustus naturā erit, qui civitatis custos optimus est futurus. — Sic est omnino. ⁽¹⁾

Fic-

(1) *De Rep.* II. 575. A. — 576. C.

Fictis in hunc modum optimae civitatis custodibus, optimam iis Plato perfectamque educationem adhibuit. Id autem incredibili studio ac diligentia peregit. Nam civitas apud eum non hominum est multitudo, una in urbe communiter viventium, nec vero urbs est, moenibus cincta, arce munita, instructa portibus, templis denique et aedificiis ornata: *civitas* est, *civium* constans mutuâ conjunctione, quorum *moribus* invalescit vigetque maxime. In condenda igitur civitate, ut antiquorum ferebat legislatorum consuetudo, mores unice respexit civium: rectius autem his prospicere non poterat, quam eximiam in modum excolendis iis, qui fortitudinis, imo vero humanitatis et solertiae caeteris essent civibus exempla futuri. Itaque antiquitus Lycurgus atque ante Lycurgum Minos has in primis leges suae uterque civitati dederant, quae eadem esse optimae viderentur institutionis normae: factumque ita fuerat, ut custodibus suis Sparta tantam, quantam nacta est, gloriam deberet maxime. Quid dicam de Thebanis? Apud quos cohors illa sacra exstitit, juvenibus constans generosissimis, qui, mutuo amore conjuncti, pro patria et civibus mori, quam turpiter vivere maluerunt? Horum pariter moribus Thebae et gloriam suam et salutem adeo aliquoties acceptam retulerunt. Quamobrem Plato, quum civitatem fingeret perfectam, quum hoc proposito, hac spe fingeret, ut cum caeteris virtutibus *justitia* in ea pateret dilucide, nil habuit antiquius, quam ut

CUS.

custodes ei et optimos e caeteris eligeret et perfectum eos in modum per musicam et gymnasticam informaret.

Quo jam deinceps apud eum Socrates progressurus, civitati recens natae excolendae philosophiam pulcri adhibet, ut per artes, quae pulcri amorem in animo excitant, in primis per musicam, artium omnium longe principem, hunc ipsum pulcri amorem in custodibus excitet: adjicitque gymnasticam musicae, vindicibus civitatis, ut armis eam naviter propugnent, si quid aliud, necessariam. Nobis quidem illa hoc loco non nova accident. Exposita jam magnam partem sunt, quum in ipsa versaremur philosophia pulcri; veruntamen reminisci eorum, quae tum de artibus maximeque de musica accepimus, hic non ingratum fuerit: et vero quae tum unice de singularibus hominibus excolendis diximus, nunc in universam civitatem applicaturi sumus: eritque nobis vis attendenda praecipue, quam ad mores civium integros servandos artes habere in civitate oporteat.

*De artium in civitate,
ad ipsam excolendam recte,
vi et auctoritate.*

Nam musicae quidem Plato hanc tribuit in rem publicam vim et auctoritatem, ut pronunciare haud vereretur: εἶδος γὰρ καὶνὸν μουσικῆς μεταβάλλειν, εὐλαβητέον, ὥς ἐν ὅλῳ κινδυνεύοντι· οὐδαμοῦ γὰρ
κ.

κινῶνται μουσικῆς τρόποι ἀνευ πολιτικῶν νόμων τῶν μεγίστων: ne novam inducamus musicae speciem, cavendum, quippe vertitur in eo rerum summa: nusquam enim musicae modi mutantur, quin mutantur simul leges civitatis gravissimae. (1) Quod placitum Platonis, utpote a moribus nostris et politicis institutis alienum plane et abhorrens, multorum et mentem advertit recentiore aetate et vero studium excitavit vehementer, ut probabiliter id ex antiquitatis ratione explicarent. Nobis explicari idem placitum facillime posse videtur, si quidem ipsum ei Platonem interpretem adhibuerimus. Nam *musicae* nomine Socrates apud illum omnem complectitur poësin: poësin autem ad res sacras, ad hymnos, quibus Dii celebrantur, ad fabulas antiquas, quae hymnis caeterisque carminibus continentur, quarumque vis magna est cum ad excitandum tum etiam ad corrumpendum puerorum animum: ad haec igitur, quae tantam vim in utramque partem ad mores formandos habent, refert maxime. Quodsi moribus unice, de ejusdem sententiâ, stat civitas, quantum efficere ad eam commovendam evertendamque hujusmodi musicae corruptio debeat, intelligimus sponte. Sed ipsum audiamus Socratem.

Indole igitur verissimi custodis descriptâ definitâque, talis igitur, ait, custos nobis esto. Quem vero in modum educandi illi erunt et instituendi?

Quae

(1) *De Rep.* IV. 424. C.

Quae sane disquisitio conferret magnopere ad illud, quod spectamus, perspicendum, qua ratione in civitate iustitia et iniustitia oriantur. Hic frater Glauconis, vero, inquit, et, me quidem iudice, maxime illuc conferret. Cui Socrates, per Jovem igitur, mi Adimante, non desistendum nobis erit, etiamsi longior futura disquisitio sit. — Minime vero. — Age igitur, quemadmodum in fabulis otium agentes confabulantesque, oratione hos homines instituamus. — Sic decet. — Quae igitur erit disciplina? Haud facile melior reperiatur illa, quae a longo inde tempore reperta est: est autem, quod ad corpus attinet, gymnastica, quod ad animum, musica. — Est sane. — Nonne a musicâ prius quam a gymnasticâ disciplina ducenda? — Certe. — Musicam dicens, nonne sermones intelligis item? — Intelligo. — Sermonum autem duplex genus est, alterum verum, falsum vero alterum. — Est ita. — Instituendum utroque est; prius autem falso. — Id non intelligo. — Tu vero non intelligis, pueris nos primum fabulas narrare? hae autem, ut univèrse dicam, falsae sunt: insunt tamen etiam vera; prius autem fabulis ad pueros, quam gymnasiis utimur. — Est, ut dicis. — Hoc ergo volebam, cum dicerem, tractandam prius esse musicam, quam gymnasticam. — Recte. — Οὐκοῦν οἶσθα, ὅτι ἀρχὴ πάντος ἔργου μέγιστον, ἄλλως τε καὶ νεῶ καὶ ἀπαλῶ ὄντων; μάλιστα γὰρ δὴ τότε πλάττεται καὶ ἐνδύεται τύπος, ὃν ἂν τις βούληται ἐνσημῆνασθαι. ἐκείνῳ. in

in unaquaque re principium omnium esse maximum, praesertim juveni et tenero cuique? maxime enim tum fingitur induiturque forma, quam quis unicuique imprimere velit. — Omnino. — Facile igitur sinemus, quaslibet fabulas a quibuscunque fictas audire pueros, animisque imbibere opiniones ut plurimum contrarias illis, quas, cum adoleverint, habere illos debere existimamus? — Nullo id modo sinemus. — Primum igitur, ut videtur, fabularum auctoribus imperandum est, et, si quam fabulam bonam fecerint, adsciscendum, sin contra malam, rejiciendum est: tum etiam, quas adsciverimus, per nutrices et matres pueris narrandas curabimus, καὶ πλάττειν τὰς ψυχὰς αὐτῶν τοῖς μύθοις πολὺ μᾶλλον ἢ τὰ σώματα ταῖς χερσίν, ut ipsorum animos fabulis multo magis informant, quam corpora manibus. (1) His dictis longam deinceps Socrates de fabulis cum Hesiodeis, tum Homericis disquisitionem subiecit, illas rejiciens maxime, quae moribus sanisque divina natura opinionibus noceant: denique τύπους indicat, ad quos poetarum exigere carmina jubet, ut, quae conveniunt illis, admittantur, quae non conveniunt, repudientur. Tam late iccirco musica, de sententia Platonis, per totam civitatem patet.

De

(1) *Rep.* II. 376 D. — 377 C.

*De placito Platonis,
mutata musicae ratione, ipsam
mutari ac commoveri
civitatem.*

Nec vero nunc dubitaverimus magnopere, quid Plato voluerit, quum tantam, quantam diximus, musicae in civitatem vim et efficacitatem tribueret. Respexit fabulas sacras et populares, quibus sic puerorum animi, ut manibus eorum corpora, fingebantur. Tragoediam respexit et comoediam, musica spectacula, sed quae, ut ipsae fabulae, ad sacra referebantur proxime, eoque magis spectantium animos movebant, quo plenius mores varios imitando exprimebant. Sed praeterea et vero potissimum ipsius vim musicae respexit, quae una artium omnium maxime ad *εὐαρμοσίαν* quandam et *εὐρυθμίαν* hominem componit, caeterisque artibus, ut idem efficiant, veluti exemplum praebet. Praeclaras Platonis hac de re sententias supra attulimus: (1) hic vero nobis effatum philosophi, quod omnium gravissimum est, attendendum in primis videtur. Est illud huiusmodi. Τὸ δὲ Φυλακτήριον, αἶτ, ἐνταῦθ' αὖ καὶ οἰκοδομητέον τοῖς Φύλαξιν, ἐν μουσικῇ. Ἡ γὰρ παρανομία ῥαδίως λανθάνει παραδυομένη· — κατὰ σμικρὸν εἰσοικισαμένη, ἡρέμα ὑποβρεῖ πρὸς τὰ ἥθη τε καὶ τὰ ἐπιτηδεύματα· ἐκ δὲ τούτων εἰς τὰ πρὸς ἀλλήλους συμβόλαια μείζων ἐκβαίνει· ἐκ δὲ

(1) Vol. I. p. 153.

ὅς δὴ τῶν συμβολαίων ἔρχεται ἐπὶ τοὺς νόμους καὶ πολιτείας, σὺν πολλῇ ἀσελείᾳ· ἕως ἂν τελευτῶσα πάντα ἰδίᾳ καὶ δημοσίᾳ ἀνατρέψῃ. *Atx igitur ad mores propugnandos bonos hic condenda custodiibus nostris est, in musicā. Nam legum negligentia morumque pravitas clam et facile surrepit: sensim paulatimque in res familiares se insinuans in mores serpit et studia, ex his deinceps ad mutua commercia procedit, magis magisque ingravescens, tum pervenit hinc ad leges et respublicas magna cum petulantia et lascivia, donec tandem privatim publiceque omnia pervertat.* (1)

*De gymnasticā
custodum educationi recte
adhibendā.*

Tali igitur cum musicae tum caeterarum artium studio vigebit civitas, quam condere coepimus, eoque magis et vigebit et perfecta moribus erit, quo diligentius custodes nostros, quos praeire caeteris civibus decet, sic instituerimus. Sed musicae accedat gymnastica oportet. Hac enim a teneris per totam deinceps vitam exercitandi erunt. Id autem, ait Socrates, ita se habet quodammodo, ut opinor: animadvertite et tu: ἐμοὶ μὲν γὰρ
οὐδ

(1) *De Rep.* IV. 424. D. Totum hunc locum de musicae in civitatem vi plene explicuit Den Tex, disp. *de vi musices ad excol. hominem*, praesertim p. 34 et 132.

οὐ φαίνεται, ὃ ἐν χρῆσιν ἢ σῶμα, τοῦτο τῇ αὐτοῦ ἀρετῇ ψυχὴν ἀγαθὴν ποιεῖν, ἀλλὰ τοῦναντίον, ψυχὴ ἀγαθὴ τῇ αὐτῆς ἀρετῇ σῶμα παρέχειν ὡς αἰόντε βέλτιστον· *mihi enim non videtur quod bene se habet corpus, hoc sua virtute animum efficere bonum, sed contra, bonus animus sua ipse virtute corpus, quoad ejus fieri potest, optimum reddit.* Τίβι vero quid videtur? — Idem sane ac tibi. (1) — Ergo rite cum musicā temperanda gymnastica erit, nec vero ita existimandum, ut vulgo existimant, quasi altera harum artium corpus, altera animum solummodo spectet. Videtur utraque animi in primis causā tractanda esse. — Quo pacto? — An non vides, qua sint mentis conditione, qui multam per totam vitam gymnasticae operam dederunt, nullam vero musicae, tum etiam illi, qui contra fecerunt? — Qua de re dicis? — De rudi duraque eorum conditione ac de caeterorum mollitie. — Novi equidem, eos, qui solā utuntur gymnasticā, agrestiores, qui autem unā duntaxat musicā, molliores, quam decet, fieri. — Atqui iracunda illa naturae vis ferocitatem gignat: quae recte exulta, fortis sit, nimis autem intensa, ferox et dura evadat. — Sic mihi videtur. — Quid vero? mansuetudinem non habeat philosopha animi natura? quae nimis remissa, mollior, quam decet, erit, recte autem exulta, mansueta ac modesta? — Est ut dicis. — Dicebamus autem, custodibus nostris
utram-

(1) *De Rep.* 403. D.

utramque naturam inesse debere. — Diximus. — Nonne congruere inter se et concinere oportet? — Quidni? — Animus ejus, in quo haec consonant, temperans est et fortis? — Omnino. — Ejus vero animus, in quo dissonant, timidus et agrestis? — Et maxime quidem. — Ergo quicumque musicam sinit per aures, tanquam infundibula, in animum suum infundere, quas modo diximus, suaves, molles ac flebiles harmonias, atque aetatem suam in cantibus animum delinientibus consumit, is primum quidem, si quid iracundum habebat, tanquam ferrum, emollit atque utile ex inutili duroque efficit, idem vero, ubi non cessat, sed mulcere ac delinire pergit, animum tandem totum liquefacit ac resolvit, donec vim omnem et iram sustulerit et veluti nervos exciderit animi, eumque, ut apud Homerum est, *μαλακὸν αἰχμητὴν*, *mollem pugnatorem* effecerit. ⁽¹⁾ — Sic est omnino. — Quodsi quis contra, musicā et philosophiā neglectā, gymnasticae sese totum tradit, primum is firmum corporis habitum consecutus, animi viribus ac magnitudine invalescit, fortiorque quam fuerat evadit: idem vero, ubi nil aliud agit atque ab omni plane alienus musicā est, nonne, si quod fuerat in ejus animo discendi studium, vi id suā destituetur fietque surdum ac coecum, quippe cum nullam degustet disciplinam nec ullius sit disquisitionis aut ratiocinationis particeps, hebes-

cant

(1) *Il. XVII. vs. 588.*

cant vero sensus, non excitentur, colantur, purgentur. — Sic plane. — A ratione igitur talis homo omnique cultu, qui musicae debetur, abhorrebit, nulla in sermonibus persuasione utetur, sed vi et agresti immanitate, ferae cujusdam instar, ad omnia agitabitur, inque inscitia et ruditate sine concinnitate ac gratia vivet. — Omnino. — Ad haec igitur duo, ut apparet, artes duas crediderim deum aliquem hominibus tribuisse, musicam et gymnasticam, ad iracundam nempe hominis et philosopham naturam, non ad animum et corpus, nisi per opportunitatem aliquam; sed ad illud, ut consonarent inter se, quatenus deceat, intensa atque remissa. — Sic apparet. — Τὸν κάλλως ἄρα μουσικῇ γυμνασικὴν κεράννυνται καὶ μετρίωτατα τῇ ψυχῇ προσφέροντα, τοῦτον ὀρθότατ' ἂν φαῖμεν εἶναι τελέως μουσικώτατον καὶ εὐαρμολώτατον, πολὺ μᾶλλον ἢ τὸν τὰς χορδὰς ἀλλήλαις ξυνισάντα. — Εἰκότως γ', ὃ Σώκρατες. *Eum igitur, qui pulcerrime cum musica gymnasticam temperat atque optime utramque animo adhibet, rectissime hunc perfectum musicum sibi que ipsum continentem dicamus, multo sane magis, quam si quis chordas scit temperare. — Et merito quidem, o Socrates.* (1)

Quo magis ita adumbranda Platonis civitate progredimur, eo patet nobis dilucidius, arcte ejus politicam cum morum doctrina conjunctam esse.

Quae

(1) *De Rep.* III. 410. C. — 412. A.

Quae communis fuit universae antiquitatis sententia. Et vero,

*Quid leges sine moribus
Vanæ proficiunt? (1)*

Sed cernimus ita simul, totam philosophi de pulcro, de bono ac de artibus philosophiam tantum abesse, ut theoretica sit uniceque philosophis relinquenda, ut ad res civitatis gravissimas, ad ipsam firmandam legum auctoritatem valeat. Quod dicto recte expressit Xenocrates. Nam, ut apud Ciceronem est, cum quaereretur ex eo, quid assequerentur ejus discipuli, respondisse fertur, *ut id sua sponte facerent, quod coguntur facere legibus.* (2) Sed illuc spectat Platonis potissimum περὶ τοῦ ὅντος, de vero, de disciplinis ac de mundo νοητῇ philosophia. Explicuimus eam, postquam de artibus, imprimisque de musicâ dixeramus satis, vidimusque referri eam proprie ad recte excolendum erudiendumque hominem. Hic autem patebit nobis, destinatam eandem ab auctore maxime esse ad acuendum informandumque eorum ingenium, qui reipublicae, quam finxit, gubernaculo essent adhibendi. Quod ubi ex ipsa philosophi doctrinâ exposuerimus, haud mirabimur sane, sic de reipublicae rectoribus pronunciasset Platonem, ut finem futurum malorum in civitatibus negaret, antequam vel philosophi eas regerent, vel qui nunc eas regunt, philosophi

es-

(1) Horat. Carm. III. 24. vs. 36. (2) Cic. Rep. I. c. 2.

essent facti. Sed nobis, ut ordine procedamus, primum de rectoribus civitatis, quemadmodum eligendi instituendique sint, agendum videtur.

De rectoribus civitatis.

Eligendi e custodibus sunt, ipsique erunt in primis *custodes* ⁽¹⁾: delectum autem facere accurate oportet. Nam haud fuit Plato ex illorum genere philosophorum, qui paria esse naturâ hominum ingenia statuerent, diversitatem autem ex diversâ institutionis ratione ducerent. Rem adeo Socratem vetere quadam traditione illustrantem fecit. Persuadere custodibus illud, ait, debemus, quod a Phoenicibus accepimus, nostram institutionem nihili esse, ipsos vero reapse aliquando sub terrâ fuisse informatos, indeque deinde dotibus quosque suis in lucem prodiisse. „ Estis igitur, sic eos sumus allocuturi, omnes *fratres* inter vos, quippe terram communem habentes matrem, quam communibus studiis viribusque defendetis; sed Deus, qui vos finxit, quotquot vestrum ad imperandum apti essent futuri, anrum in eorum generatione admiscuit: quapropter honoratissimi sunt: illis autem, qui ad opitulandum custodiendumque, argentum: ferrum denique atque aes agricolis et opificibus. Vos igitur, quippe

co.

(1) Itaque κατ' ἐξοχὴν vocantur φύλακες, caeteri ἐπιστοῦποι. *Rep.* 434. B.

cognati omnes, plerique generabitis, qui vobis sint similes; eveniet autem quandoque, ut ex aureo nascatur argenteus et ex argenteo similiter aureus, caeteraque pariter in hunc modum. Quamobrem principibus et primum et maxime Deus praecipit, ut nullius rei majorem curam custodiamque suscipiant, quam natorum, ut dignoscant, quid ex quatuor his illorum animis sit immixtum: et si quis ex ipsis nascatur ὑπόχαλκος vel ὑποσίδηρος, nullo pacto misereantur, sed suum cuique tribuentes, ad opifices vel agricolas dimittant: rursusque, si ex hisce nascatur aliquis ὑπόχρυσος vel ὑπάργυρος, extollant eum honore, hunc ad auxilios, illum ad custodes et principes referentes, quasi vetus sit oraculum, τότε τὴν πόλιν διαφθαρῆναι, ὅταν αὐτὴν ὁ σίδηρος ἢ ὁ χαλκὸς φυλαξῇ. *cum rempublicam perituram, cum ipsam vel aes vel ferrum gubernabit.*" (1)

Eligere igitur e custodibus ac summis ornare in republica honoribus decet, qui naturam habent recte ejus regundae facultatem: hi autem quo magis indole ingenioque praestant, eo magis et musicam excolendi et vero gravioribus disciplinis erudiendi sunt. Nam mediocria ingenia nec obsunt magnopere nec prosunt civitatibus: magna solum tam perdere eas, quam servare et illustrare solent. Id autem negligitur fere in civitatibus nostris, indeque repetendae potissimum sunt gravissimae, quibus

(1) *Rep.* III. 415. A. — C.

bus laborant, calamitates. Finge populum in civitatibus nostris gubernatoris instar, qui sit magnitudine et robore corporis prae caeteris eminens, subsurdus vero et oculis hebetior nec mente ad res nauticas cognoscendas melior: nautas autem inter se de gubernatione certantes, quorum unusquisque putet, se dignum imperio esse, quamquam nec artem didicerit unquam nec praeceptorem ostendere possit, nec tempus quo didicerit, dicat adeo, disci artem non posse, quique hoc statuerit, ferro aggrediatur: tales finge nautas ad gubernatorem illum confluere, obsecrare obnixequae contendere, ut ipsis gubernacula tradat: subinde adeo, ubi non persuaserint ipsi, sed alii, hos illos vel perimere, vel e navi ejicere, ac postremum, bono illo navis principe per mandragoram vel vinum occupato vinctoque, gubernationem navis arripere, praesentibus rebus uti, vino et epulis indulgere atque ita gubernare, ut hujusmodi homines gubernaturos, verosimile est: omnes praeterea eum laudare, eum nautam et gubernatorem vocare, eum, quae ad navem spectant, callere, quicumque ad navis usurpandum principatum, vel persuasione vel vi opitulari ipsis possit, qui vero id non possit, tamquam inutilem vituperare; veri autem gubernatoris officium ne suspicantes quidem, necesse illi esse, ut rationem habeat anni, tempestatum, coeli, astrorum, ventorum, omniumque, quae ad artem pertinent, si gubernator quis navis re vera futurus est: ut vero gubernet, sive
vo-

volentibus quibusdam, sive invitis, hujus ipsius artem nullam putantes accipi posse simul et gubernatoriam facultatem. Τοιούτων δὲ περὶ τῶν ναυῶν γιγνομένων, τὸν ὡς ἀληθῶς κυβερνητικὸν οὐχ ἡγῆσθαι τῷ ὄντι μετεωροσκοπὸν τε καὶ ἀδολέσχην καὶ ἄχρηστον σφίσι καλεῖσθαι ὑπὸ τῶν ἐν ταῖς οὕτω κατεσκευασμέναις ναυσὶ πλωτήρων; *Haec si in navi ita sese habeant, nonne verum gubernatorem censes ab illis, qui talibus vehuntur navibus, inanem et curiosum rerum sublimium inspectorem, navique inutilem vocitari?* (1) Talis hodie conditio est civitatumstrarum.

*Quid causae esse
dicamus, ut pessime fere regantur
civitates?*

Quodsi perversae hujus miseraeque conditionis nostrae causam exquirimus, exprimuntur eadem hacce gubernatoris et nautarum imagine. Spernuntur si qui adsunt rerum politicarum periti; qui vero earum prorsus sunt ignari, contendunt secum invicem de imperio, proque populo, qui legitimus habetur quamvis ineptissimus gubernator, res student administrare. Quae cum ita sint, detrecrant imperium optimi quique et sapientissimi viri. Οὐ γὰρ ἔχει φύσιν, κυβερνήτην ναυτῶν δεῖσθαι ἀρ-
χεσθαι ὑπ' αὐτοῦ, οὐδὲ τοὺς σοφοὺς ἐπὶ τὰς τῶν
πλου-

(1) *De Rep.* VI 488. A. — E.

πλουσίαν θύρας ἵεναι· τὸ δὲ ἀληθὲς πέφυκεν, εἴαν τε πλούσιος εἴαν τε πένης κάμῃ, ἀναγκαῖον εἶναι ἐπὶ ἰατρῶν θύρας ἵεναι, καὶ πάντα τὸν ἀρχέσθαι δεόμενον, ἐπὶ τὰς τοῦ ἀρχεῖν δυναμένου· οὐ τὸν ἀρχοντα δεῖσθαι τῶν ἀρχομένων ἀρχέσθαι, οὐδ' ἂν τῇ ἀληθείᾳ τὶ ὄφελος ᾖ. *Non enim naturae consensaneum est, ut gubernator nautas orat, ut suae se gubernationi committant, vel sapientes ad divitum fores accedant. Sic reapse naturā comparatum est, ut, sive dives sive pauper adversā valetudine utatur, necessario is fores medicorum petat, omnesque, qui gubernatione indigent, domos adeant hominum gubernandi peritorum, non gubernatores, si quidem alicujus sint praesii, inferiores rogent ut gubernare sibi liceat. Quin si eos, qui his temporibus respublicas administrant, cum iis comparaveris nautis, quos modo commemorabamus, tum etiam, si illos, qui ab his appellantur inutiles ac rerum vanarum speculatores, veris gubernatoribus contuleris, non aberrabis. (1) Fit autem ita, ut vera, quaeque his unice malis mederi possit, philosophia male audiat. Nam primum, germani philosophi, tamquam inutiles rejiciuntur, tum vero, si qua praeclara exstiterit in juvenibus ad philosophiam indoles, corrumpitur illa, antequam ad maturitatem pervenerit. Sic enim sese res habet. Πάντος σπέρματος πέρι ἢ φυτοῦ, εἴτε ἐγγαίῳ, εἴτε τῶν ζώων, ἴσμεν ὅτι τὸ μὴ τυχόν τροφῆς, ἧς προσήκει ἐκεί-*

(1) *De Rep.* VI. 489. B. C.

ἐκείτῳ, μὴδ' ὥρας, μὴδὲ τόπου, ὅσῳ ἂν ἱβρώμενέτερον
 ᾖ, τοσούτῳ πλείονων ἐνδεῖ τῶν πρεπόντων· ἀγαθῷ γὰρ
 κακὸν ἐναντιώτερον ἢ τῷ μὴ ἀγαθῷ. *Scimus enim
 sempe semen ac germen sive plantarum sive anima-
 lium, quod non fuerit eam nutritionem, eam tem-
 peratam, eam regionem adeptum, quae ipsi na-
 turæ conveniat, quo validius sit, eo pluribus in-
 digere commodis: bono namque malum contrarium
 magis, quam non bono. — Quidni? — Est igitur,
 ut arbitror, rationi consentaneum, optimam natu-
 ram, si alieno nutriatur alimento, deteriore eva-
 dere, quam pravam. — Est utique. — Hac igitur
 ratione dicimus, Adimante, animos praestantissimā
 indole praeditos, si male fuerint educati, pessimos
 fieri. Ἡ οἷσι τὰ μεγάλα ἀδικήματα καὶ τὴν ἀκρα-
 τὴν πονηρίαν ἐκ Φαυλῆς, ἀλλ' οὐκ ἐκ νεανικῆς φύσεως
 τροφῇ διολλυμένης γίγνεσθαι, ἀσθενῇ δὲ φύσει μεγά-
 λων οὔτε ἀγαθῶν οὔτε κακῶν αἰτίαν ποτὲ ἔσεσθαι;
 Ἄν vero putas, *maxima scelera, et extremam
 nequitiam ab ignava potius indole, quam generosa,
 per educationem corrupta, procedere? imbecillum
 vero naturam ingentium vel bonorum vel malorum
 quandoque causam fore?* Haud sane, sed prorsus
 prouti dicis. — Philosophi igitur, quam
 adumbravimus, natura, si quidem disciplinam ipsi
 convenientem nacta fuerit, necesse est, arbitror,
 eam semper proficiendo ad omnem se virtutem
 explicare; sin vero in perversam inciderit, tam-
 quam in alienam regionem, disciplinam, ad con-
 traria omnia delabitur: nisi forte Deorum aliquis
 eam*

eam adjuverit. Existimasne autem tu, quemadmodum vulgus hominum, verum esse, quod dicunt, adolescentes quosdam a sophistis corrumpi, corruptores vero eorum sophistas quosdam esse privatos, ac non eos potius, qui ita loquuntur, maximos esse sophistas, maximamque esse eorundem institutionis vim, quippe qui juvenes ac seniores, foeminas ac viros tales informant, quales esse eos velint? — Quando id potissimum? — Quando frequentes multi vel in concionibus vel iudiciis vel theatris vel castris vel alio quodam hominum coetu considerantes, eorum, quae dicta factave sunt, alia vituperant, alia laudant, et ad utraque ingenti cum tumultu acrius efferuntur, explodentes applaudentesque summo strepitu et clamore, ut saxa circumcirca et loca in quibus adsunt, resonantia duplo majorem edant tumultum, quam qui laudant ac vituperant. Ille juvenem quo esse animo existimes? vel qualem huic publicae disciplinae privatam disciplinam obsistere posse, quin tali vituperatione ac laudatione obruta, illuc labatur quo fluctus fert? ut eadem, atque illi, pulcra et turpia censeat, iisdemque, quibus illi, studeat et talis omnino fiat? — Necesse id omnino est, o Socrates. — Nondum vero maximam diximus necessitatem. — Quamnam? — Quam facto adjungunt, cum verbis persuadere institutores isti nequeant. An vero nescis, istos, si quis ipsis non obtemperat, infamia eum et multa et morte plectere? — Summopere. — Quem igitur

tur alium sophistam putas aut quales alios privatos sermones adversari istis et resistere posse? — Nullum. — Nullum sane; quin et reniti illis, summa stultitia est. Οὐτε γὰρ γίγνεται, οὐτε γέγονεν, οὐδὲ οὖν μὴ γένηται ἄλλοιόν ἥθος πρὸς ἀρετὴν, παρὰ τὴν τούτων παιδείαν πεπαιδευμένον· ἀνθρώπιον, ὃ ἑταῖρε· θεῖον μέντοι, κατὰ τὴν παροιμίαν, ἐξαίρω λόγου. *Nam indoles juxta istorum disciplinam formata, nec fit nec facta est unquam, nec fieri omnino potest ad virtutem aliusmodi, humana quidem, o amice, nam divinam quidem, ut proverbio dicitur, excipio.* (1) Certo enim scito, quaecunque generosa indoles in tali civitatum conditione servetur ac qualis esse debet, talis fiat, divino hanc fato integram servari. — Haud aliter mihi videtur. — Istud vero praeterea tibi videri debet. — Quidnam? — Unumquemque eorum, qui

(1) Ferri haec lectio et loci interpretatio potest. Quodsi de discipuli cujusdam mei conjecturam legamus: — οὐδὲ οὖν μὴ γένηται τέλειον ἥθος πρὸς ἀρετὴν· *nec fieri omnino potest ad virtutem perfecta*, vim demum habeat, quam desideramus, effatum hocce solemne. Exquisiti usus et Platonica plane dictio est τέλειος πρὸς ἀρετὴν, ut in opere de legibus saepe numero: I. 647. D. δεῖ τέλειον οὕτω γίγνεσθαι πρὸς ἀνδρείαν. III. 678. B. Ἄρ' οἴωμθα, τοῦς τότε, ἀποίρους ὄντας πολλῶν μὲν καλῶν τῶν κατὰ τὰ ἔξῃ, πολλῶν δὲ καὶ τῶν ἐναντίων, τελείους πρὸς ἀρετὴν ἢ καὶ πρὸς κακίαν γοιγονέαι; IV. 708. D. ἀλλ' ὅμως ἐστὶ νομοθεσία καὶ πέλεως οἰκισμοί, πάντων τελεώτατον πρὸς ἀρετὴν ἀνδρῶν. VII. 812. E. οὐ τέλειος ὁ τοῦ διαφύροντος πολέτου πρὸς ἀρετὴν γίγνεται ἥπαρ.

F

qui privatim accepta mercede homines docent, quos quidem sophistas atque aemulos suos vocant, nihil aliud docere, quam multitudinis opiniones, quas profert, ubi congregata est, easdemque unice sapientiam appellare. Veluti, si quis *ἀρίμωτος μεγάλων καὶ λογιστῶν*, animalis cujusdam *vasti ac robusti* iras ac cupiditates singulas observaverit, quaque ratione adire illud deceat, quae contrectare, item, quando vel ferocius sit vel mitius et quibus de causis tale fiat: voces item, quas in singulis quisque usurpat, quibus praeterea vocibus aliorum efferetur vel mitigetur: postquam vero ob diuturnam consuetudinem percepit singula, peritiam huiusmodi *sapientiam* vocet, et, quasi artem inde confecerit, ad docendum accedat, ignorans revera quae potissimum harum opinionum cupiditatumque honesta sit ac turpis, bona ac mala, justa atque injusta: nomet vero singula ad ingentis bestiae illius opinionem, bona, quibus delectatur illa, mala, quibus offenditur: nec aliam prorsus ullam de his afferat rationem, sed quae necessaria sunt, justa nuncupet et honesta: quo vero boni ipsius ac necessarij natura differat, neque ipse perspexerit unquam, neque aliis possit ostendere: — si quis, inquam, ita se habeat, nonne per Jovem absurdus praeceptor esse tibi videbitur? — Mihi vero. — Differre vero tibi ab hoc ille videtur, qui, multorum variorumque hominum in unum convenientium iram et libidines callere, *sapientiam* esse ducit, sive in pictura,

si-

sive in musica, sive in administrandae reipublicae disciplina? (1)

*De misera philosophiae
conditione.*

Haud mirum iccirco est, ipsam philosophiam, quae eadem optima est *παιδεία*, non solum negligi prorsus, sed calumniam etiam suscipere. Cum enim corrumpantur continuo, qui naturae bonitate ac praestantiā ornare eam et tueri debebant, sola relinquitur. Illam autem, tamquam cognatis orbem, alli aggressi, ejus nomine indigni, dedecorant ac calumniis exponunt, ut dicantur philosophi οἱ μὲν οὐδενὸς ἀγαθοῦ, οἱ δὲ πολλοὶ πολλῶν κακῶν ἀξιοὶ εἶσι· *partim nullā re bonā, plerique multis rebus malis digni.* (2) Καθορῶντες γὰρ ἄλλοι ἀνθρωπίσκοι περὶ τὴν χάραν ταύτην γιγνομένην, καλῶν δὲ ὀνομάτων καὶ προσχημάτων μετὴν, ὥσπερ οἱ ἐκ τῶν εἰργμάτων εἰς τὰ ἱερὰ ἀποδιδράσκοντες, ἄσμενοι καὶ αὐτοὶ ἐκ τῶν τεχνῶν ἐκπηδῶσιν εἰς τὴν φιλοσοφίαν, οἳ ἂν κομψότατοι ὄντες τυγχάνωσι περὶ τὰ αὐτῶν τεχνίων. *Conspicati enim homunculi sedem hanc*
να-

(1) *De Rep.* VI. 49. D. — 493. D.

(2) Sic scribendum censeo, cum ἀγαθοῦ in vulgatis desideretur, auctoritatem secutus Ciceronis, qui hac videtur respexisse *de Rep.* I. c. 5. cum ita dicunt, accedere ad rem publicam plerumque homines nullā re bonā dignos, eum quibus comparari sordidum, configere autem, multitudinem praesertim inestitū, miserum et periculosum sit.

vacuam factam, praeclaris vero nominibus dignitateque illustrem, instar eorum, qui ex carcere ad templa confugiunt, libenter ex artibus ad philosophiam prosiliunt, quotique quidem eorum in artiumculâ sud excellent. Nam philosophia, quamquam ita sese habet, artibus tamen caeteris dignitate ac magnificentia praestat; quam affectant plerique, naturâ quidem viles, et artibus opificiisque sicuti corpora laesi, sic et animos mechanicis ministeriis fracti ac torpentes. Δοκεῖς οὖν τὶ διαφέρειν αὐτοὺς ἰδεῖν ἀργύριον κτησαμένου χαλκῆς, Φαλακροῦ καὶ σμικροῦ, νεωστὶ μὲν ἐκ δεσμῶν λελυμένου, ἐν βαλανείῳ δὲ λελουμένου, νεουργὸν ἱμάτιον ἔχοντος, ὡς νυμφίου παρεσκευασμένου, διὰ πέναν καὶ ἐρημίαν τοῦ δεσπότης τὴν θυγατέρα μέλλοντος γαμεῖν; *An censes, eos adspectu quidquam differre a fabro aetario, divitias adepto, calvo parvoque, qui ut ceteris a vinculis exiit balneisque se lavit et nova se veste tamquam sponsum ornavit, mox filiam domini sui, quippe inopiâ pressi nec alium cui daret habentis, ducturus est?* — Haud multum differre existimo. — Qualem vero prolem ex his nasci putandum est? nonne notham et abjectam? — Necesse est omnino — Homines autem disciplinâ indignos, quoties philosophiae praeter dignitatem adhaerescunt, quales cogitationes opinionesque parere dicimus? nonne quae verissime dici debeant, sophismata, nihil vero quod germanum veraque sapientiâ dignum sit? (1)

Sic

(1) *De Rep.* VI. 495. C. — 496. A.

Sic fecit Socratem Plato de praesente sui temporis et politicae et philosophiae conditione disserentem. In qua disputatione ipsius cernimus auctoris indignationem, tum intelligimus inde etiam, quid causae fuerit, ut ipse fere detrectaverit rempublicam. Πάνυ σμικρὸν δὴ τι, sic pergit apud eum deinceps Socrates, *λείπεται τῶν κατ' ἀξίαν δμολούντων φιλοσοφίᾳ, ἥκου ἀπὸ Φυγῆς καταλειφθὲν, γενναῖον καὶ εὖ τεθραμμένον ἦθος, ἀπορίᾳ τῶν διαφθερούντων, κατὰ φύσιν μεῖναν ἐκ' αὐτῆς· ἢ ἐν σμικρᾷ πόλει, ὅταν μεγάλη ψυχὴ Φυῇ, καὶ ἀτιμάσασα τὰ τῆς πόλεως ὑπερίδῃ· βραχὺ δὲ που τὶ καὶ ἀπ' ἄλλης τέχνης δικαίως ἀτιμάσαν εὐφυὲς ἐκ' αὐτὴν ἀνέλθον.* (1) *Peregrinus igitur relinquitur numerus eorum, qui digne utuntur philosophiā, sive relictum in aliorum fugā generosum recteque excultum ingenium, quod, cum desint a quibus corrumpatur, naturae bonitate constans in ea manet: sive in parva civitate, ubi magnus exstiterit animus et in res illic civiles despexerit: exigua forte etiam eorum pars, qui bono nati ingenio ab alia arte merito contemti ad eam processerint.* Horum vero paucorum quicunque gustant et gustaverunt, quam dulcis haec sit et beata possessio, et insaniam vulgi perspiciunt, neminem videlicet, ut verbo dicam, quidquam

(1) Sic legendam conieci ante hos triginta fere annos, cum unice legeretur: ὑπὸ Φυγῆς καταληφθὲν — Quam conjecturam postea haud sine animi voluptate, novem Cdd. auctoritate confirmatam vidi. V. Geerii *diatr.* p. 68.

quam in rebuspublicis recte agere; nec sociam reperiri, quocum justitiae suscipiens patrociniū, servetur incolumis; sed contra se rem habere: hominis instar, qui in feras inciderit, quique nec una injuste agere velit, nec solus ipse universis feras possit resistere, sic unumquemque, antequam vel urbi vel amicis consulat, perire, atque ita et sibi et aliis inutilem esse: haec igitur omnia quicumque diligenter attenderit, quietem agit et sua duntaxat curat, ac veluti in procellā, pulvere et maris aestu agitato, sub murum aliquem recedens, contuetur hīc caeteros nequitia repletos, satis autem se habiturum putat, si porus ipse ab injustitiā et iniquis facinoribus vixerit, et exactis vitae currieulis bona cum spe hilaris piusque decesserit. — Haud parva certe hic egerit, qui ita vitam transegit. — Neque maxima tamen, si nactus non fuerit convenientem sibi rempublicam: in eā scilicet et ipse proficiet augebitque magis, et privata simul publicaue servabit.”⁽¹⁾ — Quo facilius sane intelligimus, Platonem, relictis Athenis, id agere Syracusis maluisse, ut junioris Dionysii indolem, quam aptam ad philosophiam esse autumabat, ad universae salutem Siciliae excoleret.

De

(1) *De Rep.* VI. 496. A. — 497. A.

*De disciplinarum
in civitate, ut recte regatur,
vi et efficacitate.*

Quod modo diximus, philosophiam veri a Platone adhibitam esse, non ad inanes in scholis quaestiumunculas enodandas, sed illuc potissimum, ut recte regerentur civitates, id ex eadem illâ, quam adduximus, Socratis in *Politia* disputatione efficere licet. Et vero, quae disserit illic deinceps de philosophiae instrumentis ad erudiendum hominem, i. e. de disciplinis gravioribus, de arithmetica, geometria, astronomia, harmonia, inprimisque de dialectica, quaeque nos supra in veri tradenda philosophia explicuimus, haec omnia ad futuros illos civitatis gubernatores erudiendos informandosque confert. Nec sane mirum. Inesse scilicet disciplinis hanc vim existimabat Plato, ut quae deorsum apud eos spectarent, haec sursum attollerent atque ad ipsas ideas, ad pulcrum, ad bonum, ad justum divinumque converterent, quo magis et ipsi vere judicarent de rebus omnibus, et in aliorum commodum salutemque sapientiam suam conferrent. Hoc adeo proposito de mundo νοητῷ tam diligenter egit. Metaphysicam non spectabat, sive τὴν πρώτην illam, quam Aristoteles vocabat, φιλοσοφίαν. Haec de ipsâ auctoris sententia, non negotiis administrandis humanis inserviebat, sed tota rerum causis exquirendis, explican-

dis-

disque divinis omnibus et humanis rebus occupabatur. (1) Plato vero hanc Deo relinquens sapientiam, quo certius malis humanis remedium afferret, per disciplinas avertere generosorum juvenum mentes a visibilis mundi umbris, atque ad mundi ~~voyrou~~ veritatem convertere studuit. Sic scilicet sperabat, fore, ut cum philosophia in pristinam dignitatem auctoritatemque restitueretur, tum per eam gravioresque disciplinas juvenes ad respublicas regendas informarentur recte.

*De adhibenda rebus
politicis, ut perfecta sit civitas,
cum pulcri, tum veri
philosophia.*

Accedimus ita prope ad sententiam explicandam Platonis de philosophorum in republica auctoritate. Verum hic de philosophia cum pulcri tum veri illud animadvertamus. Tractari utraque a metaphysicis vel nullo proposito solet vel eo dumtaxat, ut ex altissimis remotissimisque principiis res gravissimae, quae illuc referuntur, ducantur. Cujus studii in civitate hominumque vita vix ulli apparent fructus. Sunt alii, qui missa metaphysicae ipsiusque dialecticae subtilitate, utramque ad popularem captum accommodent. Neutri id agunt, quod postulare philosophia, Socratica quidem et
Pl-

(1) V. supra Vol. II. P. III. p. 72.

Platonica, videtur. Hujus enim constans propositum est, ut per pulcri studium artes, per veri studium disciplinae graviores ad veram accommodentur valeantque generis humani salutem; sed exsequi hoc propositum jubet ipsius dialecticae diligentia. Et Plato quidem de artibus literisque ac disciplinis tractandis non peculiare quosdam libellos scripsit, sed ipsam et pulcri et veri philosophiam illo in opere exposuit, quo de politicis rebus perfecto reipublicae statu ageret. Locus enim hic rebus tam magnis atque illustribus unice erat aptus, et nobis, ni fallor, postquam huc pervenimus, nunc denum res illae gravissimae in luce positae videntur. Admiramur hinc autem philosophiae Platonicae non solum ubertatem, sed simplicitatem etiam. Uno illa constanter tenore procedit, utque a principio ad res perspiciendas politicas praeparavit, ita hinc, ubi eas exponit, ad superiora illa omnia recolenda animum nostrum traducit denuo. Sed de ipso jam Platonis effato, quod diximus, data opera agamus.

*De effato Platonis,
non ante rebus publicis finem futurum
malorum, quam praesint illis
philosophi.*

Haud facile protulit antiquitas sententiam, quae tantam, quantam effatum hocce, celebritatem nacta sit. Nec vero defuerunt, qui reprehenderent illud,
imo

imo riderent. Nam quamvis magno philosophiam ipsam honore haberent, tamen philosophis concedere reipublicae gubernaculum, ridiculum esse negotium ajebant. Nec sane temere in hunc modum pronunciabant, siquidem philosophos intelligebant, non quales Plato spectavit, sed quales vulgo appellari hoc nomine solent. Umbratici scilicet homines, qui in scholae angustis disputando cavillandoque aetatem terunt, hi profecto ad nullum negotium minus, quam ad civitates regendas, apti sunt. Sed Plato quos intellexerit philosophos, nobis, in tractandâ ejus philosophiâ veri, patuit. Illos spectavit, qui indole praediti philosophâ, per gravissimas quasque disciplinas veri amore essent imbuti, veramque ita hominis et virtutem et felicitatem, quae maxime esset, adsequerentur. Nec vero hos sivit, quum ita erudirentur, in mundo νοητῷ ad contemplandam veritatem perpetuo versari, sed descendere identidem in specum mundi visibilis jussit, ut quae illic percepissent, hinc ad res nostras rite administrandas accommodarent. Viris illis tribuit, ut meminimus, cum alias ingenii animique dotes et virtutes, tum etiam ut quisque eorum φύσει esset μνήμων, εὐμαθής, μεγαλοπρεπής, εὐχαρής, φιλός τε καὶ ξυγγενής ἀληθείας, δίκαιός τε, ἀνδρής, σωφροσύνης. (1) Ineptusne igitur Plato fuit, qui talibus viris, tali indole, talem in modum excultis et sic rebus civium suorum pruden-

(1) *De Rep.* VI. 487. A. V. supra Vol. II. P. II. p. 41.

denter prospicientibus, civitatum rectionem traderet? Expletum hoc Platonis vaticinium nondum plane est, sed quod interpret ejus de saeculo Antoninorum notavit, non puto negligendum. Τι λέγει; ὅπερ ἐπὶ Μάρκου τοῦ φιλοσόφου, βασιλέως Ῥωμαίων, ἀπέβη. ⁽¹⁾ Quadrat certe in illam Graecorum Romanorumque aetatem, quod quasi vaticinatus philosophus fuerat.

(1) *Scholia in Plat.* ed. Ruhnk. p. 166. De hoc Platonis effato V. de Geer, *diatr.* p. 164. Cf. Schleierm. in proöem. ad versionem Germ.

DE

**DE VIRTUTIBUS,
QUIBUS VITA CONSTARE BEATA
VIDETUR.**

Peregit ita Plato, quod animo susceperat, ut perfectam fingeret civitatem, quo facilius explicare quaestionem gravissimam de iustitia et felicitate liceret. Quod cum ageret, praevidebat facile, futuros esse, qui inanem esse dicerent fictionem illam: nam fieri non posse, ut talis existeret in his terris respublica. Itaque Adimantum in illis sermonibus hoc ipsum Socrati objicientem fecit. De caeteris, inquit, nobis facile persuaseris, optimam hanc esse omnibusque numeris absolutam civitatem; sed illud tibi demonstrandum restat, posse eam reapse esse. Hic Socrates, tunc vero, reponit, existimas, ἥττόν τι ἀγαθὸν ζωγράφον εἶναι, ὃς ἂν γράψας παράδειγμα οἷος ἂν εἴη ὁ κάλλιστος ἄνθρωπος, καὶ πάντα εἰς τὸ γράμμα ἱκανῶς ἀποδοῦς, μὴ ἔχοι ἐπιδεῖξαι ὥς καὶ δυνατόν γενέσθαι τοιοῦτον ἄνδρα; minus bonum pictorem fore, quod, postquam exemplar pinxit, qualis pulcerrimus esses homo, nihilque de specie praetermisit, nequeat demon-

*monstrare, hominem talem reperiri posse? — Nequaquam equidem. — Quid igitur? nonne et nos praestantissimae civitatis exemplar oratione effinximus? — Omnino. — An igitur minus recte nos loqui existimas, si ostendere non possumus, talem exstare posse civitatem, qualem ipso sermone depinximus? — Haud sane. (1) Sed Plato, quod ab initio attendimus, non hoc spectavit civitate fingendâ proprie, ut perfectam nobis imaginem quandam, tamquam Phidiae signum, spectandam praeberet, sed illud potissimum, ut nos ipsi in perfecta civitate exquireremus, ubinam lateret iustitia, indeque, quid tandem esset iustitia, efficere-
mus. Habemus iccirco, quod nunc deinceps peragamus, suavissimum negotium: videamus vero, quemadmodum hanc disquisitionem cum Glaucone et Adimanto caeterisque, qui aderant, instituat Socrates.*

Ubinam latere

*in civitate, maximeque in homine
iustitiam suspicemur?*

Sic igitur Socrates, constituta ergo jam tibi,
o Aristonis fili, sit civitas. Nunc autem deinceps,
age, lumine accenso, et ipse vide et fratrem ad-

VO-

(1) *De Rep.* V. 472. D. quid profecerit ex hoc loco Ciceron' ad perfectum effingendum oratorem, supra animadvertimus. Vol. II. P. III. p. 29.

voca et Polemarchum et caeteros, nam forte cer-
namus, ubinam sit tandem justitia, ubinamque in-
justitia: quid inter utramque discriminis sit: et
utram aasequi is debeat, qui beatus futurus sit
sive lateat seu non lateat omnes Deos atque ho-
mines. Tum Glauco, nihil, inquit, dicis: tu enim
ipse investigandi negotium suscepisti: quippe cum
impium foret non succurrere justitiae, quoad eas
fieri possit, qualicunque tandem ratione. — Recte
mones et sic faciendum omnino: vos autem me
adjuvare oportet. — Nos vero ita agemus. —
Spero autem fore, ut sic illud inveniamus. Nem-
pe arbitror, civitatem, si recte nobis fuerit con-
stituta, perfectum in modum bonam futuram. —
Necesse est. — Constat igitur futuram eam *sapien-*
tem, fortem, temperantem et justam. — Constat. —
Nonne si quid illorum in ea repererimus, id quod
reliquum est illud erit, quod nondum fuerit re-
pertum? — Quidni? — Uti autem in omnibus,
quae quatuor numero sunt, si unum quaerere-
mus, si illud continuo reperissemus, sufficeret:
quodsi tria reperissemus primum, hoc ipso cog-
nosceretur illud, quod quaereremus: non enim
aliud esset, nisi id, quod restaret. — Probe lo-
queris. — De his igitur, quae quatuor numero
sunt, nonne pari est nobis ratione quaerendum? —
Vero. — Atqui primum mihi in istis videtur *sa-*
pientia elucere. (1)

Ubi-

(1) *De Rep.* IV. 427. C. — 428 A.

*Ubinum in civitate
sapientia?*

Hic autem, mirum sibi quid apparere, ait Socrates. Sapiens, inquit, mihi esse videtur, quam condidimus, civitas; nam bene consultata est, nonne? — Est omnino. — Etenim haec ipsa consulendi facultas scientia quaedam est: non enim inscitia, sed scientia, homines bene consulunt. — Perspicuum. — Multae vero et variae in civitate scientiae sunt. — Sunt. — Num propter fabrorum scientiam sapiens et bene consultata civitas appellanda? — Nullo modo propter istam, sed artis fabrilis perita. — Non ergo sapiens appellanda est civitas ex eo, quod, qua ratione quam optime opera lignea perficiantur, bene consultet? — Non certe. — An non forte propter scientiam fructuum e terra producendorum, sed agriculturae perita. — Sic opinor. — Quid vero? estne aliqua scientia in civitate modo a nobis condita penes cives quosdam, qua non de re aliqua privata in civitate deliberatur, sed de universa civitate, qua ratione et ipsa erga semet ipsam et alias civitates optime sese gerat? — Est nimirum. — Quae nam haec et in quibus? — Ipsa est custodiendi peritia et in his est principibus, quos modo perfectos custodes appellavimus. — Propter hanc ergo scientiam quo nomine civitatem nuncupas? — *Εὖ-βουλον καὶ τῷ ὄντι σοφὴν* bene consultam et revera

sa-

sapientem. — Utrum plures in civitate fabros aerarios, quam veros hosce custodes, esse putas? — Multo certe plures aerarios fabros. — Nonne et caeterorum, qui a scientia, qua valent, nomen habent, illi paucissimi erunt? — Paucissimi sane. —

Τῷ μικροτάτῳ ἄρα ἔθνεϊ καὶ μέρει ἑαυτῆς καὶ τῇ ἐν τούτῳ ἐπισήμῃ, τῷ προεσῶτι καὶ ἄρχοντι, ὅλη σοφία ἂν εἴη κατὰ φύσιν οἰκισθεῖσα πόλις καὶ τοῦτο, ὡς ἔειπε, φύσει ὀλίγιστον γίγνεται γένος, ὃ προσήκει ταύτης τῆς ἐπισήμης μεταλαγχάνειν ἢ μόνην δεῖ τῶν ἄλλων ἐπιστημῶν, σοφίαν καλεῖσθαι. Ergo minime quaedam gente suique parte, et scientiâ, quae in praestide et principe parte inest, tota sapiens eris secundum naturam civitas instituta: atque id, ut videtur, naturâ paucissimum est rarissimumque genus, cui convenit esse hujus scientiae particeps, quam solam e caeteris omnibus decet sapientiam appellare. (1)

*Ubinam fortitudo
in civitate?*

Hoc igitur, sic pergit deinceps Socrates, unum e quatuor illis est, quod nescio quomodo invenimus cum ipsum, tum quo loco in civitate repositum sit; fortitudo autem, quid ipsa sit, tum qua in parte civitatis adsit, qua civitas fortis dicenda sit, non admodum inventu difficile est. — Quoniam

pac-

(1) *De Rep.* IV. 428. B. — 429. A.

pacto? — Quisnam ad aliud quidquam respiciens, civitatem vel ignavam vel fortem nominet, quam ad eam partem, quae pro ipsâ pugnat ac militat? — Nullus certe ad aliam. — Non enim caeteri in illâ alii, cum vel ignavi vel fortes sint, vi suâ efficient ut ignava vel fortis sit. — Non sane. — Fortis igitur parte sui civitas erit, quod in eâ vim ejusmodi habet, quae perpetuo servat de rebus terribilibus opinionem, illas eas esse et tales, quas et quales in institutione legislator constituit: nonne hanc fortitudinem vocas? — Non satis, quod dixisti, percepi: dic iterum. — Conservationem quandam fortitudinem esse dico. — Quam conservationem? — Opinionis videlicet, lege per educationem conceptâ, qua judicatur, quae terribilia sint et qualia. In omnibus autem eam conservationem esse dixi, ut rata semper et ubique servetur, sive quis doloribus seu voluptatibus aut cupiditatibus aut timoribus afficiatur, nec ullo pacto quis propter haec ab ea dimoveatur. (1)

Id autem ut recte intelligatur, Socratem hîc Plato inducit eximiâ quadam longeque celebratissimâ imagine utentem. Cui autem simile id esse arbitrer, si vis, tibi aperiâ. — Cupio equidem. — Fulloes, novisti, ubi tingere volunt lanas, ut sint purpureae, primum eligunt, quae naturâ sint quam maxime albae: deinde praeparant eas haud mediocri studio et opera, ut ipsum deinceps susci-

pe-

(1) *De Rep.* IV. 429. A. — D.

pere possint coloris florem: tum eas tingunt. Quidquid hoc modo tinctum est, indelebile manet, et, quantumvis illud laves, sive aqua, sive additis etiam abstergendi remediis, flos ille tolli nullo modo potest. Quae vero non rite praeparata sunt, facile his color tollitur et informia fiunt. Tale quid facere nos studuisse pro viribus cogita, quum custodes eligebamus, eosque et musicam et gymnasticam erudiebamus: atque existima, nihil nos aliud excogitasse, quam ut optime leges, tamquam colorem, imbiberent: quo magis indelebilis eorum esset de rebus terribilibus deque caeteris omnibus opinio, neque tincturam eorum abolere possent purificationes istae ad diluendum vehementissimae, voluptas scilicet, omni nitri acrimonia et calcis ad expurgandum acrior: dolor item, metus ac cupiditas, omni alia purificatione ad abstergendum potentiora. Τὴν δὲ τοιαύτην δύναμιν καὶ σωτηρίαν διὰ παντὸς δόξης ὀρθῆς τε καὶ νομίμου δεινῶν πέρι καὶ μὴ, ἀνδρείαν ἔγωγε καλῶ καὶ τίθεμαι. Hanc utique vim, rectae legitimaeque opinionis conservatricem de terribilibus eorumque contrariis, fortitudinem voco equidem atque assero. (1)

Ubi-

(1) *Rep.* 1V. 428 D. — 430. B. Vid. de hoc l. Ruhken. ad *Tim.* v. *δυσστροφείας*. Stallb. ad h. l. et Den Tex, de *vi musicæ*, p. 55 et 155.

*Ubinam item in civitate
temperantia?*

Reperta in hunc modum cum sapientiâ in civitate, tum fortitudine, duo, ait Socrates, restant in civitate consideranda, temperantia, et, cujus gratia haec omnia perquirimus, justitia. — Prorsus. — Invenire jam continuo justitiam possimus, ut ne quid in investigandâ temperantiâ laboremus? — Equidem neque id scio, neque velim nobis prius justitiam innotescere, quam temperantiam consideraverimus: quare si mihi gratum vis facere, prius hoc, quam illud, investigato: — Volo equidem, si recte ita facio. — Considera igitur. — Ecce, considero, et hinc quidem spectanti concentus et harmoniae magis, quam superiora, similis videtur. — Quo pacto? — Κόσμος που τις ἡ σωφροσύνη ἐστὶ, καὶ ἡδονῶν τινῶν καὶ ἐπιθυμιῶν ἐγκράτεια, ὥς Φασι, κρείττω δὲ αὐτοῦ λέγοντες, ⁽¹⁾ οὐκ οἶδ' ὄντινα τρόπον, καὶ ἄλλα ἅττα τοιαῦτα ὥσπερ ἵχνη αὐτῆς λέγεται. *Cultus est aliquis temperantia et a voluptatibus quibusdam ac cupiditatibus abstinencia, ut ajunt, dicentes scilicet aliquem esse se ipso superiorem, nescio quo modo, atque alia etiam quaedam, tamquam rei vestigia dicuntur.* — Maxime omnium. — Respice igitur, quam

(1) Seculus in his sum Stallbaumii emendationem. Valgo: Φασι, κρείττω δὲ αὐτοῦ φαίνονται, οὐκ —

quam modo condidimus, civitatem: invenies in illâ alterum eorum; dices eam recte appellari se ipsa superiorem, si quidem, si melius in ea peiori imperat, temperans dicenda est et se ipsa superior. — Ego vero respicio illuc: ac vera loqueris. — Enimvero vilissimas quasque et nullius non generis cupiditates, voluptates doloresque in pueris quis maxime et mulieribus servisque reperiet, tum etiam in eorum, qui ingenui dicuntur, vilioribus quibusque. (1) — Omnino. — Simples vero et moderatas, quae ratiocinatione ipsaque mente et recta opinione ducuntur, in paucis eorum reperies, in illis duntaxat, qui, optime nati, optime instituti sunt. — Vera haec sunt. — Nonne haec ita se habere in civitate nostrâ vides, imperarique vulgi et vilium hominum cupiditates cupiditatibus ac prudentiâ paucorum modestorumque virorum? — Video equidem. — Si qua igitur civitas potentior sit cupiditatibus ac voluptatibus, ipsaque semet ipsâ, haec ita appellanda est? — Omnino. — Nonne item propter haec omnia temperans? — Maximè. — Et vero, si ullâ in aliâ civitate tam regentibus, quam iis qui reguntur, eadem opinio inest, quibus deferre potissimum

(1) Graece legitur: *ἐν πᾶσι μάλιστα ἢν τις εὖροι καὶ γυναῖξί* — Quod darius dictum in foeminas videtur. Scripsit, ni fallor, Plato, uti vertimus, *ἐν πᾶσι καλ.* Saepe haec ita apud Platonem junguntur, uti mox 433. D. *καὶ ἐν παιδὶ καὶ ἐν γυναικί καὶ ἐν δούλῳ καὶ ἐν ἐλευτέρῳ.*

num imperium deceat, in hac illud nostrā aderit? — Et maxime quidem. — Quibus igitur civibus inesse temperantiam dices, si quidem ita se habeant, iis, qui regunt, an vero, qui reguntur? — Utrisque. — Cernis igitur, quam apte vaticinati simus, harmoniae cuidam esse similem temperantiam? — Curnam? — Quia non, prouti sapientia et fortitudo, quae partibus insunt civitatis atque ita eam cum sapientem tum fortem efficiunt, non ita haec eam temperantem reddit, sed per eam totam singulasque ejus partes, tamquam chordas, diffusa, efficit, ut in idem debiliores homines, fortioresque et medii, prudentiā, potentiā, multitudine, pecuniis item et quavis alia re concinant: ὥςτε ὁρθότατ' ἂν φαῖμεν, ταύτην τὴν ὁμόνοιαν, σωφροσύνην εἶναι, χειρόνός τε καὶ ἀμείνονος κατὰ φύσιν συμφωσίαν, ὁπότερον δεῖ ἄρχειν καὶ ἐν πόλει καὶ ἐν ἐνὶ ἑκάστῳ. Quapropter rectissime possimus hunc concentum temperantiam appellare, deterioris et melioris secundum naturam consensionem, utrum regnare oporteat, cum in civitate, tum in uno quoque homine. — Sic item mihi videtur. (1)

Tum Socrates, esto igitur, inquit, tria jam nobis in civitatē comperta sunt, ut ex his apparet; reliquum autem negotium illud, quo praeterea virtutis particeps sit civitas, quodnam erit? *Iustitiam* esse, patet, ni fallor. — Patet. (2)

Hic

(1) *De Rep.* IV. 430. C. — 432. A. (2) *Eod.* 432. B.

Hic autem ille cum adolescentibus, pari cum ipso inventendae justitiae ardore ductus, rei quasi venerationem instituit. Audiamus eum porro.

*Ubinam tandem in civitate
justitia latet?*

Ergo oportet nos, ait, Glauco, tamquam venatores quosdam, circumcirca cespites ponere, circumspicientes, ne qua ex parte justitia subterfugiat atque evanescens lateat nos. Patet enim, hic eam esse: vide igitur et conspiciari annitere, si forte tu prius, quam ego, eam cernas mihique indices. — Utinam vero possem! Tu autem me potius ut comite uteris, qui et sequar te et quae monstraveris conspicere possim. — Sequere igitur, precatus mecum. — Faciam: tu modo duc, quaeso. — Difficilis sane mihi hic locus videtur et umbrosus: est plane obscurus et imperscrutabilis; verumtamen progrediendum. — Progrediendum omnino. — Io! io! o Glauco, vestigium videmur quoddam tenere, nec effugiet nos illud, quod quaerimus. — Bene mones. — Enimvero stultum plane negotium hoc nostrum. — Quid istud? — Jam pridem nobis ab ipso principio, o bone, quod quaerimus, ante pedes volvitur, nec conspeximus illud; eramus vero non minus ridiculi, quam qui in *manibus* quid habentes, quaerunt subinde quod habent: sic nos in illud quidem non attendimus, sed procul in alia omnia mentem convertimus: quo facile
nos

nos latuit. — Quo modo istud? — Hoc modo: videmur mihi dicentes illud jam pridem et audientes, haudquaquam animadvertisse, id nos quodammodo dicere.⁽¹⁾

Hic Glauco, μακρὸν, inquit, τὸ προοίμιον τῷ ἐπιθυμοῦντι ἀκοῦσαι. *Longum sane prooemium audire cupienti.* Tum Socrates, quid ipsi videatur justitia esse, accuratius exponit. Audi, inquit, num quid dicam: quod enim ab initio statuimus unumquemque agere oportere, illud est, ut mihi videtur vel hujus species quaedam, justitia. Statuimus autem, et saepius, si memineris, diximus, unumquemque decere unum quid factitare eorum, quae civitati conducunt, ad quod ipsius natura esset aptissima. — Diximus procul dubio. — Atqui suum agere nec quod aliis agendum est affectare, justitiam esse, et hoc cum ab aliis multis audivimus, tum ipsi diximus saepenumero. — Diximus. — Hoc utique videtur, amice, cum fit, justitia quodammodo esse, sua agere. Scisne autem, unde illud conjiciam? — Nequaquam, sed dic, quaeso. — Δοκεῖ μοι τὸ ὑπόλοιπον ἐν τῇ πόλει ὧν ἐσκέμμεθα, σωφροσύνης καὶ ἀνδρείας καὶ φρονήσεως, τοῦτο εἶναι ὃ πᾶσιν ἐκείνοις τὴν δύναμιν παρέσχειν, ὥστε ἐγγενέσθαι καὶ ἐγγενόμενά γε σωτηρίαν παρέχειν, ἵως ἂν ἐνῇ. *Videtur mihi quod reliquum est in civitate, praeter illa, quae consideravimus, temperantiam, fortitudinem, sapientiam, hoc esse, quod*

(1) *De Rep.* IV. 432. B. — 432. E.

quod omnibus illis vim præberet, ut innascerentur et innata salutem afferrent, donec inessent. (1)

Et sic quidem Socrates ad finem tendit disquisitionis cum de civitate perfectâ, tum de justitiâ. In quibus justitia ut virtus summa civitatis, imo ut ipsa civitatis perfectæ *ovola* proponitur. Verumtamen quod a Simonide inde semper justitiæ adscriptum est, ut suum cuique quis tribuat, non negligit illud Socrates. Considera præterea, inquit, hac ratione, num tibi sic videatur. An principibus in civitate mandabis, ut juste sententiam ferant? — Quidni? — Judicabuntne autem alius cujusquam rei avidi magis, quam hujus ipsius, ut singuli neque usurpent aliena neque suis priventur? — Non sane. — Quasi nempe hoc sit justum? — Omnino. — Et hac quoque ratione asseritur, sui cuique et proprii operis possessionem actionemque esse justitiam. — Asseritur. (2)

*Ad tres illas civitatis
partes, quatuorque in ea virtutes,
animi exigitur natura.*

Conditâ igitur in hunc modum republicâ optimâ, repertâque in illâ justitiâ, exquirat jam porro Socrates, quis homo optimus sit, ut, quid esse in animo hominis justitia videatur, pateat. Huc enim

(1) *De Rep.* 432. E. — 433. B. (2) *Eod.* 433. E.

enim tota illa de republica disputatio pertinuerat. Censebamus enim, ait, si plurium rerum, quibus inesset justitia, in majore quadam prius eam videremus, facilius deinde nos in minore, nempe in homine uno, qualis illa sit, perspecturos. Tale quid nobis esse civitas videbatur: quapropter eam quam optimam finximus, scientes in bona republica inesse justitiam. Idcirco quod in illa nobis apparuit, referamus ad unum hominem. Si convenient sibi invicem, sufficit nobis; sin vero in uno aliud quid appareat, rursus ad civitatem conversi, explorabimus. *Καὶ τάχα ἂν παρ' ἀλλήλων σκοποῦντες καὶ τριβόντες, ὥσπερ ἐκ πυρρίων, ἐκλάμψαι ποιήσαιμεν τὴν δικαιοσύνην.* Et forte secum invicem illa comparantes et veluti collidentes, efficiemus, ut, tamquam e silicibus, eluceat ex his justitia. (1)

De ratione et cupiditatibus.

Praemittitur animadversio e gentium indole ducta, quae rem in primis illustrat. Nonne necesse est, inquit, confiteri, eosdem in nobis ipsis, quos in civitate, mores inesse? Neque enim aliunde illi in civitatem venissent. Ridiculum quippe esset, si quis τὸ θυμοειδὲς existimaret non e privatis hominibus, quorum idem esset ac Thracum et Scytharum ingenium, in civitatem pervenisse, aut

(1) *Rep.* 433. A. — 434. C.

aut τὸ φιλομαθές, non e tali privatorum indole, qualis nobis est naturā tributa, aut τὸ φιλοχρημάτων, non ex ea singulorum hominum cupiditate, qua esse dicuntur Phoenices et Aegyptii? (1) Hic autem Socrates necessario requiri ad disquisitionem distinguendi diligentiam, videt. Hoc igitur, ait, sic sese habet nec difficile inventu est; illud vero difficile, utrum uno quodam eodemque haec singula agamus, an, cum tria sint, aliud alio. Utrum alio eorum, quae nobis insunt, discamus, alio irascamur, tertio concupiscamus, an toto animo in his singulis moveamur. (2) Distinguitur ergo primum *ratio* a *cupiditatibus*. Nam post longum de distinguendi ratione optima, tum etiam de ipsis cupiditatibus sermonem, animus exploratur sitientis hominis, qui maxime ducitur bibendi cupiditate. Sitientis animus, ait Socrates, quatenus sitit, non aliud appetit, quam bibere: huc spectat, huc tendit unice. — Omnino. — Quodsi igitur sit, quod sitientem illum retrahat, aliud id in animo erit, quam illud, quod sitit, ipsumque, ut feram, ad bibendum impellit: non enim fieri posse dicimus, ut idem quid eadem sui parte circa idem contraria agat. — Non certe. — Quemadmodum absurdum dictum est, ejusdem sagittarii manus arcum simul propellere et retrahere: dicendum, alteram esse manum, quae propellit, alteram, quae retrahit. — Ita prorsus se res habet. — Fatemur-

DE

(1) *De Rep.* 435. D. — 436. A. (2) *Eod.* 436. A. B.

ne esse aliquos, qui, cum sitiant, nonnumquam bibere nolint? — Multos sane et crebro. — Quid igitur de hisce dicat aliquis? Nonne inesse in eorum animo, quod jubeat, inesse item, quod vetet bibere, quorum hoc jubenti illi imperat? — Videtur mihi sane. — Nonne igitur quod prohibet ista, ubi existit, e ratione existit? quae vero agunt trahuntque in varias partes animum, ex affectibus perturbationibusque oriuntur? — Apparet. — Οὐ δὴ ἀλόγως ἀξιόσωμεν αὐτὰ διττὰ τε καὶ ἕτερα ἀλλήλων εἶναι· τὸ μὲν ὃ λογίζεται λογισικὸν προσαγορεύοντες τῆς ψυχῆς· τὸ δὲ ὃ ἐράει τε καὶ πεινῇ καὶ διψῇ καὶ περὶ τὰς ἄλλας ἐπιθυμίας ἐπτόχεται, ἀλόγιστόν τε καὶ ἐπιθυμητικόν, πληρώσεων τινῶν καὶ ἡδονῶν ἐταῖρον. *Non igitur sine ratione duo illa esse et a se invicem diversa statuemus: et illud quidem, quo ratiocinatur animus, rationale vocabimus: illud vero, quo amat, esurit, sitit, caeterisque cupiditatibus agitur, irrationale et concupiscens, repletio-num quarumdam ac voluptatum socium.* — Non sane, sed merito ita censebimus. (1).

*De distinguendo ab hisce recte,
qui nobis inest, θυμῷ.*

Hic vero nos Socrates ad rem paullo difficiliorē intricatiorēque explicandā ducit. Inesse nobis,

(1) *De Rep.* IV. 439. A. — D.

bia, praeter rationem ac cupiditates, tertium quid, quod *θυμὸς* dicendum est, videtur. Hoc vero quid est et quemadmodum est ab illis distinguendum? Apud nos fere qui ethicam tradunt, requiri quid praeter duo illa, vident. Memorare igitur *voluntatis* quandam¹ vim facultatemque solent. Nec sane temere: nam tertium illis accedat, necesse est. Quo magis operae pretium est, hac ipsa de re Socratem cum adolescentibus illis disputantem audire. Narrat continuo, quod de Leontio, Aglaionis filio, acceperat aliquando: hunc e Piraeo in urbem progredientem, quum cadavera animadverteret in cloacâ publicâ jacentia, simul et videre illa cupivisse et abhorruisse seque avertisse: et dudum quidem ita secum ipsum pugnasse vultumque texisse, superatum vero tandem cupiditate, ad cadavera intentis oculis accurrisse, dicentem: ecce jam vobis, miseri, desiderium vestrum pulcro spectaculo explete! Quod ubi narravit Socrates, testatur id, inquit, iram subinde pugnare cum cupiditatibus, quasi haec a se invicem diversa sint. Tum pergit: nonne et alibi crebro animadvertimus, ubi vim inferunt alicui praeter rationem cupiditates, objurgare ipsum sese et adversus eam sui partem, quae vim infert, indignari, et, quasi duobus dissentientibus, adjutricem rationi iram succurrere? ratione autem imperantē non esse sibi contradicendum, iram cupiditatibus conjunctam obistere illi, arbitror te nunquam vel in te ipso vel in alio persensisse. — Nunquam per Jovem. —

Quid

Quid autem, ubi quis injuriā se afficere alium putat, nonne is, quo generosior est, eo minus irascitur, sive esuriat sive algeat sive aliud quodvis tale patiatur ab eo, quem jure his sese afficere existimat, omninoque, non excitabitur istius adversus illum ira? — Vera loqueris. — Quid vero, ubi injuria se affici ab alio putat, nonne tunc effervescit ipsius ira ac saevit atque auxilium praestans justī studio, famemque et frigus et caetera talia perdurans ad victoriam contendit: neque a generoso labore cessat prius, quam vel perfecit rem, vel obierit, vel, tamquam canis a pastore, sic a ratione ipsi propriā revocatus mitescat? — Sic omnino se res habet. — Est igitur aliud τὸ θυμοειδές, aliud τὸ ἐπιθυμητικόν. Diversam autem iram a ratione esse, facile nobis pateat. Nam in pueris quivis istud intelligat, qui statim, ut nati sunt, irā sunt pleni; rationis autem nonnulli eorum nunquam, plerique sero demum participes fiunt. — Per Jovem, praeclare loqueris: sed praeterea in feris animalibus idem quis videat: testatur et Homeri illud de Ulysse:

Στῆθος δὲ πλῆξας, κραδίην ἠνίπαπε μύθῳ.

Hic enim aperte Homerus alteri horum repugnans alterum fecit, illi, quod de meliore ac pejore ratiocinatur, id, quod sine ratione irascitur.” (1)

Ci-

(1) *De Rep.* IV. 439 E — 441. B.

*Civitati optimae homo
comparatur. De virtutibus animi
primariis.*

Distingui haec recte in animo hominis, nisi summa hujusmodi diligentia adhibita, non poterant. Hinc autem jam facile, quae primariae sint animi humani virtutes, efficiamus. Has igitur tandem difficultates, sic pergit porro Socrates, aegre superavimus, satisque inter nos constat, τὰ αὐτὰ μὲν ἐν πόλει, τὰ αὐτὰ δ' ἐν ἑνὸς ἐκάστου ψυχῇ γένη ἐνεῖναι καὶ ἴσα τὸν ἀριθμὸν eadem civitati, eademque cujusvis hominis animo genera inesse et numero paria. — Sic sane. — Quin etiam id necessarium est, quemadmodum et quo sapiens erat civitas, ita et eodem sapientem esse hominem. — Quidni? — Item quo fortis est homo et quomodo, eodem et ita fortem esse civitatem: et in caeteris omnibus ad virtutem utraque similiter se habere. — Necesse est. — Atqui et justum, o Glauco, dicemus virum eadem ratione, qua dicimus civitatem. — Et hoc omnino necessarium. — Nec vero illud obliti sumus, civitatem ex eo nobis visum esse justam, quia, cum tria adsint hominum genera, suum quisque in ea explet officium. — Haud profecto id mihi obliti videmur. — Miminissee ergo oportet, unumquemque nostrum tum justum futurum ac sua peracturum, ubi singulae apud eum animi partes sua peragent. — Mi-

minisse prorsus oportet. — Nonne τῷ λογικῷ
convenit imperare, cum sapiens sit, geratque to-
tius animi providentiam? τῷ θυμοειδεῖ vero, obse-
qui rationi proque illa pugnare? — Plane. —
Nonne musicae et gymnasticae aequabilis conjunc-
tio, ut concordia illa sint, efficit, alterum horum
intendens augensque et praeclaris sermonibus ac
disciplinis nutriens, alterum vero remittens, sedans
ac per harmoniam atque rythmum mansuefaciens? —
Maxime. — Haec igitur sic nutrita, cum sua re-
vera didicerint, nonne praeesse τῷ ἐπιθυμητικῷ de-
bebunt, quod maximam animi partem in unoquo-
que efficit, nec divitiis expleri naturā non potest:
cavebuntque, ne illud, corporis voluptatibus re-
pletum, grandius robustiusque evadat, nolitque
suo fungi officio, sed subicere sibi illa contendat,
quibus imperare naturā non debet, atque ita uni-
versam omnium vitam pervertat. — Sic prorsus. —
Quin etiam ab externis hostibus duo illa optime
universum et animum et corpus vindicabunt, cum
illud quidem provide consulit, hoc autem propug-
nat, principi obtemperans, et fortitudine, quae con-
sulta sunt, peragens. — Vera haec sunt. — For-
tem profecto hac ex parte virum quemque voca-
mus, ubi, quod ipsi inest, θυμοειδὲς in mediis
voluptatibus ac doloribus id observat, quod ratio
praescripsit vel terribile vel non terribile esse. —
Recte. — Sapientem vero parvā illā ex parte,
quae et imperat in ipso et ista dictat, habens
item in sese scientiam, qua discernit, quid potis-
si-

simum ex usu sit tam singulis, quam universo coetui ex his tribus constituto. — Certe. — Temperantem rursus aliquem appellamus horum ipsorum amicitia atque concordia, ubi et quod praest, et quod subest, in sententiam eandem conveniunt, rationem imperare debere, neque ab illa desciscendum esse. — Nihil sane aliud in civitate atque in homine temperantia est. — Justus denique ex eo atque ita erit quisque, ex quo et quemadmodum saepe jam diximus. — Necesse est prorsus. — Τί οὖν; μή πη τι ἡμῶν ἀπαμβλύνεται καὶ ἄλλο τι δικαιοσύνη δοκεῖ εἶναι ἢ ὅπερ ἐν τῇ πόλει ἐφάνη; *Quid igitur? num forte nobis aliquid obtunditur, videturque aliud quid esse justitia, quam quod ante in civitate videbatur?* (1) — Non mihi videtur. (2)

*Quid tandem in ipso hominis
animo justitia est?*

Quodsi jam, instituta hac civitatis optimaе cum homine comparatione, illuc revertimur, unde in condenda civitate orsi sumus, unumquemque oportere suum negotium facitare, facile nobis illud assequi, quod quaerimus, licebit. Videmur nobis, ait Socrates, quasi divinitus, κατὰ θεὸν τινα, εἰς αὐτὸν ἀφ

(1) Locus corruptus; sed probabilis haec videtur, quam secuti sumus, Stallbaumii lectio. (2) *De Rep.* IV. 441. C. — 442. D.

ἀρχὴν καὶ τύπον τῆς δικαιοσύνης ἐμβεβηκέναι. Nam illud, quod tum diximus de agricolis, artificibus, caeteris, εἰδῶλον erat justitiae; reapse vero est ad interiorem hominem referendum, ut non sinat quis, quae ipsi insunt, aliena peragere; sed oporteat τῷ ὄντι τὰ οἰκεῖα εὖ θέμενον, καὶ ἄρξαντα αὐτὸν αὐτοῦ, καὶ κοσμήσαντα, καὶ Φίλον γενόμενον ἑαυτῷ, καὶ ξυναρμόσαντα τρία ὄντα, ὥςπερ ὄρους τρεῖς ἀρμονίας ἀτεχνῶς, νεότης τε καὶ ὑπέρτης καὶ μέσης, καὶ εἰ ἄλλα ἅττα μεταξὺ τυγχάνει ὄντα, πάντα ταῦτα ξυνδῆσαντα, καὶ παντάπασιν ἓνα γενόμενον ἐκ πολλῶν σῶφρονα καὶ ἡρμωμένον, οὕτω δὲ πράττειν ἤδη, ἐν τι πράττει, ἢ περὶ χρημάτων κτήσιν, ἢ περὶ σώματος θεραπεῖαν, ἢ καὶ περὶ πολιτικόν τι, ἢ περὶ τὰ ἴδια ξυμβόλαια· ἐν πᾶσι τούτοις ἡγούμενον καὶ ὀνομάζοντα δικαίαν μὲν καὶ καλὴν πράξιν, ἢ ἂν ταύτην τὴν ἔξιν σῶζῃ τε καὶ συναπεργάζεται· ἀδικον δὲ πράξιν, ἢ ἂν αἰεὶ ταύτην λύῃ. (1) Praeclaræ sententiæ hæc fere vis est. *Servat justitiam, qui semper sua rite digessit, sibi ipse imperavit, sibi ipse consensit, tres illas sui partes, tamquam tres terminos harmoniæ, imæ, summæ, mediæ, conciliavit secum invicem et connexuit, atque ita prorsus per concentum huncce e multis factus est unus: tum vero qualis intus esse solet, talem se foris præstat in pecuniis quaerendis, in corpore colendo, in rebus civilibus administrandis, in pactis incundis servandisque: in his omnibus justam vocans* ac-

(1) *De Rep.* IV. 443 C. — 444. A.

actionem, quae illum animi habitum et servet et perficiat, injustam vero eam, quae habitum illum tollat. (1)

*De vi justitiae
in vitae humanae felicitatem.*

Id autem cum in ipso hominis animo justitia sit, quid tandem de vitâ beatâ pronuntiabimus? Uter nobis videtur beatior, justus homo, an injustus? Quo rectius, dicit Socrates, judicium pronunciemus, de injustitiâ hoc tene, contrariam illam justitiae, atque iccirco εἰσιν τινὰ esse τριῶν ὄντων τούτων, καὶ πολυπραγμοσύνην καὶ ἀλλοτριοπραγμοσύνην καὶ ἐπανάσασιν μέρους τινὸς τῆ ὅλης τῆς ψυχῆς. ἢν ἄρχῃ ἐν αὐτῇ, οὐ προσήκειν. In his autem, inquit, illud respice, justitiam et injustitiam non differre a salubribus et insalubribus. Salubria corpori nostro sanitatem, insalubria et noxia morbum afferunt: sic justa facere, justitiam, injusta facere, injustitiam efficit. Est autem sanitatem inferre, ita quae in corpore sunt disponere, ut secundum naturae ordinem cum regant tum regantur; morbum vero, contra naturae ordinem regere et regi. Eadem ratione justitiam

prae-

(1) Hanc loci interpretationem Geerio meo debui, qui transponendo sententiam restituit, ut legeretur: καὶ ἄρξαντα αὐτὸν αὐτοῦ, καὶ φίλον γενόμενον ἑαυτῷ, καὶ κοσμήσαντα, καὶ ξυναρμόσαντα τρία ὄντα κ. τ. λ. V. *Diatr. in Pol. Plat.* p. 102.

praestare cuiquam, nihil est aliud, quam animi partes in ordinem suum digerere, ut ad naturae normam imperent ac pareant: injustitiam vero, ut contra naturam aliud alii imperet ac pareat. Ἀρετὴ μὲν ἄρα, ὡς ἔοικεν, ὑγίειά τέ τις ἂν εἴη καὶ κάλλος καὶ εὐεξία ψυχῆς· κακία δὲ, νόσος τε καὶ αἰσχρὸς καὶ ἀσθένεια. *Virtus igitur, ut videtur, sanitas esset quaedam et pulcritudo et integra animi conditio; pravitas corporis, morbus, turpitudine et infirmitas.* (1) · His animadversis, quodnam erit tandem, quaerit Socrates, de vitā beatā iudicium nostrum? Cui Glauco, ridicula mihi, inquit, disceptatio videtur, εἰ τοῦ μὲν σώματος τῆς φύσεως διαφθειρομένης, δεκαὶ οὐ βιωτὸν εἶναι, οὐδὲ μετὰ πάντων σιτίων τε καὶ ποτῶν καὶ πάντος πλούτου καὶ πάσης ἀρχῆς· τῆς δὲ αὐτοῦ τούτου, ᾧ ζῶμεν, φύσεως ταρattoμένης καὶ διαφθειρομένης, βιωτὸν ἄρα εἶναι· Si corporis naturā corruptā, non esse vivendum videatur, in summā etiam epularum et peculorum affluentia, in divitiis omnibus omnique imperio; naturā vero illius, quo vivimus, corruptā, vita videatur vitalis. (2)

*Platonicae hujus de justitiā
disputationis interpretatio.*

Talis est Platonis in Politia de justitiā disputatio, quam nos, more nostro, ipsius maxime aucto-

(1) *De Rep.* IV. 444. D.

(2) *Ebd.* I. 445. A.

toris verbis, quo plenius intelligeretur expressimus. Accedat autem, credo, interpretatio oportet. Nam repugnare haec si non opinionibus nostris, certe cogitandi nostrae disserendique rationi videntur, ubi de justitia agimus. Memorare nos fere cum leges, tum poenas, tum judicia ac tribunalia soleamus, de quibus in his omnibus Socratis sermonibus vix mentio fit. Agimus item de quaestionibus juris, ut vocantur, intricatioribus, quemadmodum de iis iudici pronuntiandum sit: quo spectat maxime jurisprudentia nostra. Id vero praemisit de industria Plato. Caeterum mirum nonnullis, opinor, ne dicam absurdum, videatur, ita de justitia in civitate pronuntiare, quasi illic sit maxime, ubi quisque maxime suo vacet officio, nec peragere quod aliorum est studeat. Imo vero, ajunt, ubi et optimae sunt leges et iudices optimi, nec civium libertas cohibendis maleficis optime vindicatur, illic demum in civitate justitia est. Sed nos explicandae Platonicae doctrinae, in quam ista profecto non ita temere jaciuntur, ipsum Platonem interpretem adhibeamus.

Haud sane negavit philosophus, ea, quae nunc vulgo dicuntur, ad justitiam in civitate proxime pertinere; sed rem ille indagavit interius. Quaesivit, quemadmodum optimi in civitate existere cum magistratus et legislatores, tum iudices possent, ut optimae constituerentur leges, eademque ad libertatem salutemque civium tuendam vindicarentur. Id inde repetendum censuit, si quisque

in

in civitate suum perageret officium, i. e. illud, ad quod aptus naturâ et fere natus esset, exsequeretur, non vero, ut fere, maximeque Athenis, fiebat, omnia omnes, et gravissima adeo civitatis munera agresti ingenio homines affectarent. Itaque traditâ illâ Phoenicum de hominum e terra ortu fabulâ, primum ex omni civium genere in numerum custodum, tum etiam e custodibus in numerum magistratuum illos retulit, quorum naturae nonnihil sive argenti sive auri admixtum esset: tum custodes, maximeque futuros reipublicae gubernatores exquisita quadam institutione erudit, ut libertatem ac salutem civium recte tuerentur. Porro de ferendis legibus, de poenis constituendis, de iudiciis creandis aut ornandis tribunali-
bus, de his omnibus, fateor, non singulatim egit: noluit adeo in haec singula, quomodo essent instruenda, inquirere: quod ὕδραν τέμνειν appellabat. (1) Veruntamen tales sibi videbatur et custodes et magistratus cum elegisse, tum artibus disciplinisque informasse, quales his singulis universisque optime prospicerent. His peractis, principia sibi visus est tradidisse, ut justa esset civitas. Nec vero illud in hac re iudicandâ praetermittamus, quod verbo jam attigimus, *justitiae* notionem per omnem antiquitatem, nec minus apud Graecos, quam apud gentes orientales, cum *moralis*, quam vocamus, *perfectionis* notione conjunc-

(1) *De Rep.* IV. 426. E.

juncram fuisse, ut *δικαιος* diceretur vir bonus, omnibus virtutibus ad bene vivendum instructus: quo fit, ut perfectionis cujusdam significatio in tota hac Platonis disputatione dominetur. Dicere poterat, *justam* esse perfectam illam rempublicam, quia unusquisque in ea suo peragendo officio suum cuique tribueret, *bonam* vero perfectamque, quia suum quisque perageret. Sed hoc justi bonique discrimen hic non expressit. Caeterum interpretandi nos Platonis, non laudandi aut defendendi partes suscepimus; veruntamen animadvertere nobis licet, non ita longe Platonem a nostra cogitandi loquendique ratione discessisse. Etenim lex illa, quam ab initio in condenda civitate sancivit, ut suum unusquisque in caeterorum omnium usum perageret, ipsa est jurisprudentiae nostrae lex summa, a jureconsultis Romanis prodita, quum definirent justitiam, *constantem* illam esse et *perpetuam voluntatem jus suum cuique tribuendi*. Id enim fieri nullo modo potest, nisi primum quis suum ipse officium recte peregerit. Hic autem nos locus admonet, ut de politicâ veterum, tum etiam de politicis Platonis dialogis nonnihil adducamus.

De politicâ Veterum.

Exstat apud Platonem pulcerrima de Prometheus et Epimetheo fabula, quae maxime nos docet, quam Veteres fere intellexerint politicam. Nam
ut

ut homines per Prometheus τῇ ἰντεχνῷ σοφίᾳ ad artes tractandas instructi fuerant, πολιτικὴ adhuc dicitur non adfuisse. Exstitit illa demum, a quo tempore Jupiter, misso ad hominum genus Mercurio, αἰδῶ καὶ δικὴν eorum animis indidit. Sed rem nobis ipse enarret Protagoras. Solâ illâ, ait, artis facultate instructi homines sparsim habitabant: nam urbes nondum erant. Dilacerabantur igitur a feris, quandoquidem his omnino erant imbecilliores. Πολιτικὴν enim τέχνην nondum tenebant, cujus pars est ars militaris. Urbibus igitur condendis congregari servarique studebant; verum, cum essent congregati, injurias sibi invicem inferebant, quippe τὴν πολιτικὴν τέχνην non tenentes: quocirca dispersi denuo interibant. Jupiter igitur de genere nostro timens, ne totum evanesceret, Mercurium ad homines misit, qui afferret iis αἰδῶ τε καὶ δικὴν, *pudorem ac justitiam*, quae essent urbium ornamenta ac mutuae amicitiae vincula. Interrogabat autem Mercurius Jovem, quemadmodum hominibus pudorem ac justitiam daret. Num, inquit, ut artes distributae sunt, sic et haec distribuam? Illae scilicet ita distributae sunt, ut unus artis medicae peritus aliis, qui ejus expertes sunt, sufficiat, caeterique artifices similiter. Numquid ita pudorem ac justitiam hominibus dabo? an omnibus inseram? Omnibus, respondet Jupiter: omnes horum participes sunt. Neque enim civitates constarent, si pauci quidam, ut aliarum artium, sic horum essent participes. *Legem*

gem praeterea meo nomine conde, qua quicumque pudoris ac justitiae omnino est expers, tamquam pestes civitatis ultimo supplicio afficiatur.” (1) Similiter in *Symposio* Platonis politica σωφροσύνη et δικαιοσύνη constare dicitur. (2) Unde in primis patet, quod supra monuimus, arcissimum fuisse apud veteres politicae cum ethica necessitudinem. Separatim deinceps utraque, ad utriusque detrimentum, tractari coepta est, auctore potissimum Aristotele. Nam vi sua destituta ethica est, quam antea habuerat, ut hominem non solum ad vitae usum, sed etiam ad res civitatis recte administrandas instrueret; politica vero, quum uberrimo illo fonte careret, unde officia, virtutes, veramque hominum felicitatem duceret, unâ contineri regnandi arte coepit. Unde dici non potest, quanta quamque gravia mala in hominum genus redundaverint. Nam factum ita est, ut, nullâ virtutis justitiaeque ratione habitâ, civilis prudentia ad regnantium causam tuendam tota referretur, illudque Ertheoclis apud Euripidem in eam accommodaretur:

Εἵπερ γὰρ ἀδικεῖν χρή, τυραννίδος πέρι
Κάλλιστον ἀδικεῖν· τῆλλα δ' εὐσεβεῖν χρεών. (3)

Un-

(1) *Protag.* 322. B.—D. Cf. Ekker, *disp. de Protagorae apud Plat. fabula.* (2) *Symp.* p. 209. A. (3) *Phoeniss.* v. 527. Vertit Cicero:

*Nam si violandum est jus, regnandi gratia
Violandum est: aliis rebus pietatem colat.*

de Off. III. 21. Frequenter usurpabat illud J. Caesar, ut memorat Sueton. in vita.

Unde ipsum apud recentiores *politicae* nomen cal-
luditatis atque astutiae significationem suscepit.
Nota res est, quo audaciae temeritatisque hac in
re apud Italos processerit Macchiavellus; sed prae-
iverat ipsi Aristoteles: cujus e politicis scriptis
cum alia loca interpretes Macchiavelli notarunt, tum
hanc sententiam: *non opus est principi, ut sit
bonus, modo esse videatur* (1). Apud Platonem
vero ethicae illud et politicae vinculum integrum
exstat: quod recte tenendum, ut dialogos ejus po-
liticos, cum caeteros, tum in primis *Politiam*, un-
de haec omnia duximus, recte intelligamus.

*De politicis Platonis
dialogis.*

Ut eroticis philosophi dialogis dialectici, ita his
subsecuti politici videntur: quae ratio ingenio
hominis propria est, ut a pulcro ad verum, hinc
autem ad justum bonumque ac rerum humanarum
interiorem disquisitionem procedat. Itaque scripto
Theaeteto ac *Sophista* ad *Politicum* progressus est;
sed hic, quamvis nomine politicam prudentiam re-
ferret, re tamen, ut vidimus, ad dialecticam per-
tinebat maxime. Politicam demum data opera
tractare in *Gorgia*, maximeque in *Politia* coepit.
Gorgiae argumentum, ut *Phaedri*, Rhetoricam,
si-

(1) V. Aristot. *Polit.* V. p. 231 Cf. Numanii *Diatr.*
in *Macchiav. opusc. de Principe*. Pars II. p. 7.

sive bene dicendi artem spectat; verum exstat in eo locus ille de justitiâ gravissimus, quo justorum injustorumque post mortem judicium descripsit. Accessiase autem ita sponte suâ ad *Politiâ*, vel, ut proprie inscribendus dialogus erat, ad *dialogum περὶ τοῦ δικαίου* conscribendum videtur. Adje- cit his tandem senili aetate opus, politicum pla- ne, *de Legibus*; sed nobis primum de *Politiâ* agendum, cujus quae sit ratio, quod in primis propositum, in magno eruditorum dissensu, ope- rae pretium est exquirere.

De Politiâ Platonis.

Ratio dialogi e disputatione nostrâ quodammodo intelligitur. Ad investigandam justitiâ philosophus in eo optimam effinxit civitatem. Sed acci- dit ita, ut alii justitiâ, alii rempublicam dialogi esse argumentum putarent. Muretus, qui unus in paucis optime et legit Platonis librum et in- terpretatus est, sic de eo monet. „Mihi utri- que recte dicere videntur. Nam σκοπὸς est, et περὶ δικαιοσύνης, et περὶ πολιτείας. Non ut sint duo σκοποὶ, sed ut haec duo idem sint. Nam quod est ἐν μιᾷ ψυχῇ δικαιοσύνη, id in civitate talis πολιτεία. Nam et in politiâ tria genera re- spondent tribus animae partibus, τὸ φυλακικὸν τῇ λόγῳ, τὸ ἐπικουρικὸν, ὡς πολεμοῦν, τῇ θυμῷ, τὸ θητικὸν τῇ ἐπιθυμητικῷ. — Ergo et quilibet nos- trum vivit πολιτικῶς ὑπονακοσμένος et πόλις δικαίως τὰχ-

παχέστα: estque justitia πολιτεία ψυχῆς, et πολιτεία δικαιοσύνη πόλεως. — Non ergo duo sunt σκοποί, sed unicus, περὶ πολιτικῆς δικαιοσύνης καὶ περὶ δίκαιας πολιτείας.”(1) Equidem non dubito, quin, lecta dialogi descriptione nostrâ, videant lectores, justitiæ exquirendæ causâ scriptum a Platone dialogum esse. Quod eo plenius intelligemus, quo diligentius et prooemium dialogi, et primos, qui in eo occurrunt, sermones attendemus. Nam ubivis in hisce de *justo*, quid sit, exquiritur, de *republica* ne verbum quidem. Tum demum optimæ reipublicæ mentio fit, ubi adhibenda putatur ad justî disquisitionem recte instituendam. Sed aliud item judicium recentius ævum de hoc opere philosophi protulit. Dixit Rossavius, rempublicam Platonis optimam sibi esse videri institutionis scholam. (2) Quod dictum, a multis probatum, (3) aliqua quidem parte exprimere recte cum consilium auctoris tum operis argumentum videtur. Nam locus ille de institutione per musicam et gymnasticam in primariis censendus est dialogi partibus, et illuc profecto universe valet Socratis disputatio, ut per institutionem op-

ti-

(1) Muret. in *Plat. Remp. comment.* Operum Vol. III. p. 517. (2) Rousseau, *Emile*, L. I. init. (3) Gillies, *History of ancient Greece*, Vol. III. p. 521. *Plato traced the plan of a perfect commonwealth; though his work, known by that title, as has been justly observed by a great genius, is rather a treatise of education, than a system of policy.*

timam optima informetur civitas. Veruntamen his ego finibus non cohiberi philosophi consilium credam. Ut paucis complectar, nec *politicum* est dicendum, nec *paedagogicum* palmarium hoc Platonis opus, sed *ethicam* complectitur proprie, talem autem illam, qualem ante Platonem, imo vero ne post eum adeo ad hanc usque aetatem nostram nullus unquam animo conceperit philosophus.

Unus scilicet adhuc omni aevo Plato fuit, qui in civitate hominem, in homine civitatem exploraret. Quod institui apud Graecos facilius, quam apud nos potuit. Nam vita illorum ad civitatem, cujus cives erant, tota referebatur: quo magis hujus imagine in explorandis quibuscunque rebus utebantur. Nihil est autem, quo aptius dilucidiusque cum universe ethica, tum quaestio in primis de justitia beataque vita explicari possit. Nam cum hominibus constant civitates, et quicquid in iis fit, ab hominibus repetendum sit, spectaculum illae magnum et illustre philosopho praebent, in quo hominem exploret. Veluti, quod facultates animi humani, rationem, cupiditates, *θυμὸν* attinet, qui semet ipse paullo diligentius cognoscere studuit, quales sint illae et quemadmodum a se invicem distinguendae, facile perspexerit; sed in civitate demum eadem illae, tamquam in illustri quodam loco, apparent. Inde autem quaestiones omnes de virtutibus ac vitiis, quae gravissimum continent ethicae argumentum,

re-

repētendae illustrandaeque sunt. Usus est hac hominis explorandi ratione Plato, ut adhuc vidimus, quo magis optimum perfectumque hominem, in quo facultates illae recte concinerent, cognoscendum nobis praeberet; sed usus est item, quod deinceps patebit nobis, ad varia describenda hominum genera, imo vero, ad demonstrandum, quemadmodum homo ab illo perfectionis humanae fastigio per varios vitiorum pravitatisque gradus descenderet: id vero magis etiam ad interius perscrutandum cognoscendumque hominem valet. Quid dicam de *summo bono*, de *finibus bonorum et malorum*, quae quaestio princeps fuit in omni veterum sectarum ethica? Quantas illa quamque graves lites et controversias inter philosophos excitaverit, notum est; sed, si quid aliud, haec civitatis cum homine et hominis cum civitate comparatio finem imponere his altercationibus potuit. Nam ita nos illud, quod vulgo, ut ipsa Platonis utar comparatione, minutis scriptum literis legitur, in amplo illo theatro rerum humanarum, quasi magnis literis scriptum spectamus, nec latere nos, quid sit bonum sive summum bonum, potest. Nec vero hodie inutilis esse haec hominis explorandi ratio videtur. Nam cum alia bene multa, tum maxime quae ad illum, qui nobis inest, *θυμὸν* attinent, sic demum in luce ponuntur.

Intelligimus exinde, quanti nobis pretii hoc antiquitatis monimentum faciendum sit. Et sane *singulare* propeinodum opus dici potest. Nam sic
no.

nobis in illo ethica traditur, ut, quamvis recentiorum omnium de hoc argumento libros legerimus, *nova* prorsus doctrina videatur. Quo autem rectius praestantissimi hujus operis perspiciatur ratio, quoque magis ipsa Platonis Politica illustretur, operae pretium videtur, primum cum eo Ciceronis opus, simili titulo *de Republica* inscriptum, conferre. Nam hujus item ratio, ubi de antiqua politica agimus, perspicienda recte est, his in primis temporibus, quibus sic est integrum restitutum, ut, si minus de eo toto, certe de ejus partibus praecipuis atque universa distributione, probabiliter judicare liceat.

*Politicae Platonicae
ac Ciceroniani de re publica operis
comparatio.*

Pariter igitur et Plato et Cicero, in scribendo uterque palmario suo opere, cum Ethicam, tum Politicam complexi sunt; sed Cicero continuo aggressus Politicam est, Plato vero ab Ethica exorsus, ad Politicam est progressus et hanc adhibuit ad illam explicandam. Ciceroniani dialogi exordium demonstrat nobis continuo, quid maxime scribendo spectaverit. Est illud unum in paucis maxime Cicerone dignum, qui ipse sic eruditus in scholis philosophorum fuit, ut non deinceps in otio philosopharetur, sed philosophiam ad civitatis usum, quin etiam ad eam recte gubernandam ad-

adhiberet. Viros igitur continuo, qui, spretis voluptatibus, unam maxime civitatis suae salutem provehere studuissent, justis laudibus celebrat: quod studium *virtutis necessitatem* vocat. *Unum hoc definitio, tantam esse necessitatem virtutis generi hominum a natura, tantumque amorem ad communem salutem defendendam datum, ut ea vis omnia blandimenta voluptatis otiique vicerit.* (1) Exspectamus hinc facile, Politicam deinceps princeps futuram esse scribendi argumentum: et vero, postquam in principio dialogi Scipio cum amicis, qui advenerant, Socratica ratione de utroque illo sole, mittendisque inanibus de coelo quaestionibus, ac pertractandis rebus humanis, disseruerunt, quaestio continuo excitatur, quis sit optimus civitatis status. *Quamobrem, ait Laelius, ut hac feriae nobis ad utilissimos rei publicae sermones potissimum conferantur, Scipionem rogemus, ut explicet, quem existimet esse optimum statum civitatis. Deinde alia quaeremus.* (2) Hoc igitur continuo et Scipioni et caeteris solum est disserendi argumentum: quapropter primum, quid sit civitas, deinde quot genera civitatum sint, tum, quod maxime spectant, quis optimus sit civitatis status, quaerunt. In quibus sermonibus tradendis Cicero, quamvis universe Platonem secutus est, illo tamen loco, ubi de civitatum generibus ac de optima civitate agit, unam maxime Polybii sententiam

(1) Cic. *de Rep.* I. c. 1. (2) Eod. c. 20.

iam exponit. Quo sponte ad reipublicae Romanae descriptionem pervenit. Nam Polybius, ut e senii libri fragmentis patet, in ipsâ Romanorum civitatis optimi status exemplum reperisse sibi visus fuerat. Hunc igitur in hisce secutus Cicero, cum mixtum imperium caeteris civitatis generibus praefert, tum locum illum de Romanae reipublicae praestantia fuisse et deditâ operâ tractat. In hisce omnibus vix quidquam occurrit, quod Platonis nobis referat *Politiæ*: Polybium exprimit Cicero, tum etiam et Ennii et vero Catonis sententias explicat: hujus autem hoc maxime celebrat de Romanâ civitate effatum, non unius eam hominis ingenio, sed multorum, nec unâ hominis vitâ, sed aliquot constitutam saeculis et aetatibus fuisse. Nam, ut descripturus hanc rempublicam est, illa dicentem Scipionem facit. *Catonis hoc senis est, quem, ut scitis, unice dilexi maximeque sum admiratus, cui vel patris utriusque judicio, vel etiam meo studio me totum ab adolescentiâ dedidi; cujus me nunquam satiare potuit oratio: tantus erat in homine⁽¹⁾ usus rei publicae, quam et domi et militiae cum optime tum etiam diutissime gesserat, et modus in dicendo, et gravitate mixtus lepos, et summum vel dicendi studium vel docendi et orationi vita admodum congruens. Is dicere solebat, ob hanc*

(1) Inerendum et videtur. Mos id requirit Ciceronis: et usus rei publicae — et modus — et gravitate mixtus lepos — et summum — et

hanc causam praestare nostrae civitatis statum caeteris civitatibus, quod in illis singuli fuissent fere, quorum suam quisque rem publicam constituisent legibus atque institutis suis, ut Cretum Minos, Lacedaemoniorum Lycurgus, Atheniensium, quae persaepe commutata esset, tum Theseus, tum Draco, tum Solo, tum Clisthenes, tum multi alii, postremo exsanguem jam et jacentem doctus vir Phalereus sustentasset Demetrius; nostra autem res publica non unius esset ingenio, sed multorum, nec und hominis vitæ, sed aliquot constituta saeculis et aetatibus. Nam neque ullum ingenium tantum exstitisse dicebat, ut, quem res nulla fugeret, quisquam aliquando fuisset, neque cuncta ingenia collata in unum tantum posse uno tempore providere, ut omnia complecterentur sine rerum usu ac vetustate. Quam ob rem, ut ille solebat, ita nunc mea repetet oratio populi originem: libenter enim etiam verbo utor Catonis. (1) Discedit adeo a Platone Cicero: nam sic porro apud eum idem Scipio. Facilius autem quod est propositum consequar, si nostram rem publicam vobis et nascentem et crescentem et adultam et jam firmam atque robustam ostendero, quam si mihi aliquam, ut apud Platonem Socrates, ipse finxero. (2)

Est igitur, ut ex hisce licet efficere, *politicum* proprie Ciceronis opus: et sic quidem Platonici ope-

(1) Cic. eod. L. II. c. I. (2) Id. eod.

operis ratio magis etiam in oculos nobis incurrit. Non ille continuo, quis optimus sit reipublicae status, quaerit; sed hoc scilicet agit, ut, quid justum sit, quid injustum, exploret ac definiat: quod ethicae multo magis, quam politicae philosophiae argumentum est. Et vero in exordio Plato non exercitatum rebus civilibus ac militaribus virum, non principem civitatis, omni laudum ac gloriae genere cumulatum, ut apud Ciceronem L. Scipio Africanus est, dicentem inducit, sed a Socratis illud cum Cephalo, optimo sene, sermonibus repetit. Sic autem hos de senectute deque optima vivendi ratione disputantes facit, ut sponte sermo ad iustitiae beataeque vitae rationem, quae primaria Ethicae materies est, tendat: cui prooemio totus, ut vidimus, dialogus respondet. Factum ita est, ut idem hoc prooemium Ciceroni cum materia, tum etiam forma, opportunitatem dederit ad *Catonem* scribendum, quo data ille opera de senectute, de moribus atque optimam felicissimamque vitam egit. Quo magis hic cernimus, ut *politicum* Ciceronis opus est, ita hoc Platonis opus *Ethicam* proprie complecti.

Sed quamvis ita et Cicero et Plato in primo scribendo libro diversum habuerint propositum, multum tamen abest, ut cum Ethicam ille, tum hic Politicam neglexerit prorsus. Recte vidit Cicero, nullam sine moribus esse civitatem posse; Plato autem, quo Ethicam illustraret magis, ad perfectam civitatis formam hominem excolendum

dum erudiendumque censuit. Operae pretium est, Ciceroniani operis, quod mores attinet, rationem paullo attentius considerare. Communis haec interpretum, a Veteribus jam prolata, sententia est, ut finxit ordinavitque civitatem Plato, ita Ciceronem tantummodo rem publicam Romanam, quippe perfectissimam, adumbrasse. Sic enim jam Macrobius *ad somnium Scipionis* in libri sexti exitu: *inter Platonis et Ciceronis libros, quos de re publica utrumque constituisse constat, hoc interesse primâ fronte perspeximus, quod ille rem publicam ordinavit, hic retulit: alter, qualis esse deberet, alter, qualis esset a majoribus instituta, disseruit* (1). Cui opinioni ansam dedisse ipse Cicero videtur, quum Scipionem dicentem faceret, facilius se propositum consecuturum, si rem publicam Romanam — ostendisset, quam si aliquam, ut apud Platonem Socrates, ipse finxisset. Tubero vero, apud eundem, Scipioni, postquam is Romanam rem publicam adumbraverat, haec dicit: *Laudavisse mihi videris nostram rem publicam, cum ex te non de nostrâ, sed de omni re publica quaesiisset Laelius. Nec tamen didici ex oratione tuâ, istam ipsam rem publicam, quam laudas, quâ disciplinâ, quibus moribus aut legibus, constituere vel conservare possimus* (2). Quae cum dixisset Tubero, hinc Africanus, puto, inquit, *nobis mox de instituendis et conservandis civitatibus aptiorem, Tubero, fore* dis-

(1) Macrobius, *ad Somn. Sc. I. 1.* (2) Cic. *de Rep. II. 38.*

disserendi locum. De optimo autem statu equidem arbitrabar me satis respondisse ad id, quod quaesierat Laelius. Primum enim numero definieram genera civitatum tria probabilia; perniciose autem tribus illis totidem contraria: nullumque ex iis unum esse optimum; sed id praestare singulis, quod e tribus primis esset modice temperatum. Quod autem exemplo nostrae civitatis usus sum, non ad definiendum optimum statum valuit: nam id fieri potuit sine exemplo; sed ut in civitate maxime reapse cerneretur, quale esset id, quod ratio ratioque describeret. Sin autem sine ullius populi exemplo genus ipsum exquiris optimi status, naturae imagine utendum est nobis (1). Quo patet, Ciceronem, etiamsi proprie non ad Platonis exemplam civitatem finxerit, tamen informare ingenio rem publicam studuisse; usurpasse autem civitatem Romanam, quo aptius ita naturae imaginem exprimeret. Deperdita sunt loca, quibus id peregissee videtur; in proximis autem supersunt, e quibus, quid in naturae illa imagine spectaverit, conjiciamus (2). In his elucet maxime locus de
jus-

(1) Cic. de Rep. II. 39. (2) Recte Majus ad h. l.: sermo hic fuit de natura, quae moderationem justitiamque suadet et servat. — Videtur mihi autem Cicero hic data operi, ad Platonis exemplum, de prudentia, fortitudine, temperantia ac justitia egisse: non, ut in optima civitate optimum hominem exploraret, sed secundum id, quod dixit supra I. 31.: talis est quaeque res publica, qualis ejus
aut

justitia. Renuncio vobis, ait Scipio, nihil esse, quod adhuc de re publicâ dictum putemus, aut quo possimus longius progredi, nisi erit confirmatum non modo, falsum illud esse, sine injuriâ non posse, sed hoc verissimum esse, sine summâ justitiâ rem publicam geri nullo modo posse (1). Quemadmodum autem gravissimum hunc in Ethicâ locum tractaverit Cicero, testis nobis Augustinus est, qui integrum Ciceronis opus legerat. „In tertio libro, memorat, magnâ conflictatione res acta est. Suscepit enim Philus ipse disputationem eorum, qui sentirent, sine injustitiâ regi non posse rem publicam, purgans se praecipue, ne hoc ipse sentire crederetur: egitque sedulo pro injustitiâ contra justitiam, ut hanc esse utilem rei publicae, illam vero inutilem, verisimilibus rationibus et exemplis velut conaretur ostendere. Tum Laelius, rogantibus omnibus, justitiam defendere aggressus est, adseruitque, quantum potuit, nihil tam inimicum, quam injustitiam civitati, nec omnino nisi magnâ justitiâ geri aut stare posse rem publicam. Qua quaestione quantum satis visum est pertractatâ, Scipio ad intermissa revertitur, recoliturque suam atque commendat brevem rei publicae definitionem,

qua

aut natura aut voluntas, qui illam regit. Inde haec in proximis: — quem jam dudum quaero et c. 41: video jam illum, quem exspectabam, virum cui praeficias officio et muneri. Inde concordia virtutum et harmonia in republica et his locis et in Somnio Scipionis.

(1) *De Rep.* II. 42.

qua dixerat, eam esse rem populi: populum autem non omnem coetum multitudinis, sed coetum juris consensu et utilitatis communione sociatum esse, determinat" (1). In qua disputatione Cicero non justo, fateor, ordine egit; nam adsumsit ab initio, quod hoc demum libro tertio exponit ac demonstrat, cuique, tamquam hypothese, totam doctrinam quasi inaedificaverat, illud dico: *rem publicam esse rem populi; populum autem coetum multitudinis juris consensu et utilitatis communione sociatum* (2). Hoc nunc demum e justitiae naturam explicat. Aptius Plato, qui ab Ethica orsus, sic sibi facillime ad Politicam viam stravit. Verumtamen patet nobis inde, Ciceronem non solum Ethicam in tradendam Politicam non neglexisse, sed gravissimum hunc de justitia locum fuisse diligentissimeque tractasse. Quo magis est sane quod doleamus, Laelii hanc pro justitia orationem intercidisse. Nam, ut effici e Veterum testimoniis potest, in hoc tractando argumento semet ipse superasse oratorum apud Romanos princeps videtur.

Quod autem Platonis attinet consilium, ut opus ethici argumenti, proprieque περὶ τοῦ δικαίου scriberet, tantum abest, ut vel Politicam non attingeret, vel solummodo ad Ethicam explicandam adhiberet, ut verissima ita poneret germanae Politicae fundamenta.

De

(1) August. de civ. Dei. II. 21. (2) De Rep. I. 25.

De Politica Platonis.

Non ille quidem, quod postea fecit Polybius, mixtum civitatis genus accurate exposuit: quamquam attigit illud quodammodo in opere *De Legibus*. (1) Perspici id informarique tum demum a Graecis politicis potuit, postquam innotuerat iis Romana res publica, eaque ad vim et vigorem pervenerat. Vix quidquam ei simile spectandum praeberant civitates Graecae. Sed ante Polybium Plato, et illo, ni fallor, interius, quae omnis essent Politicae principia verissima, perspexerat. Imo vero, quamvis magni post Polybium facti fuerint in juris publici doctrinâ progressus, hac nostrâ etiam aetate proficere nobis ex iisdem illis Platonicae Politicae principiis licet. Non finxit ille, quod recentioribus placuit, nescio quem, *naturae statum*, e quo homines, quasi *pacto* inter se *mutuo* inito, ad vitam civilem progressi sint. Missis fictionibus, ex antiquis traditionibus, quae vita hominum pristina fuisset, indagavit. Quod in *Politico* (2) et in *Legibus* (3) fecit, indeque origines optimarum civitatum duxit. Tum vero in politicis iusti studium, homini naturâ proprium, celebravit maxime, nec tamen rejecit, quae indigentiam hominis vitaeque communis ac societatis appetitum, tum etiam utilitatis spem spectarent. Ab his enim initia civitatum repetebat; veluti in ipsa *Politia*, ubi civitatem

con-

(1) L. III. 692. A. (2) *Politic.* 271. (3) L. III. 678.

condere instituit, Socratem haec facit, ut vidimus, dicentem. *Γίγνεται τοίνυν πόλις, ὡς ἐγῶμαι, ἐπειδὴ συγχάνει ἡμῶν ἕκαστος οὐκ αὐτάρκης, ἀλλὰ πολλῶν ἐνδεής· ἢ τίς οἷσι ἀρχὴν ἄλλην πόλιν οἰκίσειν;* (1) Sic scilicet convenire secum invicem homines, mutuoque sibi prodesse, statuit: qua in re apium ac fornicarum similes sunt. Sed idem ab initiis hisce societatis omnis ac civitatum illud distinguit, quod nos vocare *principium civitatis* solemus. Est autem id justī bonique studium, uni naturae humanae proprium, quod, quo magis se homo explicat, eo magis in eo apparet, effecitque in hominum genere, ut leges ad justī normam exactae conderentur, atque existerent ita civitates *juris consensu*, ut Cicero vocat, *conjunctae*. Expressit hoc Plato plane in Promethei fabulā enarrandā. Dederat hominibus Prometheus, una cum igne, *τὴν ἐντεχνον σοφίαν*, qua instructi prospiciebant sibi, ut et cibos et vestes et arma et quidquid ad vitae usum utilitatemque pertineret, sibi compararent; deerat vero mortalibus *πολιτική*: quo fiebat, ut his ipsis armis, quibus se defendere a feris bestiis debuerant, se invicem interimerent. Quid igitur? Nempe, ne periret hominum genus, cavit Jupiter, ac Mercurium ad miseros mortales misit, qui inderet iis *αἰδῶ καὶ δίκην*, *pudorem* et *justitiae sensum*. Tum vero enata in his terris Politica est, coeperuntque homines in civitatibus vitam agere civilem, i. e. justis legibus

tem-

(1) *De Rep.* II. 569. B. Cf. supra p. 55.

temperatam, ut in legibus haberent verissimae salutis felicitatisque praesidia. Haec sunt germana, ni fallimur, juris publici principia, quibus perceptis recte, et Ciceronem intelligemus, ubi sine iustitiâ esse civitatem non posse affirmat, nec statum naturae aut rudium populorum contractum, qualem recentiores philosophi fingendum necessario existimaverunt, desideraturi magnopere sumus.

*De opere Platonis
de Legibus.*

Quodsi rectius etiam et intelligere et dijudicare Politicam Platonis velimus, legendum nobis praecipue opus est, quod *De Legibus* inscriptum est. Nam ut in *Politiâ* ad explicandam illustrandamque Ethicam Politicam adhibuit, ita in hocce dialogo ipsam datâ operâ tradere Politicam studuit. Itaque Cliniam hîc Cretensem induxit cum Megillo Lacedaemonio et Hospite Atheniensi de coloniâ condendâ agentem, quam ipse esset ducturus et optimis quibusque legibus instruere averet. Sermones hi igitur non, ut in *Politiâ*, iustitiam et vitam beatam spectant, sed ad leges referuntur proprie, quibus optime et constituatur et regatur civitas. Quamquam abest multum, ut, missâ Ethicâ, artem nos ita Plato regnandi docuerit, quod unum postea conati sunt multi; imo vero explicandam ille Politicam ex Ethicâ atque ex interiore hominis

nu-

notitiâ censuit. Sed de dialogis Platonis, ut,
quod sit apud eum Politicae et Ethicae vinculum,
intelligatur, haec satis; nunc quae verissime di-
cenda sit *vita beata*, exquiramus.

DE

V I T A B E A T A.

Fictâ civitate optimâ, exactoque ad eam animo hominis, patuit jam nobis, longe perfectiorem esse justum hominem, quam injustum, imo vero, sano illum integroque, hunc autem aegroto corruptoque simillimum esse: nec vero affirmare dubitamus, justî conditionem longe esse, quam injusti, beatiorem. Sed huc cum pervenerimus, ait Socrates, ecce! in speculam veluti quamdam escendimus, unde non tantum optimam illam rempublicam conspicere, sed adsequi etiam licet, quemadmodum corrumpantur civitates atque ad pessimam conditionem delabantur. Age igitur, inquit, huc accede, o Glauco, ut videas, quot habeat species vitium. Cui Glauco, ego vero, inquit, sequor. Dic modo. Tum Socrates, sane cum huc escenderimus, una mihi esse videtur virtutis species, pravitatis vero innumeræ; veruntamen quatuor sunt maxime, quarum mentio facienda sit. — Quomodo istud ais? — quot sunt rerumpublicarum, tot esse animi species videntur. — Quot? — quinque rerumpublicarum, quin-

quinque item animi. — Quenam illae? — Unam esse ajo hancce, quam exposuimus : duobus autem nominibus appellari potest. Nam si inter principes civitatis unus quidam sit omnium praestantissimus, βασιλεία dicenda sit, sin autem plures, ἀριστοκρατία. — Vera narras. — Hanc unam adeo speciem esse dico, quia, sive plures gubernent, sive unus, nullus, qui ita, ut diximus, educatus eruditusque fuerit, quidquam magnopere in rei publicae legibus innovabit (1). — Et sic quidem hunc ingreditur cum adolescentibus sermonem Socrates, qui ad tyrannidem ducit, civitatis conditionem pessimam. Hinc autem comparare justam civitatem cum injustissimā, justum hominem cum injustissimo, indeque de utriusque, et civitatis et hominis vita recte judicare licebit.

*Exigitur ad optimae
civitatis felicitatem earum conditio
civitatum, quae corruptae sunt.*

Acturus deinceps Plato de optimae civitatis in pejorem conditionem commutatione, ad Pythagoreorum exemplum rem a coeli conversionibus ac numerorum naturis ducit. Qui locus in ejus scriptis omnes omnis aevi interpretes pessime habuit, necdum satis explicitus videtur. Nobis, cum ipsam maxime interpretari Platonis philosophiam studemus,

(1) *De Rep.* IV. 445. C. ad finem.

mus, illud potissimum animadvertendum est, repeti ab eo commutationem illam proxime cum a musicae atque institutionis puerilis neglectu, tum etiam inde, quod genera hominum, quae in perfecta republica recte erant distincta, commiscantur. Musas igitur haec continuo dicentes inducit: nos iccirco negligere custodes incipient, musicam non, ut decet, neque gymnasticam curantes: unde ἀνοσιόδοτοι fient juvenes nostri. Inde autem principes constituentur negligentiores, quam decet, ad recte discernendum, quibus gerundis rebus singuli cives naturā sint apti: quo neglecto, omnia in civitate perturbentur necesse est. (1)

*De timocratiā et viro
timocratico.*

Aristocratiae, quam optimam dixit Plato civitatem, proxime accedit de ejus sententiā timocratiā: utriusque autem discrimen ut recte perspiciatur, de perfectā illā republica hoc item tenendum nobis est. Qui defendunt eam et regunt, custodes ac magistratus, hos noluit ipsos rei familiari consulere; caeteros jussit cives victui eorum prospicere: tum vero universis voluit cum opes, tum uxores etiam et liberos communes esse. In quibus placitis multa, fateor, occurrunt absurda naturaeque humanae repugnantia, propterea quidem, quod ad *civilem*
ca

(1) *De Rep.* VIII. 546. E. — 547. A.

ea hominum statum accommodavit; sed hoc ille spectabat in primis, ut ita una esset civitas nec singulorum diversis studiis in partes distraberetur, tum vero sic sperabat fore, ut cives se invicem tamquam fratres diligerent, natu majores tamquam *parentes* revererentur et pueros ut *filios* ipsi suos paterno amore complecterentur. Qualem hominum societatem, sed sejunctam a *civili* vita et *moralium*, posse existere et res loquitur et historia post Platonem docuit. Talis enim exstitit per religionem Christianam communis hominum civitas, *animorum* consensu divinorumque auctoritate praeceptorum juncta et stabilita. Sed his ita de optima Platonis republica monitis, assequimur jam facile cum hujus et timocratiæ comparisonem, tum etiam, quemadmodum illa apud Platonem in hanc commutetur. Neglecto, ait, civium discrimine naturali, confusisque ita hominum generibus, *ferreum* et *aerium* ad quaestum, agrorumque et domorum possessionem ferentur, *aureum* vero et *argentum*, quippe naturali eorum appetentia, ad virtutem rectamque conditionem tendent. Orto igitur tumultu ac seditione, in medium convenient, ut agros atque domos privatim possideant; illis vero, qui antea ab iis privabantur tamquam liberi, amici et nutritores, in servitutem redactis et loco accolarum et ministrorum habitis, ipsi belli atque custodiae illorum curam gerant. Hinc videtur mutatio oriri et erit hic reipublicae status inter aristocratiam et oligarchiam medius aliquis. Quamobrem imitabitur partim priorem

orem civitatem, partim oligarchiam, habebit autem item proprium quid. Et priorem quidem in eo imitabitur, quod principes honorabuntur, et milites ab agricultura mechanicisque artibus abstinebunt, et communia fient convivia, gymnasticque ludi et belli certamina frequentabuntur. Proprium autem hoc habebit, quod sapientes non ad principatum admittet, sed homines *θυμοειδείς* eosque, qui belli magis, quam pacis amantes sint. Caeterum erunt in hac civitate cives pecuniarum appetentes, ut in oligarchiis, quippe οὐχ ὑπὸ πειθοῦς, ἀλλ' ὑπὸ βίας πεπαιδευμένοι, διὰ τὸ τῆς ἀληθινῆς Μούσης τῆς μετὰ λόγων τε καὶ φιλοσοφίας ἡμεληκέναι, καὶ πρεσβυτέρως γυμνασικὴν μουσικῆς τετιμηκέναι· non *persuasione*, sed *vi educati*, propterea, quod *Musam veram*, quae cum sermonibus et philosophia conjuncta est, *neglexerunt*, magisque ac potius *gymnasticam*, quam *musicam*, honoraverunt. Erit igitur respublica haec e bono maloque mixta. (1)

Mirum cui forte videatur hoc civitatum genus. Nam per totam antiquitatem nil est oligarchiā, democratiā et tyrannide frequentius; *timocratiā* vero quis, uno excepto Platone, memoravit? Videtur sane Plato nominis auctor fuisse: nam dubitat quaeritque apud eum Socrates, quemadmodum nuncupanda civitas illa videatur. Spectavit nempe Cretensem et Lacedaemoniam, quam utramque a sua civitate peculiari nomine distinguere studebat.

Hae

(1) *De Rep.* VIII. 547. B. — 548. C.

Haec ipsius aetate optimae habebantur, ut et ipse affirmat et Xenophontis exemplum docet, qui vix quidquam in politicis, praeter Lacedaemoniorum instituta, laudare solebat. Plato vero in utraque, maximeque in Lacedaemoniâ, ut ex his locis intelligitur, cum morum duritiem, tum belli studium reprehendit vehementer, persecutusque, quae hic inchoaverat, in opere *de Legibus* est. Quod maxime videtur tenendum, si opus illud recte velimus intelligere. Sic factum, ut in dialogo Cliniae Cretensi et Megillo Lacedaemonio tertiam adjungeret personam, hospitem Atheniensem, quo semet ipsum significasse videtur; universam autem disputationem a Cretensium ac Lacedaemoniorum legibus duceret, quibus vir ille Atticus, Atticâ urbanitate, humaniores leges opponeret. Hinc explicandum item est, quare choris, praeter Musas et Apollinem, Bacchum adjecerit, qui vini usu morum temperaret asperitatem: tum vero fusam illic instituerit de musicâ, hujusque artis ad humanitatem efficaciam disputationem. Sit sane operae pretium, haec porro persequi; sed nobis jam timocraticae illi civitati comparandus vir timocraticus est.

Nam, uti optimam Plato civitatem, quam aristocratiam appellabat, finxit, ut exigeret ad eam virum bonum et justum (1), eodem consilio haec tradidit de timocratia sive Spartanorum republica, ut virum scilicet, qui ab optimo proxime abesset,

ad

(1) *Rep.* IV. 544. E.

ad ejus speciem informaret. Audiamus igitur Socratem, sic de eo disserentem. Quis jam, quaerit, secundum hanc rempublicam vir? quomodo existit et qualis est? Hic Adimantus, oculis in fratrem conversis, reor eum equidem, inquit, Glauconi huic nostro, quod contentionem et ambitionem attinet, haud dissimilem esse. Tum Socrates, fortasse, reponit, hac in re ei similis est, veruntamen in aliis non item. — Quibus in rebus? — Contumaciorem sane eum esse necesse est et a musica quodammodo alieniorem, musicae tamen cupidum ⁽¹⁾; et audiendi quidem studiosum, dicendi vero peritum nequaquam. Et erit adversus servos quosdam agrestis hujusmodi vir, haud servos despiciens, quemadmodum vir recte eruditus, erga liberos autem erit mitis: erga principes quidem obediens maxime, sed et principatus et honorum avidior, oportere existimans non arte dicendi vel alia quavis simili facultate, sed rebus bellicis civilibusque excellere et caeteris praeesse, cum sit et gymnasticae et venationis admodum studiosus. Caeterum pecunias iste in juventute contemnit, quo vero senescit magis, eo magis pecunias diligit, quod avarae naturae particeps, neque integer sit ad virtutem, quia optimo custode caret. Est au-

(1) Prava distinctione conturbata haec sunt. Legitur enim: αὐθαδέστερόν τε θεῖ αὐτὸν εἶναι καὶ ὑποαμουστέρον· φιλόμουσον δὲ καὶ φιλήκοον μὲν, ῥητορικὸν δὲ οὐδαμῶς. Distingue, ut fecit Ficinus: — ὑποαμουστέρον, φιλόμουσον δὲ καὶ φιλ.

K

aurem custos ille λόγος, μουσικῇ κεκραμένῃ ὅς μὲν
 ἰγγενόμενος, σωτὴρ ἀρετῆς διὰ βίην ἐνδοικεῖ τῷ ἔχοντι⁽¹⁾
ratio, musica temperata; quae sola cum adest,
per omnem vitam, ei, qui ipsam tenet, virtutis
insidet conservatrix (2).

Talis igitur juvenis timocraticus, i. e. timocra-
 ticae civitati similis est. Sed quo interius Plato op-
 timae naturae corruptionem indaget, illamque ab ip-
 sis initiis deducat, exigit eam ad optimae civitatis
 corruptionem. Fit talis fere, ait Socrates, juvenis
 ille, quandoquidem patrem habet bonum, sed qui
 in civitate non bene gubernata habitans, honores,
 principatus ac judicia fugit; matrem vero, quae in-
 dignatur, quoties maritum videt horum omnium,
 itemque pecuniarum, negligentiolem. Facile haec
 filio dicit, ignavum ipsi patrem esse nimiumque re-
 missum et alia, quae de talibus garrere mulieres
 consueverunt. Talia item famuli pueris in aurem
 dicunt, et si quem viderint vel pecunias patri de-
 bentem, quem ipse non in jus vocat, vel in aliis
 peccantem, edicunt puero, si quando vir evadat,
 omnes tales ulciscatur, virque magis sit, quam
 pater exstiterit. Caeterum domo item egressus
 puer, his non dissimilia audit videtque: homines
 nempe, qui in civitate suarum rerum satagunt,
 stolidos vocari et parvi pendi, qui vero sua negli-
 gunt,

(1) Non negligenda lectio est, quam secutus Ficinus
 videtur, ἐνοικεῖ τῷ ἔχοντι. Vertit enim: *per omnem*
vitam virtutem in eo, qui praeest, servat. (2) *De Rep.*
 VIII. 548. E.

gunt, honorari laudarique. Quum haec igitur adolescentulus audit videtque, rursusque patris percipit sermones, ἐλκόμενος ὑπ' ἀμφοτέρων τούτων, τοῦ μὲν πατρὸς αὐτοῦ τὸ λογιστικὸν ἐν τῇ ψυχῇ ἄρδοντός τε καὶ αὔξοντος, τῶν δὲ ἄλλων τό τε ἐπιθυμητικὸν καὶ τὸ θυμοειδές, τὴν ἐν αὐτῷ ἀρχὴν παρέδωκε τῷ μέσῳ τε καὶ φιλονεικῷ καὶ θυμοειδεῖ· καὶ ἐγένετο ὑψηλόφρων καὶ φιλότιμος ἀνὴρ· *ab his utrisque attractus, quum pater in ipsius animo rationem, caeteri vero cupiditatem atque iram foveant augentque, animi sui imperium mediae illi facultati, contentiosae atque iracundae tradit, fitque vir elato animo ac gloriae cupidus.* (1)

Animadvertimus facile in legendis hisce curam diligentiamque Platonis, qua hominem illum exploravit: idemque nobis deinceps, ubi de viro oligarchico, democratico et tyrannico agit, apparebit. Erat scilicet in omni hac disputatione princeps ejus consilium, non, ut civitatum conditionem, sed ut hominis naturam indagaret. Inde enim maxime quaestionem de justitia ac felicitate explicandam esse arbitrabatur. Attendendum autem nobis in primis est, respexisse in his philosophum potissimum tria illa, quae in animo hominis repererat, τὸν λόγον, τὸ θυμοειδές et tertium τὸ ἐπιθυμητικόν. In optimo homine sic ea esse temperata demonstraverat, ut suum singula peragerent: gubernaret animum ratio, submissae rationi essent cupiditates, θυμὸς vero sive

τὸ

(1) *De Rep.* VIII. 548. E. — 550. P.

τὸ θυμοειδές, quo rectius et compescerentur et rationi servirent cupiditates, rationem adjuvaret. Sic demum hominem dixerat secum ipsum consensurum esse ac bonum justumque futurum. In his autem nos docet, quemadmodum, demto hoc trium illorum consensu et velut concentu, ad pejorem identidem conditionem delabatur homo. Idem vero magis etiam patebit nobis, ubi ad philosophi de oligarchico viro disquisitionem pervenerimus. Sed primum de oligarchia agendum.

*De oligarchia et viro
oligarchico.*

Appellavit hanc Plato civitatem, in qua pauci quidam summam rerum tenerent, qui opibus prae-
cellerent caeteris, talem omnino, qualem nos vulgo
vocare aristocratiam solemus. (1) Paucis eam sic
describit: τὴν ἀπὸ τιμημάτων πολιτείαν, ἐν ᾗ οἱ μὲν
πλούσιοι ἄρχουσι, πένησι δὲ οὐ μέτεστιν ἀρχῆς. (2)
Quaerentem autem continuo Socratem facit, quem-
admodum haec e timocratia oriatur. Est illud au-
tem, inquit, vel coeco manifestum. Scilicet τὸ
ταμιεῖον ἐκεῖνο ἐκάτω χρυσίου πληρούμενον ἀπόλλυσι
τὴν τοιαύτην πολιτείαν· *acrarium illud cuiusque auro
plenum, perdit talem rempublicam.* Nam primum
novos sumtus reperiunt atque illuc contorquent
le.

(1) V. Lufac. *Orat. de Socr. cive* in *Animadv.* (2) *De Rep.*
VIII. 55o. C.

leges: tum de augendis divitiis aemulantur secum invicem et concertant. Quo vero majore in civitate honore divitiae ac divites habentur, eo minore habentur virtus et boni cives. Ἀσκεῖται scilicet τὸ αἰεὶ τιμώμενον, ἀμελεῖται δὲ τὸ ἀτιμαζόμενον. Itaque divites ad magistratus evehuntur, pauperes contemnuntur. Hinc damna oriuntur gravissima. Non enim rerum periti, sed divitiis excellentes civitatem gubernant: non una manet civitas, sed exsistunt duae, altera divitum, pauperum altera, sibi invicem inimicae: vix bellum suscipere principes audent, plebem armatam magis, quam hostes, reformidantes: tum vero, quod gravissimum malum est, ut cuique licet sua omnia alienare, ita sunt qui haec acquirant; unde turba exsistit cum mendicorum, tum maleficorum. Talis igitur civitas est paucorum imperio subjecta et tot habet, forte alia item, mala. (1)

Susplicari hoc loco licet, denuo respexisse Platonem Lacedaemoniorum rempublicam, non prouti antea e Lycurgi legibus fuerat, sed qualis ipsius aevo esse coeperat. Nam opum divitiarumque studium Spartam, post bellum in primis Peloponnesium, invasisse, et historia docet et aliis locis Plato commemorat. Caeterum quadrant plane in Spartanæ reipublicae conversionem corruptionemque, quae hoc nostro loco Socrates de oligarchia monet. Veruntamen universe respexisse Pla-

(1) *De Rep.* VIII. 550. D. — 552. E.

Plato illas Graeciae civitates videtur, in quibus per opes maxime iter ad honores patebat, tum proprie, ut mihi quidem videtur, Phoenicias civitates, inque his maxime Carthaginem, ubi diserte prodit Aristoteles, *πλουτινδὴν, non ἀριστινδὴν* re administratas esse. Divitiarum certe cupiditatem Plato Phoenicibus tribuit potissimum, ut e loco, quem jam adduximus, patet. *Τὸ Φιλοχρήματι, ὃ περὶ τοὺς τε Φοίνικας εἶναι καὶ τοὺς κατὰ Ἀγυπτιὴν Φαίη τις ἂν οὐχ ἤκιστα.* (1) Sed oligarchiam sic nobis Plato descripsit, quo interius oligarchici, quem vocat, viri vitia exploraret. Illuc igitur progredimur.

De hoc item videndum, ait Socrates, quemadmodum fiat et qualis sit. Sic igitur ex ambizioso illo fieri solet, ubi patris istiusmodi filius, primum imitatus eum, deinde videt ex culmine dignitatis prolapsus, in iudicium ab insidiatoribus deductum, a calumniatoribus circumventum, tum morte condemnatum vel in exilium ejectum, famam omnino et bonis spoliatum. Haec igitur intuitus ille ac perpressus, amisso patrimonio, propter formidinem confestim, credo, *ἐπὶ κεφαλὴν ὥσπερ ἐκ τοῦ θρόνου τοῦ ἐν τῇ ἐκυτοῦ ψυχῇ φιλοτιμίαν τε καὶ τὸ θυμοειδὲς ἐκείνο· ex animi sui throno et ambitionem illam et irae impetum dejicit*, tum humilior propter paupertatem factus, sese ad quaestum convertit et angusto admodum animo parce vivens,

(1) *De Rep.* IV. 455. E.

seque in obeundo negotio vexans, pecunias colligit.

Ἄρ' οὐκ οἶει τὸν τοιοῦτον τότε εἰς μὲν τὸν θρόνον ἐκεί-
νον τὸ ἐπιθυμητικὸν τε καὶ φιλοχρήματον ἐγκαθίζειν,
καὶ μέγαν βασιλέα ποιεῖν ἐν ἑαυτῷ, τιάρας τε καὶ
σρεπτοὺς καὶ ἀκινάκας παραζωννύντα; nonne putas
hujusmodi hominem in illo tunc animi throno
cupiditatem atque avaritiam positurum, atque
hanc, regis Persici instar, diademate, fimbriis, ense
exornaturum? Τὸ δέ γε, οἶμαι, λογιστικὸν τε καὶ
θυμοειδὲς χαμαὶ ἔνθεν καὶ ἔνθεν παρακαθίσας ὑπ'
ἐκείνῳ καὶ καταδουλωσάμενος· *rationem autem, cre-*
do, et irae impetum humi hic illic depositum,
servire huic cogit, nihilque aliud inquirere sinit ac
considerare, nisi unde e paucioribus pecuniis quam
plurimae efficiantur, ut, praeter divitias et divites,
nihil colat. Haec est φιλοτίμου νέου in φιλοχρήμα-
τον commutatio. (1)

Neglecta fere a philosophis est tota haec hominis
apud Platonem in pejorem conditionem conversio.
Nec mirum. Nam agi hoc loco unice de civitatum
conversionibus videbatur: vix attendebatur iccirco,
quidquid de hominis animo ejusque commutationi-
bus occurrebat. Sunt autem reapse hae animi hu-
mani commutationes princeps harum disquisitionum
argumentum. Ad *ethicam* enim proprie, non ad
politicam totum hoc, ut vidimus, philosophi opus
refertur. Et dici vix potest, quantā ille diligentia
naturaeque humanae perspicentia hominis ad vitia
iter

(1) *De Rep.* VIII. 553. A. — 554. E.

iter exploraverit ac declaraverit. Summam habet, ut animadvertere jam coepimus, trium illorum, quae homini insunt, λογιστικοῦ, θυμοειδοῦς et ἐπιθυμητικοῦ, rationem, quae in aristocratico sive bono justoque homine consentiunt, in timocratico autem et oligarchico turbantur, ut in animo ipsorum veluti seditiones oriantur. Tum vero iter illud hominis ad vitia omnemque pravitatem attendamus diligenter. Fit ille primus, ut timocraticus iste, *superbus* atque *ambitiosus*, ὑψηλόφρων καὶ φιλότιμος ἀνὴρ. (1) Dominari in eo τὸ θυμοειδὲς incipit, ut minus, quam par est, ratio auctoritatis habeat: excitantur cupiditates etiam, quibus gloriam unice et auctoritatem appetit. Sunt haec praeclarissimorum etiam virorum vitia, in quibus feruntur facile; verum vitia sunt tamen, iisdemque animus proclivis ad omnem pravitatem fit. (2) Nam, quod e civitatis timocraticae in oligarchiam conversione patet, cupiditates hac viâ a gloriae studio ad animi sacram famem convertuntur: quo accidit, ut θυμοειδὲς illud, quod excitare hominem ad generosa facinora solebat, solis inserviat cupiditatibus explendis, quae opibus inhiant, et nihil habent cum generositate atque animi magnitudine commune. Et vero efficitur simul, ut hinc deinceps in homine

nul-

(1) *De Rep.* VIII. 550. B. (2) Nostro id proverbio exprimitur: *lapsi praecedat superbia*. Sed communis haec omnis est antiquitatis sententia: quomobrem Deus occurrit illic fere, nil magis in homine puniens, quam superbiâ. V. Alb. de Jougl, *Disp. de Herodoti philosophia* p. 37

nullum non cupiditatum genus excitetur, isque tandem, omni spretâ rationis auctoritate, nec quidquam habens ἐν τῷ θυμοειδεῖ praesidii, totus a cupiditatibus, et pervicacissimis quidem illis ac prorsus effrenatis, pendeat ac regatur. Verum hoc ut nobis demonstraret Plato, ad democratiam et tyrannidem animum nostrum convertendum censuit. Nos igitur pergamus illuc.

*De democratia et viro
democratico.*

Oritur, ait, ex oligarchiâ democratia propter insatiabilem divitiarum cupiditatem. Nam, ut divites sunt, qui tali civitati praesunt, ita hi juvenes facile sinunt patrimonium suum negligere, ut emtionibus ac foenoribus eorum acquirentes bona, opulentiores etiam atque honoratiores fiant. Sic reddunt illos molles, delicatos, socordes, voluptatibus ac doloribus succumbentes. Fit autem, ut pauperes, ad hanc abjecti conditionem, divitum illorum luxum non ferentes, vel ipsi vel aliunde auxilia nacti seditiones moveant. In quibus si vicerint, statim democrâtia existit. Est autem illa hujusmodi. Liberi erunt omnes, libertatisque erit et παῖσις plena civitas: licebit adeo unicuique id quod vult peragere. Quocirca pulcerrima videbitur haec reipublicae conditio, quippe quae perquam varia continet hominum genera. Porro divina illic erit civium vita, cum neque cogaris magistra-

ti-

tibus fungi, si vel maxime possis, neque parere, si nolis, neque bellum gerere aliis bellum gerentibus, neque pacem agere agentibus aliis, nisi id placeat: imo vero, si qua te lex imperare vetet ac sententias ferre, nihilominus et imperes et sententias feras in iudicio, modo hoc tibi visum fuerit. Quid autem de lenitate erga damnatos dicam? Homines in hac civitate videmus vel morte vel exsilio condemnatos, nihilominus urbem incolere ac prodire in medium, et saepe, quasi nemo id videat aut curet, herois instar per urbem incedere. Sic igitur suavissima erit haec respublica, *ἰσότητα τινὰ ὁμοίᾳ ἴσοις τε καὶ ἀνίστοις διανέμουσα* aequalitatem quandam similiter aequalibus inaequalibusque distribuens. (1)

Sit sane ita, prouti diximus: *hominem* in disquisitionibus hisce magis, quam *civitatem* resque civiles exploraverit philosophus: veruntamen, quod hanc attinet oligarchiae in democratiam conversionem, etiamsi hoc unum habuisset consilium, ut eam e verissimae politicae principiis adumbraret, rem sane perficere accuratius non potuisset. Cavendum autem, ne reprehensam exagitatamque a Platone democratiam putemus, qualis a Solone fuerat Athenis constituta ac deinceps ab optimis quibusque oratoribus Atticis, ab ipso Demosthene, laudata est ac commendata. Ipse eam in *Mencem* celebravit. (2) De conversionibus hoc loco civitatum

(1) *De R. P.* VIII. 555. B. — 558. C. (2) *Mencem*. 138.

a meliore ad peiorem conditionem agit: respicit igitur Atticae quidem reipublicae democratiam, verum eâ maxime conditione, qua suâ erat aetate. Quod ubi attenderimus, quadrare nobis haec democratici imperii descriptio in civitates omnes et regna videbitur, in quibus, spreâ auctoritate legum ac sursum deorsumque versatis omnibus, unam cuncti insano studio et ardore libertatem crepant. Accuratissime autem traditâ et veluti in tabula expressâ Atticae democratiae conditione, quam *admodum* sibi *notam* Glauco dicit, ad virum jam pergit Socrates, huic civitati similem, describendum. Quem sane locum attentius legisse, si interius explorare animi humani cupiditatumque rationem velimus, non pigebit.

Sic igitur pergit Socrates. Vide jam, inquit, quis talis vir sit: vel primum, prouti in republica fecimus, investigandum est, quonam pacto existat. Avari atque oligarchici patris filius primum quidem cupiditates coërcebit, quae non necessariae sunt, quo magis opes cumulet: idem vero, ubi, parca ac rudi ratione educatus, aliorum voluptates luxuriamque attendere ac degustare coeperit, facile totus commutabitur. Continuo repugnabit sibi ipse, quum alio tempore patris, alio luxuriosorum hominum vita eum teneat: tum vero, subeuntibus adolescentis animum, rudem plane et doctrinâ vacuum, nullis non voluptatibus, cupiditates tandem κατέλαβον τὴν τῆς ψυχῆς ἀκρόπολιν, *arcem illic ceperint*. Quodsi ab amicis subsidium subinde aliquod
la-

laboranti animo submittatur, κλεισάντες οἱ ἀλλήλοις λόγοι τὰς τοῦ βασιλικοῦ τείχους ἐν αὐτῷ πύλαις, *superbae petulantesque rationes*, *clausis regū in eo muri portis*, neque subsidium admittunt neque legatos, privatorum senum monita, excipiunt, sed ipsae proelio superant: et pudorem quidem appellantes *stoliditatem*, in exsilium mittunt, temperantiam vero *ignaviam* appellantes conviciantesque ejiciunt, modestiam quoque in moribus et in sumptibus moderationem, tamquam *rusticitatem* et *illiberalitatem*, penitus detestantur ac fugant: ipsae vero cum nullis non futilibus cupiditatibus invalescunt. Post haec petulantiam, licentiam, prodigalitatem, impudentiam ingenti catervā coronatas deducunt, extollentes illas applaudentesque: petulantiam *ingenuam educationem*, licentiam *libertatem*, prodigalitatem *magnificentiam*, impudentiam *fortitudinem* vocantes. Sic transit juvenis ad dissolutam prorsus licentiam, et vitam agit huic morum mutationi consentaneam. (1)

Quod diximus, ethicam proprie contineri *Politiā* Platonis, talem autem illam esse, qualis apud alios philosophos haud facile reperias, id, ni fallor, legendis his omnibus animoque recolendis, verissimum nobis videbitur. Quis enim unquam similem in modum ad civitatum effigiem mores hominis exegit? Sic autem effecit ille, ut, quod in civitatibus corruptis omnium in oculos incurrit, idem in

(1) *De Rep.* VIII. 558. C. — 562. A.

in animo hominis, ubi ad pejorem conditionem inclinatur ac pronus deinde praecepsque proruit, luce clarius animadvertamus. Mitto, de quibus jam monui, tria illa in animo hominis, τὸ λογιστικόν, θυμοειδές et ἐπιθυμητικόν: quorum in optimo viro consensum et in corrupto dissensum ac veluti tumultus et seditiones, nisi civitatum adhibita specie, tanta nobis perspicuitate docere non potuisset; quod vero animi dubitationes attinet, ubi diversis agitur, nunc in meliorem, tum vero in deteriorem partem, studiis, illudque reapse percipit:

— *video meliora proboque,
deteriora sequor:*

quo illud pacto tam nobis manifesto diligenterque potuisset demonstrare, quam uti fecit, civitate nobis ad spectandum proposita, quae non una, sed in duas esset partes distracta? Quid? quod non solum θυμοειδές illud, quod nobis inest, *custodibus* civitatis, sed cupiditates etiam nostras *multitudini* comparavit? In seditionibus civitatum ac regnorum quid efficiat fere multitudo vilissimorumque hominum turba et colluvies, novimus: quid autem ad agitationes animi internasque seditiones cognoscendas interius, adhiberi aptius efficaciusque potest, quam civitas tumultibus agitata? Nec vero finxit ingenio Plato hanc animi cum civitate comparisonem: reposita est in nullius non linguae vocibus dictionibusque, quae a civitatibus ductae ad animi motus diversos significandos adhiberentur.

bentur. Illud autem nondum commemoravi, quod in his praecipuum est, expressam ita a Platone esse, certe effici plane ex ejus civitatum descriptione posse, verissimam cum civitatis tum hominis *libertatem*. Quod ut percipiamus animo, tyrannidem deinceps virumque ei similem, ut exstat in *Politia*, contemplari juvabit. Primum vero de democratiae in hanc pessimam civitatem conversione agamus.

*Democratiae in tyrannidem
conversio.*

Recte hoc vidit philosophus, illud ipsum, quod in civitatibus maximo habetur loco, ubi nimium est, ad ejus lapsum et perniciem evalescere. Nonne eodem fere modo, sic pergit apud eum Socrates, ex democratia tyrannis, quo ex oligarchia democratia, existit? Illic nempe nimia divitiarum cupiditas democratiam progenuit: similiter hic nimius libertatis ardor tyrannidis causa est. Fit autem illud, cum inexplebiles populi fauces exaruerunt libertatis siti, malisque usus ille ministris, non modice temperatam, sed nimis meracam libertatem sitiens hauserit; tum magistratus et principes, nisi valde lenes et remissi sint, et large sibi libertatem ministrent, insequitur, insimulat, arguit: praepotentes, reges, tyrannos vocat. Eos autem, qui in magistratu privatorum similes esse velint, ferunt audibus et mactant honoribus, ut necesse sit, in
ejus.

ejusmodi republica plena libertatis esse omnia: ut et privata domus omnis vacet dominatione, et hoc malum usque ad bestias perveniat: denique ut pater filium metuat, filius patrem negligat: absit omnis pudor, ut plane liberi sint: nihil intersit, civis sit an peregrinus: magister ut discipulos metuat et iis blandiatur: spernantque discipuli magistros: adulescentes ut senum sibi pondus assumant, senes autem ad ludum adolescentium descendant, ne sint iis odiosi ac graves. Ex quo fit, ut etiam servi se liberius gerant: uxores eodem jure sint, quo viri; quin tantâ libertate canes etiam et equi, aselli denique, liberi sint, sic incurrant, ut iis de via decedendum sit. Ergo ex hac infinita licentiâ hoc oritur, ut ita fastidiosae mollesque mentes evadant civium, ut, si minima vis adhibeatur imperii, irascantur et perferre nequeant: ex quo leges quoque incipiunt negligere, ut plane sine ullo domino sint. Haec igitur egregia illa et pulcra respublica est, ex qua tyrannis nascitur. Scilicet ἡ ἄγαν ἐλευθερία ἔοικεν οὐκ εἰς ἄλλό τι ἢ εἰς ἄγαν δουλείαν μεταβάλλειν καὶ ἰδιώτῃ καὶ πόλει, *nimia libertas haud in aliud quid videtur, quam nimiam in servitutem abire, tam privato homini, quam civitati.* (1)

Quid efficerent in civitatibus tyrannides, animadvertere facile Plato cum Athenis, tum aliis in rebus publicis Graeciae, tum in primis Syracusis potuit. Illud vero a nice philosophiae debuit, ut hoc modo

ori-

(1) *De Rep.* VIII. 562. A. — 564. A. Cf. *Cic. de Rep.* I. 45.

originem earum ortumque e re contrariâ, e nimîa libertate, duceret. Quod viderat jam quodammodo politicæ ille apud Graecos non minus, quam historiae parens, Herodotus. (1) Idem autem a Platone demum et perspectum totum est et recte explicitum. Quod sane placitum, dici non potest, quam late per omnem veterum politicam patuerit. Expressit Livius ipsa Platonis verba in hisce: *ex diutina sui nimis avide meram haurientes libertatem.* (2) Cicero autem in dialogo, quem de republica scripsit, sic inducit hac de re Scipionem dicentem, ut Latine is reddere totam Platonis sententiam enitatur. *Tu fit illud, quod apud Platonem est luculente dictum, si modo id exprimere Latine potuero: non difficile factu est, sed conabor tamen.* (3) Sequuntur, quae nos modo in vertendo Platone usurpavimus; addit, *puto enim tibi haec esse nota.* Ad haec autem Laelius: *vero mihi, inquit, notissima.* Sed ut Plato haec interiori philosophiae studio debuit, ita Cicero hoc sese ex eodem fonte et maxime ex Platone hausisse confessus est, quum Romae exortâ ex iisdem caussis Caesaris tyrannide, semet ipse consolaretur. *Dabunt igitur mihi veniam mei cives vel gratiam potius habebunt, quod, cum esset in unius potestate respublica, neque ego me abdidi, neque deserui, neque affixi, neque us gessi, quasi homini aut temporibus iratus: neque us*
per-

(1) Herod. III. 82. Cf. Diatr. mea in civit. antiquas p. 71.

(2) Liv. XXXIX. c. 26. V. Ast. ad Plat. de Rep. VIII. 562. C. (3) Cic. de Rep. I. 43.

porro aut adulatus aut admiratus fortunam sum alterius, ut me meae poeniteret. Id enim ipsum a Platone philosophiaque didiceram, naturales esse quasdam conversiones rerum publicarum, ut eae tum a principibus tenerentur, tum a populis, aliquando a singulis. (1) Sed satis haec de tyrannidis origine. Disquirendum de ipsâ hac pessima est civitatis conditione.

De tyrannide.

Uti in hac infinita omnium licentia calumniae, accusationes, lites ac contentiones oriuntur, consuevit populus unum aliquem sui defensorem creare, eumque ut servatorem laudare, sibi praeferere. Accidit autem, ut is primum quidem faveat arripeatque cunctis, deinde vero, ut ab insidiis inimicorum tutus sit, custodes quosdam corporis expetat, ut salvus ipsis sit populi auxiliator. Dant autem illi, *δισταυτες μὲν ὑπὲρ ἐκείνου, θαρβήσαντες δὲ ὑπὲρ ἐαυτῶν*, de illo solliciti, de semet ipsis autem securi. Ille vero, quo magis auctoritatem sustentet, bella fere movet, ut duce atque imperatore populus indigeat. Porro attendere eum oportet, quis in civitate fortis, quis magnanimus, quis prudens, quis dives sit. Hos scilicet metuit, nec vivit tranquille, donec universos summovertit. Talis felicissima est illa civitatis conditio, quae tyran-

(1) *De Divin* II. 2.

rannica vocatur. Nempe ὁ δῆμος Φεύγων κατὴν δουλείας ἐλευθέρων, εἰς πῦρ δούλων δεσποτείας ἐν ἔμπεπτικῶς εἶη, ἀντὶ τῆς πολλῆς ἐκείνης καὶ ἀκαίρου ἐλευθερίας τὴν χαλεπωτάτην τε καὶ πικροτάτην δούλων δουλείαν μεταμπισχόμενος· *populus servitutis liberum hominum fugiens fumum, in flammam servum dominationis incidit, loco ingenis illius a importunae libertatis durissimam acerbissimamque servorum servitutem subiens.* (1)

Non est in veterum philosophorum politici locus, qui tam fuse ab ipsis est tamque accurate expositus, quam locus hic de tyrannide. Quod ex antiquarum conditione rerumpublicarum, quae omnes tandem in tyrannides abierunt, intelligitur facile. Cavendum iccirco in primis arbitrabatur, ne quis in civitate novas res moliretur, imo vero, ne vel paullisper se quis prae civibus suis efferret: unde ostracismus, petalismus, similia apud veteres instituta, eo spectantia maxime, ne oriretur in civitate tyrannis: tum etiam existimatio et gloria tyrannicidarum, in quorum honorem statuae poni solebant. Itaque Cicero aemulatus fere esse cum Platone videtur, ubi tyranni imaginem adumbrat. *Tyrannus, ait, quo neque tetrius neque foedius nec deis hominibusque invisius animal ullum cogitari potest: qui, quamquam figura est hominis, morum tamen immanitate vastissimas vincit belluas. Quis enim hunc hominem recte dixerit, qui sibi cum suis* ci-

(1) *De Rep.* VIII. 565. C. — 569. C.

civibus, qui denique cum omni hominum genere nullam juris communionem, nullam humanitatis societatem velit? (1) Sed ex iisdem illis, quae veteres de hoc pessimo civitatis statu monuerunt, ipsa etiam, quam significamus, rerumpublicarum *ratio* et *natura*, quae proprie fuerit, effici potest: efficitur in primis, quam esse verissimam veteres *libertatem civilem* existimaverint. Cicero civitatem, in qua tyrannis obtinet, non tantum male se habere, intusque peste laborare, sed *nullam* esse, affirmat: nam ubicumque nulla habetur legum aut iustitiae, sed unius unice viri ratio, illic rempublicam, i. e. *rem populi* desiderari. Quo magis patet, ad rationem propriam civitatum, imo vero ad earum naturam pertinere, quod posuit Plato et Cicero inculcat fere, τὰ φιλῶν κοινὰ, communia esse omnibus omnia debere: quod non solum ad suffragiorum jus, sed universe ad legum iurisque aequabilitatem refertur. Itaque per tyrannides perierunt civitates antiquae, floruerunt vero et viguerunt hac juris communione. Quod rite vidit Sosicles apud Herodotum, ac reapse Athenae in utramque partem cum aetate Pisistrati et Pisistratarum, tum post expertae sunt. In concione sociorum Lacedaemonii suadebant, ut, quo infirmior redderetur respublica Atheniensium, Hippias iis redderetur; Sosicles vero, imo vero, ajebat, coelum sub terram subibit et terra supra coelum erit sub-

(1) Cic. de Rep. II. 26.

sublimis, hominesque habitabunt in mari, et pisces domicilium occupabunt hominum, quando vos quidem, Lacedaemonii, juris aequabilitate sublata, tyrannides in civitates reducere paratis: quo nihil est in hominibus iniquius, nihil sceleratius. (1)

Illud scilicet recte perspiciebant illi, labefactari in civitatibus, tyrannide exorta, civium vim, restitutâ vero et auctoritate legum et aequalitate, vigorem simul civibus restitui. Quod autem verissimam, quam diximus, civium in civitatibus antiquis libertatem attinet, ex nullâ re illa magis, quam ex hac Platonica tyrannidis descriptione patet. Tantum abest, ut ista sit, quam in democraticis civitatibus crepant omnes, ut haec ad communem omnium servitutem tendat: imo vero, quo longius ab istâ distat, quoque arctius cum legum ac magistratuum obedientia conjuncta est, eo rectius appellari *verissima civitatis libertas* potest. Et hinc quidem quae vero item nomine *hominis* dicenda *libertas* sit, efficitur: quod quo nobis manifestius fiat, tyrannidi jam comparemus pessimum hominum, virum tyrannicum.

*De viro tyrannico. Qua
ratione fit?*

Uti e democratia tyrannis, ita e democratico viro tyrannicus fit. In hac autem disquisitione
Pla-

(1) Herod. V. 91. Cf. Diatr. p. 65.

Plato cupiditates esse accurate distinguendas censuit. Quum de ratione quaerebatur, quemadmodum ex oligarchico homine democraticus oriretur, in necessarias illas et non necessarias divisit: hinc autem non necessarias in *παρανομὰς*, quae possunt coerceri, et *ισχυροτέρας* vehementiores, distinguit. Vehementiores hasce tales esse maxime dicit, quales in somnis subinde excitantur, quando reliqua pars animi, quae rationis est particeps ac mansueta obtinetque principatum, obdormivit; illa autem, quae immanis est ac fera, vel vino vel cibo repleta, trepidat abactoque somno longius procedere studet suoque ingenio satisfacere; tum vero haec nil non facere sustinet. Omnia huic visa obijciuntur, mente ac ratione vacua, ut aut cum matre corpus miscere videatur, aut cum quovis alio vel homine vel deo, saepe belluâ: atque etiam trucidare aliquem et impie cruentare, multaque facere impure atque tetre cum temeritate atque impudentiâ. Patet hinc, quam vehemens, quam immane, quam dirum cupiditatum genus homini insit: id maxime animadvertendum, ubi ortum tyrannici viri consideramus. Finge juvenem, democratici viri filium, similiter atque ipsius patrem, multis variisque cupiditatibus agitatum: primum quidem in omnes partes distrahetur: deinde vero, quum tyrannidis fautores adolescentem existimaverint non alia posse ratione contineri, *amorem* ei quemdam indere nituntur, *πρὸς ἅτην τῶν ἀργῶν καὶ τὰ ἔτοιμα διανεμόμενων ἐπιθυμιῶν*, praesidem otiosorum atque libi-

bidinem illi subministrantium desideriorum. Ubi vero susurrantes circa ipsum cupiditates caeterae, refertae uidore, unguentis, coronis ac mero, coaugent aluntque desiderium illud, tum jam hic animi praescs furit omnino dementiaque fervet, ac stipatus inde satellitibus stimuloque percitus, si quas intra se frugales et verecundas opiniones cupiditatesque offenderit, protinus exstirpat expellitque, donec temperantiam omnem animo ejecerit seque nova insania repleverit. Hanc ob causam amor *tyrannus* dictus olim est. (1)

In his Plato, uti cernimus, iter hominis ad vitam omnemque pravitatem absolvit tandem. Quo in negotio quid amoris illo, quem describit, furore spectaverit, e *Phaedro* et *Symposio* intelligitur. Πάνδημος est iste scilicet, qui hominem sic ad turpissima, ut οὐράνιος ad pulcerrima quaeque et honestissima, adducit. Idem autem ille vilis abjectusque amor, ut in *Phaedro* poetica est ratione descriptus, ita hic philosopha hacce de natura humana disquisitione, efficitur, qualis sit proprie, quamque vim ad caeteras cupiditates omnes incendendas totumque hominem et regendum tyranni instar et penitus corrumpendum, habeat. Quo magis ethicae locum philosophus, qui est de virtutibus ac vitiis maximeque de animi depravatione, plene tractasse videtur. Sed in vita potissimum tyrannici viri hic stimulus amoris apparet: quod, age, describat nobis deinceps Socrates.

(1) *De Rep.* IX. 571. A. — 573. B.

Vita vtri tyrannici.

Fit igitur, ait, hunc in modum talis vir. Qui autem eo pervenerunt, festis, comessionibus, congressibus, scortis caeterisque hujusmodi omnibus indulgent, ὧν ἂν Ἑρως τύραννος ἐνδον οἰκῶν διακυβερνῶη τὰ τῆς ψυχῆς ἅπαντα. *quorum tyrannus Amor, intus animi incolens penetralia, regit omnia.* Itaque multae dies noctesque vehementes cupiditates, multorum indigae, pullulant. Cito igitur, si qui proventus exstiterint, consumuntur. Post haec utique fœnora et patrimonii dissipatio. Ubi vero deficiunt omnia, necesse est cupiditates vociferari atque conqueri, quae quidem frequentes ardentesque in animo delitescunt; αὐτοῦς (1) δ' ὥς περ ὑπὸ κέντρων ἐλαυνομένους, τῶν τε ἄλλων ἐπιθυμιῶν, καὶ διαφερόντως ὑπ' αὐτοῦ τοῦ Ἑρωτος, πάσαις ταῖς ἄλλαις, ὥς περ δορυφόροις, ἡγουμένου, οἷς ῥᾶν ἴσους. *autem, veluti stimulis quibusdam agitados, cum caeteris libidinibus, tum ipso praesertim Amore, qui reliquis omnibus, tanquam dux, praest, in furem adigi, efferrique ad explorandum, si quis quidquam possideat, quod vel fraude surripi vel vi eripi possit. Hinc furta, hinc rapinae, hinc crimina et flagitia, ut ausint adeo et domi parentes verberibus caedere et foris magistratus laedere, ipsa adeo Deorum templa ac sacra violare.* (2)

Quae vero nomine dicenda in civitate libertas sit,

e

(1) Sic legendum pro τοῦς videtur. (2) *De Rep.* IX. 573. C. — 576. B.

e tyrannide, ut descripta a Platone est, effici in primis posse, animadvertimus; ex hac autem tyrannici viri descriptione non minus, credo, quae hominis, sive, ut nos loquimur, *moralis* sit libertas, intelligitur. Ethicae apud nos doctores hominem esse dicunt naturam moralem, quippe moralis libertatis participem: et recte quidem illi, quo magis inde efficiant, posse semet ipsum corrigere ac perficere hominem. Ego vero non ausim id universe de hominum genere usurpare. Nam pauci admodum, si rem rite perspexerimus, reapse liberi sunt: caeteri libertate morali carent. Regi enim sese a cupiditatibus libidinibusque suis ita patiuntur, ut prorsus sint iis submissi. Nec vero id vehementissimis tantum vilissimisque cupiditatibus tribuendum est; similiter imperium in nos exercent ac dominantur plane cum minus abjecta honestioraque studia, tum opiniones praejudicatae. Illis autem quis tandem mortalium est, qui plane se liberum possit praedicare? Quamobrem non magis libera, quam sapiens aut perfecta natura, homo dicendus est, quippe non magis libertatis moralis, quam sapientiae ac perfectionis particeps. Et vero tyrannicus iste homo belluae est potius, praedae inhiantis suae suique impotentis prorsus, quam liberae naturae similis. Quodsi quaerimus, quemadmodum fieri homo libertatis moralis particeps possit, ab hoc in primis immani ferissimoque viro conjectura petenda est, ut, quae justis sit viri conditio, assequamur. Prouti in illo omni aucto-

ri-

ritate destituta ratio est, atque, ad hanc ferme delendam, τὸ θυμειδὲς vi suā τὸ ἐπιθυμητικὸν juvat ac corroborat, ita in hoc submissae rationi cupiditates sunt, imperat ratio, opemque ei θυμὸς affert ad animum totum recte gubernandum. Hic autem ille est, qui verissime demum dici libera natura, *homo liber*, possit, quemque omnes imitari, qui libertatis moralis participes esse cupiunt, oportet. Talis scilicet Socratica illa est αὐταρκεία, imo αὐτοκρατεία, quam praeclare in *Menexeno* descripsit Plato. Ὅτῳ γὰρ ἀνδρὶ εἰς ἐκυτὸν ἀνήρηται πάντα τὰ πρὸς εὐδαιμονίαν φέροντα ἢ ἐγγὺς τούτου, καὶ μὴ ἐν ἄλλοις ἀνθρώποις αἰωρεῖται ἐξ ὧν ἢ εὖ ἢ κακῶς πραξάντων πλανᾶσθαι ἠνάγκασται καὶ τὰ κείνου, τούτῳ ἔρις παρσκευάσαι ζῆν· οὗτός ἐστιν ὁ σώφρων καὶ οὗτος ὁ ἀνδρεῖος καὶ φρόνιμος· οὗτος γιγνομένων χρημάτων καὶ παιδων καὶ διαφθειρομένων, μάλιστα πείσεται τῇ παροιμίᾳ· οὔτε γὰρ χαίρων οὔτε λυπούμενος ἄγαν φανήσεται διὰ τὸ αὐτῷ πεποιθέναι. (1) Quem locum diserte expressit Cicero: *nam cui viro ex se astra sunt omnia, quae ad beate vivendum ferunt, nec suspensa aliorum aut bono casu, aut contrario, pendere ex alterius eventis et errare coguntur, huic optime vivendi ratio comparata est: hic est ille moderatus, hic fortis, hic sapiens, hic et nascentibus et cadentibus cum reliquis commodis, tum maxime liberis, parebit et obediet praecepto illi veteri:*

*Neque enim laetabitur umquam, nec moerebit nimis,
Quod semper in se ipso omnem speciem reponet sui.* (2)

Sed

(1) *Menex.* 247. E. (2) *Cic. Tuscul. V. 13.*

Sed exploratâ ita in omnem partem, adhibendâ in primis civitatum imagine, naturâ humanâ, accedendum eo tandem existimat Socrates, quo omnis haec tetendit disputatio, ut, quae justitiae sit ac vitae beatae ratio, exquiramus. Qua de re ut pronunciari aliquando recte vereque possit, justissimum tandem virum cum injustissimo committit.

*Uter tandem beator? Justusne ille,
an omnium hic hominum injustissimus,
tyrannicus vir?*

Illud continuo tenendum censet Socrates, non speciem externam, sed interiorem conditionem justijustique viri considerandam esse. Si tyrannicam civitatem, inquit, cognoscere velimus, non ejus speciem admirabimur, ad solum tyrannum respicientes aut ad eos paucos, qui cum eo rerum potiusunt; sed, ut decet, omnem penitus civitatem ingressi, lustrabimus singula et ad cuncta conversis oculis, feremus sententiam. Pariter ad virum tyrannicum cognoscendum, illi permittendum judicium, qui cogitatione se possit in hominis mentem insinuare, ejusque mores interius perspicere: non, qui, ut pueri solent, exteriora intuens obstupescat, quum tyrannicam illam adspicit pompam et magnificentiam, ad quam illi sese apud eos, qui externa spectant, effingunt. (1) Quibus dictis, judicium Socrates cum Adimanto utriusque cum civi-

(1) *De Rep.* IX. 576. D.

tatis, tum viri, instituit. Principio rogat, *liberam civitatem tyrannicam* dices, an *servam*? — Maxime omnium *servam*. — Veruntamen in ea dominos et *liberos* animadvertis. — Animadverto; sed exiguum est istud: universum vero in ipsâ, et praestantissimum genus, turpiter est et misere servum. — Quodsi vir civitati similis est, pariter ejus animus *illiberalitatis* ac *servitutis* erit plena, ac probabile est, eas animi partes in illo servire, quae praestantissimae sunt, exilem vero partem, ignavissimam et dementissimam, dominari. — Omnino. — Quid igitur? *δούλην ἢ ἐλευθέρην τὴν τοιαύτην φήσεις εἶναι ψυχὴν; servum an liberum esse dices talem animum?* — Servum. — Atqui serva et tyranno subdita civitas minime, quae vult, agit. — Minime. — Sic autem animus tyrannicus minime, quae vult, efficiet; *ὕπὸ δὲ οἷου αἰεὶ ἐλκομένη βίη, ταραχῆς καὶ μεταμελείας μεσὴ ἔσται* sed *stimulo semper percitus violento, perturbatione poenitentiaque redundabit.* Huc igitur et ad caetera, quae his conjuncta sunt, respiciens, nonne et civitatem et virum longe miserimâ esse conditione dicis? — Dico equidem. (1)

Hinc porro Socrates de singulorum, quos descripsit, virorum conditione agit, instituitque de iis, ac si in ludis chororum praemii reportandi caussa concertassent, solemne judicium. Age, ait, Adimante, quemadmodum judex omnia conspiciens, de singulis judicat, ita tu jam profer, qui tuo judi-

(1) *De Rep.* IX. 577. B. — 578. B.

dicio primus felicitate, qui secundus sit: caeteroque deinceps judica, βασιλικὸν, τιμοκρατικὸν, ἀγαρχικὸν, δημοκρατικὸν, τυραννικόν. — Haud sane difficile hoc iudicium est: uti enim ingressi sum, sic ego eos, tamquam choros, virtute ac pravitate, felicitate ac contrario, comparo inter se et iudico. — Praeconemne igitur conducemus, an ego προαγγαζομαι, ὅτι ὁ Ἀρίστωνος υἱὸς τὸν ἄριστόν τε καὶ δεινότατον, εὐδαιμονέστατον ἔκρινε· τοῦτον δ' εἶναι τὸν βασιλικώτατον καὶ βασιλεύοντα αὐτοῦ· τὸν δὲ ἐπ' εὖν τε καὶ ἀδικώτατον, ἀθλιώτατον· τοῦτον δ' εὖ τυγχάνειν ὄντα, ὃς ἂν τυραννικώτατος ᾖν, ἐπεὶ τὸν ὅτι μάλιστα τυραννῆ καὶ τῆς πόλεως· Aristonis filium virum optimum et justissimum esse iudicasse beatissimum: esse autem hunc hominem maxime omnium regium seque ipsum regentem; pessimum vero et iniquissimum, esse miserimum: talem autem esse, qui maxime tyrannus sit, seque ipsum et civitatem tyrannide premas. (1)

*De utriusque hominis
interna animi conditione.*

Poëseos ferme Pindaricae colorem in hoc veluti athlothetarum iudicio de prolatis viris agnoscimus; sed nemo haec facile, quae adduximus, tum etiam quae haec subsequuntur, diligentius legerit, quin ducta illa omnia esse videat ex interiore naturae hu-

(1) *De Rep.* IX. 580. A. — C.

humanae indagatione. Factum autem ita est, ut sponte hinc Plato justissimi viri atque injustissimi interiorem animi conditionem, imagine informandâ declararet, atque ita quidem nos de gravissimâ causâ idoneos judices redderet. Sic enim porro apud eum Socrates. Esto, inquit, postquam huc disputando devenimus, iteremus, quae a principio dicta sunt, unde huc sumus delati: dictum autem est, injuste agere illi prodesse, qui cum perfectum in modum injustus sit, justus tamen habetur. Hac igitur de re ut recte judicemus tandem, sermone fingamus animi imaginem, ut, qui ista dixit, sciat, quid dixerit. — Qualem dicis imaginem? — Talem aliquam, qualem antiqui informarunt Chimaeram, Scyllam, Cerberum, similes, e variis formis conflatas. Finge igitur primum bestiae formam, variae admodum, et capita circumcirca multa habentis, partim mansuetorum, partim agrestium animalium, quae ipsa per se producit atque alit. Huic adjungi deinceps cum leonis, tum etiam hominis formam. Tribus autem istis extrinsecus humanam figuram circumda. Jam vero illi, qui asserit, prodesse homini injuste agere, juste vero vivere non prodesse, dicamus, eum nihil aliud asserere, ἢ λυσιτελεῖν αὐτῷ, τὸ παντοδαπὸν θηρίον εὐωχῶντι, ποιεῖν ἰσχυρὸν καὶ τὸν λέοντα· τὸν δὲ ἄνθρωπον λιμοκτονεῖν καὶ ποιεῖν ἀσθενῆ, ὥστε ἔλκεσθαι ὅπῃ ἂν ἐκείνων ὁπότερον ἔγοι· nisi prodesse illi; ut, bestiam illam in semet ipso multiplicem pascens, et ipsam et leonem robustiorem efficiat; hominem vero fame perire sinat

αι-

atque enervet, ut propter imbecillitatem distrahatur, quocunque ipsum illa rapiunt. Quodsi contra quis statuit, utile esse juste agere, dicamus, hunc statuere, id agendum ipsi esse, ὅθεν τοῦ ἀνθρώπου ἐντὸς ἀνθρώπου ἔσται ἐγκρατέατος· καὶ τοῦ πολυκεφάλου θρέμματος ἐπιμελήσεται, ὥς περ γεωργός, τὰ μὲν ἡμέρα τρέφων καὶ τιθασσεύων, τὰ δὲ ἄγρια ἀποκλύων φύεσθαι, ξύμμαχον ποιησάμενος τὴν τοῦ λέοντος φύσιν, καὶ κοινῇ πάντων κηδόμενος, φίλα ποιησάμενος ἀλλήλοις τε καὶ αὐτῷ, οὕτω θρέψει· ut qui intus ipse homo inest, totum hominem, quoad ejus fieri maxime potest, regat: isque feram illam, multis capitibus insignem, coloni instar, curet, mansueta in illa animalia alens ac fovens, ferocia vero ne increvcent impediens, adhibens ad recte hoc efficiendum leonem vim ac fortitudinem: sic autem omnium curam gerens, in concordiam cunctis et invicem et secum redactis, se alat atque educet. (1)

*Quid maxime conferre
ad bene beateque vivendum videtur?*

Quemadmodum sit homini vivendum, ut bene beateque vivere dici possit, ex hac utriusque hominis, optimi et pessimi, specie, intelligitur. Sed non dimisit gravissimum argumentum Plato, antequam hanc optimam vitae rationem pluribus exposuisset. Et vero habebat ille, quae de recta hominis ad veram felicitatem *institutione* adderet hisce:

quod

(1) *Te Rep.* IX. 588 A. — 589. B.

quod philosophiae, quam colebat, unum omnium maxime conveniebat. Pergat igitur deinceps apud eum in hunc modum Socrates. Si quis, ait, quae diximus, reprehendit, placide ipsi, non enim lubens peccat, persuadeamus, sic interrogantes: nonne, o bone, et honesta vitae instituta et turpia, ob talia quaedam esse dicimus? honesta, quandoquidem homini, imo divino, quod inest homini, ferinam naturam subjiciunt: turpia autem, quod agresti, quod nobis est, mansuetum mancipant? Consentiet, necne? — Consentiet, si mihi crediderit. — Estne quis, cui prosit hac ratione injuste aurum accipere, si quidem accidit, ut, cum accipit aurum, praestantissimam sui partem ignobilissimae servire cogat? Sane, si accipiens aurum, filium suum vel filiam mancipium efficeret agrestium et improborum hominum, haudquam accepisse prodesset, etiamsi adeo quam plurimum esset nactus; sin vero partem sui divinissimam parti profanissimae scelestissimaeque servire cogit, nonne miser is erit, multoque majori damno suo auri muneribus corruptus, quam Eriphyle, quae, ut salutem mariti proderet, monile illud accepit? — Longe sane majore, ut ego tibi pro illo respondeam. — Nonne intemperantia propterea fere culpata est, quoniam in ea τὸ δεινὸν καὶ τὸ μέγα ἐκείνο καὶ πολυειδὲς θρέμμα πέρα τοῦ δέοντος ἀνίεται; *dira illa ingēnsque ei multiplex fera, ultra quam decet, remittitur?* Contumacia autem et insolentia nonne hanc ob causam improbat, quod τὸ λεοντῶδες τε καὶ ὀφειῶδες αὐξήται καὶ συντείνηται ἀναρμότως; *leo-*
ni-

ninum et serpentinum illud genus supra modum increscit atque invalescit? Tum etiam nonne infirmum quem reddit sordida vita, ὅταν τις ἀσθενὴ φύσει ἔχῃ τὸ τοῦ βελτίστου εἶδος, ὥς μὴ ἂν δυνάμει ἄρχειν τῶν ἐν αὐτῷ θρεμμάτων; ubi quis, quod infirmum in homine est, infirmum habet, ut non possit in bestias, quae in ipso sunt, dominari? Ergo, ut huiusmodi vir a tali quodam duce regatur, et quali optimus quisque regitur, nonne servum ipsum esse debere dicimus optimi viri, ἔχοντος δὲ αὐτῷ τὸ θεῖον ἄρχον, qui divinum in se ipso imperatorem habet? Praestat enim cuique, divino sapientique principi subijci, maxime quidem, si talem in se ipso habeat; si non habeat, principi ceteriori: ἵνα εἰς δύνανται πάντες ὅμοιοι ὦμεν καὶ φίλοι, τῷ αὐτῷ κυβερνώμενοι ut omnes simus, quoad quod fieri potest, consimiles et amici, ab eodem principe gubernati. Huc scilicet et lex respicit, cum omnibus civibus aequè consulit, et puerorum institutio, τὸ μὴ ἔαν ἐλευθέρους εἶναι, ἕως ἂν ἐν αὐτοῖς, ὥς περ ἐν πόλει πολιτείαν καταστήσωμεν, καὶ τὸ βέλτιστον θεραπεύσαντες, τῷ παρ' ἡμῶν τοιούτῳ ἀντιπαιστήσωμεν φύλακα ὅμοιον καὶ ἄρχοντα ἐν αὐτῷ καὶ τότε δὴ ἐλευθέρους ἀφίεμεν cum cos liberos esse non sinimus, donec in iis, tamquam in civitate, republicam constituerimus, optimamque ipsorum partem colentes, optimam nostram partem similem in illa quendam et custodem et imperantem creaverimus: tum demum eos liberos esse permittimus. (1) Divinae
hac

(1) *De Rep.* IX. 589. C. — 590. D.

hae profecto sententiae sunt, ^{re} quibus et Cicero-
nianum illud fluxit *pro Cluentio*: (1) *legum servi-*
sumus ut liberi esse possimus: et praeclarum Plu-
tarchi prooemium, libello *de audicendis philosophis*
praemissum, ubi sic alloquitur Nicandrum suum:

Σὺ δὲ πολλάκις ἀκηκοὼς, ὅτι ταυτόν ἐστι τὸ ἔπεσθαι
θεῷ καὶ τὸ πείθεσθαι λόγῳ, νόμιζε τὴν εἰς ἄνδρας ἐκ
παίδων ἀγωγὴν, οὐκ ἀρχῆς εἶναι τοῖς εὖ φρονούσιν
ἀποβολὴν, ἀλλὰ μεταβολὴν ἄρχοντος, ἀντιμισθωτοῦ
τινος ἢ ἀργυρωνήτου, θεῖον ἡγεμόνα τοῦ βίου λαμβά-
νουσι, τὸν λόγον ὃ τούτοις ἐπομένους ἄξιόν ἐστι μόνους
ἐλευθέρους νομίζειν. Μόνοι γὰρ αὖ δεῖ βούλεσθαι μα-
θόντες, ὥς βούλονται ζῶσι. Ταῖς δὲ ἀπαιδεύτοις καὶ
παραλόγοις ὀρμαῖς καὶ πράξεσιν ἀγεννὲς ἔνεστι καὶ μι-
κρὸν ἐν πολλῷ τῷ μετανοοῦντι τὸ ἐκούσιον. Tu vero,
qui saepe numero audivisti, idem esse Deum sequi
et parere rationi, existimare debes, eos, qui
sand sunt mente, ita judicare, se, quum a pue-
ritia ad virilem procedunt aetatem, non abjicere
imperium, sed mutare imperatorem, quum pro ma-
gistro mercede conducto aut aere emto, divinum
vitae ducem accipiunt, rationem: cui qui pa-
rent, soli digni sunt qui liberi existimentur. Soli
enim hi vivunt ut volunt, quippe qui, quid velle
debeant, didicerunt. Ineruditae autem et rationis
expertes animi incitationes atque actiones, exilem
quamdam et ignobilem voluntatis libertatem, multa
cum poenitentia conjunctam, habent. (2)

Ima-

(1) Cap. 53. (2) Plutarch. περὶ τοῦ ἀκούειν c. 1.

*Imaginum,
quibus animi naturam expressit
Plato, conjunctio.*

Abest parum, quin ad plenum gravissimae caecae
judicium, quae justitiae sit ac felicitatis ratio, pe-
venerimus. Quamquam restat, quod sane perquam
est grave, ut de futurâ justi viri atque injustissimi
post mortem conditione dispiciamus. Sed, quo
rectius et de caeteris omnibus et hoc etiam de lo-
co, qui est de animorum immortalitate, existime-
mus, efficere ex omni hac nostrâ de animo dispu-
tatione, quae ejus natura sit, juvat. Comparavi
animum Plato, ut ab initio vidimus, (1) cum equo-
rum jugo ab aurigâ gubernato: fecit autem in
Phaedro, quem juvenis, certe parum propecta æ-
tate et juvenili ardore scripsit. Poëtarum in modum
illic de animo agens, rationem aurigae, binis au-
tem equis duplicem amorem comparavit. Pariter
nempe Parmenides, poëta idem et philosophus
sublimis, equorum fuerat in philosophando imagine
usus. Nondum vero satis aetate illâ Plato τὸ ἄ-
μειδές, quod non minus nobis, quam ratio et co-
peditates, inest, et pariter a philosopho atten-
dendum est, exploravisse videtur. Deesse igitur
comparationi videatur, quod ad recte cognoscen-
dam animi naturam requiramus. Verum, perspectâ
hac.

(1) V. supra p. 21.

hacce utriusque viri, optimi et pessimi, quam in *Politia* nunc nobis ostendit, specie, supplere illud, ni fallimur, totum licebit. Nam monstrum istud, quo cupiditates animi significavit, praeter feras indomitasque, mansuetas etiam optimasque cupiditates continet: in quibus alter ille amor, in *Phaedro* a Platone et *Symposio* vehementer commendatus, insignem sane locum habet. Adjunctum autem monstro *leonem* nunc cernimus, qui rationi obediens, et feras compescere cupiditates, et mansuetis prodesse debeat, qua τοῦ θυμοειδοῦς invicta vis significatur. Id ubi attenderimus diligenter, nil erit, quod in equorum atque aurigae cum animo comparatione desideremus. Nam alteri equo illi, τῷ ὀρθῷ, τῷ εὐηλίῳ, qui, ut mansuetus, freno obediens est, non solum recti amorem, sed vim item et robur τοῦ θυμοειδοῦς tribuamus. Ita vero nihil erit, quod requirat ratio, ut nos recte gubernet. Observandum hoc duximus, ut ipsius philosophi in philosophando progressionem attenderemus: tum vero maxime, ut in hac Platonicâ animi perscrutatione vim amoris agnosceremus. Nam, ut completur perficiturque hac utriusque hominis specie, quod in *Phaedro* desideramus, ita equorum illa in *Phaedro* imago una omnium maxime animum nobis totum cognoscendum praebet. Sic enim sese res habet: nisi mansuetae honestaeque nobis inessent cupiditates, in his praesertim recti amor, amor Uranius, qui stimulo isti, quem in tyrannoprehendimus, nefarii insanique amoris contrarius est, sponte

M 2

haud

haud facile nostra et *libenter* ad virtutem procedere-
remus.

*De futura justissimi
hominis et injustissimi post mortem
conditione.*

Venimus jam ad sublime in philosophiâ Platonis placitum, quod de animorum immortalitate est; ducit enim nos illuc deinceps Socrates, ubi de contentione justî hominis ad virtutis reportandæ præmia agit. Μέγας γὰρ, ait, ὁ ἀγὼν, ὃ φίλε Γλαύκων, μέγας, οὐχ ὅσος δοκεῖ, τὸ χρηστὸν ἢ κακὸν γενέσθαι. *Magnum est certamen, o amice Glaucæ, magnum et majus etiam quam videtur, bonum fieri aut malum.* Quibus subjungit, καὶ μὴν τὰ γε μέγιστα ἐπίχειρα ἀρετῆς καὶ προκείμενα ἄλλα οὐ διελλύθμεν. *Atqui maxima, quæ virtutis propositæ sunt, præmia non metostavimus.* Tum Glaucō: ἀμήχανόν τι λέγεις μέγεθος, εἰ τῶν εἰρημένων μείζων ἐστὶν ἄλλα· ἰmmensa dicis præmia, si quæ majores sunt hæc, quæ retulimus. Cui Socrates: τί δ' ἂν ἐν γε ὀλίγῳ χρόνῳ μέγα γένοιτο; πᾶς γὰρ οὗτός γε δ' ἐκ παιδὸς μέχρι πρεσβύτου χρόνος πρὸς πάντα ὀλίγος· που τίς ἂν εἴη· *quid brevî in tempore esse magnum potest? nempe omne hoc a pueri ad senem tempus, exiguum quiddam ad universum est.* — Imo vero nihil. — Immortalem vero rem censes brevi hoc pro tempore quidem, pro universo vero nequaquam, esse debere sollicitam? — Pro omni cer-

certe; sed quorsum haec? — Non percepisti, immortalem esse animum nostrum et nunquam perire? — Tum repente ad Socratem conversus Glauco, admiratusque, per Jovem, dicit, id ego non percepi: tu vero numquid ostendere potes? (1) Hinc Socrates ex animi naturâ, qualis ipse per se animus est, immortalẽ eum esse demonstrat: tum vero de vi, animo naturâ propriâ, haec subjungit. Animus, aſt, qualis ſit re verâ, ut aſſequare, non ſpectandus nobis eſt, prouti eum nunc conſpicimus, cõmmunionẽ corporis malisque aliis inquinatum, ſed qualis, cum purus eſſet, fuerit, diligenter decet perſpicere. Qui Glaucum marinum vident, non poſſunt facile antiquam ejus et priſtinam naturam conſiderare, propterea, quod antiquae corporis partes partim fractae, partim contritae ſunt et ab undis penitus corruptae, alienaque ei inhaerent, conchylia, alga, lapides, quibus multo magis ferae prae ſe fert imaginem, quam priſtinae naturae ſpeciem: ſic etiam animum nos ſemper adſpicimus, malis innumeris inquinatum. Ἀλλὰ δεῖ, ὦ Γλαῦκον, ἐκεῖτε βλέπειν. — Ποῖ; — Εἰς τὴν Φιλοſοφίαν αὐτῆς, καὶ ἐννοεῖν, ὣν ἄπτεται καὶ οἷον ἐφίεται ὁμιλιῶν, ὡς ξυγγενῆς οὔσα τῷ τε θείῳ καὶ ἀθανάτῳ καὶ ἀεὶ ὄντι, καὶ οἷα ἀν γένοιτο τῷ τοιοῦτῳ πᾶσα ἐπιſτομένη, καὶ ὑπὸ ταύτης τῆς ὁρμῆς ἐκκομισθεῖſα ἐκ τοῦ πόντου, ἐν ᾧ νῦν ἐſτι, καὶ περικρουſθεῖſα πέτραις τε καὶ ὕδατι, ἃ νῦν αὐτῇ.

ἄ-

(1) *De Rep.* X. 608. B. — D.

ἄτε γῆν ἐσιωμένῃ, γεηρὰ καὶ πετρῶδῃ πολλὰ καὶ ἄγρια περιπέφυκεν ὑπὸ τῶν εὐδαιμόνων λεγομένων ἐξιδάσεων· καὶ τότε ἂν τις ἴδῃ αὐτῆς τὴν ἀληθῆ φύσιν. *Sed illuc oculos convertere decet, o Glaucō. — Quonam? — Ad philosophiam animi, ac reputari, quaenam amplectatur et quibuscum se conjungere studeat, quippe qui cognatus sit divino, immortalī, sempiterno: qualisque praeterca futurus sit, et quando totus haec sequatur atque hoc impetu et ardore eductus e pelago, in quo nunc demersus jacet, excussis lapidibus, ostreis, caeteris, quae nunc ei, tanquam terrā pasto, terrena, lapideae et agrestia, quae plurima inhaerescunt propter partem illum, quem vulgo beatum vocant: tum demum quis veram animi naturam cernat.* (1) Augurari nobis e divino hoc effato licet, qualis justī vī atque injustī post mortem diversa conditio futura sit; sed hinc nos jam continuo id ducamus, cujus maxime causa omnem hanc disputationem suscepimus, num sola per se justitia ad vitam beatam sufficiat.

*Absolvitur tandem
de justitiā, num sola ad beatam vitam
sufficiat, judicium.*

Viam nobis praeit continuo Socrates. Sic igitur, ait, justitiam vidimus, demtis praemiis et ho-

(1) *De Rep.* X. 611. B. — 612. A.

noribus, ipsam per se ipsi animo optimum esse negotium. Nunc item praemia ei tribuere licet: et prouti in superioribus, disputationis causa, finximus, justum videri injustum, injustum autem justum: nunc dicamus, quod verissimum est, non latere Deos hominesque, num justus quis sit, an injustus. Quodsi res ita se habet, ὁ μὲν, θεοφιλὴς ἂν εἴη, ὁ δὲ, θεομισῆς, *alter carus erit Diis, invisus alter*. Τῷ δὲ θεοφιλεῖ οὐχ ὁμολογήσομεν, ὅσα γε ἀπὸ θεῶν γίγνεται, πάντα γίνεσθαι ὡς οἶόντε ἄριστ; *Deo autem qui carus est, nonne huic fatebimur quaecunque divinius obtingunt, omnia obtingere quam optima?* — Omnino. — Sic igitur de justo viro existimandum, sive paupertati, sive morbis, sive quibusvis eorum, quae mala videntur, obnoxius sit, huic demum et viventi et mortuo ad bonum aliquod ista conducere: οὐ γὰρ ὑπὸ γε θεῶν ποτὲ ἀμελεῖται ὅς ἂν προθυμεῖσθαι ἐθέλῃ δίκαιος γίνεσθαι, καὶ ἐπιτηδεύων ἀρετὴν, εἰς ὅσον δυνατόν ἀνθρώπῳ ὁμοιοῦσθαι θεῷ. *Non enim a Diis unquam negligitur, quicumque justus evadere, virtutisque officiis, quoad homini licet, Deo similis fieri conatur.* Apud deos igitur justo viro haec dabitur palma. Apud homines autem nonne sic evenit, si vera fateri velimus? οὐχ οἱ μὲν δεινοί τε καὶ ἄδικοι δρῶσιν ὅπερ οἱ δρομεῖς, ὅσοι ἂν θέωσιν εὖ ἀπὸ τῶν κάτω, ἀπὸ δὲ τῶν ἄνω, μή; τὸ μὲν πρῶτον ὀξέως ἀποπηδῶσι, τελευτῶντες δὲ, καταγέλαστοι γίγνονται, τὰ ὅσα ἐπὶ τῶν ὤμων ἔχοντες καὶ ἀσφάνωτοι ἀποτρέχοντες· οἱ δὲ τῇ ἀληθείᾳ δρομικοὶ,

κοί, εἰς τέλος ἐλθόντες, τὰ τε ἄλλα λαμβάνουσι καὶ σεφانوῦνται· οὐχ οὕτω καὶ περὶ τῶν δικαίων τοπολὺ συμβαίνει; πρὸς τὸ τέλος ἐκείνης πράξεως καὶ ὁμιλίας καὶ τοῦ βίου εὐδοκιμοῦσι τε καὶ τὰ ἄλλα παρὰ τῶν ἀνθρώπων φέρονται; *nonne autem homines et iniusti perinde faciunt ac cursores illi, qui a carceribus currunt bene, a metā non item? Primum celeriter exsiliunt, tandem vero risum reportant, quippe, auribus in humeros demissis, sine corona discedentes: veri autem cursores, ad finem pervenientes, praemia accipiunt ac coronantur. Nonne iustis viris similiter idem ut plurimum evenit, ut in exitu cuiusque actionis consuetudinisque et vitae probentur, muneraque ab hominibus referant?* (1) Haec igitur praemia sunt ac munera, quae justo viro praeter ea bona, quae ipsa in se iustitia continet, a diis et hominibus tribuuntur. At eadem et numero et magnitudine nihil sunt, si cum iis comparantur, quae utrumque post vitae exitum manent. (2) Haec Socrates; nos vero, priusquam haec justo tribuamus in futurā illā vitā νικητήριᾳ, hoc ipsum nobilissimum Platonicae philosophiae placitum, quod de animorum est immortalitate, cum e fontibus ducamus, tum interpretari recte e mente et sententiā philosophi conemur.

De

(1) Recte cum his conferre jubet Stallb. celebratissimi loca Pauli apost. *Ep. I ad Corinth. c. IX. 24. II. c. IV. 9. et Philem. c. III. 14.*, (2) *De Rep. X. 612. B. — 614. A.*

De animorum immortalitate.

Illud de eo primum videtur tenendum. Ut communis omnium hodie ac vulgaris est de vitâ futurâ sententia, quippe confirmata religionis nostrae auctoritate, cujus pars princeps est, ita antiquo aevo paucorum fuit philosophorum propria. Miratur, ut modo vidimus, Glauco, ubi Socrates ejus mentionem facit. Καὶ ὃς ἐμβλέψας μοι καὶ θαυμάσας, sic Graece se locus habet, εἶπε, Μὰ Δι' οὐκ ἔγωγε ἤσθηναι, ὅτι ἀθάνατος ἡμῶν ἡ ψυχὴ καὶ οὐδέποτε ἀπόλλυται· σὺ δὲ τοῦτ' ἔχεις λέγειν; Ipse adeo apud Xenophontem Socrates, ubi talis nobis occurrit, qualis reapse fuit, non quidem in dubium vocat animorum immortalitatem, imo affirmat, sed raro, nec nisi duobus locis de ea loquitur: tum vero sic loquitur, acsi eam non datâ operâ et adductis argumentis sibi persuadere conatus fuerit.⁽¹⁾ Primus hoc egisse Plato videtur, nec tamen ipse per se, sed conversus illuc Pythagoricae philosophiae auctoritate. Nam continebatur in illa immortalitas animorum cum doctrinâ de metempsychosi, tum poëtarum ac philosophorum effatis. Plato vero demum cum aliis conscribendis dialogis, tum maxime *Phaedone*, inde rem repetens, doctrinam in luce collocavit. Nec tamen ante Pythagoram et Platonem latuisse prorsus

(1) V. Wytb. in *disp. de anim. immort. Opusc.* Vol. II. p. 563.

sus antiquos hoc placitum videtur. Obscure traditum in mysteriis fuerat, in quibus ad τὰ τέλεα καὶ ἐποπτικὰ referebatur, ut e Ciceronis loco, supra a nobis allato, credibile fit, ubi Attico his initiatio dicit: *initia ut appellantur, ita re vera principia vitae cognovimus: neque solum cum laetitia vivendi rationem accepimus, sed etiam cum spe meliore moriendi.* (1) Itaque ex hoc item fonte Plato in *Phaedone* hausit, saepiusque fecit mysteriorum mentionem, ut in his v. c. καὶ κινδυνεύουσι καὶ οἱ τὰς τελετὰς ἡμῶν οὗτοι κατὰσχόντες, οὐ φανερὸν τινες εἶναι, ἀλλὰ τῷ ὄντι πάσαι αἰνίττεσθαι, ὅτι ὅς ἐστι ἀμύητος καὶ ἀτέλεστος εἰς ἄδου ἀφίκεται, ἐν βροβίῃ κείσεται, ὃ δὲ κεκαθαρμένος τε καὶ τετελεσμένος, ἐκείσε ἀφικόμενος, μετὰ θεῶν οἰκῆσει· *videntur item illi, qui nobis mysteria constituerunt, non contemnendi quidam esse, sed reapse olim occulte significasse, cum, qui non expiatus neque initiatus ad inferi migraverit, in luto jacere; quicumque vero purgatus atque initiatus illuc accesserit, cum Diis habitare.* (2) Plato vero poetica haecce ad philosophiae revocavit severitatem: quod posterius primis, recentiore aetate, factitarunt.

Deinde animadvertendum nobis de illo philosophiae loco, ut recte intelligatur, hoc est. Non simplex, ut hodie est, apud veteres erat de immortalitate animorum doctrina, sed duplex, ut animus cum ante hanc vitam fuisse, tum post hanc

vi-

(1) Cic. de Legg. II. 14. (2) *Phaedone* 69. C.

vitam futurus ac sempiternus diceretur. Sic nempe distinguebant antiqui: et Plato tam in *Phaedro*, quam in *Phaedone* primum illud, tum hoc alterum demonstrat. Mirum id multis videri atque absurdum solet: nec nos defendere Platonis ac veterum sententiam sustineamus. Veruntamen factum ita est, ut eadem illa doctrina tantam, quantam vidimus, in veri philosophiam apud Platonem vim habuerit. Nam adhibita a philosopho est ad universam demonstrandam de ideis atque optima institutione doctrinam, ut efficeret inde, instaurandam esse institutione idearum, quas in superiore vita adspexissemus, memoriam, quo magis in hac vita ad pulcrum, bonum, justum, sanctum, divinum conversi denuo, ad haec exempla et philosopharemur et viveremus, tum vero etiam, ut, quae hinc essemus exorsi, in futura vita perficeremus. Unde patet, quantae amplitudinis ubertatisque hoc apud veteres placitum fuerit. Accedit autem, ut idem hocce de immortalitate placitum apud veteres ac Platonem ad *justi* proprie philosophiam pertineat. Quo magis justitiam tuerentur, ut nobis jam satis e Platone patuit et dilucidius etiam deinceps patebit, immortalem esse affirmabant animum hominis: sic enim futurum, ut nec justis, quamvis mala, nec injustis, quamvis prospera fortuna hinc essent usi, praemia et poenae deessent. Quo spectat tribunal illud divinum, quod ex antiquis fabulis Plato in *Gorgia* descripsit. (1) Et omnino, ubi accuratis-

si-

(1) *Gorg.* 523. Cf. *supra* Vol. II. P. I. p. 115.

sime philosophus de hoc placito agit, ibi maxime idem atque intime naturam humanam investigat. Ex amore adeo, qui naturam nobis inest, immortalitatem animi deducit apud Platonem Diotime. Quod mihi quidem fere visum est gravissimum esse placiti argumentum, quamquam fere ab interpretibus neglectum est. Nam postquam, quid amor esset, exquisiverat divina mulier, id maxime in eo animadvertit, non solum appetitum in homine esse pulcri et boni, sed etiam hoc eum naturam appetere, ut ea nobis diuturna et sempiterna sint. Unde efficit, amorem in nobis *immortalitatis* esse studium. Ἀναγκαῖον δὴ, ἐκ τούτου τοῦ λόγου, καὶ τῆς ἀθανασίας τὸν ἔρωτα εἶναι. (1) Quod ut Plato, ita disertius etiam postea Cicero, e gloriae appetitu, qui homini inest, probavit. (2)

Valent haec ad justam doctrinae de animorum immortalitate interpretationem: nec vero praetermittamus silentio, aliam hanc methodo ab antiquis, certe a Platone, aliam a recentioribus philosophis explicitam esse. Hi fere syllogismis connectendis et geometrarum more, quin etiam ad mathematicam evidentiam et ἀκριβείαν, rem exponere et demonstrare annisi sunt: quod illi etiam, qui in primis Platonem admirabantur, ut v. c. Moses Mendeli filius, factitarunt. Plato vero, Socratica usus methodo, per ἐπαγωγὴν nos ad rei persuasionem ducit.

(1) *Symp.* 207. A. (2) *Symp.* 203. C. Cic. *pro Archia* c. 11 & 12. Cf. filii mei Cicero φιλοπλ. p. 194. 299.

ducit, ut tota illa in *Phaedone* hoc de placito disputatio, quamvis partibus variisque argumentationibus distincta, una sit tamen et continua demonstratio, a specie primum et probabilitate ducta, inde autem deinceps ad rei scientiam, certe persuasionem, quasi per gradus escendens. Quo magis vituperanda illorum temeritas est, qui, singulis singulatim argumentationibus sub examen revocatis, iisdemque porro rejectis, universas rejiciunt. Totus nobis uno tenore perlegendus dialogus est, ut eum recte intelligamus ac persuasionis inde fructum de re omnium gravissimam verum uberrimumque percipiamus. Ita fecerunt antiqui: atque inde declarandum, quare tantam lectio dialogi, quantam novimus, in principes etiam viros vim et efficacitatem habuerit. Sed hic locus nos adducit, ut, prouti modo de *Politia* Platonis, ita hic de ejus *Phaedone* datam operam agamus.

De Platonis Phaedone.

Scripsisse hunc dialogum philosophus videtur, paullo post quam ad finem *Politiam* duxerat, certe eam aetate, qua maxime ingenio philosophandique studio et facultate vigebat. Nam abest multum, ut, scribendo illo, Socratem nobis solummodo, quemadmodum in carcere de animorum immortalitate dixisset, tum etiam mortem subiisset, describere studeret. Fecit illud sane: et hoc agendo locum simul hunc in philosophiam amplissimum de futura

vi-

vita perpurgavit. Sed idem, si quid deesset in *Politiâ*, quo justitia commendaretur, id his enarrandis Socratis sermonibus perfecit. Ipsum nobis Socratem in hoc dramate sic proposuit, ut cernere in eo justum illum, eundemque sapientem, quem in *Politiâ* informaverat, videamur. Expressit hic imagine, quod illic nobis disquirendo demonstrandoque persuadere conatus fuerat. Quid dicam de Socratis in iisdem sermonibus oratione, ubi de animi prae corpore praestantiâ, de divinâ ejus naturâ ac vi, de officiis philosophi hinc ductis ac de ipsius philosophiae officio ac sublimi fine disserit? Divina haec oratio est, et postquam finem ille dicendi fecerat, ortum dicitur per longum tempus in carcere silentium, ut qui audiverant commoti penitus ac ferme perculsi essent. (1) Nos sane, his lectis, non possumus non fateri, in hoc demum dialogo Platonem, nondum vero in *Politiâ*, philosophiam justî ejusque ubertatem ac sublimitatem expressisse plane. Sed quis praeterea in scriptis Platonis dialogus est, quo tam apte, quam in hocce fecit, Pythagorae placita cum Socraticâ philosophiâ conjunxerit? Hinc autem in primis doctrinae Platonicae sublimitas ducenda videtur. In *Phaedro* exstant Pythagorica multa; sed poëtica sunt illa fere, quae primum, ut par est, et juvenili aetate admiratus Plato est: tum copiose illic de pristina animorum vitâ agit, futuram ejus conditionem vix

at-

(1) *Phaedon*. 84. B.

attingit. In *Gorgia* demum et *Politia*, quod maturiori aetati conveniebat, futuram hanc animi conditionem diligenter descripsit: in *Phaedone* vero huc totam principum Pythagoreorum doctrinam adhibuit. Quod ex ipsa dialogi ratione intelligitur. Nam qui maxime cum Socrate sermones iuiscunt, Cebes et Simmias, Pythagorei sunt: certe, ut ipsi fatentur, Philolaum Pythagoreum Thebis audiverant; (1) sermones autem ipsi a placito Pythagoricae scholae primario, quod est de metempsychosi, ducuntur, tum princeps in iis longeque elegantissimus locus ille est, ubi de harmonia agitur, cui animum assimilabant Pythagorei. (2) Fit ita, ut sublimitatem scholae Pythagoricae cum Socratica disserendi diligentia sic conjunctam, ut in *Phaedone* est, in aliis Platonis dialogis haud reperiamus. In hoc equidem dialogo ipsam mihi videor ingenii Platonici maturitatem agnoscere: quae non solum in philosophandi, sed etiam scribendi ratione, quam usurpavit, cernitur. In *Politia* scribendam Plato rerum gravitate, quas inquirebat, occupatus abreptusque videtur, quo minus dramatis rationem constanter sequeretur. Praeclarum prooemium est, et, quamdiu sermonibus interest Thrasymachus, forma dialogi prorsus est dramatica; in proximis vero usque ad exitum operis drama esse desinit dialogus, non est, nisi Socratis cum duobus adolescentibus illis colloquium. Non ita sese *Phaedo* habet. Vi-

de-

(1) *Phaedone* 61. D. (2) *Eod.* 85. E.

detur Plato scribendam Politiam sic omnem justae philosophiam animo esse complexus, ut nunc demum aptus esset factus, qui perfectam eam formam traderet, et, quamvis locum in hac ipsa philosophia longe difficillimum tractaret, mira id faceret facilitate. Nec solum perfecta dici hujus dialogi forma potest; sed lubens adeo auctor scribendi difficultatem auxisse videtur, ut dialogum dialogo includeret. Primum enim Phaedonem cum Echecrate Philunte confabulantem fecit, tum in hos sermones sic inclusit Socratis in carcere cum amicis sermones, ut perpetuus sit ad finem usque Phaedonis et Echecratis sermo. Parem quodammodo dialogi rationem in Ciceronis *de oratore* libris cernimus: in enarrandis Crassi, Antonii caeterorumque sermonibus, suum ipse cum Bruto suo sermonem, quem ab initio instituerat, continuat identidem. Hic autem in dialogis ejus omnium perfectissimus censetur.

De vita beata.

Verum, explicito in hunc modum Platonis de animorum immortalitate placito, accedendum jam nobis ad *νικητήρια*, justitiae virtutisque praemium est, quibus Socrates apud eum deinceps justum, sic reportatam ab injusto, tyrannico isto viro, victoriam, ornandum censeret. Narrat igitur verustam de Ere Armenio sive fabulam sive traditionem, qui, postquam mortuus fuerat, in vitam rediisse dicebatur, quaeque illic viderat audiveratque aperuis.

ruisse. Interfuerat solemnī hominū cum bonorum tum malorum iudicio, de quo ita narrabat. Postquam ex corpore exierat ipsius animus, in locum se quemdam divinum venisse, ubi duo essent terrae, totidemque coeli hiatus: vidisse autem illic iudices sedentes, qui animos iudicarent, ac justos quidem ad dextram in coelum ascendere iuberent, injustos vero ad sinistram in imam terram descendere, utrosque eorum, quae iudicaverant, signa ferentes. In hunc igitur se locum venisse, cumque ad iudices accessisset, illos aiebat dixisse, redire ipsum ad homines oportere, ut quae illic vidisset nunciaret. Viderat igitur per hos coeli terraeque hiatus animos latā sententiā abeuntes; per alteros autem hiatus redeuntes illinc animos, qui e terra ascendebant, pulvere, squalore macieque confectos, qui vero e coelo descendebant, puros. Hic autem cunctos narrabat in prae-
to, tanquam celebri in conventu, sibi invicem obvios, complexos se mutuo fuisse ac percontatos, quae suis in regionibus vidissent, injustos quidem dolentes ac fientes, malorum memoriā, quae sub terris essent perpassi, justos vero, qui de coelo descenderant, de deliciis retulisse infinitaeque pulcritudinis spectaculis (1). Haec Socrates: quibus alia multa adjicit, tum maxime vitarum distributionem, in qua perquam memorabilis est, quam Lachesis habet, Necessitatis filia, oratio: *ψυχὰς ἐφ' ἑ-*

(1) *De Rep.* X. 614. C. — 615. A.

ἐφήμεροι, ἀρχὴ ἄλλης περιόδου θνητοῦ γένους βαπτὴ
φόρου· οὐχ ὑμᾶς δαίμων λήξεται, ἀλλ' ὑμεῖς δαίμονα
αἰρήσεσθε· πρῶτος δὲ ὁ λαχὼν, πρῶτος αἰρεῖσθαι βίη.
ὅς συνέται ἐξ ἀνάγκης· ἀρετὴ δ' ἀδέσποτον, ἢ τιμῶν
καὶ ἀτιμᾶζων, πλεον καὶ ἔλαττον αὐτῆς ἔχει
ἔξει· αἰτία ἐλομένου, θεὸς ἀναίτιος. *Animi in diem
viventes, novi circuitus mortalis ac letiferi generis
initium adest, non vos daemones sortiuntur, sed vos
daemonem eligitis. Cui priori sors obtigerit, prius
obgat vitam. Virtus libera est, quam ut quisque
magis vel coluerit vel neglexerit, ita plus ex ea
vel minus nanciscetur. Culpa eligentis est, Deus
culpa vacat.* (1) Sed nobis neque haec persequenda
porro, neque alia, quae his similia in aliis Platonis
dialogis, maxime in *Phaedone*, exstant, memoran-
da describendaque videntur. Illud vero notemus,
quo et fabulam hanc Plato et ipsam *Politiam* ab-
solvit. Atque haec quidem, ο Glaucō, servata
fabula est nec periit: nosque servabit, si ipsi pa-
remus. Ἄλλ' ἂν ἐμοὶ πειθώμεθα, νομιζόντες ἀνάγκη
τὴν ψυχὴν καὶ δυνατὴν πάντα μὲν κακὰ ἀνέ-
χεσθαι, πάντα δὲ ἀγαθὰ, τῆς ἑνὸς ὁδοῦ ἀεὶ ἐξίμεθα·
καὶ δικαιοσύνην μετὰ Φρονήσεως παντὶ τρόπῳ ἐπιτη-
δεύομεν, ἵνα καὶ ἡμῖν αὐτοῖς φίλοι ᾤμεν καὶ τοῖς
θεοῖς, αὐτοῦ τε μένοντες ἐνθάδε, καὶ ἐπειδὴν τὰ ἄλλα
αὐτῆς κοιμῶμεθα, ὥς περ οἱ νικηφόροι περιαγειρόμεθα,
καὶ ἐνθάδε, καὶ ἐν τῇ χιλιετεί πορεύεσθαι πρῶτον.
Quodsi sermonibus meis obtemperabimus, immortali-
lem

(1) *De Rep.* X. 617. D.

levo futurum animam arbitramur, quique possit et mala omnia et bona sustinere, viam, quae sursum ducit, semper tenebimus, justitiamque cum prudentia omni ratione colemus, ut et nobis ipsis simus et dilectis amici, dum hanc degimus vitam, et postquam virtutis praemia reportaverimus, sicuti qui victoriae palmam gerunt circumeuntes, et hic et in mille annorum itinere bene beateque vivamus. (1) Et, quandoquidem nos ita ad finem disquisitionum nostrarum de philosophia justae pervenimus, quo rectius eam totam perspiciamus, cum Lachesis vocem illam: οὐχ ὑμᾶς δαίμων λήξεται, ἀλλ' ὑμεῖς δαίμονα αἰρήσεσθε· tum verò omnium maxime dictum Socratis in *Theaeteto*, quod supra memoravimus, teneamus: ἀλλ' οὐτ' ἀπολέσθαι τὰ κακὰ δυνατόν, ὃ Θεόδωρε, οὔτε ἐν θεοῖς αὐτὰ ἰδρύσθαι, τὴν δὲ θνητὴν φύσιν καὶ τόνδε τὸν τόπον περιπολεῖ ἐξ ἀνάγκης· nec perire mala possunt, o Theodore, neque apud Deos sedem habere, sed necessario in mortali genere et hoc in loco versantur. Διὸ καὶ πειρᾶσθαι χρὴ ἐνθένδε ἐκεῖσε Φεύγειν ὅτι τάχιστα· Φυγὴ δὲ, ὁμοίωσις θεῶ κατὰ τὸ δυνατόν· ὁμοίωσις δὲ, δίκαιον καὶ ὅσιον μετὰ φρονήσεως γενέσθαι. Quapropter opera nobis danda est, ut hinc illuc fugiamus quam celerime. Fuga autem est, ut Deo fiamus, quoad ejus fieri possit, similes: Deo autem similes nos efficit justitia vitaeque sanctitas cum sapientia conjunc-

(1) *De Rep. X. fine.*

juncta. (1) Haec nempe apud Platonem ratio est, qua homo et sibimet ipsi consulit et veræ particeps fieri felicitatis potest.

(1) Theæt. 176. A.

PLA.

PLATONIS
DE REBUS DIVINIS

EFFATA.

· 'Ουκοῦν ἀγαθὸς ὁ γε θεὸς τῶν
ἔντι τε καὶ λείπτεον οὕτω; —
Τί μήν;

Quod diximus in superioris exordio disquisitionis, instaurandam hac in primis aetate nostrâ philosophiam Socraticam et Platoniam esse, pertinet illud ad veri et magis etiam ad justî philosophiam cum emendandam apud nos, tum firmis fundamentis stabiliendam; sed longe omnium maxime huc spectat, ut religio aliquando nostra cum verâ philosophiâ concilietur. Quod ut optarunt magis, quam sperare ausi sunt majores nostri, ita nostra aetas reapse consequi summâ ope nititur. Nam, qualiscunque tandem sit hodie philosophiae conditio, abhorrent omnes a proterviâ illâ ac petulantia, qua superioris saeculi philosophi despiciere religionem nostram, imo irridere ei solebant. *Fortia ingenia*, quae tum celebrabantur, acsi sibi ipsa sufficerent,

recti, ac suis viribus valerent satis, ut aliunde requirerent nihil, nunc vix memorantur. Illorum adeo multi, qui ab istâ scilicet fortitudine proximè absunt, et ita tamen sua sacrae doctrinae nostrae cum auctoritate confirmare, tum specie ac colore commendare student. Quae cum ita sint, non committendum nobis est, ut ignorari a plerisque Socraticae ac Platonicae philosophiae vim ac praestantiam sinamus. Ab hac enim una maxime expectare, quam omnes desiderare atque expectari videntur, *verae philosophiae cum verâ religione conjunctionem*, licet. Quamobrem nobis, quod adhaec egimus, id nunc praesertim in hoc tractando argumento agendum erit, ut scribendo prodesse aetati nostrae, gravissimisque ejus caussis prospicere, quoad ejus fieri potest, nitamur.

PHILOSOPHIAE SANCTI
DIVINIQUE, UT APUD PLATONEM EST,
PRINCIPIA.

Escendimus ad fastigium doctrinae Platonicae. Nam, ut pulcri philosophia nobis introitus fuit, quo aditus recluderetur ad regnum veritatis ac virtutis, ita nunc, posteaquam in veri justique philosophiâ satis, ut videtur, diu, ad eam recte percipiendam, versati sumus, hinc nobis tandem ad initiationis hujus nostrae τὰ τέλη καὶ ἐποπτικά escendendum est. Nec tamen sic existimare nos decet, quasi nova hic omnia contemplaturi simus. Est haec ad-

admirabilis quaedam philosophiae Platonicae simplicitas, ut, quae praecesserunt, praeparent nos fere ad proxima intelligenda: quae vero subsequuntur, superiora illustrent: caeterum vix quidquam occurrat, quod non quodammodo speratum expectatumque fuerit. Quod nos, ni fallimur, perpetuo in disquisitionibus nostris reapse experti sumus. Nam, prouti ille, qui in pulcri philosophia nos tenuit, Diotimae de via ad pulcrum ipsum per se conspiciendum sermo, aptos nos fecit, qui veri, αὐτοῦ τοῦ ὅτι, et vero *justi* vim adsequeremur, ita tota nostra deinceps de vero et justo disputatio eo apud nos valuit, ut et totum sermonem illum et vero pulcri vim ejusque cum vero et justo necessitudinem interius perspiceremus. Et pariter nunc nobis et singula et universa, quae adhuc vidimus, sufficient, certe proderunt quam plurimum, ad Platonis de rebus divinis effata intelligenda recte. Naturae haec ratio est, in qua apta sibi congrua sunt omnia, nil nobis novum inexpectatumque accidit, sed transitu facillimo lenissimoque et singula et universa conjuncta apparent. Quid? quod revertimur hinc sponte ad ipsum de animo prooemium, quod tamquam τηλαυγὲς προσωπον toti philosophiae praemisit Plato? Continebat illud pristinam animi, antequam hoc corpus induerat, conditionem praeclaram, ut deos secutus, in loco ὑπερουράνιῳ pulcherrimo spectaculo, ipsa spectanda et pulcri et boni et justi, imo sancti divinique perfectā specie frueretur. Quam animi pristinam, imo naturalem

con-

conditionem si illuc perspexerimus recte, hic divina ejus indolem rationemque, qua, philosophiae ducta, illic, unde lapsus est, reduci debeat, ut a Platone demonstrata est, aisequi facillime poterimus. Nec vero, ubi hic nobis de divina natura, de mundi opifice, de rerum natura, in primisque de animi prae corpore praestantia agendum erit, novum id nobis planeque inexpectatum accidet. Latet in omnibus nostris disquisitionibus superioribus harum rerum omnium principia. Verum nos, paratos ita ad interiora illa sacra contemplanda, eoque jam procedentes escendentesque, ut jam jam attingisse philosophiae sancti divinique, ut apud Platonem est, principia videamur, ecce! avocant denuo, ut adhuc fecerunt fere, sophistae ac philosophi, illud nunc maxime usurpantes, quo aliquoties jam aures nostrae personuerunt, nec sanctum esse nec divinum quidquam, ipsam adeo divinam naturam ejusque in nos providentiam nullam esse. Quibus accedunt, ut assolent, poëtae, non negantes illi quidem, esse Deos, sed hos nobis ea specie proponentes, ut nihil habere cum sancto et divino commune videantur. Utrosque autem mittere, antequam, quid maxime sibi velint, cognoverimus, non licet. Imo vero, quo nos ipsi magis cavere a temeritate philosophorum istorum atque a vulgi superstitione, quam poëtis debet, didicerimus, eo tutius faciliusque iter nos nostram persequemur. Ergo, age, quid dicant utrique illi, in primisque philosophi, audiamus.

Phi-

*Philosophorum
de diis ac divina providentiâ
placita.*

Incidimus inscii, o Megille et Clinia, — sic Hospes Atheniensis apud Platonem — in mirabilem sermonem. Cui Clinias, quem maxime dicis? — Illum, qui a multis habetur omnium sermonum sapientissimus. — Dic manifestius. — Dicunt nonnulli, ὥς πάντα ἐστὶ τὰ πράγματα γιγνόμενα καὶ γενόμενα καὶ γενησόμενα, τὰ μὲν, φύσει, τὰ δὲ, τυγχῆ, τὰ δὲ διὰ τέχνην· *res omnes, quae fiunt, quae factae sunt quaeque fiunt, partim naturâ, partim fortunâ, partim per artem fieri.* Maxima quaeque, ajunt, et pulcerrima naturam ac fortunam efficere, minora vero artem: hanc autem, acceptâ a naturâ maximorum principumque operum generatione, fingere ac fabricari minora omnia, quae *artificiosa* fere dicuntur. Veluti ignem dicunt, aquam, terram, aërem naturâ esse et fortunâ, arte autem nihil horum: his facta esse terram, solem, lunam, sidera, fortunâque, quo unumquodque vis sua impulit, singula singulis, frigida calidis, sicca humidis, mollia duris, omnino contraria contrariis, convenisse ac necessaria temperata fuisse. Hoc pacto coelum totum et quae in eo sunt omnia, animalia quoque et plantas fuisse producta: non per mentem, neque per Deum aliquem, neque per artem, sed naturâ, ut diximus, et for-
tu-

tunâ. Artem postea ex his factam, mortalem ex mortalibus, ludicra quaedam negotia genuisse, veritatis quidem non magnopere participia, sed simulacra quaedam sibi ipsis cognata, qualia pictura, musica, caeteraeque artes his similes generant. Si quae vero artes serium aliquid faciunt, eas esse, quae vim suam cum natura communicant: qualis est medicina, agricultura, gymnastica. Civilem praeterea prudentiam, ajunt, parvâ quadam parte cum naturâ, magnâ vero cum arte convenire, atque ita universam legislationem non naturâ, sed arte, cujus non vera sunt decreta, constare. Deos scilicet isti, non naturâ esse ajunt, sed arte et legibus quibusdam informari. (1) Hic Clinias, qualem tandem, o hospes, sermonem enarrasti, quantamque juvenum pestem et publice civitatibus et privatim domibus illatam!

Haec igitur philosophorum de Diis placita Platonis aetate celebrabantur maxime: quibus alii sic repugnabant, ut esse Deos ponerent, sed simul ut nullam esse eorum in rerum naturam et nosmet ipsos providentiam, contenderent. Nobis vero, anteaquam iis puriorem quandam saniolemque doctrinam apponamus, quae in Platonis exstat philosophia, poëtae item antiqui considerandi sunt, quorum in carminibus Dii mirâ informantur specie, ut a sancto divinoque, quod in primis quaerimus, prorsus abhorrrere videantur.

De

(1) *De Legg.* 888. D. — 889. E.

*De poetarum ratione,
qua Deos nobis in carminibus
informarunt.*

Excitandus hñc nobis denuo est Glauconis in *Politia* sermo, ubi, quo plenius Socrates justitiam vindiceret, poetarum inepta commemorat de Diis ef-fata, quibus moti adolescentes injustitiam facile justitiae praeferunt. (1) Dicat, ait, aliquis: in con-temnendā justitiā Deos latere non possumus nec impedire, quo minus nos poenis afficiant. Nos vero reponamus: atqui, si non sint Dii vel res humanas non curent, nobis non curandum, ut la-teamus illos; sin adsint atque homines regant, id non aliunde, nisi e poetarum carminibus cognovi-mus: dicunt autem iidem, posse Deos sacrificiis suavisque precibus ac muneribus flecti. Quibus vel utrumque credendum est vel neutrum. Si cre-dendum, injuste agere licet, si modo ex ipsā ra-pinā Diis sacrificia offeramus. Nam, si justī su-mus, illaesi quidem a Diis erimus, sed lucra, quae per injustitiam comparantur, respuemus: in-justi vero, divitias parabimus, sceleribusque per-petratis, illos precibus flectentes, poenā liberabimur. Nec vero dicat quis: apud inferos poenas dabimus eorum, quae hñc injuste commiserimus: scilicet, o bone, respondebimus, expiationes pro peccatis com-mis-

(1) Cf. supra p. 45-47.

missis multum valent, exorabilesque Dii sunt, et maximae civitates affirmant ac Deorum filii, poëtae. (1)

De superstitione.

Memorandis hisce poetarum effatis, describit nobis Plato abjectam simul, quae ipsius aetate grassabatur, superstitionem: a qua ne nostrum quidem aevum, quamvis optimae religionis luce illustratum, abhorret plane. Incidimus autem ita mente et cogitatione in nulla non superstitionis genera, in quibus sunt, quae vitam hominum conturbent plane, quippe vanis contenta divinationibus. *Instat enim, sic Cicero de hac superstitionis ratione, et urget, et, quo te cumque verteris, persequitur: sive tu vatem, sive tu omen audieris, sive immolaris, sive avem adspexeris: si Chaldaeum, si haruspicem videris: si fulserit, si tonuerit, si tactum aliquid erit de coelo: si ostenti simile natum factumve quippiam: quorum necesse est plerumque aliquid eveniat: ut nunquam liceat quietam mente consistere. Perfugium videtur omnium laborum et sollicitudinum esse somnus; at ex eo ipso plurimae curae metusque nascuntur: qui quidem ipsi per se minus valerent et magis contemnerentur, nisi somniorum patrocinium philosophi suscepissent.* (2) Quo magis apponenda his omnibus Platonis doctrina videtur, quae ex ipso hominis animo ducta, illuc nos, ni fallimur, adducet aliquan-

(1) *De Rej.* II. 365. D. — 366. B. (2) *Cic. de divin.* II. 72.

quando, quo per omnes has de pukro, de vero, deque justo disquisitiones constanter tetendimus, id est, ad sanum quoddam de rebus divinis iudicium. Hinc Cicero ut profecerat quam plurimum, ita optimas quasque duxit de puriore religione sententias, quas in libris *de natura Deorum* ac *de divinatione* prodidit, ut, his ad finem perductis, sic scriberet. *Explodatur haec quoque somniorum divinatio pariter cum ceteris. Nam, ut vere loquamur, superstitio fusa per gentes, oppressis omnium fere animos, atque hominum imbecillitatem occupavit: quod et in iis libris dictum est, qui sunt de natura Deorum, et hac disputatione id maxime egimus. Multum enim et nobismet ipsis et nostris profuturi videbamus, si eam funditus sustulíssemus.* (1) Addit his autem, quod Socraticae plane et Platonicae philosophiae convenit. *Nec vero (id enim diligenter intelligi volo) superstitione tollendâ religio tollitur. Nam et majorum instituta tueri sacris caerimoniisque retinendis, sapientis est, et esse praestantem aliquam aeternamque naturam, et eam suspiciendam admirandamque hominum generi, pulcritudo mundi ordoque rerum coelestium cogit confiteri. Quamobrem, ut religio propaganda etiam est, quae est juncta cum cognitione naturae, sic superstitionis stirpes omnes ejiciendae.* (2) Nos autem, ut in exponendâ philosophiâ sancti, sicuti proditum in Platonis scriptis est, ordine progrediamur, ab ejus principio ordiamur.

De

(1) Cic. eod. l.

(2) Cic. eod. l.

*De sancti divinique
stadis, homini naturā insito.*

Divina est, ut in sublimi philosophiae proœmio, quod *Placidus* continetur, nos docuit Plato, animi humani indoles. Nam, antequam hoc corpus indueret, versatus in Deorum choris est, ubi una cum illis puram intaminatamque veritatem in coeli cubitane spectaret: quo factum, ut, exclusus deinde, propter rerum sensibilibus appetitum, sacris hisce cunctis maximis, desideraret ea tamen, quippe naturā ipse sui veritatis rerumque sanctarum ac divinarum cupidus. (1) Respondet pronœmio ipsa *Placidus* philosophia, uti exposita ab eo in *Placidus* est. Nam, missa ratione poëtica, demonstrat illic philosophus, nil aliud esse discere, nisi reminisci, quod ex eadem illa superiore animi viâ repetit. Hic autem, divinam esse animi indolem, adhibita ejus cum corpore comparatione, datâ operâ efficit. Duo, ait Socrates illic, rerum genera ponamus, alterum visibilibus, invisibilibus alterum, quorum hoc eodem se semper modo habeat, illud nunquam eodem. Invisibili animus similior est, visibili corpus. Animus enim quoties ad considerandum cognoscendumque aliquid corpus ejusque sensus tamquam socios assumit, toties trahitur a corpore ad ea, quae nunquam eodem modo sunt,

va-

(1) V. supra Vol. I. p. 87. sqq.

vagatur incertus ac perturbatur et quasi ebrius vacillat. Ὅταν δέ γε αὐτὴ καθ' αὐτὴν σκοπῇ, ἐκείσε οἷχεται εἰς τὸ καθαρὸν τε καὶ αἰὲ ἐν καὶ ἀθάνατον καὶ ὡσαύτως ἔχον· καὶ, ὡς συγγενὴς οὔσα αὐτοῦ, αἰὲ μετ' ἐκείνου γλυνεται, ὅταν περ αὐτὴ καθ' αὐτὴν γένηται· *Quoties vero animus per semet ipsum cogitat, illuc tendit, ad purum, sempiternum, immortale, semper eodem modo se habens: et tamquam ipsius cognatus semper inhaeret illi, quoties ipse redierit in seipsum.* Unde nemo non efficit sponte, simillio-rem animum esse ei, quod semper eodem se modo habet, quam rebus mutabilibus. Sed huc item specta: quamdiu in eodem sunt animus et corpus, hoc quidem servire natura jubet, illum vero prae-esse atque dominari. Quamobrem nonne divino animus, corpus vero mortali simile esse videatur? Ex his igitur omnibus colligamus, τῷ μὲν θεῷ καὶ ἀθανάτῳ καὶ νοητῷ καὶ μονοειδεῖ καὶ ἀδιαλύτῳ καὶ αἰὲ ὡσαύτως καὶ κατὰ ταυτὰ ἔχοντι ἑαυτῷ, ὁμοιότατον εἶναι ψυχὴν· *divino, immortali, intelligibili, uni-formi, indissolubili, semper eodem modo et secun-dum eadem seipsum habenti, animum esse similli-mum;* humano vero, mortali, non intelligibili, multiformi, dissolubili, nunquam eodem modo se habenti, simillimum esse corpus. (1)

Haud facile quis, opinor, lectis hisce riteque perspectis, dubitabit, undenam Plato philosophiae sancti principium duxerit. Non finxit ille, ut pos-
tc-

(1) *Phaedone* 79. A. — 80. B.

terioris aevi philosophis placuit, Deum constans, e ceteris, quam informasset, naturā omnem repetere explicaretque rerum divinarum doctrinam. Modestus Plato: utque philosophum decebat, e Socratici schola profectum, sciret ipsum, i. e. animi hominis e gnosceret studuit, quo magis ex ejus naturā atque indole, non, quid esset Deus, efficeret ceteris pronuntiaretque, sed ad divinae naturae cognitionem sensim paulatimque progrediretur. Sic autem philosophiae non posuit pro arbitrio principia quaedam, quibus, tamquam fundamentis, doctrinae aedificium superstrueret, sed summo ejus principio ex ipsa *hominis* naturā, e sancti divini-que studio, quod nobis inest, ducto, facile similiter ipse viam aperuit, qua apte deinceps ad sanctum divinumque procederet, ut tandem aliquando in *Timaeo* sublimia illa de Deo, tamquam mundi opifice et gubernatore, effata ederet. Haec via quatenam sit, proximum est ut inquiramus: erit autem nobis ad hoc in primis argumentum recte tractandum, summa discernendi diligentia adhibenda.

PHILOSOPHIAE PLATONICAE
VIA, QUAE NOS AD SANCTUM DIVINUMQUE
EVEHIT.

Haud praeclare profecto de philosophia Platonis meriti sunt, qui, aliquot post eum saeculis, ipsius placita cum alia, tum maxime de sanctitate hominis cum novitiorum Pythagoreorum placitis
con-

c respondet, ut ex animi naturâ efficiat, potius
 animum ac priorem corpore esse: quo ad mun-
 dum hunc adspectabilem traducto, qui rebus cor-
 poreis constat, pariter inde concludit, antequam
 mundus exstiteret, animi affuisse divini cùjusdam
 im, quâ φύσις sit, quam loquuntur, orta. Id
 utem postquam fusâ demonstratione confecit, hæc
 addit. Ei ergo, qui Deos esse negat, positus ter-
 minis, sermonem jam relinquamus; sunt autem illi
 ejusmodi, ut vel doceat, nos non recte opinari,
 cum animum dicimus prae caeteris omnibus primum
 exstitisse, quæque a nobis consequenter dicta sunt,
 vera non esse, vel, si nihil melius, quam nos,
 dicere potest, nobis credat, atque ita in posterum
 vivat, ut de Diis non ambigat. (1)

Et hinc quidem ducere continuo Plato potuit,
 quod aliis negare placebat, esse providentiam Deo-
 rum, eosque res minimas non minus, quam maxi-
 mas, curare. Sed his item hominibus meliorem
 sententiam persuadere, quam monstrare et probare,
 malebat. Sic igitur porro Atheniensis ille. Ad-
 versus istos finem jam habeat disputatio nostra:
 qui autem esse quidem Deos existimat, sed non
 curare res humanas, huic sic persuadeamus. ὦ
 ἄριστε δὴ, Φῶμεν, ὅτι μὲν ἡγῆ θεοὺς, συγγενεῖά τις
 ἴσως σὲ θεία πρὸς τὸ ξύμφυτον ἀγεί τιμῶν καὶ νομί-
 ζειν εἶναι. *Virorum optime, dicamus, natura quae-
 dam divinitati cognata ad rem tibi conjunctam af-
 fir-*

(1) *De Legg.* X. 899 C.

firmendam colendamque ducit, quum Deos esse asseris. Sed improborum injustorumque hominum publicę privatimque successus, qui, licet revera felices non sint, vulgo tamen felices habentur, & carminibus frequenter ac sermonibus extolluntur, temere ad impietatem te præcipitem agunt: vident etiam, cum scelestos homines videas sic ad senectutem pervenire, ut filios atque nepotes maximè condecoratos honoribus relinquant, perquam turbaris. Propterea cum Deos harum rerum auctores esse, propter ipsam cum illis cognationem, incusare, inque eos peccare nolis, huc tandem delapsus es, ut, licet Deos esse arbitrere, humanas tamen res ab illis negligi credas. Ne igitur hæc opinio ad graviores te ducat impietatis morbum, remedium, pro viribus opinionem hanc refutantes, adhibeamus. (1)

Proficere ex his Platonis locis Stoici debuerant, quum adversus Epicureos sententiam suam de Diis eorumque providentia propugnarent. Humanius sane et profecto majore cum persuasione dixissent. Nec vero Plato, quod ipsam attinet rei demonstrationem, minore, quam illi, disputandi diligentia usus est. Præivit iis optimam, quam sequerentur ac tenerent, viam. Sic apud eum porro Hospes ille, vel ipse potius senex. Non erit forsitan difficile demonstrare, Deos non minus minimarum rerum, quam maximarum, curam habere. Age, nonne temperantem esse ac

52-

(1) *De Legg.* X. 899 D. — 900 B.

sapientem, virtuti tribuitur, contrarium vero vitio?

— Certe. — Quid? nonne fortitudo etiam tribuitur virtuti, ignavia vitio? — Quidni? — Ex iis haec turpia, illa vero honesta dicuntur? — Dicuntur. —

Καὶ τῶν μὲν προσήκειν ἡμῖν, ὅποσα φλαῦρα· θεοῖς δὲ οὔτε μέγα οὔτε σμικρὸν τῶν τοιούτων μετὸν ἐροῦμεν;

Et quae in his vitia sunt, nobis inesse posse; Deos vero eorum participes nullo modo dicemus? — Et

haec quivis concesserit. — Numquid negligentiam, desidiam, delicias, animi virtutem putabimus? an contrarium? — Contrarium. — Qui deliciis, ne-

gligentiae desidiaeque deditus est, quem poeta ignavis maxime fucis similem rectissime dicit, (1)

nonne odio nobis habendus? — Omnino. — Οὐκ-

εὖν τὸν γε θεὸν οὐ ῥητέον ἔχειν ἥθος τοιοῦτον ὃ γέ τοι αὐτὸς μισεῖ· τῷ τέ τι τοιοῦτον φθέγγεσθαι πει-

ρωμένῳ οὐκ ἐπιτρεπτέον. *Non ergo dicendus Deus*

tales mores habere, quos ipse odit: nec conceden-

dum ulli est ita dicere. — Nullo modo. — Por-

ro, quod rerum minimarum curam attinet, si cui magnum negotium perficiendum est, is vero ma-

xima quaeque curat, minima negligit, quomodo

hunc laudantes non errabimus? nam aget ita, vel,

quia nihil interesse totius putat, si parva negligun-

tur, vel, quia, licet interesse opinetur, inertiam mol-

litieque detentus, negliget. — Sic se res habet. —

Sed nunc illi duo tribus nobis respondeant, qui,

licet esse Deos concedant, alter tamen facile pla-

ca-

(1) Hesiodus *Op. et dier.* vs. 300. Cf. Ruhnk, *ad Tim.* p. 157.

cabiles, alter in rebus parvis negligentes putat: primumque sic interrogentur: ambo vos Deos asseritis scire, videre, audireque omnia: nihil posse ipsos effugere eorum, quae aut sensu aut intellectu percipiuntur? Haecine ita esse dicitis, an aliter? — Sic. — Deinde omnia eos posse, quaecunque mortales immortalesve possunt? — Quidni et haec concedent? — Bonos etiam, imo optimos esse, nos quinque confessi sumus. — Omnino. — Nulli ergo inertiam capi, nullam mollitiam possunt, quandoquidem tales sunt, quales esse consensimus: nam ex ignavia nobis inertia oritur: negligentia autem ex inertia atque mollitie. — Vera loqueris. — Ἀργίᾳ μὲν δὴ καὶ ῥαθυμίᾳ οὐδεὶς ἀμελεῖ θεῶν· οὐ γὰρ μετέστι αὐτῷ που δουλίας. *Nullus ergo Deorum inertiam ac negligentiam quidquam negligit: nullius enim ignaviae Deus est particeps.* — Recte. — Utrum vero, o bone, te dicere existimabimus? Deosne propter ignorantiam, cum providere debeant, non providere, an, sicuti improbos homines dicimus, meliora quidem videre, deteriora sequi, sic Deos, quamvis sciant providendum esse, similiter non providere? — Quomodo id fieri possit? — Οὐκοῦν δὴ τάγε ἀνθρώπινα πράγματα τῆς τε ἐμφύχου μετέχει φύσεως ἅμα, καὶ θεοσεβέστατον αὐτό ἐστι πάντων ζώων ἄνθρωπος. *Praeterea res humanae viventis naturae participes sunt: et homo ipse prae caeteris animalibus Dei cultor diligentissimus est.* Quin etiam mortalia cuncta ventia a Diis possideri, quemadmodum et coelum universum,

sum, dicimus. — Procul dubio. — Jam igitur, sive parva haec, sive magna quis dixerit Diis esse, nullo modo, cum providentissimi atque optimi sint, negligenda illis ipsorum possessio est. — Nullo modo. — Quid vero? si medicus in corpore curando magnis providerit, parva contemserit, bene se corpus habebit? — Non sane. — Sed nec gubernatores, nec imperatores, nec patresfamilias, nec civitatum moderatores, neque ulli omnino tales, paucis ac parvis neglectis, recte multa et ingentia regent: οὐδὲ γὰρ ἄνευ σμικρῶν τοὺς μεγάλους φασὶν οἱ λιθολόγοι λίθους εὖ κεῖσθαι: nam lapides quoque magnos sine parvis bene sistere negant architecti. — Et recte quidem illi. — Μὴ τοίνυν τόνγε θεὸν ἀξιῶσωμέν ποτε θνητῶν δημιουργῶν φαυλότερον. Caveamus autem, ne Deum mortalibus opificibus villorem putemus. Illi scilicet, quanto peritiores artis sunt, tanto in propriis ipsorum operibus et parva simul et magna exquisitius absolutiusque perficiunt: Deus vero, qui sapientissimus est, et curare vult ac potest, magnis quidem providebit solum, parva autem, quae facilius gubernari possunt, propter ignaviam ac socordiam negliget? — Nullo modo hanc, Hospes, de Diis opinionem admittendam putamus: nefaria est enim illa ac prorsus falsa sententia. (1)

Lubens sane equidem, nec solummodo ad interpretandam Platonis de Deo, universi auctore ac
mo-

(1) *De Legg.* X. 900 C. — 903 A.

moderate, doctrinam, haec philosophi loca ex
eius *Legibus* adduxi. Nam habet hoc opus Plato-
nis scilicet quam plurimum, quo vehementer nos
capiat ac teneat. In caeteris ejus dialogis vel So-
crates, vel hospes aliquis Eleantes, vel unus e Py-
thagoreorum principibus summas habet partes, et
hinc nos auctor. Hic vero non obscure se ip-
sum significavit Plato, quem Atheniensem inducit
hospitem cum Crete illo et Lacedaemonio ag-
nem, Atticaeque gentis ac civitatis prae Cretensibus
ac Lacedaemoniis praestantiam celebrantem. Atti-
cae rationis elegantiam, humanitatem, tum vero
etiam solertiam prudentiamque in singulis fere dic-
tis sententiisque agnoscimus. Quid autem nobis
suaevius potest accidere, quam ipsum Platonem,
sicuti hic se tandem nobis prodidit, paulo inter-
• rius cognoscere? Philosophorum enim principum
ut doctrinam accipimus lubenter, ita indolem in
primis, quales ingenio moribusque fuerint, per-
spicere aequimus. Apparet autem hic nobis Plato
non solum ingenii illa sagacitate ubertateque in-
signis, quam referunt probantque caetera item ejus
scripta; sed illa se etiam commendans humanitate
atque in genus humanum benivolentia, ut, quem
suspereramus fere atque admirati fueramus, cum-
dem nunc amemus atque colamus. Quamobrem,
quo magis ipse aetate provehor, eo lubentius equi-
dem et lego hoc opus et in aliorum usum loca
ex eo commemorare soleo. Quae autem nunc ex
eo protuli, valere quam plurimum ad ipsius *Ti-*

macum

macum intelligendum putavi. Nam, ut in dialogo illo Dei veluti imaginem informaverat, ita senex tandem, in *Legibus* scribendis, hanc suam de divinâ naturâ sententiam rationibus persuadere studuit. Nos igitur his, ut speramus, praeparati, ad dialogum illum illustrem, omnium, qui scripti a Platone aliisque sunt, longe celebratissimum, nunc tandem accedamus.

De Timaeo Platonis.

Vere profecto Cicero, difficillimam esse hujus dialogi interpretationem, judicat: res enim ipsas, de quibus agitur, obscuras esse. *Interdum, ait, rerum obscuritas, non verborum, facit, ut non intelligatur oratio, qualis est in Timaeo Platonis.*⁽¹⁾ Accedit musicae, ut illic cum mathematicorum rationibus conjuncta est, difficultas: quod Quintilianus animadvertit. *Plato, ait, cum in aliis quibusdam, tum praecipue in Timaeo ne intelligi quidem, nisi ab iis, qui musicam quoque diligenter perceperint, potest.*⁽²⁾ Quae cum communis sit Veterum de *Timaeo* sententia, frustra adhuc laborarint recentiores, ut superarent difficultates istas, ego sane audax esse et temerarius viderer, si interpretando explicare totum hunc dialogum aggrederer. Nec vero id ab initio negotii suscepti, ut scripta Platonis deditâ opera interpreterer, sed hoc

(1) *De Fin.* II. c. 5.

(2) *Quinct.* I. 10.

hoc scilicet maxime, ut, philosophiâ ejus ex ipsius scriptis explicandâ, hisce ita simul notabilibus affunderem. Itaque nos adhuc, ut singulis tractavimus philosophiæ Platoniciæ locos, ita singula ejus, quæ illuc pertinent, dialogorum genera, eroticum, dialecticum, politicum, ethicum illustrare studuimus. Nec dubito, quin nunc de *Timæo* Platonis eo rectius judicaturi simus, quo magis omnem philosophi doctrinam de rebus divinis atque humanis adsecuti fuerimus. Vicinus contingo, quid eo scribendo auctor spectaverit.

Confecta *Palæria*, scriptoque deinceps, ut mihi quidem videtur, *Phædoæ*, opus maximum et apte cum *Palæria* conjunctum aggressus Plato est: quod ex ipso *Timæi* exordio patet. Nam fingitur Socrates sermones illos, quos de justo deque optimâ civitate cum Glaucone, Adimanto caeterisque, qui adfuerant, habuerat aliquando, pridie *Timæo*, *Crítiæ*, *Hermocrati*, tum etiam quarto cuidam, qui nunc valetudinis causâ abest, enarrasse: finguntur hi item, auditis sermonibus illis, sic convenisse inter se, ut, prouti nunc hisce capitibus excepti a Socrate fuerant, ita ipsi crastino die vice suâ Socratem suis sermonibus excepturi essent. Sic nempe accipiendum proœmii initium est, quod ita se habet. Εἰς, δύο, τρεῖς, δ' οὖν δὴ τέταρτος ἡμῶν, ὃ φίλε Τίμαιε, πού, τῶν χεῖς μὲν διαιτυμόνων, ταῦν δὲ ἐπιστόρων; Τιμᾶσθ' ἐπειδὴ τις αὐτῷ συνέπεσεν, ὃ Σώκρατες· οὐ γὰρ ἀνέχων τῆςδε ἀπελείπετο τῆς συγκυρίας. Σ. οὐκ οὔ.

οὖν σὸν τῶνδ' ἐργον, καὶ τὸ ὑπὲρ τοῦ ἀπόντος ἀναπληροῦν μέρος. Τιμ. Πάνυ μὲν οὖν· καὶ κατὰ δύναμιν γε οὐδὲν ἐλλείψομεν· οὐδὲ γὰρ ἂν εἴη δίκαιον, χθὲς ὑπὸ σοῦ ξενισθέντας οἷς ἦν πρέπον ξενίοις, μὴ οὐ προθύμως σὲ τοὺς λοιποὺς ἡμῶν ἀντεφesiῶν. *Unus, duo, tres: quartus vero, o amice Timaeo, corum, qui a me heri sermonum convivio excepti sunt, nunc autem me vicissim excipiunt, ubinam est? Tim. Adversā aliquā valetudine laborat, o Socrates: non enim sponte ab hoc coetu et disputatione abstinuisset. So. Ergo tuum, o Timaeo, et horum erit officium, quarti illius absentis partes explere. Tim. Erit omnino: nec quidquam, quoad ejus fieri poterit, praetermitteremus: nam, cum laute a te heri excepti fuerimus, haud aequum sit, si non pari te alacritate, qui hīc sumus, vicissim excipiamus.* (1) Quis sit quartus ille, quem memorat [Socrates, a multis quaesitum est. Mihi Plato, uti jam significavi, semet ipsum videtur spectasse. Similiter de se in *Phaedone* scripserat: Πλάτων δὲ, οἶμαι, ἡσθένει. Plato autem, ut arbitror, adversā valetudine laborabat.] (2) Aegerrime scilicet philosophus eo videtur traduci potuisse, ut in dialogis suā ipse personā prodiret. Sic item Cicero. In dialogis *de oratore*, *de claris oratoribus*, *de republicā* Crassi, Scipionis aliorumque personam induerat, se occultaverat, donec tandem in libris *de Legibus* aliisque bene multis suo ipse prodiit nomine. Quod non

mo-

(1) *Timaeo* 17. A. B. (2) *Phaedone* 59 B.

modestiae equidem tribui velim: hanc non magno-
pere in Veteribus, minime omnium in Cicerone,
agnosco; sed repugnare id dialogorum rationi vide-
batur, in quibus non magis, quam in dramatibus
tragicis, existimabatur decorum, se ipsum osten-
dere. Idcirco Plato postremo demum sub Hospitis
Atheniensis nomine se prodidit, eoque pervenisse
ita videtur, ut primum in *Apologiâ* et *Phaedon*
nominis sui mentionem faceret, tum in *Timaeo*
scribendo hoc faceret Socratem Timaeo dicentem:
οὐκ οὐν ἐν τῷδὲ τε ἔργῳ, καὶ τὸ ὑπὲρ τοῦ πάντος
ἀναπληρῶν μέρος: quo nempe haud obscure indi-
caret, suam ab illo sententiam explicitam fuisse.
Sed de sermonum dapibus videamus, quibus So-
cratem illi excepturi erant. Cupio, ait Socrates,
civitatem hancce, quam verbis condidimus, reapse
vigentem atque in motu et actione contemplari,
sicuti quis animalia, sive picta sive quiescentia,
cernere aveat viventia et agentia. Quod postquam
dixerat, roganti ei recipit Critias, ut Athenien-
sium civitatem, qualis secundum traditiones Aegyp-
tiorum sacerdotum, a Solone celebratas, summo
olim vigore fuerat, quum bella cum Atlantidis in-
colis ageret, describat. Tum sic pergit: vide,
Socrates, convivii, quod tibi paramus, dispositio-
nem. Placuit nobis, ut Timaeus, ἄτε ἀστρονομικώτατος
ἡμῶν, καὶ περὶ φύσεως τοῦ πάντος εἰδέναι μάλιστα
ἔργῳ πεπονημένος, quippe astronomiae nostrorum
omnium peritissimus, maximeque in rerum naturâ
cognoscendâ versatus, primus dicat, ita ut, ducto

a mundi generatione initio, ad genus humanum perveniat: ego autem deinceps, suscipiens homines a Timaeo genitos, a te vero institutos, secundum Solonis sermonem legemque in iudicium vestrum adducam, civitatisque hujus cives efficiam eos, qui prisci illi Athenienses fuerunt, quos jam extinctos sacrae Aegyptiorum literae in lucem e tenebris eduxerunt, ut de illis, tamquam de veteribus Atheniensibus, verba fiant.⁽¹⁾ Cernimus hinc, quam vastum post *Politiam* opus susceperit Plato. Et *Critiam* quidem dialogum, quo et auream illam Athenarum aetatem et insulam Atlantidem celebraturus erat, inchoatum reliquit; *Timacum* vero ipsum, quo hanc instantium operum distributionem instituit, sic absolvit, ut suam omnem in illo de mundo, de Deo ac de homine doctrinam explicaret.

Interpretati hunc dialogum multi ita sunt, ut minus Platonis de rebus divinis et humanis placita, quam suam ipsi cum philosophicam, tum theologicam doctrinam attenderent, eamque interpretando antiquitati ac Platoni obtruderent.⁽²⁾ A qua nos temeritate eo facilius cavebimus, quo diligentius ipsa Platonis placita ex ejus scriptis declarare studuimus. Sed ipsum continuo Timaeum dis-

(1) *Tim.* 27 A. B. (2) V. Cudworth, *System. intell.* ed. Moshemio: quamquam Moshemius, qua erat cum ingenii sagacitate, tum doctrinae copia, rectius, quam Patres Ecclesiae ipseque Cudworthius, his de rebus judicavit.

disserentem audiamus, ubi de Deo ac mundo dicere aggreditur.

Cum omnes, ait, qui mentis quoquo modo copotes sunt, in operis cujuslibet vel magni vel parvi principio invocare Deum soleant, quanto nos æquius est, de universo, sive genitum sit, sive non genitum, disputaturos, invocare divinam opem! Ergo Deos omnes Deasque precamur, maxime quidem, ut ea dicantur a nobis, quæ illis placeant, deinde, ut nobismet ipsi consentiamus. Et si quidem Diis invocatis, nobis consulendum, ut constet, quemadmodum et vos percipiat is facillime, quæ traditurus sum, et ego, quæ sentio, optime declarem. Sunt igitur de mea sententia hæc distinguenda continuo: τί τὸ ἐν μὲν αἰεὶ, γένηται δ' οὐκ ἔχον· καὶ τί τὸ γιγνόμενον μὲν, ἐν δὲ οὐδέποτε. Τὸ μὲν δὴ, ἵσχυται μετὰ λόγου περιληπτὸν, αἰεὶ κατὰ ταυτὰ ἐν, τὸ δ' αὖ δέξῃ μετ' αἰσθήσεως ἀλόγων, ὁ ἔκαστον, γιγνόμενον καὶ ἀπυλλόμενον, ἐνταῦς δὲ οὐδέποτε ἐν· quid sit, quod semper est neque ullum habet exitum, quid item, quod gignitur nec umquam est. Horum alterum intelligentiâ et ratione comprehenditur, quod unum semper atque idem est: alterum, quod affert opinionem per sensus, rationis experti: quod totum opinabile est, id gignitur et interit neque umquam esse vere potest. Omne autem, quod gignitur, ex aliqua causa gigni necesse est: nullius enim rei, causâ remotâ, reperiri origo potest. Quocirca si is, qui aliquod munus efficere molitur, eam speciem, quæ semper est eadem, intruebitur

tque eam sibi proponet exemplar, praeclarum opus efficiat necesse est; sin autem illam, quae gignitur, nunquam illam, quam expetet, pulcritudinem consequetur. Omne igitur coelum, sive mundus, sive quovis alio vocabulo gaudet, hoc a nobis nuncupatum sit. De quo id primum consideremus, quod principio est in omni quaestione considerandum, semperne fuerit, nullo generatus ortu, an ortus sit ab aliquo temporis principatu. Ortus est: quandoquidem cernitur et tangitur et est undique corporeus. Omnia autem talia sensum movent: sensusque moventia quae sunt, eadem in opinione considunt, quae ortum habere gigni-que diximus: nihil autem gigni posse sine caussis.

Τὸν μὲν οὖν ποιητὴν καὶ πατέρα τοῦδε τοῦ παντὸς εὐρεῖν τε ἔργον, καὶ εὐρόντα, εἰς πάντας ἀδύνατον λέγειν· τὸδε δ' αὖ πάλιν ἐπισκεπτέον περὶ αὐτοῦ, πρὸς πότερον τῶν παραδειγμάτων ὁ τεκταινόμενος αὐτὸν ἀπειργάζετο· πότερον πρὸς τὸ κατὰ ταυτὰ καὶ ὡς αὐτῶς ἔχον, ἢ πρὸς τὸ γεγονὸς. Εἰ μὲν δὴ καλὸς ἐστὶν ὃδε ὁ κόσμος, ὃ, τε δημιουργὸς ἀγαθός, δῆλον ὡς πρὸς τὸ αἰδῖον ἔβλεπεν· εἰ δὲ (ὃ μὴδ' εἰπεῖν τινὶ θέμις) πρὸς τὸ γεγονός· παντὶ δὲ σαφές ὅτι πρὸς τὸ αἰδῖον· ὁ μὲν γὰρ κάλλιστος τῶν γεγονόντων, ὁ δ' ἄριστος τῶν αἰτίων.

Aique illum quidem quasi parentem huius universitatis invenire, difficile: et cum jam inveneris, indicare in vulgus, nefas. Rursus igitur videndum, ille fabricator tanti operis utrum sit imitatus exemplar, idne, quod semper unum et idem, et sui simile, an id, quod generatum, ortum-

numque dicimus. Atqui si pulcher est hic mundus, si probus ejus artifex: profecto speciem aeternitatis imitari maluit: sin secus, quod ne dictu quidem fas est, generatum exemplum est pro aeterno uentus. Non igitur dubium, quin aeternitatem noluisset exsequi, quandoquidem neque mundo quicquam pulcrius, neque ejus aedificatore praestantius. Sic ergo generatus, ad id est effectus, quod ratione sapientiaque comprehenditur, atque immutabili aeternitate continetur. Ex quo efficitur, ut sit necesse, hunc, quem cernimus, mundum simulacrum aeternum esse alicujus aeterni. (1)

Intelliguntur haec facile, ni fallimur, e Platonis doctrina de mundo *κοσμῷ* ac de ideis, quam in veri philosophia exposuimus. Ipsa ejus de Deo atque universo placita e Pythagorica sunt disciplina rependa: et vero Pythagoreus ac princeps adeo hujus scholae ille est, quem haec exponentem Plato induxit. Attamen Platonica sunt, quae hic de *τῷ βεβηκυμένῳ* et *τῷ γιγνομένῳ*, de *νοήσεως* et *δοξῆς* discrimine dicuntur. Platonica in primis, quae cum ideis, tum maxime *τὸ ἀγαθόν* spectant. Nos cum locum illum in philosophia Platonis, qui de ideis est et de idealibus, quae vocantur, explicaremus, non aliunde, sed hinc unice interpretationem nostram duximus. Et nunc quidem, postquam haec dicentem Timaeum audivimus, non dubitabimus, quin Deus apud Platonem ipsius sit veritatis ex-

(1) *Timaeo* 27 C. — 29 A.

emplar, nec vero opinabimur, quod multis placuit, τὸ ἀγαθὸν apud Platonem de ipso Deo accipiendum esse. Artificis enim perfecti instar Deus hīc occurrit, ad τοῦ ἀγαθοῦ ideam rudem informemque materiem informans. Quod autem illic de mundi primordiis leviter significavimus, hīc ex ipso Timaeo plenius interpretari licet. Inapte posteri sententiam hac de re Platonis acceperunt: veluti Epicurei, quum Deum Platonis fabri, nescio cuius, instar, mundum, tamquam aedificium aliquod construētem et aedificantem sibi proponerent: unde facile erat, adversus Platonem inanes cavillationes petere: quod facit apud Ciceronem Vellejus Epicureus. *Tum Vellejus, fidenter sane, ut solent isti, nihil tam verens, quam ne dubitare aliqua de re videretur: tamquam modo ex Deorum concilio et ex Epicuri intermundiis descendisset: audite, inquit, non fuitiles commentissimasque sententias, non opificem aedificatoremque mundi, Platonis de Timaeo Deum. — Quibus enim oculis animi intueri potuit vester Plato fabricam illam tanti operis, qua construi a Deo atque aedificari mundum facit? Quae molitio? quae ferramenta? qui vestes? quae machinae? qui ministri tanti muneris fuerunt? quemadmodum autem obedire ac parere voluntati architecti aēr, ignis, aqua, terra potuerunt?* (1) Non ita ipse Cicero, qui et vertit Latine *Timaeum* et locis inde sumtis sublimibus scrip-

(1) Cic. de Nat. D. I. 8.

scripta sua illustravit: de statuæ accepit auctore, qui inuens ideas perfectamque sibi inde formam proponens, hujus ad similitudinem opus suum conficeret. Rectissime ita ille: uniceque inde intelligitur, quo sensu mundum hunc Plato τῶν αἰδίων θεῶν ἄγαλμα vocaverit. (1) Sed, quo minus in his interpretandis de vectibus et machinis cogitemus, pergat deinceps apud Platonem Timæus.

Quæramus autem causam, quæ eum impulerit, qui hæc machinatus sit, ut originem rerum et motionem novam quaereret. Ἀγαθὸς ἦν, ἀγαθῷ δὲ οὐδεὶς περὶ οὐδενὸς οὐδέποτε ἐγγίγνεται φθίνος: τοῦτου δ' ἐκτὸς ὢν, πάντα ὅτι μάλιστα ἐβουλήθη γενέσθαι περὶ πάντων αὐτῷ. Bonus erat: bonus autem invidet nemini: itaque omnia sibi similia generavit. Hæc nimirum gignendi mundi causa justissima. Βουλθεῖς γὰρ ὁ θεὸς ἀγαθὰ μὲν πάντα, Φλαῦρον δὲ μηδὲν εἶναι κατὰ δυνάμιν, οὕτω δὲ πᾶν ὅσον ἦν ὁρατὸν, περὶ πάντων, οὐχ ἡσυχίαν ἔχον, ἀλλὰ κινούμενον πλημμελῶς καὶ ἀτάκτως, εἰς τάξιν αὐτὸ ἡγάγεν ἐκ τῆς ἀταξίας. ἡγήσάμενος ἐκείνο τούτου πάντως ἄμεινον· Θέμις δὲ οὗτ' ἦν οὗτ' ἔστι τῷ ἀρίστῳ δρᾶν ἄλλο πλὴν τὸ κάλλιστον· λογισάμενος οὖν εὗρισκεν ἐκ τῶν κατὰ φύσιν ὁρατῶν οὐδὲν ἀνόητον, τοῦ νοῦν ἔχοντος ὅλον ὅλου κάλλιον ἔσεσθαι ποτ' ἔργον· νοῦν δ' αὖ χωρὶς ψυχῆς οὐ δύνατον παραγενέσθαι τῷ διὰ δὲ τὸν λογισμὸν τόνδε, νοῦν μὲν ἐν ψυχῇ, ψυχὴν δὲ ἐν σώματι συνιστάς, τὸ πᾶν ζυετectoκλίνετο, ὅπως ὅτι καλ-

λ-

(1) Timæo 57 C. Cf. Ruhn. k. ad Tim. p. 6.

confunderent. Horum factum intempestivo dogmatum conciliandorum studio est, ut et corrumpetur prorsus doctrina Platonis et salutaris homini, quae nata erat, religio, quippe commixta cum illâ et alienâ sic specie prodiens, vi suâ magnam partem destitueretur. Quamobrem nos, in ipso jam disquisitionum nostrarum exordio, cavendum esse ab hac hominum perversitate etiam atque etiam monuimus. (1)

Corruptioni doctrinae suae ipse videtur Plato ansam praeuisse. Nam in *Phaedone*, ubi divinam animi naturam celebrat, sic sprevisse eum et corpus et res omnes corporeas dixeris, ut potuerit hinc facile posteriorum philosophorum, ut Porphyrii, Jamblichi, similium, imo monachorum et anachoretarum disciplina exsistere. Statuit illic adeo, vitam philosophi *θανατοῦ μελετῆν*, *mortis meditationem*, sive, ad moriendum exercitationem quandam esse. Hoc autem placito quid esse efficacius ad tristem illam excitandam homineque indignam *de abstinentiâ* doctrinam potuit? Sed, quo rem rectius dijudicemus, ipsa hæc *Phaedonis* loca et legamus et recte interpretari conemur.

*De germani philosophi
vita.*

Placitum continuo in hoc dialogo profert Socrates, quod et caeteris, qui in carcere adsunt, et
Sinn-

(1) Vol. I. p. 80 sqq.

Simmiae in primis ac Cebes mirum accidit, *magis praestare, quam vivere*. Nam Simmiae mandaverat, ut Evenum valere juberet, ac, si recte is agere cuperet, se sequi. Hic ille, quale id est, o Socrates, quod Eveno mandas? Saepe enim in illum incidi, et quantum de eo cognovi, nullo tibi modo lubens parebit. Cui Socrates, quid vero, inquit, nonne philosophus Evenus est? — Mihi quidem esse videtur. — Volet igitur et Evenus et quicumque recte huic rei est deditus: quamquam vim quidem sibi non inferet: non enim fas esse ajunt. (1) Sequitur hic praeclara in *αὐτοχειρίαν* disputatio, e Pythagoreorum fonte ducta, ut mirari subeat, fuisse apud Veteres, prouti de Catone Uticensi et Cleombroto Ambraciota memoriae proditum est, qui, lecto *Phaedone*, violentas sibi manus inferrent. Memorat Socrates celebratissimum decretum: ὥς ἐν τινι Φρουρᾷ ἐσμὲν οἱ ἄνθρωποι, καὶ οὐ δεῖ δὴ ἑαυτοὺς ἐκ ταύτης λύειν οὐδ' ἀποδιδράσκειν· *esse nos homines in custodiâ quendam, nec decere quemquam ex hac seipsum solvere neque aufugere.* (2) Tum alterum hoc non minus praeclarum, τὸ θεοὺς εἶναι ἡμῶν τοὺς ἐπιμελουμένους, καὶ ἡμᾶς τοὺς ἀνθρώπους ἐν τῶν κτημάτων τοῖς θεοῖς εἶναι· *Deos esse, qui nostri curam habeant, nos autem homines unam quandam e possessionibus esse Deorum.* (3) Ergo, ait, tunc, o Cebes, si servorum quis tuorum tuo injussu semet ipsum interfecisset, probares, nec, si posses,

(1) *Phaedone* 61. C. (2) *Eod.* l. 62. B. (3) *Eod.* l.

ses, poenâ eum afficeret? Sed, ad ipsum hoc argumentum revocato sermone, videntur mihi, ait Socrates, quotquot germani sunt philosophi, nihil aliud consequi studere, quam ut moriantur ac mortui sint. Quod sic demonstrat. Monet primum, mortem esse animi a corpore solutionem; tum quaerit: videturne tibi, qui vere est philosophus, rerum corporearum, sensuum, voluptatum, cibi potusque studio teneri magnopere? An vero ita se res habet, ut ab iis, quoad ejus fieri potest, absteineat? — Sic omnino. — Quid vero? ad cogitandum recte, ut ad sapientiam perveniamus, impedimentum corpus est? veluti sensus, visus, auditus, caeteri, veritatem nobis percipiendam praebent, an vero recte nobis tradunt poëtae, nihil nos videre, nihil audire sincere accurateque? — Recte omnino illi. — Nonne igitur optime cogitat ac ratiocinatur animus, ubi istorum nihil ipsum conturbat, nec visus nec auditus nec dolor nec voluptas, ἀλλ' ὅτι μάλιστα αὐτὴ καθ' αὐτὴν γίγνηται, ἔῴσα χεῖρειν τὸ σῶμα, καὶ καθόσον δύναται μὴ κοινωνοῦσα αὐτῷ μηδ' ἀπτομένη, ὀρέγεται τοῦ ὄντος; *sed quam maxime semet in se recipiens, deserit corpus, et, quoad ejus fieri potest, nec communicans se cum eo nec attingens, ad verum contendit?* — Ita se res habet. — Quid vero illa, quae vocamus, *pulcrum, bonum, justum?* Horum tu quidquam oculis vidisti? an vero quicumque nostrum, repudiata sensuum ope, ipse per se illa contemplari studuit, is optime illa animo percepit?

O 2

nit? — Prorsus. — Iccirco vere nobis demonstratum est, ὅτι, εἰ μέλλομεν ποτε καθαρῶς τι εἶσθαι, ἀπαλλάκτεον τοῦ σώματος καὶ αὐτῇ τῇ ψυχῇ θεκτέον αὐτὰ τὰ πράγματα· καὶ τότε, ὡς εἶπεν, ἡμῖν ἔσται οὐ ἐπιθυμῶμεν τε καὶ φαιμέν ἐρασάει εἶναι, φρονήσεως, ἐπειδὴν τελευτήσωμεν, ζῶσι δὲ οὐ· *si quid sincere intellecturi simus, discedere nos a corpore oportere atque ipso animo ipsas res contemplari: tum datum, ut videtur, consequemur, quod appetimus cuiusque nos dicimus amantes esse, sapientiam videbunt, quum mortui fuerimus, dum autem vivemus, nequaquam.* (1)

Facile his aliquem ad *abstinentiae disciplinam*, quae Neoplatonicorum et vero Christianorum quorundam fuit, adduci potuisse, sponte cernimus. Et vero, spretis ita et sensibus et voluptatibus et rebus omnino corporeis, quidni inde hoc item ducere posteritas debuerit, unam homini respiciendam futuram vitam esse, hanc negligendam, quoque magis quis animo prospiceret suo, eo magis ipsi esse a cibo potuque, ab amore, ab ipso matrimonio abstinendum? Horum vero nihil apud Platonem. Contra se res habet. Ipsi adeo religioni nostrae, ut prodita a divino auctore est, conveniunt, si recte accipiuntur, philosophi placita. Nam spectant haec in primis *veritatem, libertatem, virtutem*; Plato autem in illis, quemadmodum ad tria illa perveniendum philosopho esset, de-

(1) *Phaedone* 64 C. — 66 E.

declarare studuit. Non abstinendum prorsus a sensibus docuit, sed philosopho negavit indulgendum iis gratificandumque in eum modum esse, ut cum in *veritatis* studio conturbaretur, tum serviret iis ac suâ destitueretur *libertate*, tum vero in omnes libidines voluptatesque pronus, *virtute* excideret. Id vero praecipiens, quae germani esset philosophi vita, quaeque integra ac pura sanctitas, demonstravit. A *veritatis* eam studio repetebat, et vero sic statuit, nullam esse sive *libertatem* hominis sive *virtutem* sive *sanctitatem*, nisi quae cum *veri* amore et sapientiâ arctissime esset conjuncta: quod ex iis patet maxime, quae porro apud eum Socrates de *purgatione animi* in hoc dialogo persequitur. *Κάθαρσιν* vocat, quam saepius memoravit, animi a corpore separationem, ut ipse per se vivat agatque, a corpore, tamquam vinculis, solutus, ut in suam se receperit libertatem. Quod ut consecutus fuerit, et veritatem adsequetur facile, et sponte suâ virtutibus primariis, sapientiâ, fortitudine, temperantiâ, justitiâ excellat. (1)

*Qua homini ratione
ad vitae sanctitatem perveniendum
est?*

Quantum ad vitae sanctitatem veri studio ac sapientiae tribuerit Plato, ex hisce Socratis in car-

ce-

(1) *Phaedone* 67 E. — 68 C.

cere sermonibus intelligitur. Animadvertere id debuerant philosophi, qui, quamvis ex ipsi philosophi scholi profecti, tamen nec disciplinas graviores, quae ad veritatem docunt, nec virtutes adeo, quas diximus, curarunt magnopere, unam scilicet, nescio quam, sanctitatem affectantes. De virtutum autem cum vitae sanctitate necessitudine copiosus deinde Socratis est ac sublimis in eodem dialogo sermo. Caeterorum hominum, ait, si velis fortitudinem ac temperantiam considerare, videbitur tibi illa absurda plane. Mortem existimant omnes unum e maximis malis esse. Majorum autem meta malorum, quicumque in iis fortes sunt, sustinent mortem, quando sustinent. Metuendo igitur ac metu fortes omnes sunt, praeter philosophos: quamquam absurdum est, metu aliquem vel timiditate fortem esse. Sed qui inter eos temperantes dicuntur, nonne simili quodam modo se habent, ut intemperantiis quidam temperantes sint? quamquam id fieri non posse videtur. Verumtamen accidit iis illud, in fatui ipsorum temperantiis. Timentes scilicet, ne suis careant voluptatibus, a ceteris abstinere, et hunc in modum fiunt per intemperantiam temperantes. Atqui haec haudquam recta est, mi Simmia, ad virtutem via, voluptates voluptatibus, dolores doloribus, metum metu, majus minori, tamquam nummos, permutare; sed ille duntaxat rectus sit nummus, quo haec omnia oporteat commutari, nempe *sapientia*: hoc nummo emta venditaque omnia reapse erunt for-

fortitudo, temperantia, justitia, omninoque vera virtus cum sapientia, sive adsint, sive discesserint voluptates, timores, caeteraque hujus generis; χωριζόμενα δὲ φρονήσεως καὶ ἀλλαττόμενα ἀντὶ ἀλλήλων, μὴ σκισγραφία τις ἢ ἡ τοιαύτη ἀρετὴ, καὶ τῷ ὄντι ἀνδραποδώδης τε, καὶ οὐδὲν ὑγιὲς οὐδὲ ἀληθὲς ἔχει· τὸ δ' ἀληθὲς τῷ ὄντι ἢ καθαρσίς τις τῶν τοιούτων πάντων, καὶ ἡ σωφροσύνη καὶ ἡ δικαιοσύνη καὶ ἡ ἀνδρεία, καὶ αὐτὴ ἡ φρόνησις μὴ καθαρμός τις ἢ· *sin autem a prudentia segregata atque invicem permutata sint, vide, ne inanis quaedam umbrae descriptio talis virtus sit ac reapse servilis, nec sanum quid aut verum habeat: horum autem omnium verissime purgatio sit cum temperantia, tum justitia, tum fortitudo, ipsa autem sapientia remedium sit aliquod.* (1)

Talis apud Platonem est sapientiae caeterarumque virtutum cum sanctitate necessitudo. Quo magis cernimus, alienam plane ejus doctrinam ab omni superstitione esse. Nam superstitio unde crebrius, quam e rerum ignorantia praepjudicatisque opinionibus exsistit? Horum autem philosophus, qui idem est veritatis amantissimus rectissimaque via ad sapientiam contendit, maxime est immunis. Sed id priusquam accuratius exploremus, persequi juvat sublimem Platonis de hoc ipso philosophiae munere sententiam. In Deorum vero genus, haec Socrates porro Cebet, nulli fas est pervenire, praeter-

(1) *Phaedone* 68 D. — 69 C.

terquam illis, qui *discendi* cupiditate flagrantēs, pari d'scesserunt. Horum illi gratia ab omnibus corporis cupiditatibus abstinent. Sciunt enim, philosophiam ipsorum animum, vinctum plane in corpore, ac per corpus, tamquam per carcerem quendam, res considerare coactum: sciunt, inquam, sic se habentem ipsorum animum philosophiam suscipere, sensimque admonere ac solvere conari, ostendentem, fallax esse oculorum, fallax aurium caeterorumque sensuum iudicium, tum vero suadentem, ut discedat ab his, se ipsum revocet inde atque colligat, nec ulli, praeterquam sibi, fides habeat. Hunc autem in modum cum solverit ipsorum animum philosophia, haud arbitranter oportere, iterum illum voluptatibus ac doloribus dedere, iterumque vincire atque irritum opus facere, quasi telam Penelopes retexentes. Imo vero horum tranquillitati studens philosophorum mens, ἐκμίσθῃ τῷ λογισμῷ καὶ αἰεὶ ἐν τούτῳ οὔσα, τὸ ἀληθές, καὶ τὸ θεῖον, καὶ τὸ ἀδόξατον θεωμένη, καὶ ὑπ' ἐκείνου τρεφόμενη, ζῆν τε οἶεται οὕτως, ἕως ἂν ζῇ· καὶ ἐπειδὴν τελευτήσῃ, εἰς τὸ συγγενές καὶ εἰς τὸ τιεῦται ἀφικμένη, ἀπὸ ἀλλήλων τῶν ἀνθρώπων περὶ τὴν *rationem secuta et semper in eo versata, verum, divinum, certum contemplatur: a quo nutrita ita vivendum censeat, quamdiu vivat: ac postquam hinc discesserit, in cognatum se spectat locum venturam atque ita malis exemptum iri humanis.* (1)

De

(1) Γ' Ἀπομνημονεύματα Σα Γ. — Σδ Β.

De divina natura.

Ilac igitur via ac ratione philosophia nos apud Platonem ad sanctum divinumque educit. Quod autem diximus, immunem ejus doctrinam cum superstitionis esse, tum praejudicatarum opinionum, id, uti e dictis intelligitur, ita tum nobis maxime patebit, ubi praeclaram philosophi de divinâ naturâ sententiam exposuerimus. Prodidit eam Plato in *Timaeo*; sed non negligenda nobis sunt haec ipsa in *Phaedone*, quae attulimus, de sancto divinoque loca: nec vero silentio praetermittendum, quod de divinâ naturâ in libris *de Republica* pronuntiavit. Memoratis illic poëtarum de Diis atque heroibus fabulis, efficit inde Socrates, uti vidimus supra, quantopere illae abjectam alere hominum superstitionem debeant. Peccare, ait, non verentur, quandoquidem, ut a teneris didicerunt, λύσεις τε καὶ καθαρμοὶ ἀδικημάτων, διὰ θυσιῶν καὶ παιδιᾶς ἡδονῶν, εἰς μὲν ἔτι ζῶσιν, εἰς δὲ καὶ τελευτήσασι· *solutiones purgationesque sunt scelerum per sacrificia atque ludorum oblectamenta, cum iis qui vivunt, tum etiam mortuis.* (1) Falsam hanc Plato et vero turpem de divinâ naturâ opinionem senex de industria refutavit, cum *Leges* scriberet: in hoc autem *de*
Re-

(1) *De Rep.* II. 364. E. Similiter *de Legg.* X. 885 B. εὐπράμυλτους εἶναι τοὺς θεοὺς, θυσίαις τε καὶ εὐχαῖς παραγομένους.

Republica opere refutat sic, ut veram ei uniceque sublimem doctrinam opponat, Deique veluti τῶν αὐτῶν exprimat, quos in sua civitate imitari poëtas jubet. Sed ipsos hic attendamus Socratis cum Adimanto sermones.

Τὺτα περὶ θεολογίας*
quintum sunt servandi maxime?

Nam, ut rogaverat Adimantus, quinam essent maxime περὶ θεολογίας τὺτα, sic Socrates: εὐαὶν ἀγαθὸς ὁ γε θεὸς τῷ ὅτι τε, καὶ λεγέτω ἔστιν; nonne te verò bonus Deus est, atque ita dicendum? — Procul dubio. — Atqui nullum bonum noxiū est? — Nullum, ut arbitror. — Quod innocuum est, numquid nocet? — Nequaquam. — Quod non nocet, numquid mali facit? — Neque istud quidem. — Quod autem nihil mali facit, nullius mali est causa. — Nullius. — Quid porro? nonne utile bonum est? — Prorsus. — Ergo bene feliciterque agendi causa est? — Est. — Non igitur omnium causa bonum est, sed eorum duntaxat, quae bene se habent: eorum vero, quae male, nequaquam? — Sic est omnino. — Οὐδ' ἄρα ὁ θεός, ἐπειδὴ ἀγαθός, πάντων ἀπ' εἴη αἰτίας, ὥς αἱ πολλὰί λεγούσι· ἀλλ' ἐλόγην μὲν τοῖς ἀσθράκας αἰτίας, πολλὰν δὲ ἀκαίαν;· πολὺ γὰρ ἐλάττω τὰγαθὸν τῶν κακῶν ἡμῶν· καὶ τῶν μὲν ἀγαθῶν οὐδένα ἄλλων αἰτιατίαν· τῶν δὲ κακῶν ἄλλ' ἅττα δεῖ ζητεῖν τὰ αἰτία, ἀλλ' οὐ τὸν θεόν· — Non igitur Deus, cum bonus sit, omnium causa est,

ut

ut vulgo dicunt; sed paucorum quidem hominibus in causa est, multorum vero extra causam: multo enim pauciora nobis sunt bona, quam mala: et bonorum quidem solus Deus causa est dicendus; malorum vero quamlibet aliam praeter Deum causam quaerere deceat. (1) Hic digreditur Socrates in loca Homeri, quibus Dii occurrunt malorum auctores, tum Aeschyli dictum exagitat:

— θεὸς μὲν αἰτίαν φέει βροτοῖς,

Ὅταν κακῶσαι δῶμα παμπήδη θέλῃ.

Quibus subjungit: vel sinendum non est, poëtam dicere, Dei haec esse opera; vel, si Dei sunt opera, invenienda est in his ea, quam nunc quaerimus, ratio: dicendumque, ὥς ὁ μὲν θεὸς δίκαιά τε καὶ ἀγαθὰ εἰργάζετο, οἱ δὲ ὀνύαντο κολαζόμενοι. *Deum quidem justa ac bona perfecisse, mortalibus autem poenas profuisse.* Miseros hos esse, quod poenas luant, hujus autem rei auctorem Deum esse, id dicere non permittendum poëtae est; sin vero diceret, miseros esse malos propterea, quod poenis egeant, luentes autem poenas juvari a Deo, permittendum. (2) Κακῶν δὲ αἴτιον φάναι θεὸν τινὶ γίγ-

(1) *De Rep.* II. 579 A — C. (2) Vulgo haec male accipiuntur, quasi voluerit Plato: *sed si dicant, illis poena opus fuisse, quum miseri sint mali.* Fuit, cum verba transponerem: ἀλλ' εἰ μὲν λέγοιεν, ὥς ἄβλοι οἱ ἡμεῖς, ὅτι ἐδεήθησαν κολάσεως, διδόντες δὲ — Sed interpungendo restituimus locum in hunc modum: ἀλλ' εἰ μὲν, ὅτι

γίγνεσθαι, ἀγαθὸν ὄντα, διαμυχετέον παντὶ τρόπῳ, μήτε τινὰ ταῦτα λέγειν ἐν τῇ αὐτοῦ πόλει, εἰ μέλλει εὐνομήσεσθαι, μήτε τινὰ ἀκούειν, μήτε νεώτερον, μήτε πρεσβύτερον, μήτε ἐν μέτρῳ, μήτε ἄνευ μέτρου μυθολογούντα· ὥς· οὐδ' ὅσα ἂν λεγόμενα, εἰ λέγοιτο, οὔτε ξύμφορα ἡμῖν, οὔτε ξύμφωνα αὐτὰ αὐτοῖς. *Malorum autem alicui causam esse Deum, cum bonus sit, refellendum omnino est: neque permit- tendum, hoc quemquam vel dicere in civitate sua, si bonis institui legibus civitas debet, vel audire, sive sit ille junior, sive senior, sive carminibus haec inserantur, sive soluta oratione enarrentur: quippe quae nec sancta honestave sint, si dicantur, neque utilia nobis, neque inter se consona.* (1)

Locus hic sane apud Platonem, ut sublimem ip-
sius de divinā naturā sententiam percipiamus, unus
in paucis maxime notandus nobis est: valet adeo
ad nostrum de sublimi argumento iudicium cum
illustrandum, tum confirmandum. Nam distingu-
enda nobis est, quod negligitur a multis, duplex
vocis *bonitas* significatio. Usurpamus eam de Dei
erga nos clementiā, ut apud Ciceronem non semel
occurrit; v. c. ubi de Dionysio narrat: *Jam men-
sas argenteas de omnibus delubris jussit auferri:
in quibus quod more veteris Graeciae inscriptum
esses, BONORUM DEORUM, uti se eorum bonitate*
vel

ὅτι ἐδείκτεν καλότητας, λέγοιεν, ὥς ἔθλοι οἱ κακοί,
διδ. (1) *De Rep.* II. 379 C. — 380 C.

velle dicebat. (1) Fit ita, ut nos fere de Dei attributis agentes, *bonitatem* Dei de munificentia ejus inque hominem voluntate accipiamus. Et recte nos quidem. (2) Verumtamen est alia item ejusdem vocis vis, ubi de *bonitate* v. c. *ingenii*, *vocis*, *causae*, similium agimus. Significat ita rei *virtutem*, *praestantiam*, *perfectionem*. Id sic traducendum ad divinam naturam est, ut *moralement*, quam nos vocamus, *bonitatem*, i. e. virtutem summam perfectamque intelligamus, eamque non minus, quam clementiam et benignitatem, ad Dei attributa, imo vero ad divinae naturae οὐσίαν referamus. Id scilicet intelligebat divinus divinae naturae interpres, quum juveni, qui ipsum vulgari ratione *bonum magistrum* appellaverat, illud reponebat: Τί με λέγεις ἀγαθόν; οὐδεὶς ἀγαθός, εἰ μὴ εἷς, ὁ Θεός. (3) Sed nos de altero item Platonis περὶ θεολογίας τύπῳ videamus.

Bonus igitur Deus est, ait Socrates, eique contraria sunt quaecunque nos *mala* vocare solemus: horum homines auctores existimandi sunt, Deus non auctor est. Quid vero secundus hic τύπος? Num existimas praestigiatores esse Deum, et, veluti ex insidiis, alias alia sub specie apparere? an vero simplicem esse potius minimeque omnium speciem

(1) Cic. de Nat. Deor. III. 34. (2) Nuper de hoc loco, in omni theologia gravissimo, elegans apud nos prodiit disquisitio J. H. Scholteni: de Dei erga hominem amore. Troj. ad Rh. 1836. (3) Euang. Lucae XVIII. 19.

eius mutantem? (1) Ingreditur ita Socrates de *immutabilitate* Dei ac *veracitate* dicere: utramque autem e divinae naturae indole repetit. Quidquid, ait, speciem mutat suam, vel per semet ipsum intrinsecus, vel extrinsecus ab alio mutatur. Quod vero optime se habet, minime est mutationi obnoxium. Atqui ὁ θεός τε καὶ τὰ τοῦ θεοῦ πάντα ἄρρα ἔχει· ταῦτα δὲ ἴσως ἐν πολλὰς μορφὰς ἵσχυς ὁ θεός. *Deus resque divinae optime se habens: quomobrem minime Deus multas aliunde formas suscipiat.* Numquid vero per semet ipsum Deus se immutet? Sed, id si fieret, in pejus se mutaret: nam indignum pulcritudinis vel virtutis Deum esse, haud dicamus. Pejorem vero se reddere nec Deus nec homo velit. Quod autem vulgo dicunt, mentiri subinde Deos, ut aliena sub specie hominibus apparentes, prosint iis: duplex mendacium est, alterum verum, veri alterum imago: illud omnes omni aeo et Dii et homines odierunt: est enim ignorantia rerum, ut semet ipsum quis decipiat: imago autem veri mendacii, quae verbis factisque se prodit fallacibus, neque haec etiam in Deum cadit: nam cum ad alios decipiendos pertineat, tali mendacio, ut hominibus prosit, Deus non utitur; κοινὴ ἄρα ὁ θεὸς ἀπλοῦν καὶ ἀληθές ἐν τε ἔργῳ καὶ ἐν λόγῳ· καὶ οὔτε αὐτὸς μέλειται, οὔτε ἄλλος ἐξαιετᾷ, οὔτε κατὰ φαντασίαν, οὔτε κατὰ λόγον, οὔτε κατὰ σημεῖον πομπῆς, οἷον ἔκαστ' αὐτὸς ἕστη. *Quare ei simplex omnino Deus est*

(1) *De Rep.* II. 380 D.

est et verax dictis factisque: neque mutatur ipse, neque alios decipit, neque per visiones, neque per sermones, neque signis immittendis, neque dormientibus nobis neque vigilantibus. (1)

*De Deo,
universi cum auctore,
tum gubernatore.*

Sic Plato in *Politia* cum vulgi superstitioni, tum poëtarum fabulis saniozem puriozemque opposuit de divinâ naturâ doctrinam. In *Timæo* autem Deum ipsum ad τύπους hosce divinitatis effinxit, nobisque, ut universum hocce cum informantem, tum gubernantem, sublimi oratione veluti ob oculos proposuit. Sed ad hunc dialogum priusquam accedamus, respondendum jam philosophis est, qui, quo facilius se ex omnis μυθολογίας ac θεολογίας difficultatibus expedirent, simpliciter vel esse Deos negarunt, vel si cum maxime essent, nil eos curare res humanas, statuerunt. Ad impias istorum de Deo opiniones tollendas, non vim adhibendam esse dicit Hospes ille in *Legibus* Atheniensis, sed persuasionem, fingitque adolescentem sibi obvium, istâ jam doctrinâ imbutum corruptumque, quem sic alloquitur: ὦ παῖ, νεὸς εἶ· προῖδὼν δέ σε ὁ χρόνος ποιήσει πολλὰ ὧν νῦν δοξάζεις μεταβαλόντα, ἐπὶ τὰναντία τίθεσθαι περίμεινον οὖν εἰς τότε
κρι·

(1) *De Rep.* II. 380 E. — 382 E.

ἐπεὶ περὶ τοῦ μεγίστου γίγνεσθαι μέγιστον δὲ, ὃ
 τὸν κόσμον ἡγεῖσθαι, τὸ, περὶ τοῦ θεοῦ ἐπὶ ἀνθρώπων
 βίῃ, ἔστι καλὸν ἢ μὴ. *Juvenis etiam nunc es, fili:
 nec dubito, quin progressio temporis efficias, ut de
 multis aliter, quam nunc, sentias: exspecta igitur,
 quæso, ut tunc de rebus maximis judices:
 maximum autem est, quod tu nunc nihil esse ar-
 bitraris, ut recte de Diis sentientes, bene vivamus.*
 Primum de illis tibi permagnum quid indicans, haud
 fallax reperiat: est autem hocce. Non tu solus,
 nec amici tui primum, hanc de Diis opinionem
 habetis; sed aliqui semper, cum plures, tum pau-
 ciores, hoc morbo laborarunt. Quod vero pluri-
 mis eorum contigit, tibi narrabo. Nullus scilicet
 eorum ab adulescentia usque ad senectutem in hac
 opinione, Deos non esse, perseveravit; reliqui
 autem duo morbi quamvis non multis, nonnullis
 tamen permanserunt, esse quidem Deos, sed de
 rebus humanis nihil curare: vel curare eos qui-
 dem, sed facile precibus sacrificiisque placari. Tu
 igitur, si mihi credis, exspectabis, donec plane
 constet tibi pro viribus, quid de his judicandum
 sit: utque id assequare, diligenter considerabis,
 sic, an vero aliter, se res habeat. Noli interea
 tam temerarius esse, ut impie de Diis sentias. (1)

Praemisso hoc monito gravissimo, quod senec-
 ruti cum experientiam, tum sapientiam refert, ca-
 villationibus deinceps sophistarum ac philosophorum

sic

(1) *De Legibus* X. 538 A - D.

λιστον εἶη κατὰ φύσιν ἀριστόν τε ἔργον ἀπειργασμένος· οὕτως οὖν δὴ κατὰ λόγον τὸν εἰκότα δεῖ λέγειν, τόνδε τὸν κόσμον, ζῶον ἑμψυχον ἔνουν τε τῇ ἀληθείᾳ διὰ τὴν τοῦ θεοῦ γενέσθαι πρόνοιαν. *Nam cum constitisset Deus bonis omnibus explere mundum, malū nihil admiscere, quoad natura pateretur: quidquid erat, quod in cernendi sensum caderet, id sibi assumpsit, non tranquillum et quietum, sed immoderate agitatū et fluctuans, idque ex inordinato in ordinem adduxit: hoc enim iudicabat esse praestantius. Fas autem nec est nec umquam fuit, quidquam nisi pulcerrimum facere eum, qui esset optimus. Cum rationem igitur habuisset, reperiebat, nihil esse eorum, quae naturā cernerentur, non intelligens; intelligente, in toto genere praestantius; intelligentiam autem ulli rei adjunctam esse, sine animo, nefas esse. Quocirca intelligentiam in animo, animum conclusit in corpore. Sic ratus est opus illud effectum esse pulcerrimum. Quam ob causam non est cunctandum profiteri, si modo investigari aliquid conjecturā potest, hunc mundum animal esse, idque intelligens et divinā providentiā constitutum. (1)*

Sublimis haec sane apud Platonem est cum Dei, tum mundi, ut a Deo informatus fingitur, imago. Nec audiendi nobis posterioris aetatis philosophi sunt, qui haec omnia, ut apud Ciceronem loquuntur, *portenta et miracula non disserentium* phi-

(1) *Timaeo* 29 D. — 30 C.

philosophorum, sed sensuientium⁽¹⁾ dixerunt. Sit nobis ipse Cicero denno philosophiae Platonicae interpret. Sententiam ejus de Phidiâ ejusque operibus hanc adduximus supra. *Nec vero ille artifex, cum faceret Jovis formam aut Minervae, contemplantur aliquem, e quo similitudinem duceret; sed ipse in mente insidebat species pulchritudinis cuius quondam, quem intuens in eaque defixus, ad istam similitudinem artem ac munus dirigebat.* ⁽²⁾ Talis instar artificis Deus nobis in Timaeo proponitur. Sed, ut Phidiâs in operibus suis perficiendis pulcrum, ita Deus, quippe naturâ sui bonus, bonum, τὸ ἀγαθόν, in mundo informando perficiendoque contemplatus fingitur. Quo propria τῷ κόσμῳ τὸ καὶ ἀγαθόν necessitudo intelligitur. Nam mundus hic propterea, de Platonis sententiâ, pulcherrimus est, quod bonus, imo, optimus ejus auctor est. Ὁ μὲν γὰρ κάλλους τῷ γεγραμένῳ, ὃ δὲ ἀγῶς τῷ αἰτῶσι. ⁽³⁾ Scilicet, ut item continetur, ὅπως αὐτὸ ἢ οὐκ ἔστι τῷ ἀμύτῃ ἀπὸ ἄλλο πλὴν τὸ κάλλος. ⁽⁴⁾ Pertinent haec autem illuc potissimum, ut mundus cuivis sive rei sive naturae potius, quam Deo, tribuatur. Fluxerunt inde recensionum cura poetarum, tum philosophorum de optime mundi deque optimismo, quem dixerunt, sententiae, quae ita se nobis maxime commendant, ut proxime nos ad earum fontem accesserimus.

(1) Apud Ciceroem. (2) Oratore c. 2. Cf. supra Vol. II. P. 2. p. 107. (3) Tim. 29. A. (4) Eod. 30. A.

mus. Quae vero deinceps in hoc dialogo de numerorum rationibus occurrunt, non confundenda cum posterioris aevi placitis de numerorum vi et efficacia videntur: ad musicam, sive harmoniam referuntur, quae artes apud Veteres ad mutuum exprimendum rerum universarum concentum adhibebantur. Praeclarus Ciceronis est in *somnio Scipionis* locus, ubi Scipio in coelum traductus, miratur, quis sit qui complet ipsius aures tantus et tam dulcis sonus. *Hic est*, ut ipsius avus interpretatur, *qui intervallis conjunctus imparibus, sed tamen pro rata portione distinctis, impulsu et motu ipsorum orbium conficitur: qui acuta cum gravibus temperans, varios aequabiliter concentus efficit: nec enim silentio tanti motus incitari possunt: et natura fert, ut extrema ex altera parte graviter, ex altera autem acuto sonent.* (1) Ductum id e Pythagorae et Platonis doctrinā, ac valet ad haec *Timaci* loca recte intelligenda. Nam quaeritur in iis δεσμός, quo apte juncta sint omnia. Δεσμὴν δ' ὁ κάλλιστος, ὅς ἐν αὐτὸν καὶ τὰ ξυνοόμενα ἔτι μάλιστα ἐν ποιῇ· τοῦτο δὲ πέφυκεν ἀναλογία κάλλιστα ἀποτελεῖν. Quae sic vertit Latine Cicero. *Sed vinculum id est aptissimum atque pulcerrimum, quod ex se, atque de his, quae adstringit, quam maxime unum efficit. Id optime assequitur, quae Graece ἀναλογία, Latine (audendum est enim, quoniam haec primum a nobis novantur) comparatio, proportione dici potest. Quando enim*
trium

(1) *De Rep.* VI. 11.

crum vel numerum, vel figuram, vel quorundamque generum, contingit, ut quod medium sit, ad primum proportionem, ita id postremo convertatur, vicissimque ut postremum cum medio, sic medium cum primo conferatur: id quod medium est, tum primum sit, tum postremum; postrema vero et prima media fiant, ita accessiones cogit, ut eadem sint ea, quae disjuncta fuerunt; eadem amem cum facta sint, efficiunt, ut omnia sint una. (1) Opportunitatem haec posteris deducunt, ut ad inexpressa quaeque commenta, ad portenta et miracula, quae Vellejus loquitur, veniant: apud Platonem ad naturae vim et pelliculicium exprimendum valent. Spectant illuc poëtae, quae de amore prodiderunt vetustissimi poëtae: tum fuisse, quo orto, chaos, rudis ista ingestum: et moles, in pelliculicium hunc mundum exornantemque sibi concincentem, commutaretur. A nullis non rebus Veteres sive imagines, sive metaphoras, sive rationes etiam, petierunt, quo clarus sibi, quicquid intus sentiebant, quasi ob oculos preponerent. Veluti quod mundum dixit Plato *τὸν εἶναι ἐκλογὴν ἑαυτοῦ καὶ τῆ ἀληθείας*, videatur illud abhorrentem plane et visum ita Vellejo esse: *non mundum animo et sensibus praeditum, rotundum, ardentem, volubilem Deum*, in somniis cunctis philosophorum. Sed abhorrebat antiquitas a piacitis istis, quae recentiore in primis aetate do-

(1) *For. 51 C — 52 A.*

minata sunt, quasi mechanica unice esset universi conditio, nihil vel ipsi, quo vigeret, vel ejus partibus, quo moverentur, inesset, omnia vero, ut in mechanico, quod dicitur, systemate, mechanicae legibus obtemperarent. Quamobrem vim illam, quam naturae non poterant non tribuere, variis modis exprimere conabantur. *Spiritum* vocabant illam, ut in Virgiliano illo:

*Spiritus intus alit, totamque infusa per artus
Mens agitat molem.* (1)

Alii vim illam cum igne comparabant, quod Heraclitus ac postea Stoici diligentius explicare studuerunt. Nec vero discessit ab hac vetustissima ratione Platonis physiologia. Sed is scilicet universo, ut νοῦν Anaxagoras, ψυχὴν tribuit; hanc autem ab ipso Deo inditam esse mundo pronuntiavit. Ducta in hisce ab homine similitudo est, cujus ut corpori ψυχὴν, ita ψυχῇ inesse νοῦν contendit Plato: factumque est ita, ut mundum vocaret ζῶον ἐμψυχον ἐννοον τε. Id autem quamvis sit a nostra cogitandi loquendique ratione alienum, tamen, si principium, unde manavit, spectamus, non potest nobis torum displicere. Nam, ut optimus quisque apud Veteres physiologus, ita Plato, non e lege quadam mechanicā naturae principium, sed altius, ab ipso naturae universique auctore repetiit.

Sunt haec nobis et singula et universa diligenter animadvertenda, si *Timaeum* ipsamque philosophi

(1) *Aen.* VI. 726.

*De hominis cum Deo
similitudine.*

Diximus de *Timaeo* Platonis, quatenus doctrinam philosophi de Deo, mundi auctore atque gubernatore, continet; sed, quae sit hominis cum Deo similitudo, et vero, quemadmodum contendendum homini sit, ut quam proxime ad divinae naturae perfectionem accedat, idem nos dialogus docet. Hic autem locus primum nobis e totâ Platonis philosophiâ explicandus est.

Nam quod in *Timaeo* genus humanum, *φύτὸν* dicitur οὐκ ἔγγειον, ἀλλ' οὐράνιον· non *terrestriis plantis*, sed *coelestis*, ⁽¹⁾ id in ipso philosophiae Platonicae prooemio explicatum vidimus. A coelo repetuntur illic animorum origines. Versati in Deorum choris sunt, antequam terrenum hoc corpus induerent et sacris interfuerunt omnium augustissimis: ὁ τε σὺν εὐδαίμονι χορῷ μακαρίαν θύην τε καὶ θέαν ἐπόμενοι μετὰ μὲν Διὸς ἡμεῖς, ἄλλοι δὲ μετ' ἄλλου θεῶν, εἰδὼν τε καὶ ἐτελοῦντο τελετῶν ἣν θέμις λέγειν μακαριωτάτην· ἣν ὠργιάζομεν ὁλόκληροι μὲν αὐτοὶ ὄντες, καὶ ἀπαθείς κακῶν ὅσα ἡμᾶς ἐν ὑτέρῳ χρόνῳ ὑπέμενεν· ὁλόκληρα δὲ καὶ ἀπλᾶ καὶ ἀτρεμῆ καὶ εὐδαίμονα φάσματα μυούμενοι τε καὶ ἐκπτεύοντες ἐν αὐγῇ καθαρᾷ καθαροὶ ὄντες καὶ ἀσήμεντοι τούτου ὃ νῦν δὴ σῶμα περιφέροντες ὀνομάζομεν ὁσρέου τρόπον δεδεσμευ-

(1) *Tim.* 90 A.

μενέωσι. (1) Inde autem orsus philosophus, rationem nos edocuit, qua redire nobis ad pristinam illam cum Deo similitudinem liceat. Amori in hac disciplinā primas partes tribuit. Nam ut illuc nos nostrum quisque Deum, tanquam choregum, sumus secuti, ita hūc illum quaerimus colimusque amasium, qui nobis maxime Deum nostrum referat: eumque quo magis et colimus et vero nos ipsos ad ejus exemplum perficere conamur, eo propius accedimus denuo ad divinae naturae similitudinem. Quo autem quis majorem secutus Deum est, ita per amorem ad majorem contendit perfectionem. Jovis cultores eum sibi amasium quaerunt, qui Διὸς sit animo. Σκοποῦσιν οὖν, εἰ Φιλόσοφος τε καὶ ἡγεμονικὸς τὴν Φύσιν· καὶ ὅταν αὐτὸν εὐρόντες ἐρασθῶσι, πᾶν ποιοῦσιν ὅπως τοιοῦτος ἔσται· ἐὰν οὖν μὴ πρότερον ἐμβεβῶσι τῷ ἐπιτηδεύματι, τότε ἐπιχειρήσαντες μανθάνουσί τε ὅθεν ἂν τι δύνωνται, καὶ αὐτοὶ μετέρχονται· ἰχνεύοντες δὲ παρ' ἑαυτῶν ἀνευρίσκειν τὴν τοῦ σφετέρου θεοῦ Φύσιν, εὐροῦσι, διὰ τὸ συντόνως ἡναγκάσθαι πρὸς τὸν θεὸν βλέπειν· καὶ ἐφαπτόμενοι αὐτοῦ τῇ μνήμῃ, ἐνθουσιῶντες, ἐξ ἐκείνου λαμβάνουσι τὰ ἔθη καὶ τὰ ἐπιτηδεύματα, καθόσον δυνατόν θεοῦ ἀνθρώπῳ μετασχεῖν. *Considerant igitur, utrum ad philosophiam et imperium natura valeat; et quando illum inventum dilexerint, omni opere contendunt, talis ut fiat. Ac nisi prius ad studium incubuerint, tunc contendentes et discunt undecunque possunt, et spon-*

(1) *Phaedr.* 250 C. Cf. *supra* Vol. I. p. 89.

sponte sua progrediuntur. Investigantes autem apud semet ipsos Dei sui naturam, inveniunt eam, quod continenter Deum adspicere coacti fuerint; cumque memoriâ comprehendentes, divinitus afflati ex eo suscipiunt mores et studia, quoad quidam Dei participi esse homini licet. (1) Haec apud Platonem amoris disciplina est, eodemque tramite omnis apud eum philosophia procedit. Nam sive nos illa ad pulcrum, sive ad verum, sive ad justum, sive denique ad sanctum divinumque ducit, illuc tendit constanter, ut nos, quoad ejus fieri potest, Deo similes efficiat. Divinum enim id omne est. Τὸ γὰρ θεῖον, in *Phaedro* statuit Socrates, καλὸν, ἀγαθὸν καὶ πᾶν ὃ, τι τοιοῦτο (2) ac Diotime in *Symposio*, ut ad pulcrum eduxit Socratem, ἐνταῦθα τοῦ βίου, αἶν, ὃ φίλε Σώκρατες, εἴπέρ που ἄλλοθι, βιωτὸν ἀνθρώπῳ, θεωμένῳ αὐτὸ τὸ καλόν. (3)

Sed ὁμοιώσει θεῷ κατὰ τὸ δυνατόν quid spectaverit Plato, ut ex omni ejus doctrinâ patet, ita perspicere nobis maxime ex ejus *Timaeo* licet. Spectandum nobis in eo dedit, quemadmodum ad perfectum exemplum Deus mundum informaverit; sed in *hominem* maxime, tamquam divinam quamdam, non terrestrem plantam, mentem nostram convertit. Praeclara illic hominis descriptio exstat: qua ad finem perductâ fere, hoc additur: τὸ δὲ δὴ περὶ τοῦ κυριωτάτου παρ' ἡμῖν ψυχῆς εἶδους διανοεῖσθαι δεῖ τῇ-

(1) *Phaedr.* 252 E. (2) *Phaedr.* 246 D. (3) *Symp.* 211 C. D.

ἤδη, ὡς ἄρα αἰὲς ἄρατος τοῖς ἐσώτερον δόξαι τῶν,
 ἰδὲ ἱερὰς εἰσὶν αἰὲς ἡμῶν ἐς' ἄλφῃ τῇ
 φαεινῇ. πρὸς δὲ τῶν ἐν σῶματι συγγένειας
 αἰὲς γὰρ ἡμῶν αἰσῶν. De praestantissimā ani-
 mae naturae specie de nationibus, hanc nobis singulis
 Latine, tamquam dominum, tributum, eandem-
 que in summo corporis arce sedem habere,
 usque per nostram cum coelo cog-
 nationem a terra extollere. (1) Unde cer-
 tum cum patet, tum philosophi profectum.
 Duxum inde Orisimum illud celebratissima est
 in Metamorphosis:

Præcipue cum spectant animalia cetera ferunt,
 Quæ humani sublimis dedit, cunctaque ferunt
 Juvat, et cunctis ad sidera tollere vultus. (2)

Tam Tollimus in Legibus. Ipsum autem homi-
 nem autem naturae non solum celeritate mentis
 præstat, sed etiam sonat, tamquam satellitibus, at-
 tribuit et manibus: et rerum plurimarum obscura-
 rum necessariis intelligentiis candoris, quasi fun-
 damentis quondam scientiarum: figuramque corporis
 habet et opem ingenio humano dedit. Nam
 cum ceteras animantes abjecisset ad
 partem, solum hominem crexit, ad coeli-
 que quasi cognationis domiciliique pris-
 tini conspectum excitavit. (3) Ut autem
 ferunt atque inole apud Platonem homo, ita sen-
 sum

(1) Timæo 90 A. Cl. 46 C. 69 D. (2) L. I. v. 84-86.

(3) Gen. de Leg. I. 1.

sum destinatione, cum Deo similitudinem et cognitionem refert. Eo consilio nos dicit in pulcherrimo mundo a Deo collocatos esse, ut ad universi ordinem concentumque partium omnium, nostrum ipsi animum, ad Dei exemplum, componeremus. Visum nobis, ait, propterea maxime largitus Deus est, ἵνα τὰς ἐν οὐρανῷ τοῦ νοῦ κατιδόντες περιόδους, χρῆσθαιμεθα ἐπὶ τὰς περιφορὰς τὰς τῆς παρ' ἡμῖν διανοήσεως, συγγενεῖς ἐκείναις οὔσαις, ἀταράκτοις τεταραγμέναις ἐκμαθόντες δὲ, καὶ λογισμὸν κατὰ φύσιν δρθότητος μετασχόντες, μιμούμενοι τὰς τοῦ Θεοῦ, πάντως ἀπλανεῖς οὔσαις, τὰς ἐν ἡμῖν πεπλανημένας καταστῆσαιμεθα ut mentis conversiones, quae in coelo obtinent, intuiti, discursionibus mentis nostrae, ordinatas inordinatis perturbatisque, adhibeamus: iidemque, cognitis illis, ac percepto, quod naturae rectum est, Dei motus, qui non aberrant, imitati, nostrae motus cogitationis in ordinem revocemus ac componamus. (1) Pariter de cæteris sensibus nostris ac facultatibus statuit. Eum in finem maxime utendum iis censet, ut, quidquid in nobis divinitatis inest, id, percipiendo mundi spectaculo divino, cum excitemus, tum perficiamus. Est scilicet mundus, ut pronunciat apud eum Timæus, ipsius naturae divinae ἀγαλμα. Haud fuit unquam philosophus, qui de mundo, de Deo, deque hominis indole praeclarius magnificentiusque, quam Plato, existimaret: nec vero con-

(1) Timaeo 47 B. C.

confudit haec, ut illi fecerunt, qui pantheismum docerent. A mundo atque homine diligenter ille Deum distinxit: quo unice nobis potuit, ad divinae naturae imitationem, Dei imaginem proponere. Id vero, quemadmodum et instituerit et peregerit, in *Timaeo* legendo, vidimus.


EPILOGUS.

Perdixi ad finem negotium, cui peragendo totam ferme vitam impendi. Nec tamen is ego sum, qui sic, me auctore, rem plane confectam arbitrer. Habebunt posterī, quae vel corrigant in hisce, vel suppleant, permulta. Sed quo id rectius agant ac Platonis aliquando philosophiam prorsus in luce ponant, critica adhibenda *philosophia* quaedam erit, ut ab erroribus, quibus lapsi superiorum aetatum interpretes sunt, caveant. Equidem, si proficere quis forte e meo exemplo velit, cavendum potissimum ab his censui: primum, ne *doctrinam* spectarem Platonis, *formam* negligere: traderem dogmata philosophi, quasi essent haec singula singulatim ab auctore libro quodam metaphysico condita, non attenderem dialogi, imo Socraticam rationem, qua usus ille, interrogando, inquirendo, distinguendo, admirabilem in modum illustravit omnia: quam qui neglexerunt, Platonem nobis fere, non, ut lumen philosophiae, sed tamquam de schola philosophum aliquem, proposuerunt. Deinde, ne dividerem in partes et veluti dissecarem philosophiam Platonis, ac si contineretur haec *physical, dialectic-*

Artes, etiam: quod fecerunt et Xenocrate inde ad
hanc nostram aetatem interpretes. Repugnat id
ipsum Platonem et Josephum adoli ac naturae, quae
non purum systema, sed reapse institutio, ino
vero sacris quaedam est ad puram intaminatam-
que participationem veritatem. Itaque agitur quidem
in et de *Scientiis*, agitur de *ethicis*, itemque de
poetica; sed sunt apud Platonem artes ac discipli-
nae, praeterquam musica, dialectica, ethica, veluti
gravia quibus, quibus ad sublimem de Deo ac de
universo doctrinam, quam *physicam* vocant pos-
se antiqui, extendant. Non constat enim apud
Platonem philosophia doctrinis; sed artibus doctri-
nisque utitur, et hominem ad sapientiam ac Dei
similitudinem evellet et perficiat. Quapropter ab
illo *divina* nomine, et *θεωρητική* appellata est.
Omnium vero maxime credendum esse dixi, ne ao-
tatis meae opinionibus philosophandiue normam in
antiquum illud Platonis aevum tradiderem. Hinc
enim quantum et omnis antiquitatis et praeterquam
Platonis interpretatio doctrinae ceperit, dici non
potest. Nam primum, alienis immiscendis corrupta
plene est et obscurata philosophi doctrina, tum
etiam, et obrepta Platonis sunt, quae non ex-
starent in ipsis scriptis, ita, quae exstarent
maximeque viderentur memorata digna, neglecta
sunt. Veluti, quae de musica, de poetica, praeter-
quam de amore et duplici quidem illo, *ἀγαπῆ*
et *εὐδοκῆ*, miri elegantia scripsit Plato, non ce-
perat hanc homines, recentiorum systematibus
ad-

addicti, certe systemati haec suo non potuerunt accommodare. Quamobrem vel silentio praetermiserunt illa, vel, cum id non liceret, intempestive alieno loco interposuerunt. Quid dicam de artium omnium laudatarum ac disciplinarum instauratione, cujus auctor Plato fuit: de novo musicae ac poëseos, de novo geometriae ac dialecticae, de novo eloquentiae, imo vero de novo quodam et sublimiore ethicae, politicae, adde et theologiae genere, quod scriptis prodidit ac celebravit suis? Id omne, quale sit, ne suspicari quidem possunt, quotquot non totos sese et penitus in aetatem Platonis ipsiusque scripta insinuaverunt. Sunt autem haec nobis perdiligenter attendenda, si quidem et interpretari philosophiam Platonis, et ambitum ejus omnem mente complecti, et vero proficere inde ad temporum nostrorum usum velimus. Nam desiderare haec aetas commutationem philosophiae, quin etiam renovationem quandam videtur, ut nec *transscendentalis* sit, nosque *a priori* ratiocinari ac statuere pergamus, nec vero sit, quod dicitur, *empirica*, solaque contineatur observatione rerum externarum; sed, mediam tenens eandemque regiam viam, sic procedat, ut physici hodieque solent, qui *a posteriori* exquirunt, quid *a priori* sive intus in rerum naturam lateat; hinc autem explicare naturae phaenomena conantur. Quod quemadmodum instituendum in animum humanum ac mundum intelligibilem et moralem sit, quidque inde ad indolem hominis ac naturales facultates et cognoscendas et per-

perficiendas, tum etiam ad ipsum, quem dixi, mundum intelligibilem et moralem explicandam, sperare atque expectare liceat, e Platonis, ni fallor, philosophandi ratione, ut exposita a nobis est, efficitur facile. Nam quod antiquam illam philosophiam commendamus, non ita accipiendum, quasi retrogradi velimus, missisque, quae adsum nobis, Veteribus defuerunt, doctrinae sapientiaeque adminiculis, iter nostrum iisdem, quibus Veteres, terminis definire jubeamus. Vetant hoc et alia permulta, et vero *religionis*, quae post illorum tempora existit, cum ubertas, tum ad sapientiae viam recte tenendam efficacitas. Sed sic velim ex antiqua illa philosophia proficiamus, ut, quid sit philosophia, qua sit via et ratione tractanda, quo maxime sit consilio propositoque excolenda, tum in primis, quemadmodum ad artes doctrinasque omnes provehendas adhibenda sit, discamus. Hoc illud est, quod ab initio scripsi, et hic iterandum censeo: prodire e scholae angustiis ac generi humano prodesse philosophia debet, sed, hoc ut fiat, *philosophos* oportet rite esse in schola eruditos, Secretis maxime et Platonis institutione.



PHI

PHILOSOPHIA JUSTI

SIVE

DE VITA BEATA.

V. III. p. 1

De animi natura.

p. 14

*De vi amoris
ad virtutem felicitatemque
hominis.*

p. 15

*De rationis in animo
auctoritate.*

p. 19

*Animi cum equorum
jugo et auriga comparatio.*

p. 21

*De justitia et felicitate.
Sufficitne homini ad beate vivendum
justitia?*

p. 27

*Thrasymachi
de justitia ac felicitate
placita.*

p. 29

R

Jus-

*Iustissimi hominis
et iniustissimi, felicitatis ratione
habita, comparatio.*

p. 38

*Quid in animo hominis
iustitia est?*

p. 52

*Iustitiae exquirendae causa
civitas fingitur.*

p. 53

*Initia civitatis. Undenam
repetenda sunt?*

p. 54

*Civitatis custodes. De recta
eorum per musicam et gymnasticam
institutione.*

p. 56

*De artium in civitate,
ad ipsam excolendam recte,
vi et auctoritate.*

p. 61

*De placito Platonis,
mutata musicae ratione, ipsam
mutari ac commoveri
civitatem.*

p. 62

De

*De gymnasticâ
custodum educationi recte
adhibendâ.* p. 69

De rectoribus civitatis. p. 74

*Quid causae esse
dicamus, ut pessime fere regantur
civitates?* p. 77

*De miserâ philosophiae
conditione.* p. 81

*De disciplinarum
in civitate, ut recte regatur,
vi et efficacitate.* p. 87

*De adhibendâ rebus
politicis, ut perfecta sit civitas,
cum pulcri, tum veri
philosophiâ.* p. 88

*De effato Platonis,
non ante rebus publicis finem futurum
malorum, quam praesint illis
philosophi.* p. 89

DE

DE VIRTUTIBUS,
QUIBUS VITA CONSTARE BEATA
VIDETUR.

p. 270

*Ubinam latere
in civitate, maximeque in homine
justitiam suspicemur?*

p. 271

*Ubinam in civitate
sapientia?*

p. 272

*Ubinam fortitudo
in civitate?*

p. 273

*Ubinam item in civitate
temperantia?*

p. 274

*Ubinam tandem in civitate
justitia latet?*

p. 275

*Ad tres illas civitatis
partes, quatuorque in ea virtutes,
animi exigitur natura.*

p. 276

De ratione et cupiditatibus.

p. 277

De

*De distinguendo ab hisce recte,
qui nobis inest, θυμῷ.*

p. 107

*Civitati optimae homo
comparatur. De virtutibus animi
primariis.*

p. 110

*Quid tandem in ipso hominis
animo justitia est?*

p. 111

*De xi justitiae
in vitae humanae felicitatem.*

p. 114

*Platonicae hujus de justitia
disputationis interpretatio.*

p. 115

De politica Veterum.

p. 118

*De politicis Platonis
dialogis.*

p. 122

De Politia Platonis.

p. 124

*Politiae Platonicae
ac Ciceroniani de re publica operis
comparatio.*

p. 126

De

De Politicâ Platonis.

P. 125

*De opere Platonis
de Legibus.*

P. 127

DE
VITA BEATA.

P. 129

*Exigitur ad optimae
civitatis felicitatem earum conditio
civitatum, quae corruptae sunt.*

P. 130

*De timocratâ et viro
timocratico.*

P. 131

*De oligarchiâ et viro
oligarchico.*

P. 132

*De democratiâ et viro
democratico.*

P. 133

*Democratiae in tyrannidem
conversio.*

P. 134

De tyrannide.

P. 135

De

*De viro tyrannico. Qua
ratione fit?*

p. 164

Vita viri tyrannici.

p. 167

*Uter tandem beator? Justusne ille,
an omnium hic hominum injustissimus,
tyrannicus vir?*

p. 170

*De utriusque hominis
interna animi conditione.*

p. 171

*Quid maxime conferre
ad bene beateque vivendum videtur?*

p. 174

*Imaginum,
quibus animi naturam expressit
Plato, conjunctio.*

p. 176

*De futura justissimi
hominis et injustissimi post mortem
conditione.*

p. 180

*Absolvitur tandem
de justitia, num sola ad beatam vitam
sufficiat, judicium.*

p. 181

De

De rebus divinis 10



De rebus divinis 10



De rebus divinis 10



PLATONIS
DE REBUS DIVINIS
EPILOGA



PLATONIS SANCTI
HOMERUS ET APOLLO PLATONEM EST,
EPILOGA.



De rebus divinis
De rebus divinis
De rebus divinis



De rebus divinis
De rebus divinis
De rebus divinis



De rebus divinis
De rebus divinis
De rebus divinis

*De sancti divinique
studio, homini naturæ insito.* p. 206

PHILOSOPHIAE PLATONICAE
VIA, QUA NOS AD SANCTUM DIVINUMQUE
EVEHIT. p. 208

*De germani philosophi
vita.* p. 209

*Qua homini ratione
ad vitae sanctitatem perveniendum
est?* p. 212

De divina naturâ. p. 217

*De Deo,
universi cum auctore,
tum gubernatore.* p. 222

De Timæo Platonis. p. 225

*De hominis cum Deo
similitudine.* p. 247

EPILOGUS. p. 253

EMENDANDA.

- p. 8 l. 2. *hominis erat* l. *hominis erat*.
— 9 sub fin. *qui l'irritabilité:* l. *que l'i*
— 51 l. 6. *discepturus* l. *discerpturus*.
— 195 l. 12 ὕμῃς l. ὕμῃς.

4

VAN HEUSEDE,
INITIA
PHILOSOPHICAE
PLATONICAE.

Vol. III.

